



CONCIONES

DE TEMPORE ET SANCTIS,

AVTHORE

R. P. LVDOVICO GRANATENSI,


S. Theologiæ Professore, ordinis S. Dominici.

TOMVS PRIMVS,

*Qui est à prima Dominica Adventus usque ad
Quadragesima initium.*

Adiectæ sunt in fine quinque de Pœnitentia Con-
ciones, quæ diebus Dominicis in Quadra-
gesima post meridiem habitæ sunt.

Ad Vm. D. Galv. & Aub.



ANTVERPIÆ,

EX OFFICINA PLANTINIANA,

Apud Ioannem Moretum.

M. D. XCVII.

SUMMA PRIVILEGII.

REGIÆ Maiestatis privilegio cautum est, ne
quis *Conciones R. P. F. Ludonici Granatensis, sacre
Theologiae Professoris, &c.* citra voluntatem Ioannis
Moreti, Typographi Antuerpiensis, vel coniunctim,
vel separatim, aut in epitomen redactas, vlllo modo
imprimat, vel alibi impressas importet, distrahatur,
venalesve habeat per omnes eius ditionis fines; sub
poena confiscationis, & graui multa: vt latius patet
in litteris datis Bruxellæ, 16. Maij, Anno M. D. XCI.

Signat.

S. de Grimaldi.

&

I. de Buschere.

Bien. G. 11 11

LICENCIA DEL CONSEJO REAL.

3



ON Phelipe por la gracia de Dios Rey de Castilla, de Leon, de Aragon, de las dos Sicilias, de Ierusalem, de Nauarra, de Granada, de Toledo, de Valencia, de Galicia, de Mallorcas, de Seuilla, de Cerdeña, de Cordua, de Corcega, de Murcia, de Jaen, de los Algarues, de Algezira, de Gibraltar;

Conde de Flandres, y de Tirol, &c. Porquanto por parte de vos fray Luys de Granada, de la orden de sancto Domingo, residente en el conuento dela dicha orden en la ciudad de Lisbona, nos ha sido fecha relacion, que vos auiaades compuesto dos libros de Sermones, que seruian desde el primer Domingo del Aduento, hasta el fin de la Quaresma: los quales eran vtils & prouechosos: suplicandonos os mandassemos dar licencia para los poder imprimir, o como la nuestra merced fuesse: Lo qual visto por los del nuestro Consejo, y como por su mandado se hizieron las diligencias que la pragmatica por nos nueuamente hecha sobre la impresion de los libros dispone, fue acordado, que deuiamos mandar dar esta nuestra carta, para vos en la dicha razon: y nos tuuimos lo por bien. Y por la presente os damos licencia y facultad, para que la persona que vuestro poder vuiere, pueda imprimir los dichos libros, que de suso se haze mencion, por los originales que en el nuestro Consejo se vieron, que van rubricados y firmados al cabo de Pedro de Marmol nuestro escriuano de Camara, de los que en el nuestro Consejo residen: y con que antes que se vendan se traygan al nuestro Consejo, juntamente con los originales: para que se vea si la dicha impresion esta conforme a ellos: y se os tasse el precio que por cada volumen uiereades de auer, so pena de caer & incurrir en las penas contenidas en la dicha pragmatica y leyes de nuestros Reynos. Delo qual mandamos dar y dimos esta nuestra carta, sellada con nuestro sello, y librada por los del nuestro Consejo. Dada en la villa de Madrid, a diez y siete dias del mes de Nouiembre, de mil y quinientos y setenta y quatro años.

<i>D. Episc. Segobien.</i>	<i>El licenciado Fuen mayor.</i>	<i>El licenciado Contreras.</i>	<i>El doctor Luys de Molina.</i>
<i>El doctor don Inigo de Cardenas capata.</i>	<i>El doctor Aguilera.</i>	<i>El licenciado Conarruiz.</i>	

Yo Pedro de Marmol secretario de Camara de su Catholica Magestad, la fize escriuir por su mandado, con acuerdo de los de su Consejo.

EL REY.



BONRQVANTO per parte de vos fray Luyz de Granada, de la orden de sancto Domingo, nos ha sido hecha relacion, que vos haviades compuesto y hecho des tomos de sermones, desde el premier Domingo del Aduento, hasta fin de la Quaresma, los quales eran muy utiles y provechosos: y no supplicastes, que teniendo consideracion a lo que en ello aveis trabajado, os diessemos licencia, y mandassemos, que vos, o la persona o personas que vuestro poder vuisseis, y no otras algunas, le puedan imprimir ni vender en estos nuestros reynos, ni traerlo a vender de fuera dellos. Y porque auendose visto aquel por nuestro mandado, parecio que de imprimir le se seguiria mucho beneficio: Por la presente os damos licencia y facultad, para que vos, o la persona, o personas que vuestro poder para ello vuiereis, y no otras algunas, puedan imprimir y vender ni impriman ni vendan los dichos libros en estos nuestros reynos, por tiempo de diez años, contados desde el dia de la fecha desta nuestra cedula en adelante, so pena que qualesquier personas que sin tener vuestro poder lo imprimieren, o hizieren imprimir, y le vendieren, o hizieren vender, pierdan toda la impressiõ que hizieren, o vendieren, y los moldes y aparejos con que lo hizieren, y mas incurran por cada vez que lo contrario hizieren en pena de cinquenta mil maravedis: de la qual la tercia parte sea para nuestra camara y fisco, y las otras dos por mitad, para el juez que lo sentenciare, y el denunciador. Y mandamos que cada pliego de molde deste tratado se venda al precio, que por los del nuestro consejo fuere tassado: A los quales y al presidente y oydores de las nuestras audiencias, alcaides alguaziles de la nuestra casa y corte, y chancelerias, y a todos los corregidores, assisiente, gouernadores, alcaides maiores y ordinarios, y otros iuexes y iusticias qualesquier de todas las ciudades, villas y lugares de los nuestros reynos y señorios, assi a los que agora son, como a los que seran de aqui adelante que vos guarden y cumplan esta nuestra cedula y merced, que assi os hazemos: y contra el tenor y forma della ni de lo en ella contenido no wayan ni passen, ni consientan yr ni passar por alguna manera. Fecha en Madrid, a veynte de Enero, de mil y quinientos, y setenta y cinco años.

YO EL REY.

Por mandado de su Magestad,

Iuan Vazquez.

PRIVILEGIO DE ARAGON.



Os Don Felipe por la gracia de Dios Rey de Castilla,
 de Aragon, de las dos Sicilias, de Hierusalem, de Vn-
 gria, de Dalmacia, de Croacia, de Leon, de Nauarra, de
 Granada, de Toledo, de Valencia, de Galicia, de Mal-
 lorca, de Seuilla, de Cerdeña, de Cordua, de Corcega,
 de Murcia, de Iacn, de los Algarues, de Algezira, de
 Gibraltar, de las Islas de Canaria, de las Islas Indias y tierra firme del
 mar Oceano, Archiduque de Austria, Duque de Borgoña, de Braban-
 te, y de Milan, Conde de Barcelona, de Flandres, y de Tyrol, Señor de
 Vizcaya y de Molina, Duque de Athenas y de Neopatria, Conde de
 Rossellon, y de Cerdeña, Marques de Oristan, y Gociano. Porquanto
 vos fray Luys de Granada de la orden de sancto Domingo segun por
 vuestra parte nos ha sido referido, teneys escritos y compuestos al-
 gunos libros en Latin y en Romance de doctrina prouechose, los qua-
 les desleays hazer imprimir poco a poco: por tanto nos fezistes sup-
 plicar muy humilmente fuessemos seruido dar os licēcia para ello en los
 nuestros reynos y señorios de la corona de Aragon, con prohibition
 que ningun orro por tiempo y espacio de diez años los pudiesse im-
 primir, ni hazer imprimir, ni véder, ni lleuar los a véder de otras par-
 tes en los dichos nuestros reynos y señorios de la corona de Aragon,
 sin vuestra licēcia, orden y comisión, o de quien vuestro poder vuie-
 re, siendo primero los dichos libros vistos, examinados y aprobados,
 conforme a los decretos del sancto Concilio Tridentino, y como ma-
 nos pareciesse, y no de otra manera. Y nos atendiendo lo sobredicho,
 auemos tenido por bien condeceder a vuestra peticion en la manera
 infra scripta. Porēde con tenor de las Presentes, de nuestra cierta sciē-
 cia y real autoridad, deliberadamente y cōsulta, Damos licencia per-
 misso & facultad a vos el dicho fray Luys de Granada, y a quien vuestro
 poder tuuiere, que por tiempo de diez años, cōtaderos del dia pre-
 sente & infra scripto en adelante, podays imprimir, o hazer imprimir
 en qualesquier ciudades, villas & lugares de los dichos nuestros rey-
 nos & señorios de la corona de Aragon, al impressor, o impressores
 que quisiereades, los dichos libros que teneys escritos y compuestos en
 Latin, o en Romance, o qualquier dellos. Con esto empero, que antes
 que se impriman, sean traydos a este nuestro sacro supremo y real
 Consejo; para que los mādemos ver y reconocer: y vistos, reconocidos
 y aprobados, y no de otra manera los podays imprimir & hazer
 imprimir. Y despues de impresos queremos que assi mismo se traygan
 al dicho Consejo, para que se comparecn con los originales que auten-
 ticos mandado examinar, y sean aprobados: los quales y ran rubrica-
 dos de mano de nuestro lugarteniente de protonotario, o de algū orro
 secretario nuestro, o escriuano de mandamiento, por ver si estará con-
 formes con ellos: y vistos y comprobados, se os de licencia para los
 vender. Prohibiendo, segun que con las presentes prohibimos y vedā-
 mos que ninguna otra persona los pueda imprimir, ni hazer imprimir
 ni lleuar impresos de otra parte a los dichos reynos & señorios, sino
 vos el dicho fray Luys de Granada, o la persona, o personas que vue-

stro poder tuuieren, por tiempo de los dichos diez años, so pena de dozentos florines de oro de Aragon, y perdimiento de moldes & libros diuidedera en tres yguals partes: vna a nuestros reales coferes, otra para vos, y otra para el acusador. Mandando con el mismo tenor de las presentes de la dicha nuestra cierta scientia y real authoridad, a qualesquier lugartenientes, y capitanes generales, regentes la cancellaria, regente el officio, y portants vezex de general gubernador, alguaziles, porteros, vergueros, y otros qualesquier oficiales y ministros nuestros mayores y menores, en los dichos nuestros reynos & señorios dela corona de Aragon, constituidos y constituideros, y a sus lugartenientes y regétes los dichos officios, so incorrimiento de nuestra ira & indignacion y pena de mil florines de oro de Aragon de los bienes del que lo contrario hiziere exigideros, & a nuestros reales cofres aplicaderos, que la presente nuestra licencia y concession, y todo lo en ella contenido, tengan, guarden, y obseruen: tener, guardar, y obseruar hagan sin contradicion alguna, si nuestra gracia les es chara: y demas de nuestra ira & indignacion, en la pena sobredicha deslean no encorrer. En testimonio de lo qual mandamos despachar las presentes con nuestro sello real comú en el dorso selladas. Dada en Madrid a xxiiij. dias del mes de Septiembre, año del nascimiento de nuestro Señor, de mil & quinientos setente y dos.

YO EL REY.

Dominus Rex mandauit mihi Didaco Talayero ut uisitari curarem per don Bernardum Vicecancellarium, Comitem generalem thesaurarium, Loris, Sentis, Sapena, & Campi, Regentes cancellariam, & me pro conseruatore generali.

Vidit Don Bernardus Vicecanc.

Vidit Comes generalis thesaurarius.

Vidit Sentis Regens.

Vidit Campi Regens.

Vidit Loris Regens.

Vidit Talayero pro conseruat. generali.

Vidit Sapena Regens.

Yo

YO Pedro de Marmol secretario del Consejo de su Magestad, doy fee que los señores del Consejo de su Magestad, de pedimiento y supplication de parte de fray Luys de Granada de la orden de sancto Domingo, tassaron cada pliego de los libros intitulos, Sermones desde el primer Domingo del Aduento, hasta fin de la Quaresma: de que tiene licencia para los imprimir, a tres maravedis, y no mas: y a este precio y no mas le dieron licencia para que los pueda vender, con que antes y primero ponga esta fee al principio del dicho libro. Y ansí mismo dieron licencia al dicho fray Luys de Granada, para que la impresion que destos libros esta hecho en el Reyno de Portugal, los pueda traer a estos Reynos de Castilla, y vender los en ella al dicho precio, y no mas. En fee de lo qual, para que dello conste di esta fee, firmada de mi nombre. Fecha en Madrid a veynte y quatro de Henero, de mil y quinientos y setenta y cinco años.

Pedro de Marmol.

FACULTAS VICARI^{II} GENERALIS.

Præsentibus literis ego F. Hieronymus Correa, Vicarius generalis prouinciæ Portugalliæ, concedo tibi Reuerendo P. F. Ludouico Granatensi facultatem in lucem edendi, ac typis committendi Conciones, quas à Prima Dominica Aduentus ad finem vsque Quadragesimæ scriptas habes. In cuius rei fidē præsentis literas manu propria suscripsi. Datæ Olyssippone, die xxiiii. Iunij, M. D. LXXV.

*F. Hieronymus Correa,
Vicarius generalis.*

APPROBATIO THEOLOGORVM.

EX speciali commissione atque mandato Serenissimi Cardinalis Iffantis Portugalliae, Inquisitoris generalis huius Regni, perlegimus tres Tomos Concionum R. P. F. Ludouici Granatensis, à prima Dñica Aduentus vsque ad festum sacratissimi corporis Christi: nihilque in eis offendimus, quod vel orthodoxae fidei, vel bonis moribus aduersaretur. Quocirca dignissimos duximus, qui in lucem ederentur. Continent enim sanam salutaremque doctrinam, pietate ac deuotione plenissimam, eandemque perspicua & pura oratione descriptam: nec solum diuini verbi concionatoribus, sed omnibus etiam pie in Christo viuere volentibus cum primis vtilem & necessariam. In cuius rei fidem nomina nostra subscripsimus. Datae Olyssipponae, VIII. Calend. Decemb. M. D. LXXV.

*F. Antonius de sancto
Dominico Magister.*

*F. Bartholomeus Ferreira,
Praesentatus.*

ACcessit praeterea approbatio R. P. Alfonsi à Montoia Rectoris Collegij Complutensis ex societate Iesu: cui à Catholicae Maiestatis Senatu horum librorum examen commissum fuit.

Accessit etiam facultas Reuerendissimi Ordinarij Olyssipponensis, iuxta decreta sacri Concilij Tridentini.

S E R E

SERENISSIMO PRINCIPI

HENRICO, SANCTÆ ROMANÆ
Ecclesiæ Cardinali, F. Ludouicus Grana-
rensis sempiternam felicitatē.



QUICVNQVE vigilias suas principibus viris
dicare decreuerunt, quo illos operum suorum
patronos facerent, hoc in primis curare soliti
sunt, ut argumētū genus quod tractāt, illis plau-
sibile atque iucundum sit. Quod insignis quidam Philosophus
parum animaduertisse memoratur: qui cū Antiocho Asia
Regi librum quem de Iustitia scripserat, obtulisset, ab eo re-
pudiatus atque contemptus est, quod sibi, qui aliorum terras
inuaderet, & quæ alieni iurū essent, in suam ditionem subiun-
gere bellando niteretur, æquitatis & iustitiæ leges offerret. Ab
huius autem erroris nota mē modò longè abesse, Princeps se-
renissime, certò scio, cū sanctitatis amantissimo, sanctitatis
præcepta; & communis salutis studiosissimo, quæ ad commu-
nem fidelium salutem spectant; & omnium bonarum artium
& studiorum singulari patrono, quæ ad hæc ipsa studia inuare
nonnihil possint, hoc meo munere offero. Quamuis enim in
omnia Reip. negotia perpetuò sis intentus, & ita omnibus tan-
quam singulis pro animi tui magnitudine consulas: studia ta-
men pietatis & religionis, sacrarumq; literarum (quibus ani-
marum salus, & Christi gloria præcipuè continetur) omnibus
alijs pro tua insigni pietate anteferenda putas. Olim quippe
cū Eborensis Ecclesiæ clauum teneres, dedisti gnauius ope-
ram, ut bonos viros & concionandi peritos vñdecimq; ascisce-
res, quos proprijs sumptibus alebas: ut in omnibus cura tuæ
commissis Ecclesijs, celestis doctrina pabulum ouibus tuis sub-
ministraret. Deinde cū intelligeres, Cōfessoriorum ruditate
A S atque

atque ignorantia animarum salutem periclitari, neque tam
 numerosi gregis ministerio, peritorum ministrorū copiam sup-
 petere posse animaduerteres, nouo excogitato cōsilio (quod ti-
 bi non aliorum exemplum, sed ardens in Christum charitas,
 & singularis prudentia tua suggessit) idoneos sacerdotes ele-
 gisti, & ad Ecclesiā tuā sedem aduocasti, vt biennio ibidem
 quae ad ministerij sui rationem pertinerent, erudirentur: quos
 etiam simul cum eorundem praeceptoribus largā & munifica
 manā necessarijs alimentis prosecutus es. Cuius rei felici suc-
 cessu, sic generosus animus tuus, & communis salutis audissi-
 mus incensus fuit, vt ab his paruis initijs, ad longē maiora &
 vtiliora aspirans, in eadem vrbe florentissimā Academiā
 rebus omnibus instructissimā ab ipsis (quod dicitur) incuna-
 bulis erexeris, ornaueris, & ad summum vsque perfectionis
 culmen perduxeris. Quod quidem opus tale ac tantum est, vt
 siue gymnasiolorum structuram, splendidaq; aedificia, siue om-
 nium maximarum artium, sacrarumq; literarum praecepto-
 res, siue discipulorum frequentiam siue eorundem modestiam
 & religionem, siue temporis spatium, quo haec tanta res co-
 alescere & perfici potuit, spectare velis; facillē intelliges, tan-
 tum opus non humanis viribus, sed diuino numine his cōceptis
 adspirante, absolutum fuisse. Hec autem, serenissime Princeps,
 non eo consilio à me commemorata sunt, vt grauisimis auri-
 bus tuis hac mea oratione adularer (hoc enim & à singulari
 prudentia tua, & à professionis meae instituto alienissimum
 est) sed vt ceteri Ecclesiarum antistites (quibus salus anima-
 rum cara est) intelligerent, quā potissimum ratione earum
 salutem curare deberent. Sunt enim nonnulli, qui vbi Ecclesia-
 sticis causis diligenter animum intēderint, & fideliter quae ad
 iustitia leges pertinent administrauerint, & in pauperes atq;
 egenos liberales exstiterint, officio suo se plenissimē satis fecisse
 arbitrentur. At cum praeipuum pastoralis cura munus sit,
 homines à vitijs ad virtutis & religionis studium traducere;
 satis

satis apparet, peritorum Concionatorum & Confessoriorum manus, præcipuum ad hoc opus instrumentum esse. Vt enim qui in aëribus cali ludunt, & ardeas in sublime volantes insectantur, quosdam ad hoc accipitres querunt, qui prædam exagredient, quosdam verò qui illas rostro & unguibus impetant atque interimant: ita in ea spiritali venazione (de qua Dominus apud Isaiam meminit) Concionatores oportet esse, qui diuinorum eloquiorum tractatione auditorum animos commoneant: Confessarios verò, qui eosdem, ubi commoti fuerint, priuatis consilijs & salutaribus præceptis ad vitæ mutationem inducant. Vt enim communes causa singularibus causis egent, quibus virtutem suam priuatis effectibus applicent: ita Concionatores qui ad populum in commune loquuntur, Confessoriorum opera indigent: quorum priuatis monitis, salutaris eorum doctrina, veluti spiritalis quædam medicina, agris mentibus adhibeatur. Quod virumque, Princeps sapientissime, vecumulatissime præstitisti, ita vberimum consilij atque laboris tui fructum es consecutus. Adum collapsam Christiana vitæ disciplinam reparasti, & incultos multorum hominum mores ad sanctioris & honestioris vitæ studium transtulisti. Vt igitur ego tam pijs conatibus, serenissime Princeps, pro tenuitate mea inferuire aliqua in re possem, hoc primū Latini sermonis munus, primumq; (vt ita dixerim) ingenioli mei factum, celsitudini tuæ (cui & me, & omnium, siquis est in Domino, studiorum meorum fructum summo iure debeo) dicare constitui: vt habeant qui in clarissima Academia tua ad predicationis officium erudiantur, quo vel in hoc pietatis officio iuari, vel certè perlectis nostris, meliora inueniendi occasionem sumere possint. Vale, summum Lusitania tuæ, atque adeo totius Christiana Reip. decus & ornamentum singulare.

PROLOGVS, IN QVO

LONGA ORATIONE TOTIVS
operis ratio traditur, quo studiosus
Lector Authoris mentem atq. con-
siliū intelligere faciliē queat.



VANTA fuerit, Christiane Lector, in
Ecclesia vtilitas & necessitas tractandi ver-
bi Dei (si munus hoc non ad inanem osten-
tationem, sed ad Dei gloriam & anima-
rum salutem tota mente referatur) notius
est quā vt longa oratione indicari debeat.

Hoc enim præcipuè instrumento diuina providentia ab origine
mundi omnis generis homines ad pietatis & iustitiæ studium
vocare nunquam destitit. Quod nobis illa vineæ parabola satis
declarat: ad quam excolendam bonus paterfamilias à prima
ad nouissimam vsque diei horā operarios conducere nunquam
intermisit. Inter quos antiquissimi (quod sciamus) fuisse septi-
mus ab Adam Enoch, & Noë iustitia præco, ceteriq; deinceps
per omnes ætatum series Patriarchæ, Prophetæ, Apostoli, &
Euangelistæ, ac mox sancti Pontifices & doctores, aliq; diui-
norum eloquiorum tractatores, qui ad nostrā vsque tempora
consecuti sunt. Quamuis non ignorem, multum inter nostros
& priores illos Patres interesse. Verus enim Salomon Christus
Dominus scutis aureis Ecclesiæ suæ templum ornavit: quibus
postea ab hoste direptis, ærea pro aureis subrogata sunt. Es
namque rinnitū magis & sonitū, quā splendore; contrā verò
aurum longè magis fulgore, quā sonitū commendatur. Sic
igitur priores illi Patres multo magis fulgore vitæ, quā
verborum & eloquentiæ voce, ad pietatis & iustitiæ cultum
mentes

mentes hominum traducebant: cum nos diuersa ratione, maiori verborum apparatu, minorique vite luce vix ea tueri possimus, quæ illi nobis summo labore parata reliquerunt.

Nec idcirco tamen ab hoc opere cessandum est, cum Apostolus nos predicare Dei verbum, & opportunè atque importunè instare precipiat. Res enim ipsa indicat, verum esse quod

Salomon, ait, vbi non sunt boues, præsèpe vacuum est: vbi Prou. 14.

autem plurima sunt segetes, ibi manifesta est fortitudo bouis. Quibus verbis bouum nomine, quid Christiana Reip.

predicatorum copia vel inopia conferat, non obscure declarauit. Vnde inter magna diuini furoris argumenta, hoc

etiam numeratur, quod in ultionem criminum immittat Dominus non famem panis, aut sitim aquæ, sed famem verbi Dei: quibus verbis piorum doctorum penuriam propter

hominum scelera futuram designauit. Idemque ob eandem causam supplicium per Isaiam comminatur, cum inter alia

Reip. firmamenta atque præsidia, se etiam prudentes eloquij mystici subtrahendum prædicat. Denique Azarias spiritu

2. Para. 19

Dei actus, extremam populi sui miseriam his verbis vaticinatur: Transibunt autem multi dies in Israël absque Deo

vero, & absque sacerdote doctore, & absque lege. Quibus verbis miro modo concionatorum extulit dignitatem, dum

penè paria fecit, & sine Deo, & sine sacerdote doctore esse; quoniam reuera alterum ex altero pendet: quia cum fi-

des quæ Deum intuetur, ex auditu sit, quam esse poterit recta fides, veræque diuini numinis cognitio, vbi nullus fue-

rit de Deo sermo? Denique cum multa ac varia sint instrumenta quibus Deus hominum salutem operatur, hoc vel

primum vel cerè frequentissimum est. Vnde Apostolus

1. Cor. 13

non ad baptizandum, sed ad euangelizandum se à Christo Domino missum esse testatur, quasi plus in hoc opere

vel dignitatis, vel utilitatis, vel cerè difficultatis esset. In cuius rei argumentum non granabor Isidori Clarij Epi-

Isidor.
Clarius

scopi

scopi Fulginatis testimonium afferre: qui initio statim voluminis eius quod super Lucam edidit, de Concionum fructu & utilitate sic ait: Quo primum tempore vobis ego, charissimi ciues, Episcopus datus fui, illud in primis dedi operam, ut pro viribus præstarem quod præcipuum est Episcopi munus, ut scilicet verbum Dei vobis euangelizarem: cuius quanta sit vis, cum antea crederem, nunc per hosce quinque annos (quando maior huius quinti pars exacta iam est) ipsa experientia intellexi: ut affirmare tuiò possum, si quis vna ex parte omnia, quæcunque exercere Episcopus debet, officia collocet, ex altera solum munus Euangelij prædicandi, hoc vnum reliqua omnia aquare, atque aded longo interuallo superare. Vos enim ipsi locupletes esse testes potestis, quidquid boni in hanc urbem me Episcopo introductum est, in profligandis vitijs, in tollendis quæ per abusum inuecta erant, in moribus instaurandis, id totum ab vna diuini verbi prædicatione profectum esse. Hactenus ille. Cum igitur tanta huius officij utilitas & necessitas sit, tamquam frequens eius in Ecclesia vsus, ut vix vllus in orbe Christiano angulus sit, in quo non Concionatoris vox desideretur: hinc multi eradiri viri multis editis voluminibus hoc studium pro virili sua iuuare conati sunt, ut qui dum in viujs agerent, gloriam Domini Concionibus suis illustrarunt, defuncti etiam eandem prædicarent. Cum autem hoc argumenti genus latissime pateat, neque vllus omnino noua excogitandi & inueniendi finis existat: nemo mihi omnium minimo, vitio verterit, si quæ quadraginta ferè annis (quibus in concionandi officio versatus sum) collegi, docui, & meditatione variæque sanctorum Scripturarum lectione comprehendere potui, his voluminibus includerem, & in communem Concionatorum utilitatem (si quid ex tenuitate nostra sperari posset) conferrem. Quod opus, fargeor, auiditate magis iuuandi, quam spe proficiendi fretus aggressus sum. Auiditas enim &

ardens

ardens desiderium sæpè nec rationem consulit, nec vires me-
 titur, nec operis difficultate frangitur, & maiora sæpè viribus
 audet. Quod mihi in hac parte euenisse video: qui nisi quo-
 tidianis precibus opem Domini implorarem, & hac in vno
 eo spes lebantem animam confirmasset, sæpè ab opere desti-
 tissent, & perficiendi quod cøperam, spem pgorus abiēcissẽm:
 tanto plus difficultatis in operis progressu, quàm in exordio
 deprehendi. Quod si à me difficultatis huius causam qua-
 ras, cùm alia multa (quas recensere nimis longum esset)
 tum præcipuè multiplex argumentorum varietas, quæ in
 quotidianas Conciones incurrit, esse mihi videtur. Facile
 enim est cuius vel mediocriter in studijs versato, vnum ali-
 quod argumenti genus si non splendide & ornate, certè co-
 piose tractare. Si quis enim vel de fidei, aut charitatis, aut
 humilitatis, aut patientiæ ratione & laudibus scribere volue-
 rit, minimo negotio poterit eos scriptores euoluere, qui de his
 rebus diligentius scripserunt: omniumque præclaris inuentis
 in vnum collatis, & ordine digestis, facile poterit iustum
 etiam volumen implere. At in totius anni Concionibus tot
 argumentorum genera cadunt, tot Euangelia enarrantur,
 tot Christi mysteria, tot beatissimæ Virginis & reliquorum
 Sanctorum festa tractanda sunt, vt vix quidquam vniuersæ
 Theologiæ, moralisquæ philosophiæ sinu contineatur, quod in
 tam variarum Concionum materiam non cadat. Quis ergo
 adeo locuples erit, qui in tam multiplici argumentorum va-
 rietate optima semper inueniat (eæque non modò selecta, sed
 etiam ad mores, & humanæ vitæ institutionem accommo-
 data) ne frustra omnis dicendi labor insumatur, si quidquam
 dicamus, quod ad officium sinemque Concionatoris minimè
 referatur, qui animarum salutem ubique spectare debet? Vt
 igitur inuenias optima, legenda planè sunt multa: nec ta-
 men omnia mensura temporis concionibus præfinita dicere
 finit. Ad quam tamen legem ceteri rerum scriptores minimè
 adstricti

Aug. lib.
1. & 4. de
do. Chr.

adstricti sunt, quibus liberum est, volumina quantum libuerit extendere, & omnia quæ vel meditando, vel legendo comprehensa tenent, effundere. Adde etiam tractandi rationem, quæ multa dilatare, & ad singulares hominum actiones & officia accommodare cogimur. Adde affectus partim lenes & blandos, partim acres, & concitatos, qui per totum orationis corpus spargendi sunt: sine quibus oratio animorum motu caret, quod non leue peccatum est: cum præcipua dicendi virtus (ut D. etiam Aug. docet) in permouendis auditorum animis sita sit. Adde etiam testimonia sacrarum Scripturarum, & sanctorum Patrum, & interdum quoque Gentilium Philosophorum; quibus ea quæ dicimus, confirmanda & illustranda sunt. Quam curam multi eorum qui nostro seculo Homilias conscripserunt, prætermisisse videntur: partim quod ingeniorum suorum inuentis contenti, & naturali eorum amore capti, ulterius progredi noluerunt: partim quod multa legendi & eligendi, & rebus quæ dicuntur accommodandi laborem recusantes, solas penè cogitationes suas literis mandauerunt: cum tamen sterilis admodum, & perangusta humani ingenij vena sit, nisi aliorum inuentis, velut multiplici lucernarum appositione iuuetur. Vnde communes omnium ferè concionatorum querelas passim audire licet, qui in tanta scriptorum turba (qui Conciones & Homilias nostro seculo in lucem ediderunt) vix aliquem inueniant, qui copiosam illis selectarum rerum segetem, & variam ad dicendum suppellectilem prabeat. Quid autem nos in hoc genere profecerimus, alij indicabunt: multum certè prodesse desiderauimus, multum laborem deuorauimus, multum vigiliarum legendo, scribendo, & scripta iterum atque iterum relegendò atque emendando exhaustimus. Vniuersum autem opus in quinque Tomos distribuimus: quorum primus à prima Dominici Aduentus Dominica vsque ad Quadragesimæ inisium porrigitur. In quo Euangelia, quæ vel Romano vel quouis alio modo leguntur,

expla-

explanauimus. Secundus Tomus Quadragesimæ seruit, & Conciones quæ Dominicis diebus, quartis ac sextis feriis habentur, continet. Tertius à Paschate ad festum vsque sacratissimi corporis Christi procedit. Quartus reliquam anni partem complectitur, qui propediem, si vitam Dominus largiri dignabitur, in lucem edetur. Quintus præcipua Sanctorum festa continet. Diebus autem Dominicis Aduentus & Quadragesimæ tres, & interdum etiam quatuor Conciones assignauimus. Feriis autem Quadragesimæ, unicuique duas, & nonnumquam tres Conciones dedimus.

I.

Voxum vt pius Concionator vberiore ex his laboribus nostru fructum capere possit, erit sanè operæpretium, mentem atque consilium, quod in toto hoc tam vasto opere secuti sumus, explicare. Sic enim fiet, vt vbiq; quid velim, quò tendam, & qua potissimum via insistam, & quid omnibus in locis efficere velim, facili assequatur. Omnis enim ars, omniq; doctrina ad vnum aliquem siue scopum siue sinem dirigitur: ad quem consequendum, præcepta omnia, ceteraq; artis documenta referuntur. Qui autem hoc ignorant, dum longiora scriptorum volumina euoluunt, tamquam peregrini in ignota regione versantur; neque quò tendere, & qua potissimum via insistere debeant, agnoscunt. In huius autem consilij nostri explicatione non quid ego præstiterim, sed quid cuius Concionatori præstandum esse censeam, quidq; ego mihi ante omnia proposuerim (quamuis id minus fuerim assecutus) quam paucissimis indicabo.

Principiò, Ecclesiastes munus suum atque officium ante oculos ponat: cuius rationem simul & dignitatem paucis Dominus apud Daniele exposit, cum ait: Qui docti fuerint, fulgebunt tamquam splendor firmamenti; & qui ad iustitiam erudiunt multos, quasi stelle in perpetuas æternitates. Ex quibus verbis intelligimus, Concionatoris siue officium

Dan. 12.

sine finem esse, ad iustitiam homines erudire. Iustitia autem duas esse precipuas partes, ex illo Davidis versiculo intelligimus, quo declinare à malo, & bonum facere iubet eos qui ad eternam vitam cupiant pervenire. Eadem etiam diuisionis ratio ex diuinorum mandatorum sine (qui in charitate positus est) colligitur. Vera enim charitas nihil magis timet quam Deum offendere, nihil magis curat quam illi placere: nihil verò illum offendit nisi peccatum, nihil nisi virtus grata est. Quocirca ab omnibus vitiis abstinere, & omnia virtutum officia sectari charitas iubet. Hinc beatissimi Patres Dominicus & Frā. iscus eodem Spiritu acti, cum professionis suae monachos ad hoc officium instituerent, hoc eos solum curare debere monent, vt à vitiis homines dehortarentur, & ad virtutis amorem, proposita sempiternae felicitatis gloria, eternaeque supplicij poena, acriter incitarent. Sed haec quae vniuersè dicta, aperta omnibus & conspiciua sunt, in partes deducere incipiamus.

Quia igitur prima virtus est vitium fugere, & prius euellere atque destruere quam plantare iubemur: aduersus vitia primum, praecipueq; aduersus lethale peccatum tela comparanda sunt. Vt enim ad charitatem (quae vera & plena iustitia est) pertinet, Deum super omnia diligere; ita lethale peccatum (quod illi aduersatur) super omnia detestari. Hoc igitur ante omnia Concionatori vbique propositum sit: quod quidem tantum ad salutem momenti habet, vt, quisquis detestationem hanc perfectè animo conceperit, vere in charitate, ac proinde in Deo, & in statu salutis maneat. Hac enim fixa animi destinatione ac proposito Dei legem implet, quam nemo, nisi lethaliter peccando, transgreditur. Qua de causa frequentissimus in peccati detestatione Concionator esse debet, eius gravitatem, deformitatem, & immane odium, quo Deus illud prosequitur, explicando, & innumera quae ex eo mala sequuntur, nō solum enumerando, sed omni etiam ratione amplificando.

plificando: quo auditores in capitale eius odium ac detestationem inducere valeat.

Quamvis autem aduersus omne lethale peccatum & frequenter & acriter oratione inuicti debeat, multo tamen & acrius & frequentius aduersus peccandi facilitatem incitandescere conuenit, hoc est, contra eos qui sine ulla aut doloris sensu, aut conscientie pungentis aculeo, pro rebus nihili peccantes, bibunt quasi aquam iniquitatem. Hi enim sunt, quos Dominus apud Salomonem detestatur, qui videlicet veloces pedes habent ad currendum in malum. Similique ratione illi quoque accusandi sunt, qui pepigisse videntur fœdus cum mortis, & cum inferno fecisse pactum: hoc est, qui obstinato animo in sceleribus perseverant, quique nullis neque terroribus, neque verberibus, neque diuinis beneficiis aut promissis emolli aut flecti possunt, ut à scelerata vita resiliences, ad meliorem mentem redeant. In quo etiam genere sunt illi, qui quotidianis Ecclesie & Concionatorum vocibus tota penè vita audiendis, nihilo meliores enadunt, neque saluari verbi Dei medicina quicquam proficiunt. Hoc enim inter cetera reprobationis signa numeratur, cum Dominus dicat, Qui ex Deo est, verba Dei audit: propterea vos non auditis, quia ex Deo non estis. Nec his dissimiles sunt, qui statim à peccatorum confessione (quam semel tantum in anno faciunt) eodem penè temporis momento ad solitam vite licentiam & consueta flagitia redeunt, atque hunc tota vita ludum ludunt: quos in omnibus ferè Quadragesimæ Concionibus (quo illi tempore ex Ecclesie præcepto confitentur) acerba oratione corripere, & periculum, in quo degant, amplificare debemus. Hæc enim eius generis mala sunt, quæ non modò opportune, sed importune etiam populo incultanda sunt: quod ea in summum salutis discrimen miseros homines adducant. Nec timere Concionator debet, ne, rem eandem frequentius repetens, fastidium aut contemptui auditoribus sit.

Ne hoc enim accidat, premunitionibus uti debet, quibus exponat, se necessitate compulsum, salutis eorum gratia hoc agere. Verè enim à Seneca dictum est: Numquam nimis dicitur, quod nunquam satis dicitur. Quibusdam enim remedia monstranda sunt, quibusdam inculcanda. Vetus autem & diuturna peccandi consuetudo, non nisi frequentì ac penè quotidiana admonitione couellitur. Qua causa D. Chrysostomus impolit, ut in singulis penè Concionibus, quas ad parvulum Antiochenum habuit, aduersus prauam iurandi consuetudinem declamaret, quo inueteratum hunc morbum ab eo populo profligaret. Idemque rursus peruersam de fato opinionem, atate sua multorum animos occupantem, sex Concionibus eadem de re editis eliminare constituit. Cuius argumenti aded frequentem tractationem hac ratione excusat: Eadè (inquit) dicere, mihi quidem graue non est, vobis verò tutum eisdem de rebus saepe audire: neque verò de iisdem solum, sed eadem etiam de iisdem. Ne grauetur igitur aliquis, neque vexari à nobis se putet, si de eodem argumento eadem iterum dicamus. Si enim confidere liceret vos semel ista audiendo hanc animi agritudinem deposituros, ne sic quidem ab hoc argumento recederemus: sed de iisdem rebus adhuc verba faceremus, ut stabilem ac firmam efficeremus sanitatem, & cauto, vos redderemus, ne in hac facinora iterum dilaberemini. Quoniam verò quasdam huius mali reliquias in auditorum animis esse suspicamur, necessaria nobis est, & rationi consentanea, assidua harum rerum pertractatio. Haecenus ille. Haec igitur vel alia simili ratione Ecclesiastes eiusdem vel argumenti vel sententia tractationem poterit excusare.

Hic etiam locus exigit, ut frequenter aduersus eos dicamus, qui variis improbitatem suam rationibus tuentur, ne ab ea
 7. discedere cogantur. Alij enim conuersionem suam in futurum tempus, alij ad extremum vsque vitae spiritum differunt:
 9. alij spem sibi longioris vitae ad agendam poenitentiam promittunt:

Seneca.

Chrysost.
ad pop.Chr. cōc.
4. de pro-
uidēt.

tant: alij diuina misericordia, Dominicaq; passionis meritis 10.
 freti, in sceleribus suis perseverant. Quidam sibi de sola in- 11.
 formi fide blandiuntur, & per eam certam sibi salutem polli-
 centur: cum tamē, Christianam fidem retinentes, infidelium
 more viuant. Alij diuina gratia virtutem ignorantes, quā 12.
 nos alacriter per diuinorum mandatorum viam currere fa-
 cit, diuina legis difficultatem & asperitatem causantur. Alij 13.
 verò immoderato mundi ac terrenarum rerum amore, ceu
 vinculis quibusdam constricti atque captiui detinentur, neque
 ad veram filiorum Dei libertatem aspirant. Contra hæc igitur
 salutis & conuersionis impedimenta frequenter Concio-
 natori dicendum est, & huiusmodi fraudes atque doli serpen-
 tis antiqui detegendi. Ad hæc autem omnia incredibile dictu 14.
 est, quantum momenti habeat ea consideratio, quam Eccle-
 siasticus commendat, cum ait: Memorare nouissima tua, & Eccli. 7a.
 in æternum non peccabis. Hæc porrò nouissima quatuor esse
 memorantur: nempe mors, quæ est vltima linea rerum: de-
 inde iudicium, quod post mortem instat: ac postremò æternæ
 vitæ præmium, vel gehennæ supplicium; quæ duo post hoc iu-
 dicium sequuntur. Hæc igitur Ecclesiastes frequētissimè tra-
 ctabit, quæ non modò ad peccati odium, ac timorem Domi-
 ni, sed ad omnia virtutis & pietatis officia mentes homi-
 num vehementer accendunt. Quamuis enim alia sint, quæ
 subtilius forsitan in hac causa afferri possint; nihil tamē hu-
 mana pectora potentius, quàm quod ab his rationibus duci-
 tur, mouere solet. Cum enim inter omnes humanos affectus
 sui ipsius amor potentissimus sit; vix potest homo, nisi ferrea
 gestet præcordia, tantarum rerum tractatione non commo-
 ueri: cum huius amoris sit, & ea quæ maximè vtilia sunt, cō-
 cupiscere; & quæ sunt horribilia, vehementer extimescere.
 Quid autem æternæ felicitate optabilius? quid verò morte,
 iudicio Dei, & gehenna horribilius? Curabit autem Eccle-
 siastes de hisce quatuor rebus multa legere, eaq; reposita &

in promptu habere, ut ex hoc thesauro oblata opportunitate proferat, quod diu antè sepositum & meditatum habuerit.

15. Vbi verò de reddenda in iudicio ratione agendum erit, meminerit non solum de peccatis, sed multo etiam magis de perceptis à Domino beneficiis, atque ad bene viuendum adiumentis rationem esse reddendam: ac præcipue de summo redemptionis nostræ beneficio, per quod innumera penè nobis ad rectè viuendum adiumenta, & charitatis incitamenta data sunt, quæ nullis antea nationibus, nec ipsis etiam Iudæis, quibus leges Domini latae sunt, concessa vniquam fuere. Quocirca & Iudæos ipsos, & Philosophos omnes, qui sapientia studium profitebantur, tanto magis in virtutis & pietatis studio superare debemus, quanto plura & maiora ad virtutem adiumenta nacti sumus. Huius autem summi beneficii arctissimam rationem in extremo illo examine exigendam esse, satis apertè illa Domini verba restantur: Hoc est autem iudicium, quia lux venit in mundum, & dilexerunt homines magis tenebras quàm lucem.

Ioan. 3.

- Nec satis est peccati odium his rationibus excitare, sed varia quoque aduersus illud remedia (si appositè ad finem huius officij dicere cupimus) tradenda sunt. Eos enim qui à vitiis ad virtutum studium adhortantur, nec, quæ id ratione debeat effici, ostendunt, similes iis esse Plutarchus docet, qui lucernam quidem emungunt, nec tamen oleum, quo flamma sustentetur, infundunt. Quæ sint autem aduersus peccatum remedia, breuissimè numerare magis quàm explicare libet.
17. Horum igitur primum est, omnes peccatorum occasiones cau-
re ac diligenter vitare, cum scriptum sit: Qui amat pericu-
18. lum, peribit in illo. Proximum est, temptationum atque malorum cogitationum principiis ob stare, & in ipso statim prauæ suggestionis limine paruulum adhuc hostem ad petram Christum allidere, & Dominicæ crucis baculo caput serpentis an-
19. tiqui conterere. Tertium est, otium fugere, cum scriptum sit:

Multatio

Multam malitiam docuit otiositas. Quartum est prauorum ^{Ecclesi. 37}
 hominum consortia deuitare: cum Ecclesiasticus dicat, Qui ^{20.}
 tangit picem, inquinabitur ab ea: & qui communicat super- ^{Ecclesi. 13.}
 bo, induet superbiam. Quintum est, piorum librorum lectio, ^{21.}
 qua miro modo & intellectum diuinarum rerum cognitione
 illuminat, & affectum etiam pro varietate sententiarum, quæ
 tractantur, variis quoque modis accendit. Vnde est illud,
 Nisi quod lex tua meditatio mea est, tunc foris perissem in ^{Psalm. 119.}
 humilitate mea. Sextum est, diuinorum beneficiorum, ac ^{22.}
 præcipuè Dominica passionis quotidiana memoria: quando
 (ut D. Bernardus ait) nihil tam efficax sit ad purgandam ^{Bernard.}
 mentis aciem, quam vulnerum Christi sedula meditatio. Ut
 enim Christi passio peccatum è mundo sustulit, ita eius deu-
 ta cogitatio ad hoc ipsum plurimum valet. Septimū est, con- ^{23.}
 fessionis & Eucharistia Sacramenta frequentare, quibus sa-
 cramentalis gratia confertur, quæ præsentissima aduersus
 peccatum remedia sunt. Confessio namque peccatum ab ani-
 ma pellit, & hominem à peccati morte ad nouam vitam sus-
 citat: sacra autem Eucharistia nouam hanc vitam, confes-
 sionis virtute partam, tuetur, auget, atque conseruat. Octa- ^{24.}
 uum est, assidua atque deuota oratio: quæ Saluator disci-
 pulos suos aduersus peccatum armare voluit, cum dixit: Vi- ^{Marth. 26}
 gilare & orate, ne intretis in tentationem. Et regius Vates,
 Oculi, inquit, mei semper ad Dominum, quoniam ipse eu- ^{Psalm. 26}
 let de laqueo pedes meos. Nonum est, carnis maceratio at- ^{25.}
 que ieiunium: quod non solum pro admissis sceleribus diuina
 iustitia legibus satisfacit, sed etiam corporis robur inedia de-
 bilitans atque extenuans, robustiorem animum ad spiritua-
 lia certamina efficit. Ut enim ad corpoream pugnam cor- ^{simile.}
 poris firmitas & robur desideratur: ita contra ad spiritua-
 lia carnis & spiritus prælia fractæ corporis vires victo-
 riam parant. Hæc & his similia remedia à sanctis Patribus
 aduersus peccatum assignantur, quæ nos (ut antea diximus)

enumerando magis, quàm explicando, paucis attingimus: quæ Ecclesiastes, oblata opportunitate, non raro inculcanda & amplificanda curabit. Hæc de lethali peccato, eiusq; remediis in genere dicta sunt.

- Proximum verò est, ut à genere ad species, hoc est, ad varias peccatorum formas descendamus. Ad quod perspecta & explorata ea vitia Ecclesiastes habere debet, quæ maxime in eo populo, apud quem dicit, grassantur. Vbique autem prava iurandi, detrahendi, maledicendi, maleprecandi, obloquendi, & concupiscendi consuetudo regnat. Vbique odia atq; discordia, ubique liuor, ambitio, & superbia dominantur. Contra inhonesta quoque vitia quàm fieri poterit honestissimè dicendum: quandoquidem pestis hæc latissimè in mundo regnat. Sic etiam execranda illorum studia sunt, qui avaritiæ igne flagrantes, non Deum, sed pro Deo aurum colunt, aurum adorant, & in eo congerendo dies noctesq; traducunt, animæ suæ curam prorsus negligunt. Hæc & similia vitia sunt, ad quæ frequenter accusanda, ubi sese tulerit occasio, orationis cursum flectere debemus; ut veterum Prophetarum morem imitemur, quorum omni penè oratio in accusandis hominum sceleribus versatur. Videmus autem diuinis etiam scriptoribus suum cuique morem, suumq; argumenti genus familiare & proprium fuisse. Paulus ubiq; Christi gloriam predicat, & Mosaiscæ legis ceremonias premit. Ioannes Euangelista in commendanda charitate, siue Christi in nos, siue nostra in Christum, frequentissimus est. At Prophetarum assiduum studium fuit, scelera hominum insectari: quos Ecclesiastes sibi ad imitandum proponer; quandoquidem eorum fungitur officio. Multus igitur ac vehemens in peccatorum detestatione esse debet, cum Dominus per Isaiam dicat: Clama, ne cesses, annuncia populo meo scelera eorum, & domini Iacob peccata eorum.

I. I.

Sequitur deinde altera institutæ pars, quæ postquam à malo declina-

declinavit, benefacere suadet. Quae etiam pars (quem admo-
 dum vitiorum) bipartita est. Nam & ad virtutum studium 1.
 atque amorem in commune adhortamur, & ad singularem
 etiam virtutum officia commendanda descendimus. Ad prius 2.
 autem illud, omnia quae aduersus peccatum valere diximus,
 simili ratione valent. Cum enim nisi virtutum ope vitia non
 fugentur, quaecumque nos contra vitia muniant, eadem etiam
 virtutum studiosos & amantes faciunt: ideoque repetere illa
 non est necesse. Ad hoc etiam diuinorum beneficiorum, ac 3.
 praecipue redemptionis nostrae explicatio plurimum iuuat:
 quae nimirum carbones ignis congerit supra caput nostrum.
 Quia vero homines multo magis praesentium bonorum fru- 4.
 ctu, quam spe futurorum permouentur, ea bona, quae virtutis
 amantes in hac vita comitantur, frequenter & commemo-
 randa & amplificanda sunt. Non erit autem alienum, non-
 nulla eorum hoc in loco enumerare. Primum igitur est pa- 5.
 terna cura & providentia, quam Dominus eorum gerit, quos
 in filios adoptauit. Secundum est gratiae caelestis beneficium, 6.
 quo iidem donantur, & ad omnia iustitiae & pietatis officia,
 per virtutes quae ab ea manant, roborantur. Tertium est ca- 7.
 leste lumen, & interna doctrina, qua filios suos ad pietatem
 & iustitiam Dominus erudit: iuxta illud, Intellectum tibi
 dabo, & instruam te in via hac qua gradieris. Quartum 8.
 est Paracliti spiritus solatium, miris & incognitis deliciis
 piorum mentes reficientis & consolantis. Quintum est paca- 9.
 ta conscientiae tranquillitas, quae nos à vermine illo improborum
 mentes exedente atque excarnificante liberat. Seximum est 10.
 vera libertas, quae à carnis & cupiditatum eius tyrannide at-
 que impotenti dominatu Christi beneficio liberamur, easque
 in seruitutem redigimus. Septimum est pax illa exsuperans 11.
 omnem sensum, quae ex edomita & compressa cupiditate na-
 scitur: quam solus Christus, non mundus, donare potest.
 Octauum est orationum, quas pijs fundunt, efficacia: de quibus 12.

Psal. 35. scriptum est, Oculi Domini super iustos, & aures eius in preces eorum. Et, Voluntatem clementium se faciet, & deprec-

13. tionem eorum exaudiet, & saluos faciet illos. Nonum est, protectio Dei in calamitatibus, qua in turbido huius vite pelago numquam desunt: de qua scriptum est, Nouit Dominus 14. pios de tentatione eripere. Et, Salus autem iustorum à Domino, & protector eorum in tempore tribulationis. Decimum

est, placidum & tranquillum piis vita exitum & mortem præbere, in qua, spei virtute in Deum erecti, & bonæ cōscientiæ atque innocentis vitæ testimonio confirmati, placido & fidenti animo sunt: ubi scelerati homines malorū suorum memoria, & grauissimis trepidationis & conscientia aculeis lacerantur. Hæc atque his similia sunt dona gratiæ, quibus pios Dominus in hac vita ante futura mercedis retributionem iuuare, ditare, honestare, & spiritualibus deliciis pascere & oblectare solet. Eademq; sunt præcipua loca, quibus homines ad virtutis studium adhortari solemus.

15. Deinde verò à communibus ad singularia, hoc est, à genere in species (quemadmodum in tractatu viriorum fecimus) descendere solemus. Sic homines ad charitatem, humilitatem, mundi contemptum, timorem Domini, orationis studium, pauperum curam, laborum patientiam, inimicorum dilectionem, castitatis amorem, & virtutum omnium aurigam prudentiam (vbicumq; sese occasio tulerit) adhortamur. Hæc ideo admonenda duximus, ut Concionatores non contenti communi ad virtutem exhortatione, ad singulares quoque eius species suis in locis tractandas sermonem inclinent.

16. Sunt præterea varij personarum status, qui ad singularia quadam virtutum officia præstanda tenentur. Sunt enim parentes & filij, viri & vxores, domini ac serui, diuites & pauperes. Quos Ecclesiasticus doctor erudire ex officio suo Apostoli exemplo debet, qui in extrema ferè epistolarum suarum parte hos omnes officij sui admonet. Sunt præterea indices, aduocati,

aduocati, litigatores, mercatores, & variarum artium opifices: qui omnes admonendi sunt, vt à vitii arti & officio suo finitimi, diligenter & studiosè caueant, & munus suum (si salui esse velint) fideliter administrent. Hæc autem 17.
ideo monuimus, quoniam (vt Philosophi dicunt) quemadmodum moralis doctrina, cum generatim tractatur, minus affert utilitatis; ita plurimum prodest, cum ad singulares virtutum aut vitiorum actiones ventum est. Cum enim hæc doctrina non ad sciendum, sed ad agendum destinata sit, actiones autem non vniuersales, sed singulares sint: haud dubium, quin plurimum adiumenti ad mores componendos afferat, qui hæc singularia virtutum aut vitiorum opera frequentius tractat, & quasi digito quid agendum, quidve fugiendum sit, ostendit. Subiciamus exemplum. Quando peccatorum fugam & virtutum studium vera contritionis signum & coniecturam esse dicimus, hoc modo communem hanc sententiam vtiliter explanare licebit: Quisquis de penitentia tuæ veritate coniecturam facere cupis, diligenter totius anteactæ vitæ cursum considera: & quomodo te in his temporibus agenda penitentia destinatis gesseris, perscrutare. Vide an modò sis idem qui semper fueris, an aliqua in re mutatus. Hoc est, vide si qui furabaris, furari desisti, si iurandi, detrahendi, maledicendi, maleprecandi, & concupiscendi prauam consuetudinem abscidisti, si illatas iniurias condonasti, si inimicitias cum aliis susceptas deseruisti, si iniuste ablata dominis suis reddidisti, si peccatorum laqueos & occasiones sustulisti, si in pauperes & egentes misericors fuisti, si frequentius aut orasti, aut Sacramenta deuotius percepisti, si familiae tuæ atque seruorum tuorum diligentiore curam & prouidentiam habuisti, si ea, inquam, vitia, quibus antea implicatus eras, deseruisti, & virtutes has colere cœpisti: non leue sanè perceptæ salutis, veræq; penitentia argumentum est. At si neque dolorem vllum, nec

muta-

mutationis indicium in te vides, qua coniectura de salute tua pronunciare aliquid poteris? Hac igitur singulariū actionum enumeratione aliquando breuius, aliquando longius vti poterimus, vbicumque res postulauerit. Quæ etiam literæ sanctæ (quæ nobis ad dicendum magistra esse debent) non raro vti solent. Tale est illud Esaie: Lauamini, mundi estote, auferte malum cogitationum vestrarum ab oculis meis, &c. quæ sequuntur. Simile est & illud Ezech. 18. Vir, si fuerit iustus, & fecerit iudicium & iustitiam, in montibus non comederit, & oculos suos non leuauerit ad idola domus Israël, & uxorem proximi sui non violauerit, &c. quæ sequuntur. Nec ab hoc distat quod Apostolus 2. Cor. 6. ait: In omnibus exhibeamus nosmetipsos in multa patientia, in tribulationibus, in necessitatibus, in angustiis, in plagis, in carceribus, &c. Idemq; ad Roman. 12. Roman. cap. 12. mira facundia omnia penè virtutum officia commemorat his verbis: Habentes donationes, secundum gratiam quæ data est nobis, differentes, &c. quæ sequuntur vsque ad finem capitis. His ergo atque similibus rationibus Ecclesiastes ad singulares siue virtutū siue vitiorum actiones (quas in promptu atque numerato habere debet) descendere poterit: ut rudis & indocta concio, quid sibi ad formandos mores conducat, intelligere faciliè queat.

Sed dicet fortasse aliquis: Num semper de vitiis ac virtutibus agendum est? An non sunt (ut beatissima Virginis & Sanctorum festa omittam) Domini Saluatoris festa plurima, in quibus de mysteriis, quæ eo die celebrantur, tractandum est: nempe de Incarnatione, Natiuitate, Circuncisione, Magorum & Simeonis adoratione, Transfiguratione, pedum Ablutione, Passione, Resurrectione, Adscensione, & venerabilis Eucharistiæ institutione? Sunt planè, non abnuo: imò verè parum mihi probatur Ecclesiastes, qui in hisce sacris diebus non maximam concionis partem in his mysteriis oratione illustrandis & explicandis insumit. In quo genere peccant, qui,

quoniam

quoniam ab enarratione lectionis Euangelica discedere nesciunt, mysteriis hisce ferè intactis, totos se moribus informandis aut corripiendis addicunt: qua res, quamuis per se probanda sit, quia tamen alieno loco tractatur, merito improbanda est. Nihil enim intempestuum & alieno loco traditum, laudem meretur. Quid igitur? an moralis doctrina hisce diebus praevertenda est, ad quam tamen totum hoc concionandi genus (vt paulo antè diximus) ceu ad finem refertur? Ne id quidem probo. Quod ergo consilium sequendum censes? Nempe vt, posteaquam de mysterio quae dicenda videbuntur, peroraueris, des operam, vt id ad mores hominum vel instituendos, vel castigandos commoda aliqua ratione inclines. Subiiciamus exemplum. Differuisti de ineffabili Christi Domini charitate, quae in sacratissima eius passione, vel Eucharistia institutione, vel pedum ablutione, ceterisque similibus mysteriis mirabiliter eluxit: hinc colligere facile poteris, quid nobis facto opus sit, quo tanta dilectionis beneficio respondeamus. Nam & amantem Dominum ita redamare tenemur, vt quemadmodum is nos ad eum constanter & fortiter dilexit, vt pro nobis vitam & sanguinem profuderit; ita nos illum his rationibus diligamus, minusque nos huic tanta dilectioni satisfecisse putemus, quamdiu nihil aduersum aut molestum pro illo passi simus. Hinc etiam aduersus eos inuehi possumus, qui fluxas & celeriter interituras res huic dilectioni antefecerunt: quando, illarum amore deuincti, leges ac diuina mandata contemnunt. Hinc etiam ad charitatem in proximos commendandam digredi licebit: vt eos eo modo diligamus, quo ille dilexit, qui videlicet in charitate perpetua dilexit, & immeritos atque inimicos gratis dilexit, & pro illis sanguinem fudit. His ergo aut aliis huiusmodi rationibus, quae dicimus omnia, ad mores hominum traducere possumus, cum apud rudem & indoctam Concionem verba facimus. Quamuis enim viri docti facile

ex diuinis mysteriis, quæ ad vitæ institutionem pertinent, eruerè possint, tamen vt nutrices pueris infantibus, qui per ætatem neque cibum mandere neque sumere possunt, mansum à seipsis in os cibum mittunt: ita spirituales animarum nutrices celestis vitæ documenta rudibus ac tardioribus aperire & distinctè tradere debent, nihilq; eorum iudicio, & prudentia, qua carent, relinquere.

In his igitur argumentorum generibus Concionatoris orationem omnem versari debere arbitramur. Dedimus autem nos quoque pro tenuitate ingenij nostri operam, vt in iis etiam versaremur: hoc est, vt, quæ dicimus, omnia ad vitiorum detestationem, & virtutum amorem referremus: cum hic vnicus Concionatorum & finis & scopus sit, à quo aberrare, est munus & officium suum deserere. Hinc pro eo quod *Dan. 12.* nos apud Daniele legimus, *Qui ad iustitiam erudiunt multos, fulgebunt quasi stella in perpetuas eternitates: vox Hebræa, si ad verbum exprimatur, iustificatores significat: cuius verbi sententiam interpretes periphrasi illa explicare voluit. Ex cuius verbi vi intelligimus, quòd quemadmodum medici officium est, morbos corporis depellere; ita Concionatoris, animas docendo iustificare, siue ad iustitiam erudire. Vt ergo cum medicus corporis morbus non medetur, medici officium non facit: ita nec Ecclesiastes, cum languentis animæ vulneribus salutaria diuini verbi pharmaca non apponit.*

I I I.

Hæc in genere dicta sunt, & ad omnes Concionatores in commune pertinent. Nō erit autem alienum, quædam sigillatim admonere eos qui studia sua his nostris laboribus iuuari velint. A primâ igitur origine rem omnem altius repetentes, cum se Ecclesiastes ad concionandum parat, & Concionibus ad hoc nostris iuuari cupit, Concionem primū non quidem cursim & propteranter, sed sensim & lentè eam iterum atque

atque iterum relegat: vt, quæ insigniora in ea visa fuerint, memori mente complectatur. Sic autem legat, vt non intellectum modò, sed affectum etiam, & pios animi motus (quantum ei per Dei gratiam licuerit) lectioni adiungat. Sic enim fiet, vt, quibus ipse rebus commotus fuerit, alios etiam, eadem dicendo, commouere valeat; & quod illi gatum fuit, gratum etiam apud alios efficere dicendo possit. Erunt fortasse rudiores aliqui, qui totam Concionem ad verbum ediscentes, & in vernaculum sermonem transferentes, ita dicere velint vt legerunt. Quod ego studium non vbique probandum censeo: quòd varia sint hominum ingenia, dissimilisq; dicendi facultas: ideoq; non adèd facile erit, quod alterius ingenij & eloquentia est, ingenio suo accommodare. Hoc enim perinde erit, atque Dauidem Saulis armis (quæ aliqui commodissima erant) armare velle. Quocirca quæ ipse legit, piè & diligenter ruminare, & concipere animo curabit. Quæ res quantum habeat vtilitatis, Horatianus ille versiculus indicat: Si Horatius rem potenter conceperis, nec facundia dicendi, nec sermo te deseret vllus. Hac igitur ratione quæ legerit, quæq; dicenda putabit, in animum suum traducet, & sua quodammodo diligenter in animo versando faciet, atque demum ea vt sua, non vt aliena, pronuntiabit. Scitum est illud diui Hiero- Hieroa. ronymi: Quæ bene scimus, bene & loquimur. Quod cum vbique obseruandum sit, tum vel maxime in articulis illis, quos diuus Augustinus cæsa vel incisa vocat, locum habet, August. libr. 4. de doctrina Christi. præsertim vbi variæ verborum distributiones inueniuntur: quæ vt pulcherrima orationis ornamenta sunt, ita eorum imitatio (nisi dicendi facultas & firma quoque memoria adsit) difficilis est. Tale est illud diui Cypriani: Tenacibus semper illecebris necesse est (vt solebat) vinolentia innitet, inflex superbia, iracundia inflammet, rapacitas inquietet, crudelitas stimulet, ambitio delectet, libido præcipitet. Hactenus Cyprianus: qui hac dicendi figura vt frequentissimè, ita elegan-

Cypr. in
Epiit.

elegantissimè viitur. Similiratione Eucharistia virtutes & effectus enumerare hoc modo licet:

Hoc diuinum Sacramentum præterita peccata delet, ar-
mat contra futura, minuit tentationes, regit affectus, illu-
minat fidem, confirmat spem, inflamat charitatem, excitat
deuotionem, exhilarat conscientiam, reparat animæ vires,
hominemq; meritorum Christi participem efficit. Hic est pa-
nis, qui cor hominis cōfirmat, qui iacentes erigit, debiles con-
fortat, consolatur afflictos, accendit tepidos, excitat pigros,
curat agrotos, ignorantesq; celesti luce collustrat. Vbi igitur
similes apud nos orationes inuenerit, vix eas sine maiori stu-
dio & facultate dicendi poterit patrio sermone explicare.
Ideoq; facultatis suæ habita ratione, prudenter & cautè su-
giat quod imitari non poterit.

Vt autem quid nos in quaui Concione tractemus, & quo
ordine atque ratione tractemus (quod permagni nosse refert)
Concionator intelligat, argumenti vice in ipsis Cōcionum ti-
tulis breuiter exposuimus quod in tota Concione tractamus.

Cum autem pleræque Conciones in Euangelicæ lectionis
explanatione versentur, non semper totam lectionem, sed id
quod vel temporis, in quo dicendum est, breuitas, vel audito-
rum vtilitas exigit, enarramus. Aliud enim est Interpretem,
aliud Ecclesiastem agere. Ille enim obscura omnia explica-
re, hic vtilissima quæque ad vtilitatem audientiu eligere atq;
tractare debet. Sunt autem Conciones nostræ his quæ vulgo
circumferuntur longiores: vt, quoniam non omnibus ingenis
omnia aliorum inuenta placent, haberet studiosus, Conciona-
tor, quod in magna rerum copia instituto atque ingenio suo
invisis accommodatum inueniret.

Caterum in Euangeliorum tractatione hoc perpetuè se-
cuti sumus, vt nihil perpetuo eodèmq; tenore sequendum
statueremus. Quod contra recentiorum multi faciunt, qui
in dissimilibus argumentis eandem serè tractandi rationem
sequuntur.

sequantur. Nos igitur veteres imitari, aliquando (& id quidem frequentius) in sola lectionis Evangelica explanatione versamur, singulis quibusque partibus, ea qua ad illarum explanationem, & vite nostrae institutionem pertinent, affigentes. Aliquando verò (quod D. Chrysost. in Matth. & Iohannem facit) Evangelica lectione explanata, in aliquo loco communi paulo diutius immoramur: quod tamen neque ab Evangelica lectione, nec à verbis Thematibus abhorreat. Hac enim de causa Thematibus excogitata sunt. Aliquando verò (sed id quidem rarius) vnicum argumenti genus integram Concionem occupat: vt cum de inimicorum dilectione, aut eleemosyna, aut precatonis studio, aut de salutis & redemptionis nostrae mysteriis agimus. Quod genus concionandi quàm fuerit apud veteres frequens, eorum opera testantur. Quare nemo tantum seculo suo tribuat, vt nefas esse putet id agere, quod sanctissimi Patres Spiritu Dei pleni facti sunt.

Evangelia verò aliquando sigillatim, & sensim in toto Concionis corpore narramus, simul & explanamus: aliquando ea summatim salutationis loco breui sermone complectimur, vt historiae series aperte pateat. Deinde totus sermo in eius explanatione consumitur. Itaque vbi studiosus Concionator lectionis Evangelicae initium in Concionis fronte viderit, intelligat eius narrationem pro salutatione poni: vt narrationis serie perspecta, exspatiari diutius in ipsa explanatione liceat.

Quia verò Evangelicam lectionem simul & narramus & explanamus (narrationi videlicet explanationem copulantes) obseruet Ecclesiastes, nos saepe Evangelicae lectionis particulas narrationi nostrae inferere: non quidem vt illas explanemus (quando explanatione non egent) sed vt vnum narrationis corpus & eius & nostrum verbis efficiamus. Quem ipse consilium atque ordinem sequi poterit, si sibi commodum iudicauerit.

Authoritates Sanctorum, atque etiam Philosophorum,

non raro adducimus, & eas aliquando longiores: quæ tamen non ideo Latino sermone (quod quidam faciunt) pronuntianda, & postea vulgari interpretanda sunt (quod & inutile, & nimis longum esset) sed ut quam continent sententiam, citatis eorum nominibus, tamquam aliquid selectum patrio sermone ad auditores perferant. Breuiores vero eorundem sententias, sine fastidio & cæm dignitate Latino sermone dicuntur, & explicantur. Ut illa P. Mimi: Liberalis etiam dandi causam cogitat. Et illa Senecæ: Marce sine aduersario Virtus. Et, Non fert vllum ictum illasa felicitas. Et, Timemus omnia tamquam mortales, concupiscimus tamquam immortales. Et illa Bernardi: Vt his qui vocantur ad opera fortium, & non aluntur cibo fortium. Et illa Eusebij. Emisseni: Qui ideo contulitur vt misereatur, iam misertus est vt coleretur. Idemque alibi: Ferina immanitas est, Deum estimare minorem, quia maiora contulit: vt ideo minus à te accipiat honoris, quia plus contulit dignitatis. Item Anselmus: Ne amorem diuideres inter creatorem & redemptorem, idem tibi factus est conditor & redemptor. Hæ igitur breues & acuta sententiæ (quas Græci *gnomas* vocant) velut quadam perlucida gemma per totum orationis corpus spargenda sunt, quod illis cœmicantibus stellis miro modo illuminatur & ornatur oratio: quarum copiam sibi Ecclesiastes veterum Patrum lectione comparabit, & ad manum, ac velut in procinctu, ex frequenti eorundem lectione habebit.

Nemo verò mihi vitio vertat, quod inter sanctorum Patrum sententias, Gentilium quoque siue Regum, siue Philosophorum apophihemata, præclarasque sententias, præcipueque Senecæ & Plutarchi, interdum admiscerim. Hos enim feci diui Augustini consilium secutus, qui 2. de Doctrina Christiana lib. sic ait: Philosophi autem si qua fortè vera, & fidei nostræ accommodata dixerunt (maximè Platonici) non solum formidanda non sunt, sed ab eis etiam tamquam

quam iniustis possessoribus in usum nostrum vendicanda.
 Hac ille. Adde etiam, quod cum maior fortasse pars eo-
 rum, qui audiunt, non perinde ea quæ Dei sunt sapiat, sed similes
 quæ hominum; aliquid ex humanis & philosophicis literis
 Christiana doctrina admiscendum est: peritiorum medico-
 rum more, qui salutaribus grata atque suavia iungunt,
 ut salutarium fastidium atque horrorem ægrotis adimant.
 Hac enim ratione pium Concionatorem, & humana salu-
 tis audum, auditorum infirmitati sese accommodare par est.
 Sic Apostolus cum Gentilibus agens, Gentilium dictis sen-
 tentiam suam confirmavit. Hoc enim modo vir diuinus
 omnibus omnia factus est, ut omnes faceret saluos. Ut
 omitam interim, quod magnam vim argumenta ab exem-
 plis aut sententiis Gentilium dicta habent: quandoquidem ve-
 hementer indignum sit, non præstari a fidelibus, quod infide-
 litas præstitit.

In tractandis vero sententiis, aliquando copia, aliquando
 vitimur breuitate. Quædam enim latius fundimus & ampli-
 ficamus: quædam breuiter attingentes, Concionatoris inge-
 nio dilatanda relinquimus. Si enim omnia latius funderemus,
 nullus esset scribendi finis: si vero omnia strictim perstringe-
 remus, arida & ieiuna esset oratio. Quocirca viriusque rei
 exempla studioso Concionatori præbere volumus: ut in altero
 dilatandi orationem illi ostenderemus, in altero dilatandi ma-
 teriam eidem præberemus.

Scholasticas vero quæstiones, quæ ostentationem magis
 ingenij, quàm edificationem habent, scholis inter eruditos tra-
 ctandas, non populo proponendas (ut D. Augustinus admo-
 net) censuimus; hac in re veterum Patrum (quos nobis in hoc
 opere imitandos proposuimus) exempla sectati: qui in Concio-
 nibus, quas ad populum habebant, ab huiusmodi quæstionibus
 abstinerunt. Scripturarum loca in margine annotauimus;
 aliorum vero authorum loca interdum citamus, interdum

Aug. lib. 4
 de Doct.
 Christi.

hunc laborem omisimus, quod mortalitatis nostra metu festinantes, noluimus tempus (quod nobis per aetatem quam exiguum superest) in exacta horum locorum, hoc est, numero librorum & capitulorum inquisitione conterere: quod alij fortasse, quibus otij copia suppetet, prestare poterunt. Ceterum in sanctarum scripturarum testimoniis vulgatam ubique editionem iuxta sacri Concilij Tridentini decreta sequimur. In quibusdam autem Psalmorum subobscuris locis explanandis, proposita primum editione vulgata, aliis nonnumquam interpretationes adiungimus, atque eam in primis quam D. Hieronymus ad Sophronium scripsit: ut interpretationum collatione, vel obscuritas tolleretur, vel insignis aliqua emphasis, aut tropus aliquis in vno verbo latens, excuteretur. In hunc enim precipue usum translationum varietas lectorem minime dormitantem iuuat.

Ceterum quia Concionatorum multi adeo nominis & honoris sui studiosi sunt, ut dedecori sibi esse putent, si in Concionibus suis aliquid auditores percipiant, quod in libris vulgari sermonibus conscriptis deprehenderint: nos huic humano timori satis facere cupientes, quantum nobis per fragilem memoriam licuit, dedimus operam ne quid in Concionibus nostris repeteremus, quod in libellis nostris Hispano sermone conscriptis deprehenderetur: nisi quod interdum quae in illis breuiter attigimus, in Concionibus latius fundimus & explicamus. Quamuis enim necesse sit, eadem saepe argumenta tractare, easdemque vel virtutes commendare, vel accusare vitia: alias tamen rationes, alia scripturarum sanctorumque Patrum loca adducimus, quibus eadem argumenta non eisdem rebus tractamus. Non enim quia in illis libellis de penitentia, de sacra communione, de humilitate, de charitate, de elemosyna, de orationis studio, deque abstinencia, ceterisque virtutibus traditum est, ideo huiusmodi argumenta perpetuo deferenda erant, sine quibus Christiana vita constare non potest. Si vero ali-

quid

quid vtroque reperiat, nequaquam hoc ut ingens crimen
 expauescendum est. Eueniet etiam aliquando, ut eadem res
 in diuersis Concionibus inueniatur: neque enim in tam vasto
 opere, quid vbiq; dixerim, meminisse potui, quamuis hac in
 re minus esse periculi videbatur, cum non semper Concionato-
 res eodem in loco ad populum sermonem habeant: ideoque
 citra auditorum offensionem atque molestiam alibi dicere po-
 terunt, quod alibi dixerunt: ut omittam interim, quod res ea-
 dem, cum maximè ad salutem necessaria est, frequenter au-
 ditoribus inculcanda sit, ut paulo antè docuimus. Illud etiam
 studiosum Concionatorem admonitum volo, ut quoniam il-
 lum diuina vox hortatur, ut annunciet populo scelera eius (ut
 paulo antè diximus) nequaquam existimet omnium vitiorum
 accusationes his nostris Concionibus contineri: nisi eorū dum-
 taxat quæ vbiq; dominantur. Sunt enim communia, sunt &
 peculiaria quarundam nationum vitia. Alibi enim inuidia
 virus, alibi detractio & maledicentia venenum, alibi deli-
 cia virilem animum eneruantes, alibi immoderatus corporis
 cultus, & elegantia vestium, alibi chartarum & alearum lu-
 dus, alibi hostiles factiones & capitales inimicitie regnant.
 Quid verò hic ebrietatem & sædam ingluuiem, quid fastum
 & luxum, quid impudicitiam, quid iners otium, quid dete-
 standas hæreses, & similes pestes commemorem? Non igitur
 debui ego singularia omnium nationum vitia traducere, ne
 quod alicubi esset necessarium, alibi esset superuacaneum.
 Hanc verò prouinciam Concionatoribus ipsis reliqui: quorum
 officium est, non modò communia cunctis mortalibus vitia
 nosse, sed multo magis propria & quasi vernacula sua gentis,
 ut aduersus vitæque, cum occasio tulerit, opportunè declama-
 re valeant: ne aduersus illum Dominus propheticum illud ia-
 ctare possit: Speculatores eius cæci omnes, canes muti, non Esaie 56.
 valentes latrare. Et illud itē Hieremia: Propheta tui viderunt Thren. 2.
 tibi falsa, & stulta, & non aperiebant tibi iniquitatem tuam,

ut te ad penitentiam prouocarent: Quod tamen ea modera-
tione agendum est, ne, quos sanare volumus, ad odium concite-
mus: cum omnis oratio nostra ad sanandos, non ad irritandos
animorum morbos referenda sit. Is enim planè optimè dicit,
qui, quaecumque dicit, appositissimè ad hunc finem dirigit.
Qua de re suo loco dictum est. Hæc studiosum Concionato-
rem præmonitum volui, ut quid ex his nostris lucubrationi-
bus sperare posset, paucis ostenderem. Quod si minùs huius ar-
gumenti dignitati respondere potui, conatus tamen ipse, &
assiduus multorum annorum labor, si non apud homines, apud
communem tamen Dominum, qui piis suorum desideriis ob-
lectatur, non erit (ut arbitror) ingratus.

DOMI-

DOMINICA

PRIMA IN ADVENTU

DOMINI,

CONCILIUM PRIMUM:

Quæ, post enarratam priorem lectionis Evangelicæ partem, huius sacri temporis rationem explicat.

THEMA. *Invenietis asinam alligatam, & pullum cum eo: soluite, & adducite mibi. Et si quis vobis aliquid dixerit, dicite quia Dominus his opus habet. Matth. 21.*



QUONIAM hodie Dominici Adventus mysterium Ecclesia incipit celebrare: quo sermo noster à temporis ratione non dissideat, duo in eo tractare constitui. Primum enim, priorem lectionis Evangelicæ partem explanabo; deinde verò, de huius sacri temporis ratione (quod nunc incipit) pauca disseram. Ut autem utrumque præstare prodignitate valeam, celestem opem, sacratissimæ Virginis interuentu, suppliciter imploremus.

A V E M A R I A.

In lectione sancti Evangelij, fratres charissimi, ingressus Domini in Hierusalem cum triumphali pompa, & magnificiū gratulatione, describitur. Ingressiente enim illo urbem, post celeberrimum illud signum, quo quadrivannum Lazarum à mortuis excitauerat, plurima turba illi obviam veniens, diuino magis quam humano spiritu acta, straverunt vestimenta sua in viâ. Alij autem ramos cadebant de arboribus, & sternerant in viâ. Turbæ autem quæ præcedebant, & quæ sequebantur, clamabant dicentes, Osanna filio David: benedictus qui venit in nomine Domini. Cum autem Dominus ab huiusmodi populari gloria (quàm diu inter homines versurus est) semper abhoruerit: inquisitione dignum est, quidnam is hac noua & insolita rerum facie voluerit designare. Sed responsio in promptu est. Cum is enim hoc die ad se in eruce pro nobis immolandum proficisceretur, voluit vique charitatis & laetitiae magnitudinem,

Heb. 12.

qua hoc redemptionis & salutis nostræ opus aggrediebatur, hæc tam solenni pompa, & communi omnium gratulatione & lætitia declarare. Quam quidem lætitiā Apostolus designauit, cum de ipso loquens ait: Qui proposito sibi gaudio sustinuit crucem, confusione cōtempna. Quod verò mihi narras in morte & crucis supplicio gaudium? Primum quidem de gloria Patris, cuius læsæ maiestati ita erat crucis supplicio satisfactorius, vt magis eius gloriā obedientiā suā illustraret, quā primus homo inobedientiæ suæ crimine deformauerat. Deinde etiam de electorum omnium salute mirificè gaudebat, quibus morte sua immortalem vitam & æternam felicitatem comparabat: quorum omnium gloriā cum mentis oculis intueretur, hoc tanto gaudio perfusus est. Sicut enim cunctorum hominum peccata (pro quibus in passione sua æterno Patri satisfacerebat) singulatim & apertè vidit, & pro omnibus doluit: ita electorum omnium gloriā, quibus morte sua salutis æterne causa futurus erat, simili perspicuitate cognouit. Itaque si omnes quotquot hīc sumus, in electorum numero computamur (quod vnam nobis Domini miseratione contingat) omnes (inquam) sigillatim in sanctissimo illo pectore fuimus, & huius illi gaudij materiam ministravimus. Tertiā verò huius gaudij causā, obedientiæ Christi promptitudo existit: qui ad mortem hilaris, ad crucem paratus & expeditus ex summi Patris præcepto properabat. Quod quidem præceptum ipse discipulis exposuit cum ait, Venit princeps mundi huius, & in me non habet quicquam: sed vt cognoscat mundus quia diligo Patrem, & sicut mandatum dedit mihi Pater, sic facio. Hoc est, Venit dæmon, qui huius mundi princeps esse dicitur, princeps (inquam) non iure dominationis, sed vitio prauæ nostræ voluntatis: venit (inquam) vt mihi, sicut cæteris Adæ filiis, mortem peccati iure contractam inferat: verum ego non minùs à mortis debito quā à peccato immunis sum. Cur ergo mortem oppeto? vt cognoscat mundus quia diligo Patrem, propter cuius gloriā & imperium, lætus mortem excipio: & sicut mandatum dedit mihi Pater (vt videlicet animam meam pro salute mundi ponam) sic facio, sic obtempero, sic votis omnibus omniq̃ue alacritate eius præceptis obedio. In cuius rei argumētum orationem, & acclamantem populum mihi obuiam venire volui, vt summam meam erga Patrem charitatem & obedientiam mundo declararem, & perfectissimæ obedientiæ exemplum hominibus præberem. Quisquis igitur, fratres, hanc sibi primam curam proposuit, vt diuinis præceptis obtemperet, hoc affectu, hac animi alacritate studeat obtemperare. Non, inquit Apostolus, ex tristitia, aut ex necessitate: hilarem enim datorem diligit Deus:

Ioan. 12.

2. Cor. 9.

EUP

p. 2

Deus : & quidem ita diligit , vt multo gravior illi sit hilaritas munerantis , quàm muneris amplitudo . Contrà verò maledicti sunt , qui opus Dei faciunt desidiosè & negligenter . Sciant igitur quicumque tales sunt , simile quiddam facere atque Iudei fecerunt , cùm Domino Salvatore vinum felle mixtum propinarunt . Cùm enim bonum opus edunt , vinum quidem illi suave porrigunt : sed cùm illud languido & tristi animo edunt , vino pretioso amarum fel admiscunt . Hoc ergo Domini Salvatoris gaudium , hanc piissimi illius pectoris charitatem & alacritatem præsentis Euangelij historia representat . Ait igitur sanctus Euangelista :

I.

Cùm appropinquaret Iesus Hierosolymis , & venisset Bethphage ad montem Oliveti , tunc misit duos ex discipulis suis , dicens eis : Ite in castrum quod contra vos est , & statim inuenietis asinam alligatam , & pullum cum ea : soluite , & adducite mihi . Scitis iam , fratres , per hæc duo iumenta duos populos significari : per asinam quidem iam domitam , & ferendis oneribus assuetam , populum Iudeorum , qui iam dudum diuino imperio domitus , & ferendis legis oneribus assuetus erat : per pullum autem , cui nullus hominum infederat , Gentilem populum , qui nullius imperio subditus , nullisquæ Dei legibus adstrictus , vagus incedebat in via cordis sui . Hoc enim impiorum proprium est , quibus planè conuenit quod in libro Iob scriptum legimus . Vanus erigitur in superbiâ : & quasi filius onagri se liberum natum putat . Talis planè erat Phæao , qui Moyse diuina mandata perferenti respondit : Quis est Dominus , vt audiam vocem eius ? Nescio Dominum , & Israël non dimittam . Tales & illi qui in Psalmo dicunt , Linguam nostram magnificabimus , labia nostra à nobis sunt : quis noster Dominus est ? Denique hac de causa Apostolus dicit , Gentiles fuisse sine Deo in hoc mundo : quia nullo Dei metu aut religione arcebantur , quo minùs in omnia flagitiorum genera prolaberentur . Tales igitur olim erant Gentilium populi , talesque modo (proh dolor) sunt & nostrorum multi : illi nimirum , qui transierunt in affectum cordis , qui confregerunt iugum , ruperunt vincula : qui & animas suas , & fidem , fideique sacramenta in vanum acceperunt , qui que pro lege atque ratione feram sequuntur atque indomitam cupiditatem . Isti ergo quamuis verè fideles sint , moribus tamen & impietate infideles sunt existimandi : imò verò infidelibus quodammodo deteriores , vt ipse quorum scelera fides ipsa atque religio multo grauiora faciat : ideoque certum est , eos ad illorum sortem pertinere , quorum vitam imitantur . Qui etiam sine Deo esse dicuntur : quia quamuis Deum ore confiteantur , ea tamen licentia viuunt , ac

Iob 11.

Exod. 5.

Psal. 11

Ephes. 2.

Psal. 71.

Psal. 2.

Psal. 23.

si sine Deo prorsus vitam gerent. Quod ut aperte videas, finge animo hominem nulla religione imbutum, nulla Dei cognitione informatum, nullisque legibus adstrictum, illiusque mores & vite turpitudinem, diligenter expende: nullam enim in eo inuenies tam effusam in omni intemperantia libidinem, nullam tam effrenatam audaciam, tam immane in ceteros odium, tam cecam atque temerariam cupiditatem, quam etiam in plurimis eorum, qui sacrosanctis Christi sacramentis initiati sunt, non offendas. Sic enim plerique horum viuunt, sic in omnia flagitia precipites ruunt, ut praeter fidem & spem (quae eorum turpitudinem inexculpabilem reddunt) vix quicquam aliud Christianae religionis habere videantur.

Ceterum duo haec iumenta, quae hos duos populos, atque adeo improbos omnes, iumentorum more viuentes, significant, ligata esse perhibentur. Quae quidem alligatio, peccatorum vincula, & miserandam improborum hominum seruitutem aperte designat. Quia vero Dominici aduentus beneficio ab hac seruitute liberati sumus, non erit alienum, hoc in loco huiusmodi seruitutem, & seruitutis remedium paucis explicare.

Ad hoc igitur illud primo sciendum est, rot esse mala, quae lethale peccatum consequuntur (quod homines tamen adeo facile admittunt), ut, si omnium & hominum & Angelorum linguis tota vita loqueremur, nunquam ea enumerare possemus. Inter haec vero mala non postremum locum obtinet spiritualis quaedam captiuitas & seruitus, quam improbi seruiunt: tanto plane duriores, quanto eius acerbiteriam, qui eam patiuntur, minus sentiunt. Neque enim mentiri veritas potest, quae assueuerant ait: Amen dico vobis, quia quicumque facit peccatum, seruus est peccati. Huius autem seruitutis tres principae causas numerantur: quarum prima ex originis peccato prouenit, cuius demerito sublata originali iustitia (quae inferioris animae nostrae partem, superiori plenissime subiciebat) cupiditas velut fera quaedam, repagulis soluta, aduersus rationis imperium effrenatis moribus rebellare solet, illamque vehementer ad peccati consensum incitare. Vnde illud consecutum est, de quo Apostolus queritur: Sentio aliam legem in membris meis, repugnantem legi mentis meae, & captiuam me in lege peccati. Audis hic captiuitatem, quae graui seruitute non vacat. Haec igitur prima spiritualis, huius seruitutis causa est: quae (tametsi in piorum mentibus vix locum habet, quos vnicus Dei Filius in veram libertatem asseruit, sicut ipse ait: Si vos Filii liberauerit, verè liberi eritis. Ad quos autem libertas huius gratia non peruenit, miseranda huius seruitutis legibus premuntur.

De seruitute peccati.

1. h. 103

Prima seruitutis causa.

1. h. 104

1. h. 105

Fit autem grauior durissima huius seruitutis lex, lethaliū criminum accessione. Quam enim seruitutem originale peccatum peperit, actuale lactat, nutrit, & roborat. Huiusmodi enim peccatis non modo cælestia atque gratuita bona amittuntur, sed naturalia etiam (nempe ratio & arbitrij liberas) grauiter sauciantur. Vt enim peccatum mentem & rationem obscurat, quamuis non exstinguat: ita voluntatis libertatem minuit, quamuis non penitus adimat. His duobus peccati vinculis accedit interdum praua peccandi consuetudo: quæ ut seruitutem auget, ita veram minuit libertatem. Hinc diuus Augustinus: Vitia (inquit) si nondum victoriarum consuetudine roborata sunt, facilius vincuntur & cedunt: si autem vincere & imperare consueuerunt, laboriosa difficultate superantur. Id adeo verum est, vt Seneca dixerit: Ne ipsa quidem viciosa philosophiæ vis, licet totas in hoc vires suas aduocet, duram iam & veterem animæ extrahet pestem. Huius igitur accessione conficitur tandem funiculus ille triplex, qui diffidendum pitur. Quo quidem funiculo se D. Augustinus quondam victum fuisse testatur his verbis: Vincitum eram non ferro, sed mea ferrea voluntate: velle meum tenebat inimicus, & de me mihi cathenam fecerat, atque constrinxerat. Ex voluntate quippe peruersa facta est libido: & dum libidini non resistitur, secuta est consuetudo: qua ceu cathena quadam vinculus in peccato tenebar. Hac igitur cathena, siue triplici funiculo perditum homines constricti, variis cupiditatibus miserabiliter seruiunt. Avarus enim, dum summum bonum pecunia desinit, lucris semper inhiat, lucra computat, lucra dies noctesque cogitat, vsque eo, vt, siue comedat, bibat, dormiat, aliud nihil animo dies noctesque verset, neque quemquam miserum, nisi pauperem; nec felicem, nisi diuitem putet. Cuius rei gratia huiusmodi homines literæ sanctæ non diuites, sed viros diuitiarum (nempe seruos, aut mancipia: diuitiis seruientia) nuncupant. At non diuitiarum modo, sed multorum etiam vitiorum, serui sunt. Vt enim Apostolus ait: Qui volunt diuites fieri, inci-
dunt in tentationem, & in laqueum diaboli, &c. Qui enim augendi lucri gratia mentitur, fraudat, sceleratur, rapit, desipit, spoliatur, & alienum inuito creditore derinet, an non is turpissimorum dominorum seruus est? Iam verò ambitionis quam graue seruitutis iugum! quæ (vt Bernardus ait) quo dominetur aliis, prius seruit: quam multis enim adulari, quam multis se turpiter submittere debet, quo ad optatum honoris & dignitatis calmen perueniat. Hinc D. Cyprianus: Vides (inquit) illum, qui amictu clariore conspicuus fulgere sibi videtur in purpura, quantis hoc sordibus emit vt fulgeat? quos arrogantium fastus

Secunda
causa.Tertia
causa.Aug. 22.
de Ciuit. d.
Dei. 1227Seneca
ad Lucil.

August.

Rom. 2.
Ibr. 1. de
calumia

1. Tim. 6.

Ibr. 2.
Ibr. 1. de
calumiaCyprian.
epist. 10.
ad Don.

factus prius pertulit? quas superbas fores matutinus saluator obsedit? quocumque contumeliosa vestigia stipatus clientum cuneis ante præcessit, ut ipsum etiam salutantum comes postmodum pompa præcederet? Iam verò impudicorum hominum, turpi amori seruientium, quam misera seruitus est? Hanc enim apertissime Salomon designauit, cum ait: Inueni amariorē morte mulierem, quæ laqueus venatorum est, & sagena cor eius, vincula sunt manus illius. Quid igitur his nominibus sagenæ, laquei, & vinculorum, nisi durissimam eius captiuitatem & seruitutem, qui impuri amoris igne flagrat, insinauit? Recte enim Cicero: An ille (inquit) liber est, cui mulier imperat, cui leges imponit, præscribit, iubet, vetat quod videtur? qui nihil imperanti negare potest, nihil negare audeat? Possit, dandum est: vocat, veniendum est: eiicit, abeundum est: minatur, extimescendum. Ego verò istum non modò seruum, sed nequissimum seruum, etiam si in amplissima familia natus sit, appellandum puto. Quid verò hi, qui ita chartarum & alcarum ludo addicti sunt, ut non dies modò, sed noctes etiam infomnes in eo ducant, nec vlla vel ratione, vel iactura, vel dedecoris metu ab hoc turpi opere renocari possint? An hi verè liberi, & sui iuris existimandi sunt? Quid de his qui ventri & gulæ, turpissimis atque scdissimis dominis, seruiunt? Nemo (inquit Seneca) liber est, qui corpori seruit. Hos igitur omnes quis neget verissima ratione seruos appellari? Si enim seruus & captiuus alicuius tyranni dicitur, qui sui iuris non est, qui totus ex alieno pendet imperio, qui non sua, sed aliena, & ea quidem tyrannica voluntate ducitur: quomodo captiuus non erit, qui quæ ipse probat, non sequitur: sed quidquid vel fera libido, vel ambitio, vel auaritia, vel metus hominum, vel cupiditatis intemperantia suadet, hoc solum amplectitur? Quæ ergo crudelior aut durior captiuitas, quam nobilissimam mentem, diuina imagine informatam, carnis tyrannidi effrenatisque cupiditatibus, quodque grauius est, ipsi tenebrarum principi subiectam esse: quæ solo diuino spiritui subdi, & ab eo agi debuisset?

Consecrantur tamen Domino misericordiæ eius, & mirabilia eius filiis hominum: quia conseruit portas æreas, & vestes ferreas confregit. Ad hoc enim Dei Filius à Patre missus est, ut prædicaret captiuis indulgentiam, & clausis apertionem: ad quem idem Pater ait: Dedi te in scdus populi, ut susciteres terram, & possideres hæreditates dissipatas: ut diceres iis qui vincti sunt, exire; & iis qui in tenebris sunt, reuelamini. Ab hac igitur misera seruitute, morte, & captiuitate (in quæ mala primus generis humani princeps vitio suo incurrit) Christus Dominus

Becc. 7.

Cicero in
Parad.

Seneca
ad Lucil.
simile.

De serui-
tutis su-
prædictæ
remedio.

Dominus nos beneficio suo liberauit. Rectè enim D. Augustinus: Eramus (inquit) ligati in morte, eramus in seruitute, eramus in captiuitate. Vnde probamus mortem? Audi Apostolum dicentem: Regnauit mors ab Adam vsque ad Moysen, etiam in his qui non peccauerunt. Vnde probamus seruitutem? Christus ait: Omnis qui facit peccatum, seruus est peccati. Vnde probamus captiuitatem? Vox martyrum clamat in Psalmis: Conuerte Domine captiuitatem nostram, sicut torrens in austro. Et si ista temporalis captiuitas hostium barbarorum tam crudelis & amara est, quæ aut per fugam vitatur, aut pecunia redimitur, aut postremo morte finitur: qualis est illa æterna captiuitas, quæ non finitur, sed in æternum apud inferos cruciat? Hæc igitur, fratres, multiformis necessitas fecit, vt Dominus Christus hoc tempore veniret ad terras. Veniendo enim in carne nostra, abstulit mortem, reddidit vitam: abstulit seruitutem, reddidit libertatem: abstulit captiuitatem dæmoniorum, & reddidit nobis adoptionem filiorum. Hæc Augustinus. Hæc igitur de causa Christus Dominus parens & vindex nostræ libertatis, & humani generis assertor merito nuncupatur. Ad hoc igitur potissimum venit in mundum, & ad hoc item discipulos hodie mittit, vt muneris huius sibi ab eo committendi imaginem repræsentent, dum iumenta ligata Apostolica auctoritate soluant, & Apostolicis vestibus ornata ad illum ducunt. Quæ enim aliud illa Domini verba designant, Quæcumque alligaueritis super terram, erunt ligata & in cælo; & quæcumque solueritis super terram, erunt soluta & in cælo: nisi vt homines peccatorum vinculis alligatos in libertatem assererent filiorum Dei?

Sed ais: Rectè sanè: agnosco virtutem clauium, quæ captiuos & ligatos soluant; agnosco diuini Spiritus virtutem, quæ clauibus coniuncta est: sed quid ego pro virili mea facturus sum, quo hanc assequar libertatem? Vnico verbo docet hoc idem Augustinus: Quem (inquit) delectat vera libertas, ab amore mutabilium rerum liber esse appetat: seruitutis enim huius vinculum, non ferrum, sed amor est. Quam diui Augustini sententiam paucis comprehensam Seneca paulo fusiùs ad Lucillum exponit his verbis: Sibi seruire, grauissima seruitus est: quam facile est excutere, si desieris multa te poscere. In primis enim respondendæ sunt voluptates, quæ eneruant & effeminant, multumque petunt. Multum etiam à fortuna pendendum est. Deinde spernendæ opes, auctoramenta seruitutum. Non potest gratis constare libertas. Hanc si magno æstimas, omnia paruo æstimanda sunt. Denique breuiter & eleganter alibi ait: Nostri essemus, si ista nostra non essent. Hanc autem animi libertatem

August.
Seneca
Epist. 105

bertatem se assequutum fuisse, ad eundem Luciliū restatut
his verbis: Vaco mi Lucili, vaco: & vbiūque sum, meus sum;
rebus enim non me trado, sed commodo. Quot hīc verba, tot
sententiā. Eleganter verō ait, Non me trado, sed commodo.
Tradere enim, est seipsum quodammodo à se alienare, & alie-
rius seruituti addicere: commodare verō se rebus, est ad ho-
ram, quantum res exigit, se illis commodato exhibere, atque
protinus ad se redire, seque sibi integrum restituere. Quid au-
tem mirabilis, quā in Ethico homine hanc animi libera-
tem & sui curam cernere? Quid verō miserabilis, quā Chris-
tianum hominem, Christi beneficio à peccati seruitute libera-
tum, in eadem seruitute permanere? Sed quoniam malū hoc
satis dignē deplorari non potest; ex hoc loco digressi, ad sequen-
tia veniamus.

I.

Vbi enim Saluator ligata hæc iumenta (de quibus hactenus
loquuti sumus) discipulis soluere præcepisset, adiecit protinus:
Et si quis vobis aliquid dixerit, dicite quia Dominus vobis opus habet: & confestim dimittet eos. Hic iam profundiora mysteria attingere
incipiamus. Quomodo enim verum esse poterit, rerum om-
nium Dominum huiusce iumentis, aut vlla omnino re opus ha-
bere? Quod si ad equitandum vehiculis indiget, habet is vir-
que longē nobiliora vehicula quibus insideat. Currus enim Dei
decem millibus multiplex, millia laetantium. Et ascendit super
Cherubim, & volauit: volauit super pennas ventorum. Si ergo
talia sunt vehicula Dei, quomodo his adeo vilibus tumentis se
egere ait? Eget planē, non tamen sibi, sed mihi. Terrebar enim
olim me illa maiestas, de qua scriptum est, Terribili, & ei qui
aufert spiritum principum, terribili apud Reges terræ. Et illud:
Deus vitionum Dominus; Deus vltionum liberē egit. Huius
enim vltionis arque terroris metu primus ille generis nostri
parens abscondit se, nec ante tremendum Dei conspectum ap-
parere ausus est. Quia verō idem Dominus non minus mitis
& mansuetus, quā terribilis & metuendus est; nec tam terro-
ribus, quā lenitate cum hominibus agere decreuerat: egere se
planē iumentis his dixit, quibus humiliter veclus, huius tantæ
mansuetudinis & lenitatis suæ clarissimum specimen ederet.
Et quoniam satis antea terroris & iustitiæ magnitudinē osten-
derat, decebat planē lenitatis & misericordiæ suæ amplitu-
nem mortalibus declarare. Ad quod certē nullus convenien-
tior habitus, quique magis eius lenitatem & mansuetudinem
demonstraret, assumi potuit, quemadmodum Zacharias Pro-
pheta insinuauit, cum ait: Dicite filiæ Sion, Ecce Rex tuus ve-
nit tibi mansuetus, sedens super asinam, & pullum filium sub-
iugalis.

lugalis. Quibus verbis mirè Spiritus sanctus terrorem, quem ex Regis nomine populus concipere poterat, adiuncto mansuetudinis & pauperatis nomine temperavit: quo nullus adeò inops & abiectus esset, qui non sibi facilem aditum ad pauperem & mansuetum Regem esse putaret. Ad hanc ergo tam amabilem virtutem declarandam verè Dominus his iumentis indigebat. Sicut enim Reges alio habitu vestiuntur cum ad bellum, alio cum ad venandum; alio cum ad funera, alio cum ad nuptias prodeunt: ita Dominus dissimilem ornatum diversis temporibus sumit, cum ad alia atque alia opera procedit. Itaque cum orbem iudicaturus adveniret, veniet utique in nubibus celi, cum potestate magna & maiestate. Hæc enim species iudicantem maxime deceat. Nunc verò, quando non ad iudicandos, sed ad redimendos & alliciendos ad se homines venit (sicut ipse ait: Non enim misit Deus Filium suum in mundum ut iudicet mundum, sed ut salvetur mundus per ipsum) hoc planè humilitatis & mansuetudinis habitu tectus venire debuit: ne, si apparatu magnificentiore veniret, homines splendore magnitudinis eius perterriti, ab eo diffugerent; quem admodum olim Iudæi in monte Sina metu percussit fugerunt, terrorem eius & maiestatem ferre non valentes.

simile

Lucæ 22.

Ioan. 3.

Sed instabis forsitan: Rectè sanè dici potest (si planum sermonis sensum spectes) Dominum his indiguisse iumentis: at cum secundum allegoriam per iumenta hæc peccatores, iumentorum more viuentes, & peccatorum suorum funibus alligatos intelligi dictum sit; qua ratione dici potest, talibus iumentis Dominum indiguisse? Cui enim vsui peccatores Domino esse possunt, qui odio habet & impium, & impietatem eius? Fateor rerum omnium Dominum nulla omnino re indigere, quam in se non habeat, qui indeficiens bonorum omnium fons est. Nichilominus tamen rectè dici potest, illum huiusmodi iumentis indiguisse. Quonam modo? Nimirum, quia eguit summa illa sapientia summa nostra stultitia: ut hac occasione sapientiæ suæ magnitudinè declararet. Egit summa misericordia summa nostra miseria: quo sublevandis miseris nostris, pietatis & misericordiæ suæ immensitatem ostenderet. Denique eguit (si dici fas est) summa illa bonitas summa nostra malitia: quæ declarandæ bonitatis suæ materiam præberet. Sicut enim quæ excellentis medici gloriam illustrandam plurimum confert, graves & exitiales morbos in populo grassari, quibus ille curandis artis suæ peritiam ostendat: ita summus ille animarum medicus morbis nostris quodammodo indiguisse dicitur; quibus curandis, bonitatis & sapientiæ suæ magnitudinè manifestaret. Hæc enim ratio Lazari morbum atque adeò mortem ad gloriam

Sap. 14.

1. Cor. 1.

simile.

Ioan. 12.

suam

suam pertinere dixit: quia dum huic tam immedicabili morbo opem tulit, diuinitatis suæ gloriam patefecit. In quo quidem sensu canit Ecclesia: O certe necessarium Adæ peccatum, quod Christi morte deletum est! Necessarium peccatum appellauit, non quod vel in se, vel ipsi Domino necessarium esset: sed quia nulla ratione poterat diuinæ bonitatis, sapientiæ, & misericordiæ excellentia commodius, quàm huius morbi curatione demonstrari. Quod planè non in laudem cedit peccati (quod malorum omnium summum est) sed ipsius Redemptoris: cuius sapientia & bonitas tanta fuit, vt ex malorum omnium maximo, ad omnium diuinorum operum maximum edendum occasionem arripuerit. Imò verò hoc argumento quanta sit peccati malitia, quàm lethale venenum, quàm funesta contagio, maximè declaratur: quando tanta eius pestis extitit, vt nisi hoc summo & mirabili remedio curari minimè potuerit.

Quæ cum ita sint, non mirum si Dominus dicat talibus se iumentis egere: quoniam hæc illi declarandæ bonitati suæ tantalem materiam præbuere, vt nulla ratione potuerit ea evidentius manifestari. Si enim summa bonitas, summa sui beneficiorumque communione maximè cernitur, numquam immensa illa & infinita bonitas se ita communicasset, nisi carnis nostræ mortalitatem ad sananda peccatorum nostrorum vulnera suscepisset. Quia ergo peccatum huius operis occasionem illi tribuit, hac ratione non omnino absurdè dicitur, illum quodammodo egisse peccato: quia si illud deesset, nulla Deo suscipiendæ naturæ nostræ causa extitisset, vt communis sanctorum Patrum sententia tenet: si verò naturam nostram minimè suscepisset, nō esset vtique summo bono hæc nova ratio, summo modo se hominibus, atque adedò rebus omnibus in homine (qui omnium instar est) communicandi.

Quod si dicas, Non deerat summo bono hæc summa communio: inter diuinas siquidem personas perfectissimè reperitur: vbi summus ille Pater vni genito Filio suo plenissimè totam tradidit substantiam suam: rursusque Pater & Filius eadem Spiritui sancto (qui amborum nexus & amor est) communicant. Summa itaque communio in summo bono inter diuinas personas reperitur. Rectè sanè: sed tamen adhuc habeo quid pro summo bono loquar. In hac enim summa beatissimæ Trinitatis communione adhuc restat quod communicari ibi nullo modo potest. Substantia enim ibi communicatur, persona verò communicari nulla ratione potest. Nam si persona pariter & substantia communicaretur, nulla esset planè in summa Trinitate personarum distinctio. Si enim, quia natura communicatur, non sunt ibi tres naturæ, sed vna natura: ita si persona

sona communicaretur, non iam ibi tres personæ, sed vna tantum existeret. Quamobrem persona ibidem incommunicabilis prorsus est. Quæ ergo ratione fiet, vt in illo summo bono nihil omnino maneat non communicatum? Nimirum ad hoc aperienda via est: quæ nulla alia esse potest, nisi vt creator creaturæ communicet personam, quam creatori communicare non potest: vt in diuinis communicata substantia, in humanis verò communicata persona, nihil prorsus in summo illo bono superfit, quod non communicetur. Quod si ita est, opus ergo Dominus habuit iumentis his, opus habuit creaturis, immo & creaturarum peccatis, quæ illi tam stupendæ bonitati declarandæ occasionem præberent.

Si quis autem eos oculos haberet, quibus velut in speculo huius tanti operis infinitam hanc & impermeabilem bonitatis abyssum aliqua saltem ex parte cerneret, is profectò continere se non posset, quin totus amore flagraret, totus præ gaudio gestiret, totus in diuinæ laudes efflueret, & in admirationem tantæ bonitatis raperetur. Qui hæc igitur secum dies noctesque cogitant, quo tandem gaudio cumulantur? quanta lætitia exultant? quos dies festos agunt? quo cantu & symphonia personant? Verè eam non choris & cantibus solum est tantum hoc mysterium & beneficium celebrandum, sed etiam præ nimia lætitia (vt ita loquar) insaniendum, & in summa quadam voluptate bacchandum.

I I I.

Hactenus de Euangelica lectione: nunc de ratione huius sacri temporis (quod Ecclesia hodie incipit celebrare) pauca mihi dicenda sunt, quæ nos ad illud pro dignitate celebrandum præparent, ne in nos propheticum illud iactari meritò possit: *Miluius in cælo cognouit tempus suum*; turtur, hirundo, & ciconia cognouerunt tempus aduentus sui; populus autem meus non cognouit iudicium Domini. Turpe ergo erit (cum se aues temporum conditioni accommodare soleant, & pro eorum ratione loca subinde mutare) nos temporibus ab Ecclesia ad animarum nostrarum salutem institutis aptari nolle vel necesse.

Quemadmodum ergo animantium corpora, ita etiam animæ, sua egent temporum vicissitudine & varietate. Variis enim virtutibus, variisq; pietatis affectibus ad protectum suum indigent: ad quos alendos & nutriendos, varia quoque tempora necessaria sunt. Quod quidem animaduertens Ecclesia (quæ commoditatibus nostris tamquam pia mater semper inuigilat) diuersa anni tempora destinauit: nō modo vt hæc ipsa varietate spiritualium rerum fastidium adimeret (quæ res nocere no-

bis maxime potuisset) sed etiam ut variarum quoque virtutum, & piorum affectuum materiam nobis subministraret. Itaque totum illud tempus quod à Septuagesima vsque ad Dominicam in Passione interiectum est, agenda pœnitentię constituit: ab ea verò Dominica vsque ad Pascha, mœrori atque tristitię Dominica passionis dicauit: à Paschate verò vsque ad Pentecosten, spiritali gaudio atque lætitię destinauit. Ea namque mysteria his temporibus recolit, quæ his virtutibus & affectibus ingentes addunt aculeos. Quia verò nunc tempus instat Domini aduentus, quæretis forsitan, quid potissimum hoc sacro tempore Ecclesia recolat, & quid maxime à nobis exigat? Exigit planè tempus hoc (si quod aliud) summum erga Dominum Saluatorem grati animi affectum, pietatem, amorem, atque deuotæ mentis obsequium. Celebrat enim Ecclesia hoc tempore aduentum eius in mundum: in quo per viscera misericordiæ suæ visitare dignatus est nos oriens ex alto. Quia enim tora salus hominis à Deo est, & miser homo ad Deum ire nolebat, misericors aut illi Deus venire dignatus est. Si quæras autem ad quid

Lucæ 1.

Matth. 18

Isaia 61.

Gregor.

Isaia 61.

venit? Nimirum venit (ut ipse ait) quærere & saluum facere quod perierat, venit ut illuminaret his qui in tenebris & in umbra mortis sedebant, venit ut captiuos affereret in libertatem, ut errantes reduceret in viam, ut exules reuocaret ad patriam, ut mortuos suscitaret ad vitam, ut hostes & inimicos Dei Deo Patri reconciliaret, & Spiritum eis adoptionis impartiens, hæredes regni sui institueret. Venit ergo ad captiuos redemptio, ad mortuos vita, ad ægros medicina, ad errantes via, atque (ut D. Greg. ait) carnem Deus assumens, fugitiui sui vestigia sequebatur. Fugerat enim amens & cæcus homo à summo bono: ita ut nullis Prophetarum clamoribus potuerit à cæpto erroris itinere reuocari: ideo ipse Dominus in carne veniens, fugienti sit propior, ut eum ad se per se traheret. Quod quidem Apostolus insinuauit, cum ait, Christum Dominum non Angelos quidem, sed semen Abraham apprehendisse. Apprehendit enim dicuntur, qui aduersos insequuntur, omniaque faciunt ut fugientes occupent, & resistentes apprehendere valeant. Hoc ergo modo Saluator semen Abraham apprehendit. Denique si paucis accipere velis ad quid venerit, audi ipsum per Isaiam dicentem: Spiritus Domini super me, eo quod vnxit me: ad annuntiandum mansueris misit me, ut mederer contritis corde, ut prædicarem captiuis indulgentiam, & clausis apertionem, ut prædicarem annum placabilem Domino, ut consolarem omnes lugentes, & ponerem fortitudinem lugentibus Sion: & darem eis coronam pro cinere, oleum gaudij pro luctu, pallium laudis pro spiritu mœroris. Quid his verbis dulcius? quid suauius?

suauis? quid amantius? Si igitur ad hæc tanta beneficia præstanda missus est à Patre Christus; sit eius in mundum benedictus aduentus, benedictus item qui ipsum ad nos demisit, benedictus & ipse qui venit: cuius hodie beneficium pueri clamantes simili voce prædicant, dicentes: Benedictus qui venit in nomine Domini: O læta in excelsis. Quam vocem non hodie modo, sed in omne ævum resonent linguæ, voces, & ora nostra. Hoc est ergo mysterium, quod Ecclesia celebrare incipit hac die.

Celebrat etiam, atque adeo repræsentat nobis clamores, gemitus, & desideria veteris testamenti Patrum, qui tanto ardore Christi aduentum desiderabant: quemadmodum ad discipulos ipse ait: Beati oculi, qui vident quæ vos videtis. Dico enim vobis, quod multi Reges & Prophetæ voluerunt videre quæ vos videtis, & non viderunt; & audire quæ auditis, & non audierunt. Hi namque omnes huius tanti beneficii promissionem quidem, non possessionem acceperunt. Iuxta fidem enim (ut Apostolus ait) defuncti sunt omnes hi, non acceptis promissionibus, sed eas à longe salutantes. Eleganter autem ait, salutantes: quomodo illi facere solent, qui rem aliquam valde dilectam à longe adspiciunt, ad quam tamen pertingere non possunt: qui ad eam oculos dirigentes, affectu, & animo salutant. Quod planè faciebat sanctus ille Patriarcha, qui tot ævum ante mortem Christi in priens aiebat: Salutare tuum expectabo Domine: & interim tamen caro mea requiescet in spe. Quam re veteres illi Patres similes tibi fuisse videntur iis, qui intempesta & procellosa nocte in alto iactati, lucem à longe adspiciunt in edito loco sitam, quæ nauigantes ad portum dirigat: ad eam enim frequenter oculos coniungunt, ad illam (quatenus licet) iter dirigunt, illam denique (quâdo aliter nequeunt) oculis atque animo complectuntur. Ad hunc modum sancti olim Patres in Christum Dominum, hoc est, in veram lucem oculos conicientes (quæ erat mundi tenebras densamque caliginem splendore suo dissensura) supplices manus tendebant: ad illam toto studio aspirabant, eamque accelerari votis omnibus exorabant, cum Propheta clamantes: Cito anticipent nos misericordie tuæ Domine, quia pauperes facti sumus nimis. Ad quos quidem clamores diuinus vates illos hortabatur: cum diceret: Qui reminiscimini Dominum, ne taceatis, & ne detis silentium ei, donec stabiliet & ponat Hierusalem laudem in terra. Ut bonus autem magister, quod ab aliis exigit, prius se præstiturum pollicetur, cum alio in loco ait: Propter Sion non tacebo, & propter Hierusalem non quiescam: donec egrediatur ut splendor iustus eius, & Saluator eius.

vt lampas accendatur. Hoc est, propter eximiam charitatem,
 qua Ecclesiam & ceterum fidelium diligo, nō tacebo, nec quies-
 cam: sed continuis precibus diuinæ miserationis aures pulsa-
 bo, donec tandem iustum illum cupētis gentibus desideratum
 mittat: qui, vt aurora confurgens, & splendidissima lampas,
 mundi tenebras discussurus, & candidissimam lucem, hoc est,
 clarissimam diuinarum rerum cognitionem mortalium oculis
 prolaturus est. Quod verò se facturum pollicetur, planē exse-
 quitus est, cum adēntissimam illam vocem ex imis visceribus
 depromptam emisit: Rorate cæli desuper, & nubes pluant iu-
 stum; aperiat̃ur terra, & germinet Saluatorem. Quid ais Pro-
 pheta? quid postulas? Si ē cælo nubibusque emitti iustum pe-
 tis, quomodo terram appellas, vt ipsa germinet Saluatorem,
 quem cælum rorare, & nubes pluere debent? Vtrumque sanē
 verum: ē cælo simul atque terra venturus est: ē cælo quidem,
 quia filius Dei; ex terra verò, quia filius hominis: ideo cælum
 & terram inuoco, vt nobis iustum illum, & mundi Saluatorem
 proferant. Has ergo voces, hos clamores, hæc sanctorum Pa-
 trum desideria nobis hoc tempore ob oculos ponit Ecclesia: ni-
 mirum vt per desideria præcedentium, gratiam ostendat sub-
 sequentium. Quod enim illi desiderabant, nos tenemus: quam
 illi misericordiam expectabant, nos suscepimus: quod illi à
 longē salutabant, nos cum beato Euangelista possidemus, &
 contrectamus, dicētes: Quod fuit ⁱⁿ initio, quod audiui-
 mus, quod vidimus oculis nostris, & manus nostræ contrectauerunt
 de verbo vitæ, hoc testamur, & annunciamus vobis, vitæ æter-
 nam, quæ erat apud Patrem, & apparuit nobis. Quæ cum ita
 sint, meritò D. Bernardus torporem temporum atque homi-
 num nostrorum accusat, quos tantæ gratiæ, tanti que beneficii
 non promissio solū, sed exhibitio tam parum afficiat. Sic
 enim ait: Ardorem desiderij Patrum suspirantium in carne
 Christi præsentiam frequentissimē cogitans, confundor, &
 compungor in memetipso, & nunc vix contineo lacrymas: ita
 pudet teporis torporisque miserabilium temporum horum.
 Cui namque nostrū tantum ingerit gaudium gratiæ huius
 exhibitio, quantum accenderat veteribus Sanctis desiderium
 sola promissio? Quorum piæ expectationis affectum, & fla-
 grans desiderium mihi inspirat ista vox, Osculetur me osculo
 oris sui. Senserat nimirum in spiritu quisquis tunc spiritualis
 esse poterat, quanta gratia erat diffundenda in labiis illius, cu-
 piens omnino tantæ suauitatis participatione non fraudari:
 propterea loquens in animæ desiderio dicebat: Osculetur me
 osculo oris sui. Quasi diceret: Nō audio iam Moysen, eo quod
 impeditionis linguæ mihi factus est; Esaiæ labia sunt immūda;

Hicre-

Hieremias loqui nescit, eo quod puer est; & omnes Prophetæ sunt elingues: sed ipse loquatur mihi; & aperiat voluntatem Patris, atque in persona propria me erudiat: cuius gratiosa presentia me reficiat, cuius admirandæ doctrinæ fluentia fiant in me fons aquæ salientis in vitâ æternam. Hactenus Bernardus.

Videtur, fratres, quale quantumque mysterium Ecclesia recolat hoc tempore? Quod enim sacramentum antiquitas tot seculis ab exordio mundi desideravit, nec reperit; nos hoc tempore & celebramus, & tenemus, & nouo quodam modo in die Natalis Domini suscepturos speramus. Videte ergo quo studio, qua alacritate debeamus hoc tantum diuinæ pietatis beneficium recolere. Ad hoc igitur Ecclesia hoc sacratissimum tempus destinavit: in quo & puritati cordis, & huius tanti beneficii considerationi fideles vacarent, & corda sua venienti Domino mundissima hospitia prepararent. Hinc facile est colligere, quid à nobis huius sacri temporis ratio exigit. Exigit enim sanctæ orationis studiū, Dei laudes, gratiarum actiones, elemosynarum largitatem, ieiunia, solitudinem, silentium, Sacramentorum frequentiores usum, animique puritatem. Quæ omnia hospitium in cordibus nostris venienti Domino parant, & ad illud vehementer inuiant. His enim virtutum ornamentis Sponsa in Cant. dulcissimū ad se Sponsū vocat, cum ait: Lectulus noster floridus, tigna domorum nostrarum cedrina, laquearia nostræ cypressina. Lectulus enim cordis eius sanctorum desideriorum floribus erat ornatus: domusque mentis, odoriferis & incorruptis virtutum lignis cōstructa. Ad huiusmodi verò hospitium libet declinat Spōsus, qui pascitur inter lilia, donec adspiret dies, & inclinentur vmbre. Ad hæc autem mysteria pie animo recolenda, tempus aliquod singulis quibusque diebus designandum est. Quid, quæso fratres, his tam longis hyemis noctibus facitis? cur non eas cum Domino diuiditis? cur non Propheticum illud impletis? In noctibus extollite manus vestras in sancta, & benedicite Dominum? Alioqui, si nihil horum præstare curamus, quid con ferre nobis poterit sanctitas temporum, nisi nos quoque temporibus ipsis conformes efficiamur? Constans enim Philosophorum sententia est, omnia quæ aliquid efficiunt, in materia prius disposita ac parata id efficere. Quemadmodum ergo siue natura, siue naturæ imitatrix ars, aptam requirit atque obsequentem materiā in qua operetur, & vim suam exferat: ita planè gratia non reluctantem animum occupat, obduratum autem deserit. Quæ quidem causa mihi esse videtur, cur tot Ecclesiæ voces, tot conciones tam frequenter audiat, tot Christi mysteria ante oculos posita, tot impensa beneficia, tot suscepta sacramenta,

Cant. 1.

tot denique sacra tempora, siue Domini aduentus, siue passionis, siue resurrectionis, siue agenda poenitentiae destinata, parum aut nihil in nobis efficiant: immo verò tot ab Ecclesia ad commoditatem nostram mutatis temporibus, nos protus immobiles atq. immutati persistamus. Quid igitur prodest mutari tempora, si nos cum tempore non mutamur? si nullos in virtutem processus facimus? si idem in nobis mentis languor perseuerat, eadem socordia, eademque salutis nostrae & mysteriorum diuinorum obliuio atque neglectus? Quin potius demus, quaeso, operam, fratres, vt ita aduentum Domini in carne celebremus, ita ad natalem eius diem preparèmur, vt illum intra cordis nostri thalamum nascentem excipiamus, cum pastribus adoremus, cum Angelis collaudemus, & cum sacra Virgine bonorum operum nostrorum fructu lactemus: praestante eodem Domino Iesu Christo, &c.

IN EADEM PRIMA DOMINICA

ADVENTVS, CONCIO SECVNDA: QVÆ, post Euangelicæ lectionis enarrationem, de beneficio Dominicæ incarnationis, & salutis nostræ agit.

THECIIA. *Benedictus qui venit in nomine Domini: Osanna in excelsis. Matth. 21.*



N lectione sancti Euangelij, qua specie atq. habitu Saluator Hierosolymā ingressus sit, & qua alacritate à populo exceptus, Matthæus Euangelista describit. Quæ res typum aduentus eius in mundum (quem hoc tempore Ecclesia representat) nobis ob oculos ponit. Ait igitur: Cum appro-

pinquasset Iesus Hierosolymam, & venisset Bethphage ad montem oliuarum, misit duos ex discipulis suis. &c. Locus hic, vnde Dominus Hierosolymā ingressus est, vt redemptionis nostræ opus consummaret, mysterio aptissime quadrat Mons enim oliuarum,

Genes. 3. Dei misericordiam designat. Ramum enim oliuæ deferens in ore suo post diluuium columba, presentem Domini misericordiam post vindictam illam designabat. Ex hoc ergo oliuarum, id est, misericordiæ monte, Dominus Hierosolymam ingreditur: quia sola eius misericordia in cauiā fuit, vt in hunc mundum veniret, non quæ à sempiterna morte liberaret. Cuius misericordiæ magnitudinem appositisimo verbo Zacharias expressit, cum ait: Per viscera misericordiæ Dei nostri, in quibus

visitauit

visitant nos oriens ex alto. Nō cōtentus solo misericordiē nōmine, quo huius misericordiā teneritudinē & magnitudinem insinuaret, viscera misericordiē dixit. Quē enim maior misericordia, quā vt rerū omnīū Dñs nulla sua vtilitate, sed sola bonitate inductus, seculorū omnīū debita atq. miseria in se vñs exciperet, & se in lacū fecis & miserię nostrā cōiiceret, vt inde nos (qui in eo infixi eramus) periculo suo clemēter extraheret?

Ab hoc autem monte mittit duos ex discipulis suis, vt asinam afferant, & pullum, quibus ipse insidens ciuitatem ingrediatur. Quā causā Domino fuerit, vt his vehiculis in tam brevi itinere vti voluerit, prudenter Euangelista subindicat, cū ait: *Vt impleretur quod dictum est per Zachariam Prophetam dicentem: Dicite filie Sion, Ecce Rex tuus venit tibi, &c.* Quia verò hoc Zacharię vaticinium, sacrę huius historię fundamentum est, paulo diligentius verba eius à nobis excutienda sunt; atque illud in primis, quidnam sit quod his verbis annuncietur, & cui potissimum nunciatur. *Dicite*, inquit *filie Sion*. Est planē Sion alia quidem materialis, alia verò spiritualis. Ad veramque autem vox hac Prophetę pertinet, sed præcipue tamen ad spirituales. Iudæi olim Sionis nomine censebantur: non solum quòd hunc montem, & ciuitatem iuxta eum positam incolerent, sed multo magis quòd ipsorum esset adoptio, & gloria, & testamentum, & legislatio, & promissio, ac denique Patres ex quibus Christus secundum carnem natus est; quibus etiam primū (tamquam hæredibus huius gratiæ) regnū Dei oportuit nunciari. Sed quia illud obstinato animo repulerunt, & indignos se iudicauerunt æterna vita, à Domino quoque repudiati sunt. Itaque excisis Iudæis, tamquam naturalibus ramis, nos ex oleastro insiti fuimus in bonam oliuam; & percipientes pinguedinē radicis, Deo (qui ex lapidibus potest filios Abraham suscitare) operante, facti sumus & vera Sion, & populus Dei electus, & semen Abrahę; atque (vt Petrus Apostolus ait) genus electum, regale sacerdotium, gens sancta, populus acquisitionis: qui aliquando non populus Dei, nunc autem populus Dei: qui non consequuti misericordiam, nunc autem misericordiam consequuti. Quas ergo, fratres, gratias pro hac tanta dignitate Domino fragilitas nostra agere poterit? Nobis namque potissimum Dominus in Propheta loquitur, nos ad hanc exultationem inuitat, cū ait: *Dicite filie Sion, Ecce Rex tuus venit tibi.* Nec verò pronomina hæc (tuus) & (tibi) leuiter prætereunda sunt. Tibi enim, o vera Sion, nouus hic Rex venit, vt te videlicet Spiritu suo regat, vt à sempiterno generis humani hoste defendat, vt cælestibus diuitiis cumulet, vt eternam tibi felicitatem, & immortalitatis gloriam largiatur.

Aliis quidem (quamuis eorum vitio) non Rex, sed lapis offensionis est, & petra scandali: aliis iudex & testis velox, qui intimos mentis recessus, & occulta scelera in lucem proditurus sit. Sed iis tamen iudex erit, qui, quam omnibus obtulit gratiam, contemptu superbo, aut inerti socordia repulerunt. Instar apes enim est, quæ mel præbet placidis, hostibus autem aculeum infigit. In præsentem ergo aduentu mel porrigit: in futuro vero pungentem exferet aculeum. In præsentem venit tibi, in futuro vero (si oblatam respicias gratiam) veniet contra te. Modò quidem pijs est agnus, qui improbis postea leo futurus est. Quod virumq. idem Propheta subindicauit, cum proximus subdidit, Iustus & Saluator: iustitiam quidem in improbos exercens, salutem vero bonis largiens. Sequitur deinde: *Euntes ergo discipuli adduxerunt asinam & pullum, &c.* Hæc asina in biuio ligata erat: ab Apostolis tamen soluta, & vestimentis eorum ornatæ, insidente atque regente Domino, perducitur in Hierusalem. Hoc autem animal imaginem quidem perfectæ obedientiæ, imò & consummatæ virtutis hoc loco exhibet. Hæc enim præstabat ille, qui dicebat: Vt iumentum factus sum apud te, & ego semper tecum. Quibus verbis ostendit, Deum quidem sibi insidentem à se gestari: & illi se velut iumentum promptissimum ad obediendum sine vlla tergiversatione præbere. Huius verò obedientiæ promptitudinem nullus mortalium ita præstitit, sicut ipse Dominus Iesus: quæ ad hoc præcipue venit in mundum, ut obedientia sua, rebellionis & inobedientiæ antiquæ icelus expiaret. Quam quidem obedientiam idem ipse in Psal. copiose describit his verbis: Sacrificium & oblationem noluisti, aures autem perfecisti, siue (vt Hieron. vertit) perforasti mihi. Hoc est, non vllis legis ceremoniis & institutis, sed obedientia & sanctitate placaris. Vt igitur gratissimo sacrificio nomen tuum hominum generi in sensum placari posset, in me summum perfectæ obedientiæ exemplum constitutum esse voluisti. Exaggerat deinde huius obedientiæ magnitudinem, cum subdit: In volumine libri scriptum est de me, vt facerem voluntatem tuam. Huc legis (inquit) volumen respicit: in hunc finem omnia sanctorum hominum scripta conferuntur: hoc vnum oracula diuina suspiciunt, vt obedientiam meam laude celebrent, eamque omnibus conspiciendam & imitandam proponant. Vim autem obedientiæ continuo persequitur: Facere voluntatem tuam Deus meus volui, & lex tua in medio cordis mei. Docet non auribus tantum corporis, sed multo etiam magis intimis animi sensibus imperium Dei accipi debere: vix menti penitus impressa & insculpta, mentem ipsam incendat & incitet ad diuinæ voluntatis studium: vsque adeo vt nihil expectat

simile.

Psal. 72.

Psal. 39.

Ex Oso.
rio Episc.
lib. 7. de
iustitia.

expetat ardentius, nec in re aliqua se gerat vehementius, quam in his quæ à Deo sunt imperata faciendis. Hoc est igitur vnicum illud sacrificium, quod Deus respicit, cuius magnificentia flectitur, cuius suauitate oblectatur, cuius sanctitate propitius fit, quod à solo Christo potuit ritè procurari. O verè piacularum hostiam, salutare sacrificium, admirabilem placandi numinis rationem: quæ tam excellenti obedientia perficit, vt ab exilio in patriam, ipsius summi Patris voce reuocari, laudes illius læti caueremus: & qui fueramus rebellis bonis omnibus spoliati, essemus tandem obedientia restituti! Videtis ergo, fratres, verba illa Prophetæ, Vt iumentum factus sum apud te (in quibus obedientiæ, atque adeo totius perfectionis summa continetur) nulli magis quam Domino Saluatori conuenire? Si quis ergo ad summam hanc vitæ perfectionem aspirat, omni studio & sedulitate contendat. ita se erga Dominum gerere, vt iumentum erga sefforem suum. Iumentum non sui iuris est, non sibi seruit, non pergit quò libet, sed quodcumque dirigentis & insidentis volûtas tulerit. Sic ergo tu te erga Deum gere, tibi ipsi renûcia, desine tuus esse, illi solum milita, illi obsequere, illi viuere, illius voluntatem, non tuam amplectere; tuique oblitus, illius gloriam, non tuam commoditatem vbique intueri. Perge quocumque te Dei gubernantis voluntas legibus suis impulerit, per gloriam & ignobilitatem, per infamiam & bonam famam: hoc est, per aduersa simul & prospera, nihil in hac parte discernens, sed se totum sapientiæ & volutari gubernantis committens, & tunc quidem iumentum hoc effectus es. Sed quale iumentum? Nimirum qualia erant sacra illa Ezechielis animalia: quæ vbicumque erat impetus spiritus, illic gradiebantur, nec reuertebantur cùm incederent. Vbi verò fiebat vox è firmamento, protinus submittebant alas suas, & in medio cursu subsistebant. Tunc enim cum Propheta verè dicere poteris: Vt iumentum factus sum apud te. Idem consilium legimus in Vitis Patrum, à seniore quodam, iuniori (cùm primum monachi habitum, & institutum suscepisset) datum fuisse. Si vis, inquit, perfectus esse, fac in animum tuum inducas, te & asellum monasterij vnum atq. idem esse. Sicut enim ille oneratus non recalcitrât, verberatus non marmurat, iter faciens non quò vult pergit, sed quò seffor impulerit, nec omnino sibi, sed alteri viuitt: ita tu in monasterio viuere contende. Porro autem si quæras, quodnam tali iumento præmium sit propositum; hoc idem tibi Propheta responderet, cùm subdit: Tenuisti manum dexteram meam, & in voluntate tua deduxisti me, & cum gloria suscepisti me. Quid his amplius desiderari porest? Felix planè, & nimium felix, qui hoc modo iumentum

Ezech. 1.

simile.

simile.

factus, à Domino regitur atque dirigitur. Quemadmodum enim pater paruulum filium apprehensum manu sustentat, & per itinera planiora sine offensione deducit: ita Pater ille cælestis obedientem filium in via salutis dirigit, infirmum sustentat, errantem docet, ægrorum curat, incedentem consolatur, cadentem dexteram porrigit, & tandem, peractis huius vitæ curriculo, cum gloria suscipit. Quod quidem in præsentis lectione Saluator adumbravit, quando iumentum, cui insidebat, ductu suo perduxit in Hierusalem.

Sed iam videamus quoniam obsequio populus Dominum iumento insidentem exceperit. *Plurima*, inquit *turba strauerunt vestimenta sua in via: alij autem cadebant ramos, &c.* Nemo adeo sacrarum literarum rudis erit, qui hæc omnia vel sine diuino numine gesta, vel ab Euangelista otiose cõscripta putet. Quid igitur his populi obsequiis significatur? Nimirum (vt alia prætermittam) diuersi gradus virtutum, diuersæque cælum adeundi viæ. Qui enim vestimenta sua conculcanda prosternunt, illi esse videntur qui necem sensibus afferunt, qui corpus inedia conficiunt, qui carnem suam cum vitiis & concupiscentiis crucifigunt: quemadmodum sancti illi Anachoritæ olim fecisse memorantur, qui Dei amore, sui que odio incensi, corpora sua in huius vitæ via, incredibili maceratione atque austeritate conculcanda prosternebant. Qui verò ramos cadunt oliuarum, hi sunt qui misericordie oleo cæterorum hominum miseras subleuant, misericordiam Domini sibi iugiter conciliare student, quæ se in diuino iudicio tueantur. Quandoquidē (vt Iacobi ait) super exaltat misericordia iudicium. Hoc est, gloriatur misericordia aduersus iudicium: quod videlicet contra misericordes locum non habeat. Qui verò repetitis vocibus salutem à Domino implorant, clamantes, *Osanna in excelsis*: hi sunt qui orationis studio sedulo incumbentes, salutē & vitam à Domino continuo precantur: salutem (inquam) in excelsis, hoc est, non terrenam & caducā (qualem cultoribus suis lex olim pollicebatur) sed cælestem & sempiternam, de qua Isaias ait: *Israël saluatus est in Domino salute æterna.* Habes igitur hoc in locis tres virtutum gradus, triplicem que in cælum eundi viam. Quicumque enim viribus & robore corporis vales, intra te habes vnde Christo obsequi possis: carnem ieiuniis & inedia macera, eamque pedibus protere & conculca, spirituique repugnantem feruire compelle. Quod si minus corporis robore potes, præscinde saltem ramos oliuarum, & sterne in via: hoc est, misericordiarum operibus alienam carnem foue, qui tuam affligere non potes: Frange esurienti panem tuum, & egenos vago: quæ induc in domum tuam: cum videris nudum, operi eum, & car-

nem

Iacobi 2.

Isaiæ 45.

Isaiæ 58.

nem tuam ne despereris. Sed ais forsitan: Neutrum horum
facere possum: illud quia infirmus, hoc quia egenus sum: &
ideo nec carnem ieiunio attenuare, nec proximos elemosinis
iuuare queo: quid ergo? praelusa ne mihi est omnis ad salu-
tem via? Nullo modo. Superest tertium, vt cum pueris cla-
mes, *Osanna in excelsis*: vt excelsa atque diuina animo & cogi-
tatione voluas, & in lege Domini cum Propheta mediteris die *Psalm. 111*
ac nocte: à quo te studio nec corporis imbecillitas, nec rei fa-
miliaris angustia poterit auocare. Dominum igitur cum diuo
August. his verbis alloquere: Te Domine mediter per dies sine
cessatione, te etiam per soporem in nocte, te alloquatur spi- *in Medita-*
ritus meus, tecum confabuletur mens mea. Felices illi, qui ni-
hil præter te diligunt, nihil quærunt, nihil etiam cogitare con-
cupiscunt. Felices illi, quibus tu solus spes es, & omne opus eo-
rum oratio. Hæc ille. Medicorum sententia est, corpora nostra
tam diu ali, quàm diu viuunt. Sicut igitur corporea vita corpo- *simile.*
reo indiget alimento (ne naturalis calor, qui corpus semper ab-
sumit, omnino consumatur) sic planè spiritualis vita, spirituali
pabulo (quod diuinæ legis meditationem D. Hieron. esse ait)
sustentanda est: ne charitatis calor (quo anima nostra viuít, cui-
que tam multa in hoc seculo aduersantur) per peccatum ex-
stinguatur. Hactenus de Euangelica lectione: nunc ad propo-
siti the-matis verba veniamus.

I.

Benedictus qui venit in nomine Domini, &c. Hæc puerorum ad-
uentum Domini prædicantium verba, fideles hodie ad eadem
laudes, & gratiarum actionem vehementer inuitant. Quamuis
enim ea sit huius beneficii magnitudo, vt quàm diu viuimus &
spiramus, tam diu illud ante oculos habere debeamus: Ecclesia
tamen hoc sacratissimum tempus instituit, in quo mysterium
hoc deuotissimè celebrare, & Redemptori nostro (quando ali-
ter non possumus) hac saltem ratione gratificari studeremus.
Ideoque nihil pro huius temporis ratione commodius, quàm
de huius beneficii magnitudine tractari potest: quæ rara est, *simile.*
vt priora Dei beneficia (quæ & multa & maxima sunt) si cum
hoc vno conferantur, velut exigua lucerna ante splendidissi-
mam solis lucem, quodammodo euasescere, & splendore suum
amittere videatur. Hinc per Prophetam Dominus: Ne memi-
neritis, inquit, priorum, & antiqua ne intueamini. Ecce ego fa-
cio noua, & nunc orientur, vtique cognoscetis ea. Itaque ipse
Dominus, qui tanto antea studio veterum beneficiorum me-
morem animum exigebar, modò præcipit, vt, ab illis beneficiis
parum per oculos auertentes, omnes cogitationes nostras in hoc
vnum beneficium conferamus.

Magnum

Magnum planè creationis beneficium existit: quo hominem Deus, ad imaginem suam conditum, huic medio mundi globo tamquam mortalem quendam deum præfecit, & omnia quæ sub cælo sunt, illius imperio subiecit. Sed quale, quæso, hoc beneficium est, si cum redemptionis & incarnationis Dominicæ beneficio conferatur? Illic enim Deus fecit hominem ad imaginem & similitudinem suam, hîc Deus ipse factus est ad imaginem & similitudinem nostram: illic participes nos fecit bonorum suorum, hîc particeps ipse factus est malorum nostrorum: illic nos sine vîlo suo labore condidit, nihilque de suo amisit (de vniuersa enim mundi fabrica dictum est, Ipse dixit & facta sunt) hîc verò & dixit multa, & fecit mira, & pertulit dura; nec solum dura, sed etiam indigna: illic assumptum de limo hominem inter paradisi amœna collocavit, hîc eundem hominem, è profundo inferi euocatum, ad cælestia regna sustulit: tunc nobis concessit, vt morte animalium victum nobis pararemus; hîc verò, vt amissam corporis & animæ vitam morte sua instauraremus. Denique, vt vno verbo finiam, illic sua nobis dedit, hîc verò seipsum contulit, non tam in Dominum, quàm in pretium & sacrificium. Quantum ergo inter creaturas & creatorem interest, tantum hoc postremum beneficium cætera omnia antecellit. Si ergo tanti Deus prius illud beneficium æstimari voluit, vt in lege veteri septimum quemque diem, id est, Sabbathum cõsecraret, in quo homines à cæteris operibus feriati, huius beneficii considerationi vacarent, & quiete sua quietem conditoris post mundi fabricam repræsentarent: quid, quæso, pro hoc tanto beneficio à nobis exiger? Si tanti apud nos esse voluit, quòd naturæ dederit ornamenta; quid erit quòd summa contulit gratiæ præsidia? Si tanti est, quòd nos homines atque filios hominum fecit; quantum erit quòd in Dei filios adopravit, & regni sui hæredes instituit? Vt hanc igitur animi gratitudinem præstare aliqua saltem ex parte valeamus, duo nobis (vt alia prætermittam) in hoc diuino pietatis opere considerata sunt: nempe quid in eo nobis cælestis Pater contulerit; ac deinde, quo auctore & mediatore contulerit.

I. I.

Atque vt id quod primo loco posui expediã, videamus diligenter, quid Saluator nobis contulit, cum in mundum venit. Ephes. 1. Sed quis hoc verbis consequi possit? Ait enim Apostolus: Mihi autem sanctorum minimo data est gratia hæc, euangelizandi in gentibus imperuestigabiles diuitias Christi. Si is igitur, cui gratia data est has diuitias euangelizãdi, imperuestigabiles appellat; quis, quæso, explicare audeat, quod inexplicabile esse tantus

tantus Apostolus confiteatur? Is tamen in eadem Epistola de his cælestibus diuitiis sic ait: Benedictus Deus, & Pater Domini nostri Iesu Christi, qui benedixit nos omni benedictione spirituali in cælestibus in Christo: sicut elegit nos ante mundi constitutionem in ipso, vt essemus sancti & immaculati. Ex quibus verbis colligimus, & salutem æternam, & omnia quæ ad eam consequendam pertinent, per Christum nobis fuisse donata. Inter quæ principem locū obtinet æterna electio, & prædestinatio, quæ electis per Christū contigit. Spenim (vt Apostolus ait) elegit nos Pater ante mundi constitutionē in Christo, hoc est, per Christum: & si præterea benedixit nos omni benedictione spirituali per ipsum (& inter omnes alias benedictiones hæc prima & summa, & omniū aliarum causa est) ea nobis vtique per Christū vnicum vitæ & salutis auctorem contigit: alioqui non benedixit nos Pater omni benedictione spirituali per ipsum. Deinde etiā vidit Pater in æterna illa sua sapientia, electos omnes (si sibi relinquerentur) in peccata ruituros, atque ita æternam salutem amissuros: quibus tamen, propter præniis Christi merita, auxilium gratiæ suæ conferre decreuit; ne in peccata laberētur, & si quando prolapsi essent, veniam ipsius merito consequerentur. Huic enim Domino (vt Petrus Apostolus ait) omnes Prophetæ testimoniū perhibent, remissionem peccatorum accipere per nomen eius, omnes qui credunt in eum. Quisquis igitur piorum à lethalibus peccatis immunis est, huic tæto Redemptori munus hoc acceptum ferre debet. Et quicūque talis est, vniuersum terrarum orbē oculis atq; animo lustrat, omniaque hominum peccata considerat: à quibus si ipse immunis est, totidem sibi à Christo beneficia impensa cognoscat: quandoquidem nullum scelus est, in quod ruat aliquis homo, in quo labi non possit alter homo, cum in simili originis peccato conceptus sit, similiq; naturā constet, in eodemque mundo versetur, qui totus in maligno positus est. Cum ergo eadem vtrobique ruina occasio sit, si altero ruente tu steteris, Christi beneficio te stare cognosce. Iam verò, cum non satis sit ad salutem abstinere à malo, nisi bonū etiā facias: nec sufficientes simus cogitare aliquid ex nobis tamquam ex nobis: si quid recte cogitamus, aut loquimur, aut molimur, id etiā beneficiū Christi est, cuius merito & gratia animus noster ad virtutis & pietatis cultum à cælesti Spiritu incitatur. Sicut enim omnis stellarum splendor ab vno sole proficiscitur: ita omnis piorum iustitia à Sole iustitiæ Christo in ipsos manat. Rursumque, sicut nullus in hoc inferiori mundo motus aut mutatio est, qui à primi orbis motu non efficiatur: ita nullus piorum ad bonum aliquod incitatur, qui non Christi merito à

Deo

Act. 10.

2. Cor. 3.

simile.

Simile.

simile.

Deo moueatur. Quemadmodum enim Deus per primi orbis motum corporea cuncta mouet & gubernat: ita per sacram Christi humanitatem spiritualia cuncta moderatur. Quam enim vim primus ille orbis habet in omnia quæ naturaliter in hoc inferiori mundo fiunt, eandem humanitas Christi habet in eo omnia quæ spiritualiter in Ecclesia geruntur. Quod igitur Pharaos Rex dixit ad Ioseph (quem Saluatorem mundi lingua Aegyptiaca appellauit) id Christo, vero mundi Saluatori, maxime conuenit. Ego (inquit) sum Pharaos: absque tuo imperio nemo mouebit manum aut pedem in vniuersa terra Aegypti. Hanc, inquam, potestatem Christo homini caelestis Pater contulit, ut sine illius ope & merito nemo manum aut pedem mouere, hoc est, per iter salutis ingredi, aut opus aliquod dignum Deo moliri & exsequi possit. Itaque quoties aliquid pium & gratum Deo siue cogitas, siue loqueris, siue operaris, intelligens hoc ipsum tibi Christi meritis contingere, ad illum protinus conuersus, & cordis tui genua coram illo flectens, dicere debes: Per te mihi Domine donatum est, non solum ut in te credam, sed etiam ut digna fidei opera faciam: per te mihi maxima & pretiosa promissa caelestis Pater donauit, nempe ut diuinæ naturæ consors efficerer: per te mihi patet aditus in caelum: per te ciuis Sanctorum & domesticus Dei decretus sum: per te à seruitute diaboli liberatus, in sortem filiorum Dei coopratum sum. Tu mihi factus es sapientia, iustitia, sanctificatio, & redemptio. Doloribus itaque tuis & vulneribus gratias ago, quod ex eis liquor in me caelestis emanet. Hoc verò pios omnes facturos esse, Isaïas olim prænuñciauit, cum ait: Haurietis aquas in gaudio de fontibus Saluatoris (ex quibus planè plus dulcedinis quam sanguinis emanauit) & dicetis in illa die (quando videlicet suauitatem & efficaciam virtutis & bonitatis eius experti eritis) Confitemini Domino, & inuocate nomen eius: hoc est, laudate eum, cuius meritis & beneficio, diuinarum gratiarum fluentia ad vos tam copiose deriuata sunt. Longè enim aliter ad prædicandas Dei laudes inuitat, qui eius bonitatem & suauitatem degustarunt, quàm qui eandem legendò solum atque differendo didicerunt.

Mat. 12.

Constat igitur ex his quæ breuiter dicta sunt, quàm multa secum bona Saluator noster attulerit in mundum. Quid enim boni deesse nobis ad salutem poterat, quando ipse bonorum omnium fons ad nos venire dignatus est? Cum sponsus aliquis peregrè ad Indos profectus, diutius ibi commoratur, literas & munuscula charissimæ sibi sponsæ inde transmittit, quibus suam amorem atque memoriam excitet: cæterum quando ipse ab Indis in patriam remeat, non modò seipsum, sed omnia quæ

simile.

que bona sua secū affert. Sic igitur Sponsus ille cælestis, priusquam veniret in mundum, varia Ecclesiæ suæ dona & munuscula per nuncios suos destinabat: vbi verò ipse per se ad eam venire dignatus est, omnes cælestes opes, in thesauris diuinis reconditas, secum pariter ad eam attulit.

Qua quidem ex re illud etiam cōsequutum est, vt mala omnia quæ per primum illum generis humani parentem in mundum inuecta sunt, per secundum tollerentur, proq. illis multo maiora bona concederentur; quando (vt Apostolus ait) non sicut delictum, ita & donum. Vbi enim abundauit delictum, superabundauit & gratia. Quisquis igitur multiplicem redemptionis nostræ gratiā nosse cupit, in ea mala, quæ primi parentis vitio importata sunt, oculos coniciat, vt ea bona, quæ Redemptoris merito nobis collata sunt, intelligere valeat; quādo is ideo in hunc mundum missus à Patre est, vt omnia instauraret quæ illius criminis merito collapsa erant. Vt enim Philosophi docēt, alterius contrariorum cognitio ad alterius cognitionem viam parat. Dissident autē vehementer inter se primus homo de terra terrenus, & secundus homo de cælo cælestis: ille superbus & inobediens, iste humilis, & factus obediens vsq. ad mortem: ideoq. mala omnia quæ prior ille homo in mundum inuexit, iste sustulit. Per illum namq. Dei inimici facti sumus, per hunc cum eo reconciliati sumus. Per illum iustitiam & gratiam amisimus, per hunc vtrumq. adepti sumus. Per illum facti sumus naturā filij iræ, per hunc in filios Dei adoptati. Per illum nequissimi spiritus potestati permissi, per hunc Spiritui sancto in disciplinam & custodiā traditi. Illius, non nostro scelere, peccati labē nascendo contraximus: huius virtute, nō meritis nostris, ad iustitiam peruenimus. Illius crimine à paradiso voluptatis expulsi, huius sanctitate in patrias sedes reuocati. Per illius peccatū mortis necessitas importata est, huius officio immortalitatis opes inuectæ. Per hominem (inquit Paulus) mors, & per hominē resurrectio mortuorum. Denique (vt vno omnia verbo cōplectar) per illū tales eff. Et sumus, qualis ipse post peccatū relictus est: per hūc verò tales, qualis ipse Dei Filius est, Apostolo testante, qui ait: Primus homo de terra terrenus, secundus homo de cælo cælestis: qualis terrenus, tales & terreni: qualis cælestis, tales & cælestes. Quid ergo miserabilis, quā tales esse, qualis ille relictus est? Quid verò felicius, quā tales fieri, qualis Dei Filius est? Ob hanc igitur tam variā & multiplicē Christi gratiā, variis illū Apostolus nominibus appellat: modò enim Sacerdotem, modò Apostolum & Pontificem, modò Advocatū, Mediatorē, & Reconciliatorem, modò verò Sapientiā, Iustitiā, Sanctificationem, & Redemptionem nostram.

nostram: qui videlicet per sanguinem crucis suæ pacificauit omnia quæ in cælo & in terra sunt: eodemque chirographum peccati nostri deleuit, quod erat contrarium nobis. Tot igitur nominibus eum appellat, propter varia quæ ab ipso donata sunt. Hic est enim cui cælestis Pater per Isaiam dicit: Dedit e in fœdus populi, in lucem gentium, vt aperires oculos cæcorum, & educeres vinctum de domo carceris, sedentes in tenebris. Videtis igitur, fratres, quoniam modo mala omnia, quæ primus ille parens in mundum intulit, secundus sustulit, & maiora pro eis in nos bona contulit? Quam dignum igitur est, vt tantorum bonorum auctori, dies noctesque toto studio atque affectu hymnos decantemus, & meritis pro tanto munere gratias agamus, & cum his pueris obuiam illi prodeuntes, laus vocibus acclamemus: *Benedictus qui venit in nomine Domini!*

I I I.

Nunc secundo loco, perspecta doni magnitudine, donantis dignitatem excutiamus. Multum enim donantis personæ dignitas, doni dignitatem efferre solet. Potuisset ergo Dominus (cui nihil non possibile est) aut Angelorum, aut sanctissimorum hominum ministerio, infirmitati nostræ facile subuenire: ea tamen eius charitas & bonitas exstitit, vt nulli creaturæ, quamlibet præstantissimæ, hoc negotium delegare voluerit: sed ipse per se venire, & salutem nostram per se operari dignatus sit. Ergo vt ille ipse qui genus humanum condidit, in summam miseriam prolapsum erigeret (nec enim coqueniebat, vt alium libertatis atque salutis vindicem haberemus, quam eundem ipsum, cuius benignitate conditi fuimus) voluit vnicus Dei Filius sanctissimæ Virginis aluo contineri, humanamque formam induere: vt in hominis habitu delitescens, cum hominibus viueret: non modo vt pœnis, quas pro nobis suscepit, iram diuinam auerteret, suoque sanguine profuso mentes nostras expiaret; sed vt exemplum nobis iustitiæ ad imitandum proponeret. Hinc ipse per Prophetam dixit: Torcular calcaui solus, & de gentibus non est vir mecum. Et rursum: Ego sum, ego sum, qui deleo iniquitates tuas propter me. Pro quo interpretes alius vertit apertius: Ego ille ipse sum, qui deleo iniquitates tuas propter me. Quibus verbis hanc diuinæ personæ circumstantiam, pietatis & misericordiæ plenissimam, altius cordibus nostris insingere voluit. Quam quidem Dei nostri dignationem, Apostolus initio statim eius Epistolæ quam ad Hebr. scripsit, magnificis verbis explicat dicens: Multifariè, multisque modis olim Deus loquens Patribus in Prophetis, nouissime diebus istis loquutus est nobis in Filio: quem constituit hæredem vniuersorum,

per

Esaiæ 63.

Esaiæ 43.

Hebr. 3.

per quem fecit & secula. Qui cum sit splendor gloriæ: & cætera quæ sequuntur. Videtis quàm admirabili orationis magniloquentia splendorem & magnificentiam personæ redimentis amplificat: vt ex dignitate Redemptoris redemptionis dignitas nosceretur. Neque dissimili ratione præclarissimum hoc beneficium Isaias Propheta exaggerat, cum ait: Super montem excelsum adscende tu qui euangelizas Sion; exalta in fortitudine vocem tuam, exalta, noli timere: dic ciuitatibus Iudæ, Ecce Deus vester, ecce Dominus Deus in fortitudine veniet, & brachium eius dominabitur. Sicut pastor gregem suum pascet, in brachio suo congregabit agnos, & in sinu suo leuabit, foras ipse portabit. Quid his, quæ sô, verbis mirabilibus? quid magnificentius? quid clementius? Itaque vates sanctus tantum hoc beneficium, tam magnis clamoribus, tantoque studio prædicari, & ab omnibus audiri voluit, vt Apostolis, Apostolorumque successoribus præcipiat in montem excelsum adscendere, & vocem exaltare: rursumque eadem verba repetens, Exalta (ait) noli timere. Quod perinde est, ac si diceret: Vocem attolle quantum potes, & intona clamore grandi, vt nullus inter mortales huius felicissimi nunciij expertus sit. Exalta, inquit, noli timere, hoc est, amplifica & exaggera quantum potes præstantissimum hoc diuinæ bonitatis beneficium: contende omni studio eius magnitudinē hominibus declarare. Non enim verendum est, ne immodicus in amplificando sis: superat enim omnem laudem, non hominum modò, sed cunctorum etiam Angelorum, dignationis huius magnitudo.

Esaia 40.

Quod vt aliqua saltem ex parte intelligatis, fratres, Raphaelis Angeli beneficium, quod in Tobiam contulit, vobis ante oculos proponere volo: vt vtriusque beneficii collatione facta, posterioris huius magnitudo magis conspicua fiat. Is igitur humana forma specie tenus atque figura non veritate suscepta, comitem se in via Tobia iuniori præbuit: & multis mirisque illum in itinere beneficiis afficiens, incolumem eadem, atque nouis opibus, nouoque matrimonio auctum ad patrem reduxit: in super oculis orbatò patri visum restituit. Hæc ubi facta sunt, rogat Tobias senior filium: Quid dabimus huic viro sancto, qui itineris tui comes fuit? Cui filius: Pater, inquit, quam mercedem dabimus ei, aut quid dignum poterit esse beneficiis eius? Me duxit, & reduxit sanum, pecuniam à Gabelo ipse recepit, vxorem ipse me habere fecit, & dæmonium ab ea ipse compescuit, gaudium parentibus eius attulit, me ipsum à deuoratione piscis eripuit, te quoque videre fecit lumen cæli, & bonis omnibus per eum ditati sumus. Quid igitur illi poterimus dignum dare? Sed pero te, pater mi, vt

Aptissima figura doni-
nica in
carnatione.

Tobia 12.

videt

E

roges

roges eum si fortè dignabitur mediam partè ex omnibus quæ allata sunt sibi sumere. Hæc inter sese pater filiusq. tractabant: quando oculos suos in solum beneficium, non in benefactoris personam coniiciebant. Cæterùm, vbi Angelus Domini se illis cognoscendum præbuit, & quis esset aperuit, dicens: Ego sum Raphael Angelus, vnus ex septè qui adstamus ante Deum: tantus eos stupor inuasit, tum ex dignitate personæ, tum ex admiratione diuinæ bonitatis, quæ tam noua & insolita ratione illis consuleret, voluerit, vt in terram abiecti atque prostrati, trium horarum spatio immobiles ibidem atque attoniti permanerint. Tantus enim diuinæ bonitatis & prouidentię stupor sensus eorum peruasera, vt toto illo spatio nec loco moueri, nec cum domesticis loqui, nec à diuinis laudibus cessare potuerint. Itaque cum ad solum beneficij fructum oculos conicerent, de retributione cogitabant: at vbi subuenientis personæ dignitas patefacta fuit, iam non de retributione cogitant, sed maius aliquid moluntur: nempe, vt præ admirationis magnitudine tam diu in terram prostrati velut exanimis permanentes, ipsas etiam animas in diuinæ laudis sacrificium immolarent. O fratres dilectissimi, obsecro obtestorq. vos per eum, qui tantum in nos beneficium contulit, vt hoc loco paulo attentius beneficium beneficio, & personam personæ conferatis. Quanto, quæso, maius est, vos à gehenna, hoc est, à faucibus truculentissimi illius draconis eripere, quàm à deuoratione piscis Tobiam liberare? quanto præstantius est, clausos animæ vestræ oculos aperire (quibus Deum agnoscere possitis) quàm istos oculos corporis, quibus corpoream hanc lucem vermiculis communem cernitis, conferre? Quanto nobilior est animarum vestrarum cum Deo coniugium (quod in hac vita incipitur, & in altera consummatur) quàm Tobię cum vxore Sara, quod alterius morte diremptum est? Quanto maiora sunt bona tum gratiæ, tum gloriæ, quæ nobis Christi beneficio conferuntur; quàm interitura huius seculi bona, quæ in Tobiam collata sunt? Si igitur illi non inueniebant quæ ratione tantorum bonorum largitori satisfacere, dimidiamq. eorum partem illi offerebant: quomodo aut intra te, aut extra te quicquam est, quod tantorum bonorum largitori non sponte offeras? Si Tobias ille Angelo dicebat (quem Azariam assimabat) Azaria frater, si me ipsum tibi tradam in seruum, non ero condignus prouidentię tuæ: quæ ratione tu tantæ salutis auctore prætermisso (qui tibi omnia factus est) terrenarum cupiditatum te seruituti trades? Et si illi, vbi dignitatem personæ beneficientis agnouerunt, præ stuporis magnitudine in terram collapsi sunt, ibiq. tam diu iacuerunt: quomodo

Tobię 9.

modo in te aut spiritus, aut halitus remanet, quando personæ redimentis dignitatem, & quos in te redimendo labores pertulit, expendis? Ille quidem Angelus, hic Angelorum Dominus est: ille ad hoc beneficium præstandum corpus sumpsit æthereum (quod peracto opere in tenues euauit auras) hic veram corporis & animæ substantiam assumpsit, quā semel assumptam, numquam dimisit. Ille breui temporis spatio, sine labore vllò munus suum obiuit: hic triginta trium annorum tempore inter homines peregrinatus, famē, sitim, algores, æstus, inopiam, vincula, flagella, spura, ac tandem acerbissimam mortem pertulit. Ille felle mortui piscis Tobræ oculos aperuit: iste felle quod pro nobis hausit, & sanguine quem pro nobis fudit, à peccatis expiauit, & mentis nostræ tenebras discussit. Tu igitur, ô homo, qui te à tot malis ereptum, totque ac tantis bonis ornatum & auctum vides, idque non alia ope, aut manibus aliis, quàm iis, quæ prius quidem cælos formauerunt, postea verò pro te in cruce clauis perfossæ sunt; quomodo non ardentissima in illum charitate flagras? quomodo totus in lachrymas non solueris? quomodo præ admirationis magnitudine in terram stupefactus non corruis, cū tam incomparabilem erga te Dei dignationem, bonitatem, charitatem, & misericordiam contempleris? Quod si hoc non præstas, cur non saltem dies noctesque hoc tantum beneficium ante oculos gestas? Quid noctes diesque dico? Cur non vel singulis diebus particulam temporis aliquam huius tanti beneficii considerationi, & gratiarum actioni impendis? Cur voces tuas saltem puerorum vocibus non iungis, qui tam pio studio Saluatori præcinebant: *Benedictus qui venit in nomine Domini.* Quorum laudes adeò debitas & iustas, obiurgantibus Phariseis, Saluator ita confirmauit, vt diceret, si illi tacuissent, vel ipsos etiam lapides clamatu- Lucæ 19.

Quanto rectius antiqui illi veteris testamenti Patres, qui in promissum tantum, & necdum exhibitum beneficium ita erāt affecti, ita illius expectatione suspensi, vt vix aliud aut cogitare, aut loqui, aut scribere illis esset gratum: adeò, vt si in alium fortè sermonem incidissent, subito propositi sui velut oblit, ad hoc protinus reuerterentur. Sic Isaias cū de futuro Cyri Regis imperio vaticinaretur, quod Iudæis salutare futurum erat, protinus in Saluatorem oculos coniciens, & quanto maiora ab eo populis beneficia præstanda essent animaduertens; inchoatum sermonem abrumpeus, subito in hanc vocem prorupit: *Rorate cæli desuper, & nubes pluant iustum; aperiat terra, & germinet Saluatorem.* Quod perinde est ac si diceret: Hoc ipsum quod agebamus, leuis momenti est, Isaiæ

quando ad interitura corporis bona pertinet: illud verò summum est, perpetuoque tractandum, & vobis cōtinuis exoptandum, nempe Saluatoris de cælo procedentis aduentus, in quo vno vera salus & iustitia hominum sita est. Sic Iacob moriens, cum de tribu Dan varicinaretur, ab hoc vaticinio oculos avertens, & in Christum transferens, ait: Salutare tuum expectabo Domine: vel (vt alij vertūt) expectaui. Quasi diceret: Hoc semper egi, hoc semper animo cogitavi, quod vera salus mihi, beneficio tuo, Domine, post mortem contingere deberet: quæ spe modò viuendi finem facio, aliam beneficio tuo numquam finiendam vitam firmiter sperans.

- Gen. 49.** Neque minori studio atque desiderio Prophetæ omnes (vt
a. Petr. 1. Petrus Apostolus ait) sciscitabantur à Domino, in quod vel quale tempus hæc salus mundo conferenda esset. Quibus reuelatum est, quod non sibi metipsis, nobis autem ministrabant ea quæ nunc nunciata sunt vobis, per eos qui euangelizauerunt vobis. O nos igitur felices, o nos beatos, quibus tanta salus collata est: quæ talibus viris concessa non est! Quod si tantopere illorum mentes, sola huius beneficii spes & desiderium afficiebat (hac enim de causa exsultauit sanctus ille Patriarcha Abraham, cum diem Christi vidit) quid nos facere par est, quibus hæc tanta gratia non promissa, sed exhibita; non annunciata, sed data; non expectata, sed percepta est? Quomodo ergo præ gaudij magnitudine non deficiamus? immo verò quomodo hac tanta oblata salute, adeo insensibiles & immori permanemus? O nos igitur non iam felices, sed planè miseros, qui nihil hoc tanto beneficio profecimus: sed ita in tenebris erramus, ac si lux ista splendidissima numquam oculos nostros perstrinxisset! Quam multi autem ex nobis erunt, fratres, quibus hoc frustra nuncietur: qui ad has Ecclesiæ voces absurdescant, qui nihil hac diuinæ bonitatis & pietatis significatione moueantur! Non ita conuenit, fratres. Hora est iam (vt Apostolus nos hodie monet) de somno surgere. Nox præcessit, dies autem appropinquauit: abiiciamus erga opera tenebrarum, & induamur arma lucis, sicut in die honestè ambulemus: non in comestationibus & ebrietatibus; non in cubilibus & impudicijs; non in contentione & æmulatione; non denique in priuatis odijs atque dissidijs; sed in sanctis potius præcationibus, in ieiunijs, & eleemosynis tempus hoc sacratissimum transigamus. Nocte quidem grassantur bestia siluæ, cæculique leonum rugientes vt rapiant: orto autem sole, cum umbris & caligine noctis auferunt, & congregantur in cubilibus suis. Iam Sol iustitiæ Christus ortus est: fugiant ergo hæc omnia vitiorum monstra, quæ in tenebris & nocte grassantur, nihilque

nihilque in nobis appareat claritate diuinæ lucis indignum: vt
tamquam filij lucis ambulantes, ad æternam tandem lucem
peruenire mereamur: præstante Domino nostro Iesu Christo,
qui est benedictus in secula seculorum, Amen.

ARGVMENTVM

Concionis sequentis.

IN hac Concione, quàm fuerit ad salutem generis humani
conueniens, Dei Filium in mundum venire, & carnem sum-
mere, explicatur. Summa autem totius argumenti (quo res
fiat dilucidior) his quinque pronuntiatis continetur. Primum,
summam hominis perfectionem in cognitione, amore, & imi-
tatione diuini numinis sitam esse. Secundum, hominem in
statu naturæ integræ iis opibus & gratia instructum à condi-
tore fuisse, vt hæc tria officia commodissimè præstare posset.
Tertium, hominem per peccatum à Deo recedentem, in eam
mentis cæcitatem & infirmitatem incidisse, vt hæc ipsa præsta-
re per se nullo modo posset. Quartum, ad hominis reparatio-
nem necesse fuisse, vt homo iterum Deo copularetur: quo il-
lum cognosceret, diligeret, & quatenus liceret imitaretur.
Quintum (ad quod quæ diximus omnia referuntur) conue-
nientissimum fuisse, vt Deus Filius carnem nostram assumeret:
quo homini iam propior atque similior factus, seipsum illi &
cognoscibilem, & amabilem, & imitabilem præberet. Ea enim
opera in assumpta humanitate gessit, per quæ facile homo di-
uinam bonitatem, misericordiam, & charitatem agnoscere,
agnitamque diligere, atque ita demum eximia virtutum eius
exempla (quæ in carne gessit) imitari posset, quibus tandem in
pristinum statum & dignitatem restitueretur. Hæc, quæ nos
in præsentī Concione latius persequimur, breuiter S. Bona-
uentura in initio statim Breuiloquij, paucis quidem, sed disertis
verbis complexus est.

Potro autem, si thema, quod Concioni præponitur, lectori
minus placeat (quod ex literis sacris aliorum more desumptum
non sit) poterit eiusdem ferè sententiæ illa Apostoli verba
1. Timoth. 3. usurpare: Magnum est sacramentum, quod ma-
nifestatum est in carne; vel, vt alij clariùs verterunt, Deus ma-
nifestatus est in carne. Hoc enim ad Concionis huius argu-
mentum maximè quadrat.

E ;

IN

70
IN EADEM DOMINICA PRIMA

ADVENTVS, CONCIO TERTIA: QVÆ,
post explicatam sacri huius temporis rationem,
sacrasque ceremonias ab Ecclesia institutas, de
Dominicæ incarnationis conuenientia disserit.

Ex Præfatione Ecclesiæ.

THEMA. *Per incarnati Verbi mysterium & tua mentis no-
stra oculis lux tua claritatis insulsi: ut dum visibiliter
Deum cognoscimus, &c.*



Zach. 9.

Sanctus hodie Propheta Zacharias in Euangelica
lectione ad spirituale gaudium nos his verbis in-
uitat: Exsulta satis filia Sion, iubila filia Hieru-
salem. Ecce Rex tuus venit tibi iustus & Salua-
tor. Nam cum exsultare iuber, & satis exsultare
& iubnare (quod non ad animum modò, sed ad corpus etiam
pertinet, quando lætitiæ magnitudo foras erumpit) maximam
à nobis lætitiā exigere videtur. Ad hanc ergo tantam lætitiā
Propheta nos Dominici aduentus commemoratione vocat.
Quod quidem Prophetis omnibus in hoc argumenti genere
familiare est, qui cum Prophetico lumine, diuini huius bene-
ficii magnitudinem intelligerent, vix vñquam de eo mentio-
nem faciunt, quin in laudem & amorem Redemptoris sui in-
censi, creaturas omnes ad eandem laudem & gratiarum actio-
nem hortentur. Sic Isaias, vbi mirabilem huius Dominici ad-
uentus fructum exposuisset, protinus in affectum lætitiæ &
gratitudinis erumpens, Laudate, ait, cæli, & exsulta terra, iubi-
late montes laudem: quia consolatus est Dominus populum
suum, & pauperum suorum miserebitur. Non contentus enim
homines (quibus ea salus præstabatur) ad redemptoris sui lau-
des inuitare, ipsas etiam res mutas & inanimes ad gaudium
& gratiarum actionem vocat. Quin & Angelus ipse Domini-
cæ natiuitatis nuncius, ad simile gaudium pastores hortatur
dicens: Annūcio vobis gaudium magnum, quod erit omni po-
pulo: quia natus est vobis, &c. Denique totum hoc mysterium,
ab hoc tanto gaudio, Euangelij, hoc est, læti nuncij nomen ac-
cepit: ut ex magnitudine lætitiæ, quam à nobis Deus exigit, be-
neficii magnitudinem intelligere valeamus. Neque enim adeò
magnum gaudium toties à nobis Dominus, nisi pro maximo
& in.

Isaias 49.

Luce 2.

& incomparabili beneficio exegisset. His ergo vocibus Zacharias Propheta hodie consonat cum ait: Exsulta satis filia Sion, iubila filia Hierusalem.

Si igitur Ecclesia hodie in Evangelica lectione Prophetam inducit nos ad gaudium & lætitiā cohortantem; cur, quāso, quod verbis postulat, operibus impugnat? Prophetis enim verbis ad lætitiā, rebus autem ipsis ad mœrorem atque tristitiā vocat, dum hodie omnia laudis & lætitiæ admittit instrumenta. Silent iucunditatis organa, silet pulcherrima illa Ambrosij & Augustini diuinæ laudis acclamatio, silet & illa cælitus allata cantio, Gloria in excelsis Deo. Muratus est Ecclesiæ ha- Lucæ 2. bitus: pullati incedimus omnes, cum ad sacra peragenda procedimus. Quænam igitur in hoc tam fausto atque læto nuncio, tanta in rebus ipsis mœroris atque tristitiæ significatio? Quid hoc nouo ritu & habitu innuere nobis Ecclesia voluit? Certè non aliud, quàm prioris seculi squalorem, tristitiā, & miserabilem humanæ vitæ cōditionem. Quemadmodum enim me- simile. dici ars atque præstantia, nisi morbi magnitudine perspecta, intelligi non potest: ita nimirum Ecclesia, hoc habitu & squalore deformata, antiqui illius morbi vim & immanitatem repræsentat; atque ita demum, quid huic tanto medico è cælis in terram venienti debeamus, ostendit. Quæ autem oratio miserandum illius temporis statum pro meritis explicare queat, in quo tam longè lateque huius mundi princeps imperium suum porre xerat: in quo peccatum, mors, & maledictio in perniciem generis humani adeò latè grassabantur? Sed his omnibus malis impia superstitio, miseros homines acrius vrgebat. Cum enim homines sint ab ipsa natura ea religione imbuti, vt non credant vitam absque diuino præsidio sustentari: cum Deum inuestigarent, mentemque à sensibus auocare non possent, semper illis Deum quærentibus corporeæ species occurrebant. Itaque principio, cum toto cælo diffusa, atque clarissimo splendore micantia sidera viderent, illis honores diuinos instituerunt; gloriamque Deo debitam ad opera illius transluerunt: deinde cum, terreni corporis grauitate depressi, non possent diu fulgorem astrorum contemplari, Deosque sibi in terra quærere, tyrannis adulari, hominesque scelestissimos in Deos reponere cœperunt. Inde etiam multi eò amentię proruperunt, vt amores atque delicias suas religione consecrarent, vnde (quod vel cogitare pudor prohibet) Adrianus Imperator philosophiæ studiis deditus, Antinuum amasium consecrauit in Deum: vt merito Prudentius exclamarit: Quid loquar Antinuum cælesti in sede locatum? Sic igitur fa- Ozorius lib. 7. de Iustitia.ustum est, vt animal illud regum & excelsum ad imperium

& gloriam natum, dum Patris summi salutare imperium repudiat, dum sese per summum scelus ab illius cultu retrahit, atque libidinis & intemperantiæ seruus efficitur, eò tandem deductum fuerit, ut non modò siderum atque impurorum hominum simulachris, verum etiam flagitiorum & immundum belluarum signis supplicandum putaret. Sic euenit, ut læta exultaret improbitas, & hostis humani generis erectus & alacer toto orbe terrarum volitaret, vniuersumq. genus hominum, cupiditatis atque scelerum omnium vinculis alligatum, in perpetua seruitute contineret. Quod enim flagitium, in mundo deesse poterat, cum vera religione & pietate exstincta, pro vero Deo serpentes & monstra colerentur? Vt enim Sapiens ait: Infandorum idolorum cultura totius mali causa est, & initium & finis. Exstincta enim veri numinis cognitione, mens humana cæcis quibusdam tenebris obfunditur, paulatimque dignitatis suæ obliuiscitur: ita ut nihil aliud cernat, nihil amet, nihil exspectet, nisi quod ad corporis vsum & voluptatem referatur. Corporis igitur cupiditati addicta, illi tantum ministrat, illi seruit, & omnia viræ consilia ad illius obsequium conferenda putat. Ergo cum religio scelere suscepta, scelus auget & amplificaret, necesse tandem erat exterminari pudorem, leges atque iura perfringi, humanitatem sepeliri, rationem obcurari, omnia tenebris circumfundi, solamque in terris tetram & impuram libidinem cum omnium rerum humanarum vastitate dominari. Quo facto, consequens erat, animum hominis, tantis monstis obfessum, molestiis innumerabilibus implicari, curis tristissimis intrahescere, vitam in cruciatu consumere, atque tandem in sempiternum exitium amentia præcipitem ferri. Hic igitur status, hæc conditio illius miserandi temporis exstitit, quam nobis hoc nouo ritu atque habitu opportunè in præsentī die ob oculos ponit Ecclesia: quo apertè videamus, quid assertori ac vindici libertatis nostræ Domino Saluatori debeamus. Quis enim non videat, quantum illius temporis consideratio ad huius tanti medici cognitionem & amorem faciat? Etenim quam necessarius nobis fuerit Christi aduentus, tum demum verè intelligimus, cum, quam tristici rerum facies sine ipso in mundo fuerit, attentius cōsideramus. Quid sit libertate frui, nemo melius nouit, quam qui aliquando seruitute pressus est. Captiuitate autem premebamur omnes, dominabanturque nobis quatuor atrocissimi hostes, nempe dæmon, peccatū, mors, & gehenna. Graui etiā & lethali morbo laborabamus: totam enim naturam humanam languor, stupor, cæcitas & debilitas pererrabant. Christus verò Dominus, tamquam nouus iustitiæ Sol mundo oriens, tenebras discussit, morbos

morbos depulit, sanitatem restituit, iustitiam contulit, impiam
superstitionem exstinxit, principemque huius mundi foras
protrulit. Coruscate enim Euangelio, euigilantes à somno vic-
torum homines, templa dæmonum euerterunt, altaria deie-
cerunt, idola comminuerunt; & verum parentem & condito-
rem suum agnoscetes, vaticinij illius veritatem perspexerunt: Hier. 67.
Perdix fouet quæ non peperit, fecit diuitias non in iudicio; in
dimidio dierum suorum derelinquet eas, & in nouissimo suo
erit insipiens. Quo in loco mira quadam similitudine conuer-
sionem mundi Vates sanctus expressit. Vt enim D. Hieron. hoc
in loco ait (& multi celebres Philosophi tradunt) cum derelictis
perdicum ouis aliena parens incubat, fœtusque educit, vbi pos-
tea veræ parentis vocem pulli acceperunt, mirabili quodā na-
turæ instinctu eam agnoscetes, alienam deserunt, veramque
sequuntur. Quod planè hominibus contigit, qui à Deo condi-
ti, & eius imagine informati, non tamen verum auctorem &
parentem suum, sed pro illo dæmonem prioribus illis seculis
coluerunt. Qui postea, Deo operante, & Euangelij voce inso-
nante, veri parentis & principis sui vocem agnoscetes, à dia-
boli principatu ad illum se transtulerunt: atque ita dæmon, qui
tyrannica potestate alienas opes occupauerat, Christi virtute
in medio dierum spoliatus est, ipso eodem testante, qui ait:
Nunc iudicium est mundi, nunc princeps mundi huius eicie-
tur foras: & ego, si exaltatus fuerò à terra, omnia traham ad
me ipsum. Vtrumque igitur Ecclesia hoc tempore, & ruinam
mundi, & salutem, atque victoriam Christi nobis spectandam
proponit. Cumque illud in cœteris, hoc lætitiæ materiam præ-
beat: nihil mirum si tristitia lætis hodie permisceat: dum rebus
quidem ad mœstitiam, verbis autem ad gaudium & lætitiā
inuitat. Hæc igitur pro temporis huius ratione præfati, ad ip-
sius deinde mysterij tractationem accingamur.

Simile.
Hier. su-
per Hier.

Ioan. 12.

I.

Cum verò multa sint quæ de eo tractari commodè possint,
hodie de ipsius mirabili ratione & convenientia dicere insti-
tui. Qua in re cum multæ atque mirabiles cōuenientiæ à san-
ctis Patribus assignentur, ego tamen pro huius loci ac tempor-
is ratione illam tantum explicare tentabo, quam frequenter
Ecclesia in festis Domini Saluatoris innuere solet, cum ait:
Per incarnati Verbi mysterium, noua mentis nostræ oculis lux
tuæ charitatis insulset, &c. Quæ quidem verba nō solum huius
beneficij magnitudinem, sed diuini etiam cōsiliij altitudinem
insinuant: quorum altero ad gratiarum actionem, altero ad
huius diuini operis admirationem accendimur.

Principiò igitur illud statuendum est, totam mentis huma-
næ sitio.

E 5

na perfectionem, in arctissima quadam cū diuina mente coniunctione atque similitudine sitam esse. Vniuscuiusque enim rei perfectio est, principio suo coniungi, & illius perfectionem (quoad fieri possit) imitari. Cū ergo Deus hominis atque rerum omnium principium sit, consequens est, vt quo magis ad illum accedimus, hoc est, quo magis illi assimilamur atque coniungimur, hoc vtrique perfectiores simus. Hęc autem assimilatio, atque coniunctio, tribus potissimū rebus perficitur: nempe cognitione, amore, & imitatione; hoc est, cognitione diuine maiestatis, amore bonitatis, & imitatione virtutis. Quę ita inter se coherent, vt ex cognitione amor, ex amore autem imitatio & similitudo consequatur.

Secunda.

Quia verò in huiusmodi coniunctione tota hominis perfectio sita est, Dei verò opera perfecta sunt (qui cuncta fecit non modò bona, sed etiam valde bona) ideo cū primum hominem condidit, hac ipsum perfectione donauit; vt supernaturali virtute & auxilio instructus, Deum agnosceret, diligeret, & (quoad fieri posset) imitaretur, atque ita vnum cum illo fieret, in quo omnis eius felicitas atque perfectio posita erat.

Tertia.

Ab hoc autem statu felicissimo homo per peccatum decidit. Per illud enim à diuina mente recessit, hoc est, à principio sapientissimo, potentissimo, & optimo. Quo factum est, vt ab illo desectens, in ignorantia, infirmitatem, atque malitiam collaberetur. A sapientia enim recedens, in horrendam mentis cecitatem incidit: à potentia deiectus, in infirmitatem corruit: à bonitate verò deuias, funestis malitię laqueis implicatus est. Atque ita consequenter impotens factus est ad diuinā sapientiam cognoscendam, ad bonitatem diligendam, & virtutem imitandam, in quibus eius vera absolutaque perfectio sita erat. Hęc itaque magna hominis miseria, hęc miseranda ruina, hic casus summaque calamitas exstitit.

Quarta.

Vt igitur homo sanaretur, necesse erat in pristinum dignitatis gradum restitui: hoc est, vt ad Dei complexum atque vniōnem rursus eleuaretur, qui in imo atque luto fœcis jacebat infixus. Hoc enim ad veri Seruatoris gloriam & officium pertinebat; vt quem sanandum susceperat, redintegratis iterum viribus, in pristinam mentis sanitatem & gratiam restitueret. Hęc verò sanitas, in arctissima illa cum auctore suo coniunctione sita est, quam per cognitionem, amorem, & imitationem esse diximus. Hęc est enim summa hominis perfectio: nec supra hanc sublimius aliquid puro homini in hac vita contingere potest.

Quinta.

Quā igitur fieri poterat, vt lapsus homo, & in terra defixus, hoc est, terrenis rebus per amorem implicatus & immersus, atque

arque à diuinis auersus, ad celestia rursum erigeretur? Necessè profectò erat, vt quando homo in infimis iacens, ad Deum per se venire non poterat, misericors ad illum Deus veniret. Hoc est, quia decumbens æger ad medicum pergere non valebat, pius ad eum veniret medicus. Quod quantæ charitatis & dignationis fuerit, D. Fulgentius exponit his verbis: Magnum mysterium, magnum diuinæ dilectionis iudicium: homo Deum contemnens, à Deo discessit; Deus hominem diligens, ad hominem venit. Quid hac charitate sublimius? quid mirabilius? Non enim erat cur Dominus maiestatis ad hominem veniret, qui nec bonorum eius indigebat, & ab eo grauiter offensus fuerat: erat autem cur homo ad Deum iret, quia & illius leges violauerat; & sine illius ope viuere nullo modo poterat. Erramen miser hic diuinæ opis indigus à Deo recessit: Deus autem, qui nullius egebat, hominemq. meritisimo iure deferere poterat, ad eum misericorditer venit. Sed in qua (oro) forma venit? Nimirum in ea, in qua æger medicum posset attingere: hoc est, in qua homo, carnalis iam factus, Deum posset cognoscere, diligere, & imitari: vt hoc modo visibiliter Deum cognoscens, in inuisibilem amorem raperetur. Hæc igitur ratione Dominus in carne venit, vt carnalis homo ad eius cognitionem assurgere posset.

Fulgent.
de Nativ.
Domini.

Sed ais: Potuisset quidem homo per opera condita, hoc est, per mirabile huius mundi opificium Deum cognoscere, cognitumq. diligere, & dilectum imitari. Sic enim clarissimi quidam Philosophi ad aliquam Dei cognitionem perducti sunt. Verum hoc Philosophis vtrumque licuit, qui acri ingenio & summa doctrina præditi, ex diuinis operibus Deum aliquo modo cognoscere potuerunt. Sed quid rudibus & simplicibus facies (quorum maxima turba est) qui hoc modo philosophari nesciunt? Carnalis enim homo, & carnalibus rebus affuerus, nihil nisi corporeum vel cognoscere, vel diligere nouerat: adeò vt non defuerint multi, qui nihil nisi quod oculis cerni potest, esse crederent: in qua hæresi Sadducæi fuisse memorantur; qui nec spiritus, nec Angelos esse putabant. Iam verò ex creaturarum cognitione, creatoris potentiam, sapientiam & maiestatem vtrumque agnoscere licet: at prouidentiam, benignitatem, misericordiam, iustitiam, charitatem, multi quidem Philosophi per ista ipsa opera assequi non potuerunt: quarum tamen rerum cognitio ad salutem nostram multo magis necessaria erat. Ex ea enim & Dei amor, & timor, & spes in Deum, & religio, hoc est, diuini numinis cultus & veneratio, cæteræque virtutes oriuntur. At incarnati Verbi mysterium, velut lucerna quædam diuini pectoris fuit, quæ latentem in

eo bo-

eo bonitatem, & plusquam paternam charitatem aperte monstravit. Dum enim pro nobis mortalitate nostra vestiri, & pro nobis mori voluit: bonitatis, charitatis, misericordiae & iustitiae suae splendorem mortalibus antea minus notum declaravit.

1. Tim. 3. Hinc illa Apostoli verba: Manifestè magnum est pietatis sacramentum, quod manifestatum est in carne. Quod alij sic verterunt: Deus manifestatus est in carne. Quomodo ais manifestatus? immo verò testis & velatus magis sub indumento

Isaie 45. carnis fuisse videtur. Hac enim de causa Isaïas ait: Verè tu es Deus absconditus, Deus Israël Saluator. Rursumque alibi:

Isaie 53. Quasi absconditus (inquit) vultus eius, & despectus: vnde nec reputavimus eum. Vtrumque planè verum est: quoniam in hoc ineffabili diuinæ incarnationis sacramento, & splendor diuinæ maiestatis absconditus, & diuinæ bonitatis & misericordiae candor patefactus est. Quoniam modo patefactus? Quia nimirum sacra eius humanitas velut speculum quoddam fuit, in quo diuina bonitas & charitas, ceteraque eius laudes, humano generi clarissimè reflexerunt. Ea enim Saluator opera in carne gessi, ea propter salutem nostram pertulit, ut nemo, illa intruēs, aperitissimè has tantas bonitatis & misericordiae eius laudes & virtutes non miretur. Itaque cum Christus Dominus maiestatis suae splendorem velauit, tunc vel maximè bonitatis & misericordiae suae opes explicuit. Sunt enim quæ illuminari debent, ut videri possint: sunt rursus quæ hoc oporteat obscurari.

Simile. Obscura enim illustrari, lucidissima verò, ut videantur, obscuranda sunt. Sol enim nube tegitur, ut videatur: qui alioqui, propter excellentem claritatis suae splendorem, infirmis oculis cerni non potest. Hoc ipsum igitur lucidissimus ille Sol iustitiae fecit, qui se carnis nostrae nube contexit, ut à caliginosis humanæ mentis oculis cerni posset. Quemadmodum autem, propter visus nostri imbecillitatem, diuinus ille splendor obscuratus est: ita summa illa Sapientia, propter ruditatem & infantiam nostram, non suo, sed nostro more nobiscum agere dignata est. Sic enim piæ matres facere solent, quæ cum paruulis non suo, sed illorum more balbutientes loquuntur. Neque verò dissimili ratione æterna Dei Sapientia (quæ plusquam materna erga nos viscera gestat) nostro more nobiscum egit, quo facilius à nobis apprehendi posset. Omni itaque ratione Dominus iustitiam se nostræ aptauit. Carne velatus est, ut à nobis videretur: nostro more locutus est, ut à nobis intelligeretur: ad ima nostra deiectus est, ut nos, qui in imis prostrati eramus, eleuaret ad summa. Hinc D. Greg. In altitudine (inquit) suæ diuinis à nobis (utpote paruulis) apprehendi non poterat: ideoque strauit se hominibus Deus, & quasi in iacen-

rem adscendimus: surrexit, & erecti sumus. Qui enim, more serpentum, per amorem terrenorū hominū regebamus, ad amorem celestium huius mysterij beneficio erecti sumus.

Ex iis quæ diximus, facile liquet, Verbum Dei, siue cū in principio erat apud Deum, siue cū in fine seculorum caro factum est propter hominem, vtroque modo imaginem esse Dei. Verbum enim Dei Deus, imago est & figura diuinæ substantiæ, quæ se Pater Angelicis mentibus cognoscendum præbet. Verbum verò Dei carne vestitum, splendor est & imago diuinæ bonitatis, quam hac ratione hominibus cognoscendam exhibet. Vtrūque igitur modo Christus Dominus Verbum est & imago Patris, siue in cælo resideans, siue in terra cum hominibus agēs; siue carne nostra velatus, siue citra carnis elamen inspectus. In cælo enim imago est Angelis, diuinæ substantiæ; in terra verò imago est hominibus, diuinæ clementiæ. Per hoc ergo Verbum æternus Pater se vtroque explicat atque declarat, quamvis dissimili forma. Illic enim in forma sua, tamquam dies diei eructat verbum: hic verò in forma nostra, tamquam Psalm. 18. nox nocti indicat scientiam: hoc est, nouam bonitatis & misericordiæ suæ cognitionem. Quod ita futurum esse, olim Dominus per Isaiam promiserat dicens: Propter hoc sciet populus meus nomen meum in die illa: quia ego ipse qui loquebar, ecce adsum. Quia enim valde exiguum erat quod homines antea de Deo per ceteros opera cognouerant, ideo dicit hoc tēpore esse cognituros, quod antea minus agnoscebant: quando ipse qui antea per alios loquebatur, per seipsum, quifnam esset, non tam verbis, quàm magnificentissimis operibus declarauit. Videtis ergo, fratres, quomodo per incarnati Verbi mysterium, noua mentis nostræ oculis lux diuinæ claritatis infusit: ut dum visibiliter, &c. Esaia 52.

I I.

Sed quoniam ea quæ vniuersè dicuntur, subobscura esse solent, operæpretium erit, ut ad praxim à theoria, & ad mysticam à scholastica theologia transeuntes, hæc ipsa quæ diximus, illustremus. In hac enim philosophandi ratione, affectus intellectum, & mystica scholasticam theologiam per sapientiæ donum erudit. Videmus ergo quotidie in Ecclesia religiosas ac simplices mentes, quæ in meditatione mysteriorum vitæ atque passionis Domini Saluatoris religiosè versantur: quæ pio deuotionis studio sequuntur Agnum, quocumque ierit: siue cū profugus pergit in Aegyptum, siue cū ieiunaturus à Spiritu ducitur in desertum, siue cū pernoctat in oratione Dei, siue cū iter facit à Iudæa in Galilæam, vel à Galilæa regressitur in Iudæam. In his igitur itineribus illum, quocumque ierit,

ierit, Spiritu comitantur, illius mirifica opera contemplantur, illius suauissima verba audiunt, illius charitate & lenitate paciscuntur, illum dies noctesque cogitant, illique arctissima charitate copulantur. Neque rudes modò & simplices animæ in hoc studio versantur, sed viri etiam, grauissimi atque doctissimi. Talis erat diuus Bernardus, qui fasciculum myrrhæ se collegisse ait ex omnibus laboribus vitæ Domini Saluatoris: siue quos in infanzia, siue quos in virili ætate, siue quos in morte pertulerat: quem semper (vt ipse ait) intra viscera sua gestare curabat. Talis erat etiam diuus Bonauentura, sanctitate & doctrina clarus, qui tamen nascentis Domini Saluatoris præsepio & obsequio adeò affectus erat, vt cum eius genitrice Maria loquens, sese in famulum offerret, & ad omnia domesticæ seruitutis obsequia propitissimum exhiberet: hac tamen lege, vt ei per sacram Virginem semel tantum in die infantuli pedes osculari liceret. Quis autem referre queat quam iucunditatem, quas lachrymas, quos æstus, quem Evangelicæ paupertatis amorem, pia hæc consideratio in pectore viri sanctissimi excitaret? Iam verò diuus Chrysostomus, ecclasiæ se mentis pati confitetur, dum hoc diuinæ pietatis opus animo versaret. Vehementer enim admiratur quod Apostolus ait: nempe supernas illas virtutes (etiam quæ Deo in altissimo dignitatis loco positæ assistunt) in ministerium mitti, propter eos qui hæreditatem capiunt salutis. Vbi verò ipsum vnicum Dei Filium paternæ gloriæ splendorem, salutis quoque nostræ ministrum, & humanæ naturæ, non Angelicæ, consortem factum esse considerat, excessum se mentis pati ait: hoc est, tanta admiratione & stupore affici, vt mens, & cogitatio, & affectus omnis in ipso deficeret. Itaque ait: Reuera magnū & admirabile, & stupore plenum est, carnem nostram sursum sedere, & adorari ab Angelis, & ab Archangelis, & Cherubin, & Seraphin. Hoc ergo sapius in mente versans, excessum parior, & magna de genere humano imaginor, magna quippe video. Hæc ille. Neque minori admiratione & amore cæteri viri sanctissimi afficiebantur, cū hoc diuinæ pietatis opus contemplerentur: quorum plurimos legimus in ecclasiæ raptos, vsum quoque sensum (dum hæc attentius cogitarent) frequenter amisisse. Cæterum ab incarnationis beneficio ad crucis mysterium transeuntes, longè magis afficiuntur. Hic enim sacratissima Christi vulnera lambunt, sanguinem sugunt, lachrymas terguunt, affixos cruci pedes osculantur, à Dominoque (cū tristitiam suam prodir) causam tristitiæ amanter & humiliter inquirunt: denique singulis corporis vulneribus dulcissima oscula figunt. His igitur colloquiis
& me-

Bern. fu.
per Cant.

Bonauent.
in Philo-
sophia.

Chrysost.
Hebr. 2.

& meditationibus semper intenti, non modo summam Dei in genus hominum claritatem & bonitatem contemplantur, sed in eius etiam amorem mirabiliter exardescunt.

Hac igitur ratione Dominus pias mētes in sui amorem incendit, atque ita per humanitatis & benignitatis suæ opera (quæ cognitu facilia sunt) eas inescare solet, & in diuinitatis amorem allicere, vt à carne (quæ cognosci facile potest) incipientes, paulatim in spiritu adolecant, & cum Apostolo dicere possint: Et si cognouimus Christum secundam carnem, sed 2. Cor. 5. nunc iam non nouimus. Qua in re, summum diuinæ bonitatis & sapientiæ consilium ac pietatem admirari licet: quæ sic se deiecit, sic se ruditati nostræ aptauit, sic se carnalibus hominibus cognoscibilem & amabilem præbuit, vt vniuersum ad se mundum hac ratione pertraheret. Sic videmus medicos simile. (vbi æger, fastidio laborans, salutare cibos respuit, & noxios appetit) condire frequenter ea quæ fastidit, iis quæ appetit: vt ita demum per id, quod illi dulce est, accipiat quod salutare est. Hoc autem consilio diuinam sapientiam vsam fuisse D. Bernardus testatur his verbis: Videns Deus homines carnales esse Bern. super Cant. factos, tantum eis dulcedinis in carne sua exhibuit, vt durissimi cordis sit, quisquis eum toto affectu non diligit. Idemque rursus, Propter hoc, inquit, Verbum carne vestiri voluisse, vt homines, qui nihil nisi carnalia sapiebant, miras in hac carne sanctissima delicias inuenirent.

I I I.

Verum quæ hæcenus dicta sunt, ad cognitionem & amorem diuinitatis potissimum pertinet. Superest imitatio (quam tertio loco posuimus) quæ maximè hominem Deo similem efficit, in quo summam eius perfectionem collocauimus. Ad hoc autem quid, quæso, commodius excogitari poterat, quàm vt Deus ipse non in forma sua, sed in infirmitate nostra se nobis imitandum proponeret? Aliter enim quid fieri poterat, vt homo Deum (quem non videbat, quemque ab omni dolorum & laborum perpeffione alienum sciebat) in exemplum sibi virtutis proponere posset, quæ vel tota in laborum perpeffione potissimum sita est? Quomodo rursus puri hominem (quæ videre poterat) imitari tutò potuisset, quem vt eiusdē naturæ, ita eiusdē peccati, erroris, & infirmitatis consortē nouerat? Cōuenientissimè ergo Deus homo factus est, vt haberet homo & quem posset vt hominē videre, & quæ tutò posset vt Deum imitari. Quod D. August. brevissimè & elegantissimè testatur his verbis: Homo sequēdus nō erat, qui videri poterat: Deus sequēdus erat, qui videri non poterat. Vt ergo exhiberetur homini & qui videretur ab homine, & quem homo sequeretur, Deus August. homo

Lactant.
lib 4 de
diuinis
institut.

homo factus est. Quem locum quoniam eleganter & copiose
prosequitur Lactantius, eius hoc in loco verba attexere nō gra-
uabor. Is igitur hominem ad perfectum & absolutum virtu-
tum exemplar minimē sufficere posse ait: quod nec omnia quæ
ad hoc muus necessaria sunt, plenē consequatur, atque multo
minus eadem præstare, atque opere perficere queat. Neque
enim mens terrenis visceribus inclusa, & tabe corporis impe-
dita, aut comprehendere per se potest, aut capere veritatem,
nisi aliunde doceatur: & si maximē possit, summam tamen
virtutem capere nequeat, & omnibus virtutibus resistere, quorum
materia in visceribus continetur. Eo fit, vt terrenus doctor per-
fectus esse non possit: at verò cælestis (cui scientiam diuini-
tas, virtutem immortalitas tribuit) in docendo quoque sicut in
cæteris perfectus & consummatus sit, necesse est. At id omni-
no fieri non potest, nisi mortale corpus assumat. Cur autē fieri
non possit, ratio clara est. Nam si veniat ad homines vt Deus
(vt omittam, quod mortales oculi claritatem maiestatis eius
conspicere atque sustinere non poterunt) ipse certē Deus vir-
tutem docere non poterit: quia expertus corporis, non faciet quæ
docebit, atque per hoc doctrina eius perfecta non erit. Alioqui,
si summa virtus est, dolorem patienter pro iustitia officioque
perferre: si virtus est, mortem ipsam & intentatam nō metue-
re, & illatam fortiter sustinere: debet ergo doctor ille perfectus
& docere ista præcipiendo, & cōfirmare faciēdo. Existit enim
constans aliquis atque dicit: Tu quidem non peccas, quia liber
ab hoc corpore nō concupiscis, quia immortalī nihil est neces-
sarium: mihi verò multis rebus opus est, vt tuear hanc vitam.
Mortem non times, quia valere in te nō potest: dolorem con-
temnis, quia nullam vim pari potes. At ego mortalis vtrumque
timeo, quia cruciatus mihi grauissimos inferunt, quos tolerare
carnis infirmitas non potest. Doctor itaq. virtutis, etiam hanc
excusationē debuit hominibus auferre: ne quis quod peccat,
necessitati potius adscribat quā culpæ suæ. Ergo vt perfectus
esse possit, nihil ei debet opponi ab eo qui docendus est: vt si
fortē dixerit, Impossibilia præcepit, respōdeat, Ecce ipse facio.
Si rursus dixerit: Ego carne indutus sum, cuius est peccare
propriū: Et ego carnem eandem gero, & tamen peccatum
in me non dominatur. Si iterum dicat: Non possum pro ius-
titia nec dolorem ferre, nec mortem, qui fragilis sum: Ecce &
in me dolor atque mors habet potestatem; & ea ipsa quæ times,
vinco, vt victorem te faciam doloris ac mortis. Prior vado
per ea quæ sustineri non possē prætendis: si præcipientem se-
qui non potes, sequere antecessentem. Sublata est hoc modo
omnis excusatio: & fateri hominem necesse est, culpa sua in-
iustum

iustum esse, qui doctorem virtutis, & eundem duce[m] non sequatur. Videtis ergo quanto perfectior sit mortalis doctor, quia dux esse mortali potest; quam immortalis, qui patientiam docere non potest, quia subiectus passionibus non est. Neque hoc tamen eo pertinet ut hominem Deo præferam: sed ut ostendam, nec hominem perfecta doctrina esse posse, nisi sit idem Deus, ut auctoritate cælesti necessitatem parendi hominibus imponat; nec Deum, nisi mortali corpore induatur, ut præcepta sua factis adimplendo, cæteros parendi necessitate constringat. Hactenus Lactantius. Ex cuius verbis colligimus, perfectissimum virtutum magistrum, Deum pariter & hominem esse oportere: ut in altero habeas maiestatem quam reuereris, in altero exemplum videas quod imiteris; & cuius laboribus ad simile laboris studium accendaris.

I I I I.

Vidistis iam, fratres, quid ad salutem nostrā incarnati Verbi mysterium contulerit, & quonam modo superna illa maiestas infirmitati nostræ se attemperauerit: ut per illum ad illum pergeremus: dum naturæ nostræ consors factus, ad eum se nobis & cognoscibilem, & amabilem, & imitabilem præbuit. Vidistis etiam quid nobis ad hæc summa bona consequenda faciendum sit: nempe ut omnia humanitatis eius mysteria, quanto potissimum studio & affectu, assidue (ac præsertim hoc sacratissimo tempore) recolamus: ut habitatione ad diuinitatis eius cognitionem, amorem, & imitationem rapiamur. Hic est etiam ille Ezechieli propositus liber, scriptus intus & foris: longè planè alius quàm liber ille quem Esaias descripsit, quem nec literatus nec illiteratus legere poterant: ille, quod clausus esset; iste, quod literas ignoraret. Hunc tamen coràm in patibulo crucis erectum omnes legere iam possumus, & in eo summam Dei bonitatem, misericordiam, iustitiam, & omnia virtutum officia, & quidquid tandem ad salutem nostram pertinet, addiscere. In hoc libro Apostolus perpetuò legebat, qui nihil se aliud scire profitebatur quàm Christum, & hunc crucifixum: cuius libri lectione vniuersum mundum erudiuit. Hunc etiam rudium & simplicium velut supranaturalem quandam mundum appellare licet. Nam qui per visibilia huius mudi opera, mirabilem opificis Dei sapientiam, philosophorum more, contemplari nesciunt; per sacræ huius humanitatis opera Dei misericordiam, & iustitiam, cæterasque eius laudes agnoscere faciliè poterunt. Hoc est enim quod illa Apostoli verba insinuare videntur: Quia in Dei sapientia non cognouit mundus per sapientiam Deum, placuit Deo per stultitiam prædicationis saluos facere credentes. Hoc est: quia sapientes huius seculi per

Peroratio.

Ezech. 7.
Esaiæ 9.

i. Cor. 2.

huius mundi opificiū (quod sapientissimū ē perfectū est) Deum non cognouerunt aut glorificauerunt: placuit Deo aliud opus edere, quod externa specie stultum hominibus visum fuit (verbum enim crucis pereuntibus stultitia est) per quod Dei cognitionem & salutem homines assequerentur.

Huic autem pio studioso sponsa se vacare ostendit, cum ait: Dilectus meus mihi, & ego illi, qui pascitur inter lilia. Desiderauerat antea sponsa dilectissimum sponsum videre, non inter lilia pascens, sed in meridie supra sidera cubantem, cum diceret: Indica mihi, quem diligit anima mea, ubi pascas, ubi cubes in meridie. Quae, quoniam paruitatis suae oblita audacius hoc postulauerat, merito à sponso protinus corripitur dicente: Si ignoras te, o pulchra inter mulieres, &c. Quae sponsi oburgatione admonita, iam non supra sidera cubantem, sed inter lilia pascentem videre sponsum delectatur. Paulisper itaque à diuinitatis contemplatione semota, ad humilitatis infima se trāstulit, quemadmodum Bernardus indicat his verbis: Liberius humilia dilecti commemorat: nimirum quia exinde cepit esse dilectus, ex quo cepit & pasci. Nec solum exinde, sed inde. Nam qui in altissimis est Dominus, in imis est dilectus: super sidera regnans, & inter lilia amans. Amabat & supra sidera, quia nusquam & numquam potuit non amare qui amor est: sed donec ad lilia descendit, & pasci inter lilia cōpertus est, nec amatus est, nec factus dilectus. Videris ergo quantum assumptae humilitatis & humanitatis forma in nobis Dei amorem accenderit? In hoc igitur studio versetur, fratres: in hoc humanitatis Christi libro cum Apostolo semper legamus: ut in eo diuinæ bonitatis & charitatis magnitudinem agnoscantes, in eius amorem accēdamur, & virtutum eius exempla sectantes, in eandem imaginem transformemur: quibus studiis ad illam tandem plenam & absolutam similitudinem & coniunctionem perueniemus, qua felices Sanctorum animae in futura illa atque sempiterna vita perfruuntur.

Cant. 2.

Bern. super Cant.

DOMI-

83

DOMINICA SECVNDA IN AD-
VENTV DOMINI, CONCIO PRIMA: IN
qua lectio Evangelica explanatur.

THEMA. Tunc videbunt Filium hominis venientem in nu-
be, cum potestate magna & maiestate. Lucæ 21.



A est, fratres charissimi, mysteriorū Christianæ
fidei dignitas & maiestas, vt illa non humana vo-
ce & oratione, sed Angelica potius, aut etiam di-
uina explicanda essent. Quod cum de omnibus
religionis nostræ mysteriis meritò dici possit, tū
de hoc, quod nobis hodierna sancti Euangelij le-

ctio proponit, dici maximè debet. Cuius magnitudinem cum
nulla mortalis vox explicare queat, Angelica certè ad hoc ne-
cessaria erat, vel alicuius saltè qui ab inferis excitatus, & peri-
culo suo doctus, tatarum retū nobis rationē pro dignitate aper-
raret. Talem diues ille epulo inter tormentorū suorū flammās
ab Abrahā petebat, cum Lazarū ab inferis ad suos mittere postu-
laret, vt exposita tormentorū suorū acerbitate eos perterreface-
ret, admonerētq. vt sic vitā instituerent, ne in simili pœnā in-
cidere cogerentur. Cui cum Abraham dixisset, Habēt Mosem
& Prophetas, audiant illos: ~~Ne~~ contrā, Nō (inquit) Pater Abra-
hā; sed si quis ex mortuis ad eosierit, pœnitentiā agent. Itaq. si
vnus ex iis ad nos remearet, qui seueritatē diuinæ iustitiæ, &
acerrimorū tormentorū vim atque cruciatū ante oculos pone-
ret, rerūq. magnitudinē (si id quidē fieri posset) verbis exa-
quaret: fortasse multorū obdurata corda hoc tam horrēdo nun-
cio ac metu stupefacta, ad saniorē mentē redirent. Huius igitur
veritatis ignorantia, fratres, omniū malorū nostrorū causa
est. Cui quidem incommodo Ecclesia (quatenus licet) cōsultere
volens, per ministros suos vtrūque efficere conatur: quod non
hominū (si rei dignitatem difficultatemq. cōsideres) sed An-
gelorum ministerio efficiendū esset. Satis tamen ad institutio-
nē nostram esse debet, quòd, quæ hac de re nos vobis annūcia-
mus, non Angelorum aut Archangelorū, sed Dei vocibus pro-
nunciata sunt. Quocirca non hic ad humanæ vocis organum,
sed ad Deū vos per nos admonētem, & extremi iudicij seueri-
tatem, ac reprobiorū dira supplicia prænūciantem, præsentem ac
deuoto animo attendere debetis. Quippe cuius veritas adeo
stabilis & firma est, vt in huius sacræ lectionis fine idem Do-
minus dicat: Cælum & terra transibunt, verba autem mea non
transibunt. Vt igitur pari religione atque pietatis studio hæc

tanta mysteria in animos vestros insinuare possimus, cælestem opẽ, sacratissimæ Virginis interuẽto, suppliciter imploremus.

A V E M A R I A.

In hodierna sancti Euangelij lectione postremus articulus nostræ fidei (qui ad sacram Domini Saluatoris humanitatem pertinet) explicatur. Postquam enim Christum Dominum de Virgine natum, & passum, mortuum, sepultum, resurgentem, & in cælos ascendentem confitemur; subiungimus protinus, inde venturũ esse vt iudicet viuos & mortuos. Quod ipsi Angeli discipulis adscensionem Domini mirantibus, testati sunt his verbis: Viri Galilæi, quid statis adspiciẽtes in cælum? Hic Iesus, qui assumptus est à vobis in cælum, sic veniet quemadmodum vidistis eum ascendentem in cælũ. Hoc est, in hac eadem visibili & humana specie in hũc nostrum orbem rediturus est: in qua videbit eum omnis oculus, & qui eum pupugerunt. Conspicius ergo & manifestus veniet vt iudicet mundum, qui manifestus venit vt redimeret mundum. Ante cuius tribunal omnes nos, hoc est, omnium ætatum & seculorum homines manifestari oportet, vt referat vnusquisque propria corporis, prout gessit, siue bonum siue malum.

Ad hoc autem omnium mortaliũ corpora, quamuis in puluerem redacta sint, diuina virtute ad vitam reuocabũtur: quod alio fidei articulo testamur, cum carnis resurrectionem confitemur. Dicitur autem carnis, non omnis resurrectione, ne quis hoc verbo animam comprehendere putet; quæ non resurgit, cum non moriatur. Caro ergo quæ sola moritur, sola resurget. Itaque cadauera omnia, quæ modò in hac æde sacra sub pedibus nostris horrida ac deformia iacent, cæteraquæ omnia, illo die rediũua & integra in iudicium resurgent. Deus enim, qui ineffabili potentia sua nos ex limo terræ condidit cum nõ essemus, poterit vtrique postquam fuimus, in quamuis materiam transferimus, reformare atque renouare.

Quantum verò nostra interest iudicij huius conditionem ante oculos habere, declarat Euangelicæ historiæ series, quæ toties nobis eius seueritatem ante oculos ponit. Hoc enim indicat sagena illa missa in mare, quæ omnia piscium genera conclusit: quorum boni piscatione finita in vasis conduntur, mali verò foras eiiciuntur. Idem quoque decem virginum parabola insinuat: quarum quinque prudentes clamore media nocte (hoc est, hora iudicij) excitato, in cælestis sponsi thalamo recipiuntur, quinque verò fatuæ foras proiiciuntur. Idem etiam zizaniorum & boni seminis parabola ostendit: quæ cum simul exorta essent, messis tempore (hoc est, extremi iudicij die) zizania in fasciculos alligata in ignem coniiciuntur; triticum

verò

verò in cælesti horreo conditum est. Hanc ergo doctrinā Dominus, dum apud nos ageret, frequentissimè hominibus inculcavit, eandemque Apostolis predicandam commisit, quemadmodum Petrus Apost. testatur cum ait: Ipse præcepit nobis prædicare populo, & testificari, quia ipse est qui constitutus est à Deo iudex vivorum & mortuorum. Simile quiddam in vita beatissimi Patris nostri Vincentij legimus, nempe fuisse illi à Domino hoc officium demandatum, ut instātem iudicii diem, eiusque distractionem hominibus nuntiaret. Quo factum est, ut multa perditorū hominū millia huius mysterij prædicatione, velut horribili quadam tuba, ad poenitentiam excitata sint.

Nec solum in Evangelio, sed in lege etiam, atque adeò in ipso nascentis mundi exordio ante latam legem, idem voluit humano generi declarari: ut hoc veluti freno à peccatis homines coercerentur: intelligentes videlicet se iudicem habere, cui de toto vitæ cursu rationem essent reddituri. Id quod Apostolus Iudas in Epistola sua testatur his verbis: Prophetavit autem de his septimus ab Adam Enoch, dicens: Ecce venit Dominus cum Sanctis millibus suis, facere iudicium, & arguere impios de omnibus operibus impietatis, quibus impiè egerunt. Qua ex re facile colligere licet, quale quantumq. illud sit, quod ab ipso mundi exordio, per omnes ætatum series, tot modis Dominus testatum mundo esse voluit.

In quo etiā mira Iudicis nostri benignitas apparet, qui, volens periculo liberare reum, iubet illi toties denunciari supplicium. Ea enim Dei benignitas est, ut non minor appareat suppliciis denunciandis, quā beneficiis cōferendis. In quo facile declarat, quā alienum ab eius bonitate sit, mala hominibus irrogare, nisi ad hoc eorum sceleribus adigeretur. Quod Esaias Esai. 59. Prophetā testatur, cum ait: In monte divisionum stabit Dominus, sicut in valle quæ est in Gabaon: irascetur, ut faciat opus suum: alienum opus eius, peregrinum opus eius ab eo. In Monte divisionum (qui 2. Regum appellatur Baalpharasim) magnam cladem pugnāte David intulit Dominus Philistæis. Nec minorem aduersus Chananeos vindictā exercuit in valle Gabaon, cum lapides grandinis aduersus eos è cælo demisit. Horum verò locorum mentionem fecit Prophetā, ut, quā seuerè in impios sit animaduertendum, hac præclara allusione demonstraret. Peregrinum autem hoc opus & alienum ab eo esse ait: quoniam quid hac seueritate magis peregrinum & alienum ab eo esse potest, qui naturali bonitate studet semper non homines insectari, sed beneficiis afficere? Quod etiā Gentilis Philosophi intellexerunt. Ait enim Seneca: Dij immortales nec volunt obesse, nec possunt. Natura enim illis mitis & placida

placida est; tam longè remota ab aliena iniuria, quàm à sua. Ita est planè, si naturà diuinæ bonitatis spectes: sceleribus tamen hominum prouocata, non potest summa illa bonitas nō odisse malitiam, & illam pro meritis plectere. Hæc quasi præfati, ad Euangelicæ lectionis explanationem veniamus.

I.

Quod ergo Dominus antea propositis parabolis exposuerat, in præsentī lectione non iam parabolis, sed apertissima narratione declarat. Et primū quidem antecedentia iudiciū signa commemorat his verbis: *Erunt signa in sole, & luna, & stellis, & in terris pressura gentium, pre confusione sonitus maris & fluitium, auersentibus hominibus pre timore & expectatione, qua superueniet uniuerso orbi. Nam virtutes celorum movebuntur.* Hoc est, in rebus omnibus, superis & inferis, cælestibus ac terrestribus, signa erūt admiranda, & horifica portenta. Immutatis enī celorū virtutibus, consequens est, vt omnia deinceps quæ sub cælo sunt, & à cælesti virtute pendent, immutentur. Hoc enim ferè diuinæ prouidentię munus est, vt insignes rerum humanarum strages formidolosæ antea signis, aut Prophetarum vocibus prænūciat. Sic enim priusquam Antiochus Rex horrendam illam cladem

2. Mac. 5. Iudæis intulisset, quæ octoginta hominū millia Hierosolymis trucidauit, totidemq. captiuos duxit, & sacratissimū templum sacrilego furore temerare & spoliare ausus est, quadraginta dierū ratio armati exercitus in aëre dimicantes, aliq. horrida signa visa sunt: quo factum est, vt ciues omnes metu percussi, prærent in bonum mōstra cōuertī. Similia quoq. periculorum imminentiū signa Iosephus De bello Iudaico ante postremam

Greg. in
Homil.

urbis vastationem præcessisse memorat. D. autem Greg. simile quiddā in Italia cōtigisse narrat. Priusquā enim (inquit) Italia Gentili gladio feriēda traderetur, igneas in cælo vidimus acies, ipsum, qui postea effusus est, humanum sanguinem potentes. Si igitur hoc diuinæ prouidentię familiare est; consequens profectō erat, vt ante totius orbis excidium horrenda signa præcederent, quæ cæteris omnibus tanto essent formidabiliora, quanto grauiora mala portenderent. Aliud enim est vnum orbis angulū, aliud totius vniuersi machinam cōcidere. Ideoq. illic priuata quedā indicia, hic verō in tota rerū vniuersitate tremenda ostenta præcurrent. Hæc autem signa dolorum initia esse ait Saluator: quia hinc reprobtorum pœnæ capient exordiū, quando (vt Sap. 5. scribitur) Dominus armabit creaturam in vitionē inimicorū, & pugnabit cum illo orbis tetrarum contra insensatos. Aequum enim est, vt creature, quibus in iniuriā creatoris abusi sunt, vertantur in exitium, quæ olim datæ illis fuerant in ministerium. Quos autē inimicos nuncupauit, eosdem

eosdem aptissimo nomine insensatos appellat: quæ vox in omnes improbos maxime quadrat: qui cum ad mundana omnia adeo acri ingenio sint, ut sepe pro rebus nihili tenuissimè digladiantur; in iis tamen rebus, quæ ad animæ salutem spectant, omnis penè spiritualis sensus expertes sunt. Quæ res vel hoc vno argumento perspicui potest, quod, cum inter mala omnia quæ vel humana, vel diuina etiam mente cogitari possunt, lethale peccatū sit infinitis partibus maius, isti nonnumera huiusmodi peccata passim committentes, adeo nullo huius tanti mali sensu afficiuntur, ut letentur etiam cum malè fecerint, & exsultent in rebus pessimis; & in ipsis interim sceleribus tamquam in re bene gesta gloriantur. Imò verò quidam eo demètiq̃ processerunt, ut, ne parum improbi ceteris videantur, de his etiam flagitiis quæ non admiserunt, gloriantur. Num igitur hos micam cerebri aut sensus habere credendū est? Iam verò quī fieri potest ut mentem habeat, qui pro momentanea voluptate, aut inani lucro, pœnam negligit sempiternam? Quo modo sensum habet, qui (ut ait Apostolus) secundum duritiā suam, & im-
 Rom. 9.
 pœnitens cor thesaurizat sibi iram in die iræ, & reuelationis iusti iudicij Dei? Si enim nihil aliud Christiani hominis professio exigit, quā ut sic vitam suam & actiones omnes instituat, ut in illo iræ die misericordiam inuenire mereatur: quid esse dementius potest, quā ut ipse contrā totam vitam in hoc infumat, ut maiorem sibi iræ cumulum ad illum diem (quasi irarum inops futurus sit) thesaurizet; quando (ut D. Hieronymus ait) ne Sancti quidem absque formidine (quamvis non pœnali) præsentiā Dei videbunt? Quomodo igitur sensum habent, qui hac mente vel potius amentia sunt? Aduersus hos igitur insensatos totus orbis terræ merito illo die pugnaturus esse dicitur. Quid autem ex his signis ac portentis consequatur, exponit deinde Saluator, cum ait: *Arescentibus hominibus præ timore & expectatione, quæ superuenient uniuerso orbi.* Itaque quamuis acerbissima sint quæ tunc homines patientur, magis tamen eos futurorum præsagia, quā præsentiā malorum incommoda cruciabunt. Id quod iusto Dei iudicio fiet: ut qui futurorum semper obliui, præsentiā semper cogitabant, nunc & præsentibus torqueantur, & futurorum metu multo magis excrucientur. Vehementer enim indignum est, ut cum de re nulla magis gloriemur, quā quod eam religionem colimus, quæ tota in præsentium bonorum contemptu, & in fide, & spe futurorum posita sit, nos tamen nihil minùs quā ista cogitemus. Cumque hoc sacre literæ perpetuò sonent, hoc semper Ecclesia clamet, hoc Sanctorum omnium voces, mores, & vita prædicent, & ad hoc ipsum Dei Filius è cælo descenderit,

vt omnes curas & cogitationes nostras à terrenis rebus abdu-
ctas transferamus in cælum: homo tamen serpentum more ita
toto corpore atque animo terræ affixus est, vt terrenis atque
præsentibus bonis inhians, cælestia & futura contemnat, vt
re ipsa Socraticum illud (quamvis alia significatione) re-
stari videatur: Quæ supra nos, nihil ad nos. Ob hoc ergo di-
gnum fuit, vt qui futurorum oblitri, sola tantum præsentia
curabant, modò futurorum metu anxij arescant, palleant, &
contremiscant.

Sed quæretis forsitan, qualis eo tempore piorum animus in-
ter tot plagas & horrida signa futurus sit. Audite, quæso, fra-
tres, mirabilem piorum felicitatem: His (ait Dominus) fieri inci-
pientibus, respicite, & leuate capita vestra: quoniam appropinquat re-
demptio vestra. Itaque cum Sol conuerteretur in tenebras, & Luna
in sanguinem, cum Stellaræ è cælo cadere videantur, cum mare
rugiat, venti fremant, aër fulguret, terra contremiscat, montes
ab imis sedibus concutiantur, torus denique orbis quatitur, &
homines tantarum rerum magnitudine stupefacti arescant,
tunc iusti capita leuare, hoc est, exultare, triumphare, & festos
dies agere iubentur: quod propè sit felicissimus ille dies, in quo
ab omnibus malis redimendi, & in cælestis regni sedes transfe-
rèdi sint. Quæ improbis igitur trepidationi & horrori, eadem
solatio & fiducia electis erunt. Hoc est autem quod Sapiens in-
nuere videtur, cum ait: Creatura tibi factori deseruiens, exar-
descit in tormentum aduersus iniustos, & leuior fit ad benefa-
ciendum iis qui in te confidunt. Ad hunc ergo modum antece-
dentia iudicium signa improbes timore concutient, pios verò
mirificè consolabuntur: quod illis exitium, istis felicitatē suam
denuncient. Quid igitur hac sorte felicius? quid hac felicitate
beatius? Quis non eo tempore felices lachrymas, felices curas,
felices labores, quos propter Christum perulit, iudicabit, qui-
bus ad hanc felicitatem peruenire promeruit?

I. I.

Improbis igitur hoc timore & expectatione percussis, mun-
doque flammis absumpto, & mortuis terribili tubæ sonitu ad
vitam reuocatis, iudex è cælo descendet omnibus patens atque
conspiciuus. Sequitur enim: Tunc videbunt Filium hominis venien-
tem in nube, cum potestate magna & maiestate. Et si me hæc lenus,
fratres, attentissimis animis audistis, nunc maiori vobis studio
opus est, vt, quæ modo dicturus sum, animis vestris mètibuscque
mandetis. Expositis enim præcedentibus iudicium signis,
ipsum iam iudicii pelagus ingredimur. Qua in re multa, & ea
quidem animaduersione dignissima, sese nobis offerunt. Ac in
primis venientis iudicis seueritas & maiestas. Sicut enim prior
ille

ille aduentus in summa paupertate & humilitate; ita posterior hic in summa gloria & maiestate futurus est. Veniet Dominus (vt Iudas Apostolus ait) cum Sanctis millibus suis. Millia enim millium Angelorum ministrabunt ei, & decies centena millia assistent ei. Hæ namque sunt nubes lucidæ, quibus iudex stipatus veniet, quæ vniuersum mundum quasi tot solibus illustrabunt, quorū Sanctorum agmina iudicem comitabuntur. Iam verò minantis atque terrentis iram perferre quis poterit? Ecce, inquit Propheta, venit, & quis poterit cogitare diem aduentus eius? & quis stabit ad videndum eum? Si maiestatem eius, cum ad ferendam legem in montem Sinai descendisset, Iudei ferre nequiverunt, sed perterriti ac pauore concussi fugientes dixerunt Moyfi, Loquere tu nobis, & audiemus; non loquatur nobis Dominus, ne fortè moriamur: qui poterunt eius furorem sustinere, cum ad ipsius sprete & violatæ legis rationem exigendam veniat? Quis enim turbinem, quis procellam diuinæ indignationis super caput impiorum venientem, sine maxima trepidatione videre poterit? Quod pectus illas diuini furoris sagittas excipere poterit, de quibus ipse ait: Inebriabo sagittas meas sanguine, & gladius meus deuorabit carnes: Quibus obsecro atrocioribus verbis furoris diuini magnitudo potuit designari? Quis vniquam sagittas sanguine ebrias, & gladium carnes deuorantem audiuit? Hæc igitur indignatio & ira in illo die plenissimè declaranda seruat. Constat enim, Dominum omnia propter seipsum, hoc est, propter nominis sui gloriam condidisse. Constat item, diuersis tum ætatibus, tum operibus diuersas laudes & virtutes suas declarasse. Potentiam enim ostendit in rerum creatione, sapientiā in earum gubernatione, misericordiam in hominis reparatione, iustitiam verò in malorum punitione hoc die declarandā seruauit. Quod si tantas res, tam varias Dominus effecit, vt potentiam tuam manifestaret: tamque mirabilem solertiā rebus omnibus indidit, vt sapientiam suam ostenderet: & tam multa rursus ac stupenda & fecit, & pertulit, vt misericordiam suam mortalium oculis conspicuam faceret: qualia, quæso, editurus est, cum iustitiæ suæ magnitudinem declarare constituit? Hoc enim argumēto D. Bernardus huius diei acerbitatē colligit. Sicut enim (ait) in primo aduentu misericordia apparuit supra modum, similem vtique expectare debemus iudicij distractionem. Si enim cum misericordiæ suæ magnitudinem ostendere voluit, ea opera designauit, quæ omnem humanæ mentis intelligentiam superant, dum in stabulo omnipotens Dei Filius nasci, in præsepio decumbere, cum peccatoribus in hoc mundo conuersari, & pro peccatoribus demum capi, vinciri, confui, colaphis

Loquere

Bern. in
serm. de
Aduent.

& alapis cedi, spinis coronati, purpureis vestibus illudi, crucem humeris baiulare, & in ea tandem inter facinorosos homines crucifigi: si hæc (inquam) omnia Dei Filius subire dignatus est, quæ celum & terram, Angelos & homines in admirationem stuporemque adduxerunt, quod misericordiæ suæ magnitudinem declararet: quid, quæso, faciet, cum iustitiæ suæ magnitudinē, ad hanc vsque diem summa patientia conseruatam, patefacere plenissimē velit? Cum Antiochus Rex eam cladem, quam paulo superius exposuimus, Hebræis intulisset, ac deinde Apollonium ducem cum exercitu misisset, qui nouas strages veteribus adderet, atque tandem Iudæorum genus & nomen ad internecionem exscinderet: Deum ait sacra historia tūc tēporis modicum aduersus populum suum fuisse iratum. Quæro igitur à vobis, fratres, si, cum diuina iustitia modicum irascitur, tot hominibus calamitates, tot captiuitates, tot mortes, tot Reip. strages, tot denique horrendas clades immittit, ut totum penè Iudæorum genus, quod sub ipsius tutela positum erat, ad internecionem vastauerit atque ceciderit: quid, quæso, faciet cum non modicum, sed sine modo, hoc est, extra omnem solitum modum iratus, totū iræ suæ impetum illo die in sceleratos effunderet, de quo ipse per Prophetam dicit: Ignis accensus est in furore meo, & ardebit vsque ad inferni nouissima, deuorabitque terram cum germine suo, & montium fundamenta comburent? Hoc igitur, fratres, quod ego pro dignitate & incredibili rei magnitudine explicare me posse diffido, vobis studiosè ac diligenter peruestigandum, & dies noctesque expendendum relinquo.

Cum igitur impij supernū iudicem, hæc tantam iram adpectu & vultu præ se ferentem cernent, quid putas animi gerent? atque ij præsertim, qui vel Christum non agnouerunt, vel eius leges & præcepta contempserunt? Quis tunc timor eorū mentes occupabit? quis stupor eorum animos ac cogitationes peruaderet, cum vniversum orbē tanta seueritate minantē, & Christum videant tanta maiestate fulgētē, quem toties pro rebus nihili repudiarunt, contempserunt, & abiecerunt? Hoc autem quale sit, vel hoc exēplo vtrumque poteritis intelligere. Cum Apostolus Paulus, Christū ignorans, eius Ecclesiā deuastaret, & in Damascum pergeret, ut fideles vinctos perduceret in Hierusalē; occurrens illi Dominus, Saule, Saule (inquit) quid me persequeris? Et ille: Quis es (inquit) Domine? Ego, ait, sum Iesus, quem tu persequeris: durum est tibi contra stimulum calcitrare. At ille tremens ac stupens ait: Domine, quid me vis facere? Paucissimis verbis sanctus Lucas totum nobis Pauli animum exposuit, cum dixit: Tremens ac stupens. Quæso vos, qualis

2. Mac. 5.

*not. cu
trahit*

Deut. 32.

Paulus

qualis stupor ille fuit, cum ex tam densis tenebris in tam claram lucem Apostolus emerit: ut, quem tamquam flagitiosum hominem persequeretur, Deum omnipotentem agnoscere? Quid enim aut magis nouum, aut insperatum, aut incredibile, aut horrificum illi obici potuit? Quo enim longius ab hac fide alienus erat, eo maiori admiratione ac stupore percutus fuit. Quae ergo animi consternatione illa D. Aug. verba dicere potuit: Vt, & tenebris meis, in quibus tam diu iacui! Sed tamen non minor in eo tremor quam stupor fuit. Quomodo enim non vehementissimè omnipotentem Deum formidaret, quem tam atrociter veluti paucissimam persequeretur? Hoc ergo timore ac stupore correptus, exclamauit: Domine, quid me vis facere? Ecce paratum credere, paratum poenitere, paratum obedire, paratum pro te mori, paratum denique huic tantae iniuriae à me illatae quouis supplicio satisfacere: quia ignorans feci in incredulitate mea. Nunc ad nos redeamus, fratres. Si tanto stupore ac tremore concussus Apostolus fuit, cum vindicem ac Dominum agnouit, quem antea contemplerat: quo, quaeso, timore ac stupore impij concutientur, cum Christum in tanta maiestate & gloria venientem cernent, què ipsi prouillissimis rebus contemplerunt? cuius seruos irriserunt? cuius minas & promissa nihili fecerunt? cuius serui nuncupari erubuerunt? cuius denique consilia & mandata omnia spreuerunt? Sed o rem stupendam & admiratione dignam! o diuinæ severitatis maximè grauissimumque argumentum! Quæ illa, quaeso, fuit Domini tam horribilis & pertimescenda vox? quis tam formidabilis aspectus, qui Pauli animum tanto stupore percussit? Perditum scilicet hominem blandissimè compellauit: Christi gloriae necem afferenti vitam obtulit; minas spiritali salutè promissit: hostem immanissimum clementer excepit. Et tamè cum diuinæ vocis pondus, diuinæque maiestatis amplitudinem ferre non posset, in terram penè exanimis, omnibusque viribus destitutus decidit. Quo igitur illi angore ex cruciabantur? qua solitudine afficerentur? quos eadem Dei maiestas non blanditiis, sed minis; non vira, sed interitu; non amoris indicio, sed districto gladio, omniq. ærurnarum genere excipiet? Qui clementem Dominum ferre non possunt, iratum ferent? qui ad poenitentiam vocantem perhorrescunt, terroribus omnia replentem poterunt sustinere? qui nec scelerum quidem conscientiam ferre potuerunt, scelerum ultorem conspiciere audebunt? Quantus ergo hic sprete maiestatis stupor erit? quantus timor admissæ improbitatis? Planè tantus erit, ut D. Chrysostomus longè acerbius esse dicat vultum Iudicis iratum cernere, quam mille perpeti gehennas.

Quid deinde? Causæ omnium examinabuntur, & libri exigendæ rationis

Causæ

liber

rationis proferentur. Sic enim Ioannes in Apoc. ait: Iudicium sedit, & libri aperti sunt: & alius liber apertus est, qui est liber vitæ: & iudicati sunt mortui ex iis quæ scripta erant in libris secundum opera ipsorum. Mirum est quid sibi sanctus Euangelista voluerit, cum & libros multitudinis numero, ac deinde singulari numero alium vitæ librum commemorat, cum alterutrum eorum ad rei naturam explicandam satis esset. Sed ego tamen, quantum coniectura colligere possum, in libro vitæ electos solum descripro esse arbitror. Sic enim Paulus quosdā ex sociis commendat, quorum ait nomina scripta esse in libro vitæ. In cæteris verò libris reprobos esse scriptos intelligo. Quia verò arcta est via quæ ducit ad vitam, & pauci sunt qui ambulant per eam; ideo vnus liber omnibus describendis sufficit. Contra verò cum infinitus sit numerus stultorum, & lata sit perditionis via; ideo multi libri esse describuntur, qui tam multorum hominum damnationem continent. Nemo tamen credat corporeos ibi libros inueniri, in quibus ad verbum delicta hominum conscripta sint. Liber enim ille est Dei sapientia, cuius oculis omnia nuda & aperta sunt, qui propterea confessor seculorum esse dicitur: de quo etiam in Psal. legimus: Posuisti iniquitates nostras in conspectu tuo: seculum nostrum, hoc est, totius vitæ nostræ cursum, in illuminatione vultus tui. Nos quippe multos libros euoluere necesse est, vt vnus tantum hominis delicta noscamus: at ille simplici ac vnico intuitu omnia omnium seculorum scelera, omnia cogitata, dicta, facta, velut in prospectu posita, clarissime intuetur. Quæ quidem consideratio (vt nihil esset aliud) fratres, nos ab omni maleficio & impura cogitatione auocare deberet: quod omnia in oculis agimus Dei cuncta cernentis. Hoc enim vno argumento incautum hominem à maleficiis detertere Sapienter nititur, cum ait: Renum illius testis est Deus, & cordis illius scrutator est verus, & linguæ eius auditor. Vnde in cogitationibus impij interrogatio erit, & sermonum illius auditio ad Deū veniet. Auris enim zeli audit omnia, & tumultus murmurationū (in quibus vitam omnem infumimus) non abscondetur. Itaque cum tu aut inania, aut impura, aut virulenta, aut cōtumeliosa verba iactas, auris illa diuina ibidem assistens audit, notat, & recondit omnia, & in futurum (cum tu nihil minus cogites) discutienda referuat. Hæc igitur diuina mens liber ille est, in quo omnia mundi scelera ita descripta sunt, ac si eius oculis subiecta essent. Qui enim numerat multitudinem stellarum, & omnibus eis nomina vocat, numerum etiam singulorum apud se retinet seclerum. Trecenti & eo amplius anni transacti erant, cum Dominus Sauli Regi per Samuëlem denūciauit: Recēsiui

Sap. 1.

Leo obliuio
hinc Drus
cetera

1. Reg. 15.

quæ

*Co. signasti
in saeculo*

quæ fecit Amalech Israeli, quomodo restitit ei in via, cum ad-
scenderet de Aegypto: Nunc ergo vade, & percutite Amalech, &
demolite vniuersa eius. Animaduertite, quæso, quam longum
temporis spatium post hoc scelus intercesserit: Dominus ta-
men (quasi paulo antea crimen illud admissum fuisset) tanta
seueritate plecti iussit, vt, quoniam Saul Agag Amalechitarum
Regi gregibus, quæ ouium pepercit, à Deo proiectus, & à regni
sede, cum posteris suis deurbatus fuerit: quod multis antea
annis Balaam vaticinatus fuerat, cum ait: Tolleretur propter Num. 24.
Agag Rex eius.

Sed non perinde mirum est, quod is qui continet omnia,
scelera cuncta velut ante oculos posita videat: longè enim mi-
rabilius est, quod quicumque in illo iudicio aderunt, siue impij
siue electi, non modò propria, sed etiam omnia omnium ho-
minum scelera apertissimè cognoscant: aliter enim nequaquam
æquitas iudicij omnibus conspicua esset: ad quod potissimum
extremum hoc iudicium destinatum est. Cæterum proprio-
rum criminum contemplatio maximo tunc pudori improbis
futura est: iis præsertim qui sine vllò pudoris freno in omnia
flagitiorum & sordium genera sese effuderunt. Hinc Chrysost. Chrysost.
Grauissima (inquit) pœnarum pudor est, quam in iudicio fu-
turam didicimus. Quod etiam D. Basiliius testatur his verbis: Basiliius.
Qui malis operibus inquinati fuerint, ad ignominiam & con-
fusionem resurgunt, cernentes in seipsis turpitudinem & for-
mas peccatorum. Et fortè grauior quàm tenebræ & igois ater-
nus hic pudor erit, qui semper inhærebit peccatoribus, vt nun-
quam non ob oculos habeant vestigia sceleratæ vitæ, tãquam
ineluibilis alicuius tincturæ. Non conuenit autem (vt idem Idem:
ait) existimare quod aliqua temporis futura sit mora, vt quis-
que seipsum cum actionibus suis, & iudicem, & quæ sequuntur
diuinum iudicium videat: mens enim inenarrabili quadam vi
vno momento imaginabitur, & omnia sibi veluti picta propo-
net; immo tamquam in speculo formas actionum in principe
facultate animæ conspiciet.

I I I.

Sequitur deinde sententia iudicis, quæ extremam huic operi
manum apponit. Ad pios igitur iudex blandissimo vultu con-
uersus, Venite (inquit) benedicti Patris mei; percipite re-
gnum, quod vobis paratum est ab origine mundi. Quibus ver-
bis quid blandius? quid dulcius? quid amantius? Felices au-
res, quæ iucundissima hæc verba percipient! felices oculi, qui
placidissimum iudicis vultum aspicient! felices anime, quibus
beatissima hæc fors parata est! Contrà verò turno ad impios
vultu conuersus, tremenda illa verba fulminabit: Ite maledicti
in

Antithia

Matth. 25

in ignem æternū, qui paratus est diabolo, & angelis eius. Quid his verbis acerbius? quid formidabilius? Perpendite, quæso, quò tandem diuina potentia (quæ tam diu tanta benignitate impios tolerauit) eruperit. Ite (ait) maledicti. Electis antea dixerat, Venite benedicti Patris mei: modò verò Patris nomē subtrahit, cum impiis maledicit. Quod certè non temerè factum est: sed vt hac ratione pij omnes intelligerent, benedictionem quæ illis contigit, immensæ illius atq. paternæ bonitatis & misericordiæ esse: maledictionem verò quæ malis obtrigit, nō tam diuinæ voluntatis, quàm ipsorum malitiæ & prauitatis fuisse.

Sapient. 2. Sic enim in lib. Sapientiæ legimus: Deus mortem nō fecit, nec lætatur in perditione viuorum: impij verò manibus & verbis illam accersierunt. Quòd igitur pij seruentur, gratia Dei est: quòd verò impij damnentur, culpa ipsorum est: illi non habent cur in se glorientur, hi verò non habent quod querantur: sed habent cur suam sibi impudent damnationem, qui illam manibus & verbis, hoc est, prauè dictis & factis sibi accersierunt. Relegabuntur ergo impij in ignem æternum, nullo vnquam tempore extinguendum. Triumphator namque in Israël non parceret, nec pœnitentia flectetur: neque enim homo est, vt agar pœnitentiam. Lugebat Samuel Saulem, eo quòd Dominus proieciſſet eū. Cui Dominus: Vſquequo tu, inquit, luges Saul, cum ego proiecerim eum? Si hac igitur tanta ſeueritate, dum adhuc veniæ tempus erat, Dominus vſus eſt, vt nullis Sanctorum lacrymis ſemel prolātā aduerſus improbum Regem ſententiam reuocauerit: quid illic futurum cenſes, vbi nō iam pœnitendi, ſed patiendi tempus erit?

Denique lara ſententia, ibunt hi in ſupplicium æternum, iuſti autem in vitam æternam. O infelices illi, ô felices iſti, ô millicies beati, quibus in tanta impiorum totiusq. mūdi ruina tam felix & beata ſors cōtinget! Domine (inquit Bern.) hic vre, hic ſeca, vt in æternum parcas. O cui nūc ſcire darū eſſet, an in hoc tam felici electorum cōitu eſſet numerandus! Felices vos Apoſtoli, quibus ante mortem etiam contigit certiffimum huius felicitatis pignus habere, dicente Domino: Nolite timere puſillus grex: quia complacuit Patri veſtro dare vobis regnum. Felix tu quoque Lazare, vlceribus licet plene, qui ab Angelis portaris in ſinum Abrahæ. Felix etiam tu latro vel in cruce appenſus, cui idem beneficium ab eodem Domino conſeſſum eſt, cum oratione tua permotus, ait: Hodie mecū eris in paradifo. Scio vos, fratres, quorū hic aedeſtis, nihil magis forſitan deſiderare, quàm de veſtra modò ſalute ſimili argumento certiores fieri, ſimilemq. à Domino ſpouſionem accipere. Sed fingamus hoc alicui noſtrum eſſe diuina benignitate conſeſſum: quid ergo

ergo tunc fieres, si hoc certo scires? Nimirum exsultarem in Domino, triūpharem, laudarem, gratias illi perpetuò agerem, meque totum illius obsequio manciparem, & in mediis etiam calamitatum fluctibus (quæcūque me circumlisterent) nunquam animum, nunquam vultum deicerem: cum certo scirem me, brevis æui spatio transacto, inter cæli ciues & Angelorum cœtus esse collocandum. Quid enim mihi quamlibet acerba calamitas nocere poterit, si momentaneo illo labore transacto, æterna deinde requie fruiturus sint? Hæc omnia quisque nostrum facile polliceretur, si hanc sibi felicitatem certo sciret esse paratâ. Quid igitur moraris? quid tergiversaris? Hoc fac, & viues: hoc fac, ad quod efficiendum nunquam tibi diuina gratia defutura est; & non minus certam felicitatem istam tibi polliceri poteris, quam si eam tibi Dominus viæ vocis oraculo promississet. Is enim ista facientibus hanc hereditatem promissit. Quamobrem, si ea præstiteris, non minus certus de futura tua felicitate esse poteris, quam modò beari ipsi sunt, qui Deo fruuntur. Sed vobiscum modò, fratres, paucis agere volo. Quæro enim à vobis, an hæc ipsa, quæ diximus, vera esse credatis? Vera planè: imò nihil his verius credi potest. Hanc enim veritatem ipsa Veritas in huius Euangelij fine confirmauit, cum ait: *Amen dico vobis, non præteribit generatio hæc, donec omnia fiant. Cælum & terra transibunt, verba autem mea non transibunt*. Hanc eandem veritatem omnis Sæctorum vita confirmat. Multi namque illorū huius diei atq. iudicij mei perculsi, omnes mūdi opes & voluptates deserētes, in abdita & inculta deserti loca sese contulerūt: aqua pura, herbarumque radicibus vitam inter feras sustentantes, ne se vlla mundi contagione polluerent: quo ab omni scelere purgati, lætam superni Iudicij faciem videre mererētur: atque ita nō verbis modò, sed vitæ innocentia huius fidei veritatem confessi sunt. Hanc eandem veritatem veridica Prophetarū prædictio confirmat. Sicut enim in iis quæ de priori Domini aduentu prænunciarunt, fideles inuenti sunt (quandoquidem quæ diuinitus prædixerūt, omnia ad extremū vsq. apicem impleta sunt) ita in iis quæ de posteriori aduentu prænūciarunt, nō minus fideles inueniuntur: quandoquidem (vt D. Greg. ait) sequentium rerum certitudo est præteritarū exhibitio. Igitur qui promissâ diuinæ misericordiæ opera impleta iam vidimus, non dubium quin tremēdæ iustitiæ tēpora inspecturi aliquādo simus. Hoc eodem argumento S. Iosue morti proximus, filios Israël in officio & religione continere voluit. Principibus enim & senioribus populi ad se vocatis, in hunc modū loquutus est: En ego hodie ingredior viam vniuersæ terræ, & toto animo cognoscetis quod

Gregor.

Ios. 23.

de

*Veritas
bona omni*

de omnibus verbis quæ se Dominus præstiturum vobis esse pollicitus est, vnū nō præterierit incassum. Sicut ergo impleuit opere quod promissit, & prospera cuncta venerunt: sic adducet super vos quidquid malorum comminatus est; donec vos auferrat atq. disperdat de terra hac optima quam tradidit vobis, si eius videlicet præcepta contempseritis. Hactenus ille. Nec minus quidem vera hæc comminationis verba fuerunt, quàm quæ promissionis antea fuerant. Sicut enim Dominus præstitit quod promissit: ita quod comminatus fuerat impleuit, quando præuaricantes Iudæos è terra illa expulit, & æterno exilio & captiuitate damnavit. Nos ergo, fratres, qui promissam Dei misericordiam iam suscepimus, certissimè sciamus iustitiæ severitatem extremo tempore reservatam (si ab eius legibus & obedientia desciscamus) exercendam esse.

Bernard.

Quid igitur nobis faciendum censes? Paucis ad hoc D. Bernardus responderet: Demus (inquit) operam, fratres, vt iudicati, non iudicandi, ante horrificum illud tribunal sistamur. Hæc enim mala (vt idem ait) qui pauet, cauet: qui negligit, incidit.

Ex quibus verbis conicere vtrumque licebit, ad vtram, piorum an impiorum, sortem quisque pertineat. Nam qui modò harum rerum pauore tremefactus sibi prospicit, vitamq. suam ad diuinæ legis formam effingere conatur, is vtique hoc ingès periculum effugiet. Qui vero contemnit & negligit, illo ipso die negligentia suæ atrocissimas penas dabit. Itaque seipsum modò quisque vestrū consideret, & cordis sui penetralia timeatur: si videlicet, iis quæ modò dicimus auditis, trepidat, & vitam ac mores suos ad normam diuinæ legis componere decernit. Hoc enim magnū sanè diuinæ prædestinationis indicium est. Si verò ad hæc ipsa quæ dicimus torpet & languet, nihiloq. magis afficitur quàm si hæc omnia ad illum minimè pertinerent; vehementissimum hoc internæ cæcitat, obdurationis, & reprobationis argumentum est. Quod quidem vel ex eo perspicui potest, quòd modò, dum hæc ipsa tractamus, religiosæ & piæ mentes, quæ nihil morte dignum admisserunt, trepidant, stupent, pallent, obmutescunt; perditī verò homines, & omni scelere contaminati, quorum capitibus hæc tætorum malorum tempestas impendet, non modò siccis oculis, sed lapideis etiam cordibus hæc ipsa quæ dicimus audiunt. Illos igitur qui ita trepidè audiunt, bene sperare iubeo: hos verò qui ita stupidi sunt, vehementer de sua salute formidare. Illorum ergo, fratres, timorem, sollicitudinem, studium, mores, & vitam imitari studeamus, vt ad eorū tandem felicitatem peruenire mereamur: præstante Domino nostro Iesu Christo, qui est benedictus in secula seculorum, Amen.

IN

*Ad quæ
hæc pñ
nlat 9/99*

97
IN EADEM SECUNDA DOMINI-

CA ADVENTVS DOMINI, CONCIO SE-
cunda: in qua extremi iudicii seueritas describitur. Quæ quidem cū ex aliis circumstantiis, tum præcipuè ex iudiciis integritate, deinde ex reprob-
orum inexcusabili prauitate, ac postremò ex sententia grauitate colligitur.

T H E. Tunc videbunt Filium hominis venientem in nube cum
potestate magna & maiestate. Luc. 21.



Vos potissimū Domini Saluatoris aduentus, valde inter se dissimiles, hoc tempore celebrat Ecclesia: alterum quidem præteritum, alterum verò futurum: alterum ad seruandos homines, alterum ad iudicandos: alterum summæ misericordia, alterum summæ iustitiæ: alterum in ma-

xima humilitate, alterū in summa maiestate. De illo namque dicitur: Ecce Rex tuus venit tibi mansuetus, ipse pauper, & sedens super asinam, &c. de hoc verò dicitur: Tunc videbunt Filium hominis venientem in nube, cum potestate magna & maiestate. Illic humili vehitur a fello, hic vehitur in nubibus cæli, choris Angelorum & Sanctorum millibus stipatus, Fluit autem secundi aduentus antecedentia signa & historiam paucis Euangelista Lucas in hodierna sancti Euangelij lectione comprehendit. Interrogatus enim à discipulis Dominus, quænam essent huius diei signa; his verbis respondit: *Erunt signa in sole, luna, & stellis, & in terris pressura gentium, præ confusione sonitus maris & fluctuum, &c.* Ex quibus verbis colligimus, autem ruinam mundi omnes eius partes esse prius concutiendas: vi potest quæ interitum atque ruinam suam instare quodammodo iam præsentiant. Itaque cælum turbabitur, sol obscurabitur, luna sanguineo colore rubescet, stellæ è cælo cadere videbuntur, aer ignitis fulguribus splendebit, nubes tonitrua emittent, mare mugiet, terra cōtremiscet, fere, latibulis suis relictis, fremitus horrendos edent: atque homines ipsi præ tantarum rerum metu horrore consternabuntur. Vnde sequitur: *Arescentibus hominibus præ timore & expectatione quæ superueniet vniuerso orbi. Nam virtutes cælorum mouebuntur.* Et tunc videbunt Filium hominis venientem in nube cum potestate magna & maiestate. Ne tamen pii homines hoc venturi iudicis splendore & maiestate perterrescerent, me-

tum illis, Saluator proposita germinantium arborum similitu-
dine adimit, cum protinus subdit: *Hu autem fieri incipientibus, re-
spicite. & leuate capita vestra: quoniam appropinquat redemptio vestra.*
Et dixit illis similitudinem: Videte ficulneā, &c. Quia vero adeo tre-
menda & horrida erant quæ de hoc futuro iudicio dixerat, vt
vix hominibus credibilia viderentur, adiecit tandem: *Amen di-
co vobis, non præteribit generatio hæc, donec omnia fiant. Cælum & terra
transibunt, verba autem mea non transibunt.* Hæc sunt quæ Euan-
gelica huius diei lectio cōtinet: ad quæ pro dignitate tractanda
(si quando aliās) nūc potissimum diuina ope indigemus: quam
beatissimæ Virginis interuētu suppliciter à Domino petamus.

A V E M A R I A.

Cum Christiana religio tam multis & magnis rationibus
homines à vitis abducere, & ad pietatis & iustitiæ studium in-
citare contendat: cum tam magna piis præmia, & improbis
supplicia constituat, vt ea nulla oratio explicare, nulla mens
cōcipere pro dignitate queat: merito queri potest, cur hæc ipsa
prædicantibus nobis, & quotidie ante oculos vestros propo-
nentibus, tam pauci sic afficiantur, vt eos scelerum suorum, &
ante actæ vitæ pœniteat. Si enim vel minima huius vitæ dā-
na & incommoda adeo, frequenter homines angunt, vt nul-
lum laborem propter ea vitanda, reculent: quomodo tantis
præmiis supplicii quæ propositis nihil penitus commouentur?
Cuius rei cum multæ & variæ sint causæ, illa mihi vel præci-
pua videtur, quod hæc ipsa, quæ fides & religio Christiana pro-
ponit, vix vquam ad mentem reuocamus. Sunt illa quidem
ad permouendos animos potentissima: sed si explicantur, &
diligenter excutiantur, vt quid in ipsis lateat introspeciamus.
Quid enim inter elementa omnia igne actuosius, & ad agen-
dum vehementius? At si hunc ipsum furtim aliquando, & ce-
leriter contingas, non te adurer; mora enim illi ad agendum
opus est. Sic igitur, quamvis fidei nostræ mysteria, velut spiri-
tualis quidam ignis sint, qui agentia hominum pectora possit
incendere; si tamen eis cogitandis non immoreris, sed leuiter
ea, ac velut in transcurso, percurras, minus planè eorum vim
& efficaciam senties. Quamobrem fidei (quam omnes habē-
mus) addere oportet considerationis moram: vt animo concipi-
as, & ante oculos mentis hoc ipsum quod credis, explices &
euoluas. Quod si faceres, non dubito, quin cælestis hic ignis
agentem animum tuum vehementer incenderet. O vitam
qui tam multas dei horas in futilibus negotiis insumimus, vel
vnam saltem huius tantæ rei considerationi impenderemus,
maximam cerè ex hoc studio utilitatem caperemus. Sic pla-
nè quandam ex sanctis illis Patribus facere solum legimus.

Simile.

qui

qui in quodam trium foliorum libello (ut ipse aiebat) se dies noctesque legere dictabat : quorum aliud quidem rubrum, aliud candidum, aliud nigrum esse aiebat. Et in rubro quidem Dominicam passionem, in candido beatorum gloriam, in nigro autem atrocissimas damnatorum penas se legere dicebat : hoc est, assidue animo versabat. Si igitur in hoc ipso libro nos frequenter legeremus, non dubito, quin longè aliter vitam nostram institueremus. Ut ergo huic communi socordiae aliqua saltem ratione consulatur, extremi iudicii imaginem, quomodo eam depingere, ac mente tractare deberemus, hodie vobis ante oculos ponere constitui : si fortè idem apud nos efficiat huius mysterij explicatio, quod eius diligens consideratio efficere potuisset. Et quoniam hæc res ad concutienda obdurata corda plurimum valet, oro obtestorque vos, fratres, ut quam attentissimis animis adesse velitis. Si enim hæc tanta res nihil hodie apud vos efficiat, non video quid mihi in futurum spei reliquum sit. Hæc enim velut extremum medicamentum est, quod desperatis morbis adhiberi solet : ac veluti extrema oppugnatio, qua omnes machinas adhibemus, quibus rebelles multorum animos Christo subiiciamus. Illud tamen hoc in loco dicam, duos quotannis esse dies animarum : quorum alter defunctis hominibus, alter viuis deseruit. Et illè quidem post festum omnium Sanctorum celebratur, in quo totius Ecclesiæ suffragiis fidelium defunctorum animæ iuvantur, quo ab igne purgatorio emergant : alter verò hodie mihi celebrari videtur ; quo Ecclesia, proposito peccatorum animabus formidabilis & magni iudicii die, eas non ab igne purgante, sed à peccato ad inferos deprimente, extrahere conatur. Quòd si hodie, hoc tanto mysterio vobis ante oculos posito, frustra laboramus, quò me veritam protus ignoret nec intelligo qua ratione deinceps vobiscum agere debeam. Sed de his hætenus : nunc rem ipsam aggrediamur ; & futuri iudicii severitatem vobis ante oculos proponamus.

I.

Sed quia infiniti propemodum operis esset, omnes iudicii huius partes & circumstantias explicare, tria tantùm, quæ mihi præcipua esse videntur, quæque eius magnitudinem aperitis declarant, paucis attingam. Primum quidem incorrupti Divinis iudicis integritatem, deinde reproborum hominum inexcusabilem prauitatem, ac postremo ferendæ contra eos sententiæ gravitatem.

Iudex igitur primum ille est, de quo Propheta dicit : Mundi sunt oculi tui, ne videant malum, & respicere ad iniquitatem non poteris.

Prima
pars.
Abac. 2.

poteris. Reus autem est homo peccator, qui bibit quasi aquam iniquitatem. Cum ergo tanta sit iniquitas eius qui iudicandus est, tanta verò æquitas iudicantis; quale, quæso, iudicium illud erit, in quo maxima iniustitia summis iustitiæ & æquitatis ponderibus libranda est? hoc est, cum corruptissimus ab incorruptissimo, immundissimus à mundissimo, & pessimus ab optimo iudicandus erit? Hac enim de causa non sine timore Apostolus aiebat: Mihi autem pro nihilo est ut à vobis iudicer, aut a Cor. 4. stolus aiebat: Mihi autem pro nihilo est ut à vobis iudicer, aut ab humano die; sed nec meipsum iudico: nihil enim mihi conscius sum, sed non in hoc iustificatus sum: qui autem iudicat me, Dominus est. Quod perinde est ac si diceret: Quia non ab hominibus, sed à Deo, hoc est, à iustissimo, incorruptissimo, & sapientissimo iudice iudicandus sum (qui longè aliter quàm homo videt) meritò iudicium eius pertimesco. Itaque si peccator peccatorem, si impius impium esset iudicaturus; non erat cur sibi improbus ab improbo nimium timeret: qui non prius alterum quàm seipsum iudicio suo esset damnaturus. At cum huius causæ iudicium ad eum spectet qui est summa æquitas, summa sanctitas atque iustitia, summoque odio impiū & impietatem eius detestetur; contrà verò iudicandus reus omni genere flagitiorum coopertus sit; quando ad tantam æquitatē tantà iniquitas, ad tantam rectitudinem tanta obliquitas, ad tantam denique iusticiam tanta iniustitia exigenda sit, & pro meritis punienda, quis non meritò timore concutitur? Non solum autem æquitas, sed sincerissima etiam & certissima iudicis veritas (ut Divus Basilius ait) maximū improbis terrorem incutiet. Cum enim improbi omnes dolis, fraudibus, & simulationibus (dum hinc viuerēt) ambitionem suam, auariciam, impudiciam, ceterasque animi labe occultaerint: cum videāt causam suam coram eo iudice agendam esse, apud quem nihil iis artibus (quibus semper vsi sunt) efficere possint, non poterūt non vehementer exanimari. Hoc est autem quod Sap. 5. legimus: Deum videlicet illo die pro galea iudicium certum esse accepturū. In humanis enim iudiciis sæpe veritas occultatur, & reorum crimina vel teguntur, vel dissimulantur, vel certè extenuantur, quando aut decipitur iudex, aut mentitur testis, aut reus fallit: at in hoc iudicio nihil horum locum habebit, cum idem Dominus (in cuius oculis cuncta geruntur) in hac causâ & testis & iudex sit: qui nullo modo potest aut muneribus corrumpi, aut præstigiis illudi, aut blanditiis deliniri, & à severitate ad gratiam flecti. Gestat enim in capite pro galea iudicium certum: apud quem nihil doli, nihil fraudes, nihil fallax patroni facièdia, nihil testis excogitata malicia valere poterunt. Hac eadem incorrupti iudicis veritas & integritas facit, ut in eo

in eo iudicio præter vnam pietatem & iustitiam cætera omnia quæ pro magnis apud homines habentur, nemini quidquam patrocinari possint. In hominum quippe iudiciis plurimū reorum dignitas & nobilitas patrocinari solet: multumque iudices clarorum hominum auctoritati & honori deferunt: at in hoc iudicio nullum prorsus splendidi generis stemmata locum habitura sunt. Iustitia enim & iudicium præparatio & velut insigne sedis iudicis huius est. Opes igitur & potentia, & quidquid in hac vita plurimum valet, illic prorsus inania erūt. Hinc Vates regius: Ne timueris (ait) cum dives factus fuerit homo, & cum multiplicitata fuerit gloria domus eius: quoniam cum interierit, non sumet omnia, nec descendet cum eo gloria eius. Hinc etiam in libro Iob de impiorum prosperitate & opulentiâ scriptum est: Sicut tela araneorum fiducia eius. Quid autem aranei tela fragilius? Huic potentium huius sæculi opulentiâ comparatur. De qua rursum ait: Si absorberit eum de loco suo, negabit eum, & dicit, Non noui te: siue (vt alij vixerunt) non vidi te. Ad eò enim brevis & momentanea huius mundi felicitas est, præsertim ad æternitatis spatiū comparata, vt ipse felicitatis locus, & ipsi etiā qui felices illos in gloria & opulentia sua viderint, dicere tunc meritò possint, Non vidi te. Hoc est, non agnoui non vidi, nō memini, non denique fuisti; vel, si fuisti, perinde fuisti ac si præteritus non fueris. O vanas hominū curas, o frustra susceptos labores, o sumptuose magnificę, excitatas domos, taperis aureis & sericis ornatas, o familias longo ordine ponē sequentes, o vestibula famulorum equorumque strepitu personantia! quā breuem temporis vsuram, quā fragilem firmitatem sortita estis! Hæc igitur fortunæ ludibria ad eò nihil in hoc iudicio poterunt, vt aduersus ea iudicium ipsum adornatum esse Isaias Propheta testetur, cum ait: Oculi sublimis hominis humiliati sunt, & incuruabitur altitudo virorum: exaltabitur autē Dominus solus in die illa: quia dies Domini exercituum super omnem superbum & excelsum, & super omnes cedros Libani sublimis & erectas, & super omnes montes excelsos, & super omnes colles eleuatos, & super omne quod visu pulchrum est.

I. I.

Sed quoniam iudicis integritatem & veritatem vidimus, iudicandorum causas & excusationes expendamus. Et quidē in extremo illo iudicio omnes homines comparare debent, siue illi fideles siue infideles sint. De infidelibus autē nihil est quod nunc dicere possimus, nisi quod ipse iudex antē pronuntiauit dicens: Qui nō credit, iā iudicatus est. Et Apostolus: Qui, inquit, sine lege peccauerūt, sine lege peribunt: qui autē in lege

secunda
pars.

Rom. 2.

peccauerunt, per legem iudicabuntur. Horum ergo, qui per leges iudicandi sunt, allegationes videamus: quarum nonnullas

Matth. 7. Dominus in Euangelicis literis expressit. Sic enim ait: Multi dicent mihi in illa die, Domine, nonne in nomine tuo prophetauimus, & in nomine tuo demonia eiecimus, & virtutes multas fecimus? Et tunc confitebor illis, quia numquam noui vos. Disceditis a me omnes qui operamini iniquitatem. Rursum

Lucæ 13. alios simili confidentia dicturos ait: Manducauimus coram te, & bibimus, & in plateis nostris docuisti. Hoc est: te Domine vsumus semper valde familiariter, tuis fuimus præceptis imbuti, sacramentis initiati, nec Christiani hominis faciem vquam exuimus. At ille, Nescio vos, inquit, vnde sitis. Disceditis a me operarii iniquitatis. Sūt enim permulti, qui solo Christianæ fidei nomine, & externis obseruationibus & ceremoniis nimium fidētes, hanc suam fidem & obseruantiam plurimum ibidem profuturam putent. Dicent enim diuinis se frequenter laudibus interfuisse, sacras conciones audiuisse, Missarum sacrificiis statis diebus adstitisse; quotannis ex Ecclesiæ præscripto diuina mysteria & sacramenta (quibus lethalia crimina diluuntur) percepisse, venialia verò & quotidiana frequenter aqua benedicta expiasse; ac postremo (quod caput est) fide imbutos, Christi gloriam, diuinitatem, maiestatem, & imperiū magnis vocibus prædicasse. Hæc, fratres, Charitati, si pietati, si iustitiæ, si diuinorum mandatorum obseruationi adiuncta sint; non dubium, quin horum causam firmissimè in iudicio aduersus omnium demonum accusationes tueantur. Si verò his virtutibus destituta sunt; folia, non fructus; imago iustitiæ, nō vera & solida iustitia sunt: quæ apud æquissimum illum iudicem (qui non rerum imaginem, sed integritatem; non vmbra, sed veritatem; non externam faciem, sed internam animi pietatem; non verba, sed corda; nō denique folia, sed maturos fructus requirit) nihil valent. Quid enim aliud idem Dominus insinuauit, cum sicut foliis ornata, fructibus autem vacua, æterna ariditate mulctauit, cum nondum fructuum tempus appropinquasset? Dementem enim hominem iudicaremus, qui Ianuario mense maturos in ficulnea fructus quæreret; & quod eo tempore non inuenisset, aduersus innocuum arborem indignaretur. Ita est planè. Atque hoc argumento insinuare Dominus voluit, se non cum arboribus, sed cum hominibus agere. Qui sunt autem qui per ficulneam foliis vernantem & fructibus vacuam intelliguntur, nisi qui pietatis speciem verbis & ceremoniis externis præ se ferunt, iustitiæ verò & pietatis fructibus vacui sunt? Talis enim erat populus ille, de quo

Isaiæ 29. Dominus per Prophetam queritur: Populus hic labiis me honorat,

norat, cor autem eorum longè est à me. Quicumque igitur tales sunt, sciant se eterna maledictione ita plectendos, vt ex illis nullus vniquam iustitiæ fructus in posterum exspectandus sit.

Quoniam (vt Salomon ait) nec opus, nec ratio, nec sapientia, neque scientia erunt apud inferos, quò illi properant. Hinc ad Iudæos, qui hisce operibus confidebant, per Esaiam Dominus dicit: Ne offeratis vltra sacrificium frustra, incensum abominatio est mihi, sabbatum, & neomenia, & festiuitates alias non feram: iniqui sunt cæcus vestri, kalendas vestras odit anima mea: facta sunt mihi molesta, laboravi sustinens. Videtis ergo, fratres, quid ipsa etiam opera, quæ olim Dominus in lege præceperat, sine vera iustitia & charitate valeant? Eccle. 9.
Esaiæ 1.

Quòd si ita iudicantur qui pietatis & iustitiæ fructibus nudati sunt: quid de illis statuendum est, qui non modò piis operibus vacui, sed omnibus sceleribus & flagitiis cooperiti sunt? Si hos certa perniciës & exitium manet, quæ spes de eorum salute erit, qui non modò ipsi peccauerunt, sed ad peccatum quoque alios induxerunt? quales ij sunt, qui seminarum pudicitiam prauis artibus expugnare solent. Quo enim pretio Christi sanguinem quem profuderunt, dum innocentem animam illaquearunt, rescire poterunt? Quid hos igitur exspectare nisi Prophetarum illud necesse est: Omnes vos accedentes ignem, accincti flammis: ambulate ergo in lumine ignis recti, & in flammis quas succendistis vobis. Ex 3.
Esaiæ 50.

Præter hos autem aderunt alij, qui ad misericordiam Dei, & sanguinis Christi merita confugient: quos non raro audire solemus hæc verba iactantes: Quid nobis desperandum est aut timendum? Aduocatus noster, Sacerdos, & Pontifex, ipse index est: qui pro nobis interpellat apud Patrem, qui semetipsum nobis dedit in pretium, redemptionem, & sanctificationem. Si ergo cum inimici essemus, reconciliati sumus Deo per mortem eius; multo magis reconciliati, salui enim ab ira in vita ipsius. Quis accusabit aduersus electos Dei? Deus qui iustificat, quis est qui condemnet? Noui, fratres, atque vlti compertum habeo, multa huiuscemodi à nonnullis ex Scriptura quidem sacra, sed à spiritu diaboli instructis afferri, quibus hominibus timorem adimant: vt, dum pacem se habere existiment, repentino præoccupentur interitu. Quis enim dubitat nihil damnationis esse iis, qui sunt in Christo Iesu, eodem Paulo testante? Sed ne quis impie existimaret illos esse in Christo, qui eius nomine retento sceleratè viuunt, prudenter addidit: Qui non secundum carnem ambulant. Qui enim in carne sunt (sicut alibi idem docet Apostolus) Deo placere non possunt. Contra istos autem ego sic vicissim

agam. Fateor eos, pro quibus Aduocatus noster apud Patrem interpellat, salutem esse consecuturos: sed si idem ex aduocato iudex factus cōdemnet, quis pro damnatis intercedet? Electos quidem Dei nemo accusabit; sed reprobos à Deo quis excusabit? Quos Deus iustificauerit, nemo certè poterit condemnare: sed quos ille damnauerit, quis à damnatione poterit absolvere? Quod imprudentum hominum insaniam; qui non cogitant diuinæ misericordiæ & veniæ consequendæ tempus ad illud vsque diem pertinuisse: inflare verò iam iustitiæ tempus, quo reddat vnicuique secundum opera sua iustus iudex! Cuius rei certissimum maximeq. formidabile signum eo die apparebit: nempe (vt Matthæus refert) signum Filij hominis in celo. Quo nomine interpretes hoc in loco venerandum atque gloriosum Dominicæ crucis trophæum (quod tunc in celo miro splendore fulgebit) intelligunt. In quem (ais) vsus? Nimirum ad maximum piorum solatium & lætitiā, maximūque contrā reprobos mœrorem atque tristitiā. Quam sanctus Euangelista designauit, cum protinus subdidit: Tunc plangēt

Exod. 14. omnes tribus terræ. Itaque vt nubes illa, quæ in fuga ab Aegypto inter filiorum Israel & Aegyptiorum castra media intercedebat; Aegyptiis quidem tenebrosa, Israëlitis verò fulgida erat; illos quidē tenebris perterrefaciens & inuoluens, hos autē splendore suo illuminans & letificans: ita illo die Dominicæ crucis signum pios miris modis exhilarabit, quod in ea salutis & iustitiæ suæ causam agnoscat; reprobos verò maximo angore conficiet, quod in ea vitæ suæ damnationem, & salutis desperationem intuebuntur. Quæ quidem res magna certè admiratione non vacat. In hac enim tanta ruentis mundi tempestate ad hanc præcipuè anchoram esset hominibus confugiendum, hac veluti tabula in hoc naufragio salus & vita quærenda, hoc est, spe diuinæ bonitatis & misericordiæ fruenda, quam nobis ad vitium Dominicæ crucis mysterium repræsentat: in qua omnes miserationes Domini, omnesque spei nostræ causæ plenissime cōtinentur. Multa quidem sunt, fratres, quæ huius diei acerbiter ostendunt: sed inter hæc omnia nihil mihi magis quam hoc signum formidabile videtur. Quod vt euidentius pernoscat, pauca mihi de horrendi huius signi virtute dicenda sunt. Olim Dominus post primi parentis lapsum, Angelum ad paradisi ostium collocauit, gladium flammeum atque versatilem in manu gestantem: vt hac ratione hominibus Dominus insinuaret, eos ad perpetuos labores & ærumnas esse damnatos, & à quietis & felicitatis loco exclusos & exules. Et tamē ostiū hoc tanta vi (ferro scilicet atque igne) munitum, crucis Christi virtus expugnauit, & obserata illa ab exordio mūdi claustra

claustra ita dirupit, vt non modò iustis, sed latroni etiam aditus pateret in paradysum. Vnde quidam ex Patribus crucem Domini appellat heberationem flammæ illius thomphææ, ad ostium paradysi collocatæ, quæ vim omnem atque aciem illius obrodit: vt iam nihil esset quod nobis eius loci aditus intercluderet. Fingit itaque custodem illum paradysi stupefactum fuisse, cum Dominicæ crucis virtutem cerneret, quæ ita exstiterit, vt latroni etiam & facinoroso homini cælum aperiret. Itaque tunc arma sua illum è manibus proiecis-
Cant. 10
 se, cum Dominicæ crucis baculo sic armatos, vt nihil opis arma sua sibi con-
 ferrent. Hæc enim omnia crucis, & passionis, & humanitatis Christi mysterium faciliè perfregerat. Hinc D. Bernardus, illam Sponsæ petitione declarans, Reuertere, re-
 uertere, dilecte mi, similis esto capræ: ait Sp̃s̃am, futuri iudicij meru pauidam, hoc à Sponso suo poscere, vt eadem lenitatis & humanitatis specie ad eam iudicandam veniat: ne, si alia occurrat, trepidationis & desperationis ei occasionem præbeat. Tota enim eius spes in sacra illa humanitate posita erat: quæ cum se Dominus propter hominum salutem indutum cerneret, non posset utique continere in ira sua misericordias suas; sed cum iratus esset, seipsum inuens, misericordiæ recordatur. Hoc idem spei solatium Apostolis in adscensione Domini Angelos præbuisse ait, cum stupentibus illis, & propter dilectissimi magistri abscessum mœrentibus, dicunt: Viri Galilæi, quid statis adspicientes in cælum? Hic Iesus, qui assumptus est à vobis in cælum, ita veniet. Hoc est, hac eadē humanitate indutus veniet ad iudicium, quæ nunc adscēdit in cælum. Denique sancti Patres hac vna præcipuè ratione nos in præsentī vita consolantur, & in spem erigunt, quòd illo die Iudex nobis futurus sit, qui nunc Aduocatus, qui Sacerdos, qui Redemptor est. Nunc autem hoc modo philosophari liceat, fratres: Si ea, in quibus hoc tempore sancti Patres præcipuum salutis nostræ præsidium ponunt, illo die timoris & mœroris nobis materiam subministrabunt; quæ nobis spes reliqua salutis futura est? Si tanta est virtus crucis & passionis Christi, vt latronibus etiam aditus præbeat in paradysum; quid est quòd ea cōspecta plangant omnes tribus terræ (hoc est, scelerati & improbi homines) & mœroris atque timoris ex ea materiam sumant? In causa certè est quòd in ea (vt dicere cœperam) apertissimè damnationis suæ rationem, & salutis desperationem cernent. Quònam modo? Eo certè quo Dauid cælum ait ac terram prædicare gloriam Dei; nec vllas gentes adeò immanes & barbaras esse, ad quas huius tacitæ prædicationis vox non perueniat. Sicut ergo cælum & terra citra humanæ vocis vsum summi ar-
Act. 1. 11
Ios. 1. 11

ficiſ ſapientiam, potentiam, & providentiam tacendo prædicant: ita crux Chriſti infinitam Dei bonitatem, benignitatem, miſericordiam, & charitatem erga genus hominum teſtat, rationesque omnes & cauſas repræſentat, propter quas homines mille mortes (ſi ita opus eſſet) propter illum perpeti deberent, qui in eos adeo benignus, adeoque liberalis & beneficus exiſtit, ut morte ſua eos ab æterna morte liberaverit, & ſalutis æternæ cōmpotes effecerit. Præcepit olim Dominus, ut **Exod. 16.** in arca fœderis ſimul cum legis tabulis Manna quoque (quo Dominus quadraginta annis populum ſuum aluerat in deſerto) recondere: ut huius beneficii recordari & intelligere homines, qua cura & ſtudio illius Domini legem ſervare deberent, qui eos adeo mirabili annonâ tam diu ſuſtentavit. Hoc eodem officio Dominicæ crucis ſignum illo die ſungeretur, per quam Dominus tanto maius nobis beneficium contulit, quanto plus eſt ſanguinem è latere ſuo fundere, quam manna ex aëre pluvire. Cum igitur perſecti homines videant ſe adeo ingratos tantis beneficiis exiſtiſſe, nec unquam huic tantæ Dei bonitati & charitati vicem rependiſſe; nec legem eius, qui eos tanto maioribus beneficiis obſtrinxerat, cuſtodiri: an non hinc mœroris, & timoris, & deſperationis grauiſſimam cauſam habebunt? Quo enim tunc animo (ut inquit **Eufeb.** Eufebius) ſtabit deſertor ante gloriæ ſuam, perſectus ante pretium ſuum? qua fronte miſericordiam petet, primum de miſericordiæ contemptu iudicandus? Eadem etiam crux ut paupertatem, nuditatem, mundi contemptum, & vitæ aſperitatem ſpecie ſua repræſentat & commendat; ita contrâ damnat perditorum hominum avaritiam, ſuperbiam, faſtum, luxum, ambitionem, ſeculi amorem, vitæ voluptates, & delicias, quibus improbi perpetuò ſervierunt. Quo argumento vitæ ſuæ maculas, itineris errores, & mentis ſuæ cæcitatem intelligunt, qui, regia crucis viâ dereliſta, per devotos vitiorum calles ingreſſi ſunt. Eadem etiam crux improborum hominum cauſam ut iniuſtam, ita etiam inexcusablem oſtendit: quâdoquidem humanæ naturæ imbecillitatem cauſari iam minime poterunt, cum crucis Chriſti meritum robur nobis & celeſtem Spiritum, & inuictas vires ad eam confugientibus præberet: quod facile innumera Sanctorum exempla confirman, qui ſimili carnis fragilitate circumdati, per eius virtutem feliciter de diabolo & ſeculo triumphaverunt. Hæc igitur omnia glorioſum illud Domini vexillum tacendo prædicat, cuius illi tunc ſignificationem & voces ad mœroris & timoris ſui cumulum intelligunt, qui, dum viverent, ad ſalutem & ſpem ſuam intelligere noluerunt: ideo tunc plangent omnes tribus

terre,

terrae, & tribus ad tribus pectora ferient. Ita fiet, vt sanguis Christi, qui (vt Apostolus ait) melius clamabat quam sanguis Abel (hic enim iustitiam, ille misericordiam postulabat) modo contrā, transacto iam misericordiae tempore, non misericordiam aduersus reos, sed iustitiam & vindictam postulet. Quo tempore illa eiusdem Domini peritio complebitur: Ter-
 ra, ne operias sanguinem meum, nec inueniat apud te locum latendi clamor meus. Non enim tunc Christi sanguis in terra latebit, sed maximis vocibus iustitiam Domini contra eos implorabit, qui hunc ipsum sanguinem testamenti peccando polluerunt. Hoc est autem quod Amos Propheta de hac die loquens insinuare voluit cum ait: Vae desiderantibus diem Domini. Ad quid eam vobis? Dies Domini tenebrae, non lux. Quomodo si fugiat homo à facie leonis, & occurrat ei vrsus: & ingrediatur domum suam, & innitatur manu sua super parietem, & mordeat eum coluber. Qua loquendi figura designare voluit, ea improbis pesti & exitio futura, in quibus salutem se inuenturos esse sperabant. Quod planè hac die illis contingeret, qui si ad spem diuinæ misericordiae confugerint, eius misericordiae signum maiorem eis timoris causam suppeditabit. Nunc ad vos, fratres. Si ipsa Domini crux terret, quis consolabitur? Si totius diuinæ pietatis & charitatis signum exanimat, quis nobis animum reddet? Si Christi sanguis contra nos vociferatur, quis, quaeso, pro nobis illo die clamabit? Si in Christi vulneribus (quæ misericordiae visceribus affluunt, nec desunt foramina per quæ fluant) misericordiam non inuenimus, ad cuius opem confugiemus? Num beatissimæ Virginis (quæ misericordiae mater est) aut Sanctorum suffragia postulabimus? Sed illorum tamen voluntas adeo diuinæ voluntati vnita, & in eam transformata est; vt illo tunc aduersus improbos irato, illi placabiles nullo modo esse queant. Alioqui (quod dictu quoque nefas est) aut Deum aut Sanctos eius inculabimus: si vel illum immisericordem, vel Sanctos illo clementiores iudicabimus. Nolla igitur irato Deo erit in Sanctis erga improbos elementia, sed magis de ipsorum iustissima damnatione lætitia. Lætabitur enim iustus cum viderit vindictam: manus suas lauabit in sanguine peccatoris. Immo verò quo ardentius Dei gloriam sirunt, eo vehementius de illorum supplicio gaudebunt, qui eius gloriam conspurcaverunt. Hinc Vates regius, Exsultabunt (ait) Sancti in gloria, lætabuntur in cubilibus suis, Exsultationes Dei, hoc est, exsultationes maximæ & Deo dignæ in gutture eorum, & gladij ancipites (qui videlicet & corpus & animam ferire possint) in manibus eorum. Ad quid hoc? Ad faciendam vindictam
 in na-

Amos. vi

Psal. 37

Psal. 148

in nationibus: gloria hæc est omnibus Sanctis eius. Maxima enim Sanctorum gloria erit, de hostibus Domini sui supplicium sumere. Quod si inter hos liberi patres reperient, eos utique non minori voluntate quam exteros cadent. Adeo enim Dei gloriam situant, adeo vnum cum illo per flagrantissimam charitatem effecti sunt, ut non possint non summo odio persequi quos ille odio habet, siue patres illi, siue matres, siue liberi sint. Itaque illo die sanctus Petrus martyr, & beatus quoque Martinus Episcopus, & Barbara virgo, infideles patres à quibus orti & paterna cura educati sunt, non minori ardore quam ceteros omnes infideles persequentur. Videtis ergo, fratres, illo die spem omnem salutis & misericordiae improbis esse modis omnibus interclusam?

III.

Tertio
yars.

Cum igitur nihil improbi habeant quo causam suam tueri possint, iudex protinus sententiam pronuntiabit. Ad pios igitur prius placido vultu conuersus, ad cælestis patrimonij hereditatem velut charissimos filios inuitabit his verbis: Venite benedicti Patris mei, percipite regnum quod vobis paratum est ab origine mundi. Vos enim estis qui permansistis mecum in tentationibus meis: & ego dispono vobis, sicut disposuit mihi Pater meus regnum: ut edatis & bibatis super mensam meam in regno meo. O felices qui in talis tantoque malorum turbine tam mihi blandamque iudicem videbunt! Quibus plane mitissimus agnus erit, quem tuac reprobi velut acrem & iratum leonem experientur. Quale autem erit eo tempore exultare & triumphare, cum sol tenebris obducitur, cælum mæret, terra tremat, astra lugent, & improbi petrarum scissuras quarunt in quibus delitescant; & montibus dicunt, Cadite super nos; & collibus, Operite nos? Vbi, quæso, sunt hi adeo felices & beati, quibus hæc sors felicissima continget, qui in libro vitæ Agni scripti sunt, & cæli ciues decreti? O quam libenter me illorum pedibus prosternerem, quam libenter eorum impressa humi vestigia deoscularer! Quæ enim maior felicitas, quam in hoc vitæ libro inter Apostolos & Prophetas esse cōscriptum? Tunc iusti fulgebunt sicut sol in regno Patris eorum. Tunc illud impleri videbimus quod in lib. Iob scriptum est: Lampas contempta apud cogitationes diuturnum, præparata ad tempus statutum. Tunc enim derisa à profanis iusti simplicitas, & lampas contempta apud cogitationes superborum (ad hunc tamen triumphalem diem præparata) splendorem quem antea celabat emitteret, & in totius orbis conspectu promicabit. Tanta igitur erit piorum felicitas, tantaque rursus improborum infelicitas, ut non immerito quidam yit sanctus mirari se dicat, quomo-

Matt. 23.

quomodo in hac vita electis omnibus terra ipsa quam calcant, & omnes lapides non vertuntur in spinas, ut hoc labore felicitatem, quæ illos post mortem manet, mercari valeant: & mirum itidem esse, quomodo improbis hæc eadē omnia non vertuntur in rosas, ut vel in hoc seculo tantisper gaudeant, quando in alio tot pœnis cruciandi sunt. Hæc igitur inuitatio, hæc lætissima sententia ad electos pertinet. Causam verò huius tanta gloriæ subdit iudex protinus, cum ait: Esuriui enim, & dedistis mihi manducare: sitiui, & dedistis mihi bibere: & quæ sequuntur. O felicia opera, o præclara munera, quibus hoc ingens præmium constitutum est! Cur igitur pauperes fugimus? imo verò cur non eos terra marique conquirimus, qui tantorum nobis bonorū auctores futuri sunt? Hæc igitur ad electos pertinet sententia.

Adversus improbos autem, qui à sinistris iudicis erunt, hæc verba torquebit: Discedite à me maledicti in ignē æternum, qui paratus est diabolo & angelis eius. Discedite (inquit) à me maledicti, hoc est, ab æterna benedictione exclusi, & sempiternæ maledictioni addicti. Quid, quæso, miseri sentiet, cum felici illa benedictione, quæ eis & sanguine Christi empta & in baptismate promissa erat, perpetuò se abdicari videant? Qualem erit (inquit Eusebius) Deum videre & perdere, & ante pretij sui perire conspectum? Revoce mus in mentem quid Esau acciderit, cum patris benedictionem amisit. Cum is igitur lassus

Euseb.
emiss. in
homil.

de agro venisset, & coctum obsoniū à Iacob fratre periussit: ille contrā, Vende mihi, ait, primogenita tua. Tum ille, En, inquit, morior: quid mihi prodeunt primogenita mea? Vendidit ergo quod exigebatur: comeditque & bibit, & abiit, parvipendens quod primogenita vendisset. Post multos autem dies, cum Esau coctos de venatione patri cibos intulisset, & ab eo benedictionem primogeniti iure postulasset, seque, ea tunc primum fratre clanculum surripiente, perpetuò abdicatum irrevocabili sententia intellexisset, irrugit clamore magno, & consternatus ait: Benedic etiam & mihi pater. Cumque pater illi benedicere renueret, rursus ait: Num vnā tantū benedictionem habes pater? Mihi quoque obsecro ut benedicat. Quæ quidem verba maximo eiulatu, & summa quadam animi consternatione proferebat. Denique à benedictione exclusus, parricidalique adversus fratrem odio incensus, Venient (inquit) dies luctus patris mei, & occidā Iacob fratrem meum. O quam apertè cæcitas & stultitia nostræ imago hoc in loco descripta est! Perpendite (quæso) fratres quam vilem profanus Esau primogeniti dignitatem habuerit, quam tam vili precio vendidit, & cui leuissimum edulium antetulit! At quo tempore ex sententia patris ea se priuatum intellexit, videre quibus

Gen. 25.

Gen. 27.

quibus lachrymis, quo eiulatu atque rugitu lamentatur, quod tanta antè leuitate animi floccifecerat. Tales sumus hodie ple-
rique, fratres, qui tam faciliè tot lethalia crimina committimus,
quibus nos æterna benedictione priuamus, nihili prorsus sum-
mam hanc incomparabilemque iacturam æstimantes. At verò
cum tempus illud aduenerit, quo æterni Patris decreto amissa
benedictio auferenda est, quando ille pro benedictione æter-
nam inducet maledictionem, dicens, Discedite à me male-
dicti in ignem æternum: quis verbis consequi possit, quo
dolore atque rugitu concutiemur, præsertim cum videamus,
nec vnam tantum benedictionem nobis esse reliquam? Si enim
Esau tam anxie ad patrem clamabat, vt hereditariam illam be-
nedictionem perciperet (quam tamen is temporariam atque
terrenam credebat) quid isti facient, cum se hereditatis æter-
næ benedictione priuatos, æternæque maledictioni addictos,
sublata in futurum omni spe salutis, intelligent? Qualis tunc
erit impiorum rabies? quis furor? quis stupor? cum memine-
rint se propter tam vile ferculum voluptatis tantæ gloriæ iac-
turam fecisse? Discedite (inquit) à me. Quò, quæso Do-
mine, discedent à tuo consortio relegati? Ite (inquit) in ignem
æternum, qui paratus est diabolo, & angelis eius. Quàm du-
rum & acerbum erit, fratres, toto corpore & anima in illo
flammarum pelago cum æternis ignibus colluctari! Si enim
acres huius vitæ dolores (qui futurorum malorum velut um-
bræ quædam sunt) vix tolerare possumus: quomodo poterim-
us habitare cum ardoribus sempiternis? Si adeò delicatè
sumus, vt in lecto iacentes nec pulicis morsum, aut culicis
streptum ferre valeamus: quomodo teterrimorum serpentum
venenatos morsus, arduosque flammarum globos perpetuo
sustinebimus? In hunc igitur ignem miseri, in hunc tetrum
carcerem, in has tenebras & flammæ, quæ diabolo paratæ
sunt, & angelis eius, deturbandi sunt. Diuina quippe cen-
sura exigat, vt quoniam homo dæmonum maliciam, inui-
diam, odium, & mendacium imitatus est, eorundem etiam
pœnas sustineat: vt quorum similis in culpa existit, in sup-
plicio quoque similis fiat. Sic enim filiis Israël euenisse legi-
mus: qui quoniam ingressi terram à Deo sibi promissam, ea-
rum gentium, quas Dominus fuerat demolitus, abominatio-
nes imitati sunt, idem quoque excidium atque supplicium iu-
stissimo Dei iudicio passi sunt. Quod multo antea Dominus
eisdem pronunciauerat his verbis: Custodite leges meas, atque
iudicia, ne & vos euomat terra quam intraturi estis. Nolite
ambulare in legitimis nationum quas ego expulsurus sum eas
ante vos. Omnia enim hæc fecerunt, & abominatus sum eas.

Quod

Gen. 27.

Leuit. 20.

Quod quia ipsi non caverunt, simile excidium pertulerunt. Eundem enim iudicem in eadem causa eandem prolaturum esse sententiam, consentaneum est. Sic enim isper Ezechielem Ezech. 24 ait: In via sororis tuæ ambulasti, & dabo calicem eius in manu tua. Cælum quidem (ait Chrysostomus) homini paratum erat; Chrysost. sicut ipse Dominus testatur: Accipite regnum quod vobis paratum est ab origine mundi: diabolo verò æternus ignis erat destinatus, quemadmodum hoc in loco Dominus ait. Sed quia neglecto Deo, diaboli culpam homo imitatus est; iustissimum planè fuit, ut eandem sustineat poenam, qui similem sectatus est culpam.

Hac igitur lata sententia, quemadmodum Dathan & Abiron Num. 16. cum tentoriis suis terra dehiscente vorati sunt, viuiq; in infernum præcipitatis, ita tunc terra subito dehiscet, & viui omnes ad inferos derubabuntur. Quid illis, quæso, tunc animi erit, cum videant se miseros propter momentaneas & inanes voluptates æternis bonis abdicatos, æternisq; cruciatibus addictos? O quam amarus, tunc erit fructus voluptatis, qui tam suavis olim videbatur! Tunc enim (ait Sanctus quidam) cognoscemus, quam amara sit voluptas, cum re ipsa didicerimus, quæ nobis fuerit tribulationis ministra. Fauus (inquit Salomon) Prov. 31 distillans labia meretricis, nouissima autem illius amara quasi absinthium, acuta quasi gladius biceps. Merito planè biceps, quia non corpus modo, sed animam quoque lethaliter feriet.

Nunc redeo ad vos, fratres, & quemadmodum Apostolus magna cura anxius, ad Galatas, qui à sinceritate fidei ad Iudæicam superstitionem defecerant, ait, Vellem esse apud vos modo, & commutare vocem meam (hoc est, in omnes me dicendi figuras transformare) quoniam confundor in vobis: ita ego nunc de salute vestra sollicitus, in ipsa cordis vestri penetralia irumpere vellem: vel inde (si fieri posset) vestra corda extrahere, & quid in eis modo ageretur introspicere. Dum hæc igitur nunc auditis, quæ & quales, quæso, cogitationes versantur in animo vestro? An forte adhuc tradere vos Deo dubitatis? an timore & metu æstuatis? an memoria vos peccatorum vestrorum pungit? an veteris vitæ poenitentia tangit? an illam mutare decernitis? an stupor vos forte & quadam mentis insensibilitas corrumpit? an hæc ipsa, quæ diximus, vel vera vel magna esse dubitatis, vel ad vos minime pertinere creditis? Certè hæc tam vera sunt, ut nihil possit verius excogitari; tam magna & formidabilia, ut non videam quid formidabilius esse queat; tam vestra autem, ut nihil magis ad vos pertinere possit. Quid igitur ita torpetis, ita in vitam quæ aurem dormitis, ita salutis vestræ curam negligitis, ac si nihil ad vos ista pertinerent? Vbi, quæso,

quæso, sensas? vbi iudicium? vbi ratio, quæ hominis propria est? Cur ita iacet obruta atque penè sepulta, vt nihil omnino tam magnis excitata rebus sentiat? nihil tam multis præuenta monitis officiat? nihil sibi in futurum opportunè provideat? Ergo dum tempus habemus, fratres, dum vita manet, dum facultas suppetit, dum Ecclesiæ voces opportunè nos admovent, dum iudex ipse & patienter expectat, & assidue vocat, & manum iacenti porrigit, & veniā petenti tribuit, accurramus: nec hanc temporis opportunitatē vilo modo prætermittamus, quæ quidem huius vitæ momento præteruolat nunquam reditura. Quis igitur tam ferreus, vt ad hæc tanta congrua penitus obsurdescat? Cùm hæc ipsa Ioānes Baptista populo annuntiaret, inter eos qui timore perculsi ad Dominum reueriebantur, ipsi quoque milites (genus hominum profligatissimū) suppliciter ab eo quæsierunt: Magister, quid faciemus & nos? Cur ergo nō idem vos modò quæritis, quod flagitiosi homines quæsierunt, cū eadem vobis ira, idemque iudicium impendat? Si hoc igitur à me nunc quæreretur, ita planè respondere possem: Primum vt antea vitam diligēter & sollicitè discutiāmus: eamque deinde per sacramentū pœnitentiæ, & verā contritionis lamenta purgemus. Vita verò rectè constituta, idem sacramentum frequentemus, vt perceptam semel gratiā & iustitiā perpetuò retinere possimus. Est enim hæc medicina (vt verbis vtar Cardinalis Caietani) valde cōseruatiua hominis in timore Dei. Ante omnia verò, vsque adeo firmum non peccandi propositū animo nostro insingere debemus, vt (si ira res ferat) prius & vitæ, & rerum omnium, quàm innocentie iacturam facere parati simus. Vt autem in hac ipsa puritate diutius permanere valeamus, quotidianis precibus opus est: ad quod certa diei tempora destinanda sunt, in quibus continuis à Domino clamoribus hoc vel maxime impetrare cōtendamus, vt extrema omnia prius perpeti, quàm in lethale aliquod crimē nos incidere patiatur. Vt autem misericordiam Domini nobis conciliare possimus, preces nostras misericordie operibus cumulemus: quibus potissimum diuinæ miserationis benedictio (vt antè diximus) in extremo illo iudicio parata est: vt misericordia operibus pauperū inopiā subleuant, pro nobis ipsi apud supernum Iudicem intercedant, & in æterna tabernacula recipiant. Ea enim eleemosynæ vis est, vt mendicis etiam tacentibus, ipsa pro nobis preces ad Deū fundat, causamque nostram apud clementissimum Patrem continenter agat. Reconde (ait Ecclesiasticus) eleemosynam in sinu pauperis, & ipsa orabit pro te, perpetuamque tibi misericordiam & gratiam, ac postremo sempiternam gloriam impetrabit.

IN EADEM SECVNDA DOMINI.

CA ADVENTVS DOMINI, CONCIO TER-

tia : in qua de magnitudine & seueritate extremi iudicij agitur : quæ ex præcipuis eius partibus & circumstantiis colligitur.

THE. Magnas dies Domini, & quib potest sustinere?
Joëlis I.



MAGNITUDINEM à discipulis Dominus, quædam essent futuri aduentus sui, & consummationis sæculi signa, hæc inter alia commemorauit, quæ in hodierna sancti Euangelij lectione, referuntur.

Erunt (inquit) *signa in Sole, & Luna, & stellis, & in terris pressura gentium, præconfusio montium, &c.* & cætera, quæ sequuntur. **A V E M A R T I A** *inquit* *fratres, ex altera quidem parte huius dicit magnitudinem & acerbiteriam, ex altera verò continetur dei vltimæ nostræ corruptelam atque licentiam, diligentiusque huius tantæ cæcitaris causam indaganti, eam mihi vel præcipua visum est, quod perperam homines (dæmone id operante) de diuinâ misericordia simul & iustitia sentiant. Communis enim generis humani hostis hoc semper agit, hoc curat, ut diuinam peccaturis misericordiam semper ob oculos ponat, non vt eam diligant, sed vt ab ea peccandi ansam arripiant: contra verò, diuinam iustitiam atque iudicium ita exennat, & à conspectu eorum ablegat, vt sublato omni diuini timoris freno, in peccata omnia præcipites agant. Scit enim versutus ille hostis, quod si vel minimam partem acerbiteris iudicij huius (quod ille iam in se expers est) intelligeremus, sine dubio ad solam iudicij & peccati appellationem, mente & corpore concuteremur.*

Hanc autem hominum cæciteriam homo quidam vira sanctus post obitum suum cuidam amico apertè declarauit. Rogatus enim ab amico, quo in statu esset ille ingenti gemitu respondit: Nemo credit, nemo credit, nemo credit. Cumq; rursus ab eodem quæreret, quid illa illa vox torres repetita significaret, ille rursus: Nemo credit, quam districte iudicet Deus, & quam seuerè puniat. Ex hac ergo perniciosissima ignoratione tanta hæc in hominibus peccandi licentia manat. Vt igitur perniciosissimum hunc errorem (qui tantorum malorum

causa est) animis vestris aliqua saltem ex parte excutiamus, extremi iudicii severitatem (in qua maxime diuinæ iustitiæ magnitudo elucet) vobis hodie ante oculos (quatenus tenuitati meæ liceat) proponere decreui. Ad quod hæc Isaiæ Prophetæ verba, quæ initio proposui, quæque diuini iudicii magnitudinem breuiter attingunt, explanare constitui. Vestrum autem erit, fratres, quàm attentissimis auribus, quæ à nobis hodie de re omnium maxime formidabili dicenda sunt, accipere.

Principio igitur, vt hæc Prophetæ verba excutere incipiamus, sciendum est, Hebræos, cum magnum aliquid significare voluit, id vel Dei, vel Domini appellatione designare. Sic enim mons Dei, exercitus Dei, & misericordia Dei apud eos pro magnis accipiuntur. Vnde cum David quæreret, an superesset aliquis ex stirpe Ionathæ, vt faceret cum eo misericordiâ Dei; misericordiam magnam voluit significare. Quia enim omnia quæ Dei propria sunt, auctoris sui naturam & maiestatem re-ferunt; ideo omnia quæ Dei esse perhibentur, magna esse intelliguntur. Cum ergo Propheta diem hunc, diem Domini appellat, magnum planè voluit significare. Et quidè verè magnus ille dies futurus est, qui in se omnia complectitur tempora, &

omnes omnium seculorum dies. Quemadmodum enim qui pecunias supputant, cum ad centenarium numerum peruenerint, calculum ab aliis separatim designant, qui vnus centum calculorum vices suppleat: ita vnus ille dies, non centum, aut mille, sed omnes in se dies seculi comprehendit. In illo namque die omnes homines dierum omnium anteactorum ratione reddent: qualesq; in eo die fuerint inuenti, tales deinceps in omni æternitate permanfuri sunt: quia (vt D. Greg. ait) in illo die homo inueniet quod in æternum mutare non poterit. Quo magis enitendum nobis est, vt ad illam diem parati inueniamur. Vt enim Euseb. Emisenus ait, Nunc in potestate vitæ præsentis est, vt beatus sit, qui aliquid perpetuum erit. Sero tunc clamore improbi dicent collibus, Operite nos; & montibus, Cadite super nos. Desiderabunt enim mortem, & non inuenient; qui vitam, dum inueniendi tempus fuit, desiderare noluerunt. Hæc ille.

Greg. Vocatur etiam alia quoque ratione dies ille dies Domini: quia videlicet in eo Dominus de hostibus suis, deq; omnibus iniuriis aduersum se commissis, supplicium sumet. Ad hoc enim certa quædam dies destinata est, de qua ipse in Exodo ait: Ego autem visitabo in die ultionis, & hoc peccatum eorum: peccatum videlicet adorati vituli in deserto: cuius perfecta ultio, in hoc quidem mundo paucis hominum millibus interfectis præpra, in illo tandem die complenda est. Et qua ratione eius peccati vindicta in illum diem referuatur, eadem omnium hominum

Exo. 32. aum

num atque omnium seculorum peccata in ipso plectenda ser-
uantur. Quam magnus ergo erit ille dies, in quo tam multa
ac varia crimina discutienda & plectenda sunt!

I.

Sunt autem multa in sacris literis de hoc die memoriæ pro-
dita, per quæ formidabilem eius magnitudinem conicere ve-
rumque licebit. Inter quæ primum locū obtinet signorum ma-
gnitudo, quæ hunc diem antecessura sunt, de quibus Domi-
nus latè disserit in Euangelis. Paulo enim ante lectionis hu-
ius exordium, varia eius diei signa cōmemorat his verbis: Sur-
get gens contra gentem, & regnum aduersus regnum, & terre-
morus magni erunt per loca, & pestilentie, & fames, terroresq;
de celo, & signa magna erunt. Sed ante hæc omnia iniicient
vobis manus suas, & persequentur, tradentes in synagogas &
custodias, &c. Hoc enim tempore apparebit ille homo peccati,
& filius perditionis, qui exaltatur supra omne quod dicitur
Deus, & colitur: ita vt in templo Dei sedeat, ostendens se tam-
quam sit Deus: qui miris modis Ecclesiam vastare conabitur.
Huius autem truculentissimæ feræ tyrannidem & potentiam
latissimè Ioannes in Apocalypsi describit his verbis: Et vidi de
mari bestiam adscendentē, habentem capita septem, & cornua
decem, & supra cornua eius decem diademata, & supra capita
eius nomina blasphemiarum. Et bestia, quam vidi, similis erat par-
do, & pedes eius sicut ursi, & os eius sicut os leonis. Et dedit illi
draco virtutem suam, & potestatem magnam, & admirata est
vniuersa terra post bestiam, & adorauerunt draconē, qui dedit
potestatem bestiarum, & adorauerunt bestiam, dicentes: Quis si-
milis bestiarum? & quis poterit pugnare cum ea? Et data est illi po-
restas in omnem tribum, & populum, & linguam, & gentem.
Et post pauca subiungit: Et vidi aliam bestiam adscendentem
de terra, habentem cornua duo, similia agni, & loquebatur sic-
ut draco, & potestatem prioris bestiarum omnem faciebat in con-
spectu eius, & fecit terram, & habitantes in ea adorare bestiam
primam. Et fecit signa magna, vt etiam ignem faceret de celo
descendere in terram, & seducere habitantes in terra, propter
signa, quæ data sunt illi facere in conspectu bestiarum. Hoc in
loco sanctus Euangelista per priorem bestiam, quam homi-
nes adorauerunt, propter potestatem magnam, quæ illi à dra-
cone (id est principe demonum) data est, Antichristum in-
telligit: cuius feritas & truculentia pardo, urso, & leoni,
hoc est, tribus ferocissimis bestiis comparatur: qui habet se-
ptem capita, id est, innumeras nocendi artes, quibus homi-
nes ad blasphemandum Deum inducat: propter quod su-
per capita hæc nomina blasphemiarum habere dicitur. Habet

Luc. 21

2 Thess.

2.

Apo.

13.

1 Thess.

1 Thess.

1 Thess.

1 Thess.

verò decem cornua, quibus homines impetat & feriat: quæ sunt Reges terræ, quos suo subdidit imperio: quorum armis atque potentia Sanctorum regnum inuadet. Diademata enim, quibus eius cornua insignita erant, regiam potestatem designant. Cæterum quoniam bestia hæc non armis solum & potentia, sed fraudibus etiam ac dolis niti debet, ideo bestia alteram Euangelista vidit de terra adscendentem (priorem enim & mari adscendisse dixerat) quæ cum mansueti atque innocentis agni cornua haberet, truculenti tamē draconis vocem edebat: ut hinc appareat, quātum ab adspectu facieque vox ipsa distaret: utpote quæ vultu ipso mansuetudinem & innocentiam agni, voce tamen & eloquio, draconis feritatem & truculentiam præferebat: ut hoc symbolo intelligamus, Antichristi regnū non solum armis & potentia, sed etiam fraudibus & simulata pseudoprophetarum sanctitate esse fulciendum. Cuius etiam mores ætatis nostræ hæretici æmulantur: qui, dum Euangelicam doctrinam & libertatem præferunt, reuera tamen lethale venenum sacrilegis vocibus vbique diffundunt. Et fortasse isti sunt Antichristi præcursores, qui sub Euangelicæ sinceritatis specie aliud Euangelium, aliamque doctrinam seminant, quæ Apostolicam doctrinam temerare & conuellere nituntur.

Post hæc autem signa, alia sequentur formidabiliora, & viciniore iudicio, quæ Dominus in præsentī lectione commemorat his verbis: *Erunt signa in Sole, & Luna, & Stellis, & in terris pressura gentium præ confusione sonitus maris, & fluctuum, arecentibus hominibus præ timore, & expectatione, quæ superuenient vniuerso orbi. Nam virtutes celorum mouebuntur:* quibus à solito cursu & ordine recedentibus, omnia pariter miscebuntur, atque confundentur. Cuius rei causam D. Chrysostomus designat his verbis: Quemadmodum patrefamilias moriente, domus turbatur, familia plangit, & pullis se vestibus induit: sic humano genere (propter quod facta sunt cætera) in fine constituto, cæli ministeria lugent, & candore posito, tenebris induuntur. Ex his igitur antecedentibus signis, quibus stupefacti homines, arecent præ timore & expectatione eorum, quæ superuenient vniuerso orbi, facile colligi poterit, cuiusmodi mala erunt, quæ talibus prodigiis portenduntur. Cum ergo (ut Eusebius Emisenus ait) talis futurus sit terror venientis, quis poterit terrorem sustinere iudicantis? Verè ergo magnus dies Domini, & quis poterit sustinere?

I I.

Deinde colligitur etiam huius diei magnitudo ex multitudine eorum qui eo die iudicandi sunt. Visitabo (inquit Dominus) super orbis mala, & contra impios impietatem ipsorum.

Vniuer-

Chry-
sost.Euseb.
Emil. in
homil.

Vniuersus ergo mundus vocabitur ad iudicium: immo verò omnia quæ præcesserunt secula, quæque sequentur, omnesque omnium ordinum homines, qui ab initio mundi ad finem usque futuri sunt. Aderunt igitur ibi quicumque in cælo erunt, & qui apud inferos, & qui in purgatorio, & ipsi etiam infantes qui suctint in limbo. Quod planè D. Thomas colligit ex D. Th. 6. verbis Ioannis in Apoc. dicentis, Et vidi mortuos pusillos & Apoc. 19. magnos, stantes ante thronum. Pusillorū namque nomine infantes isti significari videtur. Omnis igitur hic exercitus, quasi arena maris innumerabilis, stabit ante tribunal Christi, vbi tandem propheticum illud implebitur: Vtuo ego (dicit Dominus) quia mihi coruabitur omne genu, & confitebitur omnis lingua. Neque verò animæ solū, sed corpora etiā animabus reddita ibidem stabunt, dicente Apostolo: Nam & ipse Dominus in iussu, & in voce Archangeli, & in tuba Dei descender de cælo, & mortui qui in Christo sunt, resurgent primi. Huius ergo tubæ terrifico sonitu omnes homines excitabuntur, simulque vocabuntur, vt in illo iudicio non per vicarios, aut procuratores, sed per se ipsos seculi omni appellatione compareant. De qua voce ita D. Chrysost. ait: Verè vox magna, vox tubæ terribilis, cui omnia obediunt elementa, quæ petras scindit, inferos aperit, portas æreas frangit, vincula mortuorum distrūpit, & de profundis abyssi ereptas animas corporibus suis assignat. Hæc autem omnia citius consummat in opere, quàm sagitta transeat in aëre, dicente Apostolo: In momento, in ictu oculi, in nouissima tuba. Cuius tubæ virtute, pontus, terra, aër, flumina, mors, inferi, omnia denique quæ cæli cōplexu continentur, perterrefacta, mortuorum cadauera, quæ diu custodierāt, restituent: atque ita illa ipsa corpora, quæ olim vixerant, rediuiua resurgēt, siue ab auiibus, siue à piscibus, siue ab aliis etiam hominibus deuorata, in alienam sint permurata substantiam. Vbi & lingua illa impij Nicanoris Dominum blasphemantis, quæ Machabæi iussu in particulas dissecta, auiibus protecta est, eadem ipsa (mirabile dictu) resurget, iactatas in Deum blasphemias iterum luitura. Neque hoc cuiquā incredibile videri debet. Deus enim, qui minimo seminis grano adeò mirabilem virtutē contulit, vt ex eo procera & ingens arbor surgeret; is cineribus etiam corporis tui eam virtutem tribuet, vt iterum in pristinum corpus reformetur. Hinc Apostolus ait: Oportet enim corruptibile hoc induere incorruptionē, &c. Habet autem singularem quandam emphasim verbum hoc; oportet; significat enim absurdissimum esse, vt qui in hoc aut illo corpore deliquisset, aut etiam pietatem coluisset, in alio factū primum reciperet, aut supplicium. Non ita est. Sed illi ipsi perulantes

lantes oculi, illæ rapaces manus, illa lingua dolosa, ille insatiabilis venter, cæteraque membra, quæ seruiuerunt iniquitati ad iniquitatē, illa eadem meritis scelerum pœnas dabunt. Simili quoque ratione Sanctorum corpora, quæ propter Dominum vigiliis, laboribus, & ieiuniis afflicta sunt, summis atq. ineffabilibus deliciis, perpetuò recreanda surgent. Vtrumque autem eleganter Eusebius Emissi. declarat his verbis: Ipsa caro honoratur præmiis, quæ est probata suppliciis: ipsa in muneribus gaudebit, quæ in doloribus triumphauit: quæ ideo tolerabiliter doluit se afflictam, quia fideliter se credidit reformandam. Idē Eusebius. Idemq. de reproborum corporibus, contra quosdam hæreticos, corporum resurrectionem impugnantes, ita dicit: Si nō in ea qua vixisti carne iudicandus es, non est quod timeas, quicumque ille es, vas criminum: aperi campum flagitiis, dimitte frenā peccatis, irru securus ad culpam: non est quod timeas, alius pro te supponitur ad pœnam: nō expauescas vetusta malitia, noua, nescio quæ, pro te natura damnatur. Si ita est, quantum video, nocentibus morte succurritur, cruciatus innocentibus præparatur. Caro proprio in puluere dormiens, vltā non sentiet delictum proprium; & quæ antē non fuerat, subito nasceretur ad crimen alienum. Sed non ita est: nam de nostris loquitur Apostolica doctrina corporibus: Oportet enim corruptibile hoc induere incorruptionem. Hoc est dicere: mortale nostrum, in quo nati sumus, ipsum de fauillis ita reparandum est, ne vltā possit morte dissolui. Hactenus ille. Quare, dilectissimi fratres, si corporum vos amor ad peccandum inducit, si oculorum voluptas inuitat, si aurium dulcedo allicit, si totius corporis titillatio in fœda ac tetra flagitia impellit: eadem profectō vos magis à vitiis abducere debuissent, ne tam breuis voluptatis vsuram sempiternis cruciatibus luant. Ad carnis ergo salutem, carnis amatores inuito. Ne, quæso, in sempiternam miseriam eadem ipsa corpora spontē coniciatis, quæ diligitis: ne, dum momentaneis illa voluptatibus delinitis, perpetuis doloribus addicatis. Breues enim istæ corporum deliciae, sempiternum vobis exitium comparabunt. Si hoc igitur ita futurum est, fratres; si omnia omnium corpora in vnum agmen congreganda sunt: quale (quæso) erit spectaculum illud, in quo tot hominum, atque adeo seculorum myriades cōgregabuntur, examinabuntur, & iudicabuntur? Cū princeps aliquis vitæ proditiōis reus, ex decreto Regis capite plectendus est, vndique homines ad tantum spectaculum admirabundi confluant, fortunæ licentiam & potestatem in præpotentes etiam homines spectaturi. Quale ergo spectaculum illud erit, in quo tot principes viri, tot Reges, tot Imperatores, tot Casares,

res, tot orbis Monarchæ, trepidi atque nudi, sine vlllo satellitio aut fastu, ante supernum illum iudicem sistentur, non capitali sententia, sed æterna morte damnandi? Quo quid esse potest formidabilius? An non ergo meritò Propheta clamat: Magnus dies Domini, & quis poterit sustinere?

III.

Tertiò colligitur etiam huius diei magnitudo ex ipsius diuinæ iræ magnitudine, quæ hoc potissimum dñe declarada est. Quæ qualis futura sit, omnes omnium seculorum calamitates, pestilentie, bella, fames, inundationes, vastationes quæ terrarum (quæ diuersis temporibus propter peccata hominū contigerunt) faciliè declarât. Hæc enim omnia velut scintillæ quædam sunt à furoris igne, in diuino pectore latentis, exterius promicantes. Cæterum hoc die non tam exiguæ scintillæ, sed totus diuini furoris ignis, dirupris vndique claustris, in capite malorum erumpet. Qualis ergo erit ignis ille, cuius tot erunt ligna, quot omnium seculorum scelera atque flagitia? Si igitur omnia hominum peccata, ab initio mundi patrata, velut ligna quædam & nutrimenta sunt, quibus ignis diuini furoris magis atque magis auctus est: quando præscriptus hic dies adueniet, in quo tantus hic ignis, in vastissimo diuini pectoris sinu delitescens, per hunc mundum effundendus est, quis non pauebit? quis non obstupescet? quis non totus metu atque trepidatione liquecet? Si enim tot sunt vel vnus tantum facinorosi hominis flagitia, quot erunt tot perditorum hominum, immo tot seculorum scelera: quæ omnia velut ligna quædā sunt, quibus hic diuini furoris ignis nutriendus & inflammandus est? Quale ergo tunc erit, miserum homuncionem huius tantæ indignationis & furoris velut receptaculum fieri, atque signum, ad quod omnia diuini furoris tela iaciantur? Dixit Dominus ad Pharaonem: Idcirco posui te, vt ostendā in te fortitudinem meam, & narrerur in gentibus nomen meum: hoc est, vt plagarum magnitudine, quibus te & regnum tuum conteram, cunctis gentibus fortitudinis & potentie mee magnitudo nota fiat. Huius ergo obstinati Regis locum miserandus homuncio illo die tenebit, in cuius punitione furoris & iusticie sue magnitudinem Dominus inflatis pœnis declaraturus est. Quæcum ita sint, an non meritò Propheta clamat: Magnus dies Domini, & quis poterit sustinere?

Exod. 9.

IIII.

Quartò etiam non solam diuinæ iræ, sed etiam patientie magnitudo, quæ tam diu reprobos ad pœnitentiā expectauit, & miris modis ad se trahere cōtāuit, huius diei magnitudinem ostendit. Alium enim scelera sceleribus perpetuò cumulantem

quadraginta annis, alium quinquaginta, alium verò sexaginta, ad poenitentiam mira patientia tolerauit. Cur enim ab auctore vitæ hominibus vita data est, nisi vt illa ipsa auctori suo militent atque deseruiant? Neque enim ob hoc vitam is & omnia vitæ præsidia, hoc est, omnia rerum conditarum obsequia nobis contulit, vt tantorum munerum copia abutentes, largitorem ipsum sceleribus ad iracundiam concitaremus: siue vt gula, ventri, crapula, cæterisque cupiditatibus frena laxaremus. Neque enim tantarum rerum molimina bonus cõditor ad tales vsus destinasset. Si ergo quinquaginta annis malè vixisti, tantundem temporis te Deus ad poenitentiam præstolatus est. Quo spatio quid non tentauit, quid non fecit vt te sanaret, & ad meliorem mentē reuocaret? Quot plagis perculit? quot beneficiis allexit? quot morbis excitauit? quot propinquorum mortibus imaginem tuæ tibi mortalitatis expressit? quot oculis, inspirationibus, in ipsis etiam criminibus versantem, à malis reuocare curauit? quot Ecclesiæ vocibus admonuit? quot peccata patientissimè tulit, vt te tandem ad se traheret, & ad poenitendum prouocaret? Quo ergo diutius tolerauit, nihilq. (vt te sanaret) intentatum reliquit; hoc iustius contra te acriusque defensionē. Furor enim sit, laesa sæpius patientia. Hinc ipse Dominus per Prophetam dicit: Tacui, semper silui, patiens fui, quasi parturiens loquar. Dissipabo, & absorbebo simul, desertos faciam montes & colles, & omnē gramen eorum exsicabo.

Simile. Aitunt Philosophi, adamantem (qui inter omnes lapillos solidissimus & durissimus est) si arte aliqua dissoluatur, in minutissimas partes ita dissipari, vt cerni vix possint. Tale ergo sperni iudicis ingenium, talis natura diuini furoris est. Quod

Psal. 7. Psalmista videtur expressisse, cum ait: Deus iudex iustus, fortis, & patiens. Numquid irascitur per singulos dies? Minimè quidem. Altissimus enim est patiens redditor, sicut in Ecclesiastico legimus. Cæterum vbi patientia eius diu multumque impietatibus hominum laesa est, ibi summa illa lenitas & mansuetudo in maximam soluitur iracundiam: quāto enim in ferenda culpa fuit patientior, tanto in inferenda poena vehementior existit, ac tarditatem supplicij grauitate compensat. Qui ergo te à primo vitæ limine, cæteros verò impios ab initio mundi tot scelera admittentes, patientissimè tulit, & in hūc diem plectendos distulit; quo, quāto, impetu tam diu in illos seruata & auctam iram effunde? Merito ergo Propheta clamat: Magnus dies Domini, & quis poterit sustinere?

V.

Est & aliud quod vehementius adhuc diei huius magnitudinem declarat, materia videlicet, quæ diuino illo iudicio proponitur

posita est: quæ scelera omnia complectitur, tam nostra, quam eorum qui nostræ fidei cura quæ commissi sunt, siue subditi illi sint, siue famuli, siue filij. Peccata enim quæ aut nostra negligentia ab illis suscipiuntur, aut nostra providentia vitari potuerunt, nostra esse censentur. Itaque si omnes isti fidei religionis quæ nostræ doctrinam ignorant, si imponere peierant, si blasphemias in Deum voces iactant, si comessationibus aut ludis vacant, si impudica consuetudine detinentur, si statis diebus diuinis officiis non interfunt; hæc omnia, quæ nos emendare debuimus, nobis imputantur. Quamuis igitur tu innocentissime vixeris, aliorum tamen tibi crimina hac ratione imputanda sunt, aliorum quæ tibi. Somo us exprobandus, atque dicendum quod olim dormienti Petro à Domino dictum est: Simon Mar. 14. dormis? qui alios scilicet ad vigilandum excitare debuisses?

Neque verò putes, vel leuissimam cogitationem, vel verbum otiosum hoc in loco esse præmittendum. Ad diuinam quippe iustitiam spectat, ut nec calix quidem aquæ frigida sine præmio, nec otiosum verbum sine debito supplicio relinquatur. Quod si otiosa verba hic examinanda sunt, quomodo tot impura, perniciofa, malitiosa, virulenta quæ verba, tot denique periticia, conuicia, mendacia discutienda atque iudicanda erunt?

Neque verò existimes, quia tu forsitan scelerum tuorum oblitus es, Deum quoque obliuioni illa tradidisse. Ab hoc enim errore nos Eusebius Emislenus reuocat his verbis: Perniciofa nosmetipsos persuasione fallentes, putamus quod mala nostra spatio temporis euangerint: & quia illa nos oblitus sumus, credimus quod de memoria diuinæ severitatis delapsa sint. Sed non ita est: omnia apud illum collecta, omnia apud illum reposita atque signata sunt. Audiamus quod dicit ille beatus Iob: Signasti quasi in sacculo delicta mea. Plus est signasse, quam seruasse. Quæ enim diligentissime seruari volumus, non modò in sacculo reponimus, sed etiam obsignamus; ne quicquam eorum effluat, quæ ibidem repositum. Quo verbo innuere vir sanctus voluit, nullum, ne minimum quidem, delictum, diuinæ sapientiæ posse ullo modo excidere. Vnde idem per Prophetam dicit: Scrutabor Hierusalem in lucernis. Hoc autem modo, adhibita videlicet lucerna, quærere solemus quæ audissimè desideramus. Quid autem est quod lucernam illam diuinæ sapientiæ omnia illuminantem atque per uidentem possit effugere? Rursus quæ alio in loco: Ecce (inquit) scriptum est coram me, non tacebo, sed reddam & retribuam unicuique in sinu eorum. Hoc autem scribendi verbo, duos diuinæ sapientiæ libros (de quibus Ioannes in Apoc. mentionem facit) designare voluit: alterum quidem vitæ, in quo omnes electi scripti sunt; alterum verò, in quo

Euseb.
Emisl. in
hom. 5.
ad Mon.

Iob 24.

Soph. 1.

Esa. 65.

Apo. 20

reprobatorum opera descripta sunt: qui tunc aperietur, ut secus-
dum ea, quæ ibidem literis comprehensa fuerint, improbi iu-
dicentur. O verè miserandam stupiditatem nostram, qui in
tanta socordia degimus! cum tanta diligentia commissa no-
stra omnia in libris illis describantur. Et nos quidem hæc ora-
mur & ludimus, & lætum agimus diem: cum tamen (dum hæc
ira geruntur) omnia quæ hæc delinquimus, in libris illis dili-
gentissimè exarantur. Ibi scriptum est quoties peierasti, quo-
ties maledicta in alium coniecisti, quoties posuisti in cælum
os tuum, quoties lasciuos oculos per illicita circumduxisti, quo-
ties alienam famam læsisti, quoties uxorem præximi violasti,
vel concupiuiisti, quoties emendo, aut vendendo, siue peierasti,
siue fraudasti, quoties ira efferatus vindictam expetisti, ac pos-
tremo quoties vel oriosum verbum protulisti. Atque interim
dum hæc scribuntur atque signantur, tu rides, ludis, epularis;
nihil minus cogitans, quàm quæ contra te eo tempore in cæ-
lesti illa cancellaria gerantur. Quod negotium perinde agi vi-
detur, atque ea quæ apud Christianæ fidei iudices tractari so-
lent: apud quos dum vel dormit, vel ludit ille, qui in hæresim
lapsus est, testis interim accusat, scriba diligenter exarat, iudi-
ces criminis pœnam decernere incipiunt: cum tamen miser ille,
criminis sui oblitus, nihil minus cogit, quàm quod eo tẽ-
pore aduersus eum geratur. Absoluta verò accusatione, pro-
tinus capitur, & in carcerem truditur, vel quæstionibus exami-
nandus, vel in publicum theatrum proferendus, atq. damnan-
dus. Hæc ergo ratione, nostra quoque causa coram superno
iudice semper agitur: cum interim multi sint, quibus ne per
somnia quidem hoc in mentem veniat. Quanto aliter bea-
tus Iob? Sic enim vir innocentissimus cum Deo agit: Ista au-
ras testes tuos contra me, & multiplicas offensiones. Quæ ni-
mirum verba hominis sunt in terra quidem degentis, sed quid
in diuina curia de suis operibus ageretur formidantis. Sciebat
enim diuinos oculos perspicacissimos esse nostrorum operam
spectatores: cum idem ipse Dominus per Prophetam dicat:
Ego sum index & testis, dicit Dominus. Quæ cum ita sint;
quid superest, nisi ut perditos & voluptuosos homines huius-
modi Salomonis verbis incusemus: Latrare iuuenis in adole-
scentia tua, & in bono sit cor tuum, & ambula in viis cordis
tui, & in intuitu oculorum tuorum: & scito quod pro his om-
nibus adducet te Deus in iudicium: in quo tunc vehementer
amarefcer, quod nunc tibi dulce esse videtur.

V I.

Qualis verò post hoc examẽ sententia secutura est? Instabit
enim dæmon (qui in hac causa locum tenet accusatoris) & his
verbis

Simile.

Eccle. 17

verbis (vt Eusebius Emiffenus ait) ante iudicem perorabit: Iuste rerum arbiter, tuus quidem erat homo per creationem, sed meus cœpit esse per culpam: tuus per naturam, meus per inobedientiam: qui maluit audire seductionem meam, quam legem tuam. Tibi debetur iure, mihi crimine: tuus est opere, meus voluntate: quia potuit præceptum tuum seruare, sed noluit. Cum ergo ad obiecta hæc nos habeant improbi quid respondeant, iudex protinus sententiam feret. Quid quis tuba nunc aliqua (cuius horribilis sonitus omnes mundi oras peruaderet) sententiam hanc proferre posset? Cum igitur, ô homo, totum vitæ tempus à hoc tibi impensum fuerit, vt te ad hanc diem parares, nec parare tamen voluisti: nunc te ad audiendam sententiam paratum exhibe. Discedite (inquit) à me maledicti in ignem æternum, qui paratus est diabolo & angelis eius. O discessio, ô maledictio, ô ignis, ô æternitas formidanda! Quid primum mirer? quid primum lugea? quid primum amplificem? an separationem à Deo, an eius maledictionem? an ignem deuorantem, an malorum omnium nullo vmq̃ termino finiendam æternitatem? Itaque cum miseri per centena annorum millia inter ardentes flammarum globos volutari fuerint, partim quidem vi dolorum exagitari, partim verò tam longi cruciatus fastidio lassari, dicere incipiet: Quousque tandem in hoc flammarum præago cruciandi sumus? Iam per tot annorum millia pœnas luimus: quis tandem horum incendiorum finis futurus est? Quibus tamen insultantes dæmones respondebunt: Citò conqueri incipitis, adhuc multum diu superest: nunc enim primum vestri cruciatus incipiunt. Post multa enim annorum millia, & centena millia iterum ad redituua incendia reparandi, & in hac ipsa flammarum rota nobiscum perpetuo volutandi estis. Quibus illi auditis, salutis sue ac diuinæ misericordiæ desperatione cœcepta, aduersus Deum fremunt: & sacrilegum os suum in cælum ponentes, viuentem in secula seculorum blasphemabunt. Quin & parentes qui eos genuerunt, & vbera quæ lactauerunt, & natalem diem suum diris omnibus perpetuo execrabuntur.

Quæ cum ita sint, oro obtestorq̃ vos, fratres, per cōmunem fidē, per vestram salutem, per Christi sanguinem pro nobis in cruce profusum, vt vestri ipsorum miseri, dum tēpus est, vobis opportunè consulatis. Quid igitur (inquis) faciam? Nimirum quod Propheta se facturū pollicetur, cum ait: Super custodiam meam stabo, & figam gradum super munitionem, & considerabo quid dicant mihi, & quid respondebo ad arguentem me. Hoc igitur agamus, fratres, vt vigilatissime deinceps mores nostros atque sensus, custodiamus. Deinde diligenter inquit

Euseb.
Emiss in
homil.

Mat. 25.

Abac. 2.

inquiramus, quid tandem arguenti nos iudici respondere possimus. Arguet enim superbiam & vanitatem nostram, arguet auaritiam & impudiciam nostram, arguet inueterata odia, lasciuos oculos, rapaces manus, impurum cor, & pedes veloces ad currendum in malum. Si ergo ista arguet, opportunè à nobis ea depellamus, ne in nobis iudex, quod arguere possit, inueniat. Malorum deinde occasiones amputemus, iram, & uetera odia deponamus; aliena si fortè sustulimus, dominis suis, quam celerrimè fieri possit, restituamus. Sed ais forsitan: Gratià sunt ista quæ præcipis, & acerba. Quid igitur? an nò multo grauior & acerbior gehenna fuerit? Magna certe dementia est, vt minora vites, incidere in maiora. Cernere quotidie licet multos homines adeò delicatos, vt ad bellaria quæque & opipara obsonia nauscent: qui tamen, si grauiori aliquo morbo infestentur, nullam potionem, quamlibet amaram (quæ modò salutem illis afferat) recusant, & quod sani nulla ratione facerent, acri morbo pressi, etiam flagitant, & auro redimunt, quo hoc cruciatu maiorem diuturnioremque corporis cruciatum euadant. At fides Catholica (cuius veritas celo & terra firmior est) æternum mihi exitium denunciat, nisi lachrymis & labore poenitentiar, mala mea redimam: cur ergo non exiguo & momentaneo labore summum & immortale gehennæ redimam laborem? Quis, quæso, non distrumpitur, cum hæc toties auribus vestris frustra insusurrauit?

Luc. 16. Sed rursus ais: Si aliena restituo, mendicus moriar. Quid ergo? An non satius est mendicum mori, & cum mendico Lazaro ab Angelis in cælum deportari, quam diuitem mori, & cum epulone diuite flammis vlticibus perpetuò cruciari? Quò enim tibi diuitiæ, si diues moriens, ad inferna descenderis? Quid enim dementius, quam malè parcas diuitias hinc relinquere, & auaritiæ crimen tecum in gehennam cruciandus referre? Immo quò tibi regna, dominia, & vel totius orbis imperium, si te ipsum perdas, & detrimentum tui facias?

Mat. 16. Quomodo verò (inquit Origenes) aliena retinens, electorum sortem recipies, cum ab ea excludantur, qui sua non erogauerunt? Si enim ab agnorum consortio repelluntur immiseri cordes; quomodo in illud recipientur alienæ substantiæ directores? Si in ignem mittitur qui non dedit rem propriam, quò putas mittendus erit, qui inuasit alienam? Si cum diabolo ardet qui nondum non vestit; quò igne arsurus est, qui etiam spoliavit? Quid merebitur iniustitia illata, si tanta poena digna est pietas non impensa? Hec igitur sunt, fratres mei, à quibus abstinere, & quæ porissimum facere debetis: vt clementem in hoc die mundi iudicem experiamini, & immortalitatis gloriam

gloriam inter felices piorum cœtus consequi mereamini: præstante Domino Iesu Christo, qui cum Patre & Spiritu Sancto viuit & regnat in secula seculorum, Amen.

DOMINICA TERTIA ADVENTVS.
CONCIO PRIMA: IN QVA LECTIO
Euangelica explanatur.

THE. Cum audisset Ioannes in vinculis opera Christi, mit-
tens duos ex discipulis suis, ait illi: Tu es qui venturus es,
an alium expectamus? Matth. 11.

SARTIS profecto prima huius lectionis Euangeli-
ca periodus erat, vt in maximam nos admiratio-
nem adduceret, si mundus adeo felix fuisset, vt
nihil tale vquam admisisset, aut hoc certe scele-
rum suorum postremū exstitisset. Sed cum tam
familiarē illi sit, pios insectari; ipsa consuetudo delinquendi
minuit admirationē delicti. Sic enim videmus eos, qui iuxta
rapidissima flumina comigrantur, auribus vsu obsurdescen-
tibus, molestissimum aquarum fragorem sine vlla molestia per-
ferre. Quæ verò in huius Euangelij exordio continentur, satis
certe esse debent, vt nos ad mundi contemptum induceret:
cuius furorē & insaniam abūde hoc tam tetto & immani fa-
cinore perspicere possumus. Constat enim, inter tres atrocissi-
mos salutis & animæ nostræ hostes, mundum præcipuè nu-
merari. Per mundum autem, non pulcherrimum hoc diuinæ
sapientiæ opus, sed eos homines intelligimus, qui Dei Spiritū
& gratia destituti, mundi legibus, atque libidini seruiunt. Vbi
autem cælestis hic Spiritus nō est, ibi spiritus principis huius
mundi esse necesse est. Hos ergo communi vocabulo mundum
appellamus. Qualis autem mundus hic sit, ex operibus eius
agnoscere licet. Sicut enim ex fructu arbor, ita ex operibus
suis mundus agnoscitur. Caterum aliis eius operibus omisso,
hoc ipsum, quod modo proposuimus, expēdamus. Quid igitur
exsecrabilius, quid truculētius, quā Ioannem Baptistam, hoc
est, maximum inter natos mulierum, in vincula conijcere? id-
que non ob aliud crimen, quā quod impurum Rege à mor-
te peccati, & infami adulterio eripere conabatur? Quid verò
indignius, quā summi atque diuini viri caput, in gratiam
sacrificulæ (cui puerili aliquo oblatione satis fieri poterat) ampu-
tandum

Simile.

Tris hostes

Mundus & signis

quibus mundus

vincula

et suis

reapit

4 Reg. 11

tandum tradere? Sed aliud huic simile mundi facinus audiamus. Cum Athalia impiissima, dominandi cupiditate incensa, filios omnes, & nepotes suos, hoc est, omne semen regum incredibili immanitate occidisset, Ioas infantulus, Regis filius, cum nutrice sua euasit: quem Ioiadas summus sacerdos, & defuncti Regis gener, intra septa templi etiam educauit; & opportunitatem nactus, in ipso templo Domini, populo conspirante & acclamante, vnxit in Regem, Athalia ibidem iuxta templi fores interfecta. Post mortem vero Ioiadae, cum Rex & principes, relicto Dei cultu, idola Gentium colere cepissent, & Zacharias Ioiadae filius & sacerdos, diuino Spiritu actus, Regem & principes propter hoc nefarium scelus corripuisset: iussu eiusdem Regis, à furente populo eodē loco lapidibus obrutus est, in quo tam ingens ab illius patre beneficium ingratus acceperat. An non igitur vel hæc duo exempla satis esse debet, quo lethalem mundi phrenesim agnoscamus, quando phreneticorum more, iis qui eum sanare & à morte reuocare cōtendunt, aded ingratus & infensus est? Hoc enim inter phrenesim & morbos alios interesse constat, quod, qui sana & integra mente morbo aliquo laborant, nunquam aduersus medicum ira excandescunt, quamuis illis ferrum adhibeat & ignē. Non enim cruciaturum, sed beneficium; non dolorem suum, sed medicī animum considerant: qui non ægrotum cruciare, sed sanare cupit. At cum, perturbato rationis iudicio, in phrenesim æger lapsus est, medicamenta ipsa, non beneficia, sed supplicia reputans, aduersus pium medicum insurgit, & pro beneficio maleficium rependit. Quod cum ita sit; quis iam dubitet, mundum hoc eodem phrenesis morbo laborare: quando ita aduersus eos debacchatur, qui eum sanare, & ad meliorem mentem reuocare conantur? Quid enim aliud Prophetae moliebantur? quid Martyres? quid Apostoli? quid denique ipse Apostolorum Dominus? An non hi omnes mundum à malis omnibus eripere, & summis afficere beneficiis nitebantur? Quod si mundus saperet, si mentis compos esset; quibus, quæso, beneficiis ornare eos deberet, qui de illo ita benemereri studebant? Sed tantum abfuit, vt eos flagitiosi homines beneficiis ornareor, vt tamquam lupi in agnos immanissimè seuientes, omni eos suppliciorum genere vexarint, laniarint, & ad extremum acerbissimè cruciatis necarint. Quod intelligens Dominus, cum discipulos suos ad prædicandum mitteret, his eos verbis præmuniuit: Ecce ego mitto vos sicut agnos inter lupos. Quod perinde est, ac si diceret: Mitto quidem ego vos, vt mundo salutem, vitam, & immortalitatis gloriam impartiaris, eumque ab æterna morte vindicetis; hoc est, mitto

Luc. 10.

vos,

*Quis aruerit
Dissemi-
le.*

*Propheta
Apostoli
Martyres*

vos, ut illi mundum beneficiis afficiatis, quibus nihil maius, nihil diuinius excogitari possit: sed mundus hoc idem beneficium adeo non agnoscat, ut in vos, tamquam in crudelissimos paritidas, scuiat, & phrenetici more insaniat. Quod quidem quam vetos & familiare mundo fuerit, Protomartyr Stephanus A. 7. nus declarauit, qui furentibus aduersum se Iudæis ait: Dura cervice, & incircumcisi corde, vos semper Spiritui sancto resistitis. Quem Prophetarum non persecuti sunt patres vestri? Quæ cum ita sint, quis hanc mundi dementissimam phrenesim non agnoscat? quis illius deliramenta non videat? quis eius insaniam & mores non perhorrescat? Quod si talem constat esse mundum, qualem hæc eius opera declarant; cur illi, fratres, tantopere fidimus? cur tam insano eius amore tenemur? cur fugientem etiam sequimur? cur eius laude aut vituperatione commouemur? cur præposterum illius iudicium & sententiam formidamus? Quid est autem vera constantia & simili. virtuti magis aduersarium, quam ex insipientissimi & infidi vulgi temeritate pendere? Si famulo tuo in furto aliquo aut mendacio deprehenso nihil fidere, nihil vel iuranti etiam credere soles: & si quid è domo tua furto sublatum est, illem furripuisse iudicas, quem semel furem agnouisti: quid mundi iudicium & sententiam magni facis, quem seis tot furta atque flagitia commisisse, totque mendacia protulisse, tot iniquas sententias contra tot Christi Martyres, tot Prophetas sanctissimos, imò contra ipsum Prophetarum Dominum pronisisse? Et tamen cum ira sit, vix quisquam oratione consequi possit, quanti furentis, huius bellæ sententiam faciamus: quantum eius laudibus dilatamur, & vituperatione contrahamur: quantum denique dictis & opinionibus eius commoueamur: adeo ut in omnibus penè consiliis, non Dei leges, non Sanctorum placita, non piorum exempla, sed iudicium mundi amplectamur, & iuxta eius leges & prescriptam vitam instituamus. Quam multi enim sunt, qui plurima virtutum officia, leui hominum opinione perterriti, deserunt: qui ex vulgi ore ita pendunt, ut illius metu nec templa frequentare, nec publicè orare, nec sacram Eucharistiam paulo frequentius sumere audeant. Quid igitur indignius, quam ut Christianus homo, diuinis oraculis atque Euangelicis doctrinis institutus, insanae multitudinis iudicio (quæ tota furore & libidinis imperio feruor) aliquid tribuendum putet, & ad illius præscriptum vitam suam dirigat? Sed iam, hæc parte omissa, ad beatissimum Ioannem in carcere positum redeamus.

Cum ergo vir sanctus sine sibi vitæ imminere iam cerneret,

in carcere constitutus, mittit duos ex discipulis suis ad Dominum, dicens: *Tu es qui venturus es, an alium expectamus?* Vbi diligenter observandum est, Grate hoc in loco articulum apponi, qui hanc reddit orationem: *Tu es ille venturus?* Quod plane Emphasis quendam non vulgarem habet, ut Theophylactus auctor est. Perinde enim est ac si dicat: *Tunc es ille, quem Prophetæ venturum prædixerunt? quem Sibyllæ cecinerunt? quem Patriarchæ figuris adumbrarunt? quæ omnia secula desiderarunt?* & à quo vno sanctorum omnium spes & vota pendebant? *Tu es ille qui venturus es ad Deum placandum, ad homines redimendos, ad Angelorum sedes instaurandas, ad demonum potentiam comprimendam, ad clauas cæli fores reserandas, & inferorū sedes euertendas?* *Tu es ille ab ipso mundi nascentis exordio promissus, qui caput serpentis antiqui contesteris, & diaboli potentiam & regnum infringeres?* *Tu es ille cælestis vitæ doctor, dux in cælum, advocatus hominum, medicus & magister, Rex simul & Sacerdos, & sacrificiæ?* Hæc enim omnia sub illo articulo insinuandis, cum dicitur: *Tu es ille venturus*, an alius nobis expectandus est? *quæ quæstio*

Verum hoc in loco merito quæri solet; quæ ratione Ioannes quasi dubius quærit, quod tanto antè cognouerat, ac toties mundo denunciarat? Agnouit enim Christum adhuc inter matrem in utero angustias constitutus: agnouit eum super baptismatum in specie columbæ Spiritum sanctum vidit, & paternam vocem audiuit: Ego (inquit ille) nesciebam eum, sed qui misit me baptizare in aqua, dixit mihi: *Super quem videtis Spiritum descendente, & manentem super eum, hic est qui baptizat in Spiritu sancto.* Et ego vidi, & testimonium perhibui, quia hic est Filius Dei. Quis autem oratione consequi possit, quæ admiratione, quæ amore sanctissimus præcursor æstuauit, cum in hoc mirabili spectaculo spem omnium seculorū agnouit, & vidit, & Patris vocem audiuit, totiusque Trinitatis maiestatem in hoc mysterio per fidem contemplatus est? Si enim sanctus ille Simeon sic in Domino exultauit, cum Christum in vtris accepit: quid Ioannes, qui tanto maiorem gratiam adeptus erat, cum & Filium, & Patrem, & Spiritum sanctum simul in illo mysterio deprehendit? Quid verò illud? An non Christum agnouit, cum illum digito demonstrans, suauissima

illa verba protulit: *Eccce agnus Dei, ecce qui tollit peccata mundi?* Quis hic etiam verbis consequi possit, quæ affectu sanctus præcursor hæc aurea verba protulit, cum cæteris Christi nominibus prætermisiss, illum agnum appellauit? Satis enim eo vocabulo significauit, Christum Iesum illam esse hostiam, quæ omnipotens Pater, hominum sceleribus prouocatus, placandus

candus erat, atq. omnia humani generis delicta expianda. Cum
 vero subdidit, Qui tollit peccata mundi, totam fere Euangeli-
 cam philosophiam vno verbo complexus est. Nam & humane
 nature infirmitatem, & legis imbecillitatem, & graue necessi-
 tatem, & sacrificiorum umbras, & Redemptoris officium (si
 quis diligenter attendat) aperitissime declarauit: innumerosque
 haeticorum errores (qui aut naturam aut legem attolles,
 diuinam gratiam deprimebant) vno gladio confodit, iugula-
 uit, sustulit. Quem ergo toties agnouerat, praedicauerat, osten-
 derat, & cuius dignitatem adeo extulerat, vt sese indignū esse
 clamaret, qui corrigiam calciamenti eius solueret, nunc de-
 mūm quasi dubius interrogat: Tu es qui venturus es, an alium
 expectamus? Scio vos omnes frequenter audiuisse, hac in-
 terrogatione Ioannem non sibi, sed discipulis in fide Christi
 nutantibus consulere voluisse. Erat enim morti iam proximus,
 quo tempore solent morituri, quae charissima habent, fidissimis
 amicis tuenda committere. Ille autem nihil in vita charius, aut
 preciosius, quam discipulos illos habebat, quos Christo lucife-
 cerat, quos caelesti doctrina imbuerat, quos diligenter & orare
 & ieiunare ante docuerat. Hos autem meliori loco relinquere
 non poterat, quam si Christi fide munitos, Christo Domino
 commendasset. Quemadmodum enim (vt Chrysostomus ait) maxi-
 ma patribus in fine vitae cura est, tutore optimum filijs pro-
 uidere, cui committant quos charissimos habent: ita Ioannes
 dilectissimis filijs tutorem optimū Christum deligebat: vel (vt
 verius loquar) cui filiorum Christi paedagogus fuerat, vbi eos
 iam doctrinae suae lacte nutrierat, & salutaribus praecipis in-
 formauerat, legitimo rursū parenti reddere volebat. Quo in
 loco piam sanctissimi viri sollicitudinem contemplari libet: cui
 neque carceris horror, neque ferrea vincula, nec sicariorum &
 latronum, inter quos vinctus erat, contubernia, neque nominis
 infamia, neque capitale Herodiadis odium, ac postremo, nec ipsa
 mors, quam sibi impendere intelligebat (quae totam animi cu-
 ram & intentionem ebibere potuissent) impedimento fuerunt,
 quo minus horum omnium oblitus, de discipulorum salute &
 fide praecipue sollicitus esset. Eadem quoque Apostolum in car-
 cere vinctum cura sollicitabat. Vnde ait: Laboro vsque ad vin-
 cula, quasi male operans; sed verbum Dei non est alligatum: ideo
 omnia sustineo propter electos, vt & ipsi salutem consequantur.
 Ligatis ergo ferro pedibus, soluta tamen lingua erat: qua ho-
 mines peccatorum vinculis adstrictos, verbi diuini virtute sol-
 ueret. Simili ergo modo vinctus in carcere Ioannes totam ani-
 mi sui intentionem in discipulorum suorum salute defixerat.
 Huic autem pio magistri consilio obstabat latens quidam di-

simile.

simile.

discipulorum eius linor, quo aduersus Christi scholam pro magistri gloria certabant: quē si populus Messiam credebat, quem discipuli putarent, qui propius incomparabilem illius sanctimoniam, puritatem, & incredibilem vitæ austeritatem contemplantantur; quiq̃ue, non tamquam alienam, sed veluti propriam tanti magistri gloriam ducebant? Cū ergo vir sanctus animaduiceret discipulos suos Christi gloriæ subinuidere, cecitatem eorum vulnus suum existimans, rationē inuit commodissimam, qua discipulis, infidelitatis morbo laborantibus, medicinam faceret. Mittit ergo illos ad medicum vitæ, vt illius virtute & arte sanarentur; qui omnium est artifex, omnem habens scientiam. Hic videre licet, quā sit sollicita, fratres, & ingeniosa charitas: nec solū ingeniosa, sed adeo etiam misericors, vt alienam miseriam suam ducat, & suo illi nomine remedium quærat.

Rom. 12.

Hieron.
in Epist.

Quod vt euidentius pernoſcatis, non ab re fuerit, pauca vobis hoc in loco de vi & natura perfectæ charitatis commemorare. Huius igitur charitatis est, aliena omnia, siue mala siue bona, propria existimare, atque ita eius est quod Apostolus ait, gaudere cum gaudentibus, flere cum flentibus: hoc est, ita alienis bonis gaudere, vt suis; & ita alienis malis & incommodis mœrere, vt suis. Hinc de D. Exuperio Tholosanę vrbis Episcopo D. Hieronymus refert: quod & furians ipse, alios pasceret; atque ore pallente ieiuniis, fame torqueretur aliena. De D. quoque Hilario scriptum est, quod vsque adeo inopum fame & miseriis angeretur, vt (quemadmodū ab Adone Episcopo Treuerensi scriptum est) ipse per se contra vires suas, homo genere clarus, & longē aliter educatus, rusticationē exercuerit, vt haberet quo pauperibus subueniret. Quo quidem exemplo quid dulcius, quid amantius fingi potuit: Verū hoc perfectæ charitatis officium cumulatissimē præstitit ipse Christus, qui nobis idē faciendum præcepit, dum omnia peccata nostra (quasi ipse ea admisisset) in seipso expianda suscepit. Vnde is in Psalmo 39. quem totū Apostolus ad Christum refert, Cōprehenderunt me, ait, iniquitates meæ, & non potui vt viderem. Hoc est, tam multa erant, vt vix eas numerare atq̃ videre possem. Has ergo omnes omnium seculorum iniquitates, innocentissimus & clementissimus Agnus suas appellat, quia omnes in se diluendas atque expiandas suscepit. Quid enim aliud sibi vult, quod cū olim Dominus sacrificiū illud agni paschalis populo suo indixisset (quo veri & immaculati Agni sacrificiū adumbrabatur, cuius merito non à Pharaonis imperio, sed à diaboli captiuitate erat credentium populus liberandus) agno deficiente, hædum immolari præcepit? Quid enim agno cū hædist?

Agnos

Agno enim innocentia, hædo peccatum figuratur. Quid ergo innocentie cum peccato, quid iustitie cum iniquitate, ut alterum pro altero subrogari debeat? Multum sanè. Innocentissimus quippe Dominus, agnus simul & hædus est: in se quidem agnus, qui tamen propter nos hædus factus est. Eum enim qui non nouerat peccatum, pro nobis celestis Pater peccatum fecit. In se igitur speculum est puritatis & innocentie, quod tamen prauitatis & malitie nostræ sordibus sordatum est. Ob eximiam quippe & excellentissimam charitatem suam, vnum nobiscum ita factus est, ut delicta nostra sua esse duceret: pro quibus non solum satis fecit, sed etiam doluit: & ira doluit, ut nullius vniquam pœnitentis dolor, illius dolorem æquare poterit. Quam quidem satisfactionem in lege olim Dominus satis apertè adumbravit, eum præcepit, ut summus sacerdos Sanctuarium ingrediens, portaret iniquitates eorum quæ obtulerunt & sanctificauerunt filij Israel in cunctis muneribus & donariis suis: hoc est, ut omnia eorū, qui sacrificant, scelera sacerdos portaret: nec secus à Deo veniam deprecaretur, ac si ipse eorum omnium reus ageretur. Quin & ipsius etiam sacrificij maculas expiaret, ut sacrificium Deo esset acceptum in remissionem peccatorum. Hæc enim imagine Spiritus sanctus summum quendam Sacerdotem venturū designabat, qui omnia peccata mundi tamquam propria agnosceret, & in ara crucis expiaret. Quid verò Apostolus Paulus? An non eodem spiritu atque affectu aliena mala, ac sua ipsius propria ducebat, eum diceret: Quis infirmatur, & ego non infirmor? quis scandalizatur, & ego non vtor? Quid verò beatus Cyprianus, dum lapsoꝝ sui temporis ruinam deflet? An non eodem affectu charitatis hæc verba profudit? Doleo, fratres, doleo, nec mihi ad leniendos dolores meos integritas propria, & sanitas priuata blanditur, quando plus pastor in gregis sui vulnere vulneretur: cum plangentibus plango, cum desidentibus desleo, cum iacentibus iacere me credo. Iaculis illis grassantis inimici, mea membra simul percussa sunt: sæuientes gladij per mea viscera transierunt: in prostratis fratribus, & me prostrauit affectus. Videtis igitur his exemplis, fratres, quale sit perfectæ charitatis ingenium? Quis verò in nostris moribus hæc charitatis viscera deprehendat? Quis ita alienis malis perinde ac suis vritur? Quis ita compatitur egentibus, condolet lachrymantibus, deflet ruentes, & adiuvat laborantes? Auolant ab hoc nostro seculo charitas, dominaturque pro charitate cupiditas, regnat cæcus amor sui, instantque tempora illa periculosa, in quibus homines sui, rerumque suarum ardentissimo amore flagrant, quo magis sua curant, eo magis negligunt aliena.

Exod. 28.

11. 238

2 Cor. 12.

Cyprian.
serm. de
lapso.

11. 139

1. 202

aliena. Vbi nunc pius erga inopes affectus? vbi erga miseris sollicitudo? vbi erga pupillos & viduas paternae cura & prouidentia? vbi denique illa misericordiae opera, quae Dominus in iudicio prolaturus est, vt per ea aeternum suae praemium, siue supplicium hominibus inferat? Quantum nos aliena flagitia & peccata cruciant, quibus tot quotidie animae Christi sanguine redemptae pereunt? Hinc illud quod passim vulgo audire solemus aliena mala ex filo pendere. At longè alia mens & charitas Ioannis erat: qui aliena mala sua reputans, alienamq. infidelitatem, propriam calamitatem existimans, nomine suo discipulos rogare Dominum praecipiebat: Tu es qui venturus es, an alium expectamus?

II.

Intelligens verò Dominus legationis consilium, non verbis, sed rebus id de se perhibet testimonium, quod Ioannem expectare sciebat; idque multis ante oculos discipulorum editis miraculis. Vbi diligenter aduertendum est, multis modis à Christo petita olim fuisse miracula. Herodes enim ex curiositate, Pharisei ex incredulitate, Ioannes ex charitate miracula petebant. Quia verò priores illi impiè petebant, vtrisque negata sunt. Propter hoc enim Pharisei audierunt: Generatio mala & adultera signum quaerit, & signum non dabitur ei. Ex quo aperte colligitur, Ioannem nec ex curiositate, nec ex incredulitate signa petiuisse (alioqui idem quod illi responsum tulisset) sed ex sola charitate: ideoque libentissimè Dominus & signa edidit, & Ioannem non modò non increpauit, sed etiam miris laudibus in caelum extulit.

Animaduerte hic etiam, quemadmodum Dominus, an esset mundi Saluator, interrogatus, non verbis respondit, sed rebus: quod planè tanto firmitus testimonium fuit, quanto res verbis attestare solent. Ita ergo quisquis Christi cultor es, si Christum verè & ex animo patrem ac Dominum confiteris, si te illum reuereri, colere, ac diligere super omnia praedicas, rebus ipsis, non verbis tantum, id testari debebis. Sunt enim qui consentient se nosse Deum, factis autem negant. Sunt qui Dominum labiis honorant, cor autem eorum longè est ab eo. Saepe etiam de quibus dicitur: Dilexerunt eum in ore suo, & lingua sua mentiti sunt ei: cor autem eorum non erat rectum cum eo. Non est haec seruitus, non hic honor, aut amor, quem Dominus exigit à te: sed ille quem ipse per Zachariam futurum variatorum, cum ait: Ero eis Dominus in iustitia & veritate. Vbi glossa: Non (inquit) in mendacio: quomodo illi re ipsa mentiantur, qui Dominum vocant, nec illius tamen se seruos exhibere qui se illum diligere praedicant, & tamen, si affulserit nummus,

Deum

Mat. 11.

Mat. 11.

Mat. 11.

Mat. 11.

Tu. 11.

Mat. 11.

Zach. 3.

Deum propter nummum deserunt. Sicut ergo Dominus in veritate Dominus est, hoc est, in veritate seruorum suorum curam gerit: ita nos seruorum fidelium officium præstare conuenit. Quod quidem præstant, non qui illum Dominum appellant: sed qui honori, opibus, & vitæ suæ anteferunt, super omnia diligunt, & in eo spem suam, tamquam in summo rerum omnium Domino, positam habent.

Ad propositam ergo Ioannis nomine quaestionem: ita Dominus respondit: *Euntes renuntiate Ioanni quæ audistis & uidistis. Cæci vident, &c.* Signa profert veri Messie, quæ olim Esaias futuræ prædixera: quæque non modò corporaliter, sed spiritua- liter etiam impleta erant. Sed inter hæc signa præcipue nobis negotium exhibet, quòd pauperes euangelizari dicuntur: hoc est, beatificari, & Euangelicæ gratiæ participes fieri. Valde autem nostra refert scire, quinam sint isti pauperes, ad quos maxime Euangelica gratia pertinere dicitur: vt hac ratione intelligamus, quid nobis facto opus sit, quo huius tantæ gratiæ participes efficiamur. Apparet enim hoc de pauperibus ad verbum intelligendum esse. Nam & discipuli Domini piscatores erant, & ex infima ferè hominū fece electi: qui tamén Euangelicæ gratiæ primitias ante omnes alios perceperunt. Idemque Apostolus confirmare videtur, cum ait: *Videte uocationem uestram, fratres:* quia non multi sapientes secundum carnem, non multi potentes, non multi nobiles: sed quæ stulta sunt mundi, elegit Deus, vt confundat sapientes: & infirma mundi, & ignominiosa, & contemptibilia, &c. At si hoc ita statuas, quid diuitibus facies? An hos ab Euangelica gratia excludendos putas, præsertim si modesti & humiles corde sunt? Nullo modo. Quoniam igitur hos pauperes esse dicemus? Nimirum utrosque, sed prius quidem humiles, secundo verò loco inopes, non quidem quatenus inopes, sed quatenus inopiæ conjuncta esse plerumque vera cordis humilitas solet: sicut contrà diuitiis & opulentia ferè semper superbia insidiatur. Aliàs enim nequaquam Apostolus Timotheo scriberet: *Diuitibus huius seculi præcipe non sublimè sapere.* Quod numquam Apostolus præcepisset, nisi hunc morbum diuitiis affinem esse intellexisset. Porro autem Sapientia tria quædam vehementer sibi displicere ait: pauperem superbum, diuitem mendacem, senem fatuū & insensatum. Quibus verbis admonemur, monstro similem esse, vt senectutem fatuam, ita paupertatem superbam; contrà verò senectuti prudentiam, paupertati humilitatē esse propinquam. Itaque quod ad præsens attinet negotium, pauperum nomine hoc in loco humiles corde intelligimus: quos potissimum dignos Dominus iudicauit, quibus Euangelicæ gratiæ opes committeret.

municaret. Ideo autem pauperum nomine humiles significatur, quia veræ humilitatis radix & fundamentum est clarissima paupertatis & nuditatis suæ cognitio. Itaque pauper hoc modo est, qui nihil sibi arrogat, nihil tribuit; sed omnia quæ habet, quæcunque illa sint, siue naturæ, siue gratiæ, siue fortuita bona, aliena, id est, Dei esse cognoscit: atque ita humilis in se permanens, & Deo suo gratus atque deuotus existens, suppliciter illi cōfiteretur: Domine, nihil ex me sum, nihil scio, nihil habeo, nihil possum, nisi per te: nec sufficiens sum aut velle, aut cogitare, aut moliri aliquid ex me, tamquam ex me; sed omnis sufficientia mea ex te est. Pauper est, qui ne vnum quidem capitis sui capillum, nec momentum aliquod temporis suum omnino esse credit: ideoque ad Dominum clamat: Hoc ipsum quod sum, quod vivo, quod spiro, quod cogito, integrè meum non est, alienum est: tuum Domine est, à quo est quidquid in mundo est. Pauper est, qui cæcus penè est ad bona sua peruidenda: locutatissimus autem ad mala dignoscenda: ideoque, vt seipsum semper adspiciat, ab omnibus aliis oculis auertit. Pauper est, qui extremam imbecillitatē & inopiam suam non modo cognoscens, sed etiam manibus quodammodo contrēctans, totus sibi displicet, sibi diffidit, & ad Dominum toto corde conuersus, illum solum intuetur, illum orat, illi accepta omnia bona sua refert, illi debitas semper gratias agit, totumque ab illo se pendere profiteretur. Pauper erat hoc modo Dauid in illa maxima sua opulētia, cum diceret: Ego autem mendiculus sum & pauper, Dominus sollicitus est mei. Pauper item erat hoc modo publicanus ille ex Euangelio, qui paupertatem & indignitatem suam agnoscens, à longē stans, nolebat nec oculos ad cælum leuare, sed percutiebat pectus suum, dicens: Deus propitius esto mihi peccatori. Hi certè verè pauperes spiritu erant, qui cælesti lumine illustrati, paupertatem & nuditatem suam clarissimè peruidebant. Diues autem erat Phariseus ille, qui sic orabat: Deus gratias ago tibi, quia non sum sicut cæteri hominum, &c. Diues erat & ille, quem in Apocalypsi Dominus accusat his verbis: Dicis, quia diues sum, & nullius ego: & nescis quia tu es miser, & miserabilis, pauper, & cæcus, & nudus. Tales ergo diuites, relinquuntur inanes, quos Euangelica gratia non agnoscit: agnoscit autem hos pauperes & esuriētes, quos bonis omnibus ditat. Ab hoc autem superbiæ spiritu longissimè D. August. aberat, qui cum Deo agens, paupertatem & nuditatem suam his verbis deuotissimè confitebatur: Scio Domine, & confiteor docente te, quoniam illi solum qui cognoscunt se pauperes, & confitentur tibi paupertatem suam, ditabuntur à te: quoniam qui se diuites existimant, cum sint

paupe-

Psal. 19.

Lucæ 18.

Apoc. 9.

gustin
dit.

pauperes, à tuis diuitiis inueniuntur exclusi. Ego igitur confiteor tibi Domine Deus meus paupertatē meam, & sit tibi tua gloria tota, quoniam tuum est omne bonum gestum per me: Confiteor tibi sicut docuisti me: nihil aliud sum: quā vniuersa vanitas, vmbra mortis, & abyssus quādam tenebrosa, & terra inanis & vacua, quā sine tua benedictione nihil germinat, nisi confusionem, peccatum, & mortem. Si quid boni vniquam habui, à te habeo: si quando steri, per te steri: sed quando cecidi, per me cecidi: & semper in luto iacuissem, nisi tu me erexisses. Postquam me autem erexisti, semper cecidissem, nisi tu me sustinuisses. Sic semper, Domine, gratia tua & misericordia tua praeuenit me, liberans ab omnibus malis, praecedens etiā ante me laqueos peccatorū, tollens occasiones & causas: quia nisi tu mihi hoc fecisses, ego omnia peccata mundi fecissem. Haecenus August. qui (vt ex hac cōfessione colligi potest) verē spiritu pauper erat: ideoque non mirum, si tantam à Domino gratiā sortitus est, cum is per Isaiam dicat: Ad quē respiciam, nisi ad pauperculum, & contritum spiritu, & tremementem ad sermones meos? Videris hic, eum, qui verē humilis est, pauperculū appellari. Reuera enim humilitas, paupertatis suę verissimā cognitione, suiq. ipsius despectu, definiri rectē potest.

III.

Sequitur deinde: *Et beatus qui nō fuerit scandalizatus in me*: hoc est, quem externa haec infirmitatis & humilitatis meae species non ita offendit, vt fidei oculis latentem sub hac humilitate maiestatem non agnoscat. Quibus verbis quanta sit Dei bonitas, quantaq. rursus hominis caritas & improbitas, facillē intelligi potest. Constat enim verū esse quod D. August. ait, nēpe omnia Dei opera & beneficia, si cum incarnationis beneficio conferantur, obliuari, & splendore quodāmodo suū amittere. Hoc enim beneficio summus ille rerum omnium Dominus se ad infima nostra deiecit, vt nos supra caelos exaltaret: opprobriis affectus est, vt summis nos honoribus afficeret: pauper effectus est, vt caelestibus nos opibus ditaret: reprobatus est, vt probabiles nos Deo redderet: factus deniq. est pro nobis maledictū, vt nos à peccato & maledicto legis eriperet. In quo quidem beneficio duo praecipuē summa & maxima reperiuntur: alterum, quod nobis Saluator contulit: alterum, quod pro nobis pertulit. Si autem quæras quid contulit, breuiter audi: contulit nobis bona sua: si, quid pertulit, roges, pertulit vtiq. mala nostra. Quis igitur tantam rerum permutationem non mirerur? Quamuis enim mirum, & omni gratiarum actione dignissimū sit, quod nobis cōtulerit bona sua: longē tamen mirabilius est quod pertulerit mala nostra. Diuinitatis quippe proprium

atque naturale est, de omnibus benemereri: mala autem perpeti alienum prorsus ab illa beatissima nascita est. Quid igitur hic hominem facere par erat, tam stupendum à Domino beneficiis gratuito donatum atque præuentum? Patum certe erat extra se rapit, absorberi, & præ amoris magnitudine liquefieri: idque eo magis, quo magis Dominum propter se deiectum & humiliari videret. Ait enim Bernardus: Quanto minorem se exhibuit in humilitate, tanto maiorem se ostendit in charitate: & quâto pro se vilior, tâto mihi charior. Charior enim sponsæ suæ sponfus esse debet, quando propter eius honorem, pudiciamque ab iniuriis custodiendam, cernit illum vulneribus cõfossam & sauciari. Vulnera enim illa, quæ ex amore spõæ suscepta sunt, quo illum deformiorẽ, eo amabiliorem reddunt. Hoc igitur præstare homo in hac causa merito debuisset. Sed ô deplorandam cæcitate nostram atque dementiam! Ad eum multi hominum hoc non præstiterunt, vt (quod omne superat immanitatem) id quod summæ dilectionis atque pietatis in Deum causa erat, incredulitatis & perfidiæ materiam fecerint. Vt enim D. Greg. ait, Stultum hominibus visum est, vt pro hominibus auctor vitæ moreretur: atque inde contra eum homo scandalum sumpsit, vnde amplius ei debitor fieri debuit. Quo quid execrabilius dici aut fingi potuit? Recte planè Eusebius Emis. Festina (inquit) immanitas, est, Deum æstimare minorem, quia maiora cõtulit: vt propter hoc minus à te accipiat honoris, quia plus cõtulit dignitatis. Felices igitur, qui ab hac tâta immanitate immunes fuerunt, quos planè beatos Dominus appellat, cum ait: Beatus qui non fuerit scandalizatus in me. Sequitur deinde: Illis autem abuentibus, capit Iesus dicere ad turbas de Ioãne. Quàm pulchrũ ab omni specie adulationis abstinere! quàm decorum, nõ coram, sed in absentia amicis commendare! Recte enim D. Chrysost. Vir (inquit) sapiens cum laudatur in facie, flagellatur in corde. Quanto aliter seculi homines facere solent, qui corã blandiuntur & laudant: ceterum ubi paululum abscideris, vitam, genus, mores, dicta, factaque venenatis dentibus lacerant. Quorum multi, cum eiisdẽ maledicentis cõsortibus, in plateis frequenter sedere solent, vt de transeuntibus fabulam texant: & dum aliis alij succedunt, nõ uam semper detractionis materiã reperiãt. Quid, quæso, aliud viperæ faciunt, si iuxta eas gradiantur? Tales illi profecto sunt, de quibus Sapiens ait: Sicut mordent serpentes in silentio, sic qui fratris suo occultè detrahunt. Quod genus hominum ita sanctus David execrabatur, vt in oratione ad Dominum clamaret: Exaudi Domine orationem meam dum oro ad te, dum extollo manus meas ad templum sanctum tuum. Quid igitur

Bernard.
in serm.
simile.

Greg. in
homil.

Eusebius
Emis. in
homil.

Eccli. 10.

Psal. 7.

ibi petis, quid postulas? Ne (inquit) simul tradas me cum peccatoribus, & cum operantibus iniquitatem ne perdas me. Sed quid in his potissimum detestaris? Hanc certe pestilentē cordis virulentiam: quod loquantur pacem cum proximo suo, mala autem in cordibus eorum. Qua perversitate quid execrabilius? Hi sunt ergo mores improborum. Proborum autem est, hanc Domini modestiam imitari, qui præscentibus Ioannis discipulis, virtutes eius silentio pressit. abentibus verò, magnificis eum laudibus commendavit. Hunc ergo candorem, fratres, hanc Domini modestiam erga omnes servare curemus: nullius famæ detrahentes, nemini maledicentes, nemini malè precantes, candidè de omnibus & sentientes & loquentes, viperæ dentes modis omnibus vitare studeamus.

Sed operæ precium est videre quibus potissimum laudibus Ioannem Dominus exornaverit: *Quid (inquit) existis in desertum videre? Arundinem vento agitatam? Sed quid existis videre? Hominem mollibus vestitum? &c.* Inter has præclaras Ioannis laudes, prima est fortitudinis atque constantiæ: quam is ita præstitit, ut nō modò eundem austeritatis & innocentiae tenorem constantissimè in omni vita servauerit; sed etiam impurum & adulterum Regem, capitis periculo neglecto, audacter corripuerit. Quæ quidem eius fortitudo atque constantia, arundineam multorum hominum levitatem & inconstantiam faciliè coarctavit: quos, velut infirmas & mobiles arundines, quæ vis cupiditatis, aut laboris, aut formidinis & contumeliæ aura exagitat, & à virtutis & pietatis studio abducit. Nec hoc solum nomine, sed multis etiam aliis (quæ Eusebius Eniissenus eleganter enumerat) arundinum similes sumus. Ait enim: Arundini quoque, quæ à vento movetur, peccatrix & infidelis anima comparatur: utpote levis, mobilis, inquieta, infirma, fragilis, inutilium numerositate filiorum fecunda, plena superfluis, vacua necessariis, inanis gratiis, nodosa peccatis, ad omnia blandimenta obnoxia, & faciliè cuiuslibet iniuriæ commotione quassanda; foris nitida vanitatibus, intus caua virtutibus: quam nulla extrinsecus utilitas vestit, nulla intrinsecus fidei medulla corroborat: quam sicut carices, quæ fluvios amant, ita mundi huius præterfluentia, & celeris cursu peritura delectant. Hactenus ille. Hanc igitur levitatem, inanitatem, & fallacem nitorem speciem, omni ratione fugere studeamus, fratres: ut nō iam arundines simus, qui cuiuslibet cupiditatis & vanitatis flatu agitemur: sed in Christo fundati, atque solidati, lignum illud simus, quod iuxta aquarum decursus firma radice plantatum, æterna vitæ fructum, & immortalitatis gloriam largiatur.

Eusebius
Eniss. in
homil.

Psal. c.

IN EADEM DOMINICA TERTIA
ADVENTVS, CONCIO SECVNDA: IN
qua lectio Euangelica explanatur.

THE. *Quid existis in desertum videre? Arundinem vento
agitatum? Sed quid existis videre? Hominem mollibus
vestitum? Matth. I. I.*



ODIerna sancti Euangelij lectio, fratres cha-
rissimi, interrogationem quandam Ioannis Ba-
ptistæ continet. eiusque responcionem, nec non
eiusdem beatissimi Ioannis commendationem.
Principio verò Euangelista Ioannem carcere in-
clusum narrat, atq. penā flagitiosissimis hominibus debitam
vnum cunctorū mortalium innocētissimum sustinuisse com-
memorat. Causam verò propter quam vir sanctus in vincula
coniectus fuerit, Lucas Euāgelista exponit his verbis: *Cum cor-
riperetur à Ioanne Herodes de Herodiade, & de omnibus malis quas fecit
Herodes, adiecit & hoc super omnia, & inclusit Ioannem in carcerem.*
Ex quo planè intelligimus, verum esse quod in Ecclesiastico
legimus: Peccator adijciet ad peccandum. Frequenter enim
causa peccandi peccatum est: quia peccatum quod per poeni-
tentiam non diluitur, mox suo veluti pondere alia trahit: quod
non in Herode solum, sed etiam in Dauide animaduertere li-
cet: vterque enim adulterij peccatū homicidij peccato cumu-
lavit. Vincens ergo in carcere Ioannes, vt infidelitati atque in-
uidiæ discipulorum suorum consuleret, qui parum prudenti zelo
magistri sui gloriæ studentes, Saluatoris doctrinæ atq. mira-
culis subinuidebant: mittit eos ad morborum omnium medi-
cum Dominum Iesum, qui illum eius nomine rogarent: *Tu es
qui venturus es, an alium expectamus? Cuius legationis consilium
Dominus intelligens, & discipulorum morbo mederi cupiens,
multis ante eos editis miraculis, hoc illis respōsum dedit: Eun-
tes vniuersare Ioanni quæ audistis & vidistis. Ceci vident, claudi am-
bulant, leprosi mundantur, &c. Signa proferi, quæ olim Isaias de
venturo Messia prædixerat: vt signorum argumento se esse
verum Messiam declararet.*

Quo in loco aduertendum est, omnia quæ à Christo Do-
mino hîc referuntur, non signa modò, sed etiam beneficia ho-
minibus exhibita esse: vt per signa quidem verum Messiam,
per beneficia verò Deum agnosceremus: cuius præcipuum
munus est, semper de hominibus bene mereri. Qui enim in
iuuan-

iuuandis hominibus, miserisque subleuandis perpetuo intentus est, quis alius quàm Deus esse potest? Quid enim immensam illius bonitatem (qui non modò bonus, sed ipsa etiam bonitas est) magis decet, quàm ut bonitatis suæ radios ubiq. diffundat, & res omnes, pro sua quamque natura, bonitatis suæ participes efficiat? Hoc enim sensu beati illi Spiritus, quos Isaias ante Dei conspectum vidit, cælum & terram Dei gloria, hoc est, diuinis muneribus & beneficiis plenè esse perpetuò clamitant. Hoc autè potissimum argumento apud Hieremiam Dominus veram diuinitatis suæ gloriam, & falsorum deorum inanitatem aperte probat: quòd is videlicet in iuuandis hominibus, eorumque miseris subleuandis maximè versetur; ab illis verò nihil horum vel peti, vel sperari possit. Sic enim de illis ait: Hominem quidem à morte non liberant, neque infirmum à potentiore eripiunt: hominem cæcum ad visum non restituant, neque de necessitate liberabunt: viduæ non miserebuntur, neque orphanis beneficient. Quomodo ergo aestimandum est illos esse Deos? At verò quanto alia de vero Deo sacræ litteræ prædicant? Dominus (ait Propheta) soluit compeditos, Dominus illuminat cæcos, Dominus erigit elisos, Dominus diligit iustos, Dominus custodit aduenas, pupillum & viduam suscipiet. Hæc diuinitatis officia, hæc immensæ illius bonitatis & misericordiæ opera sunt. Denique ipse de se ait, Deus iustus & saluans non est præter me. Conuertimini ad me, & salui eritis omnes fines terræ. Et regius Propheta, Deus, inquit, noster, Deus saluos facienti, & Domini Domini exitus mortis. Hoc est; singulare ac proprium diuinæ mentis officium est, homines à malis omnibus vindicare, & ab ipso mortis aditu liberare. Hæc ergo ratione, his signis & benignitatis officiis vult à nobis Dominus agnosci: quia nimirum huiusmodi cognitio amorem in illum auget, fidem roborat, spem nutrit, cæterosque pios affectus excitat, qui ad pietatis & iustitiæ cultum vehementer adiuuant. Hinc etiam cum se idem Dominus populo suo agnoscendum præberet, hæc primum benignitatem & charitatem in homines intelligi voluit. Moyse enim querenti quo nomine vocaretur, respondit: Ego sum Deus Abraham, Deus Isaac, & Deus Iacob. Hoc nomen meum in sempiternum, & hoc memoriale meum in generatione & generationem. Quid sibi vult hæc appellatio, de qua tantopere Dominus gloriatur: cum longè gloriosius esse videretur, se cælorum & Angelorum Dominum nūcupare? Sed longè tamen aliter diuina Sapientia iudicauit, quæ maiore sibi gloriam hoc nomine peperit. Perinde est enim ac si diceret: Omnibus aliis titulis ac nominibus, quæ maiestatis meæ gloriam decet, præter-

Isai. 6.

Baruch. 6.

Psal. 146.

Isai. 45.

Psal. 67.

Exod. 3.

prætermisiss, de hoc vno maxime gloriabor; quod is sim, qui hos electos meos tuendos, iuuandos, erudiendos, amplificandos, & innumeris beneficiis ordiandos suscepi: qui illorum Deus fui: hoc est, qui opes omnes, quas ab optimo atque amantissimo Deo sibi polliceri atque sperare poterant, quouiescumque opus fuit, in illos contuli. Hoc igitur nomine ab omnibus hominibus agnosci, diligi, suspici, & observari volo: quoniam hæc de me nosse, maxime tum ad nominis mei gloriam, tum ad ipsorum commoditatem & salutem interest. Qua in re perinde se Dominus erga homines gerit, ac si Rex aliquis, virtutum omnium genere cumulatus, nihil diligentius curaret, quam ut ab omnibus beneficentissimus & liberalissimus haberetur: quod hac ratione popularium suorum erga se animos & beneuolentiam excitaret. In hanc igitur diuinæ bonitatis imaginem, fratres, oculos cōijciamus, ut talem Deum toto affectu colamus, totius visceribus diligamus, totam spem nostram in vno eo reponamus, totosque nos ad illius obsequium conferamus, & vitam amittere potius, quam illius leges violare, firmissimè statuamus. Hoc ergo Dominus renunciari Ioanni, & in illo nobis omnibus mandauit: ut sciamus illum esse, qui cæcos illuminat, claudos sanat, leprosos mundat, mortuos in vitam reuocat, & pauperes spiritu bonis omnibus ditat, perpetuoque in iuuandis hominibus intentus est.

Sed cum hæc omnia veri Messie signa miranda sint, non minus mirabile est, quod pauperes potissimum euangelizari, hoc est, beati prædicari, & Euangelicæ gratiæ participes effici perhibentur. Quid enim humano iudicio magis nouum & inauditum, quam pauperes beatos & felices appellari, cum eos mundus maxime miseros & terribilissimos iudicet: solos autem diuites ita beatos putet, ut apud Grammaticos idem & diuitis, & beati sit nomen? Verum quamuis ea sit hominum existimatio, longe tamen aliter in Christi Repub. se res habet: in qua temerariæ mortaliū opinioniones inuersæ, legesque ab illis non iure & æquitate latæ, sed temerè excogitatæ rescinduntur. In illa diuites ac potentes beati prædicantur, & ad illos potissimum Reip. bona deferuntur: ac in Christi Repub. singularis quidam pauperibus honor tribuitur: de quorū amplitudine multa in Psalmo, qui de regno Messie potissimum agit, scribuntur. Quale est illud: Psal. 71. Parcet pauperi & inopi, & animas pauperum saluas faciet. Ex furis & iniquitate redimet animas eorū, & honorabile nomen eorū coram illo. Quod autem propter hos potissimum venerit Christus, satis Isaias Propheta aperte declarat. Pro eo enim quod nos legimus, Ad annuncianum mansuetis misit me; Sequaginta uenerūt, Euangelizare pauperibus misit me: quorū

versio-

versionem Lucas Euangelista secutus est. Hos igitur pauperes euangelizari, hoc est, Euangelicę gratię participes potissimum fieri, Propheticus sermo testatur. Quod si à me, quodnam sit huius gratię beneficium, requiratis; hoc cerit cum primis memoratur, quod per eam peccati, & nefarię cupiditatis (quę peccatorum omnium origo est) victoriam consequimur. Vt enim Apostolus ait: Verus homo noster (hoc est, cupiditatis immanitas) simul cū Christo crucifixus est: vt destruaturs corpus peccati, vt vltiā non seruiamus peccato. Hęc ergo gratia, hoc latum Euangelij nuncium, non superbis & elatis, sed pauperibus spiritu, scē est, humilibus, & huius beneficij magnitudinem diuino lumine agnoscentibus, exhibetur. Neq. id sanē mirum videri debet: quandoquidem superbi homines, & seculo seruiētes, hanc Christi gratiam paruipendunt: vtpote qui cupiditatibus suis obsequi, quā ab eis liberari, malunt. Sic enim pestifero cupiditatis morbo oppressi sunt, vt voluptatis illecebra delinīti, neque morbum suum agnoscant, neque ab eo sanari velint. Qua quidem in re vlcerosi quibusdam mendicis similes mihi esse videntur: qui cū ex vlcerum suorum ostēratione stipem colligant, si salutem illis pollicearis, & medicamenta offeras, planē respuent: quoniam vlcus occasione alimentum sibi & lucrum parant. Hos igitur improbi omnes imitantur: qui terrenis opibus & voluptatibus incubantes, medicum salutis, qui eos à pestiferis animi morbis sanare cupit, reiciunt. Qui quidem duplici nomine deplorandi sunt, & quod miseri sunt, & quod esse volunt. Miseriā quippe suam adeo non agnoscent, vt etiam esse sub sentibus delicias computent: quando spinis curarum variarumque cupiditatum lacerari malunt, quā ab iis tam crudelibus dominis liberari, & placidam atq. tranquillam vitam, profligata cupiditate, degere. Tales autem quidam ex sanctis Patribus velut in suburbio inferorū habitare ait. Quia videlicet non assequi ex huius mundi bonis quod concupiscas, nec à Deo accipere quod ipse volentibus ac petentibus dare paratus est; quid est aliud, quā in suburbio quodammodo inferorum degere? Qui enim apud inferos cruciantur, vtroque nomine miseri sunt: vchementer enim ea bona, quę in mundo reliquerunt, amant atque desiderant: quibuscumque, sicut ab omnibus cęlestis gratię muneribus, iustitię diuinę decreto prohibentur. Horum igitur miserandam sortem improbi homines æmulantur: qui & diuina bona vitio suo perdiderunt, & ex mundi bonis sapē nihil nisi solam spem & firim habent: quorum vtrumque ipsos magnopere cruciat: cū spes, quę differtur, affligat animam; & vitis non extincta, multo magis torqueat illam.

Quod

Quod si quando illis contingat voti compotes fieri, & id adsequi quod concupiscant (si verum fateri velint) nihil minus se quam quod sperabant, affectuos esse fatebuntur. Qua enim in re quietem & pacem adepturos esse arbitrabantur, pro quiete curas, pro pace bellum, pro gaudio mœrorem, & multorum dolorum materiam inuenerunt. Quoties enim felicitatem, & placidam vitam sibi quisque pollicetur, si aut illum magistratum, aut illas opes, aut paternam hæreditatem, aut opertas nuptias fuerit affectus: qui tamen iisdem adeptis, nihil minus, quam quod sperabat, se inuenisse, deprehendit. Quam rem eleganter D. Augustinus testatur his verbis: Ad quodcumque me conuerto, vilescit mihi adeptum, quod accedērat desideratum. Vnde meritò Seneca: Vtinam (inquit) qui diuitias appetunt, cum diuitibus deliberarent. Vtinam honores petituri, cum ambitiosis summum adeptis dignitatis statū, profectò vota mutassent: cum interim illi noua suspiciunt, qui priora damnauerunt. Nemo enim est, cui felicitas sua, etiam si cursu venit, satisfaciatur. Hæc ille. Huiusmodi autem hominibus illud euenire videtur quod piscibus, qui ficto & simulato cibo inescantur. Cum enim escam se inuadere arbitrentur, in hamum vermicolis circumuestitum incurrunt: qui quidem properata voluptate, amaritudinem illis atque adeò mortem infert. Hoc igitur modo sperata & diu quærita felicitas mundi miseros amatores eludit. Hac enim pœna digni sunt, qui, relicto veræ felicitatis fonte, cisternas quærunt dissipatas, quæ continere non valent aquas. Hos igitur Enangelica à se gratia excludit, quæ nimirum pauperibus spiritu exhibetur: qui eam & maximi faciunt, & auidè sitiunt, & pro ea impetranda, continuis votibus misericordiam Domini deprecantur.

I.

Prolatis igitur à Domino veri Messæ signis, adiecit protinus: *Beatus qui non fuerit scandalizatus in me.* D. Hieronymus & Chrysostomus aiunt, his verbis testē atque dissimulanter inuidiam discipulorū Ioannis Dominum corripuisse: quæ huic interrogationi occasionem præbuerat: quos videlicet fama & gloria miraculorum Christi mordebant. Hac igitur de causa ait: Beatus qui non fuerit scandalizatus in me, hoc est, beatus cui neque gloria miraculorum meorum inuidia, nec humanitatis meæ abiectio incredulitatis occasio sit. Virumque enim, quamuis dissimili ratione, infirmis hominibus erat offendiculo, & gloria Christi, & humanitatis humilitas. Propter illud enim Pharisæi dicebant: Quid facimus, quia hic homo multa signa facit? Propter hoc populus aiebat: Nonne hic est fabri filius? nonne mater eius dicitur Maria, & fratres eius apud nos

August.

Seneca in
Epist.

Simile.

nos sunt? Et scandalizabantur in eo. Beatus ergo est, qui neutro modo fuerit scandalizatus in me. Quo in loco non negligeret obseruandum est, quod Dominus tanta lenitate discipulorum Ioannis inuidiam signis tantum editis, non verbis castigauerit, dignitati videlicet atque honori eorum modestissime parcens: ut exemplo suo nos ad similem modestiæ virtutem erudiret, cum occulta proximorum vitia emendare volumus: ut videlicet eorum famam existimationemque (quàm maximè fieri poterit) integram & illibatam conseruare studeamus. Hinc enim fraternæ correctionis præceptum originem ducit: quod magnam nobis alienæ famæ & honoris tuendi curam ingerit. Sunt enim qui ita homines corripiunt, ut illorum vitia prodant, cum eos sanare sine famæ detrimento potuissent. Sunt etiam qui iustitiæ prætextu duci se ad aliorum correctionem prædicent. sub qua tamen specie subdola sæpè ambitionis radix occultè inest; dum aliorum se vituperatione venditant, & iustitiæ atque integritatis famam aliorum dedecore aucupantur. Hæc enim & his similia multa solet excogitare prudentia carnis: quæ non modò alios, sed suos etiam (quod periculosissimum tentationis genus est) interdum fallit auctores. A quo quidem morbo hæc Domini castigatio longissimè abfuit, quando & errantium saluti appositissima ratione consuluit, & errantium famæ & honori pepercit.

Sequitur deinde: *Illu autem abeuntibus, cepit Iesus dicere ad turbas de Ioanne: Quid existis in desertum videre? Arundinem vento agitatam?* Non est planè Ioannes mobilis arundo: cuius tanta firmitas atque constantia existit, ut ne mortis quidem metu potuerit ab officio & iustitiæ seueritate deterreri. Ex quibus verbis liquidò apparet, nihil Ioannem (dum de aduentu Christi rogat) dubitasse: alioquin fuisset arundo, utpote qui iam deflueretur ab eo quod fuerat antè testatus. Inter maximas ergo sancti viri laudes ea in primis memoratur, quod non fuerit instabilis arundo. Ut enim Salomon ait, Iustus in sapientia sua permanet ut Sol; nam stultus ut Luna mutatur. At verò nos miseri & infirmi velut arundines sumus, qui tam facili à virtutis proposito deflectimur, & solita vel precationum nostrarum, vel pietatis officia quavis leuissima occasione intermittimus, & cursum vitæ variamus; neque vllam in rectè cõstitutis constantiam retinemus, quotidie noua officia proponentes, & protinus quæ proposuimus deserentes. Arundines etiam sumus, qui circumferimur omni vento doctrinæ, utpote qui ad quorūcūq; verba nutamus, & rectè cepta autæ sæpè popularis metu relinquimus. Quicūq; enim vel levis ramusculus increbuerit, quod infano popularis leuitatis iudicio existimationem nostram

Eccli. 17.

nostram lædere videatur, quod p̄d̄ exsequebamur vel omnino
deserimus, vel pueril̄ metu, non humilitatis obrentu ab̄ con-
dimus & occulamus. A qua nos leuitate Sapiēs reuocare con-
tendit, cū ait: Esto firmus in via Domini, & in veritate sen-
sus tui. Et iterum: Noli esse, inquit, humilis in sapientia tua,
ne humiliatus in stulticiam seducaris. Quo in loco vir sanctus
non veram cordis humilitatem (quæ omni laude superior est)
damnat, sed immodicam ac imprudentem, quæ cuiuslibet sen-
tentia leuiter cedit, & à recto deducitur, & retrocedit: quæ ma-
gis pusillanimitas, & animi instabilitas, quàm vera humilitas
appellanda est. Verū hæc fortasse minora sunt. Illud verò
longè grauius & acerbius est, quod arundinum instabilitatem
varia & multiplici cupiditate imitatur. Quous enim eius
impulsu variè iactatur, & eo ducimur, non quò mens & con-
siliū vocat, sed quocumque nos temeritas & cupiditarum
æstus impulerit: non minùs quàm arundines, quæ omni statui
cedunt, quæ vix vnquam rectè consistunt, sed in assiduo motu
& agitatione aëre impellente agitantur. Hinc Psalmographus
improbos omnes pulueri similes esse ait, quem proiicit ventus
à facie terræ. Pro puluere autem, alij glumam, quæ adhuc sti-
pula leuior est, transtulerunt. Quo verbo maxima quædam
prauæ mentis leuitas & instabilitas insinuat, quā nulla con-
stantia fultit, sed variarum imperus cupiditatum miserè verat &
agitat. Quorum fateor ita me misere, atque eorum qui vino
ebrii, sui iuris esse desierunt: vtpote qui non rationis imperio,
sed immoderato vini motu præcipites aguntur. Nec his tan-
tū, sed acceptitijs etiam similes esse videtur, qui, sopito ratio-
nis clauo, miserrimè à dæmone agitantur. Quibus tamen ad-
huc isti miserabiles sunt: quoniam qui à dæmone impellun-
tū, nequaquam accusandi sunt, quando id vitio suo minimè
patiuntur: illi tamen iure damnantur, qui cū ratione valeant,
pecudum tamen more cupiditibus & libidinibus suis se re-
gendos permiserunt. Iam verò huius seculi diuites ac potentes,
qui exterius quidem arundinū more nitēt, dum purpura ami-
cti, vnguentis delibuti, aureis anulis & monilibus ornati, &
longo familiæ atque clientum ordine stipati incedunt: cū ta-
men interius mente & iudicio vacui, & inani tumore inflati,
& infinitis curis atq. molestiis pleni sint: an nō meritò arundi-
nibus comparantur, quæ foris quidem teretæ & nitidæ, intus ta-
men inanes & vacuæ sunt? Quocirca non ineleganter Seneca
horū felicitatem bracteatā appellat, & parietibus marmorum
crustis nitrēibus similem esse docet. Miramur (inquit) parietes
renui marmore indutos, cū sciamus quale sit quod abscondi-
tur: oculis nostris imponimus: & cū auro recta perfundimus,
quid

Eccli. 5.
Eccli. 13.

Psalm.

simile.

Seneca
in Epist.

quid aliud quàm mendacio gaudemus? Scimus enim sub illo
 auro fœda ligna latitare. Nec tantum parietibus aut lacunari-
 bus ornamentum tenne prætenditur; omnium istorum, quos
 incedere alios vides, bractea felicitas est. Inspice, & disces sub
 ista tenui membrana dignitatis quatum mali lateat. Hæc ille.
 Omnes ergo isti nouo hypocritis genere aliud intus celâr, aliud
 foris ostendunt. Vulgares enim hypocritæ sanctitatem foris Dissimile
 mentuntur, quæ tamen intus carent; diuites autem & poten-
 tes seculi splendido apparatu & fastu felicitatis specie præ se fe-
 rûnt, cum variis tamen intra se curis & angoribus miserrimè co-
 flitentur. Quod enim infelicius, quàm furori & libidini pare-
 re, variisque cupiditatum pestibus agitari? Exemplo sit nobis
 Achab Rex Israel, qui cum vineam Naboth, quam impotenti 4. Reg. 21
 cupiditate appetebat, impetrare minime potuisset, adeo con-
 sternatus animo fuit, vt neq. pedibus consistere, nec cibum ca-
 pere valens, in lectum se incarnatus coniecerit. Exemplo item
 sit Saul Rex, qui adeo inuidiæ atq. ambitionis æstu flagrabat,
 adeoq. innocētis Davidis sanguinem sitiebat, vt quàm diu hoc
 assequi non potuit, quod optabat, acerbissimam atque miserrimam 1. Reg. 31.
 vitam duceret. Vnde Ziphais, illi Davidis latebras indi-
 cantibus, magnum animi sui angorem hac lamentabili oratio-
 ne declarauit: Benedixi vos à Domino, quia doluistis vicem
 meam. Abite ergo, & diligentiùs præparate, & curiosius agite,
 & considerate locum vbi sit pes eius, vel quis viderit eum, vbi
 dixistis: recogitat enim de me quod callidè insidieret. Consi-
 derate & videre omnia laibula eius, in quibus absconditur, & re-
 uertimini ad me ad rem certam, vt vadam vobiscum. Quod si
 etiam in terra se obstruxerit, perstrutabor eum in cunctis milli-
 bus Iuda. Quid, queso, hoc homine miserius? quid hoc animo
 infelicius? quid, ô miser, amplius diceret, si captiuus miserrimam
 inter hostes vitam ageret? Videre quibus malis urgeatur
 interius, qui purpura & diademate fulgebat exterius: & quos
 tortores fustinebat intus, qui tot stipatus adulatoribus foris in-
 cedeat. An non igitur hi arundines erant, externa quidè spe-
 cie nitorem & felicitatem promittentes, cum tamen intus va-
 cui essent, imò verò infinitis angoribus & miseriis anxii? In
 huiusmodi autem arundinibus dæmon requiescit & latitat, de
 quo apud Tob scriptum legimus: Sub vmbra dormit in secreto Tob 4.
 calami: quia videlicet in his potissimum antiquis hostis sibi
 domicilium eligit, qui arundinum more exterius nitidi atque
 fulgentes, intus tamen virtutibus & veris bonis vacui sunt.

Cæterum quàm longè putatis ab arundinum instabilitate
 Ioannem abfuisse, quem nulla cupiditas à fratribus suis reuerendi-
 ne potuit abducere? qui non modo vido, sed ne vilo quidem

præcipiti affectu potuit inebriari? qui non foris nitidus, & in-
 tus vacuus; sed contrà foris horridus & vilis apparens, in-
 tus omnibus diuini Spiritus ornamentis & gratiis mirificè redun-
 dabat? Hinc etiam præcipuum quoddam inter bonos, malos-
 que discrimen colligere licet. Omnis enim malorum gloria
 & nitor externus est, eorum verò intima fraudibus, angoribus,
 & gloria ab oculis hominum abscondita, diuinis maximè lu-
 minibus conspicua est. Hinc illud ex Psalmo: Omnis gloria
 eius filiæ Regis ab intus, in fimbriis aureis, circumamicta va-
 rietate. Hinc in Psalmo 82. pro eo quod nostra editio habet,
 Cogitauerunt aduersus sanctos tuos; diuus Hieronymus ver-
 tit, Cogitauerunt aduersus absconditos tuos. Absconditi verò
 appellantur, nō solum quia eos Dominus præsentia vultus sui
 à fluctibus & turbinibus seculi protegit, & abscondit; sed etiam
 quia illorum felicitas ab oculis carnalium hominum abscondita
 Coloss. 3. est, Apostolo testante, qui ait: Mortui enim estis, & vita vestra
 abscondita est cum Christo in Deo. Qui autem status, quæ
 conditio, quàm beata, quàm secunda & tranquilla sit eorum vi-
 ta, qui pietatem colunt, nemo pietatis expers suspicari potest,
 nedum intelligere. Sequitur deinde: *Sed quid existis videre? Ho-*
minem mollibus vestitum? Hoc in loco Dominus ex parte totum
 intelligens, paupertatem & austeritatem vitæ commendat,
 non in vestibus modò, sed in omnibus quæ ad corporis vsum
 pertinent, hoc est, in cibo, in lecto, in domo, in vestibus, care-
 risque eiusdem generis. Hæc enim omnia in Ioanne inculta,
 vilia, & horrida erant. Vnde in Luca apertius dicitur: Ecce qui
 in veste preciosa sunt & in deliciis, in domibus Regum sunt.
 Ab his certè omnibus immunis erat Ioannes, quæ in deliciis
 habentur. Quo in loco inquisitione dignum est, cur beatus
 Ioannes (qui certè à Spiritu sancto agebatur) & cur item om-
 nes ferè Sancti, qui eodem Spiritu ducebantur, tantopere pau-
 pertatem & asperitatem vitæ sectati sunt? Quis enim ad anti-
 quorum Patrum Antonij, Macharij, Arsenij, Hilarionis, alio-
 rumque in eremo degentium Patrum abstinentiam & carnis
 macerationem diligenter attendens, non penitus obstupescat?
 Nechi solum quos ipsa solitudo necessarii ad vsum vitæ re-
 bus destituebat, sed multi etiam ex his qui in celebritate & fre-
 quentia hominum degebant, hac virtute plurimum valuerunt.
 Diuus enim Gregorius, dum in monasterio Romæ ageret, à
 matre sua beata Syluia crudis leguminibus pascebatur. Vnde
 verisimile est, cum illam stomachi cruditatem (de qua toties
 queritur) contraxisset. Diui etiam Bernardi, & monachorum
 qui cum eo degebant, eam fuisse abstinentiam legimus, vt non
 raro

rarò ex fagi foliis pulmenta conficerent. Vnde etiam confen-
 taneum est, tam aduersa valitudine virum sanctum tota penè
 vita laborasse. Quid verò D. Basilium memorem, quem legen-
 di scribend. que perpetuum studium, & pastoralis officij cura
 ab hac carnis maceracione excusare merito potuisset: qui ta-
 men in huius virtutis laude non inferior Anachoretis existit.
 Sic enim de eo legimus: Erat autem Basilus in victu cultusque
 abstinentissimus: vna tantum tunica se amiciebat, humi cubi-
 tabat, totis sæpè noctibus vigilabat. Obiit autem corpore per
 abstinentiam consumpto, cum ossibus tantum ac pelle super-
 stes esset. Quis verò ille, de quo nunc sermo est, quo nemo in-
 ter natos mulierum surtegit maior? Quis eo inter omnes victu
 cultusque rigidior? locustas enim edebat, à vino & sicera abste-
 nebatur, pellicea zona cingebatur, & cilicio ex camelorum pilis con-
 texto induebatur. Cum ergo omnes fere Sancti vsque adeo
 virtutis huius sectatores fuerint, merito quæri potest, quæ res
 illis huius tanti laboris causa exstiterit, cum præsertim Domi-
 nus nihil nisi præceptorum suorum obseruationem ab homi-
 nibus exigat, quorum vix vllum expressè hanc continet vitæ
 asperitatem? Ad hæc igitur respondemus, multas esse & qui-
 dem grauissimas causas, ob quas sanctissimi quique viri hanc vir-
 tutem maximè coluerint, quarum nonnullas brevissimè
 pro ratione temporis attingemus. Inter quas illa præcipuè nume-
 ratur, quod hac ratione viri sancti hostis immanissimi, nempe
 carnis suæ, petulantiam comprimere nitentur, quæ inedia
 & abstinentia ita frangitur ac debilitatur, vt aduersus spiritum
 rebellare minus valeat. Quis enim hostem aduersus se instruat
 & armet, ac non potius, si possit, armis eum & viribus enervet
 & spoliis? Deinde hac eadem ratione cupiditatem (quam Apo-
 stolus malorum omnium radicem esse statuit) amputare cota-
 bant. Qui enim algere, esurire, sitire, & nudus ingredi propter
 Christum libenter sustinet, quò illi diuitiæ? quò sumptus?
 quò domesticarum rerum apparatus? quo denique auri cupi-
 ditas, quod propter solum vitæ luxum & fastum habetur in
 pretio? Excisis enim morborum causis, morbos pariter ampu-
 tari necesse est. At morbus est cupiditas: huius verò morbi cau-
 sa superbia & indulgentia carnis existit: quibus è medio subla-
 tis, incendij materiam cupiditati subtraxisti. His etiam adde,
 quòd hac eadem ratione carnem macerantes, Deo pro admissis
 in vita criminibus satisfacimus. Per ea enim opera quæ carni
 molesta sunt, pro commissis in carne sceleribus Deo maximè
 satisfacimus, vt, quoniam (sicut D. Gregor. ait) caro nos lata
 traxit ad culpam, eadem afflicta reducat ad veniam. Præterea,
 hac eadem vitæ austeritate Sancti omnes ducem & seruato-

rem suum Christum Dominum imitabantur, cuius tota vita inops, aspera, & innumeris laboribus agitata atque respersa fuit. *psal. 27.* Eius enim est illa Propheta vox: Pauper sum ego, & in laboribus à iuvenente meo. Cuius rei gratia illum virum dolorum, & scientem infirmitatem, appellavit Isaias. Nihil autem gloriosius, quam summo calorum Regi in paupertatis etiam & crucis acerbitate & ignominia similem fieri. Postremo, hac eadem ratione malorum omnium fontem, nempe amorem sui, contrarius actionibus expugnabant. Ut enim hic amor indulgentiæ carnis, & molli corporis victu atque culeu nutritur: ita contra asperitate & inedia opprimitur & expugatur. Actiones enim (ut Philosophi dicunt) similes sibi habitus generare solent: quos ita, ut sicut deliciis amor sui indies augeatur & crescat, ita asperitate cultus & victus quotidie minuitur & decrescit. His igitur de causis viri sancti virtutis huius studiosissimi sectatores extiterunt. Quo argumento, fratres, facile est communem multorum hominum insaniam videre, qui omnia vitæ studia eo referunt, ut carnem blanditiis præsentium voluptatum declinant atque corrumpant: utque omni deliciarum & cupiditatis genere atrocissimum ac domesticum contra se hostem arment & nutriant. Talis erat illius diuitis epulonis vita, quem Dominus suamquam ita damnaasset, neque Ioannis rursum austeritatem ita commendasset, nisi maximum illic periculum, & maximum hic virtutis præsidium & adiumentum positum esset. Quamobrem hanc vitæ parsimoniam & temperantiam inter præcipuas præcursoris sui laudes numeravit.

Hanc igitur omnes imitari contendamus, fratres, ut omnes hos fructus, quos supra memoravi, ex ea carpere possimus. Melius enim est, in hoc brevis ævi curriculo cum Ioanne Baptista inedia corpus macerare, quam cum epulone illo diuise breuissimo temporis spacio carnem faginare, postmodum vero in gehenna cruciandum guttam aquæ perpetuò petere nec impetrare. Neque verò quisquam hoc extenuandæ carnis officium exigui meriti esse putet, cum id inter præcipuas iusti viri laudes à Propheta numeretur. Vnde pro eo quod nos legimus, *psal. 14.* Qui iurat proximo suo, & non decipit; alij verterunt, Qui iurat ut se affligat, & non mutat. Intelligens enim vir iustus quantum rationalis victima irrationali gravior Deo esset, se ipsum illi in sacrificium mactare adeo firmiter statuit, ut etiam voto se ad id obstringat, & iureiurando firmet; quod summa etiam religione ac fide præstat. Hoc est enim quod ait: Qui iurat ut se affligat, & non mutat. Adde etiam quod hoc ipsum opus magnum veræ charitatis argumentum est. Quo enim quisque magis Deum diligit, hoc magis peccatum odit, dicente Propheta:

Qui

Qui diligitis Dominum, odite malum, dicunt enim pari affectu
 homo & vitam diligit, & mortē odit, ita similitudine vi-
 stus & Deum diligit, & peccatum detestatur: quandoquidē ista
 duo, non minū quam vita & mors inter se dissentiunt. Quis
 quis verō peccatum vehementer odit, ueritatem carnem suam
 pari penē odio prosequitur: quoniam ea peccatorū origo & se-
 minarium est. Qui verō tali eam odio insectatur, is utique
 abstinentia, nuditate, atque omni ratione illam arēuare, & spi-
 ritui subiicere conabitur. Quam verō sacrificium hoc Deo
 gratum existat, vel hoc vno argumento perspicere potestis, quōd
 hoc sit summum illud Patriarche nostri Abrahā sacrificium

Psal. 96.
 Simile.

Gen. 20.

quodammodo imitari, quo is dilectissimū filiū Dominū im-
 molare destinauerat. Cuius sacrificij meritum & dignitatem
 Dominus ostendit, qui hoc magnificētissimo elogio sancti Pa-
 triarche fidem ac deuotionem commendauit: Nunc, ait, cognō-
 uij quōd timeas Dominū, ut qui dilectissimo filio tuo non pe-
 perceris propter me. At vnusquisq. nostrū, fratres, suū habet
 Isaac, nempe corpus suū: quod naturali amore ita diligit, ut
 non defuerint matres, quæ filiis vitam eriperent, quod propriū
 corporis vitam incolumem conseruarent. Vnde liquet, has cor-
 pora sua magis, quam filios dilexisse. Quod si ita est, non deest
 utiq. nobis materia, quō gratissimum hoc sancti Patriarche sa-
 crificium imitari quodammodo valeamus: cum simili pietate
 ac deuotione dilectissimū corpus nostrū rationabili obsequio
 Domino immolamus. Hoc est autem genus illud sacrificij,
 quōd in principis solennitatibus olim Dominus a filiis Israël
 exigebat, cum iis diebus animas suas affligere, hoc est, absti-
 nentia & inedia corpora sua macerare, praecepbat.

Ceterum si hoc sacrificium solēniū potissimū festis
 exhibetur, instat nunc anniuersaria patriarctis Dominice so-
 lennitas: ad quam non solum pijs precibus & meditationibus,
 sed etiam ieiunijs, vigilijs, & afflictione corporis preparari debe-
 mus, ut dignum tantæ maiestati paremus hospitium. Si enim
 populus Israëliticus in deserto tanto se studio preparauit, ut
 Deum in montem Sinai ad leges illi ferendas uenientem exci-
 peret; quanto nos diligentius atque deuotius hoc tēpore para-
 re oportet, ut eundem ipsum Dominum excipiamus, qui nunc
 egreditur in salutem populi sui, in salutem cum Christo suo?
 Quanto enim aduentus iste dignior atque salutarior mundo
 existit? Illic enim Deus uenit ad ferendam legem; hic ad con-
 ferendam gratiam: illic ad præcepta legis literis deformanda
 in lapidibus; hic ad ea spiritu suo in cordibus fidelium exaranda:
 illic ad promittenda cultoribus suis terrena bona; hic ad
 conferenda celestia; illic ut minis atque terroribus ad se homines

traheret; hic ut beneficiis prouocaret, amore iucenderet, donis
 alliceret, arctissimoque sibi amoris vinculo copularet: illic ful-
 gurans, & perterrefaciens, & procul à se homines abigens, &
 ad montem, in quo loquebatur, accedere prohibens; hic verò
 omnes ad se clementer inuitans, & voces illas pietatis & lenita-
 tis plenissimas fundens: Venite ad me omnes qui laboratis &
 onerati estis, & ego reficiam vos: Si ergo tanta illi cura se præ-
 pararunt, ut Dominum formidabili ad se specie venientem ex-
 ciperent; quanta nos parari debemus, ut unigenitum Patris Fi-
 lium, tam placido ad nos vultu venientem, summisque diuinæ
 gratiæ opibus circumfluentem, alacri & deuotamente recipia-
 mus. Hoc autem à nobis, fratres, huius temporis conditio ex-
 petit, hoc sincera pietas requirit, hoc Ecclesia magnis quotidie
 vocibus efflagitat, hoc etiam vtilitatis & salutis nostra ratio de-
 postulat: quo videlicet reuerenter & pie Dominum recipientes
 in via, ab eodem, cum ex hac luce migrauerimus, misericorditer
 recipi mereamur in patria.

IN EADEM DOMINICA TERTIA
 ADVENTVS, CONCIO TERTIA: QUÆ
 Euangelicam lectionem explanat.

THEMA. Cum audisset Ioannes in vinculis opera Christi,
 mittens duos ex discipulis suis, ait illi: Tu es qui venturus
 es, an alium expectamus? Matth. 11.



Hæc prima lectionis Euangelicæ verba magnam
 nobis, fratres charissimi, admirationis causam af-
 ferunt. Quid enim mirabilius, quam Ioannem
 Baptistam, ab utero matris suæ Spiritu sancto ple-
 num, in vinculis & carcere cū sicariis, parricidis, &
 seditiosis hominibus vinciri? Et quidem si mudi
 mores & ingenii spectare velis, desinit hoc esse mirabile: nec
 enim nouum aut inauditum est, quoddam pios mundus persequa-
 tur: sed mirabile tamen est, si oculos in cælum tollas, memine-
 ri: quæ ibi sedere qui orbem terræ iudicat in æquitate; de quo
 Psal. 82. Propheta cecinit: Iustitia & iudicium præparatio sedis tuæ.
 Mirum enim est, quoddam cum tantus hic humanarum rerum ar-
 biter in cælo resideat, Ioannes quidem Baptista vinciat in
 carcere, impurissimus autem Herodes in regali throno sedeat.
 Hæc planè quæstio difficilissimè veteris Testamenti Patribus,
 & frequenter agitata fuit. Hinc illa Abacuc Prophetæ ad
 Domi-

Psal. 82.

Abac. 1.

Dominum quaestio: Quare non respicis super iniqua agentes, & taces deuorante impio iustiorum se? Et Hieremias, Iustus Hier. 11 (inquit) tu es Domine, si disputem tecum: verumtamen iusta loquar ad te. Quare via impiorum prosperatur; bene est omnibus qui prauaricantur, & inique agunt? Iam totus ille Psalmus Asaph, cuius est initium, Quam bonus Israel Deus; Psalm. 78 quid aliud quam hanc quaestionem tractat? Ait enim: Mei autem penè moti sunt pedes, penè effusi sunt gressus mei: qui zelauit super iniquos, pacem peccatorum videns: & cetera quæ in hanc sententiam sequuntur: ubi tandem ait: Existimabam vt cognoscere m: hoc labor est ante me. Hoc est, difficile huius rei causam assequerbar. Possent multa alia loca commemorare, quibus ostenderem difficilem illo tempore hanc quaestionem veteris Testamenti hominibus fuisse. Cuius rei causa in promptu est. Cum enim lex illa cultoribus suis corporis incolumitatem, opulentiam, ceteraque terrena bona promitteret, impiis autem & prauaricatoribus legis pestem & exitum minaretur: consequens esse videbatur, vt cum improbos viderent secunda fortuna vri, pios vero aduersa iactari, vehementer hac rerum vicissitudine commouerentur. At ubi nouæ legis gratia (quæ non carnalia, sed spiritualia; non terrena, sed celestia bona fidelibus pollicetur) in mundum inuecta est; ubi lator legis Christus Dominus in mundum veniens, in stabulo nasci, in præsepio reclinari, in cruce mori, & vitam inopem, humilem, & acerbam, innumerisque tempestatibus agitam eligere dignatus est; is planè hac noua & inusitata laborum electione, humilique perpeffione, labores ipsos, dolores, persecutiones, mortem, ceteraque corporis incommoda in corpore suo consecrauit, nobilitauit, & ad summam dignitatis & gloriæ laudem exulit. Sicut enim aqua eorum locorum saporem refert, per quos labitur: ita cum fons vitæ Christus tam multa corporis mala in se suscepit, salutarem eis vim atque summam dignitatem contulit. Simili penè argumento magnus ille inter mortales Philosophos Seneca diuitias & opulentiam non esse inter bona numeranda confirmat; quod ea pessimis interdum hominibus contingant: contra verò egestatem, labores, & calamitates; ceteraque corporis incommoda nullo modo esse inter mala collocanda; quod ea Cato (quem is diuinum hominem existimabat) petruerit. Quod si tanta apud hunc insignem Philosophum Catonis auctoritas existit, vt quæ ille perpeffus fuerit, in bonorum numero ponenda esse censcat: quæto, quæso, Senætoris nostri dignitas & auctoritas apud nos maior esse debeat, vt, quæ ille petruerit & elegerit, in summo precio habenda sint.

Similes

Sene. lib. de proy.

Hinc factū est, vt tordeinde martyres existerēt, qui immania tormentorum genera adeo nō horrerent, vt vehementer etiam appeterent, & alacri animo subirer. Hinc animosa illa Laurentij vox, quā tyrāno, varia tormentorū genera minaciter ostentanti respondit: Infelix, has epulas ego, semper optavi. Hinc eiusdem ordinis & animi Vincentius, assumptis ex equuleo, & ad paribulū raptus, moras carnicum arguendo, ad, pernam alacriter properabat. Nec in vistanūm, sed in fragilitatem feminarum sexu hanc eandem latitiam, & animi robur, videre licet. Vt enim alias, prātermirram, beata Agatha laxissimē & glorianter ibat ad carcerem; & quasi ad epulas quittata, agonem suum precibus Domino commēdabat. Quid quod in veteri Testamēto (in quo reitrena bona legis cultoribus propēta erant) non defuerunt etiam, qui se magno animo, cruciatibus & morti propter Dei gloriam offerrent? Vt enim alios citatam, hanc quoque fortitudinis & constantiā laudem (quā inis mortis supplicio vacauerit) sacrae literae tribuunt: Azarias, de quo inter ceteros sacerdotes Domini honorifica mētio fit. Vbi enim in primo libro Paralip. genealogia textur sacerdotū, post recensita multorum sacerdotum nomina, vbi ad Azariam ventum est, de eo solo subditur: Ipse est, qui sacerdotio functus est in domo quam aedificauit Salomon in Hierusalem. Cuius rei rationem hoc in loco interpretes reddunt; quia videlicet forti atque constanti animo restitit Ozia Regi, qui in superbiam elatus, nō cōtentus Regis officio, voluit etiam sacerdotis munus inuadere, & thus Domino more sacerdotum offerre. Ad quem Azarias: Non est, inquit, tui officij Ozia, vt adoleas incensum Domino, sed sacerdotum, qui consecrati sunt. Quam eius fortitudinem atque constantiam, adeo Spiritus sanctus (litterarum diuinarū auctor) gratam habuit, vt huic vni in hac sacerdotum corona, non sine magna laude nomen indiderit sacerdotis; quod adeo se strenuē in hoc munere gesserit, vt non veritus animositatem Regis, pro sacerdotij dignitate & gloria fortiter decertauerit. Quanto verò gloriosior Ioānes Baptista, qui integerrimi praeursoris, ac testis gravissimi officiū nactus, prius vitā amittere, quā officio suo deesse voluit. Sicut enim Azarias temerario & superbo Regi; ita hic impuro & adultero constanter ait: Non licet tibi habere uxorem fratris tui. Quo vno verbo & vincula, & carcerem, & mortem, & Regis atque Reginē odium, & insidias sibi parari intelligebat; porius tamen hac omnia perpeti, quā ab officij sui integritate & severitate deduci voluit. Non ergo æquū erat, vt hac tanta gloria prae-cursorem suum Dominus fraudaret; sed vt ad ceteras eius laudes aeterna quoque martyrij & fortitudinis palma accederet.

Iam

carcerem coniectus est. Non ita beatorum existimo, quod verba
 audiuit ineffabilia, quam quod vincula sustinuit. Quod enim
 ista reliquis sint maiora, audi ipsum quomodo gloriatur. Non
 enim dicit, Hortor vos ego, qui verba ineffabilia audiui: sed
 quid? Hortor (inquit) vos ego vincus in Domino. O beata
 vincula, o beatas manus, quas catena illa exorauit. Non erant
 ita præclaræ Pauli manus, quando claudum illum in Lystris
 erigebant, atque quando vinculis erant circumligatæ. Admi-
 rararis Paulum tum potissimum, quando nihil illi, quæ manus
 adhaferat, detrimenti afferebat vipera? Nihil mireris: cate-
 nam quippe illam verebatur: immo & vineulum illam mare
 vinctatum fuerat; nam tunc quoque vinctus erat. Quod si
 mihi temporibus illis esse contigisset, vincula illa complexus
 fuissém, inque sinus meos collocaissem: neque cessaissem exos-
 culari illa, quibus is pro Domino meo ligatus fuit. Quod si li-
 beri mihi fuisset per curas Ecclesiasticas, & corpus habuissem
 validum, nihil vtiq; causatus fuissém, quod minus, tãta susce-
 pta peregrinatione, catenas dumtaxat illas, & carcerem vbi li-
 gatus fuit, videre perrexissém. Et paulo post: Honoratus est
 & Petrus ista catena: erat enim vinctus atque traditus militi-
 bus, & dormiebat ita videlicet erat hilaris atque nihil prorsus
 immutatus, vti grauis illum haberet somnus. Venit quæ ad eum
 Angelus, atque percusso latere excitauit eum. Hic si mihi quis-
 piam dixisset, Elige vtrum velis: vis esse Angelus Petrum sti-
 mulans ac soluens, an Petrus solutus? Petrus vtiq; mallet ef-
 fe, propter quem & Angelus descendit, vt vineulis illis potiri
 liquisset. Hactenus Chrysost. Cuius charitatis plenissima ver-
 ba vrinam in pectore nostro cum igne accēderent, qui in sacro
 eius pectore flagrabat! Olim gloriæ loco ducebatur, quod in
 laudem Abner protulit David, cum dixit: Nequaquã vt mori
 solent ignari, mortuus est Abner. Manus tuæ non sunt ligatæ,
 & pedes tui non sunt compedibus aggravati. modò compedes
 & vincula non ignominiam afferunt, sed gloria afficiunt: non
 dedecus pariunt, sed sempiternam dignitatem, egregiaque or-
 namenta conciliant. Quæ cum ita sint, fratres; facile ad qua-
 sitionem paulo antè propositam respondemus: cur videlicet in-
 nocentissimus Ioannes ab impio & crudeli parricida in vincu-
 la coniectus sit: cum ex his, quæ hactenus dicta sunt, liquidò
 constet, summam dignitatem & gloriam præcursoris nostri
 fuisse, catenas, vincula, squalorem carceris, & mortis suppli-
 cium propter iustitiam perulisse.

I. I. Restat aliud, quod in his verbis præter vincula Ioannis anno-
 tare debeamus. Nam & ex eo quod Euangelista dicit, Ioan-

nem auditu intellexisse opera Christi, & ex tota lectionis Eu-
 angelicæ serie intelligimus, Ioannem familiari Christi cōue-
 tudine usum inuicem fuisse, nec more discipulorum eius illi
 adhæsisse. Quia in re inquisitione dignum est, cur Ioannes, qui
 ira dignitatem & maiestatem Christi reuerbatur, noluerit Chri-
 stum sequi, & discipulorum eius numero sociari. Si enim
 Ioannes amicus Sponsi erat; quid illi iucundius accidere po-
 tuisset, quam latere eius perpetuò assidentem audire vocem
 Sponsi, & eius diuinæ præsentia frui? Certe post beatam il-
 lam diuinæ pulchritudinis visionem, nihil homini optabilius
 accidere poterat, quam Christi faciem videre, eiusque suauis-
 sima consuetudine frui. Quod ne ipse quidem Dominus ta-
 ceat, eum ad discipulos dixit: Beati oculi qui vident quæ vos
 videris. Dico enim vobis, quod multi Reges & Propheta vo-
 luerunt videre quæ vos videris, & non viderunt; & auire quæ
 auditis, & non audierunt. Tanta enim verborum Christi vis
 atque suauitas erat, ut non sine magno affectu Petrus Aposto-
 lus dixerit: Quò ibimus Domine? verba vitæ æternæ habes.
 Si ergo Ioannes adeo probè ista tenebat, adeoque Christum
 Dominum diligebat, cur hanc eius scholam deseruit? cur non
 se in eius disciplinam tradidit? cur se à tam iucunda & ama-
 bili consuetudine abduxit? Ad hoc igitur respondemus: Ioan-
 nem in hoc præcipuè à Deo electum fuisse, ut testis esset at-
 que præcursor Christi. Sic enim ait Evangelista: Hic venit in
 testimonium, ut testimonium perhiberet de lumine, &c. Unde
 idem Evangelista, ubi ineffabile Domini incarnationis my-
 sterium protulisset, & Verbum Dei carnem assumpsisse dixis-
 set: Ioannem protinus huius admirandi operis testem citat his
 verbis: Ioannes testimonium perhibet de ipso, & clamat di-
 cens: Hic erat, quem dixi: Qui post me venturus est, ante me
 factus est, quia prior me erat. In quibus verbis duplicem Chri-
 sti naturam, duplicemque natiuitatem aperit declarat: altera-
 ram in tempore, alteram in æternitate: eum Christum Domi-
 num & ante se, & post se natum testatur. Quia ergo Ioannes
 testimonium Christo redditurus erat, debuit planè omni su-
 spicionis nota apud homines carere: qua iudicio illorum non
 caruisset, si sectator eius atque discipulus fuisset, & familiari eius
 consuetudine usus esset. Hac ergo de causa sanctus præcursor
 opacissima Christi consuetudine caruit: satius esse iudicans,
 ad tempus corpore separari à Christo, quam officio & muneri
 suo deesse. Hæc enim prima Sanctorum cura est, ut prius qui-
 dem officij sui debito satisfaciant; deinde cætera persequantur,
 quæ Deo grata esse intelligunt, quamvis ab eo præcepta non
 sint. Prima enim esse debet obedientia præceptorum, proxima
 confi-

consiliorum. Prius enim ea quæ à Deo præcipiuntur: deinde cætera deuotionis & pietatis nostræ obsequia exsequenda sunt. Quod quidem ipse Dominus Saluatoris exemplo, discimus, qui in Psalm. ait: In capite libri scriptum est de me, vt facerem voluntatem tuam; Deus meus vobis, & legem tuam in medio cordis mei. In cuius rei typum olim Dominus in lege præcipiebat, vt nemini voluntarium sacrificium offerre liceret, nisi post oblatam matutinam atque vespertinam hostiam, (quæ ex legis præscriptione, quotidie offerenda erat), vt hac ratione insequeretur, nullo modo voluntaria sacrificia & bona opera necessariis anteferenda esse; sed, ea prior loco, atque ex iustitiæ debito tenemur: deinde verò, ea quæ voluntaria deuotionis obsequia sunt, offeramus. Hoc autem Hebraica littera aperte significare videtur: pro eo enim quod nos legimus, Adolebunt ea super altare, in holocaustum, lignis igne supposito; Hebraica lectio habet, Adolebunt ea post holocaustum, quod est super ignem. Cuius orationis sensus est: Adolebunt sacerdotes voluntaria fidelium sacrificia post holocaustum, quod quotidie de more adolebitur. Vt hoc ipso ordine admoneamur (vt ante dixi) primo loco, quæ Deus præcipit; secundo, quæ nos pie volumus, exsequenda esse. Denique hoc est quod aperte Samuel Propheta significauit, cum ait: Melior est obedientia, quam victimæ: obedientia enim præcipitur; victima, consultitur: illa necessaria est, ista voluntaria. Prius ergo est, vt voluntatem Dei faciamus, deinde vt nostram exsequamur. Hoc animaduertat quicquæ, vt orationibus, aut elemosynis, aut piis aliis operibus vacent, officio suo desunt, & status sui legibus, quibus adstricti sunt, minus plenè satisfaciunt. Hoc enim est iustitiæ ordinem inuerrere: hoc est victimam obedientiæ, præferre: hoc est, non Deum, sed seipsum quærere, & voluntatem suam diuinæ voluntati anteferre: quæ res non à spiritu Dei, sed à spiritu amoris proprii, sub charitatis imagine proficiscitur. Neque enim Spiritus Dei sibi ipsi, contrarius esse potest. Si ergo ille te ad obedientiam vocat præceptorum, quomodo te eò vocare debeat, vnde hæc obedientia impeditur? Atque utinam non esset frequentissimus hic inter multos abusus: qui tanto est periculosior, quanto magis specie regitur pietatis. Hæc enim velut esca esse solet, quæ dæmones piis hominibus laqueos tédunt. Quos enim aperta iniquitatis esca apprehendere nequeunt, propolita specie pietatis illaqueant. In hanc autem fraudem suadere diabolo cōiunguntur & illi, qui inuitis & reclamantibus siue famulis, siue creditoribus, æs alienum non dissoluant, cum tamen in pauperes & egenos liberales sint. Quid genus monstri (sic enim liceat appellare) Gētiles etiam Philosophi detectati sunt.

Hinc

Hinc Plutarchus memorat, Phocionē Atheniensem, quibusdam à se flagitantibus, vt ad sacrā rem faciendā quippiā etiam ipse prībueret, & diu quasi daturo applaudentibus: Insuper & impudens (inquit) profectō sim, si ad rē diuinam, vobis deposcentibus, aliquid dare animum induxero, hunc autem Callich (dignito creditorem ostēdens) nihil reddidero. Ab hac autē diuini ordinis perturbatione longissimē Ioannes abfuit: qui se ab optatissima Christi consuetudine subduxit, vt inuictōm sibi à Deo testis & præcursoris officium plenius administraret.

Plutar. in Polit.

III.

Vinctus ergo, idē in carcere, mittit duos discipulos ad Christum, dicens: *Tu es qui venturus es, an alium expectamus?* Hoc in loco quæri solet, cur Ioannes interrogat, an Christus Dominus sit. Messias ille in lege promissus, quem ipsum esse baptizando & prædicando clamauerat? Quomodo enim ignorare poterat, cuius præcursor ac testis à Deo electus erat? Sunt qui hoc in loco dicant, Ioannē ipsius Christi oraculo & voce discere voluisse, quod diuini Spiritus ostensione antē didicerat. Quæ enim maxima sunt, quæq; audissimē desideramus, non semel atque iterū, sed milies audire gaudemus. Sic enim pater vnicū atque dilectissimū filium mortuum in bello existmans, vbi ab aliquo fide digno teste viuū esse audire & credit, gaudet, & tanē optat alios atq; alios vitæ nuncios id ipsum confirmāres audire. Cū ergo nulla res esset aut maior, aut optabilior, quā Domini Saluatoris aduentus, eiusdemq; certa fides & cognitio: quid miramur, si adeo faustum atq; lætum nunciū, quod oraculo cælesti pridem Ioannes didicerat, ab ipsius ore Veritatis iterum atque iterum audire vellet? Si enim sola huius tantī beneficij recordatio piās mentes ineffabili gaudio compleret: quid faceret tam illustre ab ipso ore Veritatis testimonium? Neque enim minūs sancti præcursoris animum afficit testimonium Christi, quā Spiritus sancti. Quod si Sponsus ille cælestis, Sponsæ suæ amore captus, vocem eius optat audire, cū ait: *Sonet vox tua in auribus meis; vox enim tua dulcis: quomodo amicus Sponsi Ioannes non optet gaudeatq; audire vocem atque testimonium eius, quem ardentissimo amore ab ipso matris vtero diligebat?* Hanc ergo vocem de re omnium gratissima & maxima audire gestiens, mittit discipulos suos, qui ab eo quærant: *Tu es qui venturus es, an alium expectamus?* Hæc igitur illi, & quidem non absurdē, vt mea fert opinio: sed communis ferē Patrum responsio est, Ioannem inuidentium atque dubitantium discipulorum suorum personam sustinere voluisse; & illorum, non suo nomine, quæstionem hanc proposuisse, vt in superiori Concione à nobis dictum est.

Cant. 1.

Cæterum

Cæterum Dominus legationis consilium intelligens, mirabili ac planè diuino artificio, discipulorum Ioannis infirmam fidem ita sanare aggressus est, vt nec eorum vulnus proderet, & salutarem medicinam, maximè quæ efficacem vulneri adhiberet: varijs enim corporum morbis in eorum conspectu profligatis, infidelitatis morbum ab eorum mentibus depellere volens, ait protinus ad illos: *Euntes renunciate Ioanni quæ vidistis & audistis. Cæci vident, claudis ambulant, &c.* Signa profert veri Messie: quæ olim Ilaïas in aduentu eius futura prænunciarat his verbis: Tunc aperiuntur oculi cæcorum, & aures sordorum patebunt. Tunc sicut ceruus claudus, & aperta erit lingua mutorum. Quibus verbis diuinus Vates cælesti Spiritu afflatus signa profert, quibus verus Messias deprehendi posset. Quæ tamen signa ita sunt veritatis signa, vt sint etiam magna in genus hominum beneficia. Quod quidem miro diuinæ mentis consilio sic ad salutem nostram institutum fuit. Cum enim omnis Scriptura sacra in hoc præcipuè intenta sit, vt fidem & charitatem pectoribus nostris ingeneret, vtrumque his signis effectum est. Eadem enim quatenus signa sunt, fidem excitant; quatenus verò beneficia sunt, charitatem erga tam liberalem & munificum benefactorem incédunt. Cum autem beneficia dico, non agnorum tantum corporum remedia (quæ velimus, nolimus, paulo post peritura, & in puluerem redigenda sunt) sed multo magis animarum sanitates intelligo: ad quas potissimum seruandas, Christi Domini aduentus destinatus fuit. Constat enim, non minùs animas ijs ipsis morbis, atque multò etiam pluribus quàm corpora laborare: quos nemo nisi magnus ille, qui è cælo venit, medicus sanare potest. Esse autem hanc curationem ad spirituales animorù morbos diuinæ gratiæ beneficio depellendos referendam, non obscure idem Vates insinuat: qui vbi verba illa protulisset, Tunc aperiuntur oculi cæcorum, & aures sordorum patebunt, &c. salutis huius causam subdit illico dicens: Quia scisse sunt in deserto aquæ, & torrentes in solitudine. Quid hoc ad morborum depulsionem? Num torrentes aquarum cæcis visum, aut claudis gressum præbere possunt? Hæc ergo rerum inconcinnitate Prophetam nos ad spirituales sensum excitat: quæ res literis sanctis familiaris admodum est. Aquarum autem nomine, non rarò idem Vates diuinæ gratiæ opes & officia intelligit. Vnde alibi quidem ait: Omnes sitientes venite ad aquas, &c. Alibi verò: Haurietis aquas in gaudio de fontibus Saluatoris. Quibus in locis certum est, non de corporeo elemento, sed de diuinæ gratiæ beneficio (quæ mentem fecundat, sitim animæ sedat, cupiditatis ardor refrigerat) Prophetam loqui. Huius verò gra-

atque præcipuum munus est, cæcas hominum mētes diuinæ lucis splendore illuminare, claudos sanare, peccatorū lepram delere, ceterosque spirituales animorum morbos depellere. Quæ ex re liquido constat, Prophetam hoc in loco nō de corporum curatione modò, sed multo magis de spiritualiū morborum depulsionē vaticinatum fuisse: cū causæ redditio, quam intulit, ad hos magis, quàm ad illos pertineat. Est ergo sensus: Messia tēpore diuinæ gratiæ fluente in desertū, & incultam solitudinem (hoc est, in barbaras & immaues nationes, & à diuino cultu alienas) Messie beneficio esse derivanda: quo fier, vt qui mente cæci, claudi, & leprosi, muti, & surdi ad res diuinas erant, nouam essent sanitatem nouosque sensus percepturi.

Sed non ab re hoc in loco fuerit, horum malorum, quibus animi nostri afficiuntur, rationem & naturam paucis aperire. A mutis ergo exordium capientes; muti sunt, qui cū sic vitam suam instruerint, vt in eos merito propheticū illud quadrare possit, Sepulchrum parens est guttur eorum; per quod tot intolerandi factores, hoc est, tot maledicentiæ, scurrilitatis, lasciuie, detractionis, mendaciorum atque peritiorum verba continenter prodeant; numquam de Deo, de salute animæ suæ, de altera vita, de diuinis beneficiis & laudibus vllū vquam verbum faciunt: immo verò, si quis fortè ante illos de Deo rebusque diuinis quicquam loquutus fuerit, risu & cachinnis excipiunt. Hos autem D. Aug. verè mutos appellat, cū ait: Vt tacentibus de te Domine: quoniā ipsi loquaces muti sunt, cū non tuas laudes dicunt. Surdi autem sunt, qui cū tot annos sacra loca frequentarint, tam multas conciones audierint, numquam vel vnum salutare verbum, tam longo temporis spatio audierunt, quia nullum aure cordis perceperunt. Si enim percepissent, non dubium, quin aliam viuendi rationem sequuti essent. Cæci verò sunt, qui cū omnium aliorum mores & vitam perspectissimam habeant, & omnia quæ in Hispania, Gallia, & Italia geruntur nouerint, & omnes acquirendi & nocendi artes probè teneant, & lynceos oculos ad omnia quæ carnis & mundi sunt habeant; in iis tamen rebus, quæ ad sui ipsorum cognitionem, & animæ salutem pertinent, talis ipso cæciore sunt. Quam rem manifestè indicant tot lethalium criminum præcipitia, in quæ impingunt; quod nequaquam illis eueniret, si mentis oculos haberent. Sunt inter hos etiam claudi. Quos claudos appellas? Eos nimirum, qui quamuis oculos habeant, quibus hæc omnia probè norint, animi tamen imbecillitate impediuntur, quo minùs in curriculo pietatis exerceri valeant: qui nec viribus eniti, nec cursu ad virtutum præmia tendere volunt. Atque hoc ipsum sigillatim quale

quale sit, inspicimus. Claudus hoc modo est, qui intelligit non esse fratri irascendum; impotenti tamen ire dominu superatus, non modo irascitur, sed etiam convitiis, maledictis, & indignis atque contumeliosis nominibus ceteros insectatur, & ad ira famulis, ceterisque hominibus imprecatur, quos furis atque demonibus passim deuouet. Claudus item hoc modo est, qui scit verum esse quod Ioannes ait: Qui odit fratrem suum, homicida est; qui tamen vulnus odij & malevolentiae adeo alteri pectori impressum gestat, ut nullis persuasionibus, nullis diuinarum literarum terroribus aut minis, semel conceptum malevolentiae virus deponere velit. Claudus praeterea est, qui intelligit verum esse quod Dominus ait; Qui viderit mulierem ad concupiscendum eam, iam moechatus est in corde suo: & quod Apostolus ait; Neque fornicarij regni Dei hereditatem consequentur: & tamen (ut Petrus Apostolus ait) oculos habet plenos adulterij, & incessabilis delicti. Incessabilis, inquit; quoniam multos passim reperire licet adeo prauis cupiditatibus addictos, adeo Dei sui que oblitos, adeo in omne vitium precipites, ut si ab illis quaeras, an oculorum suorum licentiam aliquando diuini timoris freno cohibuerint, facile respondeant, se prorsus, quid timor Domini sit, ignorare, nec se vniquam in vita cupiditatem aliquam & impetum animi hoc metu compressisse. Horum igitur oculos plenos esse ait adulterij, & incessabilis delicti; quia nihil illis, earum oculis videre contigit, in quod non protinus libidine & cupiditate caeca feratur. Hoc enim ferè huius vitij proprium est, ut, quam mentem semel obsederit, ad extremam vsque aetate prosequatur, sicut in libro Iob scriptum est: Ossa eius replebuntur vitiiis adolescencie eius, & cum eo in puluere dormient. Est enim hic morbus velut lenta quadam phthisicorum febris, quae intra ossium medullas haeret, quae simul cum vita vastandi finem accipit. Quod quidem iustissimo Dei iudicio euenit, ut qui multorum animas perdiderunt, quas ad turpitudinis consensum excitarunt, suarum quoque iacturam faciant, & animam pro anima reddant. Claudus etiam sunt, qui cum sciant verum esse quod Dominus ait; Facite vobis amicos de mammona iniquitatis, ut, cum defeceritis, recipiant vos in eterna tabernacula: tanto tamè mammonae studio & amore tenentur, ut nihil ex suo, quo aliorum inopiam subleuent, diminutum velint. Cumque intelligant misericordiam tutissimam esse defunctorum comitem, ipsi tamen malit opes suas ingratas heredibus dissipandas relinquere, quam in caelestes thesauros per manus pauperum recondere. Claudus praeterea sunt, qui cum sciant proprium esse viri iusti, cor suum tradere ad vigilandum diluculo ad Deum qui testatur

2. Ioan. 2.

Matth. 5.

1. Cor. 6.

2. Pet. 2.

Iob 20.

Simile.

Luca 16.

est illum, & in conspectu altissimi deprecari; scriptum quæ esse.
 Si diluculo surrexeris ad Deum, & omnipotentem fueris de-
 precatus, statim euigilabit ad te, & peccatum reddet habitacu-
 lum iustitiæ tuæ; inertia tamen somno quæ demersi atque se-
 pulsi, longissimis huius temporis noctibus lucis etiam partem
 addunt, quam diuina laudis officio preuenire deberent, & cum
 Propheta dicere: In matutinis Domine meditabor in te, quia
 fuisti adiutor meus. Res est profecto miseratione dignissima,
 quod cum quatuor & viginti horas diei, perituri corporis obse-
 quio impendamus, immortalis animæ curandæ ne vnam qui-
 dem tribuamus. Aduersum hos igitur omnes, qui hoc modo
 claudi sunt, tonat sæpè Dominus & fulminat in Euangelio cum
 ait: Sciatis bonum, & non facienti peccatum est illi. Et, Seruus
 qui scit voluntatem domini sui, & non facit, vapulabit multis.
 Et ad Phariseos, Si cæci (inquit) essetis, non haberetis pecca-
 tum: nunc autem dicitis, Quia videmus, peccatum vestrum ma-
 net. Ex quo loco patet, quanto grauius claudorum quam cæco-
 rum periculum sit, quando illorum peccatum horum compa-
 ratione peccatum non esse dicitur: vsque adeo criminiosum
 ante superni iudicis conspectum est, bonum scire & negligere.
 Quod quidem periculum Christianorum magis quam aliorum
 omnium est; qui fidei lumine instructi, quid honestum, quid
 turpe, & quod vniuscuique rei sue præmiũ suæ supplicium con-
 stitutum sit, ipsa veritate docente tenent.

Sed ne quem hæc cogitatio pusillanimit in desperationem
 coniciat, sciat sibi paratum in Christo habere cõtra hæc mor-
 tiferam animæ venenâ præsentissimum ac salutare antidotum, si
 modo illum toto corde requirat. Is enim pretiosi sanguinis sui
 medicamento omnes hos morbos sanat. Quod enim huius-
 modi claudos sanitati testatur, testatur David, cum ait: Qui
 perfecit pedes meos tamquam ceruorum, & super excelsa sta-
 tuens me. Claudus igitur, qui ad iustitiæ opus moliendum &
 efficiendum se loco mouere non poterat, exsiliet, & tamquam
 ceruus summa celeritate virtutis cursum conficiet, & ad sum-
 mum & altissimum pietatis fastigium aspirabit. Idem etiam
 cæcorum oculos illuminat, sicut is per Isaiam pollicetur, cum
 ait: Et educam cæcos in viam quam nesciunt; & in semitis
 quas ignorant, ambulare eos faciam. Ad hoc enim Zacharias
 illum venisse in mundum ait, ut eos illuminaret, qui in tene-
 bris & in umbra mortis (hoc est in lethali peccato) sedent;
 quod adeo æternæ morti propinquum est, ut umbra corpori
 cuius est umbra. Similiter mutis & surdis se & eloquiũ & audi-
 tum præbere, arcana quadam & mystica ratione ostendit, cum
 surdum & mutum in Euangelio sanauit; quem à turba secre-

Eccli. 39.

Psal. 60.

Iacobi 4.

Lucæ 11.

Ioan. 9.

Psal. 17.

Isaiæ 42.

Lucæ 22.

tum, digitorum tactu, oris spūto, gemitu & suspectu in cælum curauit. Ex qua quidem curandi ratione, morbi huius gravitatem intelligere licet. Cum enim constet Dominum aut simplici verbo, aut simbriz suar contactu ceteros morbos sanasse, tot in hoc curando ceremonias adhibere voluisse, facile morbi huius periculum & curationis difficultatem declarat. Quocirca ipsius periculi vestri magnitudo vos perterrefaciat & excitet, fratres, ut oculos tādē ad lucem veritatis, quæ in die Natalis Domini oritura est, aperiat. Satis hæcenus dormitum est, satis carnis & mundi obsequio datum. Iam nunc tempus exigit, ut Christo Domino, immo verò animæ vestræ, quod superest, tribuatis. Apostolum igitur audiamus omnes dicentem: Nox præcessit, dies autem appropinquavit: abiiciamus ergo opera tenebrarum, & induamur arma lucis, sicut in die honeste ambulemus: ut hac honesta specie, atque habitu ornati, præsepe nascituri in sapientia inquirere, brachiis illam dilectionis stringere, sacris pedibus oscula figere, & piis lachrymis rigare, & toto illum dilectionis affectu amplecti, & in visceribus nostris perpetuo condere valeamus. Quod si à me quisquam requiratur, quid in hoc faustissimo Natalis Domini die ab hoc parvulo petere debeat (quandoquidem magni principes in hisce diebus magnifica seruis suis munera largiri solent) illud respondebo, ut ab hoc infante petat ut vel vnam tantum lachrymulam ex iis quas multas h. o. die vagiens in præsepio fudit, sibi donare dignetur. Hæc enim sola satis superque erit ad omnes præteritæ vitæ sordes abluendas: ut sic tandem ablutus atque mundatus, pura mente & Natalem Domini diem in hac vita celebrare, & in futura reuelata facie eundem non in præsepio vagientem, sed sanctorum animas beantem in gloria sua cernere mereatur.

DOMI-

153
DOMINICA QVARTA IN ADVEN-

TV DOMINI, CONCIO PRIMA: IN QVA,
post Euangelicæ lectionis explanationem, de feli-
cissimo Dei, contraque de infelicissimo demonis
aduentu in animam; deinde verò de præparatio-
ne ad priorem illum Domini aduentum agitur.

THE. *Vox clamantis in deserto: Parate viam Domini, ve-*
litis facite in solitudine semitas Dei nostri. Itala 40.



Vigatissima Philosophorum sententia est, fratres
charissimi, naturalem morum, cum termino ap-
propinquat, esse velociorem. Nos autem hoc
tempore ad sacratissimam Natalis Domini diei
tendimus. Quo ergo tam eximie solemnitati
propiores sumus, hoc alacrius currere debemus;
eoque diligentius corda nostra ad nascentis Domini gratiam
præparare. Itaque in præsentī Concione de spirituali Christi
aduentu in animam, deque præparatione ad illum digne exci-
piendum, post Euangelicæ lectionis explanationem, pauca di-
cere constitui. Sed ut hoc præstantissimum argumentum pro
dignitate tractare possimus, ad solita beatissimæ Virginis suf-
fragia suppliciter confugiamus.

A V E M A R I A.

In Lectio sancti Evangelij legationem quandam Iudeorū ad
Ioannem Baptistam in litore Iordanis baptizantem continet.
Erit autem operæ pretium, legationis huius causam paucis ex-
ponere. Constat planè, Christianæ religionis fundamentum
esse fidem in Christum; Apostolo dicente: Fundamentum
aliud nemo potest ponere, præter id quod positum est, quod est
Christus Iesus. Quia verò totius spiritualis ædificij summa
ex fundamento pendet, diuina providentia (cuius perfecta sunt
opera, & quæ nihil, quod sit modò ad salutem hominum ne-
cessarium; vilo vnquam tempore prætermisit) maxima cura
providit, ne circa huius fundamenti cognitionem homines
aberrarent. Ideoque Propheta antè præmisit, qui diligentissi-
mè signa omnia, temporaque venturi Christi hominibus
nunciarent. Neque Prophetas modò, sed Sibyllas etiam apud
Gentiles hæc eadem nunciantes, destinavit: ut qui ad vtro-
que homines seruandos venturus erat, virisque aduentus sui
testes

1. Cor. 3

*Prophetæ
Sibyllæ*

testes ac indices locupletissimos mitteret. Sibyllas autem, hoc est, selectissimas virgines ex Gentibus potissimum delegit, quibus hoc arcanum celeste committeretur: tum propter virginem puritatem (qua potissimum Spiritus sanctus delectatur) tum etiam propter testimonij firmitatem & sinceritatem. Hominum enim, ac præcipue sapientum testimonia, Philosophiæ magis, ac humanæ sapientia tribuerentur. At rudium & indoctorum virginum elogia, non literis (quibus carebant) sed Spiritui diuino virgineo ore loquenti facile tribuerent. Non tamen satis fuit diuinæ providentiæ, tot Prophetarum Sibyllarumque testimonia venturum Christum denūciantia præmississe: sed his omnibus addidit novum & locupletissimum testimonij, qui non futurum prædiceret, sed præsentem ostenderet: ne in re tanti momenti fides humana nutaret. Is autem fuit Ioānes Baptista, Christi præcursor ac testis, qui in hoc ipsum à Deo potissimum destinatus est, Euangelista dicente: Hic venit in testimonij, ut testimonium perhiberet de lumine, ut omnes crederent per illum. Sic enim lucifer ante solem exoritur, solis proximum aduentum prædicat: ita Ioannes, velut spiritalis quidam lucifer, Solis iustitiæ aduentum mundo nunciauit. Quia verò testis integritas & innocentia ad testimonij firmitatem plurimum valet: ideo quem Dominus tantæ veritatis testimonij designauerat, extrema quædam & insolita sanctitatis gratia donauit; addidit ut inter natos mulierum nullus Propheta maior illo surrexerit. Cuius sanctitatis splendor ita intuentium oculos animosque perstrinxerat, ut non lucifer ante Solem, sed Sol ipse splendidissimus crederetur. A quo errore homines Euangelista liberat, cum ait: Non erat ille lux, sed ut testimonium perhiberet de lumine. Quibus verbis populi opinionem arguit, qui Ioanni Christi nomē & dignitatem tribuebant. Sic enim Lucas ait: Estimante autem populo & cogitantibus omnibus in corde suo de Ioanne, ne forte ipse esset Christus, &c. Cum ergo rumor hic per omnium ora volitaret, grauiter hac populi opinione Pharisei commoti (qui, consilium Dei spernentes, Ioannis baptismum non receperant) hanc ad eum legationem destinarunt, quæ per Sacordotes & Leuitas impietatis suæ socios à Ioanne inquirerent, *Tu quis es?* in hoc, &c. ad id, &c. *Et confessus est* (ait Euangelista) *& non negauit, & confessus est, quia non sum ego Christus.* Quæ verba non vulgarem emphasim perseferunt. Al oquin simpliciter respondere potuisset: Non sum ego Christus. Sed Euangelista iterum atque iterum repetit: *Et confessus est, & non negauit, & confessus est, &c.* ut hac loquendi figura sollicitudinem atque timorem sancti præcursoris haud obscure declararet, cum sibi diuinos honores tribui imprudens

tis po-

ris populi opinione cerneret. Nullus enim vir, etiam zelotypia simile.
 aegritudine laborans, usque adeo de uxoris sue pudicitia solici-
 tus est, quam Sancti omnes fuerunt ne sibi quicquam diuini
 honoris arrogarent, aut ab aliis sibi tribui parerentur. Sic Pau-
 lus & Barnabas, cum eos Lystris ciues propter edita miracula
 adorare vellent, confectis tunicis, tantæ impietati obtulerunt,
 dicentes: Viri quid faciris? & nos mortales sumus, &c. Neque
 verò contenti populum ab hac temeritate reuocasse, cursu, vo-
 ce, vestiumque abiectione, quantus eos tremor inuasisset, satis
 indicarunt. Simili consilio & affectu Ioannes à se diuinos ho-
 nore depulit: & qui probè teneret, quàm immane nefas esset,
 hominem sibi diuini aliquid assumere. Quo enim alio scelere
 & primus patens & summus ille Angelus in barathrum deie-
 ctus fuit, nisi quod uterque diuinam sibi similitudinem usur-
 pare præsumpsit? Illi enim dictum est, Eritis sicut dii: hic verò
 ait: Similis ero altissimo. Et tamen cum hoc ita sit, multos pas-
 sim videre licet, qui, quamuis nomen Dei sibi sumere non au-
 deant, diuinos tamen honores inuadere non verentur. Non
 enim dicent, Deus ego sum: ita tamen se in vita gerent, ac si
 dii essent. Sic enim ad Regem Tyri per Ezechielem Dominus
 ait: O Tyre, tu dixisti, Deus ego sum. Quoniam modo? Subdit
 deinde: Posuisti cor tuum, quasi cor Dei. Quia videlicet sic te
 gessisti, quasi Deus esses, dignum tibi, quod vni Deo debebatur,
 tribuisti. Quàm multi autem hac se ratione deos faciunt! Dic
 enim mihi, an non Deo diuinitatis iure debetur, ut is vltimus
 rerum omnium finis sit, ac proinde ipse sit super omnia dili-
 gendus, & omnia ad illum, seu ad vltimum finem, referenda:
 adeo ut seipsum quoque homo, vitamque suam ad illius obsequium
 destinare, & propter illum, si opus fuerit, morti offere debeat?
 Si ergo tu te ipsum vltimum finem facis, te super omnia dili-
 gens, tibi cuncta seruire volens, te rebus omnibus antefereus,
 & non humana solum, sed diuina quoque omnia ad te, tuasque
 commoditates referens: an non diuinum tibi honore, soli Deo
 debitum, arrogas? Quisquis igitur hoc facis, quamuis non assu-
 mas tibi nomen Dei, assumis certe rem & honorem Dei: sicut
 is faceret, qui in Repub. nomen quidem Regis non assumeret,
 officium tamen & dignitatem sibi Regis vindicaret.

Sunt & alie rationes, quibus sibi homines diuinos honores
 quodammodo tribuunt. Qui enim inani gloriæ student, quic-
 que de acceptis à Deo beneficiis impudenter gloriantur, an non isti
 etiam gloriam, quæ soli Deo debetur, suffragantur, & sibi tri-
 buunt quod diuinum est? Quod si idololatram appellatum,
 qui thuris vel thymiamatis suffragum, quod soli Deo licetur, ido-
 lo offert: quomodo non saltem spirituale idololatram appellabis

Act. 14.

Genes. 3.

Esaia. 14

Ezech. 28

simile

simile

simile

cum, qui gloriam, hoc est, thymiana suauissimum, & thus vni Deo debuit, sibi sumit? Neque enim minùs vni Deo gloria, quàm thuris suffimenta debentur, *emo. thuris. m. q. 1. 1. 1. 1.*

Ingrati quoque, qui numquam beneficiorum Dei memores sunt, qui numquam oculos in cælum tollunt, qui ita beneficiis Dei vtuntur, ac si illa non à Deo, sed à seipsis percepissent; atque ita viuunt, ac si seipsos ipsi condidissent, nec ab alio pendere; an non isti quoque se quodam modo Deos faciunt, dum sibi, quod Dei proprium est, tribuunt? Hac enim ratione Pha-

Exech. 19 raonem Dominus increpauit, cum ait: Ecce ego ad te draco magne, qui cubas in medio fluminum tuorum; & dicis: Meus est fluuius, & ego feci memetipsum. Hoc planè mente & oratione nemo vnquam sanus dicere potuit. Quis enim sanus dicat, Ego feci memetipsum? Qui enim nòdum exstat, quomodo facere quicquam potest? Retrahemus & opere id multi dicunt illi videlicet, qui diuinorum beneficiorum memoriam omnem deposuerunt, qui que ita eis vtuntur, ac si ea ipsi sibi peperissent. Quo quid amentius aut impudentius fingi potest? Quis adeo stupidus est, qui nesciat, neminem aut manum, aut pedem, aut quoduis aliud membrum, sine præsentis Dei ope mouere posse? Itaque cum loqueris, Dominus ipse linguam tuam magis, quàm tu ipse, mouet: cum ambulas, pedes ipse tuos magis, quàm tu ipse, dirigit. Omnis enim creatura instrumentum quoddam Dei est, Deus verò in omni actione principalis causa. Vnde sicut in quouis opificio artifex magis quàm artificis instrumentum causa operis esse dicitur: ita cuiuscumque naturalis actionis nostra Deus magis, quàm nos ipsi, causa est. Cum hoc igitur non solum fides doceat, sed etiam philosophiæ ratio demonstret: quanta, quæso, cæcitas & insania est, cum his omnibus diuinis beneficiis perfruamur, numquam oculos in cælum tollere, numquam auctorem vitæ, conseruatorem salutis, & honorum omnium largitorem suspicere? numquam vel cogitatione saltem dicere, Quis est hic, qui mihi vitam tribuit? qui membra regit? qui lucem oculis, calorem visceribus, pedibus morum, & cordi spiritum tribuit?

Simile. Constat enim verum esse quod Daniel Propheta dixit: Deum esse qui statum nostrum habeat in manu sua, sine cuius virtute ne spirare quidem possumus. Idemq. Isaias Propheta cõfirmat his verbis: Hæc dicit Dominus creans cælus, & extendens eos; formans terram, & quæ germinant in ea; dâns statum populo qui est super eam, & spiritum calcanti bus eam. Præterea cum tu equatus alto sopore mergeris, te ignorante & quiescente, ipse hauritum potum & cibum in stomacho tuo concoquit: deinde in hepate per membra omnia diffundendum transmittit: tum

Dan. 5.
Isaias 42.
partem

partem eius in cor trahit, ut inde per arterias in spiritus vitales atque calorem solvatur: indeq; rursus ex corde ad cerebrum traducit, ut nobiliori adhuc forma ibidem percepta, spiritus generet, quos medici vocant animales, quibus sensum & motum membris tribuit. Quis igitur omnia hæc officia, quibus salus & vita hominum continetur, dum tu dormis ac stertis, adeo diligenter exsequitur, nisi Deus ipse naturæ rector & auctor? Cur igitur dum lætus & alacer à somno excitaris, quæ oneratus tibi accubisti, non illi gratias agas, non laudibus efferas illum, qui cum tibi nihil debeat, singulis noctibus totum corpus tuum, hoc est, pulcherrimum animæ domicilium perlostrat; & quidquid ad incolumitatem & salutem tuam necessarium est, te ignorante procurat? Hac enim de causa prudentissima illa septem Machabæorum mater filios suos ad omnia pro fide & amore in Deum tormenta subeunda hortabatur, quod illos Deus in materno utero ipsa ignorante formasset. Sic enim ad filios ait; 1. Mac. 7. Nescio qualiter in utero meo apparuistis. Neq. enim ego spiritum & animam donavi vobis & vitam, & singulorum membra non ego ipsa compegi: sed enim mundi creator, qui formavit hominis natiuitatem, quique omnium invenit originem. Si ergo sancta hæc femina non unum aliquem, sed septem filios, ad atrocissima supplicia pro fide sustinenda, huius beneficii consideratione inducta hortabatur: quomodo, quaeso, nos hoc unum beneficium (ut cætera taceantur) vel ad solam gratiarum actionem non incitabit?

Cum ergo Ioannes (ut ad id, quod initio proposuimus, redeamus) procul à se omnem dignitatis Christi suspensionem humili & aperta confessione depulisset, quærunt ab eo rursus legati: *Quid igitur? Helias es tu?* Sciebant ex vaticinio Malachiæ Malach. 3. Prophetæ Heliam in mundum esse venturum. Ait enim Dominus: Ecce ego mittam vobis Heliam Prophetam: quem propter hoc igneo currû sublarum alicubi adseruari credebant. Vide autem quantæ apud populû dignitatis erat Ioannes, quæ vel ipsum Christû, vel certè Heliam Prophetâ clarissimû esse arbitrabantur. Cumque rursus & hoc quoque negasset (quia quamvis in spiritu & virtute rituq; viuendi Helias esset, in personâ tamen Helias non erat) quærunt ab eo rursus: *Quid igitur? Prophetæ es tu?* Græcè articulus appositus est, quo hic sensus redditur: *Esne tu ille Prophetæ?* Unde patet, non eos in communi de Prophetæ nomine ac dignitate quæsisse, sed de illo excellenti Prophetâ, de quo Moyses scriptum reliquerat: Prophetam suscitabit tibi Dominus de fratribus tuis: illum sicut me audietis. Er erit qui cum non audierit Prophetam illû, ego ultor existam: De hoc igitur singulari & excellenti Prophetâ inquirunt, quem, errore Deut. 18.

lapsum, alium à Christo esse existimabant. Cum ergo Ioannes se nec Christum, nec Heliam, nec Prophetam illum esse dixisset, legati consequenter quærunt: *Quis ergo es? ut responsum demus iis qui miserunt nos? Quid dicis de te ipso?* Ego (inquit) *vox clamantis in deserto, Dirigite, &c.* Non est sensus, Ego sum vox: sed, Ego is sum, quem Itaias Propheta in spiritu audivit, cum dixit vocem se audire clamantis in deserto, Parate viam Domini, rectas facite in solitudine semitas Dei nostri. Quæ quidem verba (quoniam instituto nostro maximè quadrant) paulo fusiùs in huius Concionis fine explananda relinquo.

Pergunt igitur illi, & quærunt: *Quid ergo baptizas. si tu non es Christus, nec Helias, nec Propheta?* Respondit Ioannes: *Ego quidem baptizo vos in aqua, medius autè vestrū stetit quem vos nescitis.* Vereor, fratres, ne hæc verba in nos quoque quadrare possint, quæ aduersus Pharisæos dicta sunt. Illi enim Christum, quia externa specie & habitu humilem atque abiectum viderunt, & huiusmodi existimantes, non agnouerunt: nos quoque, eundem in pauperibus latentem, simili ratione delusi, non agnoscimus. Scimus enim toties Dominus repetit: *Quod vni ex fratribus meis minimis fecistis, mihi fecistis: an nō in paupere ipso Christus est, quando quicquid in illum beneficij cōtuleris, in Christum confers?* Et tamen cum humili specie atque habitu pauperes cernimus, ita deludimur, vt nihil aliud in paupere, quam pauperem esse credamus: cum tamen (quod ad præiudicationem attinet) in illo verè lateat Christus. Quod quia modò intelligere volumus, erit quando intelligamus: nimirum cum Domino illa eadem verba in iudicio proferente, ab eo improbi quærant: *Domine, quando te vidimus esuriientem, aut sitientem, aut nudum, aut in carcere positum, & non ministravimus tibi?* Quibus ille respondebit: *Amen dico vobis, quàm diu vni de his fratribus meis non fecistis, nec mihi fecistis.*

Sequitur deinde Ioannis responsio, à singulari animi submissione profecta: *Cuius, inquit, non sum dignus solvere corrigiam calceamenti.* Marcus addit: *Procurans solvere corrigiam calceamenti.* Vide quantus vir quantū se deiecit ante pedes Christi: nec hoc se tanto munere dignum fateatur, vt vel corrigiam calceamentorum eius humi pronus dissolvat. Vt hac ratione intelligamus, sanctissimos quosque viros, quo maiori apud Deum gratia & honore fuerint, eo se modestiùs ac submissiùs gerere: & quo magis eorum puritas & dignitas augetur & crescit, eo magis sui æstimationem decrescere, crescere autem timorem, humilitatem, & reuerentiam; adeò vt quo se maioribus à Deo beneficiis honestari vident, hoc maiore metu conueniantur, quòd se debitor gratiæ referendæ inopares esse cognoscant.

noſcant. Hinc D. Greg. Anima (inquit) proſectibus ſuis qua-
 titur, & magis illuminata plus metuit. Sic ſanctus Iob: Auditum
 (inquit) auris audiuit te, nunc autem oculus meus videt te: id-
 circo ipſe me reprehendo, & ago pœnitentiam in ſauilla & ci-
 nere. Quo igitur vir ſanctus clariùs Dominum agnouit, hoc
 apertius comparatione tantæ lucis, non modò vilitatem ſuam,
 ſed etiam indignitatem, & vitæ deformitatem intellexit: ideo-
 que tunc maximè ſe reprehendit, & pœnitentiæ durioris pro-
 poſitum arripuit. Sancti enim viri (vt idem Gregorius ait) quo
 propiores luci ſunt, hoc magis quiddam impurum in eis latet
 agnoſcunt. Sic ſolis in luce ſolis poſiti, muniſſimos quosdam
 atomos in medio aëre volitare cernimus, quos ſub maligna lu-
 ce minimè videbamus. Ad hunc modum ſancti viri ſolis iu-
 ſtitiz radiis obiecti, minima etiam intra ſe delicta non modò
 vident, ſed etiam plangunt, eademque vitare diligentiffimè
 ſtudent. Hinc de beata Paula D. Hieronymus ſcribit, quòd
 inouitiſſima peccata ita deſcebat, vt grauiffimorum criminum
 ream eſſe putares. Hinc D. Bernardus: Spiritus (inquit) ſanctus
 facit hominem ſolicitem ambulare cum Deo, & cruciatur pro-
 funda peſtorum, diſceretor eſt cogitationum & intentionū cor-
 dis, qui nec minimam paleam intra cordis, quod poſſidet, habi-
 taculum patitur reſidere; ſed ſtatim igne ſubtiliſſimæ circum-
 ſpectionis exurit. Qui verò hac luce deſtituti ſunt, non modò
 paleas, ſed nec trabes etiam, hoc eſt, grauiffima peccata gernūt.
 Cui rei vel illud argumento eſt, quòd, cùm ſemel in anno con-
 ſitentur, vix vnum aut alterum peccatum proferunt: cætera
 enim Confeſſario inquirenda & indaganda relinquunt. Huius
 autem ignorantiz nulla alia cauſa eſt, niſi quòd hoc cæleſti lu-
 mine deſtituti, nec ſe ipſos, nec turpiſſima flagitia ſua (in qui-
 bus ſcèdiſſimè ſacent) intuentur. At Ioannes quo magis hoc
 cæleſti lumine perfulſus erat, hoc ſibi magis diſplicebat, ſequè
 magis ante Chriſti Domini pedes abiecit.

Cuius exemplo diſcant etiam Sacerdotes, cùm ad tremen-
 da altaris myſteria accedunt, quo timore & reuerentia illò ad-
 ire debeant; quando is, qui ab vtero matris Spiritu ſancto pie-
 nus erat, indignum ſe eſſe fateatur, qui ad pedes Domini pro-
 cumbens, corrigiam ſoluat calceamentorum eius. Videant etiam
 omnes hi, qui in hac proxima ſolennitate intra ſe naſcentem
 Dominum in ſacra Euchariftia percepſerunt ſunt, qua reuerètia,
 qua humilitate, qua religione & timore excipere illum debeat,
 cuius calceamenta inter natos mulierum maximus attingere
 non audet. Haſtenus de Evangelica lectione: nunc ad propo-
 ſita thematis verba redeamus.

Tractatio thematis. I.

Parate (inquit) viam Domini, rectas facite in solitudine semitas Dei nostri. Quoniam his verbis præcursor Domini Ioannes munire nos viam monet, qua vnigenitus Dei Filius ad nos venire, sedemque in nobis constituere dignetur (quæ quidem admonitio ad huius sacri temporis rationem, quo nasciturū illū expectamus, maximè pertinet) duo mihi ad hanc præparationem dicenda esse videntur. Primum, quæ sit eius animæ felicitas, quam Dominus inhabitare dignatur: deinde, quid nobis factū opus sit, quo tãti hospitis præsentia digni habeamur. Quia verò contraria iuxta se posita mutuo se illustrent, quo dignitatem animæ Deū possidentis intelligamus, miseriam eius conditionem, quæ Dei gratia & præsentia destituta est, primo loco explicare debemus.

Cum autem hoc multis rationibus perspicui possit, vnam tamen hoc in loco afferam: quod huiusmodi videlicet anima, quæ Deo vacua, & à dæmone obsessa & occupata est, desertum & solitudo in literis sanctis appellatur. Hoc enim adumbrabat desertum illud & solitudo, in qua Propheta prædicantē Ioannem in spiritu audierat, cum ait: Vox clamantis in deserto; Parate viam Domini, rectas facite in solitudine semitas Dei nostri. De quo planè deserto atque solitudine alibi apertius dixerat: Ponet desertum eius quasi delicias, & solitudinem eius quasi horum Domini. Hoc enim loco Propheta non de vasta aliqua eremi solitudine, sed de spiritali (hoc est, de anima quæ donis cælestibus spiritalique cultura destituta est) loquutus est. Vacua enim Deo pectora, & Spiritu sancto arentia, deserto squalentis eremi ac solitudini comparantur. Est autem mira Spiritus sancti philosophia, quod animam, Dei gratia & præsentia destitutam, non modò solam, sed etiam solitudinem appellauit: vt hac ratione extremam eius inopiam, nuditatem, inanitatemque designaret. Quisquis igitur vno Deo vacuus, omnium aliorum bonorum compos est, nihil habet, nihil est, desertū & solitudo est. Hinc D. Augustinus: Omnis, ait, copia quæ Deus meus non est, egestas mihi est. Vt eodem diuus Bernardus ait: Ad imaginem Dei facta anima rationalis, cæteris omnibus occupari potest, repleti non potest. Capacem enim Dei, quidquid Deo minus est, non implebit. Quam quidem philosophiam probè tenebat sanctissimus ille Rex, qui in summa rerum opulentia, quasi omnium egens, ad Dominum aiebat: Quid mihi est in cælo, & à te quid volui super terram? Quod perinde est ac si diceret: Quidquid in cælo &

in terra præter te est, vile mihi est: solus tu mihi charus & preciosus es: Deus cordis mei, & pars mea Deus in æternum. Tu enim solus sinum cordis mei reple, tu solus sitim eius sedas, tu solus famem depellis, in te solo velut in centro suo animus meus acquiescit, in te curarum omnium atque malorum medicamentum inuenit: in cæteris verò rebus, perturbationis & sollicitudinis assidue damna patitur: eademq. patiuntur quicunque extra te beati & felices esse cupiunt. Quæ ergo enim ab istis qui hoc præsidio destituti viuunt, quem habeant in laboribus suis adiutorem? quem in periculis defensorem? quem in rebus dubiis consiliarium? quem in doloribus consolatorem? quod in tentationibus perfugium? cuius cõtemplatione pascantur? cuius memoria recreentur? cuius doctrina erudiantur? cuius contritu oblectentur? cuius auspiciis, quæ moliri cupiunt, aggrediantur? cum quo familiaria misceant colloquia? ad quem mentis suæ oculos attollant? quis illis ad sit comedentibus, legentibus, dormientibus, excitatis & vigilantibus? Quid enim est, ad quod non adiunget oculos in Deum tollere? hoc est, ad illum, ex quo omnia, per quem omnia, & in quo omnia, mentis aciem eleuare?

Rom. II.

Cæterum in deserto non modò rerum omnium ad vitæ usum pertinentium inopia est, sed magna etiam earum rerum copia, quæ nocere possunt: hæc est, ferarum, reptilium, atque serpentum. Has autem venenatas & immanes feras in ea mente domicilium habere, quæ diuinò Spiritu vacuata sit, nõ obsecrè Iaias sub euerse Babylonis imagine exprimit, cum ait: Orientur in domibus eius spinæ, & vrtice, & paliurus in munitionibus eius: & erit cubile draconum, & pascua struthionum, & occurrent dæmonia, onocentaurus, & pilosus clamabit alter ad alterum: Ibi cubauit lamia, & inuenit sibi requiem, ibi habuit foueam hericij, & nutriuit catulos, & circumfodit, & fouit in vmbra eius: illic cõgregati sunt milui, alter ad alterum. Vt autem harum bestiarum ingenium & naturam cernere valeamus, subiiciamus oculis hominem sceleratum & impium, in cuius pectore nulla diuini timoris aut pietatis scintilla resideat, sed à suis vbique cupiditatibus agatur. Hic iam intra cordis sui penetratissima & troculentissimum rerum draconem, nempe fomitem peccati: cuius tot sunt germina, tot capita, quot in eo praua desideria vi fomitis excitantur: à quibus scelerati homines & aguntur, & anguntur, & variis modis ad peccata extimulantur. Nunc enim ad illecebras carnis, ad ludos, ad voluptates, ad superbiam, ad auaritiam, rapiuntur: nunc verò diuersa ratione ad ea, quæ carni sunt molesta, incitantur: nempe ad furorem, ad iram, ad odium, ad inuidiam, ad vindictæ

simile.

S. nile.

vindictæ cupiditatem, cæterasque pestes animum variè pun-
gentes atque lacerantes. Anima advertite, quaeso, inter quot fe-
rarum agmina, nuda & inermis anima constituta sit; foris pu-
gnæ, & irritamenta malorū, intus verò vitiosi affectus, stimuli-
que ad malū prouocantes. Quo animæ statu quid esse misere-
bilis potest? Miserandū sanè spectaculum, si quis ciuitatem
videret à truculentissimis hostibus obsessam, nulloque ad mu-
rorum aut militum præsidio cinctam. Sed quid esset, si hostes
exteriūs quidem vrgerent, intus verò ciues ipsi inter sese hosti-
libus odiis dimicarent? Quid igitur hoc spectaculo calamito-
sius, quid funestius? Hæc igitur est imago animæ Dei gratia
destituta, quæ tot stimulis malorum interiūs, totq. agminibus
hostium exteriūs circumfessa exagitur, vexatur, & impugna-
tur. Cum enim ea neq. Dei gratia, nec charitatis præsidio mu-
nita sit; cū nullus in ea Dei respectus, nulla diuini timoris scin-
tilla, nulla futurorū cogitatio, nullus diuini iudicij metus, nulla
sui custodia sit; sed natura infirma, & peccati labe infecta, vna
tantūm informi fide ac spe relicta; quid non patiatur? cui mi-
seriæ non pateat? cui hosti non succumbat? Denique in eo statu
est, in quo nauis esset, quæ, clauo, malo, ac gubernatore subla-
tis, validissima tempestate iactaretur: quæ fluctibus ac flatribus
cedens, huc & illuc ageretur, donec scopulis illisa frangeretur.
Talis ergo est anima illa misera, quæ inter illecebras blandien-
tis sæculi, & affectuum suorum status constituta, nō semel arq.
iterum, sed millies diebus singulis scopulis peccatorum illisa,
virtutis & innocentie naufragium facit. Quoties enim qui ra-
lis est, aut peierat, aut atrociter irascitur, aut conuitiatur, aut
alienæ tamē detrahit, aut inuidet, aut temerè iudicat, aut malè
precat, aut aliena concupiscit, aut impudicis cogitationibus
oblectatur, toties animæ suæ nauem frangit. Quo quid esse mi-
serabilis potest? Hic ergo status, hæc conditio est infelicitis ani-
mæ, quæ Dei gratia & præsentia spoliata est: propter quod de-
sertum acque solitudo meritò nuncupatur.

I I.

Sed quoniam solitudinem infelicitis huius animæ vtrumque
descripsimus, operæ pretium erit, ut statum quoque eius quam
Deus inhabitat, exponamus. Quod planè idē sanctus Prophe-
ta breuissima & aprissima similitudine expressit, cū ait: Pone
desertum eius quasi delicias, & solitudinem eius quasi hortum
Domini. Ex quo planè colligimus, quòd quam differentiam
inter squalentis eremi solitudinem, & cultissimi horti amœni-
tatem assignare solemus, eadem inter animam quam Deus
deserit, & quam inhabitat, constituamus oportet. Nihil enim
deformius animæ quam Deus deserit, nihil contrà speciosius

ea in

ta in qua Spiritus sanctus cōmoratur. Quibus enim virtutum floribus & plantis hunc spiritualem hortum cælestis Spiritus conserat, idem per eundē Prophetam explicat, cū ait: Ponam in deserto abierem, ylmum, & buxum, Pro salicuncula adscēdet abies, & pro vrtica ērescet myrtus. Hoc est, pro spinis ac tribulibus vitiorum, quos maledicta terra olim germinabat, omnium virtutum germina pullulabunt: quando membra, quæ seruiebant iniquitati ad iniquitatem, modō seruiunt iustitiæ in sanctificationem. Quod quidem alio loco idem Propheta expressit, cū ait: In cubilibus, in quibus prius dracones habitabāt, orietur viror calami & iunci, & erit ibi semita, & via sancta vocabitur. Impura enim anima cubile draconum est, in qua dæmones habitant, in qua iræ, inuidiæ, odia, rixæ, contentiones, æmulationes, cæteraq; venenatæ pestes (quas antè retulimus) commorantur: quæ vbi ad Dominum conuersa est, fit paradysus deliciarum, in quo viror calami & iunci, hoc est, virentes variarum virtutum flores & fructus gratissimi oriuntur: qui sunt (vt Apostolus enumerat) charitas, gaudium, pax, patiētia, lōganimitas, bonitas, benignitas, mansuetudo, fides, modestia, continentia, castitas. Sed vnde (quæso) tanta pulchritudo? vnde tanta virtutum fecunditas? Causam paulo antè reddiderat dicens: Quia scissæ sunt in deserto aquæ, & torrentes in solitudine; & quæ erat arida, in stagnū, & sitiens in fontes aquarum. Hoc est, nō hoc humanæ naturæ, sed diuinæ gratiæ munus est: quæ misericorditer in terram sitiētem, atque spirituale desertum per Christum effusa est. Vt enim quōdam vis aquæ ex petra profluxit, quæ non solum populi sitim exstinxit, sed amœnissimam viriditatem ex illa vastitate aridæ & incultæ telluris elicit, totamq; illam terræ superficiem, quam alluebat, herbarum atque plantarum insolito cultu vestit: sic diuinæ gratiæ perennis quidam fons ē spirituali petra, Christovi delicti salutis nostræ auctore, manabit: qui nō modō sitim depellat, verū etiam mentes hominum, vitiorum asperitate vastatas, aquis in omnes partes deductis atque derivatis, arboribus & herbis lætissimis, amœnissimisque virtutum omnium viridatis exornet. Terra solum exusta, stagnantium aquarum copia redūdabit in locis aridis atque sitiētibz fontes scatebunt: vbi primum fuerant serpentum latibula, priata confestim existēt, herbarumque nitidissimo cultu vestientur, & calami frequentes exsurgent, & iunci viriditas eminebit.

Cū igitur tanta sit animæ felicitas, quam Deus inhabitat, & tanta rursus eiusdē infelicitas, vbi diuina gratia nudata est: meritō Propheta nos ad Deum intra cordis nostri penetralia recipiendum inuitat, cū ait: Parate viam Domini, rectas facite

Esaie 41.

Rom. 6.

Esaie 35.

Galat. 5.

Exod. 17.

Sap. 1.

2. Cor. 6.

Matth. 8.

simile.

21. 1087

cite semitas Dei nostri. Sed quomodo (ais) parabo? Primum quidem cunctis vitiorum sordibus animam purga: Nec enim in maleuolam animam introibit sapientia, nec habitabit in corpore subdito peccatis. Sed ais, A quibus potissimum peccatorum sordibus purgari debeo? Primum quidem à lutulenta libidine, quæ non modò animam, sed corpus etiam inquinat: cum Spiritus sanctus non habitet in corpore subdito peccatis. Omne autem peccatum (ait Apostolus) quodcumque fecerit homo, extra corpus est: qui autem fornicatur, in corpus suum peccat, atque ita diuini Spiritus domicilium polluit & contaminat. Is namque inter candida pudicitie lilia pascit, ut, sicut contra spiritus nequam in libidinum cœno volutari gaudet: ideoque facultatem à Domino petiit porcorum gregem inuadendi. Deinde etiam à sordibus auaritie purgari debet: quæ amore terrenorum, seu puluere quodam, sic mentis aciem hebetat, & animam ita sordat, ut in ea diuinæ claritatis imago nò fulgeat. Sicut enim speculum puluere oblitum atque respersum, non reddit imaginem intuentis: ita anima nostra (quæ imago Dei est) auaritie puluere sordata, puram conditoris sui imaginem minimè refert. Adde etiam, quòd hæc pestis animam venalem habet, salutemque & vitam, atque ipsum rerum omnium Dominum vili pretio commutat. Itaque quisquis alienum retinet, ipse à diabolo constrictus tenetur, atque ita indignus efficitur, in quo Christus habitare dignetur. Ideoque qui rapinis, qui visis, qui fraudibus alterum læsit, curet hoc sacro tempore Domino suo reddere, quòd malè subripuit. Postremò à sordibus quoque odij purganda mens est: Deus enim charitas est: & sicut qui manet in charitate, in Deo manet, & Deus in eo: ita contra qui perstat in odio, ipse in diabolo manet, & diabolus in eo. Quamobrem, quisquis in hac sacra solennitate nascentem Christum intra cordis sui hospitium excepturus est, omne ex animo suo odium, & vindictæ cupiditatē pellere debet cum cæteris, quas supra diximus, pestibus. Quibus pellendis sacramentalis confessio cum melioris vitæ proposito deferuit, quæ nulli Christianorum hoc tempore prætermittenda est. Sic enim olim summus quidam Pontifex constituit, ut fideles omnes in triplici Paschate confiterentur, Eucharistiamque perciperent: alioquin indignos futuros, qui Christianorum nomina conferrentur. Purgatis autem sordibus vitiorum, protinus virtutum officiis domus mentis ornanda est: iis præsertim quæ ad hoc munus maximè conducunt: quales nimirum illæ sunt de quibus Salomon ait: Misericordia & veritas te non deserant: circunda eas gutturi tuo, & scribe in tabulis cordis tui. Ad veritatem autem siue iustitiam pertinet, ut reddas

vnicul-

vicuique quod suum est: cui timorē, timorem: cui honorem, honorem. Ad misericordiam verò, ut frangas esurienti panem tuum, & egenos inducas in domum tuam, & cum videis nudum, operias eum. Quod cum omni tempore faciendum sit, tum maxime in hac sacra solennitate, in qua Christus in pauperibus suis nudus alget: quem æquum est ut hoc hiemis tempore algentem & nudum vestiamus, & esurientem pascamus. Ipse namque ait: Hæc requies mea, resicite lassum, & hoc meum refrigerium. Vbi verò iis virtutum floribus mentis tuæ domicilium ornaveris, tum ad sacram Eucharistiam accede: ad quam si in hac tanta solennitate non accesseris, minis profecto dignè Natalem Domini celebrasti, quando operam minime dedisti ut hac saltem ratione in te Christus nasceretur. Quocirca oro obtestorque vos, fratres, ne vos ipsos huius tanti hospitii beneficio fraudate velitis. Vbi enim Christus nascitur, ibi nouus homo noster renascitur, ibi deponit imaginem hominis terreni, & assumit imaginem celestis, ibi in Dei filium adoptatur, ibi regni celestis hæres efficitur, ibi in vitam Dei templum consecratur, ibique simul cum Christo nascente oriuntur iustitia & abundantia pacis: quæ pius homo cupiditatis immanitate compressa (quæ omnium externorum & internorum bellorum origo & seminarium est) placidam & tranquillam vitam spinosis & turbulentis curarum angoribus liberam degens, ex quiete in quietem, ex otio in otium, ex gaudio in gaudium Domini sui, ac postremo ex tranquilla pace ad æternæ pacis ultionem Christo Domino duceat perducitur.

Ad Lectorem.

NE tibi, quæso, eadē Lector, fastidio sit, quod in sequentibus Concionibus, quæ Natalem Domini antecedunt, nonnulla de præparatione ad hoc festum pro dignitate celebrandum, & nasciturum Christum in mentibus nostris excipendum, ubique disserimus. Ratio enim temporis hanc præcipuè animi præparationem à fidelibus exigit. Itaque hac in re, non quid delicatæ aures & fastidio laborantes, sed quid & pietas, & utilitas, atque adeo necessitas exigebat, sequuti sumus: quippe qui non hominibus, sed Deo solum placere, & fidelibus prodesse cupimus. Cum verò laudatissimus olim mos fuerit Ecclesie, ut Christi fideles ex decreto Fabiani Pontificis, in triplici Pæschate sacram Eucharistiam sumerent, si inter fideles censerentur: ideo in omnibus his Concionibus, quæ proximè Natalem Domini diem antecedunt, ad penitentiam & sacram Eucharistiam dignè percipiendam fideles adhortamur.

IN EADEM DOMINICA QVARTATA ADVENTVS, CONCIO SECVNDA:
in qua de præparatione ad natalem diem Domini celebrandum agitur.

THEMA. *Parate viam Domini. Isaia 40.*



Legimus in lib. Regum, Dauidem, cum singulati certamine cū Goliath Philisteo cōgredi destinasset, diligenter ab iis, qui in exercitu Saulis erant, quæsiuisse, quo præmio afficiendus esset, qui Philistæum illū agminibus Israëlitis insultantem occidisset. Ea enim humani ingenij natura est, ut nō facile ad res arduas aggrediēdas, nisi magna spe propolita, inducatur. Quam sententiam initio Concionis huius usurpare volui: quōd intelligam Ecclesiam hodie his quæ proposuimus verbis, nos ad natalem Domini diem celebrandum, eum quē intra cordis nostri penetralia excipiendum, inuitare. Quod si quis tacitus intra se more Dauidis quærat, quē ex hoc fructum referre debeat: ego illi in præsentī Concione respondere paro. Ad quod præclarissima diuini huius hospitis munera, quibus, quam mentē inhabitat, ornare solet, paulo mihi latius explicanda sunt. Prius tamen quā rem aggrediar, lectio nem sancti Euangelij percurrām. *Miserunt* (ait Ioannes) *iudei ab Hierosolymis Sacerdotes & Leuitas ad Ioannem, ut interrogarent eum: Tu quæres? & reliqua.*

AVE MARIA.

Tres potissimum Domini aduentus Ecclesia celebrat hoc tempore: præteritum, quo ad seruandos homines venit: futurum, quo venturus est ad iudicandos: & præsentem suæ quotidianum, quo spiritualiter quotidie piorum mentes inuifere, & in eis sedem sibi collocare dignatur. De hoc enim quotidiano aduentu Dominus apud Ioannem ait: Nō vos relinquam orphanos; vado & venio ad vos, & gaudebit cor vestrum. Rursumq. apud eundem: Si quis, inquit, diligit me, sermonem meum seruabit, & Pater meus diliget eum, & ad eum veniemus, & mansionem apud eum faciemus. Quibus verbis non modò spiritualem Domini aduentum, sed mansionem etiam in anima iusti designauit. Quam rem non solum diuinis oraculis, sed Philosophicis etiam literis confirmare possumus. Certè nō sine magna admiratione legi, quæ hac de re Seneca ad Lucillum scribit in hunc modum: *Propè est à te Deus, tecum est, intus est.*

Ita

Ioan. 14.

Ibidem.

Epist. 41.

Ita dico, Lucili, sacer intra nos Spiritus fedit, malorum bonorumque nostrorum observator & custos. *Hic* prout à nobis tractatus est, ita nos ipse tractat. *Bonus vir* sine Deo nemo est. An potest aliquis supra fortunam, nisi ab illo adiutus, exsurgere? Si hominem videris interitum periculis, intractum cupiditatibus, inter aduersa felicem, in mediis tēpestatibus placidum, ex superiore loco homines videntem, ex æquo Deos, non subito veneratio eius? Nō dices, Ista res maior est, altiorque, quam ut credi similis huic, in quo est, corpusculo possit? Vis istuc diuina descendit. Animum excellentem, moderatum, omnia tamquam minora transeuntem, quidquid timemus optamusque ridetem, celestis potentia agitat. Non potest res tanta sine adminiculo nūminis stare. Itaque maiore sui parte illic est, vnde descendit. Quemadmodum radij solis contingunt quidem terram, sed ibi sunt vnde mittuntur: sic animus magnus & sacer, & in hoc demissus, ut propius quidem diuina nossemus, conseruatur quidem nobiscū, sed hæret origini suæ. Hactenus ille: cuius verbis nescio quid ab homine Christiano dici poterit sanctius. De hoc igitur maximo diuini nūminis beneficio dicturus, duo potissimum in hac Cōcione explicare constitui: Alterum, quæ sit felicitas eius animæ quam Deus inhabitat: alterum, quid nobis facto opus sit, quo talem intra nos hospitem excipere mereamur.

Pars prior. I.

Principio igitur querendum est, quonam modo in anima iusti Deus esse dicatur. Constat enim non ex fide solum, sed etiam ex philosophiæ doctrina, Deum omnibus in locis esse. Vt enim Philosophorum more loquamur, necesse est vniuersales rerum effectus ad causam maximè vniuersalem reuocare. At nihil in vniuersis rebus magis commune est, quam ipsum esse, cuius nulla creatura expers est. Hunc igitur adeo latè patentem effectum, communi vniuersorum causæ (æmpe Deo) tribuere necesse est. Hæc siquidem sola est, quæ immensa atque infinita virtute sua vniuersa complectitur, omnia sustinet, omnibus esse largitur, atque omnia in omnibus operatur. Porro autem causæ & effectus simul esse debent, sequē mutuo contingere. Cuius rei gratia Aristoteles inferiorem hūc mundum superiori coniunctum esse oportere dixit: ut ita demum causa efficiens (quæ superior mundus est) & materia in quam agit (quam inferiorem hunc mundum esse constat) se mutuò contingant: quo alterum agere in alterum contractu suo possit. Cum ergo Deus totius creati esse causa sit, necesse est ut rebus omnibus adsit, atque eas seipso contingat, cum in eo virtus & essentia

essentia minimè distinguantur. Quare necesse est, vbi aliqua Dei portio sit, ibi totà diuinitatis naturam existere, cum ea in partes distrahi nequeat. Vnde colligitur, rebus omnibus Deum adesse, qui illarum existentiam tempore non illapsu & praesenti nomine contineat atque conseruet. *Quemadmodum enim solis radij à sole producentur & conseruantur, quo sublato protinus interirent: ita quidquid in hac rerum vniuersitate existit, à Deo ita producit & cōseruatur, vt, si se ille rebus subtraheret, omnes prorsus in nihilum, vnde prodire, redirent.* Quo quidem beneficio ingrati sese homines excitare deberēt, vt oculos paulisper ad se ipsos flecterent, Deūque intra se latentem, & vitam eis inspirantem & conseruantem, agnoscerent. Vehementer enim indignum est, vt, cum Deus interior homini sit quā ipse homo sibi, illius semper oblitus vitā agat, sine quo vivere omnino non potest. Vt meritò illi exprobari valeat quod aduersum Iudaeos in praesenti Euangelio Ioānes de Christo ait: Medius vestrum stetit, quem vos nescitis: quando Deus ipse intra nos existens, & vitam largiens, à nobis ignoratur.

Sed iam ad id, quod proposuimus, redeamus. Cum igitur aperte constet Deum rebus omnibus adesse, immò verò intra omnia esse; quid, quæso, præcipuum & singulare viro iusto tribuimus, cum Deum in anima eius esse prædicamus? Huic igitur quæstioni respondemus, Deum singulari quadam ratione in mente iusti esse: quod singulares quodam effectus ibidè operetur. Nam vt variè in rebus operatur, ita variè rebus inesse dicitur. Aliter enim est in rebus naturalibus, aliter in animis priorum, aliter in mentibus beatorum: quia videlicet longè dissimiles effectus in iis omnibus operatur. Rebus siquidem naturalibus confert esse naturæ, iustis verò esse gratiæ, beatis autem mentibus esse gloriæ, in quo summa puri hominis perfectio sita est.

Quæres rursum, quonam modo Deus huiusmodi esse gratiæ priorum animis conferat? Tale namque opificium (quo ad tantam felicitatem anima præparatur) dignissimum perfectio est quod summo studio indagare debeamus. Sed hoc tamen ad id difficile ad explicandum est, vt idem ipse homo, in quo Deus hoc operatur, vix intelligat. Sic enim in libro Iob scriptum est: Si venerit ad me, non videbo eum; & si abierit, non intelligam. Ad id molles tacitique illius immentæ bonitatis omnia collustratus aditus in animam sunt, vix vt agnoscere possit. Fuerunt nonnulli, qui scire studuerunt, quonam modo apes intra aluearia fauos cellulis commodissimè distinctos compingerēt, & mel conficerent: quod tamen, nemo hæcenus assecutus est. Si ergo iam exigui animalculi artem atque opificiū oculis penè subiectum, mens hominis non assequitur: quonam modo altissi-

Memor & iustus

Ioan. 1.

Iob 9.

simile.

altissimum hoc diuinitatis opus (quo infima hominis natura ad diuinæ paritatis similitudinem attollitur) intelligere queat. Licet tamen nobis cōiecturis quibusdam hac in re philosophari, & aliqua saltem verisimili ratione attingere quoniam modo Deus in anima iusti sit, & quid ibi operetur.

Ad hoc igitur sciendum est, varios esse modos quibus variæ res alicubi esse dicuntur. Est pastor in grege suo, Rex in regno, paterfamilias in domo, magister in schola, gubernator in nauī, anima in corpore, sol in mundo: omnia hæc autem diuersam quandam existendi rationem præ se ferūt, quoniam in iis singularis aliqua eorum operatio potissimum elucet. Cæterū quia Deus in se vno rerum omnium perfectiones plenissime continet, iis omnibus modis in anima iusti esse, & in ea operari appositissime dicitur. Ipse enim tamquam pastor rationales oues pascendas, tūcendas, & dirigendas summo studio & vigilantia curat, Ipse tamquam Rex Spiritu suo regit atque dirigit nos, & a sempiterno generis humani hoste (qui nos immani odio prosequitur) defendit. Ipse tamquam optimus paterfamilias ciuitatem nostram gerit, & omnia quæ ad vtriusque vitæ vsum necessaria sunt, plenissime atque diligentissime suppeditat. Ipse tamquam sapientissimus magister erudit nos, & spiritali institutione quæ sunt nobis salutaria docet, sicut ipse per Prophetam dicit: Ego Dominus Deus tuus, docens te vitia, gubernans te in via qua ambulas. Et rursum: Intellectum tibi dabo, & instruat te in via hac qua gradieris, firmabo super te oculos meos. Quo magisterio quid esse dignius aut felicius potest? Non enim vulgari aut paruo affectu dictum est: Beatus homo quem tu erudieris Domine, & de lege tua docueris eum. Ipse etiam velut gubernator navis iocer labentis sæculi vndas, & immundorum spirituum flatus nos in hoc mari magno & spatiofo dirigit; ne ad variarum scopulos tentationum illisi, virtutis & innocentie naufragium faciamus. Ipse etiam velut anima in corpore (quamuis nullius corporis forma sit) spiritali nobis vitam, & sensum, & motum, & decorem, & robur, denique omnia ad spiritalis vitæ vsum necessaria largissimè donat. Postremo ipse tamquam Sol in hoc mundo interiora nostra omnia viuificat, fecundat, accendit, & illuminat: ut ipse lux vera, quæ illuminat omnem hominem venientem in hunc mundum. Hæc igitur omnia in anima iusti vnus Dominus operatur, qui omnium est artifex, omnem habet scientiam, omnia prospiciens. Hinc August. hunc Prophetæ locum enarrans. Deus meus misericordia mea, sic ait: Non inuenit impleris bonis Dei, quid appellaret Deum suum, nisi misericordiam suam. O nomen sub quo nemini desperandum est:

Rex, pastor,
magister anima
sol

Psalm. 48.
Psalm. 34.

Psalm. 66.

Ioan. 1.

Psalm. 26.

Deus meus misericordia mea, Quid est, misericordia mea? Si dicas salus mea, intelligo quia dat salutem: si dicas, refugium meum, intelligo quia confugis ad eum: si dicas, fortitudo mea, intelligo quia dat tibi fortitudinem. Misericordia mea quid est? Totum quidquid sum, de misericordia tua est. Hæc ille.

Ex his autem quæ breviter attigimus, & felicitas iustorum, & improborum infelicitas facile colligitur. Quid, quæso, felicius, quàm Deum intra se habere, tot officia exercentem, tot muneræ præstantem? Quid verò infelicius, quàm tali hospite & rectore carere? Quale enim sine Rege regnum erit? qualis sine patrefamilias domus? qualis sine doctore Schola? quale sine anima corpus? qualis denique mundus hic, extincta lampade solis? Talis ergo improborum anima est, quæ iis omnibus ornamentis & beneficiis destituitur. Quid verò obscurius atque tristius, quàm sine sole mundus? At Christus Sol iustitiæ in anima iusti est. Quid tetrius atque deformius, quàm exanime corpus? At Christus animæ nostræ velut anima est. Ideoque talis est anima sine Christo, quale sine anima corpus. Videtis igitur, quàm dispar sit iusti hominis & iniusti conditio: & quale sit animam à Deo vel inhabitari vel desereri.

I I.

Sed inter hæc tam apposita & cōuenientia Dei officia potissimū ei pastoris nomē & munus, (quod primo loco posuimus) conuenit, quodque illi frequentissimè sacræ literæ tribuunt. Ipse enim de se dicit: Ego sum pastor bonus. Et rursum in Psalmo pro eo quod nos legimus, Qui regis Israel intendes: D. Hieron. vertit, Pastor Israel ausculta: qui pascis velut ouem Ioseph. In quibus locis apertè videtis, nos quidem ouīū, Deum verò pastoris nomen & officiū retinere. Sicut enim vnica boni pastoris cura est, gregem suum pascere, à bestiarum incursubus tueri, in viam dirigere, atque in hoc vnum studium dies noctesque ab omnibus aliis feriatum incumbere: ita planè summus ille pastor omnia hæc in pios homines exercet officia, dum eos saluari cibo corporis sui pascit, aqua sapientiæ potat, baculo prouidentia dirigit, & ab incurfu atrocissimarum ferarum, hoc est, demoniorum, tuetur, & per huius vitæ vias difficiles atque formidolosas vadentes, Spiritu suo ita dirigit, vt confidenter quisque illorum dicere possit: Si ambulauero in medio vmbre mortis, non timebo mala, quoniam tu mecum es. Denique ita vni huic rei intentus est, vt, quasi ab omnibus aliis feriat, in hoc vnum tantum inuigilare & incumbere videatur.

Ceterum quia longum esset hæc omnia pastoris officia singulatim recensere, vnum tamen eorum silentio prætereundum non est. Solet frequenter bonus hic pastor oves suas miro ex-

lestis

lestis dulcedinis pabulo, mirisq; diuini Spiritus delictis ita reficere, vt omnem in eis terrenarum opum atque deliciarū sitim exstinguat. De his namque per Prophetam dicit: In pascuis vberimis pascam oues meas, & in montibus excelsis Israël erūt pascua eorum: ibi requiescent in herbis virentibus. Quæ sunt autem hæc vberima pascua, nisi fecundissima quedam gratiarum, Sacramentorum, beneficiorum, donorumque celestium vberas, quæ nobis per Christi gratiam & aduentum contigerunt? Quorum contemplatione adeo dulciter & mirabiliter iustorū animus reficitur, inebriatur, & pascitur, vt ei, quidquid in hoc seculo fulget, tantarum rerum comparatione sordeat. Hoc est autem quod per Isaia seruis suis Dominus pollicetur, cum ait: Tunc delectaberis super Domino, & sustollam te super altitudines terræ, & cibabo te hereditate Iacob patris tui. Constat enim per huiusmodi altitudines terræ non apricas rupes, aut excelsa iuga montium designari, supra quæ homo collocandus sit: sed ea quæ in mundo excelsa & summa putantur intelligi, nempe opes, honores, regna, & imperia: supra quæ omnia ineffabili quodam modo constituitur homo, dū ea omnia pro nihilo ducit & contemnit; atque (vt verbis viar Cyprian) quidquid apud ceteros in rebus humanis sublime ac magnum videtur, intra conscientia suam iacere gloriatur. Quo fit, vt nihil desiderare de seculo debeat, qui iam seculo altior factus est. Quod planè exēplo beatissimi Anachoritæ Syluani discimus, quem ferunt à contemplatione rerum diuinarum ad humana redeuntem oculos claudere solitum: quod videlicet comparatione altissimarum rerum, quas fuerat contemplatus, ita ei terrena cuncta vilescerent, vt ne cernere quidē illa dignaretur. Hoc est ergo verè attolli super altitudines terræ, hoc cibari hereditate Iacob: quæ hereditas non alia quàm ipse Deus est, quo fidelis anima, in hoc etiam exilio cōstituta, miro modo reficitur & satiatur. Qui igitur hoc cibo alitur, quid amplius querat? quid nō fastidiat? cuius rei desiderio teneatur, qui à Deo pascitur? Ad hanc verò satietatē apertius explicandam, operæpretium me facturum, fratres, arbitror, si vobis reconditum aliquid ex Hebræorum literis hoc in loco referam. Sunt apud Hebræos duo celeberrima Dei nomina: alterum Iehoua, alterū Saday. Iehoua significat, Qui est: Saday verò, Qui sufficit. Et prius quidem illud nomē (Qui est) Deo conuenit quatenus rerum omnium quæ sunt, principium existit: alterū verò (Qui sufficit) eidem tribuitur quatenus rerum omnium finis vltimus est. Ad rationem quippe finis pertinet, vt omnibus ad felicitatem & perfectionē solus sufficiat: quod plenissimè præstat is, in quo bona cuncta, quæ desiderari possunt, plenissimè

Exech. 34

Isaia 58.

Cyprian
ad Donat.

reperiuntur. Vnde consequens est, vt quisquis hoc summum bonū fuerit assequutus, nihil habeat cuius desiderio teneri possit: quia in vno illo bonorum omnium summam cōplexus est. Quod si ita est, verē hoc vnum bonum habēti sufficit, meritoque hoc nomen Deo tribuitur, Qui sufficit. Q nomē amantissimum nomen philosophia & vera sapientia plenissimū: melle dulcius, balsamo suauius, auro splendidius, geminis & margaritis pretiosius. In te vno enim omnis plenitudo bonorum, omnis vitæ iocunditas & suauitas continetur; vel ipso eodē Domino restante, qui Moysi faciem eius ardentissimē cernere cupienti ait: Ego ostendam tibi omne bonum. Cuius nominis typum gessit Manna quod Deus pluit Patribus in deserto, in quo omnis saporum suauitas inerat: in hoc autē nomine non modo saporum omnium suauitas, sed etiam gaudiorum atque bonorum omnium plenitudo continetur.

Ex hac quidem philosophia manifestē liquet, quanto errore teneantur qui desiderio felicitatis incensi, opes, honores, voluptates, ceteraque bona terrena studiosissimē quærunt: quibus sitim cordis sui explere se posse confidunt, quæque homini ad felicitatem sufficere inexhausta cupiditate restantur. Constat enim, quod quemadmodum apitudo ad ridendum, ita est hominis propria affectio, vt nulli prorsus alteri creaturæ conueniat: sic planē illa Dei proprietates seday nomine significata (hoc est, Qui sufficit) nulli alteri præterquam Deo cōuenire potest. Vnde sicut plane stultus esset qui risum aut rationem extra hominem quæreret: ita stultus est qui felicitatem aut satietatem animi extra Deum requirit. Id adeo verum est, vt, si Deus innumerabiles mundos creasset, eorumque omnium impetum al cui homini contulisset: ne hæc quidem ratarum rerum opulencia animi eius sitim explere vllō modo posset. Quod si posset, quidquid illud esset quod illi sufficeret, Deus vitæ esset: quia vltimi finis ratio illi haud dubiē conueniret. Esse autem vltimum finem, tam Dei proprium est, quam esse primum principium. Sicut ergo in nullam creaturam primum principij ratio cadere potest, ita nec vltimi finis: cui planē ex natura conuenit, quod solus habenti sufficiat. Vnde colligimus duplici nomine errare eos qui extra Deum beati felices quæ esse nituntur. Primum, quia felicitatem extra Deum quærunt, in quo solo quæranda est: deinde quod illam in creaturis quærunt, in quibus esse nullo modo potest. Quæ autem maior infamia, quam ibi felicitatem quærere vbi non est: & ibi nolle quærere vbi verē est? Hos autem D. August. admonet his verbis: Quærere quod quæritis, sed ibi non est vbi quæritis. Beatam vitam quæritis in regione mortis, non est ibi. Quomodo enim beata

vita,

Exod. 33.

Num. 11

August.

vita, ubi nec vita? Qui hoc autem faciunt, duplici ratione poterant: primum quod te ipsa creaturis divinitatem tribuunt: quia illis tribuunt quod Dei proprium est. Deinde quia Deo adimunt quod ei propria ac singulari ratione convenit. Unde quemadmodum Apostolus gravissimè accensat eos qui sacrificiis & ceremoniis legis iustitiam querebant: quia hoc ipso testabantur sacrificium Christi ad iustificationem hominis non sufficere (quod in maximam Christi contumeliam cedebat) ita isti, dum non in Deo, sed in creaturis perfectam animi quietem querunt, Deum ipsum dedecore atque ignominia afficiunt, quem beandis hominibus sufficere non posse ipso opere testantur. Hic igitur, fratres, tanta felicitas proposita nobis est, hæc tam magnifica dona sunt, quibus Deus apimam datæ quam inhabitat: ut hac ratione appareat, quo studio, quoque animi ardore ad talem hospitem intra mentis nostræ claustra excipiendum parari debeamus: quod ego primo loco explicandum susceperam.

simile.
Galat. 3.

Pars posterior. III.

Nunc superest ut quæramus qua ratione talis hostis munificentia persequi possimus. Quam ad rem illud primo loco querendum est (quod viam nobis huic quæstioni aperit) cur divina Sapiencia ante Christum præmiserit Ioannem? An non potuisset sine præcursoris huius officio Christus in mundum venire? Huic quæstioni Zacharias pater eius breviter respondet cum ait: Tu puer Propheta altissimi vocaberis: præbis enim ante faciem Domini parare vias eius. Hoc est, ad hoc potissimum electus atque destinatus es, ut animas hominum fide & poenitentia præpares, quatenus adveniantem mundi Salvatorem, & clarissima eius dona, purgatis prius mentibus, excipere valeant. Ad hoc igitur munus præcursor Domini Ioannes missus fuit: ideoque prædicatio eius à poenitentia & baptismo exordium cepit: quæ duo ad ablucenda & purganda hominum corda conferuntur. Sic enim ad populum Ioannes clamabat: Poenitentiam agite, appropinquavit enim regnum celorum. Quasi diceret: Tempus est ut lachrymis atque lamentis mentes vestras ablutatis, quo eas ad celestis regni dona percipienda præparetis. Regnum autem celorum (ut Paulus ait) est in ista pax, & gaudium in Spiritu sancto, ceteraque divini Spiritus charismata, quæ novus hic Rex, ex celo descendens, hominibus distribuenda secum affert. Mundate ergo vasa pectoris vestri: non enim decei tam magnifica dona in vasa sordida effundi. Sicut ergo ad hoc præcursor Domini Ioannes venit, ut homines dignum Deo habitaculum doctrinæ suæ monitis

Lucæ 2.

Matth. 3.

Rom. 14.

efficeret: ita nunc Ecclesiæ voces (quibus diu nocturne templa personant) cōspectant, vt nos ad Natalem Domini diem pijs animis excipiendum & celebrandū pręparēt. Hinc ad Deum quoridie clamat Ecclesiā: Excita Domine corda nostra ad pręparandas Vnigeniti tui vias: vt per eius adiuturum, &c. Ad nos verò clamat: Adorna thalamum tuum Sion, & suscipe Regem glorię. Quin & Saluator ipse in Cant. propositis beneficiis & laboribus, quibus nos sibi deuinxit, amantissimis & suauissimis vocibus aditum sibi intra cordis nostri domum pręberi postulat his verbis: Aperi mihi, toror mea, amica mea, columba mea: quia caput meum plenum est rore, & cincinni mei guttis nocturni. Hoc quid aliud est, quàm quod idem ipse in Apocalypsi ait: Ecce ego sto ad ostiū, & pulso: si quis audierit vocē meam, & aperuerit mihi, intrabo ad illum, & cœnabo cum illo, & ipse mecum. O beatum conuiuium, ô expectanda cœna, ô celestis epulę, quas non homo, sed rerum omnium Dominus regio apparatu instruit! O nimium felices, quibus hæc cœnam, diuino splendore atque magnificentia dignam, experiri datum est! Cœnabo (inquit) cum illo, & ipse mecum. Quid sibi vult hoc genus cōuiuij? An non satis erat dicere, Cœnabo cum illo; quamuis non adderet, Et ipse mecum? Sed hoc perinde est ac si dixisset: Vterque cœnam apparabimus; ille mihi de suo, ego illi de meo in commune fercula ministrabimus. Ille pœnitentiam exhibebit, qua ego pascor: lachrymas, quas ego bibo: deuotiolem, qua ego delector: Ego verò illi tribuam remissionem peccatorum, quam expetit: pacem, quam desiderat: iustitiam, quam postulat: & gaudiū in Spiritu sancto, hoc est, magna absconditum, quod nemo scit, nisi qui accipit. Ad hoc igitur epulū celebrandum amantissimis verbis aperiri sibi postulat Spūs cordis nostri ostiū, in quod ingredi, in quo habitare & requiescere quàm maximè desiderat: quandoquidem in delicijs suis habet filios hominum. Quod verò subdit, Quia caput meum plenum est rore, & cincinni mei guttis nocturni: partim perseuerantiam indicat pulsandi, qui tam diu in hoc persistit, vt nocturno rore & guttis nocturni caput eius aspergeretur; partim verò causam indicat aperiendi, dum sub his nominibus pœnas indicat peccatorum, quas innocentissimus Agnus amoris nostri causa pertulit. Quo minis mirandum est, si tam ardentem intra nos postulat admitti, qui propter hoc ipsum tam multa dignatus est pati. Quis hic igitur non miretur? quis ad has Domini voces non obstupescat? Cur ô candor lucis æternę, & splendor paternę glorię; cur, inquam, guttis nocturni, cur his in commodis afficeris, nisi vt tibi inra pectus nostrum aditum patefaciamus? Vbi, quæso, eras antequam mundum conderes?

deres? Certè priusquam montes fierent, aut formaretur terra & orbis, tu eras Deus; in te vno habitans, tibi soli sufficiens, & te vno beatus. Ego sum qui extra te subsistere non valeo, qui nisi intra te vivere non possum, qui (quocunque me vertam) extra te semper malè habeo; intra te verò semper mihi bene est, quamvis nihil aliud habeā. Cum ego igitur ad te venire deberem, tu ad nos non solum venire, sed causas etiam cur te intra nos admittere debeamus, nempe dolores, quos nostri causa pertulisti, referre dignaris. Vnde autem dignatio hæc, nisi ex immensa illa bonitate & plusquam paterna charitate tua prodire potuit? Sicutia mater, cū dilectissimo filio gravi morbo laboranti, & omnia ciborum genera fastidienti, alios ipsa cibos rursū offert, manu sua diligentissimè præparatos, simili orationis genere uti solet: illo enim & hos quoque iterū cibos repudiante, illa quos in præparatione labores pertulerit, fumū videlicet, & calorem ignis, commemorat, quo illum vel hac ratione ad cibum capiendum alliciat. Sic igitur celestis Sponsus, animaduertens animæ nostræ salutē ex sua in nobis habitatione pendere, amore plusquam materno omnibus his blanditijs excitat nos, ut eum tandem intra mentis nostræ domicilium excipiamus: ad quod labores, quos salutis nostræ gratia in passionē sua pertulit, commemorat: ne frustra tantum operæ propter nos insumpisse videamur. Quasi dicat: Fastidis, o fili mei, cibos animæ tuæ salutare, fastidis veram poenitentiam, scelerum confessionem, pietatem, castitatem, obedientiā, iustitiam, ceteraque virtutum officia, in quibus salus tua sita est. Non vis harum rerum studio aperire mihi ianuam, ut in te habitem, in te stabilem sedem figā: ideo rogo & obsecro, Aperi mihi, foror mea, amica mea, columba mea: quia caput meum plenum est rore, & cincinni mei guttis noctium: hoc est, quia omnes illius tristissimæ noctis iniurias ideo sustinui, ut in animo tuo mihi domicilium præparares. Et quidem hæcenus miranda Sponsi bonitas & charitas, nunc autem deslenda & miseranda tarditas nostra exponitur, cū Sponsæ vox protinus subditur: Spoliaui me tunica mea, quomodo induar illa? Laui pedes meos, quomodo inquinabo eos? Quibus verbis quid aliud significatur, quā nostra illa tarditas ac socordia nimia, aut (ut ita dicam) morositas, qua Christo Domino ad ostium cordis nostri pulsanti difficiles nos exhibemus, inutiles trahentes moras, excusationesque friuolas prætexentes, quo minus facilem illi adiutū præbeamus.

I I I.

Nunc ad vos, fratres. Si nullū (quæso) aliud præmium à Deo expectaremus, nihili quæ tot eius beneficijs commoueremur: an

Simile.

St. Bernardus
780

non hæc tanta diuinæ bonitatis & charitatis immensitas, ad nos ingredi, & in nobis habitare cupientis, excitare deberet, vt illius saltem gratia salutis nostræ prospiceremus? Si quis autem hæc ratione permotus quærat quid sibi ad hoc sit faciendum; huic ego respondeo: Primum quidem necesse esse, vt impedimenta omnia, quæ cælesti Sponso aditum obstruunt, è medio tollat.

Cant. 1. Hoc certe Sponsa post illas Sponsi preces & clamores se fecisse testatur, cum ait: Pessulum ostij mei aperui dilecto meo. Pessuli autem nomine nõ solum peccata omnia, quæ diuinæ menti aditum præcludunt, sed etiam omnes turbulenti motus & cupiditates significantur, quarum veluti fontis & seminarium inordinatus nostri amor est. Hoc est enim fortissimum pessulum, & veluti ferreus obex quo pulsanti Spõso aditus intercluditur. Immodicus enim amor, quo erga carnem hanc molles, & voluptatum & commodorum suorum amicam nimium afficimur, facit, vt à rerum diuinarum studio abducamur, & carnis cupiditatibus tota mente seruiamus. Nam spiritus & caro veluti bilances quædam sunt: quarum cum altera sursum agitur, altera ad imum necessario deprimitur. Quin etiam quæcumque alia inordinata & à diuina lege deuians affectio, quæ aliquid diligimus, nec propter Deum diligimus, pessulum est atque repagulum quod Sponsi impedit ingressum. Res demum omnis, quæ mentem nostram ad se inmoderato amore vocat, à Christo auocat; quia vbi thesaurus noster est, ibi nõ solum cor, sed etiam

Simile. totus homo est. Huius autem rei gratia Saluator ait: Nolite putare quod veni pacem mittere in terram: non veni pacem mittere, sed gladium. Veni enim separare, &c. Quo in loco ea solum enumerat, quæ iuste diliguntur: quæ tamen si immodicè diligantur, perfectæ charitatis impedimenta sunt. Hoc ergo primò pessulum à corde nostro submouendum est.

Marth. 10. Quo sublato, domus adornanda est, in quam cælestis Sponsus ingredi & commorari debeat. Quæ sint autem hæc ornamenta, eadem Sponsa solius inuolucris & figuris explicat, cum ait: **Cant. 3.** Ferculum fecit sibi Rex Salomon è lignis Libani: colūnas eius fecit argenteas, reclinatorium aureum, adscensum purpureum, media charitate constravit. Pro ferculo, hoc est, vehiculo regio, alij verterunt palatium siue vmbaculum. Quod quidem ad piorum animas pertinet: quas templum Dei siue palatium esse non semel Apostolus testatus est. Hoc autem palatium columnis argenteis, hoc est, candore & puritate vitæ fulciendum est. Frustra enim quisq. de structura aliarum virtutum, absq. puritatis & innocentie fundamento, sollicitus est. Ideo colūne sunt argenteæ, quia totius spiritualis ædificij columnæ, vitæ puritas, & immunitas à peccato est. Reclinatorium autem, in quo Spon-

sus

sus requiescit, charitas est; quæ auri nomine significatur. Sic Ioan. qⁱ
 enim dilectus Christo discipulus ait: Deus charitas est, & qui
 manet in charitate, in Deo manet, & Deus in eo. Reclinato-
 rium autem ad quietē captandam potissimum destinatur. Nec
 enim vlla in se Deus, nisi in sola charitate molliter acquiescit:
 qua nihil illi gratum, nisi sola charitas est, aut quod charitate
 conditum est. Quod laus D. Paulus ad Corinth. ostendit, cum
 ait: Si linguis hominum loquar, & Angelorum, &c. De qua
 etiam charitate intelligendū est; quod deinde subditur: Media
 (videlicet seculi huius) charitate construitur: vel, ut alij verte-
 runt, inritum. Quis amore rectum est? hoc est, omnia interiora
 seculi huius amorem præ se ferunt. Quo significatur, omnia
 piorum officia Christi amorem spirare. Vnde est illud August. Aug. in 7.
cap. 16a.
 Dilige, & quod vis, fac, siue taces, dilectione tace; siue loque-
 ris, dilectione loquere; siue parcis, dilectione parce; siue casti-
 gas, dilectione castiga. Hoc est ergo quod sponsa ait: Intima
 huius siue ferevi, siue palatii, amore recta atque vestita esse.
 Hæc igitur sunt aulae celesti sponso gratissima, quæ mentem
 nostram ad illum dignè recipiendū præparant. Et quidem cha-
 ritas (quæ præcipuum palatii huius ornamentum est) facilis ac
 dulcis est: quid enim amore dulcius? sed adscensus tamen ad
 illum difficilis: quod & adscensus, & purpuræ nomen, sangui-
 nem colorem præferens, aperte declarat. Quo enim amor erga
 Deum in corde nostro principatū obtineat, omnis alius adul-
 terinus amor excludendus est: quod citra dolorem fieri non
 potest. Quare necesse est, ut qui ad exitium illum atque diu-
 num amorem adspirat, adulterini istum ab anima sua procul
 pellere contendat: hoc est enim quod antè diximus, pessulorum
 ostij amouendum esse, quo pulsanti sponso aditum præbea-
 mus. Quia in re illud nobis non parvo solatio esse poterit, quod
 ipsa etiam charitas, ad quā adspiramus, non mediocri adiuven-
 tio nobis est, ut illam adipiscamur. Ipsa enim sibi viam aperit;
 ipsa virtutum adscensum, quo ad eam pervenitur, facilem red-
 dit. Omnia quippe suffert, omnia credit, omnia sperat, omnia
 sustinet, sicut Apostolus ait. 1. Cor. 13
 Sed quid ego hæc nequicquam diligenter commemoro?
 Quotus quisque est, qui his audiendis mentis suæ domum na-
 sciturō Christo preparare studiat? Quam frequenter hæc ipsa
 multi audierunt, qui tamen ad has voces penitus obdormierunt?
 Diurna enim consuetudo hæc eadem sine villo fructu au-
 diendi, in causa est, ut tot Ecclesiæ voces, tamque sæpè repetite,
 nihil apud nos hactenus valuerint. Itaque fabrorum ferrario-
 rum canibus similes esse videmur: qui continuis malleorum
 ictibus audiendis assueti, adeo à somno non excitantur, ut
 altius

simile.

altius etiam eorum tonitu indormiant. Atque beatos olim Evangelij prædicatorēs Iſaias pronūciabat, quibus ea ſors contigiffet, ut ipſorum prædicatione per Chriſti gratiam longè fructuoſior quàm Prophetarum priorum futura eſſet. Poſtquam enim felicitatem huius temporis commemoraffet, dixiſſetque, Ecce in iuſtitia regnabit Rex, &c. Etenim opus iuſtitie pax, & cultus iuſtitie ſilentium, & ſecuritas uſque in ſempiternum: hoc velut epiphonemate ſententiam clauſit, Beati qui ſeminatis ſuper omnes aquas, immittentes pedem bouis & aſini. Quod perinde eſt ac ſi diceret: O vos felices & beati noui Teſtamenti agricolæ: qui non iam in ſterili ſolo & in aquoſo, ſicut nos, ſed ſuper omnes aquas, id eſt, iuxta Euangelicæ gratiæ fontes, diuini verbi ſemen iacietis: quibus irrigata mortaliſum corda, velut agri pingues, fructū pietatis & iuſtitie ſerene cumulariſſimum. Quid agis, Propheta? Quid vobis gratularis? Ecce iam ad priſtinam ſterilitatem redacti ſumus: fruſtra tot quotidie voces ſpargimus. Quotus enim quiſque eſt, qui vocibus noſtris excitatus, mores ſuos componat, & ad meliorem mentem redeat? Magnopere vereor, ne hunc ſolum ex prædicationis munere fructū referamus, ne vllum ante æquiſſimum illum iudicem excuſationis velamen prætexere valeamus. Sic enim Saluator diſcipulis ad prædicandum miſſis ait: Continget autem vobis in teſtimonium illis. Vt enim Iudæis olim Dominus Hieroſolymorum excidium propter inhabitantium ſcelera denunciari per Prophetas voluit (quos tamen præſciebat nihil hoc nuncio & prædicatione profecturos) vt hac ratione inexcusablem eorum cauſam redderet: ſic planè apparet, ſimili ratione & conſilio verbum quoque Dei plerique hodie hominibus annuntiari.

Quid igitur? An non hoc tēpus gratiæ viget, qua diaboli regnum euerſum eſt? Eſt planè. Sed lego tamen in Apoc. Diabolum, virtute crucis Chriſti, ligatum, oportere ſolui modico tempore. Quis autem ſciat an modò ſatanas ſolutus iam ſit, quando tot mundus hæreſibus, tot monſtris vitiorum, tot belloſum cladibus, gentiumq. ruinis penè attritus & afflictuſus eſt? Si ergo ſatanas ſolutus eſt, quid mirum ſi gratia quodammodo ligata eſt, & in vincula coniecta, quemadmodū & Ioannes, qui gratiæ nomen retinet, ab Herode vinctus fuit? Cuius tu mihi tyrānidem imitari quodammodo videris. Ille quippe, ne ſalutricem merore afficeret, Ioannem morte damnavit: tu verò, ne carnem tuam moleſtia afficias, Ioannem, hoc eſt, gratiam Domini in vincula coniectis, dum gratiæ ipſius adiūmēta repudias. Hoc verò quid aliud eſt, quàm myſticum Herodem agere: cum ille Ioannem verum, tu myſticum interficias? Hic

Sunt

sunt autem qui Naralem Domini die carantum de causa præstolantur, vt in eo laupius epulentur: vt gallos, quos toto anno saginauerūt, inexplēbili auiditate deuoret: vt festum diem ingluiei, dedecori, atque turpitudini dicatum agant: vt licentius sese deliciis, lusu, ebrietati, atque comessationibus dedant. Hæc sunt festa multorum huius temporis Christianorū, quæ hæc carnales quidem Iudæi olim celebrabant: quāuis enim largius in conuiuiis suis epularentur, ex præscripto tamē legis epulabantur, dicente Domino: Epulaberis in omnibus bonis quæ dederit tibi Dominus Deus tuus, tu & filius tuus, & ancilla tua. Nos autem non quidem ex præscripto Domini, sed ex affectu carnis & voluptatis, spiritualia festa in obsequium carnis vertimus, & ad hoc ea auidē expectamus, vt in eis non plenius & auidius ingurgitemus, nulla prorsus de spirituali refectione cura solliciti: quasi toti carnei essemus, hoc est, ex mera solaque carne conflati, nec vllam spiritus scintillam haberemus. Itaq. cum se totos homines hisce diebus huius tanti mysterij considerationi addicere deberent, epulis magis, & carnis indulgentiæ seruiunt. Ne verò me quisquam pimis seuerum & inhumanum iudicet, qui contra receptam ab omnibus penē consuetudinem ista dicam, sanctissimum Bernardum audiat hæc ipsa fidelibus his verbis impropèrantem: Quantæ infantiæ est, vt post tanti Regis aduentum, aliis quibuslibet negotiis homines velint seu audeant occupari, & non magis, ommissis omnibus, solius cultui vacent, nec in eius præsentia cuiusquam meminerint cæterorum! Sed non omnium est quod ait Propheta, Memoriam abundantē suauitatis tuæ eructabunt: siquidem nec omnes hæc memoria pascit. Sanè nemo quod non gustauit, sed neque quod tantum gustauit, eructat. Ructus quippe non nisi de plenitudine & satietate procedit. Propterea quorum secularis est mens & vita, memoriam hanc etsi celebrant, nō eructant: sine deuotione & affectione dies istos arida quadam cōsuetudine observantes. Deniq. (quod dampnabilis est) ipsa quoq. inestimabilis huius dignationis memoria datur in occasionē carnis: vt videas eos tanta sollicitudine diebus istis vestium gloriam, ciborū parare delicias, ac si hæc & huiusmodi quaerant in natiuitate sua Christus, & ibi suscipiatur dignus, vbi hæc accuratiū exhibentur. Sed ipsum audi dicentē: Superbo oculo, & insatiabili corde, cum hoc non edebam. Quid tanta ambitione vestes paras in naralem meum? Detestor ego superbiā, non amplector. Quid tanta sollicitudine ciborum copias reponis in tempus illud? Damno ego carnis delicias, non accepto. Planè insatiabilis es corde tanta parans, & ex tam longinquam corpori vtique & pauciora sufficerent, & quæ possent

Deut. 26.

Bernard.
Ser. 1. de
Aduent.

oppor-

opportuniùs inueniri. Celebrans ergo aduentum meum, la-
bilis me honoras, sed cor tuum longè est à me. Non me colis,
sed deus tuus venter est, & gloria in confusionem tibi. Infelix
omnino, qui voluptatem corporis, & secularis colit gloriæ va-
niratem. Beatus autem populus, cuius est Dominus Deus eius.
Fratres, nolite vos æmulari in malignantibus, neque zelaueri-
tis facientes iniquitatem. Intelligite magis in nouissima eor-
um, & compatimini eis ex animo, & orate pro eis qui præoc-
cupati sunt in delicto. Hæc enim faciunt miseri, quia ignoran-
tiam Dei habeant. Nam si cognouissent, numquam Dominum
gloriæ tanta aduersum se insania prouocarent. Huc vsque Ber-
nardus: ex cuius verbis aperte liquet, huiusmodi festa dæmo-
nem non modò non reformidare, sed irridere etiam, atque de-
siderare. De his enim scriptum est: Viderunt eam hostes, & de-
riderunt sabbacha eius. At Ecclesia non irridet, sed iugiter, & cum
eodem Propheta clamat: Via Sion lugent, eo quòd non sint
qui veniant ad solennitatem. Carnales enim homines nõ Deo,
sed diabolo festa celebrant. Cùm enim hoc ipso Natalis Do-
mini die mensam erigunt, & super eam taxillos, aleas, & chartas
ponunt, deinde ludentes & inraut, & peierant, & effervescente
vino conuiciantur, litigant, & interdum sacrilegum os in ca-
lum ponunt: an non isti, cùm sic se in hac sacra solennitate ge-
runt, altare diabolo erexerunt? Hæc est ergo solennitas ad
quam carnales homines conflunt, non ad solennitatem Dei.
Non ita decet, fratres, non ita hoc festum celebrandum est; sed
pia deuotione, sed lachrymis, sed laudibus, sed spiritali lætitia,
sed gratiarum actionibus, tantæque beneficij consideratione,
sed hostiis spiritualibus, hoc est, elemosynis hoc præcipuè tẽ-
pore pauperibus erogandis qui postea, cùm defeceritis (quem-
admodum Saluator ait) in æterna vos tabernacula recipiant: in
quibus temporalia festa in sempiterna sunt gaudia transitura.

Threu. 1.

Ibidem.

IN

IN EADEM DOMINICA QVARTATA ADVENTVS DOMINI, CONCIO TERTIA: in qua lectio Euangelica explanatur: vbi etiam de spirituali Aduentu Dei in animam, sicut in præcedentibus, agitur.

THEMA. *Dirigite viam Domini. Ioan. 1.*



Cum Ecclesia hoc sacratissimum tempus in hoc potissimum destinaverit, vt nos ad excipiendum intra mentes nostras nascentem Dominum Salvatore, & Natalem eius deuotissime celebrandum præpararet: dignum profecto est, vt Concionatores, qui Ecclesiæ ministri, Dei quæ (vt Apostolus ait) adiutores sumus, Ecclesiæ studium studio atque opera nostra iuueamus, vosque ipsos ad hoc pietatis officium sermonibus nostris cohortemur. Ad quod nos præcursoris Domini verba, quæ in his Euangelicis lectionibus referuntur, maxime inuiant. Cuius præcursoris officium fuit, præire ante Dominum, & parare illi plebem perfectam: ad quod illa Isaie verba omnium auribus inculcabat: *Dirigite viam Domini, rectas facite in solitudine semitas Dei nostri.* Quæ quidem sententia frequenter à nobis hoc sacro tempore & tractanda & repetenda est: quâdoquidem quidquid Ecclesiæ à nobis his diebus exigit, breuissime comprehendit. Quod vt dignius prædicare possimus, celestem opem, sacratissimæ Virginis interuentu, solita oratione imploremus.

A V E M A R I A.

Audistis, fratres charissimi, in superiori præcedētis Domini-
cæ Concione, Ioannem Baptistam Angelum illum fuisse de quo Dominus per Prophetam dixit: *Ecce ego mitto Angelum meum ante faciem tuam, qui præparabit viam tuam ante te.* Scitis enim hanc viam, qua Christus in animam venit, si de primùm sterna atque parati: quâvis non sola, sed charitate etiam, poenitentia, ceterisque virtutibus exornati. Fides namque prima radix & initium sanctificationis nostræ est, qua mentis nostræ domicilium venienti Christo adornamus. Quia verò inter omnia quæ hominibus credenda proponuntur, maxime arduum & difficile erat, vt homines hominem inter homines versantem, & humanæ vitæ pœnis atque doloribus obnoxium, verum & omnipotentem Deum esse crederent: ideo locupletissimum Dominus huius rei testem Ioannem Baptistam ante illum præmisit, qui huius tam arduæ veritatis fidele testi-

testimonium perhiberet. Et quoniam Dei opera perfecta sunt (vtpote qui omnia in numero, pondere, & mensura disponit) ideo tantam vitæ sanctitatem, tantamque sanctitatis opinionem huic testi & Angelo suo contulit, vt quidam non solum illi testimonium de Christo perhiberi crederet, sed Christum eum esse multi existimarent, quemadmodum in superiori Concone dictum est. Hac igitur de causa Iudæi stimulatibus Pharisæis (qui religionis & scientiæ nomine insignes in populo habebantur) nituntur ad Ioannem Sacerdotes & Levitæ, qui ab eo quærerent, *Tu quis es?* Quam quidem interrogationem legati qui erant ex Pharisæis, non discendæ veritatis studio (cùm ambitionis magis & avaritiæ studio addicti essent) proposuerunt: sed partim, vt ipse Ioannes vocis suæ testimonio falsam hominum de se opinionem vocesque compesceret (quando nulla in eum veri Messia signa cadere sciebant) partim etiam, vt ipsi quoque honorem illi deferre viderentur, cui tantum tribuerent, vt, an ipse esset Christus, interrogarent. Hac nimirum ratione honori quoque suo prospiciebant, dum illum honore prosequerentur, quem communi consensu tantopere populus extollebat. Quocirca multi eorum, quibus studium erat omnia opera sua facere vt honorarentur ab hominibus, baptismum quoque illius (sicut Matthæus refert) receperunt, vt hac ratione auram istam popularem more suo captarent. Quod nõ obsecrè Saluator significauit, cùm de Iohanne loquens dixit: Ille erat lucerna ardens & lucens, & vos voluistis ad horam exultare in luce eius. Hoc est, ille ardebat tamquam facula igne charitatis, & lucebat item splendore & claritate nominis. Hoc est, & verè sanctus erat, & talis ab omnibus habebatur qualis erat. Cumque huius dignitatis & gloriæ participes quodammodo essent qui illum sequebantur, illique adhærebant: vos quoque huius splendoris & gloriæ consortes effici voluistis, illius doctrinam audientes, & baptismum eius recipientes: quod tamen non perpetuò, sed ad horam fecistis. Hoc est, quàm diu gloriæ loco ducebatur illi adhærere, tam diu adhæsisistis: vbi verò Ioannes in vincula cõiectus, & Regibus inuisus esse cepit, tunc ab illo descivistis: vt qui non veram solidamque virtutem, sed popularem tantum agram sectabamini. Hoc ingenio sunt hodie quoque multi, qui virtutem & iusticiam tantisper colunt, dum illis utilis est: si verò eis damnum aliquod aut detrimentum inferat, protinus eam deserunt: vt qui non tam virtutem, quàm suam commoditatem captabant, nec tam Deo, quàm suæ cupiditati seruebant. De his autem Seneca sic ait: Honestæ sequimur, quàm diu aliqua illis spes inest: in contrarium transgredientes, si plus scelera promitterent. Contra hos autem in Ecclesiast. scriptum est: Vnde duplici

Matth. 3.

Ioan. 3.

Seneca.
in Epist.

Eccli. 2.

plic

plici corde, & labiis scelestis, & peccatori terram ingredientem duabus viis. Illi autem hoc modo gradiuntur, qui veram animæ simplicitatem ignorantes, duplici corde ad Dominum accedunt duabusque viis terram ingrediuntur, dum externa tantum specie Deum quærere videntur, interna tamen intentione atque animo seipsos & sua commoda quærunt: quæ ubi non inveniunt, protinus à virtute deficiunt: quemadmodum hac in re Phariseos fecisse, Saluator docuit: qui, quam diu illis honor erat, Ioannis sanctitatem venerabantur & prædicabant: ubi verò utilitatis & honoris ratio deficere cœpit, illum protinus deseruerunt. Hoc est ergo quod ait, eos voluisse ad horam exultare in luce eius: hoc est, participes fieri honoris & gloriæ eius.

Cum ergo legati, à Iudæis missi, à Ioanne quæsierent: *Tu quis es? intelligens ille quo animo id rogarent. Confessus est, & non negavit, & confessus est, quia non sum ego Christus, quem videlicet vulgus communi errore deceptum arbitrat. Respondit illi: Quid ergo? Elias es tu?* Quoniam Ioannis asperitatem cuius, & obviandi acrimoniam, morumque severitatem Eliam referebant, an is Elias esset, interrogant. Quibus ille respondit: *Non sum.* Hoc in loco quæri solet, quomodo Ioannes Eliam se esse negavit, cum Dominus interrogantibus discipulis de eo dixerit: Si vultis scire, ipse est Elias. Sed facilis responsio est: Ioannem in persona quidem Eliam non fuisse, in spiritu tamen & virtute fuisse. Sic enim Angelus Zachariæ patri dixit: Ipse præcedet ante illum in spiritu & virtute Eliæ: quia videlicet eam vivendi rationem quam Elias, eodem actus Spiritu, æmulaturus esset. Vnde sicut Elias in solitudine vitam agebat, asperissimaque veste tegebatur, zeloque diuinæ gloriæ flagrans, & Prophetas Baal interfecit, & impietatem suam idololatæ Regi exprobrauit: ita Ioannes eandem vitæ asperitatem sectatus, eodemque religionis zelo accensus, & Phariseos genimina viperarum appellabat, & adultero Regi facinus suum constanter exprobrauit. Hac ergo de causa Dominus ipsum esse Eliam dixit, quia spiritu Eliæ donatus, vitam & zelum sectabatur Eliæ. Magis enim quisque id esse dicitur, quod Spiritu Dei est, quam quod spiritu proprio existit: cum longè nobilius illud sit, quod à Spiritu diuino, quam quod ab humano proficitur. Denominatio, autem à nobiliori re fieri solet: ideoque convenientius ab ea re nominatur, quam supra naturæ conditionem sumpsit à Deo, quam ab ea, quam naturæ ordine & conditione traxit à patre.

Ex quibus illud primò sequitur, talem vnumquemque esse, taleque nomen sortiri, qualem spiritum habeat, qualemque vitam sequatur. Nam qui quis intra se demonis spiritum habet,

Matth. 11.

Lucæ 2.

1. Reg. 18.

Matth. 5.

Mat. 14.

Joan. 6.

dæmonisquæ malitiam & prauitatem sectatur, is planè iure dæmon appellandus est. Quod quidem Dominus testimonio suo confirmat, qui cum discipulis agens, Nónne, inquit, ego vos duodecim elegi, & vnus ex vobis diabolus est? Si enim Ioannes à Domino Elias appellatur, quia spiritum habebat Eliæ, eiusque vitam sectabatur: cur nō diabolus appelletur qui spiritu diaboli in se habitantis agitur, & eius opera imitatur? Hac cōsideratione, fratres, cuidam penè immedicabili morbo (quo homines etiam iusti laborant) mederi poteritis: nempe vehementi cuidā indignationi aduersus tot mala, tot terra facinora, tot hominum infanias, quas quotidie videmus: quarum conspectu vehementer plerumque ad superbam quandam iracundiam & indignationem accendimur. Quæ quidem perturbatio hac potissimum ratione sedari poterit: Si intelligamus in omnibus hominibus, in quibus non habitat Spiritus Christi, spiritum habitare diaboli: qui quidē spiritus (vt Apostolus ait) operatur in filiis diffidentie. Quod si ita est, quid mirum si is qui tali spiritu agitur, talisque capitis membrum est, terribilia opera molitur? Quin & illud diligentissimè providēdum est, ne à gratia Dei per lethale peccatum excidamus. Hoc enim si fiat, homo protinus à Deo honorū omnium auctore deseritur, & à diabolo occupatur. Vbi enim Spiritus Dei non est, ibi nequitie spiritum habitare necesse est, Apostolo testante, qui ait: Si quis non habet Spiritum Christi, hic non est eius. Quod si non est eius, cuius (quæso) nisi dæmonis erit? Quid autem infelicius, quid calamitosius, quid detestabilius, quàm tali spiritu agitari: talis capitis membrum, & talis hospitis domiciliū esse? Hoc ergo nomine (vt nihil esset aliud) lethale peccatum supra omnia detestandum nobis esset: quandoquidem illius demerito (quod dictū quoque horrendum est) homo diaboli & spiritum & nomen retinet, & diaboli opera sectatur, & diaboli tandem (nisi oportune illum pœnituerit) supplicium & consortium perpetuò sustinebit. Quis ergo, hoc stipendio proposito, audeat lethale crimen committere?

Rom. 8.

Rom. 8.

Rom. 8.

Rom. 8.

Sed vt ad id, vnde digressi sumus, redeamus, hoc in loco duplex insurgit quæstio: altera, quomodo, si pij omnes eundem Christi Spiritum habent, non eadem etiam vitæ rationem sequantur: altera, cur Ioannes, qui Agnum Dei demonstraturus aduenerat, spiritu Eliæ potissimum donatus fuerit: in quo magis zeli & seueritatis acrimonia, quàm agni mansuetudo commendatur. Conuenientius enim videbatur vt agnus agnum, mansuetus mansuetum, blandus blandū præcurreret: vt quæ verbis demonstrabat, moribus etiam exprimeret. Ad prius illud dicendum est: quodd, quemadmodum lux vna Solis, quæ stellas

omne

omnes siue fixas, siue inerrantes illuminat, variè quidem, pro varia ipsarum natura, eas afficit (quo fit, vt alia serenitatis, alia tempestatis, alia siccitatis, alia pluuiarum causa sint, ac denique tam multi atque varij sint stellarum effectus, quàm ipsæ sunt variæ atque multiplices) ita planè lux illa diuini Spiritus, quæ omnia piorum corda illuminat, variè illa quidem, vel pro naturarum, vel etiam pro gratiarum varietate afficit ac mouet: vt omitam interim, quòd ipse Spiritus, non quidem more solis vno modo, sed variè seipsum, secundùm diuersa charismata pijs hominibus insinuat: qui propterea & vnicus, & multiplex esse dicitur. Hinc tanta in ipsis electis varietas existit. Hic Spiritus Mosem effecit mansuetissimum super omnes homines, qui morabantur in terra: idemque Eliam adeò fenerum & acrem, vt persecutores suos bis igne cælesti consumpserit, & Prophetas Baal quadringentos super vno lapide iugularit (quodque omnem superat admirationem) tribus annis & sex mensibus oratione sua imbres & pluuiam suspenderit, vt desertotem religionis populum fame atque inedia conficeret, nec tanta quotidie pereuntium multitudinem (quamuis animo saucius) à seueritate ad clementiam tam diu flecteretur. Videtis ergo quanta sit ab vno eodemque Spiritu varietas?

Cæterum cur præcursor Domini Ioannes, qui Agnum demonstraturus veniebat, non magis Spiritu Moïsis, quàm Eliæ, hoc est, non potius mansuetudinis quàm seueritatis spiritu donatus fuerit: hoc ab ipso donatore humiliter quærat, quisquis arcanum hoc scire desiderat. Quis enim cognouit sensum Domini? aut quis ei à consiliis fuit? Fortasse hanc tantam seueritatem corruptissimi illius seculi mores exigebant. Maiora autem vulnera acrioribus remediis curanda sunt. Fortasse etiam hoc ad auctoritatem testimonij plurimum conferebat: seueritas enim magis quàm mansuetudo veritatis testimoniū commendat: cum mansueti homines magis se aliorum moribus & sententiis, quàm acres & seueri accommodent: qui nullis aliorum affectibus aut persuasionibus flecti, & à recto deduci solent. His etiam adde, quòd si Lex & Prophetæ vsque ad Ioannem prophetauerunt, quæadmodum Prophetarum vaticinia in illo, ita rigor quoque legis cessare debuit. Videmus autem lucernam, cum iam iam, materia deficiente, mori incipit, splendorem flammam excitare, & sic tandem emori. Sic igitur, quoniã veteris legis asperitas in Ioanne finè capiebat, cõmodum erat, vt in ipso potissimum hæc virtus emereret, quæ erat in illo finienda. Post hoc autem tempus lenitas & mansuetudo Euangelicæ gratiæ consecuta est. Hoc autem indicare videntur

4 Reg. 1.
3 Reg. 18.

3 Reg. 17.

Simile

Reg. 19.

in signis illa viso, quæ Eliæ in monte ostensa est, in qua Dominus aduentum ingens fragor subuertens montes, & conuertens petras, antecessit; post quem tamen sibilus auræ tenuis (in quo Dominus erat) secutus est. Per illum ergo ingentem fragorem, omnia subuertentem, legis asperitas; per sibilum verò auræ tenuis, lenitas & mansuetudo Christi, (quæ in primo aduentu potissimum enituit) aptissimè designatur. Is namque de se ait: Discite à me, quia mitis sum, & humilis corde. Et in Isaiæ de illo cælestis Pater ait: Ecce puer meus electus, quem elegi, posui super eum Spiritum meum: Non clamabit, neque contendet, nec audietur in plateis vox eius: Galatum quassatum non conteret, & linum fumigans non exstinguet. Quia enim quàm diu Dominus metu, seueritate, atque austeritate cum hominibus egit, vix quicquam apud illos profecerat: noua modò bella, hoc est, nouam bellandi rationem excogitauit, vt lenitate & mansuetudine vinceret, quos terroribus atque minis numquam antea subiugauerat. Lex enim seueritate, Euangelium lenitate; lex timore, Euangelium amore; lex plagis & minis, Euangelium donis ac beneficiis aduersus homines decerant. Vicit autem Euangelium: quia nimirum generosus est animus hominis, & magis ducitur, quàm trahitur. Quia ergo Dominus legis & Euangelij differentiam omnibus conspicuam esse voluit, ideo vno eodemque tempore Ioannem & Christum in mundo simul esse voluit, vt diuersa iuxta se posita, se se mutuò illustrarent: dum Ioannes legis asperitatem, Christus verò Euangelij lenitatem, in personis quisque suis, exprimerent. Sed ad historiam redeamus.

Deut. 18.

Cum ergo Ioannes se Eliam esse negasset, instant illi rursum: Quid ergo? Propheta es tu? Negat ille se esse Prophetam, videlicet illum quem singularem inter Prophetas omnes Moses venturum promiserat, nempe Christum. Erat Ioannes Propheta: sed non ille qui singulari priuilegio inter Prophetas tãquam Prophetarum Dominus eminebat. Itaque cum Ioannes se nec Eliam, nec Prophetam esse dixisset, quærunt illi rursum: Quid ergo es? *vt responsum demus iis qui miserunt nos: quid dicis de te ipso? Ego (inquit) vox clamantis in deserto, Dirigite viam Domini: sicut dixit Isaias Propheta. Quod perinde est, ac si diceret: Ego sum præco & minister illius vocis, quam Isaias Propheta in spiritu audiuit: quæ quidem vox hoc præcipue prædicat: Dirigite viam Domini. Quia enim promissus olim Dominus, tam diu expectatus atque desideratus ad vos venire dignatus est, non quidem vacuus, sed cælestibus diuitiis plenus: ideo sternite illi viam, per quã ad vos veniat: ad quod vos prophetica voce inuito: Parate viam Domini, rectas facite semitas Dei vestri. Quæ verba sapius*

Isaie 40.

pius

pius Ecclesia hoc tēpore eo consilio repetit, vt quemadmodum Ioannes hac oratione ætatis sue homines ad excipiendū Christum in carne venientem præparabat, ita nos eadem ad spirituales eius aduentum hoc tempore præparet. De hoc igitur spirituali aduentu (quādo de aliis duobus in superioribus Concionibus dictum est) sicut polliciti sumus, dicere incipiamus.

Tractatio thematis I.

Triā ramen hac de re potissimū mihi dicenda esse videntur: Primum, quo studio & ardore Dominus in animas nostras venire, & in eis requiescere dignetur. Deinde, quid in eis potissimū operetur. Postremo, quid nobis facto opus sit, quo tali aduentu taliq̃ hospite digni habeamur.

Principio verò, nulla oratio explicare, nulla mens pro meritis concipere potest, quantum superna illa & infinita bonitas in fidelem animam venire, & stabilem in ea sedem figere desideret. Neque id quidē mirum alicui videri debet, cum anima iusti sit naturalis locus, & veluti centrum, in quo diuina mens requiescit. Videmus autem res omnes, quæ natura cōstant, vehementissimo impetu in sua propria & naturalia loca, hoc est, in suum centrum (in quo placidissimè requiescūt) ferri. Summus autem ille rerum omnium conditor habet etiam suū (vt diximus) centrum, in quo quiescit (si tamen ita loqui de summa illa maiestate licet) nec id quidem simplex, sed etiam duplex: alterum quidem in seipso, in quo plenissimè requiescit, omnibusq̃ diuinitatis suæ deliciis fruitur: alterum in anima iusti, quæ sedes est sapientiæ; in qua etiam mirificè oblectatur. Vnde Vnigenitus ille, qui in sinu Patris, tanquam in cētro suo placidè cubat, suū quoque habet in terris velut humile & exiguum centrū, in quo deliciis suis fruitur cum filiis hominum. Sicut enim Salomon post amplissimā domum, quam sibi in Hierusalem ædificauerat, aliā quoque solarij domum in saltu Libani (quæ venationi seruiebat) exstruxit: ita verus Salomon Christus alteram quidem domum in caelesti Hierusalem non manufactam habet; alteram verò in hoc inferiori mundo delegit, hoc est, in hac ferarum regione, in qua nobiscum habitare dignatur. Vtrumque autem centrum atque domicilium per Isaiam insinauit, cum ait: Hæc dicit sublimis & excelsus, habitans æternitatem, & cum humili & contrito spiritu: vt viuificet spiritum humilium, & viuificet cor contritorum. Vides ergo quā disparia sint duo hæc Dei nostri loca: quādo alter incomprehensibilem comprehendit æternitatem, alter humani cordis angustiis continetur. Et tamen in hoc habitat Deus, mitisq̃ in eo deliciis inter candida lilia candidior ipse Spon-

Mat. 61.

sus pascitur & oblectatur. Sed de supernæ Hierusalem deliciis, nulla mortalis lingua eloqui dignè potest: de hac autem inferiori, hoc est, anima iusti, per Isaiam ipse ait: Non vocaberis vltra derelicta: & ciuitas tua non vocabitur amplius desolata: sed vocaberis Voluntas mea in ea: hoc est, ciuitas volutati meę gratissima & iucundissima: in qua ad votum meū libentissimè commorabor. Hęc à me dicta sunt, fratres, quo vobis insinuerem, puras & castas mentes, simplicitatis, & humilitatis, carerarumque virtutum gemmis ornatas, esse veluti centrum, in quo diuina mens suauissimè, tamquam in loco sibi simili & cognato, requiescat. Vnde facile colligere licet, quo studio, quo affectu & ardore summus ille puritatis & innocentie amator ad illas venire, & in illis habitare desideret. Si enim corpora grauius tanta velocitate in locum sibi à natura præscriptum feruntur: si aer terris violenter inclusus, ingentes montes à sedibus frequenter suis reuclit, & vastam terræ molem tremefacit & concutit, quo in superas oras evadat, quas sibi ad habitandum nature Conditor præfixit: si denique ignis sulphureo puluere excitatus, munitissimisque arcibus subiectus, ipsas tamquam leues stipulas volitare per aëra facit, quo sedem sibi in supremo mundi loco positam occupet: quæ so, auiditate, quo desiderio summus ille honestatis, simplicitatis, & humilitatis amator & author in eam mentem illabi contendet, quam ipse sibi sedem, & veluti centrū fabricauit, propter quæ cælum, erras, maria, naturamque vniuersam condidit & administrat (quodque mirabilius est) propter quam & homo fieri, & in crucem tolli, & sanguinem undere non erubuit, quo illius pulchritudinem roseo sanguinis suo cruore illustraret, sibi que hac ratione gloriosam Sponsam, omni macula & ruga vacantem, exhiberet: Hoc intelligat qui potest: qui non potest, ab illo Patre luminum supplicibus votis petat, vt vel sanctorum hominum gestis, diuinis que beneficiis perscrutandis, vel (quod esset multo felicius) propriis id assequi possit experimentis. Tunc enim facile intelliget, quanta cum ratione iusti viri mentem, diuinæ sapientie sedem, & Dei centrū ac domicilium appellemus.

Prou. 23.

Quo minus mirandum est, si imensa illa & infinita bonitas tanto studio hoc sibi domicilium parari & exhiberi cupiat. Hoc enim illa eius verba apud Salomonem testantur: Fili, præbe mihi cor tuum. Ad quid, obsecro, cor nostrum postulas Domine? Nimis, vt in te sedem meam constituam, in te habitem, in te quiescam, in te lucis & dilectionis meæ splendidissimos radios effundā. Ego cor tuū feci, ego iterum reficere volo. Immo verò quia ego illud construxi, tu verò destruxisti, nec
alius

alius inflaurare opificium potest, nisi qui formauit: trade illud formatori, vt quod tu vitio tuo deformasti, ego spiritu & virtute mea reformem. Quia verò infinita Dei bonitas & charitas in hoc benefaciendi studio velut impatiens mora est, nō lento quidem gradu, sed summa celeritate ad se nos cōtendere hortatur, dum fidelem animam amantissimis his vocibus in Cantico. compellat: Surge, propera amica mea, columba mea, formosa mea, & veni. Quò, quaeso, surgere, quò properare, quò venire præcipis Domine? Nimirum non aliò, quàm ad te fontem aquæ vitæ, vt ex te reficiamur, in te acquiescamus, ex te & in te plenissimè satiēmur. Ad hoc ergo fidelem animam Dominus vocat, tantoque studio & ardore accersit, vt non semel inuitasse contentus, eandem protinus blanditias, eademque amantissima verba reperat, dicens: Surge, propera amica mea, speciosa mea, & veni: columba mea in foraminibus petrae, in caverna macerie, hoc est, in vulneribus crucifixi. Qua in re ineffabilem Dei nostri dignationem & benignitatem contēplari licet: qui cum nostri prorsus non egeat, nostroque commercio nihil illi possit accedere (qui in statu consistit omnium bonorum aggregatione perfecto) dignatur tamen vltro ad nos venire, in nobis habitare, ac tot promissis, tot blanditiis, torque amantissimis vocibus nos ad hoc inuitare. Quæ quidem verba à Spiritu sancto dictata, scripta, & cōsignata, dum in hoc Epithalamio, id est, amoris Cantico lego, verè stupeo, & nescio vtrū potius mirari debeam: an summam & inestimabilem Dei nostri bonitatem, qui talis ac tantus ad vilissimos venire dignetur vermiculos: an summam nostram socordiam, & incredibilem stupiditatem, qui ad talem ac tantum Sponsum, sic amantem ac vocantem, venire recusamus.

Cant. 2.

Ibidem.

II.

Nunc igitur secundo loco videamus, quid in ea mēte, quam Deus inhabitat, operetur: ac præcipuè quibus eam deliciis pascit, qua luce perfundat, qua virtute & robore armet & muniat. Verum ad hæc explicanda, quæ vis orationis par esse queat? Nonnihil tamē hūc de rebus sanctus David insinasse videtur, cum ait: Beatus populus qui scit iubilationem. Domine in lumine vultus tui ambulabunt, & in nomine tuo exsultabunt tota die, & in iustitia tua exaltabuntur. Quoniam gloria virtutis eorū tu es, & in beneplacito tuo exaltabitur cornu nostrum. Pro iubilatione, alij apertius clangorem verterunt: quoniam nomine aduersantis Dei presentia significatur. Hoc enim clangore buccinæ resonante, Deus olim ad ferendas leges Hebræis in Sinai venit. Vnde synecdochicòs ex hac insigni circūstantia tota res, hoc est, Dei presentia nō incommode significatur.

Psalm. 32.

Exod. 19.

Est ergo sensus (vt quidam huius loci interpretes ait) Beatus populus, qui intelligit Deum apud se versari, qui tam potens, tam iustus, tam misericors, tamque verax est: quas virtutes Vates sanctus magnificis verbis antea prædicauerat. Causam verò huius beatitudinis exponit, cum subdit: Domine in lumine vultus tui ambulabunt. Hoc est, Felices, & verè fortunati, qui te, Domine, intra se præsentem habent: semper enim illis per has tenebras, & vras vitæ difficiles ingredientibus, splendor tui Spiritus clarissimum lumen ostendit, atque in animis eorum tam ardentes amores excitat omnium virtutum, vt nihil eis iucundius, nihil amabilius videatur, quàm pie, iuste, atque temperanter vivere. Neque tamen isti virtutes suas admirantur, aut gaudent in seipsis: sed omnis eorum admiratio & letitia in nominis tui cognitione versatur. Et merito quidem. Nec enim iustitia sua, sed tua gratia extolluntur: tua gratia iacentes & abiectos erigit, atque ad altissimum gradum dignitatis extollit, omnia illorum peccata delens, mentes & voluntates sanans, conferentias lætas & tranquillitas reddens, Spiritu sancto, regno caelesti, & vita sempiterna donas. Itaque quod cupiditates temerarias coercerent, quod timores omnes, & omnes sollicitudines pellunt, quod nec rerum aduersarum ictibus franguntur, nec oppugnationibus humanæ sapientiæ de gradu pietatis deiciuntur, totum id referunt acceptum misericordiæ tuæ: quæ animos piorum ita corroborat & confirmat, vt eorum virtutem excelso & illustri loco sitam, quàm diu à te protegentur, nulla nec hominum, nec diaboli labe, & stare possit improbitas.

Quantum verò, dum in hoc mortali corpore degimus, hoc caelesti præsidio, ac præsentis Dei ope indigeamus, corruptæ naturæ vitium, & vis fomitis, hoc est, maxima carnis nostræ procliuas ad malum, satis aperte declarat. Opera preteritum autem me facturum puto, si viramque rem, hoc est, & naturæ huius corruptelæ magnitudinem, & diuinæ virtutis ac præsentie necessitatem, proposito aliquo exemplo vobis ante oculos proponerem. In quanto, quæso, periculo versaretur excellēs virginis pulchritudo, quæ inter multorum adolescentulorum greges vitam ageret; cuius etiā lateri indiuulsus semper adhereret germanus, supra quàm dici potest ab ea dilectus, qui tamen adeo malo prauoq. ingenio esset, vt illam semper prostituere, semper ad malum importunis adhortationibus & promissis incitaret, ac penè impelleret? In simili igitur periculo versatur anima nostra, quam non modò externæ rerum species sensibus obiectæ alliciunt, sed interni etiam motus, ex amica simul & corrupta carne pullulantes, variis suggestionibus ad malum sollicitant. Cuius quidem suggestiones eo sunt vehementiores, quo

mutuus

12. 702

12. 703

Simile.

12. 704

12. 705

mutuus vtriusque partis amor vehementior est. Amat enim naturali quadam propensione anima corpus, vtpote cui suum ipsius esse communica, per quod ipsum corpus existit: ideoq. illud perinde ac se ipsam amat. Ionathas amantissimo Davidi vestes suas & arma præ nimio amore contulit: at anima corpori (cui eximio naturæ amore deuincta est) non res externas, sed suum esse, & cum eo vitam, pulchritudinem, morum, sensum, cæteraque vitæ ornamenta tribuit. Hoc ergo corpus cum germana semper anima graditur, assidueque importunis cupiditatibus ad malum miseram vrget atque sollicitat. Ad hoc autem duplicibus vtitur instrumentis, nimirum sensibus, & affectibus: sensibus enim externa illi corporis bona repræsentat; affectibus verò ad ea, quæ sensibus obiecta sunt, persequenda, vehementer impellit. Itaque si quid ei pulchrum obtulerit, ad impurum amorem extimulat: si preciosum, ad cupiditatem: si iucundum & suauē, ad inconcessam voluptatem. Hæc igitur prima malorum nostrorum origo est. Quod ergo huic tanto incommodo remedium adhibebimus? Certe non aliud commodius excogitari potest, quàm vt pro illo tetro ac pestifero malorū incendio atq. instigatore alius intra pectus nostrum auctor, ad bonum semper exhortans & instigans, de cælo sufficiatur: qui nos semper à carnalibus ad spiritalia, à terrenis ad cælestia, ab impuris voluptatibus ad pietatis & honestatis cultum reuocet. Hoc autem quis vel dignior, vel sanctior, vel potentior, quàm diuinus ille Spiritus esse possit: qui maximo cælestis Patris beneficio, & summo Christi merito, fidelium mentibus illapsus, intellectum illuminat, voluntatem accendit, vires inuictas tribuit, quibus cunctis carnis illecebris & voluprati- bus superiores esse possimus. Hoc autem esse diuini Spiritus officium, Apostolus testatur, cum ait: Lex Spiritus vitæ in Christo Iesu liberauit me à lege peccati & mortis. Hoc est, virtus Spiritus sancti (quam is legem Spiritus appellat) me à tyrannide carnis & fomitis liberauit, qui lex peccati & mortis appellatur; quod videlicet à peccato ortus sit, & ad peccatum semper sollicitet. Simili penè consilio naturæ conditor in animalium fabrica vltus est. Quia enim animantium cor feruentissimo calore ætuate oportebat, quo cæteris membris vitalem calorem largiretur; periculumque erat, ne nimio sui ipsius calore absumeretur, pulmonis illi flabellum mira prouidentia coniunxit: à quo calor ille ita temperaretur, vt qui sine eo lethalis fururus erat, per illum vitalis fiat & salutaris. Idem igitur in piorū animas hunc cælestem Spiritum effundit: quo noxius concupiscentiæ calor ita temperatur, vt non modò nihil nobis noceat, sed etiam coronatum nobis materiam tribuat, & ipsis affectibus

Reg. 18.

Rom. 8.

simile.

Cur spi-
ritus san-
ctus in
nube figu-
ratur.

bus nostris rationis imperio moderatis, ad virtutum officia inciter & acuat. Huius enim rei gratia sub imagine nubis filios Israel in deserto præeuntis, Spiritus sanctus olim adumbratus est: qui sicut nubes soli obiecta, æstus eius & ardorem temperat; ita is in mentibus fidelium habitans, fomitis & carnis nostræ incendia, refrigerantis gratiæ suæ ope moderatur ac temperat: ut non iam ignis concupiscentiæ, sed diuini amoris (unde omnis iustitia & sanctitas manat) in anima dominetur. Hic est igitur præcipuus Dei in anima commorantis fructus, omnibus huius mundi regnis & sedibus merito præferendus.

III.

Cum igitur his tantis bonis potiantur ij, quorum Deus mentes inhabitat; quid superest, fratres, nisi ut omnia nostra opera, omne studium in hoc præcipue incumbat, ut digni Deo tempulum efficiamur, ipsiq; in mentibus nostris facilem aditum præbeamus? Quod cum omni tempore faciendum sit, hoc tamen, quo Dominicæ natiuitatis sacramentum celebratur, maxime conandum est, ut is videlicet inuisibiliter in anima nostra oriatur, qui visibiliter in mundo nasci dignatus est. Id autem erit, si animam illi nostram præparemus, si poenitentia purgemus, & bonis eam operibus exornemus. Hoc enim præcipuum præcursoris Domini munus fuit, cuius illa hodie vox auribus nostris insonuit: Dirigite viam Domini, rectas facite semitas Dei nostri. Semitas verò nostras, quæ a virtutis tramite deuiarunt, tunc rectas facimus, cum per veram poenitentiam ad Dominum conuertimur. Id enim est deuio calles declinare, & ad iter salutis regredi. Vnde sanctus præcursor, qui nos ad has rectas semitas vocaturus veniebat, a virtute poenitentia prædicationis sumpsit exordium: baptizans & prædicans baptismum poenitentia in remissionem peccatorum. Hoc nimirum baptismate suo virtutis poenitentia declarabat: quæ ita animas a peccatis, sicut aqua corpus a sordibus mundat. Ad hanc igitur vos poenitentiam, fratres, inuitamus: ut confessionis lauacro animas vestras abluentes, purissimum intra vos nascituro Christo palatium exhibearis: quo omnium diuitiarum, quas secum veniens in mundum affert, participes effici mereamini. Vbi Rex terrenus peregrè profectus in regnum suum regreditur, quæ omnium lætitia, quæ populi frequentia, quæ apparatus & splendore a cunctis excipitur! Ecce Rex gloriæ venit in mundum, non perituris & terrenis, sed sempiternis & spiritualibus bonis redundans, secum gratiam, iustitiam, peccatorum remissionem, Spiritum consolatorem, veram pacem, animarum salutem, & sempiternam afferens felicitatem; quæ omnia ijs liberalissime imperitur, qui illum intra se deuoto, fideli, & puro corde recipiunt.

Simile.

piunt: quis ergo Regem talia tantaque secum munera ferētem non libentissimos amplectatur? quis hanc salutis suæ occasionem vacuum effluere pariat? Maximum quippe oportunitas ad res gerendas momentū afferre solet. Sic milites, cum oportunitas admonet, incautum hostem ferire: sic agricola, cum rēpos horratur, messes colligere: sic nautæ, cum secunda spirare aura cœperit, permittēte vela ventis solent: quæ verò maior oportunitas ad diuinam gratiā impetrandam, quàm dies Natalis Domini, in quo non solum Deo gloria, sed etiam pax hominibus Angelicis vocibus nūciatur? Si enim terreni Reges in natalitiis suis solemnia conuiuia instruere, & magnifica largiri dona cōsueverunt: si Rex Herodes (qui infelicissimè natus est) natalis sui diem celebrans, dimidium regni sui saltanti puellæ pollicetur: quas, quæso, diuitias, quæ dona Rex ille cælestis (qui adeo feliciter natus est) natalis sui diem deuotè celebrantibus impartietur? Ne ergo, fratres, occasionem hanc prætermittite: exire obuiam Saluatori vestro, celebrate natalem quo renati estis, & ad nouam vitam regenerati. Dilatate sinum cordis vestri, vt imperuestigabiles diuitias, quibus affluens in mundum venit Christus, in eo recondere possitis: quas ille recipit, qui à peccatorum sordibus repurgatus, per sacram Eucharistiam intra mentis suæ claustra recondit. Et quoniam Dei misericordia misericordibus porissimum exhibetur, estote, quæso, hoc brumę tempore erga pauperes Christi misericordes; argentes nudosq. vestite, vt vobis de agni vellere immortalitatis vestis in cælo cōtexa seruetur. Esurientes alite, & mittite partes iis qui non habent, vt pane Angelorum in cælesti mensa perpetuo refici mereamini: Præstante eodem Domino nostro Iesu Christo, qui cum Patre & Spiritu sancto viuunt & regnat per infinita seculorum secula, Amen.

Lucæ 3.
Simile.

Matt. 14.

IN EADEM DOMINICA QVARTA

SECVDVM MOREM ROMANVM, CON-
cio prima: in qua lectio Euangelica explanatur.

THE. Parate viam Domini, rectas facite semitas eius.

Lucæ 3.



INNO quintodecimo, &c. Familiaris rerum gestarum scriptoribus consuetudo est, cum rem aliquam insignem narrare volunt, tempus, quo ea res cōgigit, diligenter adnotare, & Regis nomen, sub cuius imperio ea res gesta sit, & annum, & mensem, interdum etiam diem

diem & horam commemorare. At inter omnia quæ in mundo
 vniquam contigerunt, nihil aut maius, aut mirabilius animo
 & cogitatione fingi potest, quàm quòd Deus humana carne
 vestitus, in terris apparere, & inter homines versari, & vitam
 cum eis agere dignatus sit. Hoc illud est inopinatum atq; mi-
 rabile, quo stupefactus Propheta, vbi immensam Dei maiesta-
 tem & potentiam declarasset, & cælorum ac stellarum illi im-
 perium assignasset, hæc tandem admirandæ dignationis verba
 subiicit. Post hæc in terris visus est, & cum hominibus conuer-
 satus est. Quo quid mirabilius dici aut cogitari potuit? Multi
 tamen fidelium partim consuetudine (quæ rebus etiam maxi-
 mis admiratione detrahare solet) partim malitia diaboli men-
 tes hominum excæcante, huius tanti mysterij splendorem, &
 ineffabilem magnitudinem æstimare nesciunt. At quanto ali-
 ter æstimabat sanctus ille Euangelista, qui his tam amplis &
 magnificis verbis arcanum hoc fidelibus initio statim canoni-
 cæ Epistolæ suæ credendum, atq; omni reuerentia suscipiendum
 proposuit. Quod fuit (inquit) ab initio, quod audiuimus, quod
 vidimus oculis nostris, quod perspeximus, & manus nostræ
 contrectauerunt de verbo vitæ, & vita manifestata est: & vidi-
 mus, & testamur, & annunciamus vobis vitam æternam, quæ
 erat apud Patrem, & apparuit nobis. Animaduertite, quæ so-
 quot verbis idem pollentibus, iterum atque sæpe repetitis, ean-
 dem proferat sententiam: quasi oculos atque animû ab ea præ-
 amoris & admirationis magnitudine diuellere non possent.

Cum ergo ea sit huius diuini operis excellentia, dignû pro-
 fectò erat ut sacer historiographus temporis ratione, quo hæc
 tanta res in mundo gesta est, diligentissime explicaret. Vade
 quis eo tempore mundi imperium teneret, quis eius imperij
 annus volueretur, qui Principes Iudæorum Rempub. in qua
 Christus natus est, administrarent, & qui Pontifices summo
 sacerdotio fungerentur, initio statim sacræ huius lectionis ex-
 ponit his verbis: *Anno quindécimo imperij Tiberij Caesaris, procu-
 vante Pontio Pilato Iudeam, tetrarcha autem Galilææ Herodæ, &c.* quæ
 sequuntur. An non igitur videtis, hæc tam longâ Imperatorum,
 Regum, atque Pontificum serie proposita, maximum aliquid
 mirabile Euangelistam significare voluisse? Maximum planè.
 Quid igitur illud est? nempe factum esse verbum Domini su-
 per Ioannem Zachariæ filium in deserto commemorantem: ut is
 ad homines prodiret, denunciaretq; impletum esse iam vete-
 rum variorum tempus, appropinquasse regnum cælorum,
 mundi Saluatorem, & spem omnium seculorum esse iam in
 foribus: quare poenitentiam agerent, qua venienti Saluatori
 viam sternrent atque pararent.

Quia

Quia verò legatio hæc tanti ponderis erat, ne indignitate legati tantæ rei dignitas inueneretur, legatum Dominus officij magnitudini parem delegit. Is fuit Ioannes Baptista, inter natos mulierum Propheta maximus. Quæ autem orationis vis dignitari eius explicandæ par esse possit? Fuit enim is multo antè à Prophetis prædictus, ab Angelis annuncius, Dei munere atque miraculo conceptus, nec non in ipso matris vtero maiori miraculo Spiritu sancto repletus, denique mirandum in modum & natus, & nominatus, & educatus. Qui quamuis in vita miraculum nullum ediderit, tota tamen eius vita velut miraculum ingens existimanda est. In qua cum multa fuerint admiratione dignissima, tria tamen in eo maxime mirifica fuisse videntur.

Primum quidem maxima in omnibus, quæ ad vsum vitæ pertinent, victus & cultus asperitas. Desertum enim illi domus erat: vestis, cilicium: lectus, humus: mensa, locusta, & mel siluestre: familia verò solitudo, quæ ipsi & ministra & comes indiuidua fuit. Quod si quæras, cur Spiritus sanctus, qui huius sancti viri ductor atque magister erat, hoc tam rigidum vitæ genus illi indixerit; hoc vel maxime in causa mihi fuisse videtur, quod illum ad prædicandum hominibus penitentiam destinaret (vt eius verba testantur) ideoque cum Dei opera perfecta sint, non mirum, si, quem ad persuadendam penitentiam delegerat, talem esse voluerit, qui non modò verbis, sed factis etiam, atque adeò toto corporis cultu & habitu penitentiam prædicaret. Tales enim sunt, quos Dominus elegit, verbi sui ministros, qui seridè hominibus persuadent, nihilque loqui audent, nisi quod in eis effecerit Christus. Rectè enim D. Hieronymus ad Nepotianum: Delicatus magister est, qui pleno ventre disputat de ieiuniis. Accusare auaritiam & latro potest. Sacerdotis lingua, mens, manusque concordent. Hæc igitur vna huius tantæ asperitatis causa existit. Altera verò fuit, vt hac ratione Dominus testi suo auctoritatem, & magnam sanctitatis opinionem conciliaret, quæ ad eius testimonij fidem comprobendam maxime faciebant. Sicut enim carnalia vitia maiore apud homines præ se ferunt ignominiam, atque infamiam notam, quam ea quæ spiritualia nominantur: ita contra maceratio & mortificatio carnis hominibus maxime mirabilis est, maioremque sanctitatis famam, quam ceteræ virtutes interioræ conciliant. Homines enim qui corporeis sensibus ducuntur, cum earum virtutum, quæ totus in animo latent, splendorem minime videant, eas maxime mirantur, quæ corpore exercètur: ideoque laboribus & inedia corpus atterere, maximum quiddam esse arbitrantur, cum illi eius obsequio perpetuo addicti sint. His

Hieron.
in Epist.

circo

ergo de causis asperitum vitæ institutum, Spiritu sancto instigante, Ioannes arripuit. Adde his etiam, quod hac ratione vir sanctus naturam carnis petulantiam comprimebat. Quo enim magis caro nostra fuerit inedia & laboribus fracta & debilitata, hoc minora aduersus spiritum bellorum incedia suscitatur. Cuius rei typus ingens ille piscis gerit, de quo in lib. Tobie mentio fit: qui intra fluminis alueum positus, aperto ore inhians, Tobiam deuorare nitebatur: Angeli verò iussu ab aquis in aridam terram extra ctus, extincto penè robore palpitare cœpit. Ad hunc ergo modum caro nostra carnalibus deliciis refrigerata, molliterq. foras atque nutrita, spiritum deuorare atq. extinguere nititur: quæ tamen ieiuniis & inedia macerata, & veluti in arido loco posita, minora aduersus eundem bella concitat. Caro autem ad hunc modum arefacta, & ab omni noxii humoris fugo extenuata, tympanum illud est, in quo toties in literis sanctis Dominum laudare iubemur. Nec enim tenuis illa tympani membrana, sed caro nostra ab omni vitiorum humore & lasciuia defecata, verè Dominum laudat. Atq. hac ratione Ioannes non tam vocis prædicatione, quàm carnis castigatione Dominum laudabat. Hanc autem eius virtutem non postremo loco Angelus posuit, cum ad Zachariam eius patrem dixit: Erit magnus coram Domino; vinum & siceram non bibet. Quibus verbis (vt hoc in loco Euseb. Emis. ait) abstinentiæ merita, & iter arduum militiæ spiritualis humano generi insinuare curauit. Scuit quod non sufficeret eligentis gratia, nisi collaboraret etiam vigilantis industria: & nondum de sola Dei electione securus, nihilominus agonibus ieiuniorum, & laboribus abstinentiæ atq. iustitiæ, diuina in se vota seruare contendit. Hæc ille. His igitur de causis, vt ad institutum redeamus, adeo rigidum vitæ institutum Ioannes arripuit, quauis ab vtero matris sanctus, & cælesti Spiritu plenus fuerit. Quo in loco magna se nobis, fratres, cecitate, languorè, & socordiam nostram lamentandi materia offert. Si enim Ioannes ab ipso matris vtero cælestibus donis ad omnem pietatis cultum instructus, tanta asperitate reluctante spiritui carnè subigebat, qui tamè nullum in vita leihale flagitium admiserat: quæso, fronte nos ante superni Iudicis faciem apparebimus, qui tot sceleribus admissis, tot mundi laqueis irreti ac impliciti, tot tentationum malefudæ carnis stimulis agitati, & prauæ consuetudinis vinculis adstricti, quodque malus est, cælesti Spiritu vacui, impuræ carnis lasciuia & petulantiam molliter nutrire, deliciis fouere & saginare nunquam intermitimus, & in hoc curas omnes, atque omnia vitæ studia cõferimus? Quid hoc est, nisi oleum flammæ adicere? & ardenti corpusculo fomenta ignis ministare, ac cælesti gratiæ obicem

ponere

Tob. 6.

Homil.
de Ioan.
Bapt.

ponere? quo quid esse periculosius potest? Ioannes Spiritu sancto plenus carnis maceratione indiget: & tu Spiritu sancto vacuus, & in medio laqueorum positus, carnem tuam mollior & blandè fouens, securitatem tibi polliceris?

I.

Neq. verò Ioannes hoc solo abstinentiæ præsidio contentus, addidit etiã abstinentiæ solitudinem, quæ maximè ad innocentiam tuendã conducit & adiuuat. Ad quam nõ igitur virili & maturæ ætate, sed (quod inusitatus & mirabilis est) in ipsa pueritia à Spiritu sancto adductus fuit. Sic enim Lucas Euan. ait: Puer autem credebatur & confortabatur spiritu, & erat in desertis vsq. ad diem ostensionis suæ in Israel. Cuius incolatus causam versiculus ille exponit, qui ait, eã de causa Ioannẽ sub teneris adhuc annis deserti habitationem elegisse, ne leui saltem maculare vitã famine posset. Inter omnes enim alias cõmoditates hoc habet solitudo, quòd innumeras penè præcindit occasiones peccandi: quas cõtrã turba atq. frequentia hominum suppeditat. Tales enim ferè homines esse solent, quales ij sunt quibuscum versantur. Vnde scriptũ est: Qui cum sapientibus Prou. 13. graditur, sapiens erit: amicus stultorum similis efficitur. Rursumque: Qui tangit picem, inquinabitur ab ea; & qui cõmuni. Eccli. 10. Ioan. 2. car superbo, induet superbiam. Porro autem si totus mūdus in maligno positus esse dicitur, quid ego nisi malitiã ex eius consuetudine dicere potero? Quid ferro durius, quod omniã domat, cõtunditq. metalla? At si diu in terra defossũ iaceat, deposita & consumpra omni duricia, in mollẽ terram vertitur. Si ergo durissimũ & intractabilẽ ferrũ in ea degenerat quibus adiungitur; quid faciet cor carneũ, cũ inter carnales homines tota vita versetur, nihilq. nisi carnem oculis, carnem auribus, carnẽ animo, & cunctis sensibus concipiat? Hæc autem causa fuit D. Francisco in montibus degenti, & cœlestiũ rerum contemplationi vacãti, vt etiam ad docendos homines descendere trepidaret: Quoniam (inquit) cõsuetudine Dei fiunt homines quodammodo diuini; consuetudine verò hominum vix fieri potest, quin aliquid in se humanum atque terrenũ contrahant. Quam rem Seneca etiam, quãuis ethnicus philosophus, Seneca 3^o Epist. sibi accidisse testatur his verbis: Auarior, ambitiosior, luxuriosior, imò verò crudelior & inhumanior redeo, quia inter homines fui. Itaque periculo suo doctus, amicum, quem instituendum susceperat, his verbis admonet: Quid tibi præcipue virandum existimem, quæris? turbam. Numquam illi turò te commiseris, numquam à turba mores quos extuli, refero. Aliquid ex eo quod cõposui, turbatur: aliquid ex his quæ fugavi, redit: inimica est multorũ conuersatio. Nemo aliquid virtutis nobis

nobis non ingerit, aut commodat, aut imprimit: quo maior est populus cui miscemur, hinc periculi plus est. Hactenus ille. Quod præceptum ab insigni Philosopho traditum, fideles omnes, atque ij præsertim quorum tenera virtus est, quiq; paruuli adhuc in Christo sunt, in imo pectore condere debent, si innocentiam & integritatem animi tueri velint: alioquin, nisi vel solitudinem amauerint, vel perditorum hominum consuetudinem prudenter declinauerint, periculum est, ne vel ab illis irrideantur, vel ipsi eorum mores imitentur. Quamobrem prudenter se ab eorum consuetudine subtrahere debent, qui eiusdem instituti ac propositi participes non fuerint, siue illi consanguinei, siue familiares, siue amici sint. Rerum enim natura (vt D. Chrysost. testatur) sic ferè habet, vt, quoties bonus malo coniungitur, non ex bono malus melior, sed ex malo bonus fiat aliquando deterior. Diuersitas enim rerum numquam potest habere concordiam, & multos ad malum societas nefanda sollicitat. Qui ergo Deum super omnia (vt par est) diligere constituit, omnia quæ illum in hoc charitatis studio remouantur, forti & inuicto animo à se procul ablegare debet. Neque propter hoc offensam hominum pertimescat, modò sibi Deum propitium habeat. Melius est enim (vt D. Hier. inquit) Deum habere factorem, quàm oculos hominum. Hac ergo de causa paruulum Ioannem Spiritus sanctus in cretum impulit: vt, quam ab ipso gratiam & innocentiam acceperat, non solum abstinentiæ, sed etiam solitudinis beneficio conseruaret.

Chrysol.

Hieron.
in Epist.

Quæret fortasse aliquis, quidnam Ioannes in illa solitudine ageret: neque enim, vir sanctus, riabatur. Certè neque terram vt agricola colebat, neque philosophicis disciplinis operam dabat, aut simile quicquam exercebat: sed totus erat dies noctesq; orationis studio atque diuinarum rerum contemplationi intentus. Quid enim aliud vir ille diuinus ac Spiritu Dei plenus, & Dei amore mirabiliter incensus, in solitudine faceret, nisi Angelorum officium imitari, qui semper in Dei amore & contemplatione suspensi sunt? Si enim Dauid (quo tempore in præsidio erat, & militari vitæ seruiebat) adeò huic muneri deditus erat, vt in Psalmo 62. dixerit: In terra deserta, inuia, & inaquosa, sicut in sancto apparui tibi, vt viderè virtutem tuam & gloriam tuam (Hoc est, perinde ac si in sanctuario tuo tibi assisterem, ita in hac solitudine versans, gloriam & potentiam tuam contemplor, quam in meis quotidie periculis experior) si (inquam) Dauid in hoc statu ita diuinæ maiestatis contemplationi addictus erat, quid de Ioanne Baptista credere par est, qui plenus Spiritu sancto, non tam homo quàm Angelus, Dei voce appellatus est? En, fratres, alteram solitudinis utilitatem,

quæ

quæ non solum animam purgat, sed etiam eleuat: hoc est, non solum à terrenis curis & cupiditatibus hominem explicat, sed etiam ad diuinam subleuat. Cum enim homo natura ipsa animal politicum & sociabile sit, cui natura insitum est aliis conuiuere, & cum aliis colloqui: ubi homines desunt, quibuscū loquatur, Deū alloquitur, & suauissima illius consuetudine frui contendit. Quæ causa fuit initio nascentis Ecclesiæ, vt tam multa hominum millia sese à mortalium oculis subducerent, & solitudines montium, & recondita nemorū persequerentur, vitam herbis & baccis arborum summa cum voluptate tolerantes, quo possent ab omnibus curis & molestiis vacui in sola Dei contemplatione conuiescere. Quod quidem ita præstabant, vt amoris æstu in dies singulos crescente, iam lucis huius vsuram peracti, iam Sponsi videndi desiderio confecti, continenter oculos & puras manus ad celi sanctissima templa sublatas haberent, & vim lachrymarum maximā profundentes, his ad illa vocibus adspirarent: Quam dilecta tabernacula tua Domine Basilius. virtutum! concupiscit & deficit anima mea desiderio domus tuæ. Hunc autem esse præcipuum solitudinis fructum, D. Basilus latè explicat his verbis: Mens cum ad res externas non dissipatur, nec in mundum per partes (in quibus sita sunt sensus) diffunditur, ad seipsam reuertitur, ac per sese ad Dei notionem ascendit: & cum summa illa pulchritudine circumlustratur & illuminatur, ipsius quoque naturæ obliuiscitur, non alimenti cura aut vestimenti animum sollicitat; sed liberatè terrenis curis, omne suum studium ad comparanda bona sempiterna transfert: quo nimirum temperantiam, fortitudinem, iustitiam, prudentiam, & reliquas virtutes habeat, & exerceat. Idem etiam magnus ille solitudinis & nemorum amator Bernardus docet his verbis: Cum quo Deus est, nunquā minus est solus, quā cum solus est. Tūc enim liberè fruitur gaudio suorum: ipse sūns est ad fruendum Deo in se, & se in Deo: tūc in luce veritatis, & in sereno mundi cordis vitro patet sibi pura cōscientia, & liberè se infundit de Deo memoria, & illuminatur intellectus, & bono suo fruitur affectus, vel liberè seipsum deslet humanæ fragilitatis defectus. Hactenus ille. Videtis ergo quantum ad diuinarum rerum cōtemplationem, & ad omne virtutis studium solitudo cōducatur? Itaq. fratres cum Ioāne nos in solitudinem conseruamus, vt diuinarum rerum meditatione veræ sapienciæ fructus vberissimos in tempore opportuno producamus. Siquidem, teste Chrysost. in Mat. vt difficile est, arborem iuxta viam positam, fructus vsq. ad maturitatem seruare: sic difficile est, virum iuxta hunc mūdum, vel in actionibus mundi videntem, iustitiam immaculatam vsq. ad finem tenere.

Bernard.
ad fratres
de monte
Dei.

Chrysost.
Simile.

tenere. Recede ergo de via, & planta te in loco secreto, vt nec mundus tecum habeat quicquam cōmune, nec tu cum mundo. Hactenus ille. Quid, quod Philosophi animam in quiete sapientem fieri docuerunt? Hæc autē quies in solitudinis orio maximè inuenitur, cuius beneficio terrenarum rerum imagines sensibus & animo subtrahuntur: quarum conspectus in anima nostra turbulentos & irrequietos motus excitare solet. Vt enim ipsæ quoque truculentæ feræ (quemadmodum diuus Basilius ait) sauitiam deponere, & mansueri solent, cū a nemine irritantur vel ad iram concitantur: sic animi nostri (qui feris ipsis sæpè truculentiores & acriores sunt) quàm diu externis variarum rerum imaginibus nō alliciuntur aut infestantur, quieti & tranquillī manent: quo tempore cōmodissimè philosophari, & sapientiam hac egregia vacatione addiscere licet. Quod idem D. Bernardus, vsu ipso & experientia doctus, confirmat his verbis: Ex petto crede, aliquid plus inuenies in siluis, quàm in libris. Ligna & lapides te docebunt, quod à magistris audire non possis. In hac ergo solitudinis schola, tantum Ioannem, non lapidum & lignorum, sed Spiritus sancti magisterio profecisse constat, vt inter omnes natos mulierum, nullus eo Propheta maior surrexerit. In hac enim schola, nullo mortali tradente, omnia Prophetarum oracula, omnia diuinæ legis præcepta atq. mysteria, totamque Euangelicæ legis philosophiam, Spiritu docente, felicissimè didicit. Cuius magisterio & consuetudine, facillè deserti squalorem, sterilitatem, horrorem, solitudinem, rerum omnium penuriam, corporis nuditatem, vitæ asperitatem, æstus & frigora perferre, & omnes sæculi delicias contemnere potuit. Quid enim non perferat, quid mortale & terrenum non facillè contemnat animus his cælestibus dapibus saginatus, hoc cælesti lumine illustratus? Quæ res sic animos piorum afficit, sic ebrios & sancto quodam amore incitatos agit, vt parentes, amicos, opes, honores obliti, solum Deum cogitent, solum illum suspirent, solum precibus & votis continentiis exposcant, & (si ita res ferat) sese pro eius nomine vinculis, & telis, & omnibus cruciatibus animo læto ac præsentī offerant. Hæc igitur omnia solitudinis ac diuinæ contemplationis beneficia (quæ pij omnes pro statu sui ratione quisque hauriunt) Ioannes Baptista supra omnes plenissimè & abundantissimè è purissimo limpidissimoque diuini Spiritus fonte percepit atque hausit: vt pote qui à Spiritu sancto ad summum dignissimumque præcursoris Christi officium delectus erat.

II.

Vbi ergo iam triginta annorum spatio cælestibus donis copiosiss-

Basilius
in Epist.
simile.

Bernard.
in Epist.

Matth. 13.

piosissimè instructus & cumblatus fuit, missus à Deo est, ut suum munere fungeretur: cuius prima illa vox fuit: *Parate viam Domini, rectas facite semitas eius.* Hoc est, aduentanti iam hoc tempore ad salutem vestram Dei Filio sternite viam, & omnia de ea offeticula tollite: quo ad vos recta venire, & opum ac diuitiarum suarum participes efficere dignetur. O quis posset horum verborum emphasim pro dignitate explicare? quis eo spiritu atque effectu hanc vocem protulisse posset, quo ille vniuersum ad se traxit mundum, & quo animos etiam profligatorum hominum, hoc est, publicanorum, militum, atque adeo Phariseorum ita concussit, ut omnes omnium ordinum homines ad illum certatim confluerent, & ab eo, quid sibi ad parandam salutem esset agendum, inquirerent. Itaque, quantum ego cogitatione consequi possum, sic mihi dicere visus est:

Ego, fratres, posteaquam ab ineunte ætate ad hunc usque diem in desertis locis hoc cultu & habitu, quem cernitis, versatus sum, nunc à Deo mitror, ut latissimum vobis nuncium, supra omnia quæcumque ab origine mundi audita sunt, ipsis nomine afferam: nempe impletum esse promissionum, misericordiarum, beneficiorum, & vaticiniorum tempus, in quo Deus, qui præteritis temporibus dimisit omnes homines ingredi vias suas, qui solus tantum Iudææ regione colebatur, reliqua orbis parte à principibus huius mundi per vim & fraudem occupata, nunc tandem mundum renouare decreuit, & instaurare omnia quæcumque sue in cælo sunt, siue in terra, & novos cælos, ac nouam terram condere, diaboli regnum euertere, & ab eius tyrannide homines, qui eius spiritu aguntur, eripere, & Spiritum suum in eos (à quo regantur) effundere, auferreque ab illis cor lapideum, & præbere cor carneum: ut hoc Spiritu renouati, & in nouam creaturam transformati, è diaboli mancipiis, Dei filij, ac hæredes regni eius instituantur. Vult itaque cælestem Paradisum in hoc inferiori mundo plantare: vult nouam quandam Rem publicam in terra, quæ cælestem imiteretur, constituere: vult regnum cælorum, hoc est, cælestem vitam, in terras transfundere: vult denique tabernaculum & magnificentissimum templum ex viuis lapidibus exstruere, & in terra cum hominibus habitare. Ad hoc autem tantum opus efficiendum, non (ut antea solitus erat) aut Angelos, aut Prophetas, aut sanctissimos Patriarchas destinare constituit: sed (quod omnem superat admirationem) ipse per se venire, non quidem in nebula, fumo, aut igne (quemadmodum ad Patres olim in Sinai venit) sed in vera carnis nostræ substantia, ad

diui-

diuinitatis eius consortium assumpti. Quoniam verò impletum iam tempus est, quo talia ac tanta bona ab origine mundi per omnes ætatum series adumbrata atque promissa vos vltro ad se vocant: nullo modo committatis, vt hanc tantam salutis opportunitatem vestra socordia ac negligentia vacuum abire, imò à vobis eripi patiamini. Ad hæc ergo nuntianda vobis à Deo missus sum, ad hoc ipsum in hac vasta solitudine continenter ad omnes clamo: *Parate viam Domini, rectas facite semitas eius.* Agnoscite, fratres, imperuestigabiles diuinæ largitatis diuitias, quas diues in misericordia Deus super vos effundere dignatur. Quærite Dominum dum inueniri potest: inuocate eum dum propè est. Hic est annus remissionis, annus veri iubilei, annus placibilis Domino, in quo, quicquid hactenus in celestibus thesauris reconditum fuerat, hominibus exhibitur & patefactum est. Quod si harum à me diuitiarum magnitudinem requiritis, nihil habeo quod dicam, nisi quod à veteribus antea Prophetis pronunciatum fuit: A seculo non audierunt, nec auribus perceperunt; oculus nō vidit Deus absque te, quæ præparasti expectantibus te. Dilatate ergo sinum cordis vestri, vt has tantas opes, immo ipsum diuitiarum omnium fontem in eo excipere & recondere possitis.

Isaie 2.

Isai. 55.

Isaie 64.

Hæc, fratres, quæ illi tunc populo ab Ioanne dicta sunt, nobis quoque nunc dicta esse putemus: atq. vt eadem nobis exhibetur promissio, ita eadē exigitur animi præparatio. Quid igitur (ais) faciam, vt tantorum bonorum particeps fiam? Nimium præpara te in occursum Domini tui, & omni studio contende, vt illum intra mētis tuæ dñm leuē excipias atq. retineas, illum pascas, illi omne genus seruituris & obsequij deuotissime offeras. Sed ais: Quomodo in eius occursum præparabor? Breuiter respondeo: Hoc tibi præstabit Sacramentum pœnitentiæ. Quomodo illum intra me excipiam? Hoc sanè dabit Sacramentum Eucharistiæ. Quomodo retineam? Hoc faciet cōtinuum orationis studium. Quomodo autem pascam? Pascas vtique misericordiæ ac pietatis operibus. Itaque dum piè & veraciter confiteris, præparas domum Christo: cum deuorè Eucharistiæ Sacramentum sumis, recipis intra te Christum: dum studiosè & diligenter oras, regnes intra te illum: cum verò reficis pauperes, illum etiam in pauperibus suis pascis & reficis.

Sed quàm multi erunt, qui ad has voces obdormescant: quibus hæc frustra canitur cātilena? Dic, quæso, mihi homo, nōne Christianus es? nōne æquum est, vt qui prosteris Deum tuum sine vllō suo cōmodo propter nimiam charitatem suam de caelis ad terram, vt te visitaret, seruaret, illuminaret, & à potestate tenebrarum eriperet, descendisse, illum adeas? illum vi-

sas?

fas? illi gratias agas? & cum pastoribus dicas: Transeamus vsq;
 Bethlehem, & videamus hoc verbū quod factum est, quod fecit
 Dominus pro nobis, & ostendit nobis: Quid enim iustus,
 quā vt videre velis quod tibi ab Angelis nunciātū est, & quod
 pro te Verbum caro factum est? Ceterū, si aliquo scelere delin-
 quas, quomodo, nisi scelus ipsum prius per poenitentiam
 deleas, poteris ante innocentiae auctorem peccatis inquinatus
 apparere? quomodo lacrymas infantis miserari: matrem puris-
 simam intueri? Angelorum voces audire? pastoribus associari: &
 cum eis infantē adorare? Nam si in peccato es, diaboli seruus
 es, diabolum quē Dei hostem in animę penetralibus inclusum
 gestas: quomodo ergo tali comitatus socio, ante illud innocen-
 tię & puritatis pręsepium poteris adstare, nisi prius à te pec-
 catum expellat? Pręterea, si vides tanta largitate Dominum in
 Natalis sui die sacerdotibus seipsum exhibere, vt ter eodē die
 ad mensam suam eos accumbere faciat, & Angelorum pane
 reficiat (quod in nullo alio tempore, nec in ipso etiā die cęnę,
 in quo Sacramentum hoc institutum est, sacerdotibus licet)
 quomodo huius tantę dignitatis pia quadam inuidia nō mor-
 deris & pungeris, vt vel semel tantū hoc die ad cęlestē epu-
 lum accumbere velis? Quā multi erunt ex vobis, fratres, qui-
 bus hoc frustra consultitur, quā multi qui ad hanc cęnam in-
 uitati, friuolas excusationum causas nectūt quibus vehemen-
 ter timeo ne postea illis à Domino dicatur: Amen dico vobis,
 quod nullus illorum virorum, qui vocati sunt, gustabit cęnam
 meam. Iustē enim hac animę perditione puniuntur, qui à Do-
 mino vocati non obaudiunt, vt ipsi quoquē interdum, cū
 vocauerint, non exaudiantur. Sic Sponsa in Cant. quę pulsanti
 sponso aditum prębere noluit, vbi postmodum ostiū aperuit,
 aufugisse illum deprehendit. Sic faruę illę virgines, quę ad
 pręcepta Dominica, dum viuerent, obsurduerunt, vbi morti-
 iam proximę clamare cęperunt, Domine, Domine, aperi no-
 bis: audire meruerunt, Amen dico vobis, nescio vos. Scriptum
 quippe est: Qui obthurat aurem suam ne audiat legem, oratio
 eius exsecrabilis. Et rursum: Cū extenderitis manus vestras,
 auertam oculos meos à vobis; & cū clamaueritis, non exau-
 diam: manus enim vestrę sanguine plenę sunt. Quid igitur
 nobis pręstādum est, quo diuinę gratię & misericordię, sum-
 miq; huius beneficii participes efficiamur? Hoc planē idem
 Dominus exponit proutinus, cū ait: Lauamini, mundi estote,
 auerte malum cogitationum vestrarum ab oculis meis, quies-
 cite agere perversē, discite bene facere, iudicate pupillo, defen-
 dite viduam, & venite & arguite mē, dicit Dominus. Hęc sunt,
 fratres, Christianę philosophię documenta, hęc pręclara iu-

Lucę 14.

Cant. 5.

Mat. 25.

Prou. 28.

Isaie 1.

Ibidem.

stirac ornamenta, hæc quæ Deum placent, quæ homines sanctificant, quæ Angelos exhilarant, quæ diabolum terriant, quæ mentem nostram pulcherrimum Dei tabernaculum præparant, eamque ad æternam felicitatem, & immortalitatis gloriam perducunt.

IN EADEM DOMINICA QVARTA,
SECVNDVM MOREM ROMANVM, CON-
cilio secunda: in qua verba in Themate proposita
paulo fusiùs explanantur.

THE. Omnis vallis exaltabitur, & omnis mons & collis
humiliabitur: & erunt praua in directa, & aspera in vias
planas: & reuelabitur gloria Domini, & videbit omnis
caro salutare Dei. Isaia 40.

Anno quintodecimo imperij Tiberij Cæsaris, procurante Pontio Pi-
lato Iudæam: & reliqua.

AVE MARIA.



OSTEA QVAM Israeliticus populus à capti-
uitate Babylonicam antiquam Hierosolymam
reuersus est, templumque in eo pro tenuitate quæ
tunc erat fortunarum suarum, longè humilius eo
quod priùs fuerat Salomone extructum, adi-
ficauit: volens Deus populo suo declarare, posterius hoc tem-
plum gloria & dignitate prius illud longè multumque supera-
turum, Aggæum Prophetam misit, qui id populo hac ratione
nunciaret: Quis in vobis est derelictus, qui vidit domum istam
in gloria sua prima? & quid vos videtis hanc nunc? numquid
non ita est, quasi non sit in oculis vestris? Et nunc confortare
Zorobabel, dicit Dominus, & confortare omnis populus ter-
ræ, & facite. Adhuc enim vnum modicum est, & ego commo-
uebo calum, terram, mare, & aridam, & mouebo omnes gen-
tes, & veniet desideratus cunctis gentibus, & implebo domum
istam gloria, dicit Dominus exercituum. Magna erit gloria
domus istius nouissimæ, plus quàm primæ. Hæc ideo à me re-
petita sunt, fratres, quoniam hoc mihi commodissimum ad
hanc Concionem exordium visum est. Adhuc enim modicum
(in die videlicet qui iam instat Natalis Domini) veniet ad
nos desideratus cunctis gentibus: & implebit non vnum ali-
quod templum, sed omnia Ecclesiæ templa natiuitatis suæ
gloria: quam Angelicæ quidem voces in altissimis Deo canenti
nobis

nobis autem pacem, hoc est, bonorum omnium plenitudinem (quam in terra veniens Dei Filius secum attulit) precabuntur.

Quia verò hic aduentus dignis Deo miraculis & beneficiis illustrandus erat (quorum alterum aduenientis gloriam, alterum ad salutem nostram pertinebat) ideo nō abs re me facturum esse arbitror, si, quæ sunt ista Dominici aduentus miracula & beneficia, in præsentī Concione pro ingenio mei tenuitate explicauero: vt hac ratione, quantum clementissimo Sernatori nostro debeamus, agnoscere possimus. Hæc autem beneficia Isaias Propheta declarat: cuius verba S. Lucas Euangelista hoc in loco referendū putauit: Sic enim ait:

Omnis vallis exaltabitur, & omnis mons & collis humiliabitur: & erunt praua in directa, & aspera in vias planas: & reuelabitur gloria Domini, & videbit omni caro quod os Domini locutum est, siue (vt Euangelista retulit) salutare Dei. Quibus verbis quatuor maxime miranda opera Messie tempore patranda referuntur. Primum, quod omnis vallis exaltāda, & omnis mons & collis humiliandus sit. Quid igitur hoc est? D. Gregor. hoc in loco per Gregor. valles, humiles; per montes verò, superbos intelligit: illi enim tamquam valles in imo sedent, seque libenter omnibus submittunt: isti contrā velut montes se supra omnes efferūt, omnibus præesse, nullique subesse contendunt. Denique montes sunt, quia iudicio & opinione sua cæteros homines prudentia & virtute longè se putant antecellere. Isti igitur in aduentu Christi deijciendi, illi verò exaltandi esse perhibentur: quia illi à gratia Euangelij excludendi, isti in eam cooprandi sunt. Hoc autem est, quod ipse Saluator apertissima oratione profertur, cum mysterium Euangelij à prudentibus & sapientibus seculi abscondendum, & paruulis reuelandū esse testatur. Rursusque, In iudicium, inquit, ego veni in huic mundum, vt, Ioan. 9. qui non vident, videant; & qui vident, cæci fiant. Denique cum beatissima Virgo in Cantico illo præclarissimo potētes de sede deturbandos, & humiles exaltandos cecinit: quid aliud quā montes humiliandos, & valles exaltandas, cum Propheta pronunciauit? Superbi enim cum magnam de se opinionē conceperint, cum se nulla re egere, sibi que sufficere arbitrentur, nec oculos ad Deum tollunt, neq. illius opē implorent: ideoq. meritō eius opē & gratia (quam non quærūt) indigni fiunt; immo verò ipso tumore & præsumptione procul à se repellunt. Sic enim quondam à se illum D. Aug. repellebat, sicut ipse ait: Tumore meo separabar abs te, & nimis inflata facies claudebat oculos meos. Ceterū humiles, qui nuditatem & inopiā suam ante oculos positam habent, qui se plenissimè Deo submittunt, qui de se penitus diffidentes, ac de illius sola misericordia

presumentes, eius opem continenter implorant, & ante illius conspectum animam suam velut rudem quādam informemq. materiam, ac velut sterilem sine aqua terram (quæ nullum ex se fructum proferat) repræsentant: dignissimi fiunt, in quos Spiritus ille cælestis descendat, & in eis domicilium figēs, Euangelicæ gratiæ participes faciat. Vnde idem August. O quam excelsus es Domine, sed humiles corde sunt sedes tuæ. In his ergo sedibus ille habitat, easq. fide, spe, & charitate, cæteri que virtutibus mirabiliter exornat. Quod quidem D. Bern. in Epistola quadam testatur his verbis: Vt castitas siue charitas decur, humilitas meretur: quoniam humilibus Deus fiat gratiā: eandemque seruat acceptam, quia nō requiescit Spiritus eius, nisi super quietum & humilem: eandemque rursus seruata consummat, nam virtus in infirmitate, hoc est, in humilitate perficitur, & inimicam gratiæ, omnisque initium peccati debellat superbiam. Hactenus ille. Sed cum virtutum omnium regina sit charitas, ad hanc ita humilitas animam preparat, vt quidam ex illis sanctis eremi Patribus dixerit: Quemadmodum Ioannes Christi, ita humilitas charitatis præcursor existit. Vix quicquam plura dixit maiori compendio. Quare vbi non est vera cordis humilitas, ibi neque charitatem quidem habere locum necesse est. Ex quibus facile colligimus, fratres, quantum superbiam detestari, quantumque animi submissionem & humilitatem colere debeamus: quando illa Deum a se procul pellit, hæc vero ad se aduocat; quippe qui superbis resistit, humilibus autem det gratiam. Hoc ergo beneficiorum atque operum Domini aduentus primum est.

Proximum verò est, quod deinde subditur: Erunt praua in deserta, & aspera in vias planas. Hoc erat certe quo mundus maxime indigebat: nempe vt iter in cælū (quod serobibus & offendiculis impeditum erat, propter quod a paucissimis terebatur) planū fieret. Hoc enim pacto qui huius asperitatis metu deteriti, hanc viam (quæ sola ducit ad vitam) ingredi directabant, offendiculis iam è medio sublati, facile per eam incederent. Vnde idem Isaïas: Et hæc erit (inquit) vobis directæ via, ita vt stulti non errent per eam. Hoc autem mirabili ratione Christus Dominus aduentu suo perfecit. Duo enim erant quæ viam mandatorum Dei ante Christi aduentum difficillimā reddebant: alterum diuinæ legis onus, alterum imbecillitas humane mentis. Nam & lex præceptorum multitudine onerosa erat (quod quidem manus Moyli adumbrabant, quas graues fuisse scriptum est) & humana quoque mens, propter peccati morbum, ad hoc onus ferendum ex se impar & imbecilla erat: cuius imbecillitatem lex non sanabat, quoniam & ipsa quoque imbecilla

becilla erat. Legis enim tantum est præcipere, & quasi digito viam indicare; non vires & animum ad ingrediendum præbere. Vt enim D. Augustinus ait: Lex præcipit, sed gratia complet: quam illa (tanquam imperfecta) non dabit; Christum tamen expectabat, per quem erat perficienda. Hoc autem idem Augustinus contra Pelagium, tractans illud Prophetarum verbum, Erunt homines docibiles Dei, insinuat his verbis: Qui nouit quid facere debeat, & non facit, non dum à Deo didicit secundum gratiam, sed secundum legem: non secundum spiritum, sed secundum literam.

Aug con
tra Pela-
gium.

Hæc ergo duo onera, nempe legis grauitatem, & hominis infirmitatē, Christus sustulit. Nam (quod ad legis onus attinet) adueniente luce, legalium præceptorum vmbra euanuerunt; atq; ita tandem præceptorum omnium multitudo ad duo dilectionis præcepta reuocata est; & ita legis onus eleuatum est. Si enim nihil est amore suauius: quid ea lege blâdius, quæ tota in amore sita est? Hinc Moyses ait: Mandatum hoc quod ego Deut. 36. præcipio tibi hodie, non supra te est, nec procul positum, nec in celo situm, vt possis dicere: Quis nostrum valet ad cælum ascendere: vt deferat illud ad nos, vt audiamus, atq; opere compleamus? Neque trans mare positum, vt causeris & dicas: Quis est nobis poterit transfretare mare, & illud ad nos vsq; deferre, vt possimus audire, & facere quod præceptum est? Sed iuxta te est sermo valde in ore tuo, & in corde tuo, vt facias illum. Hæc ergo ratione Dominus legis onus suauē atque leue fecit. Quod quidē ita futurum esse, atq; hæc ratione iustitiæ esse augendam, Isaias longē antē pronunciauit, cum ait: Consummatio abbreviata inundabit iusticiam: consummationē enim & abbreviationē Dominus exercituum faciet in medio omnis terræ. Quod verò ad imbecillitatem nostrā attinet, is planē eandem corroborauit, quando spiritum suum nobis contulit, & naturam per gratiam sanauit. Gratia enim, præterquam quod nos Deo gratos efficit (quod eius præcipuum in unus est) virtutibus etiam, quæ ab ea deriuantur, naturam sanat, mentē roborat, vires atq; animum addit, à vitis auocat, ad virtutū officia stimulat, illuminat intellectum; affectū accendit, terrena fastidire, & celestia appetere facit, dulcia in amara, & amara vertit in dulcia: ac demum celestibus donis mētem munit atque armat, eamque (nisi sponte sua se hosti subijciat) inexpugnabilem facit. Denique sic via, quæ anfractibus & offendiculis impedita erat, complanata est, vt idē alibi Propheta dicat: Hæc erit vobis directā Isai 35. via, ita vt stulti nō errent per eam. Quam quidē doctrinam, si, vt Christiani homines fide tenent, ita vsu atque experimento tenerent: nequaquam mandatorum Dei viam tanquam aspe-

ram & difficilem accusarent, & per eam ingredi recusarent. Nec mirum si non assequantur quod minimè experti sunt. Hoc tamen illis, ad faciendam huius rei fidem, satis esse deberet: quod cum ad hoc Dei Filius è cælo descenderit in terram, ut viam, quæ in cælum ducit, facile redderet (in quo quidè opere ita desudauit, ut, quo id plenius efficere, sanguinem fuderit) qui fieri potest, ut non id perfectissimè & còmodissimè fecerit? Si enim Dei perfecta sunt opera (quia videlicet imperfectio operis in dedecus redundat opificis) quonam modo hanc notà Filio Dei inuere audebimus, ut, quam viam ipse voluerit planam facere, hiatus & præcipitis plenam reliquisse credamus? Quid enim indignius aduersus summam illam bonitatem, sapientiam, & potentiam dici potest, qui omnia opera sua perfectissima, & numeris omnibus absoluta efficit? Sic enim in Prouerb. scriptum est: *Via eius, via pulchræ, & omnes semitæ eius pacificæ.* Sed ais: *Adhuc aspera mihi esse videtur quæ Dominus præcepit: nempe ieiunare, orare, vigilare, linguam silentio premere, carnem spiritui subicere, cupiditates frenare, rescare libidines, & turbulentos animi motus, rationis imperio coercere.* Dura sunt hæc planè, sed duris, sed carnalibus, sed insuetis, sed his qui terrena tantum sapiunt, sed his qui Spiritu Dei destituuntur, & qui nondum, quam suavis sit Dominus, degustarunt. Cæterum his qui primitias Spiritus acceperunt, & gustauerunt bonum Dei verbum, virtutesq. seculi venturi, iis nihil facilius, nihil suauius, nihil dulcius, quam orare, vigilare, minimum cum hominibus, plurimum cum Deo loqui, & in lege eius meditari die atq. nocte. Scitum enim est illud Augustini: *Palato nò sano pœna est panis, qui sano est suavis: & oculis agris odiosa est lux, quæ puris est amabilis.* Itaq. nò mirum, si, quod hominibus per gratiam sanatis facile atq. adeo suauis est, ægroris & diuina gratia destitutis amarum sit atq. difficile. Cæterum pij omnes verissimè esse quod his verbis prædictum est, quotidie experiuntur: nempe quæ in diuina lege erant aspera, in vias planas per Christum fuisse commutata.

Prou. 3.

August.

III.

Isai. 40.

Sequitur deinde tertium, quod Propheta commemorat: nempe glorià Domini in aduentu Christi esse revelandam. Quid ais Propheta? An non antea legeras, Cæli enarrant gloriàm Dei, & opéra manuum eius annunciat firmamentum? An non creaturæ omnes Conditoris sui gloriàm tacendo prædicant? Quid enim aliud mare & plenitudo eius? quid cælum & luminaria eius? quid terra & pulchritudo eius? quid omnium rerum abundantia & copia, nisi artificis sui gloriàm, sapientiam, & potentiam profitentur? Num igitur hæc omnia non prædicant

cant gloriam & honorem Dei: Fateor quidem omnia hæc gloriam Dei manifestare. Verùm tam varia, multiplex & magnifica gloria est, quam sibi Dominus hoc summæ pietatis opere comparauit, dum pro hominibus homo fieri, & in crucem agi dignatus est, ut præ huius gloriæ amplitudine cætera omnia gloriæ nomine indigna esse quodammodo videantur. Nam cum Propheta dicat, hoc tempore gloriam Domini mundo esse declarandam; perinde est ac si diceret, ad id usque tēporis nondum eam fuisse propalata. Quod enim antea declaratum erat (quamlibet summum & maximum fuerit) huius tamen gloriæ cōparatione minimum fuisse putandum est. Quo enim minori opera & impensa Deus mundum cōdidit, quàm redemit; hoc minus est cōdidisse, quàm redemisse: vno enim verbo cōdidit, summis verò laboribus redemit. Deniq; hoc opus tanto est illo gloriosius, quanto mirabilius. Quid autem mirabilius, quàm Deum hominem fieri, inter homines versari, cum hominibus, atque adeò cum publicanis & peccatoribus edere, ad columnam ligatū plagis cædi, & inter latrones in ligno suspendi? Quis hæc tantam Dei dignationem & bonitatem sperare potuisset, nisi aut vidisset, aut fidei nuncianti credidisset? Rem quidem omnium maximè mirabilem esse merito sanctus Moyses arbitrabatur, quod Deus in mōtem Sinai nebula atque igne testus descendisset, & vocem, quæ humanis auribus excipi posset, emisisset. Itaque ait: Interroga de diebus antiquis, qui fuerunt ante te, ex die quo creauit Deus hominem super terram, à summo cælo usque ad summum eius: si facta est aliquando huiuscemodi res, aut vnquam cognitū est, ut audiret populus vocem Domini Dei loquentis de medio igois, sicut tu audisti & vidisti. Quod si tantopere hic vir diuinus mirabatur, quod Dominus in igne & fumo supra mōtem Sinai descendisset, & vocem, quæ ab hominibus audiri posset, emisisset: quid, quæso, faceret, si Deum ipsum humana carne vestitum, inter homines agentem, cum hominibus versantem, familiarique oratione homines docentem (quod quæ iis omnibus maius est) pro hominibus in cruce morientem vidisset? quid, inquam, ageret? quid diceret? quo stupore & admiratione teneretur? Populus quoque ipse, tantæ rei magnitudine stupefactus, non tam mirabatur quod infinita illa maiestas humano more cum hominibus loqueretur, quàm quod homines spirare & viuere potuissent, cum Deum loquentem audiuisent. Vnde dixerunt: Probauius hodie, quod, loquente Deo cum homine, vixerit homo. O rudes hominum mentes, & diuinæ bonitatis & charitatis ignaræ! Si admiramini quod immortalem Deum loquentem mortales homines suffi-

*Mirum in
per se
Mirabilis*

*Deut. 4. Moyses
in monte Sinai
On. 2. Sinai*

simile.

sustinerent, neque morerentur: qua admiratione concuteremini, si Deum ipsum pro hominibus morientem cernere contigisset? Quæ igitur mens ad huius tanti spectaculi magnitudinem non obtupefcat? Adde etiam quod mundi fabrica (quæ verè mirabilis est) quamvis Dei quoque immensam bonitatem & largitatem patefaciat (quæ nulli creaturæ quicquam inuidit, sed omnibus benigna manu, quicquid ad vitæ vsum & iuconditatem opus erat, prouidit) vt verum tamen fateamur, his rebus non tam Dei bonitas & misericordia, quàm eius potentia, sapientia, & pulchritudo patefacta fuit. Quæ omnia quamuis in Deo summa laudè & gloria digna sint, in hominibus tamè non admodum gloriosa sunt. Quanta enim est pulchritudinis gloria, quæ in parricida Absalone fuit? quanta sapientia, quæ in huius fratre Salomone idolorū cultore, viguit? quanta potentia, quæ in Iulio Cæsare tyranno ac patriæ proditore exstitit? Hæc igitur omnia ex natura sua minus gloriosa sunt: utpote quibus homines & rectè & perperam uti possunt. Sola autem est ex omnibus rebus virtus, sola bonitas qua nemo malè uti potest, quæq. sola veram gloriam atq. laudè promeretur: quam in hoc redemptionis nostræ opere sic Dominus manifestauit, vt nullo alio modo, nullaq. ratione potuerit euidentiùs patefieri. Quia etiam nō hæc sola gloria, sed multæ quoque aliæ in hoc aduentu Domini declaratae sunt. Vt enim omittam miraculorum eius splendorem (cuius obsequio mors, vitæ, cælum, terra, mare, atque elementa omnia famulata sunt) quantæ, quæso, gloriæ fuit, duodecim piscatorum opera mundi instaurasse, tyrannos subegisse, aras diaboli euersisse, omnesq. Gentilium deos, quos vniuersus orbis colebat, à mundo expulisse, proque illis crucifixum inter latrones hominem pro solo & vero Deo coli & adorari fecisse? Ad huius enim gloriæ contemplationem Propheta nos inuitat, cum post subactum Christi imperio terrarum orbem ait: Venite, & videte opera Domini, quæ posuit prodigia super terram, auferēs bella vsque ad finem terræ. Vacate & videre quoniā ego sum Deus, exaltabor in gentibus, & exaltabor in terra. Quod perinde est ac si diceret: Considerate quàm memoranda, & omnem naturæ vim longè superantia opera ediderit Deus: dum homines rudes & idiota superant Philosophos: pauci numero, nationes vniuersas: homines infima fortuna, summorum principum potentiam: mortales, diabolum, & eius satellites immortales. Præterea quanta, quæso, gloria Christi fuit, tot hominum, tot virginum, tot etiam puerorum millia alacri ac præfenti animo vitam profudisse, & omnibus telis & cruciatibus corpora sua laceranda, sulcanda, comburenda, atque omnibus

tormentis.

*Miracula**Per piscatores
mundo instaurasse**tyrannos subegisse
aras diaboli euersisse**Psal. 45.**Martyres*

tormentis afficienda propter crucifixi laudem & gloriam tradidisse? Postremo quanta Christi gloria fuit, sic naturâ generis humani sanasse, sic humana pectora transformasse, ut qui de immundo semine in peccato concepti, diaboli atque peccati mancipia erant, per Christum mundo, peccato, & diabolo superiores effecti, mores innocētissimos induant, & cælestem vitam in terris degētes meditentur, & in carne viuentes, non secundum carnē militent? Quis enim rāram hanc humanā vitæ mutationem, nisi diuina potentia efficere potuisset? Quis, nisi *Iob 14.* omnipotens Deus, mundum de immundo conceptum semine efficere valuisset? Hinc toties Dominus hanc sibi vni gloriam tribuit, quæ verè illius propria & summa est, qui solus per se bonus, ac totius bonitatis vnicus auctor & effector est. Vnde sunt verba illa toties in sacris literis repetita: *Ego Dominus qui Exod. 3. sanctifico vos.* Quo quidem præclarissimo dono Pater cælestis nos Christi merito afficit: ut sit ipse videlicet iustus, & iustificans eum, qui est ex fide Iesu Christi. Sicut enim vnicus Dei Filius, nos omnes adoptionis filios, ita iustus ipse nos quoque iustos efficit. In quo hæreticorum insipiens vesania apparet, qui Christi honori aliquid detrahi posse putant, si quisquam alius præter eum iustus sit, cum longè tamen, & ad eius bonitatem honorificentius, & ad meriti rationem gloriosius, & ad gratiam magnificētius sit, quod non modò ipse iustus sit, sed iustos etiam (hoc est, sui similes) quicūque illi fide & charitate copulantur, efficiat. Quis eōim dubitare possit, quin dignitas & excellentia operis virtutem commendat artificis? Videtis ergo quàm multiplex gloria in aduentu Christi reuelata sit?

Denique vltimo loco Propheta subdit: *Et videbit omnis caro pariter quod os Domini locutum est.* Hoc est, veritatem & constantiam Domini in pactis & promissis seruandis euidenter intelliget: qui, quamuis ea pollicitus sit, quæ facili omnem humanæ mentis fidem superare videbantur, nihilominus munificentissimè ac fidelissimè præstitit, quod verissimè promissit. Pro quibus tamen verbis Evangelista posuit: *Videbit omnis caro salutare Dei nostri.* Quam sententiam magnificis verbis, & maioribus gaudijs Prophetarum omnium voces vbiq; resonant: summam videlicet Dei nostri bonitatē & liberalitatem prædicantes, qui cum antea vnum tantum Hebræorum populum sibi delegisset, nunc ad se sine vllō discrimine omnes aduocat barbararum quoque & immanium gentium nationes. Vnde est illud: Parauit Dominus brachium suum in oculis omnium gentium, & videbunt omnes fines terræ salutare Dei nostri. Quo verò studio, quantaque pietate eas ad se gentes vocet & intret, declarant illa apud eundem Isaiam verba: *Expandi manus meas* *Isaie 47.* *Isaie 65.*

Iſaie 65.

meas tota die ad populum incredulum, qui graditur in via non bona post cogitationes suas. Quibus verbis quid (quæſo) dulcius? quid amantius? quid clementius? Si enim amicos tantum & mandatis ſuis obſequentes hoc modo vocaret, ſequæ illis fruendum offerret, non adeo mirum eſſet: ſed quod inimicos, quod rebelles, quod libidinibus & cupiditatibus, imò idolorum ſeruituti addictos ad ſe vocet, & ita vocet, vt tota die manus ſuas ad illos expandat, complexu ſuo illos ad ſe inuitans, & hæc verba continenter repetens, Ecce ego, ecce ego ad gentem quæ non inuocabat nomen meum: an non hoc omnẽ ſuperat admirationem? Quid enim huius verbi conduplicatio, niſi vehementiſſimi deſiderij ſignificatio eſt? Quis igitur ad hanc vocem obſurdeſcat? quis non obtemperet? quis non in amorem tanti Redemptoris exardeſcat? quis non ſe totum in eius laudes prædicandas effundat? quis non ſinus omnes animi ſui expandat, vt hæc tanta beneficia, hanc tantam ſalutem, hanc tam ſplendidam lucem, hos diſſiſſimos & incomprehenſibiles theſauros intra ſe recipiat? Hoc eſt ergo ſalutare Dei, quod quidem videbit omnis caro, non tamen recipiet: niſi qui, ſubacta carne, fide credat, charitate diligit, ſpe amplectatur, obedientia promereatur, oratione petat, & deuoto Sacramentorum uſu intra ſe recipiat. Sed quàm multi erunt (proh dolor) quibus hodie in Eccleſia hæc fruſtra canitur canilena! quàm multi, quibus hoc admirandæ ſalutis Beneficium fruſtra inpenſum eſt: quando ſalutis huius auctore adeo nõ verentur & diligunt, vt nouis quotidie criminibus indignè vexent, violenti, atque contemnunt! Aduerſus quos illa Moysiſ verba merito uſurpare poſſumus: Generatio praua atque puerſa, hæccine reddis Domino popule ſtulte & inſipiens? Nūquid non ipſe eſt Pater tuus, qui poſſedit, & fecit, & creauit te? Egregius namque Vates, vt Iſraeliticos homines ſummæ ingratitude argueret, Deum, ſceleribus ab eis laceſſitum, ipſorum parētem appellat, in cuius eſſent poſſeſſione, & à quo cōditi atque ſeruati eſſent. Quos verò clamores edidiſſet, quibus ingratos homines fuiſſet ignominie proſecutus, ſi ampliſſimis illis beneficiis redēptionis gratiā addere potuiſſet? ſi, quem parentem ſolū appellauit, eundem iam liberatorem, redemptoremq̃, appellare potuiſſet? ſi, quos eius beneficio in lacem editos dixit, eiſdem nece à dæmonis tyrannide liberatos adiungere potuiſſet? Quare ex re facile colligitur, tanto eſſe grauius Chriſtiani hominis quàm Iudæi crimen, quanto magis homo Chriſto pro ſe morienti, quàm ſe creati, debitor eſt. Quare ſi nos beneficij magnitudo, fratres, non alicui, periculi magnitudo terreat, noſtrique nos officiij admoneat. Quod cum omni tempore præſtandum

dum sit, tum vel maximè Natiuitatis Dominicæ solennitas hoc à nobis exigit: quo dignè sacra hæc solennia celebrantes in via, eadem perpetuo celebrare mereamur in patria.

IN EADEM DOMINICA QVARTA
IN ADVENTV DOMINI, SECVNDVM
morem Romanum, Concio tertia.

THE. *Vox clamantis in deserto, parate viam Domini.*

Lucæ 4.



IDEIS, fratres dilectissimi, nosiam velutin foribus esse Natalis Domini. Id autem Ecclesia potissimum hoc sacratissimo tempore diligenter curat, vt, quo die Christus Dominus in mundo natus esse celebratur, eodè etiam spiritualiter in cordibus nostris noui muneris beneficio nascatur: vt hunc diem verè nobis natalem, aut certè salutarem appellare liceat. Frustra enim propter nos in mundo natus esse videbitur, nisi in nostris etiam mentibus, velut quidam lucifer, oriatur: cum prior illa secundum carnè natiuitas ad spiritualem hanc ordinata sit. Neceste tamen priùs est, vt dignum huic tanto hospiti paremus hospitium: vt in eo puritatis auctor & nasci & requiescere, & operari dignetur. Non enim is otia agit, dum in nobis cōmoratur: sed intus manens, salutem nostrā operatur, eo quidè plenius ac perfectius, quo nos ad eius beneficia percipienda prōptiores ac paratiores inuenit. Hoc enim persuasum nobis esse debet, quòd quamuis Deus inter naturales causas (quas agentia naturalia Philolopi vocant) computari nullo modo debeat (omnia enim summa libertate facit quæcunque facit) ea tamen lege, ordine, & æquitate omnia disponit, vt naturalium causarum modum imitari videatur: quarū proprium est, vim suam atque virtutem pro natura & conditione materiæ largiri. Puro ergo & vacuo à terrenis cupiditatibus animo ad illum accedamus, & is protinus vacantem domum Spiritu suo replebit, qui nihil vacuum in rerum natura esse permittit. Deus enim fons gratiæ indeficiens est: vnde fit, vt ^{simile} quo maius ad illum vas fidei attuleris, hoc ab eo fonte vberius hauries. Sol iustitiæ est: quo ergo ad illum propius accesseris, eo magis illuminaberis. Denique ignis consumens est: ideoq; quo illi vicinior fueris, eo magis & diuini caloris eius & puritatis particeps efficietis. Ad hunc igitur cælestem ignem,

ad hunc iustitiæ Solem, ad hunc gratiarum omnium fontem quanta possumus celeritate contendamus. Hoc enim est, quod instantis solennitatis dies à nobis requirit: hoc item, quod nos quotidianæ Ecclesiæ voces admonent: hoc etiā, quod præcursor Domini Ioannes hoc tempore clamat, cum vocem illam tanto antè à Prophetis prænuociatam emittit: *Parate viam Domini*. Quod perinde est ac si diceret: Omnia peccatorum impedimenta è medio tollite, quo mundi Conditor & Redemptor ad vos venire, in vobis habitare, & vos opum atque diuitiarum suarum participes efficere dignetur. Quia verò Ioannes huius felicissimi nūcij prædicator a Deo missus est, & modissimum videtur, omnes huius officij circumstantias, nempe tēpus, personam, locum, & prædicationis huius argumentum in præsentia Concione explicare: hæc enim quatuor in sacra Euangelicæ lectionis historia diligenter sanctus Lucas Euangelista describit. Quod quo pleniùs ad vestram omnium vtilitatem efficere possumus, cælestem opem, sacratissimæ Virginis interuentum, suppliciter imploremus.

A V E M A R I A.

Tempus
prædica-
tionis.

Iosephus

Mat. 2.

Anno quintodecimo imperij Tiberij Caesaris, procurante Pompo Pilato Iudeam, &c. In huius Euangelicæ lectionis exordio diligentissimè S. Lucas tēpus describit, quo præcursor Domini Ioannes aduentum eius mūdo cœpit annunciare. Cæterum exacta huius rei cognitio ex diuisione Iudaici regni, quam Iosephus Antiquitat. lib. 17. describit, perenda est. Ait enim, Herodem cognomento Antipatrem, Hebræorū Regem (qui regni amittendi metu innocentes pueros isheremitarum) testamento suo Iudæorum regnum in quatuor partes (quas tetrarchias appellat) distributum, quatuor hæredibus reliquisse: quarum Iudæam (quæ præcipua portio regni erat) Archelao filio legauit, imperato à Tiberio Cæsare Regij nominis titulo & honore. Hic est autè Archelaus ille, cuius metu sanctus Ioseph ab Ægypto rediēs, Iudæam deferere, & Galilæam repetere compellus est: ne videlicet filius paternæ impietatis hæres, simili ambitionis furore percitus, in puerum desæuieret. Alteram verò regni partem, nempe Galilæam, alteri Herodi cognomēto Antipatri reliquit; qui in historiis nunc Herodes, nūc Antipas nominatur. Terriam verò regni partem, quæ dicitur Trachonitis, in qua est Bethania, Philippo itidem filio. Quartam verò (in qua Azotus) sorori suæ, nomine Salome, testamento legauit. Quæ quidem Salome testamēto suo Tiberij marrem, hoc est, Cæsaris Augusti uxorem (quam Iosephus Iuliam, Cornelius verò Tacitus, cæteri que historiarum scriptores verò nomine Liviā appellant) hæredem instituit. Quis verò fuerit Lyfania iste,

de quo Euangelista meminit, non satis inter veteres scriptores constat. Nicephorus namque, Theophylactus, & Beda, huc etiam Herodis esse filium arbitrantur. Quod tamen non vique adeo verisimile est, quandoquidem Egeſſippus vicinus Apostolorum temporibus, & Iosephus, qui diligenter huius regni diuisionem, & nomina filiorum Herodis retulit, nullam huius Lysaniæ mentionem facit. Vnde consentaneum est, Tiberium Cæsarem hanc regni partem, quæ matri per mortem Salome testamento obuenerat, huic Lysaniæ matris nomine gubernandam commisisse. Cæterum Archelaus ille, cui Iudææ provinciam obtrigisse diximus, Regis autoritate & officio abusus, tot rapinis & innocentium cadibus ciues suos oppressit, ut quamuis pecuniis, & muneribus (quibus plurimorum Romanorum fidem & integritatem corruerat) aliquam diu perstiterit in principatu, tyrannide tamen eius in dies crescente, ipsum Tiberius Cæsar Lugdunum (quæ Galliarum est ciuitas) publicatis eius bonis relegauit, & pro eo Pilatum Gentilem substituit. Hoc est enim quod Euangelista ait: *Procurante Pontio Pilato Iudeam.* Hæc igitur ad cognitionem Regum & Principum, qui in hoc Euangelio describuntur, satis sint.

I.

Nunc diligenter inuestigandum nobis est, cur hoc potissimum tempore (quo Iudæorum regnū in tot partes dissectum, & Gentilium imperio subditum erat) voluerit Dominus Joannem Baptistam ad poenitentiam prædicandam mittere: in operibus namque diuinis, non solum res ipsæ, sed rerum etiam causæ mysterio non vacant. Ad huius autem rei cognitionem, illud primo loco intelligendū est, inter multa atque varia Dei nomina, quæ illius naturam & mores explicant, vnum esse Zelotem. Sic enim Moyses illum appellat cum ait: Dominus Zelotes nomen eius, Deus æmulator. Zelotes autem appellatur, primum quod impatiens cōsortis sit, neminemque pariatum secum villo modo diuinis honoribus affici. Quod facile indicauit, cū Dagonem Philistinorum deum, arcem suæ lateri adhærētem, truncatis manibus & pedibus exturbauit, & ante se humi deiecit atque prostrauit: Ipse enim est qui per Prophetā dicit: Ego Dominus, & non est alter: gloriam meam alteri non dabo, & laudem meam sculpsitilibus. Hac ergo de causa primum Zelotes dicitur: deinde etiam quod simili zelo & studio curet, ut spem omnem & amorem, ac felicitatem nostram in vno illo collocemus: nec tria hæc, quæ illi diuinitatis iure debentur, ulli alteri impendamus. Quæ enim is ratione expectendorum omnium extremum atque vltimum est, hoc illi debetur, ut omnis in vno eo felicitas nostra reponatur. Quatenus autem infinitum,

Exod. 34.

1. Reg. 5.

Ezech. 40.

P

sumum,

summum, & indeficiens bonum est, omnem summo iure amorem nostrum sibi vendicat. Qua ratione verò fidelis, pius, & omnipotens Pater noster est, omnem à nobis spem & fiduciam postulat. Vt omnipotens quippe, nihil non potest: vt pius autem, omnium miseretur qui ad se supplices confugiunt: vt fidelis autem & verax, plenissime præstat quod promissit. Promisit autem opem & misericordiam omnibus qui eius patrociniū deuotè precibus implorarent; vt omnes scripturarum paginæ vbique testantur. Quamobrem spes omnis salutis & dignitatis nostræ non in fluxis atque fallacibus rebus, sed in vno illo meritò reponenda est. Cum igitur tria hæc soli Deo diuinitatis iure debeantur; quisquis hæc ipsa alicui creatæ rei tribuit, is planè diuinitatis gloriam à Deo ablatam illi nefariè impartit, eamque, quamuis non verbis, re tamen ipsa Deum facit. Sicut enim is qui tyranno sceptum & coronam regiam imponit, illique tamquam legitimo Regi obtemperat, re ipsa & honore exhibito illum Regem esse testatur: ita qui ea, quæ diuinæ mentis propria sunt, rebus cōditis exhibet, eas quodammodo in Dei sede & dignitate constituit, atque ita spiritualis idololatra efficitur. Quod planè facit quisquis sic terrenæ alicuius rei cupiditate & amore capitur, vt pro ea consequenda diuinum numen atque eius leges & præcepta contemnat. Huiusmodi autem idololatriæ quāq; refertus sit mūdus, quis non videt? Huius ergo nefarij criminis Deus zelotes est; quo zelo incensus, clades omnes & calamitates, quibus nunc mundum vrgeri cernitis, immittit.

simile.

Ex hac autem philosophia, quæ verissima est, illud primū intelligere possumus, quanta cælestium donorum plenitudine Deus piorum mentes repleat & reficiat: quando omnem ab eis curam, studium, gaudium, amorem, & fiduciam in se vno reponi velit. Nisi enim plenissime humanam mentem satiaret, bonitate sua indignū esset vt spem omnem & amorē à creaturis auulsus ad se vñ aduocaret. Meritū enim queri homo posset, ac dicere: Cur Domine omnē ferē mihi vitæ iucunditatem, & omnia quæ animū voluptate afficere possent, eripis: nisi tu vnus omnes mihi rerū omnium voluptates abutē suppedies? Quomodo mihi omnes carnis oblectationes & amorēs adimis: nisi tu supra omnia mentē meā reficias & oblectes? Hæc certè querela in immensam illā bonitatis & æquitatis abyssum cadere nullo modo potest. Deinde illud etiam sequitur, quod ad rem præsentem maximè facit, nempe misericorditer nobiscum diuinam prouidentiam agere, cum in hac vita nos variis calamitatibus & ærumnis premi & vrgeri patitur. Cur ita? Hęc enim res cōmunem hominum fidem superat, qui omnia, quæ

quæ sunt in vita, sibi prosperè fluere cupiunt, & ab ipso etiam Deo summis precibus impetrare contendunt. Huic quæstioni ea, quæ hæcenus diximus, facillè respondent. Si enim tantum nefas est, spem, amorè, & felicitatē nostram à Deo auulsam, in fluxus huius mundi rebus collocare: magna Dei gratiæ & misericordiæ est, sic res nostras moderari, sic vitæ cursum dirigere, ut nihil in ea subsit, quod nos ad amorē mundi alliciat; sed multa contrā sint, quæ nos ad eius odiū & contemptū inducant. Quam rem assiduæ calamitates, & mundi turbines, & tempestates commodissimè faciunt. Minus enim mundū vexantem, quàm blandientem amabimus, minorēq. illius promissis fidem habebimus, quē tories non adiutorē, sed persecutorē & fallacem experiri sumus. Minus enim cū blanditur, decipit; cū flagellat, erudit: illic enim blandiens ad se homines trahit, & à Deo auocat: hic verò flagellans à se abigit, & ad Deum mittit. Hoc enim consilio Dominus filios Israël, quos ab Aegyp̃tiaca seruitute liberare, & in Chananaeorū terram perducere decreuerat, durissimo seruitutis ingo in Aegypto premi passus est: quo non inuii terrā illam desererēt, & ad promissam proficisci libenter vellent. Simile quiddam nutrices facere videmus quæ cū ablactare infantes cupiunt, ut à lacte depulso solidiori cibo nutriant, absinthio vbera intingunt: quo eius amaritudine offensi, vbera relinquāt, & cibis fortioribus alantur. Hac ratione D. August. cū adhuc amorē seculi vinctus derineret, secum Dominum egisse testatur, his verbis: Tu Domine, semper aderas miseris & diceris seuiens, & amarissimis offensionibus adspargēs omnes meas illicitas voluptates: ut inquirere in sine offensione delectari, & ubi hoc inuenire non esset præterquam in te Domine. Ne verò quæ diximus pro capiti aut voto nostro ficta esse credatis, proferam vobis Dominum, eadem ipsa prophetico ore populo suo deficiantem: Ecce (inquit) ego sepiam viam tuam spinis, & sepiam eam maceria, & semitas suas non inueniet, & sequetur amatores suos, & non apprehendet, & dicer: Reuertar ad virum meum priorem: quia melius mihi erat tunc quàm nunc. Hæcenus ille. Quid verò illa Propheta vox? quàm aperta oratione hæc quæ diximus testatur! Bonum, ait, mihi Domine, quod humiliasti me, ut discam mandata tua. Et in eandē iterum sententiam: Priusquam (inquit) hominiser, ego deliqui. Cur deliquisti? Certè quia blandientem mundum, plusquam par erat, amavi: quem tamen postea insectantem & persequentē, ut par erat, contempsī, & ad vnicū salutis meæ auctorem & parentem malis meis eruditus confugi. Ex quibus verbis aperte colligimus, melius nobiscum agi cū nos mundus verberat, quàm cū lactat.

quia (vt antè diximus) blandiendo in amorem sui ducit, verberando verò ab amore sui deierret, & ad Deum mittit. Idè ferè iis qui chartarum aut alearum ludo vitam omnem infumunt, euenire frequenter cernimus. Si enim feliciter eis semper alea cadat, nulla ratione ab eo ludo, quem magno sibi lucro & emolumento esse sentiunt, diuelli possunt: at còtrà si secus accidat, ipsa sua infelicitate eruditi, facìle adducuntur, vt deserant quod tatione & iudicio deserere atque aspernari debuissent.

His ita còstitutis, ad propositam initio quæstionem respondeamus: cur videlicet Deus quo tempore Iudæorum res adeò deiectæ erant, & res publica eorū tam variè dissipata, & in Gentilium potestatem redacta, præcursores suos ad pœnitentiam hominibus prædicandam destinauerit? Hoc enim eo consilio fecisse videtur, vt non modò viri sancti doctrina, sed rerum etiam publicarum ruina, magistra eis veritatis & pœnitentiæ foret, eademque spes omnes, quibus nitebantur, fallaces & inanes ostenderet; idque non aliunde quæsitis, sed domesticis & familiaribus exemplis & argumentis comprobaret. Non enim

Matth. 23. temerè dictum est: Tantummodo sola vexatio dabit intellectum auditui: quia videlicet quos doctrinæ disciplina non erudit, calamitas sua & malorum experimenta docent. Hoc autem medicamento Iudæi maximè indigebant, qui, Dei præsidio neglecto, inania mundi præsidia cōsectabantur. Aliquando enim d' Aegypti opes se confugere debere dicebant. A qua il-

Matth. 21. los fiducia per Isaiam Dominus deducit, cum ait: Væ qui descendunt in Aegyptum ad auxilium, in equis sperantes, & habentes fiduciam super quadrigis, quia multæ sunt. Et rursum: Erit vobis, inquit, fortitudo Pharaonis in confusionem, & fiducia vmbrae Aegypti in ignominiam. Nonnumquam verò magnificientissimo illi tēplo fidebant, quod nullo modo in barbararum gentium potestatem venturū esse arbitrabantur. A qua

Hier. 7. inani spe eos Dominus per Hieremiam reuocat, cum ait: Nolite confidere in verbis mendacij, dicentes, Templum Domini, templum Domini, templum Domini est. Maximè verò in eo gloriabantur, quod essent filij Abrahæ, hominis videlicet sanctissimi, Deoque charissimi: cuius sibi opè & auxilio salutem pollicebantur. A qua quidem spe eos Ioannes diuellere, & ad solidam & viuam in Deo spem reuocare nitebatur, cum diceret: Facite fructus dignos pœnitentiæ, & ne cœpetis dicere, Patrem habemus Abraham: dico enim vobis, quia potens est Deus de lapidibus istis suscitare filios Abrahæ. Huius autem fiduciæ inanitatem, res eorum afflictæ, & regni calamitates facile declarabant: quando filij Abrahæ, & populus Dei electus in tot partes dissectus ac dissipatus, & tyrannide Gētilium oppressus

pressus tenebatur, præcipua eius regni prouincia (nempe Iudæa, in qua templum erat) ab homine Gentili, videlicet Pilato, occupata. Hoc enim argumento faciliè erat videre quàm vanæ & fallaces spes illæ essent, quibus eorum salus & gloria nitebatur. Simili olim argumento spei suæ vanitatem agnouerunt, cum Aegypti & Aethiopiæ Reges in Regis Assyriorum potestatem reductos intellexerunt. Qua de re sic Isaias ait: Et timebunt, & confundentur ab Aethiopia spe sua, & ab Aegypto gloria sua. Et dicit habitator insulæ huius in die illa: Ecce hæc erat spes nostra, ad quos confugimus in auxilium, ut liberarent nos à facie Regis Assyriorum: & quomodo effugere poterimus nos? qui videlicet eorum opibus freti, salutem nobis pollicebamur.

Opportune igitur in hoc rerum statu Ioannes ad prædicandam pœnitentiam à Deo missus est: quoniam initium veræ pœnitentiæ fuga seculi & humanarum rerum contemptio est. Nemo autem eas facilius contemnit, quàm qui periculo suo doctus, vanitatem & fallaciam earum liquidò comprobauit. Tunc enim deplorare incipit & tempus, & oleû, & operam, quàm in earum rerum obsequio posuit: ex quibus nullû maius emolumentum, quàm dolorê, lachrymas, & iacturam tēporis reportauit. Hac eadem ratione Moses populum ad pœnitentiam, ob immanissimum scelus perpetratum, cum aureum vitulum pro deo coluerunt, excitare voluit: cum præclarum illum dentem ante eorum oculos contudit, comminuit, & in puluerem reductum populo potandû exhibuit. Hac enim ratione vir sanctus inanem populi fiduciam, inanemque deû, quem sibi fabricauerant, re ipsa voluit indicare. Hoc enim perinde est ac si diceret: Postulastis vt vobis fabricaretur deus, qui vos præcederet: cuius videlicet ope Chanaanorû terras occuparetis, & ad cuius præsidium in rebus asperis & afflictis cōfugeretis. Vt ergo re ipsa perspiciatis quàm fragilis hæc vestra fiducia fuerit, qualemq. ad hoc deum elegeritis; ecce illum coram oculis vestris malleis contundo, contero, & in puluerem verto, illumq. vobis potandû trado: vt hoc argumento huius vestri dei inanitatem aperte cognoscatis: qua cognita, proximum est vt ad verum Deum cōuersi, in illo spem omnem, & amorem, & salutis præsidium reponatis. Sicut igitur hæc vituli contritio fallacem Iudæorum spem arguebat, & ad verum Deum mitebat: ita Iudaicæ Reipublice dissipatio atq. diuisio vanam eorum confidentiam faciliè declarabat, & ad diuinam opem implorandam vehementer eorum animos acuebat. Ideoque commodissimum fuit, vt hoc ipso tempore Ioannes ad prædicandum populo mitteretur: vt, quemadmodum antea dictum est, saluta-

tem eius doctrinam ipsius quoque temporis ratio adiuvaret confirmaretque.

I I.

Lucæ 3.

Persona
prædica-
toris.

2. 2. 11

Ecclesi. 43.

2. Reg. 11.

& 12.

Psal. 30.

Psal. 24.

Matt. 27.

Hoc ergo tempore factum est (ait Evangelista) *verbum Domini ad Ioannem filium Zacharie.* Hactenus de tempore prædicationis: nunc de ipso prædicatore agendum. Qua in re illud primum inquirendum est; cur Ioannes, qui innocentie laude præstabat, ad poenitentiam virtutem prædicandam potissimum delectus sit. Nostro enim iudicio insignis aliquis peccator, quæ tamè postea scelus suorum verè poenituisse, magis opportunus ad hoc munus exsequendum videbatur, qui re ipsa & peccati amaritudinem ac deformitatem, & poenitentia necessitatem didicisset. Qui enim navigant mare, narrant pericula eius. David cum post adulterium, & Viræ eadem, veniam & misericordiam à Domino precaretur, inter cetera verè contriti & demissi animi lamenta sic ad Dominum ait: Docebo iniquos vias tuas, & impij ad te convertentur. Quod perinde est ac si diceret: Si mihi Domine misericordiam & veniam, quam deprecor, tribueris; maximè idoneus ero, qui ceteros flagitiosos, hoc est, mei similes ad te revocare, & vias tuas illos docere possim. Vniuersæ enim viæ tuæ sunt misericordia & veritas: misericordia, quam miseris impendis: & veritas, quia fideliter quæ pollicitus es præstas. Pollicitus es autem misericordiam & veniam iis qui ad te suppliciter & fidenter confluerent. Quis igitur ad has vias docendas magis idoneus, quàm ille qui usu ipso & experientia didicit quàm sis benignus & misericors, quàm lenis & facilis ad ignoscendum, quàm verax & fidelis in promissis persolvendis? Quis verò promptiori animo erranti viam salutis ostendet, quàm qui maximo suo malo didicit quàm res misera & miseranda sit, ab ea via declinasse quæ ducit in exitum, quæque homines à te hoc est, vero & summo bono abducit? Talis igitur idoneus videbatur, cui Dominus prædicandæ poenitentia munus committeret. Sed longè aliter diuinæ sapientia visum est: nam cum in Ecclesia sua duos insignes ministros creare decreuisset; alterum qui ad poenitentiam moralium animos incitaret; alterum qui poenitentibus veniam daret: illum quidem innocentissimum inter omnes homines esse voluit, nempe Ioannem Baptistam, ab ipso matris utero sanctum; hunc verò inter eos, qui in schola eius versabantur, maximè infirmum, nempe Apostolum Petrum, qui Dominum paulo ante negauerat, ac ipsum se ignorare palam confessus fuerat. Cur ita? Magno certè consilio. Tanto namque clarius intelligerent homines necessariam esse poenitentiam, quanto is, qui eam prædicabat, purior & innocetior erat: tantoque facilius veniam

veniam (si verè illos pœnituisse) speraret, quâto infirmiores illum esse viderent, qui eam esset impartiturus; quiq; in seipso didicisset, nulli esse denegandam. Hac ergo ratione Dominus commodissimè ad pœnitentiam viam strauit: dum & eius necessitatem ostendit, & non esse difficilem pœnitentibus veniam, ex dissimili ministrorum conditione monstrauit.

Est etiam alia huius rei causa: nempe quòd hoc argumento ostendere Dominus voluit, non solum peccatoribus, sed iustis etiam illam pœnitentiæ partem, quæ maceratione carnis constat, esse maximè vtilem ac necessariam. Dum enim in hac carne militamus, non solum pœnitentia egemus, vt pro quotidianis delictis satisfaciamus: sed etiam vt exultantè & lasciuientem carnem inedia conteramus, & ab ea veluti ab vberi solo pullulantes cupiditates molestia, labore, & defatigatione comprimamus. Qua quidem virtute quatuor egant qui & in carne & in seculo degunt (vt multa alia præteream) exemplo diui Hieronymi discere poterunt: qui cum asperissimam vitam in deserto ageret, sæpè tamen Romanis se deliciis inter puellarum choros (quemadmodum ipse ad Eustochiũ scribit) interesse putabat. Si ergo (inquit) hoc sustinent illi, qui ex eis penè corporibus, & in solitudine vitam perducentes, solis cogitationibus oppugnantur: quid ij patientur, qui deliciis seculi fruuntur? qui nouas quotidie voluptates exquirunt? quorũ præcipua curâ est ventrem saginare, & æstuanti corpufculo fomenta ignium ministrare, & ardenti cupiditatũ flammæ ligna & oleũ adicere? Et tamè cum multorum hominum hoc vnicum penè studium sit, nihil miseri sentiunt, nec periculum suũ agnoscunt, cum tamè in summo discrimine, atq; ad eò in media morte versentur. Nūquam enim periculosius ægrotamus, quàm cum nos ægrotare nescimus. Quæ quidè res miserandam huius nostri seculi conditionem mihi maximè declarat, cum videam omnes aliarum nationum abusus atq; delicias in nostros mores inuectas; quæ quidem postrema ante aduentum Antichristi persecutio esse videtur. Tres enim grauissimas Ecclesiæ persecutiones D. Bernardus enumerat: primam tyrannorũ, secundam hæreticorum, tertiam voluptatũ atque deliciarum. Et primam quidem grauem fuisse ait: secundam autem multo grauiorem: tertiam verò longè grauissimam, vt pote latius grassantem, & per totum penè corpus Ecclesiæ permeantem. Vnde hæc modò Ecclesiæ vocem esse dicit: Ecce in pace amaritudo mea amarissima. Amara enim fuit persecutio tyrannorum, amarior autem hæreticorum, amarissima verò cupiditatum ac deliciarum. Quam eius sententiã D. Chrysost. confirmat, qui atrociorẽ

Hiero. ad
Eustoch.

Bernard.

Isaie 38.

Chrysost.

vehementiusq. nos nobis carnis deliciis, quàm carnifices olim exquisitis suppliciis nocere. Nam tormenta olim Martyres, blandimenta verò faciunt Epicuros: tormentis virtutes (quarum Christus Dominus auctor est) firmabantur, deliciis autem omnis generis vitia (quæ in mundum diabolus inuexit) nutriuntur. Blandique mores & vita præteriti & præsentis seculi facile declarant, quanto sit deliciarum quàm tormentorum atrocior persecutio: quod tamen in præsentia pauci admodum sentiunt, cum hoc persecutionis genus non pungat animum, sed oblectet. Erit tamen cum surgat in iudicio Ioannes Baptista, & hanc hominum generationem cõdemnet: qui ab utero matris Spiritu sancto plenus, & in solitudine vitam agens, innocentissimam carnem suam tantopere afflixit, quam tamen isti, inter tot seculi pericula constituti, omni genere voluptatum fouere non cessant. Sed iam ad locum, in quo Ioannes huiusmodi vitam agebat, veniamus. Sequitur enim:

III.

In deserto. Est etiam hoc in loco inuestigandum, cur Ioannes, qui tam insigni sanctitate præditus erat, vitam omnem in solitudine transiit: cum tamen veræ sanctitatis speculum Christus Dominus, in celebritate & frequentia hominum versatus fuerit? Huius rei cum multa sint causæ, quæ à sanctis Patribus afferuntur, hæc præcipua esse videtur, quòd solus ille in solitudinem fugere debet, cui hominum frequentia nocet: Christus autem Dominus hoc solitudinis perfugio nõ egebat; quia vbicumque erat, in deserto erat: hoc est, vbicumque erat, innocens erat; cum non à locis ipse sanctitatem acciperet, sed ipse loca omnia sanctificaret. At Ioannes quamvis gratiæ plenus, & ab utero matris sanctus, interim tamen à peccati fomite immunitas prorsus non erat: quare hoc illi perfugio opus fuit, quo omnem peccandi occasionem solitudinis beneficio amputaret. Sola enim beata Virgo fomitibus morbo, id est, propensione ad peccandum caruit (quam, propter materni nominis dignitatem, nec venialiter peccare, nec ad id propensionem habere decebat) ceteri verò Sancti, quamvis in vero sanctificati, atque adeò in gratia confirmati essent, nec à venialibus peccatis, nec à procliuitate ad ea, prorsus immunes erant: quod reuera magnum infirmitatis nostræ solatium est, cum huius nostræ imbecillitatis sanctissimos viros, Deoque charissimos consortes habeamus. Quamobrem magno consilio Ioannes, infirmitatis suæ conscius, ad eremum in ipso vitæ initio confugit: ut tanto esset ab omni peccato purior, quanto ab omni peccandi occasione & hominum consuetudine sequebatur. Quod cum ita sit, quid de his sperare possumus, qui cum

cum vehementissimis cupiditatibus æstuent, in medioque laqueorum positi sint, aded nullam curam vitandis occasionibus adhibent, vt in ipsos veluti armatos hostes, in districtos gladios, in micantes hastas, & nihil nisi nostrum exitium spirantes enses, sese sponte coniciant? Verè enim tanta est humanæ mentis infirmitas, tanta ad peccandum procliuuitas, vt vix quisquam immunis esse possit à peccatis, nisi qui tanta cura peccatorum occasiones, quanta ipsa peccata, vitare studuerit. Quod qui non faciunt, ipsi maximo suo malo discunt in quanto vitæ periculo versentur. Solet enim Dominus hanc temeritatem maximis & insperatis ruinis sæpè punire: sicut contrà eos potissimum tuendos suscipit, qui infirmitatis suæ confesi, prudenter se ab omnibus periculis subtrahunt. Sanctus Rogerius, vnus ex præcipuis beati Francisci sociis, cum Angelica penè puritate & castitate niteret, diligentissimè tamē omnia seminarum contubernia fugere curabat. Cumque confessarius, qui eius in hac parte puritatem & innocentiam nouerat, ab eo quaesisset cur tanta cura omnem seminarum conspectum & familiaritatem fugeret, cui tam singulare castitatis donum diuino munere contigisset: Hac de causa, inquit, hoc diuino beneficio donatus sum, quia ipse, quanta cura possum, omnia impuri amoris irritamenta mihi vitanda proposui: quod si non facerem, fortasse hoc diuino beneficio iusto Dei iudicio nudarer. Discamus igitur, fratres, discamus horum Patrum exemplo peccatorum occasiones non minùs quàm ipsa peccata vitare. Ad hoc autem solitudo maximè conducit, quæ omnes penè peccandi occasiones vno ictu amputat: dum nec oculi habent quod cum periculo videant, nec aures quod turpiter audiant, nec lingua cum quo inania & otiosa loquatur, quæ vel sola peccatorum omnium ferè instrumentum est. Quo nomine Iacobus Apostolus vniuersitatem suæ mundi iniquitatis eam appellat. Quis enim ita sui compos est, vt diu multumque cum aliis agens, aut in adulationis, aut detractionis, aut iactantiae, aut scurrilitatis, aut turpilouij, aut mendacij, aut conuiuij, aut vanitatis scopulos loquendo non incurrat? Iam verò per oculos & aures, hoc est, patentes semper animæ fenestras, quories mors in domos nostras ingressa est? A quibus periculis immunis est, quisquis prudenter se ab hominum frequentia (quantum pro cuiusque statas ratione fieri potest) subducit. Qui si diligenter vni tantum cordi custodiam adhibuerit, omnes alios peccandi aditus solitudinis beneficio interclusit. Videtis igitur quātum ad innocentiam & vitæ puritatem solitudo adiunct? Hinc diuus Basilus: Quies (inquit) initium est purgationis animi,

Iacobi 5.

Basilus.

cum neque lingua res humanas loquitur, nec oculi corporum colores circumspiciunt, nec aures animi intentionem solunt audire cantus ad voluptatem modulatis, aut dictis scurrilibus & ridiculis: quibus rebus animę intētio languescere maximē solet. Neque hoc ita à me dictum quisquam arbitretur, quod homines ad eremum cum Ioanne impellam: sed ut qui puritatem & innocentiam tueri velint, à secularium hominum consuetudine & frequentia sese, quantum cuiusque status & ordo permiserit, abducant; ut & commodius Deo vacare, & hec omnia incommoda vitare possint, sibi que tanto commodius & iucundius viuant, quanto minus alijs viuunt. Naturalis corporum calor quo intētio reconditur (quod hiemis tempore accidit) eo plenius seruatur: quo verò magis æstiuo tempore ad extrema corporis membra dilabitor, eo magis languescit: atque remittitur. Eadem autē spiritualis caloris, hoc est, diuini amoris ratio est: qui quo minus ad exteriora per incuriam diffluit, eo magis in interioribus seruet.

I I I I.

Sed quoniam & tempus, & locum, & personam predicatoris exposuimus; dignum est, ut eius quoque predicationem exponamus. Sequitur enim: *Venit in omnē regionem iordanis baptizans.* *Prædicans, baptismum penitentia.* Prædicatio ergo Ioannis penitentia erat. Penitentia autem est, præterita mala plangere, & plangenda iterum non committere. Duas igitur complectitur penitentia partes: alteram quæ præteritum, alteram quæ futurum tempus respicit. Est enim ea inter cæteras virtutes, quod inter anni menses Ianus, quæ bicipitem veteres pingebant: qui inter initium sequentis, & finem antecedētis anni positus, eodem vultu tempus vtrumque respiciebat. Sic igitur vera penitentia & præterita, delicta respicit & futura. Præterita enim mala acri dolore purgat, futura verò diligentissime vitare proponit. Ex priori autem parte sequitur posterior. Cuius enim peccus acerbissimus commissorum dolor sauciatis utique diligentissime curabit, ne iterum committat quod simili eum dolore purgat. Quamuis enim multæ sint, & quidem grauissimæ rationes, quæ pios homines à maleficio prohibeant; non potissima tamen illa est, quam re ipsa experti sunt: nempe quam acri & penē intolerabili conscientia morfu cruciandi sint, si in grauem aliquam offensionem prolapsi fuerint. Iraque veræ & germanæ penitentia (qua Deus animæ illabitor) radix & fundamentum vehemens peccati dolor atque detestatio est, isque spiritualis animæ vitæ maximē prodit. Sicut enim animantis vitam sensus indicio potissimum iudicamus (si videlicet inflictum vulnus, aut vellicationē sentiat) ita anima nostra viuat

Deo

Deo ne te, spiritualis vulneris, hoc est, admissi criminis sensus maximè declarat. Hinc præcipua inter huius seculi & Dei filios differentia esse videtur, quòd illi quidem mortui sunt Deo, viuunt mundo: isti contrà mundo mortui, viuunt Deo. Sicut Apostolus ait: Mortui estis, & vita vestra abscondita est cum Christo in Deo. Vnde existit illud maximè notandum vtrumque discrimen: quòd impij quidem propter leuissimam etiam externarum rerum iacturam vehementissimè cruciantur, disrumpuntur, & sursum atque deorsum scilicet omnia: qui tamen cum innumera passim peccata committant, quibus mortiferum animæ suæ vulnus infligunt, quibusq; summi boni iacturam faciunt, nullo proflus doloris sensu commouentur: qui pe Deo mortui, mundo verò rebusq; mundanis viuunt. Contrà verò pij, qui Deum intra se habet, graues etiam rerum suarum iacturas patienter & moderatè ferunt, illa beati Iob verba repetentes: Dominus dedit, Dominus abstulit: sicut Domino placuit, ita factum est. At contrà, si vel in leuia peccata incidunt, acerbissimo dolore conficiuntur: vixote qui diuersa ratione mundo mortui Deo viuunt, illum supra omnia diligant, illum colant, in vno illo spes omnes & opes suas constitutas habeant, ab illo se beari, & bonis omnibus cumulari sperent: ideoque nulla in re, vel leuissima, maiestatis eius oculos offendere student. Hac coniectura fratres, cuius filij suis, conicere potestis: si videlicet spiritualium rerum iacturas plangitis, ceteras verò omnes aut non plangitis, aut certè leniter & moderatè fertis. Hoc enim maximum diuinæ adoptionis, & spiritualis vitæ indicium est. Hunc autem animi sensum vera penitentia præstat, quam Ioannes prædicabat.

Sed cur is hanc potissimum Christianæ philosophiæ partem sibi tractandam delegerit, in promptu ratio est. Quia enim is ad hoc potissimum destinatus erat, vt (quemadmodum pater eius cecinit) præiret ante Dominum parare vias eius; via autem qua Deus animam reperit, quam deseruit, penitentia est, quæ diaboli domicilium in Dei templum vertit: ideo ab hac potissimum virtute prædicatio eius initium sumpsit. Hanc autem fuisse prædicationis huius ac doctrinæ causam, S. Euangelista protinus exponit, cum ait: Sicut scriptum est in libro sermonum Isaie: Vox clamantis in deserto: Parate viam Domini, rectas facite semitas Dei nostri. His profectò verbis aptissime Vates sanctus penitentiam, quam Ioannes prædicabat, interpretatus est. Ideo enim penitentiam ab hominibus exigebat, quia viam Domino præparabat. Hæc autem via paratur, cum offendicula ex ea tolluntur: nulla autem sunt offendicula, nisi peccata, quæ Deo ad nos aduentum impediunt, & aditum eius in mentes nostras

Colof. 3.

Iob 1.

Lucæ 11.

Isaie 40.

Isaie 59. nostras ferreis vectibus obstruunt. Peccata enim diuidūt inter nos & Deum. Peccata ipsum à nobis procul fugant atque repellunt. Peccata illum ex amantissimo Patre acerrimū hostem & inimicum efficiunt. Peccata animam nostram, hoc est, domicilium ac sedem Dei, in specum & reubile dæmonū mutāt. Peccata opes omnes & ornamenta, quibus mentis nostræ domus Deo paratur & instruitur, auferunt. Hæc ergo erant impedimenta, quæ Ioannes per pœnitentiæ studium tollere, arg. ira Domino viam parare volebat: quod sequentia quoque verba declarant. Quia enim reuelanda erat gloria Domini; & omnis caro salutare Dei, hoc est, Deum ipsum in carne venientē visura esset: dignum protectō erat, vt ad hoc tantæ pietatis spectaculum, talemque hospitem intra sinum cordis excipendum, viam per pœnitentiam pararet.

Peroratio.

Quod autem Ioannes illo tempore ab omnibus perebat, hoc à nobis hodie Ecclesia exigit, fratres; vt, quoniam idem Dominus in proximo Natalis sui die ad nos venturus describitur, mentes illi nostras, in quibus ipse molliter acquiescat, eadem pœnitentiæ virtute parare studeamus. Hoc autem præstat humilis peccatorum confessio, quæ omnia huius viæ impedimenta, hoc est, omnia peccata pellit: quibus è medio sublati, Deus in centrum suum, hoc est, in animam nostram (quam ipse sibi sedem constituit) protinus illabitur. Nec verò quisquam ab huius temporis ratione alienum putet, quod modò pœnitentiam (quæ Quadragesimalis temporis propria est) exigimus & commendamus. Cum enim præcipua pœnitentiæ pars in odio ac detestatione peccati posita sit, peccatum verò vt mortem, & extremum exitium, malorumque vltimum, tota vita capitali odio prosequi debeamus: consequens est, vt (quemadmodum

Chrysost.

D. Chrysostomus ait) tota vita nostra tempus pœnitentiæ sit: quam singulari ratione sacratissimum hoc tempus à nobis exigit, quo sempiternus ille siderum & cælorum conditor ad nos venire, & in nobis habitare dignetur. Adorna ergo thalamum tuum Sion, & suscipe Regem gloriæ ad salutem tuam è cælo venientem. Is enim te hospitio suo honorabit, opibus locupletabit, luce collustrabit, virtute munit, spiritu animabit, & gratiæ suæ muneribus filium & heredem regni sui amantissimè constituet. Quod si hæc omnia virtus pœnitentiæ, humili sociata confessioni, præstat; procul absint à vobis, fratres, peccata omnia, procul odia atque dissidia, procul omnis impudiciæ labes, procul detractio, execratio & imprecatio à vestris moribus cum omni impuritate pellantur.

Cæterum quo non solum inuisibiliter, sed etiam visibiliter Dominus mentibus nostris illabatur, proximū est vt post confessionis

sessionis Sacramentum Eucharistia consequatur: quo idē ipse
 mundi conditor, qui olim in mundum cælestium bonorum
 opulentiā plenius venit; ad vos etiam simili modo venire; & in
 vobis requiescere dignetur. Quisquis ergo Natalem Domini
 diem pie celebrare, quisquis gratissimum illi obsequium præ-
 stare cupit, quanta poterit deuotione ipsum intra se excipere
 studeat. Quā in re admiranda quādam diuinæ mētis benigni-
 tas elucet. Constat enim, post Dominicæ incarnationis & pas-
 sionis beneficium, huius Sacramenti institutionem primum
 & summum inter cætera Dei beneficia locum tenere. Ea ta-
 men Dei benignitas est, vt quod summum est eius erga nos
 beneficium, sit etiam summum quod nos illi offerre possumus
 obsequium, cum eius vtimur beneficio. Quis hoc vnumquam
 vel vidit vel audiuit? Quis hoc pietatis & beneficentiæ genus
 animo fingere potuit, vt maximi obsequij loco benefactor duc-
 cat, quod eius beneficiis vti beneficiarius velit? Vnde, quæso,
 tanta bonitas, tanta largitas, talisque benemerendi de homini-
 bus ratio, nisi ab vno illo inexhaustæ bonitatis fonte manare
 potuit? Quis huius tam immensæ bonitatis abyssum non stu-
 peat? quis in huius tantæ charitatis ardore non penitus colli-
 quescat? Mirari iam desino, sanctos olim Patres frequenter in
 ecclasiis rapi solitos, cum in hanc tam vastam diuinæ bonitatis
 abyssum cogitatione ingrederentur. Itaque, fratres, vel hæc
 vna consideratio (vt nihil esset aliud) vos ad hoc religionis of-
 ficiū excitare, atque adeo impellere deberet: vt hac saltem
 ratione, tum ei, qui tali erga vos charitate affectus est, gratifi-
 cari; tum etiam diuitiarum, quibus ad nos plenus venit, parti-
 cipes effici valeatis. Hoc enim amantissima illa Domini inui-
 tatio, cum hoc Sacramentum institueret, insinuat, cum ait: *Ac-*
cipite & manducate: hoc est eū corpus meum quod pro vo-
bis tradetur. Perinde enim est ac si diceret: Et sanguinis &
 mortis, & dolorum ac laborum omnium quos in hoc corpore
 vestri causa perferam, participes efficiō, dum vobis illud trado,
 & ad illius esum clementer inuiro. Neque enim hic de corpo-
 rea, sed de Sacramentali manducatione sermo erat, quā Chri-
 sti Domini corpus manducamus: hoc est, quā Spiritum eius, &
 sacratissimi corporis eius labores nobis applicamus, cum illi in-
 corporamur, & meritorum ac dolorum eius consortes effici-
 mur: vt quod illi doloris acerbiter pepercit, nobis dulcedinem
 eribuat: quod illi mortem intulit, nobis vitam conferat: quod
 ille deniq. in lachrymis seminauit, nos, cum operatus ille felici-
 tatis nostræ dies aduenerit, in cælesti illa ciuitate, lacrymarum
 ac dolorum nescia, cum sempiterna exultatione meramus.

Matth. 26

IN

IN NATALI DOMINI, CONCIO

PRIMA: IN QVA LECTIO EVANGELICA explanatur.

THE. Evangelizo vobis gaudium magnum, quod erit omni populo: quia natus est vobis hodie Saluator, &c. Luc. 2.



Magam nobis, fratres dilectissimi, singula hec que proposuimus verba, spiritualis lætitiæ materiam subministrant. Nam & evangelizo, & gaudium, & non qualecunque gaudiū, sed magnū gaudiū; non quidē vnius, aut multorū hominū, sed quod erit omni populo, id est, vniuerso hominum generi; satis apertē huius gaudiij magnitudinem declarat. De hoc autem gaudio in Isaia legimus: Lætābuntur coram te, sicut qui lætantur in messe: sicut exsultant victores capta præda, quando diuidunt spolia. Sed quæ, obsecro, tantæ causæ lætitiæ? Subdit Propheta: Iugum enim oneris eius, & virgam humeri eius, & sceptrum exactoris eius superasti, sicut in die Madian. Hoc est. Quemadmodū olim filios Israël à tyrannide potentissimæ Regis Madianitarum duce Gedone liberaſti: ita nunc homines in aduentu Filij tui à principis huius mūdi tyrannide eripuisti, qui eos pōdere seruitutis sue premebat, virga & stimulis curarum & laborū seculi egdebantq; veteris illius delicti gravissima tributa exigebat. Tributū autem peccati, peccatū est, & poena peccati: quæ duo mala primum illud peccatum iniecit in mundum. Quanta igitur gaudendi materia est, à tam graui seruitutis iugo manumissum esse, tantiq; hostis tyrannidem euasisse? Sed non minor lætitiæ causa est, quod iam venit plenitudo temporis, in quo omnium diuinarum promissionum & gratiarum plenitudo plenissimē nobis hodie exhibita est, cum Deus Filiū suum misit in mūdum. Si enim veteres olim Patres sola huius diuini muneris spe tantopere gaudebāt: si Abraham exsultauit, vt videret diē Christi: quanto nōs magis exsultare debemus, qui quod illi sperabant iam tenemus, & cū Propheta dicere possūmus: Suscepimus Deus misericordiā tuam in medio tēpli tui? Rectē enim Chrysologus: Dulcis est epistola, sed vsque dum veniat ipse qui misit. Necessarium chirographum, sed vsque ad debiti redditionem. Grati flores, sed vsque dum veniant ad pomā. Rumpit solutio cautionem, flores cōsumuntur à pomis. Hæc ille. Quanto ergo sponſi præsentia quam epistola gratior, & solutio debiti quam cautio eius, & fructus

Spiritus

Isaia 9.

Isaia 9.
Isaia 9.

Iudic. 7.

Quia peccati
iugum superasti,
ut patet in
Isaia 9.

Expositio

2 cala 12

A minor

Petrus
Rauca.

Similia

Spiritus quam litera mortua flores: tanto nos veteribus illis Patribus feliciores sumus, tantoque magis quam illi exultare in Domino debemus. Iam scater celestis fons in ablutionem peccatoris & menstruata: reddantur origini suae fluente gratia, ut verius iterum fluant. Tota autem beatissima Trinitas gratiae immortales agantur: quoniam tota Trinitas huius gaudij materiam nobis exhibuit. Ut enim Leo Papa ait: Diuisit sibi opus nostrae reparationis misericordia Trinitatis: ut Pater propitiaretur, Filius propitiaret, Spiritus sanctus igniteret. Haec igitur nobis, fratres, causa gaudendi.

Inter communia tamen omnium gaudia, beatissime Virginis gaudiū multis partibus eminet: utpote quae suo felici puerperio tantam mundo gaudendi materiam contulit. Sara sterilis & nonagenaria, ubi desperatam prolem in senectute concepit, tanto gaudio completa est, ut edito in lucem filio diceret: Risum fecit mihi Dominus: hoc est, magnam mihi Dominus laetandi materiam praestitit: quicumque audierit, corridebit mihi. Quae de causa natum puerum vocauit Isaac, quod risum sonat, siue laetitiam: id quod eo consilio fecit, ut, cum amantissimū filij nomen in ore semper haberet, huius diuini beneficii memoriam numquam ex animo deponeret. Hoc exemplo licebit utcumque, fratres, puerperae Virginis gaudiū aestimare. Si enim tantopere Sara gausa est, quod sterilis & nonagenaria filium peperit; quantum hoc die Maria gausa est, quae parura mirante & virgo concepit, & sine dolore peperit, & Deum ac mundi Saluatorem genuit? O Virgo benedicta, quanto iustus utriusque tu quoque hodie dicere poteris: Risum fecit mihi Dominus: hoc est, summā mihi hoc tam felici puerperio laetitiae causam attulit? Neque te solum, o beata mater, sed nos quoque omnes eiusdem laetitiae participes effecit: quos ista natiuitas, prioris natiuitatis vetustate deleta, in Dei filios adoptionis iure & beneficio adoptauit. Hoc enim tantae humilitatis merito, quo Dei Filius ad humana descendit, id nobis contulit, ut humanitas nostra ad diuinā cōscenderet. Sed quoniam in hac communi omnium laetitia primas partes Desparae Virginis laetitia obtinet, ipsam hodie inducit Ecclesia his verbis in Domino gloriantem: Cōgratulamini mihi omnes qui diligitis Dominum; quia cum essem paruula, placui altissimo, & de meis visceribus genui Deum & hominem. Libenter quidem, o Virgo beata, tibi congratulamur, libenter tibi in hoc sacro puerperio corrideamus: quando non tibi solum, sed nobis quoque omnibus hanc laetitiae causam praerulisti. Exsulta ergo marer salutis humanae: ecce Domini vniuerso mūdo per tot retrō secula promissum prima suscipere meritis aduentū, habitaculū immensae maiestatis effuse-

Grates nunc
Trinitas
Leo Papa
Spiritus
D. s. m. d. g. i.
m. g. i.

Gen. 30.

A minori.

Carthago
Hic fuit
Zygonide
Aristo
Epiphany
Sicut
Jes. 2. v. 10.

Eusebius
Emil. in
homil. de
Natiuitate

efficeris, spem terrarum, decus seculorum, commune omnium gaudium peculiari munere nouem mensibus sola possides: initiator omnium rerum abs te initiatur, & profundendum promudi vita sanguinem de corpore tuo accipit, atque de te sumit quod etiam pro te soluat. Quia ergo sacra hodie Virgo miris affluit gaudiis atque deliciis, rectè nos (qui eius ope indigemus) cum Dauid seruis ad illam dicere possumus: In die bona venimus ad te. Quamobrem ex isto gratiarum omnium fonte, qui ex te hodie natus est, rivulum quendam in nos ab ipso fonte deriuatum demitte: quo sterilis ingenioli nostri vena irrigata, hoc sacrum mysterium, Angelicis vocibus predicandum, pro dignitate tractare possimus. Vt hoc autem præstare valeamus, cælestem opem, eiusdem sacratissime Virginis interuentu, suppliciter impletemus.

A V E M A R I A.

Exiit edictum à Cesare Augusto, ut describeretur vniversus orbis.

Inter mirabilia quæ natiuitatis Dominicæ tēpore contigerunt, non postremum locum obtinet maxima illa pax, quæ eo tempore sub Augusto Romanorum Imperatore floruit: qualis fortasse nec antea exstitit, nec postea futura sit. Hæc enim est illa pax, quam multis ante seculis Prophetæ sub aduentum Messie futuram prædixerant. Merito namq. eo tempore quo vera pax de cælo descendit (quæ humana diuinis, & ima summis æterno amoris vinculo sociavit) tot antea tu multibus exagitatus mundus in summa pace & tranquillitate agere debuit. Quo quidem argumento insinuare Saluator voluit, quantū esset veræ pacis & charitatis amator. Sicut enim cum matrem virginem elegit, quantum virginitatis puritatem diligeret, explicauit: ita dum tempus adeo, pacatum ad natiuitatem captauit, quantopere pacem & concordiam diligeret, insinuauit. Hanc nobis hodie pacē Angeli precantur, hanc Saluator, quā diu nobiscū egit, magnopere cōmendauit, & hanc moriens discipulis suis velut testamento legauit. Valeant igitur hodie dissidia, fratres mei, valeant priuata odia: nemo obicem Angelicæ paci ponat: dum nascitur pax vera de cælo, procul à terra lites ac discordia facessant. Fuit & alia huius pacis constituendæ causa: nempe vt Euangelij prædicatio sine villo impedimento per totum orbem volitaret: dum regna omnia tranquilla & pacata sub vnus principis imperio cōtinebantur. Si enim priuatis inter se dissidiis orbis discinderetur, præclusa vtique esset Euangelij viæ quod tamen in omnes terrarum oras longè lateque propagandum erat. Ideoque Romani, qui tanto armorum studio mundū imperio suo subigere nitebantur, nō tam sibi, quā Euangelio Christi nescij operam dabant. Neque hoc tamen valde miran-

*Describitur igitur
3 Lucæ historia
Natiuitatis Domini
sic ait: Pax*

*Pacem inter
Deū & homines*

*Qui vult pacem
boni operis
necesse est
præceptis obtemperare.*

*Quis respicit
et pacem habuit?*

*Bona voluntas
nō.*

*Non est pax
iniquis.*

mirandum est, quandoquidem omnia, quæ in mundo sunt, di-
 uinæ providentiæ seruiunt, nec quicquam in terris, aut in uero
 mundi Domino, aut sine eius numine & consilio sit. Sic olim
 Nabuchodonosor (ut imperij sui fines dilataret) Iudæam va-
 stare constituit: quam tamen Deus hoc insigni supplicio pro-
 pter peccata multare decreuerat. Unde ipse Dominus per Pro-
 phetam dicit: Væ Assur, virga furoris mei, & baculus ipse: in
 manu eorum indignatio mea. Ipse autem non sic arbitrabitur,
 sed ad conterendum erit cor eius, ad internecionem gentium
 non paucarum. Itaque nescius, quid ageret tyrannus, dum
 suum se negotij agere credebat, diuinæ voluntati, famula-
 batur. Aliud ergo ipse captabat, aliud, qui omnia disponit & or-
 dinat Deus. Ille enim priuatam gloriam querebat, Dominus
 autem, hac ratione sceleratis hominibus supplicia irrogare, pa-
 rabat. Denique propter hoc Propheta clamat, Ordinatione tua
 perseverat dies: quoniam omnia seruiunt tibi. Omnia, inquit,
 non solum dies & annus, variæque anni tempora quæ legibus
 tuis obtemperant, sed in vniuersum illa, etiam omnia, quæ
 voluntate hominum pendunt (siue bona siue mala sint) omnia
 (inquam) seruiunt tibi. Quia sicut nihil in mundo fit, nisi te
 volente, aut permittente: ita nihil est, quod non seruiat tibi, res
 humanas administrati. Nō igitur mirum est, si Romani, dum
 orbem vniuersum in suam dominationem subingere nitentur, di-
 uinæ quoque providentiæ & consilio seruirent. Ad hunc ergo
 modum, cum in hodierna sancti Euangelij lectione Cæsar Au-
 gustus vniuersum orbem describi iubet, eidem quoque provi-
 dentiæ diuinæ, mirabatur. Hac enim occasione, beatissima Vir-
 go Berthehem profecta est: ut in domo panis panem Angelo-
 rum, & hominum pareret: quemadmodum Prophetis antea
 vocibus fuerat prænunciatum.

Fuit & alia quoque huius descriptionis causa: nempe quod
 hac ratione hominum hominis dignitatem, natiuitatis Christi be-
 neficio partam, voluit Dominus significari. Deus enim (ut
 Apostolus ait) præteritis temporibus, dimiserat omnes homi-
 nes ingredi vias suas, adeoque viles habere videbatur, ut Pro-
 pheta grauit hac de re conquectus voces illas iaceret: Et sa-
 cies hominis quasi pisces maris, & quasi volatilia non habentia
 ducem. At hoc tempore natiuitatis & humanitatis Domino
 beneficio magna dignitatis accessio hominibus facta est: quādo
 Deus ipse propter homines homo fieri, & inter homines versa-
 ri dignatus fuerit. Cum enim is descendit ad ima, maxime quæ
 nostra erant, euegit ad summa. Hinc Propheta Christum allo-
 quens: Tu es, inquit, gloria mea, & exaltas caput meum: ut
 tempore qui per humanitatis meæ assumptionem diuinitatis &

Q

gloria

Que natiuitas si Rex noster, filius accipere
 in matrem, totam illam domum
 inuoluitur.

Homo uilis
 habebatur

Abac.

in manu
 habet

in manu
 habet

in manu
 habet

in manu
 habet

glorie tue participem me fecisti. Cuius quidem dignitatis cupida Sponsa; Christi Domini aduentum scienter appetens clamabat: Quis mihi det te fratrem meum, sugentem vbera matris mee: vt inueniam te foris, & deosculer te, & iam me nemo despiciat? Affecit es igitur, O Sponsa, quod volebas, exoptatus tibi dies aduenit, habes tota quod mente petisti: Vides Vnguentum Patris sugentem vbera pie matris. Iam inuenisti eum foris, in nostro videlicet exilio arque suburbio: Iam suscepisti osculum oris eius, per mysterium incarnationis eius: Iam te posthac nemo despiciet. Non enim despiciet Pater, qui suum tibi tradidit Filium: non Filius, qui se tibi dedit in fratrem: non denique Spiritus sanctus, qui huius mysterij velut promissus & auctor exstitit. Multo minus Angeli despicient: quoniam & superiorem te hoc nomine iudicabunt quia non Angelos Dei Filius, sed semen Abraham apprehendit. Vide Angelos, qui olim Dei personam gerebant, ab hominibus se in lege adorari patiebantur: at postea quam Deus homo factus est, adorari se ab illis recusant. Cum enim Ioannes Euangelista Angelum in Apocalypsi adorare vellet, ab ipso his verbis prohibitus est: Vide ne feceris; conseruus enim tuus sum, & fratrum tuorum habentium testimonium Iesu: Deum adora; Quia et ego ad tantam homines celsitudinem per Christi humanitatem euecti sumus merito nunc sigillatim descendentur, qui antea vt viles, & abiecti negligebantur. Quando magna in populo frumentum copia est, & pretium eius vile: nemo diligentiam adhibet vt seiat quantum critici in cellario suo condiderit. Vbi verbarum non tanta est, tum demum quisque quod habet explorat, diligenterque iterum atque iterum frumenta sua computat: quia ubi creuit primum mercium, creuit & ipsa mercium cura. Sic igitur homo, qui ante incarnationis Dominice innotamens in vilis habebatur, ubi Deus homo factus est, dignus vtique habitus est, qui non in terra solum, sed in celo quoque describere aut. Quae cum ita sint iustum profectus est, vt homo quoque ipse, sic a Deo auctus & ornatus, dignitatis suae rationem habeat, nec se iam ad viles sordidasque carnis curas & cupiditates abiciat. Ne enim maior gloria & honore coronatus est, et maiori supplicio dignus erit, si sponte sua ab hac dignitate degenerauerit. Hoc enim Isaias Propheta insinuare videri, cum ait: Vestimentum mixtum singulauerit in combustionem; & cibus ignis. Quamobrem? Subdit causam: Parvulus enim natus est nobis, & factus datus est nobis: Quod perinde est, ac si diceret: Post hanc tantam elementissimi Dei nostri digestionem, & naturae humanae exaltationem, quam magnus ille Deus Deorum Dominus parvulus inter homines homo factus est, longe acerbius

Cant. 8.

Hebr. 9.

Hebr. 9.

Apoc. 19.

Epistola huius
huius causae.

simile.

y. 30. da

Isai. 1.

Isai. 1.

Isai. 1.

Isai. 1.

acerbius erit puniendus, qui perceptam à Deo nobilitatem degeneri vita conspurcauerit, & innocentia vestem (quam in sacro baptismatis fonte eius beneficio suscepit) sanguinolentis operibus eructauerit.

Huius igitur descriptionis occasione pergit sacra Virgo à Nazareth in Bethlehém: ut ipsa quoque calorum Regina ego sum cum ceteris mortalibus terrenò Regi penderet. Ceterum ubi eò ventum est, tanta erat hospitum vòdique còfuentium multitudo, ut, ditioribus atque potèntioribus domos occupantibus, sacra Virgo i defuerit hospitium. Nullus enim in tanta hominù frequètia exsistit, qui eam quamuis grauidam, & Dei Filio grauidam, intra domù suam excipere voverit. Quis, quòso, vestrù, fratres, (si tunc fortè adfuerit) non libentissime Virginem Deo plenam intra domum suam, atque adeò intra sinum cordis exceperit, & omne illi obsequium libenter exhibuisset? Quid igitur? an non in nostra quoque hodie potestate est, idem pietatis & religionis obsequium illi præbere? Quomodo inquires? Dic mihi; nòne sacra illa altaris hostia Deo plena est? Nòne eundem intra se Dominum continet, quem Virgo gestabat; quemque venerabile illud præsepe concludit? Si ergo Virginè illam Deo grauidam (modò illam agnosceres) libentissime intra domù tuam exceperisses, cur modò sacram hostiam (in qua idem corpus & idem Dominus est) non simili intra te deuotione recipias? Quis hoc sacro die nascènti propter se Domino hac saltem ratione parare nolit hospitium? Neque enim minus ei gratum erit, si hoc modo illum in arcano mentis tui cubiculo condas, quàm si intra priuatos parietes olim eum exceperisses. Atque hæc est, fratres, causa, propter quam non minus nobis in hoc festo lugèndi quàm gaudèndi materia suppetit: quando Christus sponte sua se offerens, & ad nos elemèter declinare cupiens, à nobis etiam agnitus repudiatur: ut miserò illud quoque de nobis dici possit: In propria venit, & sui eum non receperunt. Sed iam ad partum Virginitatis veniamus.

Cum igitur in communi diuersorio, imò & in stabulo calorum Regina còfedisset, Impleti sunt dies ut pareret. Appropinquauit felicissima illa hora ab æterno præordinata, tot antè seculis expectata, tot Prophètarum vocibus celebrata; in qua nouus Adam in hanc nostram lucè, imò in hanc obscuram noctem, in hoc omnium ærurnarù exilium proditurus erat. Impleti sunt ergo (ait Euangelista) dies ut pareret, & peperit filium suum primogenitum, & pannu eum involuit, & reclinauit eum in præsepio; quia nò erat ei locus in diuersorio. O summà Dei nostri humilitatè! ô miradà paupertatè! Quæ quæq; ancilla adeò inops & abiecta fuit, ut præ inopie

ut secundum
hanc in Be
leam aspe
ritur tunc

Quis non
libentissime
in domum sua
supplicet?

Non xpe
parit in se
habebat

Sed sapiens
ss. summa
Euangelista

magnitudine editum filium in præsepio collocaret? Quid sublimius Deo? quid vilius præsepio? Quis ergo duo hac adeo inter se distantia in vnum copulauit? Dominus in templo sancto suo, Dominus in celo sedes eius. Quis igitur hanc celsi sedem præsepio commutauit? quis Deum præsepio conclusit? Stabulum quippe non hominum, sed iumentorum locus est. Quid ergo est Deum in stabulo collocare, nisi ipsis etiam hominibus inferiorem quodammodo fieri? Mirabaris, Propheta, Deum paulo minus ab Angelis minoratum? mirare nunc in stabulo & præsepio positum, ipsis quodammodo hominibus inferiorem redditum. Domine audiui auditum tuum & timui; consideravi opera tua, & expaui. Quis, quæso, te Domine Iesu, ita deiecit? quis in tantas compulsi a rumnas? Quis te ex culmine tantæ maiestatis in profundum tantæ humilitatis abiecit? Nimirum immensa pietas, & ardentissimus Ecclesiæ tuæ amor: quam hac tanta humilitate exexisti, hac tanta paupertate distasti, hac tanta infirmitate roborasti, atque his lacrymis & ærumnis ad celestis vitæ gaudia extulisti. Quis enim te fortissimum Iudic. 16. Samsonem totondit, ligauit, viribus spoliavit, omnibusque inimicorum telis & iniuriis exposuit, nisi impatiens Dalila tuæ, hoc est, Ecclesiæ Sponsæ tuæ amor? An non hoc aperit Eph. 1. Apostolus insinuauit cum ait: Viri diligite uxores vestras, sicut Christus dilexit Ecclesiam, & tradidit semetipsum pro ea: vt exhiberet ipse sibi gloriosam Ecclesiam, non habentem maculam aut rugam. Tanto enim spiritualis huius pulchritudinis amore captus fuisti, vt non dubitaueris pro ea non modo in præsepio collocari, sed etiam in patibulo suspendi. Rectissime à quodam sapiente dictum est: Amare & sapere, vix Deo conceditur. Nec ergo mirum est si insaniat quicumque amat. Deum autem insanire cum sit impossibile, ad hoc tamen eum summa vis amoris impulit, vt ea faceret quæ insaniam stultitiamque mundi sapientes existimarent. Hanc autem fuisse huius tam stupendi operis causam, clamat ipse Dominus cum ait: Sic Deus dilexit mundum, vt Filium suum vnigenitum daret. Clamat item Apostolus dicens: Propter nimiam charitatem suam, quam dilexit nos Deus, misit Filium suum, &c. Si ergo tanto nostri amore flagrauit illa maiestas, cur non ita flagrabat nostra erga illum charitas? Si amare pigebat, cur pigeat redamare? Quod si antequam Dominus hanc tantam suæ dilectionis vim hominibus aperuisset, tantumque in eos beneficium contulisset, tam multos habuit nominis sui cultores (qualis multi olim Sanctorum, Patriarcharum, & Prophetarum exstiterunt) qui libenter pro eo vitam & sanguinem funderent: quid post tantam in aduentu exhibitam charitatem nos facere par est? Si tantopere

Psal. 8.

*Admirabilis
Quis expositum
perum humilia
uit?*

*Admirabilis
Ecclesia*

*Expositum
perum*

Ioan. 1.
Eph. 1.

*Rodanus
J. Salusti
A. miri.*

estate

*Quare B. Vir-
ginis p. p. p. p.
d. n. n. n. n.
aut.*
*Spir. S. d. d. d. d.
n. n. n. n.*
*Bethleem.
Domus parvuli*

Sed iam paulisper oculos à præsepio Domini deflectentes, ab ipsa Virgine queramus, cur à complexu suo abstractum infantem in duro viliq; præsepio reclinavit? An non mollius, non etiam dignius in purissimo matris sinu teneri scetus, quam in tali præsepio requiesceret? Sed quis dubitare audeat, hoc ipsum Spiritu sancto ita suggerente factum esse? Nihil enim prudentissima illa Virgo moliebatur, nihil designabat, cuius non haberet auctorem eundem illum Spiritu, cuius virtute & obumbratione conceperat. Ipso igitur inspirante, in præsepio posuit panem Angelorum, quem sciebat vtiq; factum esse cibum iumentorum. Nam homo per peccatum comparatus fuit iumentis in insipientibus, & similis illis effectus. Ideo qui propter huiusmodi iumenta venerat, in loco iumentorum collocari debuit: ut ipse etiam locus, ubi collocabatur, eorum conditione designaret, ad quorum salutem mittebatur. A sinu igitur suo detractum infantem in præsepio collocavit, quia nobis illi, hoc est, iumentis insipientibus peperit, nobis illum nutriti atque lactavit: ut pro nobis tandem adultus, sanguinem in cruce funderet. Nihil sane aliud Prophetia innuavit, cum dixit: Parvulus natus est nobis, & filius datus est nobis. Bis eandem vocem repetit, ut prudenter attendas, homo, totum hoc mysterium tuum esse: tibiq; non Angelis, hoc tantum beneficium exhibitum fuisse. Cum qua etiam dignitate ratio quoq; nominis eius consentit. Vocatur enim Emmanuel, id est, nobiscum Deus. Unde apud Ezechielē civitas illa, quæ typum tenet Ecclesiæ, appellatur Deus cum illa. Verumq; autem ad nos omnino pertinet, siue dicas, Deus cum illa; siue dicas, nobiscum Deus. Ex quo apparet, infantem hunc totum ad nos pertinere, & modis omnibus nostrum esse. Audi igitur, o homo, si hactenus non potuisti in animum inducere, ut Deum diligeres, cur illi iam non diliges nova quadam ratione tuum factum? Si enim quoniam te ipsum amas, eodem quoq; amore quidquid tuum est, & ad te pertinet, prosequeris (amas enim vineam tuam, domum tuam, pecuniam tuam, servum tuum, imò & canem tuum, & calceum tuum, quia hæc omnia tua sunt): cur non amabis Deum tuum, creatorem tuum, redemptorem tuum, salvatorem tuum, magistrum tuum, medicum tuum, sacerdotem tuum, advocatum, mediatorem, pastorem, benefactorem, Regem, amicum, denique & fratrem & patrem tuum, ac tandem omne bonum tuum? Vide, quæ so, quo amore illum amare debeas, qui tot à te amores iure suo exigit, quot titulis atq; nominibus tuus est: qui tibi omnia factus est, in quo vno habes quidquid humana mēs optare potest. Dic ergo cum

Nobis.
Isaia 9.

Isaia 7.

Propheta: Quid enim mihi est in carpo, & a te quid volui super terram?

Psal. 71.

Natus est in Bethleem David rex, postea d. n. n. n. n.
David dicit: Ego sum parvulus & de vili re
parvulus fuit parvulus Angelorum, sed quia humani
sede assumptus factus est vili parvulus iumen-
torum ut sit humanus, deus in præsepio vili

terram? Defecit caro mea & cor meum: Deus cordis mei, & pars mea Deus in aeternum.

Videamus iam quid infantulus noster in praesepe positus agat: nimirum id quod in hymno canitur: Vagie infans inter arcta conditus praesepe. Vnde ipse quoque illa ex lib. Sapient. verba profert potest: Sum quidem & ego mortalis, ex genere eius qui ante me formatus est. Et ego natus hausi communem aërem, & in similiter factam decidi terram: & primam vocem similem omnibus emisi plorans. Nemo enim ex Regibus aliud habuit natiuitatis initium. Vnus ergo est introitus omnibus ad vitam, & similis exitus: uterque nimirum tristis, uterque lamentabilis: cum lachrymis quippe nascimur, cum laboribus viuimus, & cum dolore morimur. Ergo & mundi Dominus, mortalis quoque nobiscum factus, sicut ceteri mortales hoc tempore vagit & lachrymatur. Cuius vagitus audire sibi D. Hieronymus videbatur, qui in epistola quadam ait: Illud praesepe, in quo infantulus vagit, silentio magis quam in fimo sermone celebrandum est. Cur ergo, Domine Iesu, ploras? cur lachrymaris? quando & volens & libens pro nobis hac incommoda subiisti? Ploras utique non tua, sed nostra crimina: non tuum, sed nostrum exilium: non denique tuam, sed nostram infirmitatem. Quisquis igitur graui peccatorum sarcina pressus ad ima dei ieris, has ante oculos tuos lachrymas pone, & spem venie animumque resumes. Quae enim peccata lachryma ista non abluant? Lachrymare igitur, o homo, cum lachrymare, desiccam fiente: si enim his lachrymis lachrymas tuas non xeris, non dubium quin haec infantuli lachrymae pro te clament, pro te orerent, pro te apud communem Dominum veniam impetrent: quae quamuis iam dudum praeterierint, hoc etiam nunc agunt, quod tunc, cum funderentur, egerunt.

III.

Sed quoniam Dominicae natiuitatis humilitatem vidimus, par est, ut eiusiam gloriam contemplemur. Neque enim sine humilitate hominis filius, nec sine maiestate nascitur Dei Filius. Pastores, inquit, erant in regione eadem vigilantes, & custodientes vigiliis noctis super gregem suum. Et ecce Angelus Domini stetit iuxta illos, & claritas Dei circumfulsit illos, & timuerunt timore magno; Et dixit illis Angelus; Nolite timere: ecce enim euangelizo vobis gaudium magnum, quod erit omni populo: quia natus est vobis hodie Saluator, qui est Christus Dominus in ciuitate David. Et hoc vobis signum: Inuenietis infantem pannu inuolutum, & positum in praesepe. Hoc in loco illud primum inquirendum est, quo consilio celestis nuncius tanta infantis huius gloria cum tanta humilitate coniunxerit: ut quem mundi Saluatorem, hoc est, Messiam in lege promissum praedicabat, in praesepe

*Quid agit
Dns in
praesepe.*

Cur plorat?

*Respondere nō
debet. Nam si
fuerit in praesepe
sufficiens habet
nō, non habet
languis saluati
nō potest de.*

positum diceret? Cum multa sint, quæ hac in re secum com-
mentari contemplarique piæ mentes possint; illud mihi pri-
mum occurrit: quod prudentissimus nuncius, qui in hoc pasto-
ribus infantem nunciabat ut ab eis primum adoraretur & præ-
dicaretur, metum; qui eos ab hoc religionis officio facile retar-
dare potuisset, his verbis ademit, atque animi imbecillitatem
auctoritate sua sustulit. Poterant enim rudes illi pastores intra-
se dicere: Quo consilio homines abiecti, rudes, & inculti hoc
tam vili habiti & amictu palatium tanti Regis (de quo tam
multa & magnifica Prophetæ cecinerunt) intrare audebimus:
qui palatij splendorem, tanta nobilium procumque caterua
renidentem, habitus & cultus nostri squalore ac sordibus de-
formare, atque dedecore afficere videbimur? Hanc ergo ru-
dem atque inanem formidinem Angelus Domini omnino sus-
tulit, cum infantem pannis involutum, & in præsepio posi-
tum nunciavit. Quis enim ad infantem fasciis ligatum, & in
vili iumentorum præsepio iacentem accedere trepidabit? Eo-
dem autem consilio mihi videtur Euangelista Ioannes illa Za-
chariæ Prophetæ verba sic transulisse: Noli timere filia Sion;
ecce Rex tuus venit tibi mansuetus, sedens super asinam, &c.
Cum enim regiū nomen apud homines formidabile sit, quod-
que terrorem magis incutiat quam amorem accendat, magis-
que homines à se arcere quam allicere videatur; hic autem
nouus Rex omnes ad se aduocet, & alis suis tamquam gallina
pullos suos fouere & protegere gestiat: necessarium fuit, regij
nominis metum ab eis auferre, quo ad illum homines fidenti
atque alacri animo confugerent.

Simile.

Est aliud longè abstrusius, quod in hac Angeli legatione in-
quirere debeamus. Erant enim eo tempore Reges, & Sacerdo-
tes, & Leuitæ & legis doctores, & nobiles ac principes in Iudæa
viri: & ad nullos eorum Angeli, nisi ad pastores, missi sunt: hoc
est, ad infimæ atque abiectissimæ conditionis homines, qui,
cum bestiis in siluis vitam agentes, belluinos ferè mores in-
dunt. Et quidem cum princeps aliquis insignis nascitur, nūcj
protinus in diuersa loca ad eos potissimum destinatur, ad quos
nouæ proles beneficium pertinet. Si ergo huius noui principis
natiuitas abiectis hominibus nunciatur: apparet utique ad hos
potissimum natiuitatis eius gratiam pertinere. Quod si ita est,
habent igitur diuites atque potètes seculi vnde meritò erubescere
ac trepidare debeant. Si enim contumeliæ loco Nathan
Propheta duxit, quod Adonias, dum epulæ regale instruxisset,
non fuerit ab eo inuitatus: quanto erit contumeliosius, quod
pastores potissimum Dei consilio deligantur, qui ad huius tantæ
beneficij communionem inuitentur? Quid igitur hic dicemus?

Nempe

Nempe non aliud quam quod ipsum Dominum predicātem
 audiuius: Confiteor tibi Pater, Domine celi & terræ, quia
 abscondisti hæc à sapientibus & prudētibz, & reuelasti ea par-
 uulis. Paruuli sanē erant piscatores illi, quos primū Dominus
 elegit, quibus diuinitatis suæ arcana reuelaret. Quomobrem?
 Nulla redditur causa nisi illa: Ita Pater: quoniam sic fuit pla-
 citum ante te. Hæc nobis sufficiens causa esse debet: quia vo-
 luntas illa torius æquiratis & veritatis prima regula est. Possu-
 mus tamen alias quoque huius electionis siue causas, siue con-
 ueniētias assignare. Videmus enim Prophetis vocibus Euan-
 gelicæ lucis gratiam humilibz potissimū exhiberi. Sic enim
 Saluator ait: In iudicium ego veni in hunc mundum: vt qui
 non vident videant, & qui vident (nimirum qui per superbiam
 se videre & sapere arbitrantur) cæci fiant. At non rarō euenire
 videmus, vt, quo magis homines aut opibus aut potentia præ-
 stant, hoc magis animo intumescere soleant. Quemadmodum
 enim pennarum leuitas aues in sublime tollit: ita diuitiarum
 gloria, nobilitatis splendor, & potentia amplitudo, homines ita
 nonnumquam efferunt, vt suæ imbecillitatis obliui ferantur in
 altum, rarissimaque sit (vt D. Bernardus ait) humilitas honora-
 ta. Sicut enim inter epulas & diuitias periclitantur sobrietas &
 castitas: sic inter opes ac potentiam humilitas. In his namque
 rebus sedem sibi frequenter superbia delegit: vt minus mirum
 videri debeat, si deserat eos gratia, in quibus domicilium si-
 bi fixerit superbia. Cæterum qui humiliori fortuna sunt, ipsa
 vilitatis suæ conditione ad veræ humilitatis virtutē quodam-
 modo inuitantur. Sicut enim (vt D. Bernardus ait) humiliatio
 via est ad humilitatem: ita planē humilis & infima fortuna ad
 eandem virtutem viam munit.

Cæterum si quis exactius huius rei causam indagare velit,
 hæc præcipua mihi esse videtur, quod Evangelicæ vitæ profes-
 sio ad paupertatis, asperitatis, & humilitatis amorem maximē
 hortetur. Sicut enim prudentia carnis, opes, honores, ac deli-
 cias potissimū captat: ita contrā Christi philosophia ad pau-
 pertatem, sui ipsius contemptum, & carnis macerationem in-
 ducit: quæ tria in infimæ sortis hominibus non quidem virtu-
 tis studio, sed tenuis fortunæ conditione reperiuntur. Paupe-
 ras enim, quæ illos premit, nec deliciari, nec gloriosos esse sinit.
 Quo fit, vt faciliē isti Evangelicam philosophiam amplectan-
 tur, cum ipsorum vita ab Evangelicis institutis non admodum
 abhorreat. Sicut enim in elementis quæ symbola à Philosophis
 dicuntur (hoc est, quæ in vna qualitate conueniunt) facilius in-
 vicem transmutantur: ita planē facilius isti Evangelicæ vitæ
 instituturum tamquam sibi cognatum & finitimum arripiunt,
 quam

simile.

quàm ij quorum fortuna diuersæ vitæ genus cōsecratur. Ita-
 que sicut agricolæ frugiferas arbores faciliè sibi sibi inferre
 solent (si inter eas modò cognatio aliqua intercedat) ita pla-
 nè, cum euangelica paupertas & asperitas cognationem quan-
 dam cum seculi paupertate & asperitate habeat, non mirum si
 hæc illi facilius coniungi & copulari, atque ex sterili & infru-
 gifera paupertate in fructuosam & frugiferam transire possit.
 Quæ quidem doctrina quotidianis exemplis confirmari faciliè
 potest. Quamuis enim multos viros & feminas opibus & no-
 bilitate præstantes pietatem egregiè colere videamus, longè
 tamen plures humilioris fortunæ viros ac mulieres hoc virtu-
 tis & pietatis curriculum ingredi videmus. His enim non ad-
 modum difficile est omnia relinquere (cum penè nihil habeant
 quod relinquunt) ac pauperem, humilem, & laboriosam vitam
 agere, in qua semper ipsi vixerunt. Quod contrà accidit iis
 qui in excelsa fortuna constituti, deliciis, opibus, & honoribus
 redundant: quibus omnia relinquere, & inopem vitam perse-
 qui, tanto est difficilius, quanto magis arduum est & assueta
 relinquere, & ab excelsa & voluptuosa vitæ genere in humi-
 le & asperum transire. Quod diuiti illi adolescenti in Euan-
 gelio videmus accidisse: qui cum à Domino audisset rebus
 omnibus esse renunciandum ei qui ad Euangelicæ vitæ perfe-
 ctionem adspiraret, tristis hoc Domini consiliū excepit, eo
 quòd multa haberet quæ relinqueret. Adde etiam aliam huius
 diuini consilij causam. Deus enim humani generis conditor,
 omnium quæ condidit diligentissimam curam habet. Pusillum
 quippe & magnū ipse fecit, & equaliter est illi cura de omnibus.
 Si igitur ita hominibus bona sua distribueret, vt, quos bonis
 externis plurimū ditasset, internis etiam & spiritualibus bonis
 locupletaret; & quos inferiores fortuna fecisset, inferiores fe-
 cisset & gratia: videretur planè inæqualis bonorū suorum dis-
 tributor; nec de eo dici posset, æquale esse illi curam de omni-
 bus. Ne hæc igitur inæqualitas in illū caderet, bona sua ita dis-
 tribuit, vt cum diuites quidē ac potentes (modò humiles sint)
 nullo modo deserat; quos tamen terrenis opibus tenuiores esse
 voluit, eos frequenter spiritualibus magnificè cumulet. Acquū
 enim erat, vt aliqua ratione bonorum omnium dispensator ac
 Dominus laboribus & inopiæ pauperum consuleret, diuitum
 quæ potentiam extenuaret. Quod si ita est, merito cum diuo
 Bernardo clamare possumus: Consolamini, consolamini qui in
 sordibus paupertatis enutrimini, quia vobiscum Deus in pau-
 pertate est. Pauperem elegit matrem, pauperes fratres, paupe-
 rem domum, pauperes pastores quibus natiuitatis suæ nūcia-
 ret arcanum, pauperesque piscatores quibus Euangelicæ præ-
 dicationis

Bernard.
in serm.

dicationis ministerium delegaret. Quid igitur? Omnesne diuites & potētes ab hac gratia excludendos putas? Nullo modo. Paret enim illis ad salutem via. Quæ nam illa est? Si potētes & nobiles sunt, humiliantur vt paruuli: fiant humiles in oculis suis, vt magni & illustres ante Deum habeantur. Sic enim Dauid hac cælesti philosophia eruditus, intelligens quæ via illi aditus pareret ad gratiam, submittebat animum suum, dicens: *Cum* Psal. 119.
studens paruulos Dominus, humiliatus sum, & liberauit me. Rursumque si diuites sunt, vt pauperes se gerant, humanæ naturæ infirmitatem, inopiam, & fragilitatem considerantes: in qua nihil sublimæ, nihil magnum vel diuturnum esse potest. Hunc enim animum idem Rex & Propheta gerebat cum diceret: Ego autem mendicus sum & pauper: Dominus sollicitus Psal. 59.
est mei. Hac ergo ratione se potens homo deiciat; ita humilibus conscribat, & ad infimorum hominum sortem se mente & cogitatione demittat. Sic enim amator & custos paruulorum Dominus, qui Achab Regem humiliatum placidis oculis adspexit, illum quoque simili pietate Euangelicæ gratiæ participem faciet. Sed hæc diuitibus atque nobilibus dicta sunt.

Nunc omnes omnium generum, ætatum, ordinum viros ac mulieres admonitos & rogatos cupio, vt hanc tantam solennitatem, hanc tantam diuinæ bonitatis & charitatis significationem, hoc incomparabile salutis & redemptionis beneficium, si non quantum debemus, at quantum fragilitas nostra potest, mentis ac animi deuotione celebremus: celebremus, inquam, non in comessationibus & ebrietatibus, non in iocis & ludis; sed in pijs precibus, in diuinis laudibus, in gratiarum actione, in iubilo cordis: quo non solum meos, sed ipsum etiam crassum & ponderosum corpus huius tantæ lætitiæ particeps fiat. Si enim Deus ita se pro nobis hodie exinanit ac demisit, vt quodammodo extra se positus videatur: quomodo huius tanti beneficii magnitudini pro dignitate responderet, qui non totus extra se præ gaudio & admiratione rapitur? Videtis autem quàm longè ab hoc officij vicissitudine simus, qui tum vel maxime huic tantæ solennitati satis fecisse videmur, cum ludis, epulis, carnalique lætitiæ omnes in temperantiæ habenas laxamus; vt in nos Propheticum illud quadrare merito possit: *Cithara & lyra, & tympanum & vinum in conuiuiis* Isaia 5.
vestris, & opus Domini non respicitis, nec opera manuum eius consideratis. Hac igitur de causa, fratres, (vt paulo antè diximus) tanta fortasse nobis hodie plangendi, quanta gaudendi materia est: quia quo maius beneficium, quo sublimius Sacramentum, eo execrabilius ingrati ac desidii animi vitium est. Quo nomine Propheta dicit: *Multiplicasti gentem, non* Psal. 2.
magis

magnificasti letitiam. Cum enim multi sint qui hoc beneficio salutem adepti fuerint: multi tamen erunt qui oblarum vltro salutem respuentes, non letitiaz, sed tristitia materiam Ecclesie præbeant. Demus ergo operam, fratres, vt ea grati animi significatione, ea deuotione & spirituali letitia hanc in præsentis seculo sollemnitatem celebremus, vt eandem in futuro cum beatis mentibus perpetuò celebrare mereamur: Præstante Domino nostro Iesu Christo, qui cum Patre & Spiritu sancto viuere & regnat per infinita secula seculorum. Amen.

IN EODEM FESTO NATALIS DOMINI, CONCIO SECUNDA: IN QVA lectio Evangelica, ac præcipuè verba in Themate proposita explanantur.

THE. *Peperit filium suum primogenitum, & pannis eum inuoluit, & reclinauit eum in præsepio: quia non erat ei locus in diuersorio.* Lucæ 2.

Exordiu



Nterea nomina, quibus Isaias Dominum Saluatorem appellandum esse ait, omnium primum est, Admirabilis. Merito autem hoc illi nomen conuenit; quia non vnà tantum in re, sed in omnibus operibus suis admirabilis ac singularis existit. Mirabilis enim fuit eius cõceptio, mirabilis natiuitas, mirabilis vita, doctrina, mors, resurrectio, adscensus in cælum, & adscensionis eius triumpus: eundem denique in eo & noua, & excelsa, & mirabilia fuerunt. Sed, quod ad præsentem attinet sollemnitate, maxime mirabile est quod in his à me propositis verbis sanctus Euangelista memorat, dicens: *Peperit filium suum primogenitum & pannis eum inuoluit, & reclinauit eum in præsepio: quia non erat ei locus in diuersorio.* Quid enim mirabilius, quam quod vniuersorum Dominus iaceat in præsepio, nec sit alius ei locus in mundo? Quid mirabilius, quam quod sese illa maiestas ad iumentorum locum deicere voluerit? Hac enim de causa Angeli hodie gloriam Deo canunt in altissimis: quia cælorum Dominum abiectum contemplantur in infimis.

Nec minus tamen salutaris mundo, quam mirabilis Dominica natiuitas fuit: vt in altero diuinæ sapientiæ consiliū admirari, in altero summæ bonitatis opus debeamus collaudare.

Vt

*Mirabilia
natiuitas*

Vt enim D. Maximus ait, Adest nobis hodie cœl terreque iudex, qui, rescisso chirographo delictorū, reorum nostrum miseratus absoluit. Adest ille Dominus, qui iugum captiuitatis antiquæ nostris æternicibus solues, merorem mundi æterna libertate lætificat. Adest Rex ille māsuetus, qui per sparia totius orbis cœlestis iustitiæ gressibus incedens, superbientem furētis inimici contriuit tyrannidem. Hodie namque (vt idem Maximus ait) resulsit secundus ille Adam, non incola, sed Dominus paradisi: quem interdictæ arboris pulchritudo nō fallat, serpens non decipiat, mulier non seducat. Hodie exortum est in tenebris lumen; hodie illud, quod cælum & cœlicælorum se habere gaudebat, mundus dum nesciret accepit. Viderunt quidem venerabiles Patres nostri innumera magnaq; mirabilia. Cælum illis angelicas torauit escas, dulcia pocula lapis durissimus ministravit, Iordanis perpetem meatum suum retorfit in fontem, validissimi hostium mari tubarum strepitu cœruerunt; sol quoque commoratus in cælo, longiorem triumphanti populo præstitit diem. Hoc verò nullis antea videre sæculis datum est, vt Vnigenitus Altissimi, quē tremētes Archangelorum suscipiunt potestates, hominem se hominibus exhiberet, & carnem, quam assumpsit ab homine, transformaret in Deū. Hactenus ille, De hoc igitur non minūs mirabili quā saluari mysterio, non quidem lingua moralis, sed ipsi Angeli, qui hodierna die gloriam Deo cecinerunt; accuratē disserere debuissent. Sed quoniam ita humanæ naturæ conditio fert, vt homines hominibus incomprehensa Dei Sacramenta explicare debeant; hoc vnum superest perfugium, vt cœlestem opem, sacratissimæ Virginis suffragio (quæ diuini huius mysterij magna pars fuit) solita oratione imploremus.

A V E M A R I A.

Libet, fratres charissimi, hodierna die Dominicæ natiuitatis historiam, quo ordine ab Euangelista describitur, paulo fusiùs explanare. Cuius exordiu ab edicto Cæsaris Augusti sumitur; qui vniuersum orbem ita describi & per capita recenseri mandauit, vt nomen suū quisque in patria sua & natali solo daret. Huius igitur edicti occasione, sanctissima Virgo, fido & castissimo Iosepho sponso comitata, ab vrbe Nazareth in Bethlehẽ Ludæ proficiscitur, vbi natus fuerat David, à quo genus vterque ducebat. Cuius itineris molestias atque laborem quisque intelligere facili poterit, si personas, tempus, & exiguum itineris commeatum spectare velit. Primum enim mēdia hiems erat, quo tempore terra aquis obruta leorescit, aut aquilonibus aspera gelu ventoq; concreuit. Sumptus verò & itineris apparatus nō poterat non perexiguus esse illis qui non modò

Maximus
Ser. de
Natal.

*Infinitas Dni
salutis modo*

*Mirabilis
mundo nativitas
Dni.*

Propo.

modò pauperes, sed verè paupertatis amatores erant. In tanta ergo rerū penuria atque temporis difficultate, puella verecūda, nec domo egredi solita, partuiq̃ vicina, tam aspero se itinēri accingit. A propinquatibus verò Berthehem, solatio foret domus aliqua decēs, tallūq̃ ac tantæ Virgini & puerperio apta: sed humilis tamen paupertas, & ipse paupertatis amator Dominus in humili propter nos tugurio nati destinaverat. *Factū est ergo* (ait Euangelista) *um essent ibi, impleti sunt dies ut pareret*. Etat autem nox (si tamen nox sic appellanda quæ sole ipso splendidior existit) in qua verus iustitiæ Sol mūdo illuxit. Illum ego diem, quo similis Deo fieri homo voluit, noctē rectius appellaverim: noctem verò istā, in qua celestis mūdo splendor emicuit, diem rectius (qui reliquos omnes dies claritatis suæ luce perfundat) nūcupare meritò debemus. Nox itaque erat intēpēsta, somnos suadens; sed Virgo prudentissima, tanta celebratura mysteria, sedula in oratione vigilabat. Sicut enim nec mūdi amatores, ita nec Dei cultores totas indormiunt noctes. Illi tamen, ut filij tenebrarum, dæmonem parentem imitati, suas agūt excubias, quibus tāquam caruli leonum rugientes circumeunt, si fortē errantem ovem aliquam reperiant, quam deglutiāt. Hæ sunt eorum vigiliæ, hæc antelucana officia, quibus satana regi suo deferuiunt, cum ipso pariter arsurū. At Dei cultores lōgē alias excubias agunt: temper enim aliq̃uid temporis quieti corporis subtrahunt, nō ut civitatis angulos scrutentur, sed ut cæli artia percurrant, & concives suos salutent, & Regē cæli devotis precibus & laudibus honorēt. Hoc apertē sanctus David, quamvis regij muneris occupationibus implicatus, fecisse se ostendit cum ait: Media nocte surgebā ad cōsuetudinem tibi. Hoc & ipse ut nos faciamus hortatur, cum ait: In noctibus extollite manus vestras in sancta, & benedicite Dominū. Ad hoc ipsum auctō multas nos rationibus D. Chrysost. hortatur dicens: Non propter hoc facta est nox, ut semper dormiamus. Et hoc testantur manuales operarii, ac Dei Ecclesiæ mediis cōsurgens noctibus. Surge ergo & tu, vide stellarū choream, altū silētiū, multā quietem; denique tui dispensationem admirare. Anima tūc est purior, lenior, & subtilior, magis sublimis, & agilis. Ipsæ tenebæ multumq̃ue silētiū ad compunctionem inducere possunt. Hic mihi sermo & ad viros & ad mulieres. Flecte genua, genies Dominum tuum ora tibi fieri propitiū. Plus nocturnis placeat orationibus, cum quieris tempus tu luctuū, tempus facis. Regis memēro, qualia verba dicebat: Laboravi in gemitu meo, lauabo per singulas noctes lectū meū, lachrymis meis stratum meū rigabo. Deinde ne quis vigiliarū laborem causari posset, exemplum fabrorum ferrariorū adducit, qui maximam noctis

partem

Genes. 3.
Isaie 9.

Psal. 113.

Chrysost.
homil. 42
ad popu-
lum.

partem iuxta fornacem inter ignem & fumum cum ferro decertantes absumunt. Tum subdit: Crede mihi, non ita rubiginem ignis excoquere solet, sicut oratio nocturna nostrorum rubiginem peccatorum. Hactenus Chrysostomus. Sed ut ad propositum redeamus: Putasne hanc sanctissimam Virginein totas obdormisse noctes: cum praesertim illo suo felicissimo puerperio adeo se illustrandam esse speraret? Certè menses, dies, ac horas, momentaque omnia diligentissimè supplebat: ad illam semper horam aspirans, qua Deum puerum sinu suo fovere, brachiis stringere, vberibus lactare, oculosq. suos eius admirabili conspectu paciscere posset. Dum ergo medium silentium tenerent omnia, & nox in suo cursu medium iter haberet, prodit in hanc nostram lucem Sol iustitiae, tamquam spūs de thalamo suo: Prodit, inquam, spes omnium saeculorum, gaudium Angelorum, salus gentium, vita mortuorum, fons gratiae, vena vitae. Verbum Patris, carne velatum Virginis matris. Prodit autem nudus ut nos vestiret, pauper ut ditaret, humilis ut in calum attolleret, fleus denique aliorum infantium more, ut lacrymis suis aeternam nobis laetitiam compararet.

Sed quomodo prodit? Ecclesia id faustis hodie vocibus laetabunda canit: sic enim ait: Sicut lydus radium, proferit Virgo filium, pari forma: Neque lydus radio, neq. mater filio sit corrupta. Appositissima quidem similitudine huius diuini partus atque conceptus puritatem declarat: Sed longe tamè brevius & elegantius Propheta Regius idē explicauit. Pro eo enim quod septuaginta vertente, Ex vtero ante luciferum geniti te: D. Hieronymus & alij vertunt, De vulua orietur tibi ros adulescentiae. Quibus verbis interpretes quidam castissimum Christi conceptum atque ortum ex Virgine tam aptè tamq. continē describi ait: ut nihil fieri poterit elegantius. Ut enim retentus vapor ex caelesti in sublime feratur, ibique sub auroram concreuit: cognitur in rorem, qui inde decedens, terram vberem iterumque efficit: ita purissimus sanguis Mariae vi Spiritus sancti vterum influens, sine vilo virili ratu concreuit in corpus Domini nostri Iesu Christi: qui in lucem editus & susceptus, humani generis mirabiliter exaltauit, atque omni genere virtutū maximè ferax & fecundum reddidit. Nec modò sine vilo virginitatis pudoris damno, sed etiam sine vilo doloris sensu sacer ille focus est in lucem editus. Consuetudo in multis quidem iuraturibus hoc habet, ut qui vere nouo nouum fructum primus in foro venalem exposuerit, ab omni eius tributo soluendo liber habeatur. Merito ergo ab hoc communi tributo atque onere difficilis partus, Virgo sacratissima, libera fuisti, quae sola nouum mundo fructum attulisti. Quatquor enim haec venter

Psalm. 109.

Psalm. 109.

simile.

simile.

semina.

semina.

feminarum partus præcellerant, veterem fructum producebant: videlicet veteris Adæ filios, in peccati sordibus conceptos, hominesque puros, imò impuros: iste verò, quem nobis Virgo beata parit, nouus utique fructus est, homo videlicet nouus de Spiritu sancto conceptus; denique non solum homo, sed Deus pariter & homo. Tu ergo prima suauissimum hunc fructum in mundum inuexisti: ideoque à difficilis partus tributo, sicut ab omni etiam corruptione, immunis fuisti. Qui enim venerat ut omnes homines puros integrosque seruaret, nihil utique de matris integritate minuire debuit. Quid igitur hac naturitate mirabilius? quid hoc partu gloriosius? Obstupescit natura rerum, inquit Eusebius: Virgo procreat sobolem, nullum procreandæ sobolis experta consortem, & venienti in virâ homini per vnus confertur ministerium munus duorum. Creator ex creatura sua nascitur, & fructum ventris sui mater inhabitata miratur, ac femina auctoris sui auctor efficitur. Quid primum mirer? quidve postremum? quòd sine conceptu est colata secunditas, an quòd per partum magis est glorificata virginitas? Sed non mirum si ira peperit: talis erat ille cui nupserrat. Ait enim Angelus stupenti Mariæ: Spiritus sanctus superueniet in te, & virtus Altissimi obumbrabit tibi. Ecce præbitera Deo nascenti corporis sui habitaculū, prius mēre efficitur Dei templū. Nō ergo vique quaque miremur, si is, qui fidei semine acquiritur, salua materni pudoris fide inuiolabiliter procreetur. Quid rationem querimus? quid intellectum fatigamus humanum? Generationem eius quis enarrabit? Quid nouitatem stupemus, vbi cernimus maiestatem? Queramus in conditione vniuersæ fabricæ, quo seminario vsus sit Deus. Ipse dixit, & facta sunt: ipse mandauit, & creata sunt. Itaque nulla obsequitur materia; substantia operis sola fuit potētia conditoris. Secundum hanc ergo potētiā credamus; Dominum nostrum absque vilo sexus initio ex sola femina virum creasse, quem scimus inter ipsa initia generis humani ex solo viro feminam condidisse. Hactenus Eusebius. Dic ergo nobis, o beata Virgo, quanta hīc fuerit cordis tui lætitia, cū te matrem simul atque virginem absque vtriusque dignitatis iactura deprehenderes? eū te vndique tot splendoribus atque miraculis circūamictam cernerēs? O si quis oculos in castissimum pectus tuum immittere; o si quis animi tui sensus, & cogitationes quæ in eo versabantur, introspicere posset! Nō enim frustra ait sanctos Evangelistæ: Maria autem conseruabat omnia verba hæc, conferens in corde suo. Hoc est, mysteria omnia & miracula, quæ à principio Dominicæ incarnationis ad illud vsque tempus edita fuerant, deuotissimo ac prudentissimo cordi (tamquam mundum animal)

Eusebius
Emil. in
homil.

Lucæ 1.

Isaia 55.

Psalm. 52.

Isaia 55.

Lucæ 1.

animal) ruminabat. Vnumquodque autem horum miraculo-
rum splendidissimum fidei eius lumen magis incendebat: in-
censa verò fides charitatem amplius inflamabat: aucta verò
charitas admirationem pariter & gaudium eius miris accef-
sionibus cumulabat. Super omnia verò ipsius parvuli conspec-
tus animus illius vehementer in admirationem rapiebat.
Hicne, aiebat, est mundi conditor, & Angelorum Dominus?
Hicne in præsepio iacens astrorum cursus, & cælorum motus,
totamq. mundi machinam moderatur? Hicne parvo corpuscu-
lo tota latet diuinitatis plenitudo? Quis te, quæso, Domine,
tantus amor in hæc tenebras, in hoc nostrum exilium misit?
Quanta illa bonitas, quanta illa benignitas & misericordia, quæ
te impulit vt hac ratione salutis nostræ prospiceres? hac tanta
inopia nostram ditares inopiam? hac tanta humilitate nos ad
cælestia subleuares? hac denique humanitatis forma suscepra,
nos ad diuinitatis tuæ confortium attolleret? Sed quid, quæso,
minus ex immensa tua & incòprehensa bonitatis abyssu spe-
rari poruit? vnde verò mihi tanta felicitas, vnde tanta gloria, vt
inter omnes omnium seculorum feminas vna electa fuerim,
quæ talem mundo parerem salutem, & quæ meum atq. rerum
omnium parentem, filium appellarem? Benedicam ergo te
Domine omni tempore: & omnia ossa mea dicant, Domine
quis similitui? Hæc ergo erant quæ in corde sua sacra Virgo
incredibili quadam iucunditate versabat.

Psal. 34.
Psal. 31.

Quis autem verbis consequi possit, quo timore simul &
amore editū filium complexa sit? Plenissima enim fide Deum
illum esse agnoscebat, agnoscebat & filium: agnoscebat se ma-
trem, agnoscebat & ancillam: ideoque vt mater amantissima
amantissimum filium amplecti & osculari gestiebat: vt ancilla
verò altissimum Deum vix purissimis suis manibus cōtingere
audebat. Sciebat enim nec ipsis etiam sacerdotibus sine magno
suo periculo arcam Domini contingere licere, quæ sacri huius
mysterij vmbra tantum erat. Sciebat item scriptum esse: Mun-
damini qui fertis vasa Domini. Quod si ænea templi vasa hæc
tantam animi puritatem exigebant, quid ipse exiget purita-
tis author & fons? Itaque prudentissima Virgo cum tremore
simul & amore, nec sine multis lachrymis (quas amor atque
deuotionis ardor ab eius purissimis oculis exprimebant) sacra-
tissimum infantis corpus complexa, pannis inuoluit, brachiis
strinxit, sinu fouit, & virginea ori porrigens vbera purissimo
lacte paut.

Isaïe 53.

Quid deinde? Res profectò quæ omnem humanæ mentis
admirationem superat: Reclinauit (inquit) eum in præsepio, quia
non erat ei locus in diuerforio. Vehementer cupietem, fratres, eam
mihi

mihi nunc dicendi facultatem vestris precibus contingere, quod ego pro reuerentia mea in hac parte (ipso donante) concipio, non in aures modo, sed in pectus vestrum transfundere dicendo possem. Cupio enim immensam Dei nostri erga genus hominum dignationem ex natiuitatis eius loco (nempe stabulo & praesepe) vobis utriusque delineare. Principio igitur mentis oculis totum hoc diuersorium collustrate. Videbitis enim, persoluendi Romani census gratia, multa atque varia hominum genera ex diuersis locis in illud confluxisse. Videbitis totam illam domum propter aduentantium multitudinem tumultu, strepitu, variisque vocibus & clamoribus perstrepere. Videbitis aliorum sese mutuo comprimentium querimonias; aliorum, qui iumentis locum ac pabula petebant, contentiones; aliorum, qui sibi victum preberi vel apparari postulabant, importunitatem. Sed haec in primo limine & aditu diuersorij. Si vero paulo interius progrediamini, atque in abiecta hospitij loca secedatis: occurrer vobis sordidum putidumque stabulum, variis refertum iumentis, equis, mulis, asinis, & camelis (quorum est frequens in illa provincia usus) quos cum stabulum vix capiat, sese propter loci angustiam mutuo comprimant. In hunc igitur locum ingressus, hinc quidem videbis omnia haec iumenta praeseptis incubantia, & iumentorum dominos eorum stramenta vel detrahentes, vel componentes, & foenum illis atque pabula subministrantes. Inde vero oculos avo deflectens, si angulos omnes oculis collustraveris, vix tandem, praeter iumentorum multitudinem, virginem quandam genere nobilissimam, forma honestissimam, dignitate amplissimam, fortuna vero abiectissimam, conspicias in angulo sedentem, fabro tantum sponso comitatum: & quae, nisi abiectissimum locum à iumentis fuisset muroata, (ut D. Anselmus ait) recto caruisset. Videbis & parvulum infantem inter foenum & paleas in praesepe iacentem, & inter inhiantes equos, perstreptentiaque iumenta vagientem, & prae iuxta illum genitricem assidentem, fouentem, vbera porrigentem, lacrymasque ab oculis materno studio detergentem. Haec quidem velut corporeis oculis intueri. Mox vero fidei oculis adhibe, quibus eundem illum infantem contempleris in praesepe quidem vagientem, sed in nubibus tonantem, & in caelo siderum cursus moderantem, Solem fulgentissimis radiis, & Lunam cornibus implentem, caelestium orbium motus dirigentem, & universam inferioris huius mundi molem in praesepe positum, fasciis quae ligatur gubernantem. Cum igitur rem omnium (quae vniquam fuerunt) abiectissimam, cum re omnium maximam & altissimam in vnum contuleris; quomodo intra te haerere spiritus, quomodo huius villus remanere possit?

*Quid non admiretur
Dominum in stabulo
incautam villosam*

CONCIO SECVNDA

ut quomodo totus pre stuporis, pauoris, & admirationis magnitudine non deficiat? Tradunt Philosophi, non esse sapientis hominis admirari: & tamen sapientissimus Salomon, ubi septennio templum illud opulentissimum (quo nullam erat in orbem terrarum magnificentius) extruxisset, intelligens calorum Conditorem & Dominum sedem ibi ac domicilium dei legisse, admirabundus exclamauit: Ergo ne verè credendum est, quòd Deus habitet super terram? Si cælum & cæli calorum recipere non possunt, quanto magis domus hæc quam edificauit? Si ergo sapientissimo illi viro adeò mirum & nouum esset, ut debatur, calorum Conditorem in templo illo, in hominis penetralibus magnificentiissimè extructo, habitare velle: quid, quæso, diceret, quid faceret, quo stupore afficeretur, si hoc tabulæ ingressus, illum ipsum calorum Regem (cuius maiestatem amplissimam illam domum indignam arbitrabatur) simul cum sanctissima Genitrice inter muta animalia, inter fœcun & paleas iacentem vidisset? Si Regina Saba non habebat, vitra spiritum, eum splendidi eisdem Salomonis domum, & familiaræ apparatum vidisset: quanto ergo magis idem Salomoni præ admirationis magnitudine defecisset, si summum illius rerum omnium Domini non splendorem & apparatum, sed paupertatem, inopiam, abiectionemque contemplatus esset? Hoc ferè tiri vtrumque potest, verbis explicari nullo modo potest. Tam verò sanctissimam & prudentissimam Virginem (quæ nō modo certissimò fidei lumine, sed etiam clarissimo Spiritus sancti magisterio, totque signis & miraculis, quæ ante oculos erudita, hæc omnia poterat debitis momentis ponderare) quæ admirationis magnitudine hoc diuinæ benignitatis spectaculo concussam fuisse credendum est! Certe nisi celesti virtute sustentata fuisset (quamvis illi adamantinum pectus esset) nullo modo tantæ admirationis impetum cum vita simul retinere potuisset.

Reclinavit, inquit, illum in præsepio. Si qui consent casu, id accidisse, ut, cum locus in diuersorio nō superesset, Virgo natum Deum in præsepio collocaret: ij profecto nō solum cogomine à Christo accepto digni nō sunt, sed indigni etiam qui inter prudentes Ethnicos numerentur, qui asserunt nihil sine causa in mūdo fieri. Quanto ergo magis in hac Filij Dei æconomia acceptæ à nobis naturæ, omnia summa cum ratione ac providentia facta fuisse est credendum? Cur itaque hoc factum est? Duas, opinor, ob causas. Altera, quòd hæc ratione omnium pauperum labores & inopiam magnopere leuabat; atq. eorū præsertim qui Euangelicæ vitæ paupertatem essent sectari. Itaque, iustus ille, imò Dei virtus & sapientia, omnes omnium ætatum

Quamuis sapienter
non conuenit admi-
rari.

A mirari

Salomon

A maiori

Regina Saba

anachoritas & monachos, qui in desertis Aegypti & Syriae caeterisque locis vitam perducturi erant, (quorum futurum erat ingens ac penè infinitus numerus) ac omnes denique Evangelicæ paupertatis professores, qui vel in antris & specubus, vel in parvulis tuguriolis & cœnobitis habitaturi erant: quique vilissimo cultu habituque cœrenti, terrena bona contemnere debbāt, ante oculos habuit: quibus singulare huius pietatis exemplum maximo solatio futurum esse, nō sive summo cordis sui gaudio & læticia præuidebat. Sicut ergo libentissimè crucis patibulo affigi voluit, quoddā intelligeret hoc supplicium innumerebilia martyrum futurum esse seminariis atque solatiis: ita nunc libentissimè præsepis angustias, stabuli sordes, iniuriam loci, hyemis asperitatem, & nauitatis suæ paupertatem sustinet, quoddā hæc omnia Evangelicæ paupertatis & humilitatis sectatoribus maximo laborum & inopiæ suæ leuamēto futura essent. Altera verò causa fuit, quoddā hoc exemplo ambitionem, superbiam, delicias & fastum diuitum atque potentum huius seculi deicere voluit: quando quidquid huiusmodi delicias & seculari pompæ aduersum erat, sapientissimus infans amplexus est. Ad vos igitur vix dum natus infans loquitur, vos appellat, vobiscum non verbis quidem, sed grauissimis exemplis agens, auaritiā, superbiam, & delicias, quibus tanto studio estis addicti, damnat. Quo pacto Christianam pietatem proficētes, tam contraria ipsius Christi, cuius philosophiam profitemini, facitis agitis? Quid sibi volunt immania vestra palatia, & infanæ fabricæ quas construitis, idque neglecto & contempto Christo: quem in fratribus suis, ob profusos vestros sumptus atque pompas, summa confici inopia quotidie cernitis? Hoccine est Christianum esse, nunquam Christi facta ante oculos ponere, & eius monitis atque institutis omnia contraria facere? Intruemini hoc præsepe, cōtemplamini & vos mulieres ubi Rex omnium sit collocatus. Vos, inquam, quæ nullis sumptibus parcitis cum filios generatis, & eis in ipsis cunis vnā cum lacte vanitatem pompasque instillatis. Quomodo, cum hoc facitis, diuinum iudicium nō formidatis? Quid enim illud est, quod Saluator ait: Cum venerit Paracletus, arguet suæ dānabit mundum de iudicio: quia videlicet princeps huius mundi iam iudicatus est? Quomodo aut quando iudicatus? Nimirum quia Christi opera quandam veluti sententiam præ se ferunt contra illas viuendi rationes latam, quas mundi princeps Satan hominum mentibus ingessit. Quid enim Christi abiectio, nisi mortalitatem ambitionem damnat? quid præsepis illius paupertas, nisi hominum auaritiā conscindit? quid lachrymæ, humilitas, inedia, paciētiāque Christi, nisi vana hominum gaudia,

ritus,

risus, dementiam, superbiam, fastum, ingluuiem, insaniam, vindicta quæ cupiditatem condemnat? Ex hoc igitur præsepio, fratres, sententiam Christus contra insana hominum studia ferre iam incipit, quam quidem in die iudicii pronuntiabit: sed illam tamen præsepio, cruce, lachrymis, omnibusque vitæ suæ institutis viuens multo antea tulit. Quod si nec viri, nec mulieres ad tantum spectaculum commouemini, quod ipsum quoque cælum obstupescit, nec tanta humanitas arg. benignitas Dei corda vestra permulcet: terreat saltē vos illius diei memoria, cum in gloria Patris sui, exercitibus vallatus Angelorū, iudex omnium ueniens, vestram vobis obiiciet ingratitude. Quid enim illi tunc eritis responsuri, cum hæc humilia, ad quæ vestri causa se dimisit, ad memoriam reuocabit: pro quibus solam arrogantiā ac tamida facta rependitis? Nunc nūc horum cogitandum tempus est, nisi velitis vt diuina hæc & mentem omnem superantia beneficia (quæ salutis vestræ causam continent) vitio vestro maiorem damnationis cumulum vobis inferant.

Non erat (inquit) es locus in diuersorio. Cur, quæso, mundi Dominus in diuersorio nasci voluit? Diuersorium quidem hospitium est & habitatio eorum, qui iter facientes, ad publica loca diuertunt. Hic est cunctorum mortalium status atq. conditio. Hospites enim sumus, & commorandi nobis natura diuersorium, non habitandi dedit. Ad hospites ergo venit, vt iam non sumus hospites & aduenæ, sed ciues Sanctorum & domestici Dei. Hunc verò tanti muneris fructum nemo assequitur, nisi qui hoc ingreditur diuersorium, seque peregrinum esse super terram intelligit. Quicumque vero ita viuunt, vt se semper victuros vel putent, vel desiderent: ij sanè parum Christianè viuunt, dum exsiliū pro patria habentes, patriam non quarunt: sed cum filiis Ruben & Gad locum ante Iordanem eligentes, sortem in promissa sibi à Deo terra repudiarunt.

His autem omnibus accedit adhuc humilitas humilitati, & paupertas paupertati: qua hoc tantum mysterium vndique seipsum est. Addit enim S. Euangelista: Et pastores erant in regione eadem, &c. Omnia hic abiecta videmus & humilia. Humilem domū, humiles pannos, humile stratum, humile diuersorium, humile matrem, & humiles deniq. eos, quibus ipsa natiuitas Domini nūciatur. Si ergo vis vt tibi nascatur Christus, tibiq. Angelicis vocibus nunciatur, esto humilis corde, esto spiritus pauper: talibus enim euangelizat Christus, ideoque talibus potissimum nunciatur. Non tamē satis est, vt humilis sis, tibi que prorsus diffidens, & spem omnem salutis in Deo collocans: sed necesse est, vt vigilantiam cum spe simul & humi-

Adhuc intro-
amus Dñm
Cur in diuersorio
natus est?

Non habens
hic matrem
natiuitatem.

Quia quid digne
est, ubi dicitur di-
uersum, ibi patria
mea est.

Hic idcirco dicitur
natus, quia quæ
vix omnes, nati
sunt. Hic peregrini-
tas, non tu-
men omnes
sunt peregrinos

Non sicut habet
spiritus quid habet
natus, super.

litate coniungas: hoc est, ut cum eisdem pastoribus vigiles sit per gregem tuum. Grex autem tuus corpus tuum, anima tua, sensus & affectus tui, tam externi quam interni, sunt: quos diligenter custodire oportet, ne ad bona terrena & mundi voluptates dilabatur, neve aditum per fenestras suas morti sempiternæ aperiant, nec mentem nostram, à celestium rerum studio auulsam, ad vilissimæ carnis obsequium trahant. Has enim excubias & vigilias agentibus, libenter Angeli apparent, & Dominicæ natiuitatis gaudia nunciant.

Sequitur deinde: *Et subito facta est cum Angelo multitudo militie caelestis laudantium Deum, & dicentium: Gloria in altissimis Deo.* Quis est iste tam paruus, tam magnus; tam humilis, tam sublimis; ut iacēs quidem in præsepio, Angelicis vocibus celebretur in caelo? Quid enim abiectius, quam in stabulo nasci, & reclinari in præsepio; quæ duo non hominum sunt loca, sed iumentorum? Quid vero sublimius, quam quod in hac ipsa natiuitate clarissimo lumine terra splendeat, caelestis militiæ multitudo psallat, iubilent Angelorum chori, laudes Deo in altissimis concinentes, & sanctissimis vocibus & modis aëra cōplentes? Quamdo enim ab origine mundi in hominis alicuius natalitio Angelorum voces & cantus inter homines auditi sunt? Itaque, si hæc humilis Christi natiuitas indigna tibi superna maiestate videretur, audi beatum Maximum. Num tibi scrupulum his verbis adimementem: Si tibi sensuum tuorum fragilitate minus dignum videtur, Filium Dei natum de femina credere, virginem cogita peperisse, Si tibi panni, quibus obuolutus est, fortasse viliscent, Angelos collaudantes & multitudinem caelestis exercitus admirare. Si præsepe, in quo infans iacuit, despicias? erige paulisper acules, & nouam in caelo stellam protestantem mundo natiuitatem Dominicam contuere. Si credis vilia, crede mirifica. Si de his quæ humilitatis sunt disputas, quæ alta sunt & caelestia venerare. Iisdem enim referentibus, iisdemq. autoribus, de Domino Salvatore, quæ humilia & quæ gloriosa sunt, didicisti. Hactenus ille. Quis igitur in hac sublimitatis gloria, cum tanta humilitate coniuncta, duplicem in hoc paruulo naturam non agnoscat? In quantum quidem altera dignitas maiestatis, in altera verò dignatio bonitatis manifestè patefacta est. Verumque autem insinuas videretur Prepheta Isaias, cum ait: Paruulus natus est nobis, & filius datus est nobis. Quod enim paruulum natum memorat, humilitatem indicat humanitatis; quod verò datum filium ait, sublimitatem ostendit maiestatis. Quod quidem Euseb. Emis. eleganter explicauit his verbis: Natus est nobis, qui sibi erat. Datus est ergo ex diuinitate: natus ex virgine. Natus qui sentiret occisum: datus qui

nesci-

*Iacobus Dominus
in præsepio ab
vocibus Angeli-
rum celebra-
batur*

*Ad præmuni-
nem hęc spe-
stant.*

Max. ser.
de Nat.

Isaias 9.

Euseb.
Emis. in
humil.
de Nat.

nesciret exordium, Natus qui & matre esset iunior: datus quo
 nec Pater esset antiquior. Natus qui moreretur: datus ex quo
 vita nasceretur. Atque sic qui erat, datus est: qui nō erat, natus
 est. Illic dominatur, hic humiliatur. Sibi regnat, & mihi mili-
 tat. Hactenus ille, Nemo tamen putet assumptione humani-
 tatis aliquid maiestati fuisse detractum. Vt enim Leo Papa ait: Leo Papa.
 Exinamitio illa, qua se inuisibilis Dominus visibilem prae-
 buit, inclinatio fuit miserationis, non defectio potestatis. Sed in his
 tamen Prophetae verbis non est particula illa negligenda, quam
 is non temerè bis in eadem oratione posuit, cum ait: Parvulus
 natus est nobis, & filius datus est nobis. Qua quidem repeti-
 tione Dei Filium non sibi, non Angelis, sed nobis natum esse,
 aperitissimè designat. Non enim sibi natus est (ait Guerrius Guerri-
cus ser-
de Nat.
 Abbas) vt scilicet hac nativitate aut esse, aut melius esse incipe-
 ret, qui, antequam nasceretur, ab aeterno beatus erat. Nec An-
 gelis natus est: quia Angelus ille, qui in veritate stabat, repara-
 tione non indigebat; nec illius, qui ceciderat, casus reparabilis
 erat. Nobis ergo tantum hic Dominus datus, nobis vique natus
 est. Naque si multum te, o homo, debere Deo fatebaris, quod
 is hanc tapram mundi molem non sibi (qui antequam mōtes
 fierent, aut formaretur terra & orbis, idem erat qui modò est)
 neque Angelis (qui, cum mentes sint corporis expertes, neque
 corporeo loco egent in quo sint, neque corporeis alimentis qui-
 bus pascantur) sed in tuam solus gratiam condiderit: intelligo
 nunc te tanto maioris beneficii debitorem esse, quanto plus
 est, Deum propter te hominem fieri, quam mundum ex ni-
 hilo propter te creasse. Tantum enim hoc beneficium illi prae-
 stat, quanto Deus mundo suo maior est. Illo namque benefi-
 cio corporeum tibi mundum dedit: in hoc verò se ipsum tibi
 donavit. Vbi verò se tibi donavit, quid non donavit? Num-
 quit (ait Guerrius) enarrari potest, quae & quanta sunt data Guerrie.
vbi supra.
 nobis, cum iste filius datus est nobis? Nonne omne datum
 optimum, & omne donum perfectum ab ipso & cum ipso pa-
 riter ad nos descendit? Nonne vniuersas opes celi, omnes the-
 sauros Dei secum nobis aduexit? qui licet adhuc in ipso con-
 tineantur absconditi, multa tamen iam & magna, & quasi
 donatum pugnatoris erogavit: sed nihil omnia, ad ea quae
 victoribus reservavit. Quis enumeret tot munera charissi-
 mum, tot genera virtutum, nostrorum scilicet varietatem ar-
 morum, subsidia Sacramentorum, fercula scripturarum, gra-
 dus & ordines ministrorum, in omni aetate, sexu, conditio-
 ne, natione, & lingua tot Martyrum trophaea, Confessorum
 insignia, Virginum coronas? Si miraris (inquit Ecclesia) vn-
 de repente mihi paupercula haec multitudo diuinarum, &

magnitudo glorię: inde nimirum, quia Filius Dei datus est nobis, Deus gratię, Dominus virtutum, & Rex glorię. Imo magis mirū esset, si non sequerentur Dominū bona sua, cum etiam ipse sit omnia bona. Inquirentes, inquit, Dominum, non minuetur omni bono: quanto magis suscipientes? Si enim miraris ista nobis per Filiū data, ego (vt plus mireris) adiciam, omnia omnino nobis cum illo esse donata. Cum enim Filium, per quem & in quo omnia subsistūt, Pater nobis donauit; quomodo non omnia nobis cum illo donauit? Omnia nostra sunt, ait Apostolus, quia noster, est auctor omnium & Dominus. Quare autē hoc ita inculco, fratres mei? Quare? nisi vt discatis gloriarī, quia Filius datus est nobis: & quicquid mūdus potest dare, aut promittere vobis, nō modō vile & indignū ad illum, sed etiā detrimentum propter illū deputetis. Hactenus Guerrius. Cum ergo tam multa & miranda dona in hoc vno dono cōtineantur; nihil mirum, si non vnus aut alter Angelus, sed (quod nūquam antea in terris visum est) multitudo militiæ cælestis, ē cælis in hunc nostrum orbem delapsa, Dei gloriam prædicat, dicens: *Gloria in altissimū Deo. Quid vobis, o beati Spiritus, cum hoc sacro puerperio? Nōne infans hic posteris Abrahę promissus est? Num vos ex Abrahę semine propagati estis, vt tātopere in eius natiuitate gaudeatis, & pro alieno beneficio gratias agatis? Noster est hic paruulus, noster est: vtpote qui naturę nostrę consors effectus, & ad salutem nostram destinatus est. Est ita planē: verumtamen quia nullo vestro merito tantū hoc beneficium vobis collatum est, sed totum ex infinita Dei bonitate profectum. Ideo tantam hanc communis Domini bonitatem non possumus non suspicere & admirari: quæ nobis hoc tam stupendo opere noua quadam ratione declarata est. Pro nostra ergo, fratres, Angeli gaudent salute: fraternā quippe charitate incensī, pro suis bona nostra ducunt: ideoq; non mirum si ad laudes & gloriam Dei prædicandam se nobis comites adiungāt. Hoc enim ad verę charitatis ingeniū spectat, alienam felicitatē pro sua ducere, & pro ea quoq; veluti propriā gratias agere. Quo exēplo videre licet, quantū ab hac germana charitate abhorreant, qui alienis bonis vtuntur, qui aliena felicitate torquentur, qui alienis cōmedis intabescunt, & in animi sui cruciatum aliorum bona conuertunt: quod à Christiana charitate alienissimum est. Sed redeo ad Angelorum voces & laudes. Si Angeli pro hoc tanto in nos collato beneficio laudes & gloriam Deo canunt, cum nec illos Christus Dominus à diaboli captiuitate redemerit, nec assumptione Angelicę naturę nobilitarit: quis, quęso, ferat nos homines, qui tanto donati sumus beneficio, qui sic exaltati, nobilitati, redēpti, bonis*

bonis omnibus aucti & ornati, qui sic à potestate tenebrarum erepti, sic diuinæ naturæ confortes effecti sumus: quique, nisi ab illo redimeremur, ad inferos detruderemur (hoc enim est, quod Angelus tacite insinuauit, cum ad pastores ait: *Natus est vobis hodie Saluator*: vobis videlicet magis quam nobis) quis, inquam, ferat, vt nec pro tā inenarrabili beneficio Deo gratias agamus, nec laudes illius prædicemus; imò vix mēte cogitemus, quale, quamq. magnificum sit munus hoc, quod à Deo percepiamus? Ecquis enim vestrum est, qui vel vnam diei horam seponat, vt otium agens à terrenis occupationibus (quæ ad hanc vitæ scenam ac vmbra pertinent) ista animo tractare curet, quibus & incōprehensa intelligitur Dei erga ingratisimum nostrū genus charitas, & salus paratur æterna iis, qui in tam pulchris ac verè celestibus mysteriis occupantur? Non pudet homines, qui se credere profiteantur Iesum Filium Dei de Virgine natum, in præsepi, loco humillimo atq. abiectissimo, nostri gratia reclinatū, non se totos in rerum tam admirandarum contemplationem dare, de iis cogitare, de iis domi, foris, nocte ac die, secum, cum suis, cum externis loqui? Audebit vir qui Christum profiterur, saltem per hos feriatis dies aliud è suo ore proferre, quam Iesum Christum Filium Dei, in Bethlehē Iudæ de Virgine natum, fasciis inuolutum, & reclinatū in præsepi? O stoliditatem! ô stupiditatem! ô verè iumenta insipientia! Cognouit bos possessorem suum, & asinus præsepe domini sui, & Christiani dedignantur assidua meditatione Dominum suum in præsepi positū inuisere? Adeo enim huius beneficii immemores sumus, vt ne hoc ipso tempore, quo ab Ecclesia eius recolitur memoria, quidnam hoc sit quod colimus, mente & cogitatione tractemus. O ingratitudinem! ô stuporem! ô plus quam ferrea hominum præcordia! Quid enim magis ferreum, quam eo gratitudinis affectu carere, quo nec fera ipsa truculentæ carent, quæ beneficiū agnoscunt, & quæ ratione possunt, gratiam referunt? Quid igitur hoc in loco dicā, prorsus ignoro: nisi quod vehementer timo, ne fortè non pertineat ad eos fructus redemptionis, qui beneficiū nō aestimant Redemptoris. Illis enim videtur Christus nec natus, nec passus fuisse, qui nihil magis his adeo stupendis mysteriis afficiuntur, quam si nihil ad eos pertineret. Cui rei vel illud certè argumento est, quod nō talibus (hoc est, non ingratibus & improbis) sed hominibus bonæ voluntatis Angeli pacem hodie precantur: pacem inquam, non illam quam mundus dare potest, sed illam quæ exsuperat omnē sensum, quam Rex pacificus è cælo secum traxit ad terram. Ne, quæso, tam ingrati tamque stupidi possideamus, nec in tractandis & contemplandis tantæ maiestatis ne-

goris tam diu indormiamus: sed quam hactenus exhibuimus corrigamus tarditatem. Demus operam ut ex iumentis insipientibus euadamus iumenta sapientia: in quorum numero David Rex positus se esse predicabat, cum diceret: Ut iumentum factus sum apud te, & ego semper tecum. Quod fiet, si adorandum hoc præsepe sedulo inuissamus, & cibum, qui in eo nobis propositus est, assidue ruminemus: ut in eo crescamus in salutem, ac tandem in virum perfectum adulti, ad immortalitatis gloriam perducamur.

IN EADEM NATIVITATE DOMINI,

CONCIO TERTIA: QUÆ TRIBVS præcipuis humanæ naturæ morbis natiuitatem Domini remedium attulisse declarat.

THE. Inuenietis infantem pannis inuolutum, & positum in præsepio. Lucæ 2.



QUAMQVAM Angeli hodierna die gaudium magnum de noui Saluatoris natiuitate vniuerso mundo nunciauerint, in hac tamen communi eminium lætitia beatissimæ Virginis eminet gaudium: quia quamuis collata mudo salus illi nobiscum communis sit, maternæ tamen dignitatis & incorruptæ virginitatis gloria propria ac singularis eius est. Gaudet enim cum omnibus de communi omnium salute: gaudetque rursus de propria & singulari sua dignitate. Quam ingens verò fuerit eius gaudium, ex illis Domini nostri Saluatoris verbis colligi potest: Mulier cum parit, tristitiam habet, quia venit hora eius; sed ubi peperit puerum, iam non meminit præsentis propter gaudium, quia natus est homo in mundum. Si ergo tantum puerpera latatur, quod hominem in iniquitatibus conceptum cum maximo etiam dolore parit, ut præ magnitudine gaudij, acerbissimi doloris, quem pariendo pertulit, obliuiscatur: quantum, queso, hodie Virginis beatæ fuit gaudium, quæ verum Deum atq. hominem non in peccato conceptum, sed peccatorum omnium peremptorem sine dolore enixa est? Certè quo fructus virginis vteri est nobilior, & partus mirabilior, eo magis atq. sublimius eius gaudium exstitit. Exultate ergo hodie cum sacra Virgine omnes qui diligitis eam, ut satiemi ab uberibus consolationis eius; & salutis vestræ beneficium recolentes, de eius propria & singulari dignitate letamini.

Joan. 16.

Sed

Sed qua lætitia? Ea nimirum quæ hoc tanto mysterio digna sit: hoc est, non carnali atque terrena, sed spirituali atque celesti. Neque enim Iudæorum more carnali gaudio spiritualia festa celebrare decet: quandoquidem noua lex, quæ spiritualis est, non carnale, sed spirituale à nobis gaudium requirit. Quod contra plerique hisce diebus licet faciant: qui tunc digne celebrasse natale Domini sibi videntur, cum se totos ludis, comestationibus, & ebrietati tradiderint. Quo quid esse potest absurdius? Quid enim magis præposterum, quam Christi fletus, vagitus, frigus, atque horridum præsepis cubile, extremamque natiuitatis inopiâ suis rebus velle celebrare, quas ipse tantis illis ærumnis abolere voluit, & ob quas tot in corpore suo cruce & labores pertulit? Hoc planè principis huius mundi Satana inuentum fuit: qui quando tantorum mysteriorum dies festos è medio tollere non potuit, sic tamen hoc negotium inuenit, ut his diebus magis ventri, quam Christo; magis seculari lætitiæ, quam huius mysterij dignitati seruire faciat. Sicut enim olim Philistæi puteos, quos Abrahamæ serui fodiebant, inuidia exagitati, ruderibus & terra opplebant: ita planè truculenti generis humani hostes spiritualia Christi festa, ab Ecclesia in eius laudem instituta, terrenarum voluptatum puluere sædare, & spiritualia in carnalia conuertere conantur. Ut igitur longè alia ratione, alioque gaudio huius solennitatis mysterij celebremus, ab ipso Domino (cuius festa colimus) sacratissimæ Virginis patrocinio, sancti Spiritus gratiam suppliciter imploremus.

Gen. 26.

Angus.

A V E M A R I A.

Cùm multa sint, fratres charissimi, quæ in hodiernæ solennitatis mysterio tractanda sese nobis offerant: hæc potissimum quæ proposui verba delegi, quæ in præsentī Concione exciterem: quòd ea mihi præcipuam huius mysterij partem còplecti videantur. Mira enim sunt signa hæc, quæ pastoribus cælestis nuncius ad paruulum Iesum inueniendum proposuit. *Inuentus*, inquit, *infantem pannis inuolutum, & positum in præsepio*. Quidnam sibi vult hæc tam dissimilium rerum còiunctio? Parum enim signa hæc tanti Salvatoris dignitati còuenire videntur, siue diuinam in eo maiestatem, siue regiam potestatem spectare velis. Quomodo enim infantem appellas, cuius nomen Euangelista Verbu Dei esse prædicat, dicens: In principio erat Verbu, &c. Quomodo verò pannis inuolutum narras, qui per Prophetam dicit se esse amictum lumine sicut vestimētum? Quomodo in præsepio positum denuncias, qui apud Isaiam ait: Cælum mihi sedes est, & terra scabellum pedum meorum? Clamat de hoc puero Isaias: Ecce Deus noster. Vbi, quæ sit? In præsepio, inquit. Infantulum quidem ibi inuenio: huicne tu dicis illum esse, qui cælum &

Ioan. 1.

Esa. 10.

Isa. 66.

tenam

terram implet? imò cuius maiestati angusta est omnis cæli la-
titudine? Pannis inuolutum video. Hūcine tu dicis illum esse,
qui gloriam & decorem induit lucis inaccessibilis, amictus in-
circumscripto lumine, sicut vestimento? Vagientem audio.
Hūcine est qui in cælis tonat, sub cuius vocis tonitruo Pore-
states Angelicæ submitunt alas suas? Hæc quidem humano
iudicio superna illa maiestate indigna esse videntur: verum si
paulisper oculos ab hoc diuinæ maiestatis splendore defleſcen-
tes, causam, propter quam Dominus hanc humilitatis speciem
suscepit, propius contemplerur, inueniemus planè nullo con-
uenientiori habitu eum ad nos venire potuisse. Ex finis enim
natura, rationem & conuenientiam eorum quæ ad finē con-
sequendam destinata sunt, iudicare solemus. Nemo enim Re-
gem purpura atque auro indui solitum reprehendit, si, cum ve-
natum pergit, rusticano habitu induatur: quandoquidem ve-
natoribus hic amictus conuenientior, quàm regius est. Quo-
circa huius Dominici aduentus scopum atq. finem paulo dili-
gentius perquiramus. Quid tibi, Domine Iesu, cum hoc infe-
riori mundo? quid in eo moliri potissimum destinasti? quis ti-
bi tam longinquæ peregrinationis finis exstitit? Nimirum (vt
innumera alia bona præteream) ad hoc venisti, vt tamquàm ve-
rus generis humani medicus vulnera nostra sanares. Magnus
enim (inquit August.) de cælo venit medicus, quia magnus in
mundo iacebat ægrotus. Et quamuis multi essent ac varij mor-
bi, quibus genus hominum infestabatur, tribus tamen grauif-
simis morbis potissimum laborabat: nempe tumore superbiæ,
infirmirate sp̄ci, & languore charitatis: quibus curandis, nulla
certè potuit excogitari medicina salubrior.

I.

Atque vt à tumore superbiæ exordium capiamus, grauissimè
quidem hoc morbo mūdus ægrotabat. Nam quia generis no-
stri parēs, superbia elatus, è summæ dignitatis fastigio corruit,
hunc ipsum morbum velut hereditario iure ad posteros trās-
misit: quo factū est, vt inter omnes omnium hominum cupi-
ditates vehementissima sit honoris cupiditas, propter quē in-
finitis se periculis & laboribus obijciunt; nullumq. facinus te-
trum & immane recusant, modò per illud viam sibi ad inanes
seculi honores & gloriam sternant. Cum autē varia sint morbi
huius medicamēta, primum inter ea locum humilitatis exem-
pla obtrinent: illa præcipuè quæ clarissimorum ac summorum
hominum sunt. Si hoc igitur ita est; quod, quæso, aliud vel effi-
caciū vel illustrius exemplum mūdo exhiberi potuit, quàm
stupenda Dominicæ natiuitatis humilitas? Neq. enim adeo
mirā est, si vel Reges, vel Imperatores, vel Pontifices maximi
seſe

*Præmissio
dicitur de
habitu &
ingressu.*

Simile.

August.

sefe ad ima demittant: cum omnes ex nihilo creati ad nihilum
 naturæ lege ferantur. Verum illud omnem superat admiratio-
 nem, quod altissimus rerum omnium cōditor, qui (vt Ioannes Apoc. 19.
 ait) habet in veste & femore suo scriptum, Rex regum, & Do-
 minus dominantium: qui lucē habitat inaccessibilem, qui se- 1 Tim. 6.
 der super Cherubim, qui ambulat super pēnas ventorū, quem Psal. 103.
 laudant astra matutina, ad cuius conspectum terra magnis fra-
 goribus quassata contremiscit, ad cuius nutum columnæ cæli
 pauent, cui denique cætera omnia cōparata, quamlibet maxi-
 ma sint, nihil sunt: ille, inquam, rerum omnium Dominus, tot
 se gradibus ad infimum vsq. mundi locum deiecerit. Primum
 enim ad iumentorum se demisit stabulum: deinde ad crucis
 supplicium: mox (ac si mortis debitor esset) ad tumulū: ac po-
 stremō ad inferorum vsq. locum descendit. Quo certē exēplo
 nullum vel maius, vel illustrius ad humilitatis cōmendationem
 siagi poruit. Denique quisquis vitam eius ab incunabulis ad
 crucem vsq. fuerit contemplatus: inueniet planē omnia Chri-
 sti tum dicta, tum facta, humilitatem spirare, humilitatē com- simile.
 mendare, humilitatē humanis mentibus infigere. Quemad-
 modum enim qui munitissimam arcem summa vi expugnare
 contendunt, diu noctūq. muros arietibus omniq. tormento-
 rum genere quatunt: ita hic cælestis Imperator ab ipsis incu-
 nabulis, ad extremū vsque vitæ actum, tot humilitatis docu-
 mentis & exemplis, quasi arietibus quibusdam, superbiam no-
 stram oppugnare nō destitit. Hinc D. Gregor, Ad hoc, inquit, Greg.
 Vnigenitus Dei formam humilitatis nostræ suscepit: ad hoc
 inuisibilis non solum visibilis, sed etiam despectus apparuit:
 ad hoc cōrumeliarum ludibria, irrisiōnū opprobria, passionum
 tormenta tolerauit, vt superbum hominem doceret humilis
 Deus. Quis igitur hoc exemplo non superbix remorem depo-
 nat, non ceruices deprimat, non sanctæ humilitatis iugo colla
 submitat: Cum David (propter admissū scelus in Vriam) 2 Reg. 12.
 diuina perurgente vindicta à facie Absalonis profugus in de-
 sertū fugeret, & flens, nudis pedibus, operto capite per cliuum
 montis oliuarum adscenderet, familia omnis, quæ illum seque-
 batur, operto similiter capite adscēdebat plorans. Si igitur Re-
 ge sic gradiente, quisquam ē familia eius phalerato equo vehe-
 retur: an non meritō in magnum superbix atque immodestix
 crimen incideret? Si ergo Angelorum & hominum Rex, non
 quidem propter sua, sed propter nostra omnium scelera adeo
 se ad ima deiecit, vt (quemadmodum Isaias ait) nouissimus Isai. 52.
 virorum reputaretur: quomodo vilis homuncio, & omni vitio-
 rum genere coopertus, apponit magnificare se super terram,
 & ambulare in magnis & mirabilibus super se? Itaque si
 medi-

Isaie 64. medicamento huius virtutem spectes, nullum certe huic morbo efficacius potuit adhiberi. Cuius rei præcius idē Propheta, Saluatoris aduentum vehementissimē desiderans; Utinam, inquit, disrumperes cælos, & descenderes: à facie tua montes defluerent. Montium autem nomine superbos & elatos homines designauit: quos huius tam stupendæ humilitatis exemplo humiliandos præuidebat.

Vnde tria mihi hoc in loco adeò miranda videntur, vt, quid prius mirari debeam, prorsus ignorem: an quod immensa & infinita illa maiestas adeò sese nostri causa exinanient: an quod tanta fuerit vilissimi hominis superbia, vt hoc singulari medicamento curari debuerit: an quod post tam potens efficacique remedium, adhuc tamen ceruix nostra flecti & humiliari recuset? Videmus enim passim Christianos homines adeò inanissimi honoris cupiditate flagrantes, vt si vel leuicula in re eos offenderis, si vel minimum honori detraxeris (bone Deus) quas non turbas atque tragedias excitabunt? Quas enim contentiones, quàm acerba odia atque dissidia passim inter principes viros, inter nobiles familias, atque demum inter omnes omnium ordinum, etiam Ecclesiasticorum, homines, primatus alicuius aut dignioris loci gratia concitari quotidie cernimus? Quid ergo miraris, homo, immensam illam maiestatem ita sese ad curandam elationem tuam deiecisse; cum tu ne hoc quidem exemplo animi elationem deprelleris? Cur medici potionem plurimum absynthij habere quereris, cum tu noxio adhuc humore & bili plenus inardescas? Quo animo ferre potes Angelorum Dominum sic se elationis tuæ comprimendę gratia demisisse: cum tu puluis & cinis, sacculus stercoreum, & esca vermium, vel tua te umbra metiri nolis? Interrogatus Aristoteles quid homo esset, Imbecillitatis, inquit, exemplum, temporis spoliū, fortunæ lusus, inconstantia imago, calamitatis trutina, reliquum verò pituita & bilis. Quid ergo mirabilius, quàm quod hoc vilissimum & olidum sterquilinum de tantæ quidem humilitatis exemplo tumorem animi deponat? Verè intolerabilis est (inquit Bernardus) superbia, vt, vbi se exinanitur maiestas, inflatur vermiculus & intumescat.

II.

Hac ratione, fratres, cælestis hic medicus superbiæ nostræ morbū, natiuitatis, imò & totius vitæ suæ humilitate curauit. Nunc videamus qua ratione eodem humilitatis habitu spei nostræ infirmitatem corroborauerit. Et quidē satis periculosē mūdus hoc morbo ægrotabat. Cuius rei vel illud argumentum est, quod frequēter Dominus promissa sua iuramēto firmauerit: Iurauit, inquit, Dominus, & nō pœnitebit eū. Et, Per me-

meripsum iurauit, dicit Dominus. Quid agis Domine? Quorsum attinet, ut iuramento firmes quod polliceris, cum ipsa eadem veritas sis, quæ nec fallere, nec falli vilo modo potes? Verum id quidem est: sed ea humanæ mentis imbecillitas est ad fidentum diuinis promissis, ut, quamuis ad eam roborandam incommutabilis Dei veritas satis superque esse debuisset, eius tamen infirmitatis gratia adiunxerit iusiurandum: ut (quemadmodum Apostolus ait) per deas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem. Necesse nam quippe nobis erat fortissimum solatium: quia maxime imbecillū erat spei nostre firmamentū. Homo enim qui natura rationale animal est (hoc est enim illi maxime propriū & naturale) nullo modo ad ea quæ supra naturæ facultatē suæ credēda, siue faciēda sunt, assurgit, nisi supernaturali quoque auxilio iuuetur. Ideoque ad retinendam earum rerū quæ non videntur spem, hoc efficacissimo diffidentiae antidoto primum indigebat. Ad hanc igitur infirmitatem roborandā, quod maius medicamentū, quam humilis infantis huius apparatus & habitus? Quid enim à Domino propter me hæc pueri speciem & formam induente sperare non audeam? Nec enim (quod ad mansuetudinē & misericordiam attinet) alius est intus, alius foris: sed eam ipsam mansuetudinē quam ostendit in specie, retinet in mente. Qualis enim sacra eius humanitas apparet foris, talis immensa eius diuinitas latet intus. Neque enim diuersum facit Dominus ab eo quod iubet. Ipse autem sic in Ecclesiastico præcipit: Ne, inquit, accipias faciē aduersus faciē tuam. Hoc est, ne duplex animo & bifrons sis; aliud animo gerens, aliud verò callidē foris ostendens: pacem cum proximo loquens, bellum autem & odium in pectore gestans. Vult igitur Dominus ut simplicitatem colamus, animumq. ipsum in fronte gestemus: nec dissimiles nobis, sed iidem intus & foris simus. Si hanc igitur à nobis simplicitatē, qui natura simplicissimus est, exigit: quoniam modo ipse diuersum ab eo quod præcipit, aget? Quomodo Agni mansuetudinē ostender foris, & leonis ferociam celabit intus? quomodo innocentis pueri speciē exhibebit, & paratum ad vindictam gigantem intus abscondet? Neminī ergo dubitandum est, quin eandē faciē quam exterius præ se fert sacra humanitas, interius retineat infinita maiestas: nempe placabilem, benignam, blandam, & lenitatis atque misericordiæ plenissimam. Illum namque seuerissimum iudicem in elementissimum patrem incarnationis Christi meritum cōmutauit, & Deum vltimum misericordiarum parentem effecit. Sed hoc tamē simplicitatis & humilitatis eius sectatoribus, & verē poenitentibus,

Hebr. 2.

Eccli. 30.

atque

arque huius beneficij magnitudinem agnoscantibus: non In-
 gratis, non in scelere obstitatis, non stentibus, nō hac tan-
 ta Deigratia ad socordiam & peccandi licentiam abutentibus.
 In quem sensum D. Emissenus illa Davidis verba interpreta-
 tur: Posui adiutorium in potente: hoc est, eos potissimum iu-
 uare soleo, qui adiuuanti manum porrigunt, & antecedentem
 pro virili sua sequi contendunt. Qui enim habet, dabitur ei, &
 abundabit. Videtis ergo, fratres, quemadmodum hoc habitu &
 imagine innocentis pueri Saluator spei nostræ infirmitatem
 curauerit?

Eusebius
 Emis.

Matt. 13.

Gen. 43.

Quid verò ipsius pueri vagitus & lachrymæ? An non hæc
 quoque ipsæ spei nostræ medicamēta sunt? Quas enim pecca-
 torum sordes lachrymæ istæ nō abluant? quis non spem veniæ
 concipiat, cum huius paruuli lachrymas, certissimos amoris &
 pietatis eius erga nos indices, contempletur? Cum filij Iacob
 fratrem Ioseph (quem antea immani scelere vendiderant) Deo
 ita præter omnium expectationem disponēte, Egypti Domi-
 num agnouissent, & insperatam illam eius vocem audiuis-
 sent; Ego sum Ioseph frater vester, quæ vendidistis in Egyptum;
 adeo cōsternati animo fuerunt, vt præ stuporis magnitudine
 obringerint, & velut emortua lingua nullū edere sermonē po-
 tuerint. At sanctus Patriarcha, quo terrorem cōceptum ab eo-
 rum animis excuteret, clementi & blanda eos oratione cōpel-
 lans, & in amplexus & oscula ruens, plorasse dicitur super sin-
 gulos: post quæ tandem ausi sunt loqui ad eum. Fidē enim pla-
 cibilitatis & fraternæ charitatis, quam lenitatis verba facere
 nequiverūt, lachrymæ fecerunt. Hæc historia, fratres, animæ
 nostræ causam appositissima ratione adumbrat. Scitis enim
 sanctum Patriarcham Ioseph typum Domini Saluatoris ges-
 sisse: nos autē fratres eius sumus, qui ipsum vili pretio vendi-
 dimus. Sed quando illum, inquis, & quo pretio vendidimus?
 Certè ubi quisque nostrum, alicuius voluptaris aut cōmodita-
 tis acquirendæ gratia, maiestatis Dominū offendere, leges eius
 violare, amicitia & gratiam eius amittere non erubuit, verūm
 Ioseph cū fratribus eius vili pretio vēdidit, & à se abalienauit.
 Quid est autem horribilius, quàm cum tibi ex altera quidem
 parte summus ille rerum omnium conditor, ex altera verò tor-
 pis voluptas, aut vili commoditas ante oculos proposita fuisset,
 tu, deliberatione & consilio habito, hanc intra te senten-
 tiam ferres? Hæc voluptas aut vtilitas nunc Deo anteferenda
 est: ideoque non dubito Deum ipsum præ illa à me alienare,
 expellere, & pro illa mihi comparanda, diuendere. Quid igitur
 hoc iudicio & sententia fingi potest execrabilius? Quamuis
 enim improbus homo tantum hoc nefas conceptis verbis non
 profe-

proferat, re tamen ipsa, ac prauo opere hoc testatur: quando turpem voluptatem diuinæ gratiæ atque amicitia antepōnit. Cum verò homo in peccato manens, & oculis captus, & omni spiritali sensu priuatus sit; hanc tantam deformitatem minime vider. Vbi verò præuenientis gratiæ lumine irradiatus, hoc tantum nefas contemplatur, & terram peccati faciem (qualis ea sit) animaduertit; tanto plerumque timore concutitur, ut penè in desperationis barathram prolabatur, dum nihil inuenit quod aduersus tantum nefas querere iudici respondere queat. Quisquis verò hoc metu & trepidatione ita consternaris, accede ad salutare hoc præsepe, & contemplare amantissimi fratris tui Ioseph, quem vili pretio vendidisti, lachrymas: quibus pie contemplandis animū certè resumere poteris. Hæ namque infantis Iesu lachrymæ pro te funduntur, pro te supplicat, tibi patrocinantur, ac tua crimina lauant. Itaque si oculos in pectus eius immittere posses, ibi scriptum legeres: Has pro te modò lachrymas peccator fundo, postea ipsum quoque sanguinem fufurus. Ex quibus planè lachrymis pretioso immaculati Agni sanguine tinctus celestis ille fons scaturit, de quo Prophetæ dicit: Erit fons patens domui David, & omnibus habitantibus Hierusalem, in ablutionem peccatoris & menstruatæ. Huic enim puero omnes Prophetæ testimonium perhibent, remissionem peccatorum accipere per nomen eius. Hinc Isaias Propheta labantem populi fiduciam his blandissimis verbis confirmat: Consolamini, consolamini popule meus, dicit Deus vester: loquimini ad cor Hierusalem, & aduocate eam, quoniam completa est malitia eius, dimissa est iniquitas illius. Lætare igitur quisquis peccatorum pondere premeris, lætare simul & lachrymare: labores tuos laboribus Christi, & lachrymis lachrymas iunge: ut hac ratione meritum & lachrymarum eius particeps effici merearis. Nec enim piæ ac sanctissimæ illæ lachrymæ impios homines, maleque ridentes, sed sua scelera detestantes ac lamentantes, omniq; ratione ea vitare studentes, abluunt.

III.

Hac ergo ratione, fratres, spei nostræ infirmitatem celestis medicus roborauit. Nunc expediāmus qua ratione charitatis languorem curauerit. Et quidem hoc morbo grauissimè mundus laborabat; nec facile sanari poterat, quia multa erant quæ nostram erga Deum charitatem impedirent. Tradunt enim Philosophi amabile quidem esse bonum, vnicuique tamē proprium: quia nimirum suo quisque potissimum trahitur & mouetur, magis quàm cōmuni bono. Et quidem Philosophorum multi Deum esse summum bonum agnouerunt: sed eorum

S

tamen

tamen plurimi nequaquam suum ipsorum bonum arbitrati sunt. Miranda planè sunt quæ de Deo deq. eius immensa maiestate scribit Plinius; perperam tamè deinde colligit, fieri non posse, vt tam sublimis excellensq. natura sordibus se reru humanarum immisceat, & earum curam gerat: ratus videlicet multum de Dei dignitate & maiestate detrahi, si humanarum actionum, hoc est, vilissimarum rerum (vt ille arbitrabatur) cura tangeretur. Atq. hoc modò Philosophi Deum quidem per se bonum credebant, non tamen hominibus propitium & salutarem, vtpote qui res humanas negligeret. Quis verò hac persuasionem imbutus Deum diligere? quis illius amore flagraret, à quo nihil esse sperandum existimaret: cum vix quisquã nisi bonu si i profuturum & salutem diligat? Obstabant præterea & alia multa: ac in primis locus ipse infimus, in quo homines degimus: qui tam longè à cælesti illa regione distat, in qua singulari ratione Deus habitare dicitur. Locorum enim distantia animarum conjunctioni impedimentum præstat. Vnde sicut mortuorum, ita quoque absentium longeq. distantium memoriam simul cum amore deponere homines plerumq. solent.

Obstabat etiam dignitatis inæqualitas, atq. naturarum tanta dissimilitudo atque disiectio. Non enim (vt quidam ait) bene conueniunt, nec in vna sede morantur maiestas & amor.

Obstabat super omnia, versari nos in summa diuinæ charitatis, benignitatis, & misericordiæ (quæ nos præcipuè ad eius amorem incendere deberent) ignorance. Hæc igitur & multa alia (quæ longum esset recensere) maxima nostri erga Deum amoris impedimenta erant. Percurramus ergo breui oratione, quonam modo tantis his incommodis medicus noster consuluerit, & inueniemus, nullum prorsus nec aptius nec conuenientius remedium ad mortales Dei amore inflammandos excogitari potuisse, etiam si omnes non modò homines, sed Angeli etiam hac de te in vnum consilia inirent.

Principiò igitur eum beneficiis ad amandum homines incitari soleat: quæ, obsecro, maiora beneficia, quàm quæ in nos per Christi Domini aduentu, & incarnationis eius sacramentum collata sunt? Ipse quippe nos Patri suo reconciliauit, veniam peccatorum impetrauit, amissam gratiam restituit, Spiritum sanctum contulit, diuinitatis suæ confortes effecit, in Dei filios adoptauit, hæredes regni instituit, ac tandem gloria & honore coronauit. Idem præterea nos à quatuor atrocissimis hostibus, diabolo, gehenna, morte, & peccato (quod malorum omnium causa exstiterat, quodq. nos cælestis hereditatis patrimonio abdicauerat) liberauit. Rursum, si graues pro amico labores perperi, amoris indicium atque incitamentum est;

est: quis unquam pro amico acerbiore pertulit supplicia, quam pro nobis Dei Filius: qui cum lachrymas hodie fundere, & precibus angustias pati coepit, postea sanguinem futurus, & crucis supplicium subiturus est? Iam verò, si amorem naturarum similitudo conciliat: ecce unigenitus Dei Filius omnibus in rebus (extra culpam) similis nobis effectus est: ecce, inquam, secundum Adam quasi vnus ex nobis factus est, sciens bonum & malum. Rursum si propinquitas consanguinitatis amoris causa existit: ecce summus ille rerum conditor Deus, naturæ fœdere nobis coniunctus, frater & caro nostra effectus est: ut merito illi iam dicere possimus: Hoc nunc os ex ossibus meis, & caro de carne mea. Si eximia item virtuti & bonitati amor ita debetur, ut frequenter eorum virtutibus auditis, quos nunquam vidimus, in eorum amorem incitemur: quæ bonitas cum immensa hac Christi bonitate comparanda est? Maxime autem bonitatis proprium est, se ipsam ubique diffundere, omnesque suæ bonitatis participes reddere, hoc est, omnes bonos, siquæ similes efficere: quoque plus operæ atque laboris in hoc posuerit, hoc maiorem eximiæ bonitatis significationem dare. Quisquis autem & labores quos Christus Dominus pertulit, & laborum causam intelligere cupit, Apostolum audiat dicentem: Tradidit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Quod ergo maius diuinæ bonitatis argumentum, quam tot cruciatus pertulisse, ac se ipsum ad mortem tradidisse, ut homines bonos ac beatos, hoc est, sui similes efficeret? Inter has autem amoris causas præcipua quidē ipse amor est. Quemadmodum enim nihil magis igne quam ignis, ita nulla res magis amorem, quam amor incendit. Recte enim dictum est: Ardet amore pari, qui scit se amari. Itaque aliis quidem quæ nostra sunt largimur: his verò quos diligimus, non res nostras modò, sed nos ipsos quoque donamus: id eo quod multo magis amandi contentione, quam donandi officiis dilectæ rei amor accenditur. Cum autem amor in corde latens externis operibus declaratur, velle planè ut mihi modò non homines solum, sed ipsæ etiam beatæ mentes exponerent, quo alio opere summus ille parens suam erga genus hominum charitatem euidentius declarare potuerit, quam humanitatis nostræ assumptione, & supplicio crucis? Altero enim me sibi copulauit, altero se mihi contulit. Quid enim aliud amor, nisi animorum vnio est? At hic non animorum modò, sed naturarum quoque vnio facta est. Iam verò si lenitas & mansuetudo sic amorem conciliant, ut etiam domestica animalia, quò mansuetiora sunt, eo magis diligamus: quamnam obsecro lenitas &

Sec. 1.

simile.

mansuetudo eum ea quam hodie in puero Iesu cernimus com-
parari potest? Quin ipse quoque habitus & figura corporis fre-
quenter magnum amoris incitamentum est: id quod Deo de-
esse videbatur. Nam cum homines Deum oculis vsurpare non
possent, minus videbantur posse diligere, quem non poterant
videre: ij præsertim qui sensu magis quam intellectu omnia
meritür. Sed ne vel hoc nobis in hac parte deesset, figura quo-
que Deus humana, in qua videri posset, indutus est. Cumq̃ re-
pentè hominibus in ætate iam matura (sicut Angeli cum ho-
minibus apparent) ipse quoque apparere potuisset: noluit nisi
in ea potissimum specie & ætate, quæ maximè nostros animos
in amorem eius accenderet. Ideoque non modò paruulus, sed
etiam pauper, nudus, fasciis ligatus, in præsepio positus, & om-
ni humana ope destitutus, se nostris cōspectibus obtulit: vt hac
ratione attraheret charitas, alliceret benignitas, miseratio fle-
cteret, quos fugarat metus, seueritas terruerat, & fecerat regnī
caelestis extorres. Huius enim ætatis & paupertatis imago Pha-
raonis olim filia animū ita permouit, vt infantulum Moy-
sem (quem pannis inuolutum, mortiq̃ in flumine expositum
viderat) sic diligere cōperit, vt in filium adoptaret: cum nulla
alia vel propinquitatis, vel utilitatis, vel amicitia causa inter-
cessisset. Sit ergo benedictum in secula nomen tuum Domine,
qui talem propter nos habitum & figuram suscipere dignatus
es: vt, si nulla nos alia ad te amandum causa inuideret, hæc pro
nobis misericorditer suscepta forma ad hoc satis abunde q̃ suf-
ficeret. Hinc est quod piorum hominū plurimi, atq̃ ij præser-
tim qui assidua vitæ Domini Saluatoris contemplatione velut
spirituali quodam lacte pascuntur, in hoc sacro præsepio, & in
his infantilibus membris & lachrymis contemplandis, miras
quotidie delicias experiantur. Hinc de B. Margarita (cui co-
gnomen est à castello, Italiæ vrbe, vbi nata atque sepulta fuit)
hoc quoque inter miranda virtutum eius insignia memoratur:
quod frequentissimè in huius mysterij contemplatione versa-
retur, maximisq̃ in eo deliciis frueretur. Cum verò post mor-
tem intestina ab eius corpore extraherentur (quo cadauer aro-
matibus cōditum propter fidelium deuotionem incorruptum
adseruaretur) vbi cor eius ab ea, qua pendebar, intestinorum
parte abscissum fuit, vnio quidā insigni magnitudine & pul-
chritudine non sine ingenti miraculo inde erupit: in quo velut
in tabula quadam Dominicæ Natiuitatis imago sculpta erat,
eademq̃ue virgo genibus flexis ibidem ante Dominicum præ-
sepe collocata. Qui quidem vnio ad hunc vsque diem in sa-
crario domus B. Dominici (cuius illa tertium ordinem pro-
fessa erat) seruatur. Hoc enim insigni miraculo voluit Domi-
nus,

Exod. 1.

aus, quàm gratu- sibi fuisset huius virginis obsequium, mortalibus cunctis esse testatum. Quod ideo à me dictum est, fratres, vt venerandi huius mysterij imaginem non tam margaritis vel tabulis, quàm animis vestris inculperem: quæ vos ad speciosissimi huius infantis amorem incendat.

IIII.

Ex iis ergo omnibus animaduertere licet, quàm efficax humanitas Christi medicamentum fuerit, vt charitatis languorem ab animis nostris excuteret, nosq. amore sui vehementius inflàmaret. Nec enim hic vna solum amoris causa intercessit, sed omnes quotquot animo concipi & cogitari possunt: ex quibus omnibus cataplasma quoddam, seu potius efficacissimum medicamentum charitatis nostræ languori curando, à diuina sapientia excogitatum est. Cuius medicamenti vim Saluator Lucæ 18 ostendit, cum ait: Ignem veni mittere in terram, & quid volo nisi vt accèdatur? Quid enim aliud est, ignem mundo immittere, quàm tot tantaq. beneficia in vnus hominis salutē congerere, vt secundum ligna siluæ (hoc est, beneficiorum & donorum multitudinē) sic amoris eius ignis exardesceret? Quod Ecclē 28 quia futurū olim in spiritu Propheta præuidebat, amoris huius desiderio incensus, posteaquam dixisset, Vinā disrumpē. Isaïæ 64. res cælos, & descenderes, à facie tua montes defluerent; adiecit etiam, Aquæ arderent igne. Hoc enim descensu Saluator duplici morbo nostro medicinam adhibuit: nam & monte, hoc est, superbos homines, humilitatis suæ exemplo (vt paulo antè dicebamus) ad humilitatem compulsi; & aquas, hoc est, algentia diuino amore pectora, tot impensis beneficiis in Redemptoris sui amorem accendit. Exstat autem in sacris literis elegantissima huius rei figura, quam hoc in loco proponere non grauabor: Obiit filius mulieris illius quæ hospitio Heliseum excipere solebat. Ad quem vir Dei, à defuncti pueri matre rogatus, seruum suum misit, vt super defuncti corpus baculum suū poneret: quo tamen mortuus ad vitam reuocari non potuit. Venit ergo serui dominus, vt mortuo vitā redderet, quam seruus baculo reddere nō potuit. Sed quonam modo reddidit? O mirandum diuinæ sapientiæ consilium! Inebuit super mortuum puerū Propheta: & quia puer exigua statura erat, necesse fuit, vt is qui erat procerior, corpus suum contraheret, vt se ad pusilli corporis mensuram accommodaret. Quo facto, dum Propheta puero incubat, pueri caro calefacta est: & sic tandem vitali calore resumpit, oculos mortuus aperuit, & vitæ redditus est. Hactenus historia rei gesta: nūc ad mysterium veniamus. Quis enim adeo stupidus erit, vt hanc rem mysterio vacare credat? Cum enim cōstet vel ex ipsius operis excellentia (quæ

omnem naturæ vim superat) hoc opus solius Dei esse, nihil hic frustra aut temere factum fuisse fatendum est, sed omnia non minus diuino cōsilio quàm virtute gesta. Quid verò hic conuenientius, quàm salutis & resurrectionis nostræ mysterium adambriari potest? Hic enim mortuus humani generis imaginem exhibet: quod gustato arboris interdictæ cibo, nō corporis solum, sed etiam animæ mortem incurrit. Ad quod tamen ab hac spiritali morte suscitandum, seruum suum Moysen Dominus misit, Legis baculum ferentem: quo videlicet diuinæ seueritatis virga ante oculos hominum posita, metu saltem diuinæ iustitiæ à peccati morte (qua detinebatur) coercerentur. Hoc tamen remedium homini effrenata mente in vitia ruenti satis nō fuit: quia neminem ad perfectum adduxit Lex: quæ cum Spiritum non haberet viuificantem, sed literam occidentem; vitam, quam non habebat, mortuo reddere non poterat. Quid igitur? An in perpetua morte homo detinendus erat? Nullo modo. Venit enim ipse Moyses Dominus ad mortuum. Et quid tandem fecit? qua ratione vitam mortuo contulit? Incubuit super puerum: & qui grandior erat, ad defuncti se formam arctauit: quando qui Deus magnus erat, & Rex magnus super omnes deos, paruulus (vt Isaias ait) ac nobis similis fieri dignatus est: quando stabulo capitur, qui continet mundum, iacet in præsepio, quem amplissimi cælorum orbēs contripere non possunt. Altissimus igitur ille Deus (vt D. Bernardi verbis utar) inclinatur iacenti, & quatur paruulo, cæco applicat lumē oculorum suorum, osculo soluit os murum, & manus emortuas roborat cōtactu. suarum. Sæuiter ista rumino, replenturque viscera mea. Hactenus Bernardus. Hoc igitur tanto beneficio excitatus homo, oculos, quos ipsa mors clauserat, primum aperuit. Vbi igitur apertis oculis tantam erga se conditoris sui bonitatem, benignitatem, charitatem, & misericordiā agnouit; ubi altissimum illum Deum propter se in humanitatis assumptæ specie cōtractum, & in præsepi inclusum animaduertit; miro modo in clementissimi redemptoris sui amorem exarsit: quo ardore incensus, vitam (quam à Deo recedens amiserat) simul cum charitate percepit. Ita factum est, vt quod nec Moyses, nec Lex, nec propositæ à Lege minæ impetrarunt, huius beneficii magnitudine nobis donatum sit. Hoc est autem quod in Cant. Sponsa representat, dum Sponsum inducit ad ianuas suas noctu pulsantem, plurimisq. propositis querelis aditum deprecantē. Cumque nihil ad hoc verba precesque proficerent, misisse is dicitur manum suam per foramen: quo factum est, vt hoc eius tactu, sponsa tremefacta, surgens proinus clausas illi fores aperuerit. Itaque toto illo

Hic. 7.

Hic. 7.

Hic. 5.

illo tempore quo Sponsus verba solidum fundebat, obscuruit sponsa, nec aperire ostium voluit: at cum tactus ille diuinus verbis additus est, quo videlicet natura diuina & humana in unam coiere personam, non potuerunt se humana pectora continere, quin tantam erga se Dei charitatem ac bonitatem admirarentur, diligerent, & obstupescerent. Hinc tota mundi facies immutari, hinc extincta religio reuiuiscere, hinc fugata iustitia redire, hinc misericordia & veritas sibi inuicem obuiare, hinc tot vitiorum monstra & truculentæ feræ è mundo eliminari, & pro feris innocentes & mansueti agni (sicut Ilias olim vaticinatus fuerat) emergere, ac postremo hinc noui homines in mundo existere coeperunt.

Quæ cum ita sint, fratres; qui fieri potest, vt, qui tam multis ad amorem Dei, & virtutis studij stimulis excitamur, adeo in hac parte torpeamus: cum alias effrenato impetu ad terrena celeriterque inieritura bona feramur? ad hæc propi alacresque sumus; ad ea verò quæ Dei sunt, velut plambeos gestamus pedes? Si igitur medicina hæc adeo efficax est, quomodo huic communi generis humani morbo non medetur? Sed non est difficile huius rei causam diuinare. Quid enim iuuare medicamenta poterunt, quamlibet salutaria sint, si in apotheca seruata nunquam curando vulnere admoveantur? Exponam hoc apertius: Vulnus hoc in animo nostro situm est, qui amore sui saucius, Deo neglecto, ad se ipsum omnia referenda putat. Huius autem vulneris medicamentum Christus nobis ex diuina & humana natura confectum in mundum attulit. Illud verò cordibus nostris tunc admoventus, cum pio, quod iam affectu tantam erga nos Dei bonitatem, charitatem, & misericordiam sedulo cogitamus, particulamq. diei vel noctis in hac pia meditatione insumimus. Tunc enim res ipsa declarat, quantos pia hæc exercitatio amoris ignes in pectore nostro accendat.

Simile

Quod quidem illuminatione cæci nati Saluator adumbravit: cuius tenebras, luto ex terra & salina oris sui confecto, oculisq. cæci ad moro, repulit. Quid autem est salina terræq. admixtio, nisi Verbi, quod processit ab ore Dei, cum mortalitatis nostræ puluere coniunctio? Hoc igitur, fratres, collyrium mentis vestræ oculis assidua cogitatione admove: sicut enim fieri, vt tantæ salutis authorem diuino lumine agnoscere, ardentissimo illum amore diligatis.

Ioan. 9.

Ex his ergo quæ hætenus dicta sunt, colligere licet, fratres, quoniam modo natiuitatis Dominicæ humilitas efficacissimum fuerit medicamentum ad superbiam nostram comprimendam, charitatem inflammandam, & spem in Deum corroborandam. Ceterum quævis hæc ipsa ad has tres præstantissimas virtutes

(quas modò commemorauimus) plurimum adiumentū affe-
rant (quod apertè res ipsa indicat) non minùs tamen nobis ti-
moris quàm amoris & spei materiā præbent. Maximè enim
propriū diuinæ prouidentię est, perfectissima nobis ad vir-
tutem adiumenta conferre, rursusq. districtam valde à nobis
eorundem rationem exigere. Prius autem illud cū ex multis
aliis, tum præcipuè hodierno B. Stephani Protomartyris exem-
plo discimus: quem Dominus admiranda quadam ratione ad
passionis tolerantiam roborauit. Cælos enim illi aperuit, glo-
riam suam, & Filiū ad Patris dexteram sedentē ostendit. Quis
ergo cælos apertos, & Dei gloriam cernens, nō libenter ictus
lapidum sustineret? imò verò quis inter mortales, etiā si con-
fessorum hominum vitas vnus haberet, non eas propter Deum,
hoc proposito spectaculo, promissiū morti offerret: quando
non iam post mortē, sed ante mortem cælum sibi patefactum,
ac paratam coronam & gloriam oculis vsurparet? Quo minùs
mirandum est, si Martyr inuictus, postis genibus, pro se lapi-
dantibus Dominum orauerit, cū animaduertet illorum ra-
bie ac furore tantam sibi gloriam parari. Nunquā enim nec
patētes cælos, nec Dei gloriam cerneret, nisi improborum ho-
minum furor aduersus illum incanduisset. Hoc igitur argu-
mento intelligere licet, fratres, quibus nos diuina prouidentia
munimentis aduersus hostium impetum sepiat, & quibus ad-
iumentis ad pietatis & iustitię studium instruat. Quo autem
maiorē sunt adiumenta quæ præbet, eo districtius à nobis ra-
tionem exiger, si, tamquam inertes serui, talenta nobis credita
malè collocauimus. Quæ ex re apertè videtis, hæc diuina bene-
ficia, quæ hactenus commemorauimus, vt piis ac diligentibus
spei & charitatis materiā subministrant, ita contrā stertenti-
bus ac negligētibz non paruā timoris causā præbent: cū
tales nihil in supremo illo iudicio habeant, quo negligentiam
& flagitia sua tueri ac defendere possint. Hinc Leo Papa ho-
dierna die non ad lætitiā modò, sed ad salutarem quoq. me-
rum, propōita huius beneficij magnitudine, vnumquemque
fidelium hortatur, dicens: Pretium tuum, ô Christiane, Chri-
stus est, qui veritate te iudicabit, qui misericordia te redemit.
Itaque habēda semper ante oculos illa Domini Saluatoris sen-
tentia est: Cui multum tributum est, plus exigent ab eo. Quo-
circa enitendum nobis est, fratres, ne in vacuum gratiam Dei,
hoc est, tot salutis nostræ adiumenta & medicamenta recipia-
mus: sed illorum ope adiuti, in huius vitæ curriculo strenuè la-
boremus: vt post illud tandem æternæ gloriæ coronam, Do-
mino tradente, percipere mereamur.

Leo Papa

Lucæ 2

IN EODEM FESTO NATALIS DO-

MINI. CONCIO QVARTA: QVÆ RATIONEM explicat, propter quam Dei Filius in tanta ad nos humilitate venire, & in tanta paupertate nasci dignatus fuerit.

THE. Peperit filium suum primogenitum, & pannis eum inuoluit, & inclinauit eum in praesepio: quia non erat ei locus in dixerio. Luca 2.



VAM ingens hodie mundo salus nascentis Christi beneficio fuerit allata, non obscure cæcæstis nuncios mirantibus ac trepidantibus pastoribus declarauit, cum ait: *Annuncio vobis gaudium magnum, quod erit omni populo: quia natus est vobis hodie Saluator, qui est Christus Dominus, in ciuitate David.* Magnum enī gaudium de Salvatore nato, magnam vtique salutem, singularem gratiam, summum beneficium, & copiosissimam indicat redemptionem. Vnde meritò sacris hīc diebus Ecclesia frequenter illum Davidis versiculum repetit: *Apud Dominum misericordia, & copiosa apud eum redemptio* Hanc autem salutis & redemptionis abundantiam idem Vates alibi explicat, cum de Domino Salvatore loquens ait: *Visitasti terram, & inebriasti eam: multiplicasti locupletare eam.* Totus deniq; hic Psalmus sub ebrietatis, pinguedinis, & fluuiorum nominibus hanc diuinæ gratiæ vbertatem magnifica oratione describit. Quis autem multiplices & imperuestigabiles diuitias, quis tot salutis medicamenta & remedia, quis tot eius in nos collata beneficia, tot Sacramenta, tot mysteria, tot salutaria Euangelicæ philosophiæ documenta, tot clarissimarum virtutum exempla, tot diuini amoris igniculos, tot ad pietatem & iusticiam incitamenta, tot denique ad immortalem vitam consequendam adiumenta, non dico explicando consequi, sed enumerando percensere queat?

Sed obiiciet fortasse aliquis: Si tam copiosa hæc Christi redemptio est, cur inter ipsos Christiani nominis proflores tam multi sunt qui pereunt hoc est, tam multi ad quos huius beneficii gratia non pertingit? Non erit difficile huic quæstioni respondere, si ea reperam quæ in superioribus cōcionibus attigi. Quid enim me pudebit res admodum necessarias sæpius inculcare, si vos non pudet easdem frustra sæpius audire? Nam

cum animarum salus nobis sit, qui docēdi munus sustinemus, in primis propōita: tunc easdem res frequenter & assidue repetendi finem faciam, cum vos praeſtandi quae à me dicuntur initium feceritis. Quod etiam in causa esse D. Chrysostomus dixit, ut, quātum sit in periuriis flagitij, numquam cesset oratione amplificare, quia se hominēs à praua iurandi consuetudine nolent continere. Vt igitur ad causam accedamus: quoniam modo summa haec Christi beneficia atque myſteria (quae carbōis ignis congerunt super caput nostrum) cor nostrum igne diuini amoris incendunt, si nos ad hunc ignem non accedimus, si diuina haec myſteria meditari negligimus; ut hac ratione aliquis diuini amoris in meditatione nostra exardescat ignis? Nec enim ignis longē distantes, sed propē accedentes calefacere solet. Quis autem tam ferreus erit, qui si ad sacrum hoc praeſepe accedens, ex altera quidem parte celsitudinē tantae maiestatis, ex altera verō deiectionem tantae humilitatis fuerit contemplatus, non totus prae amoris & admirationis magnitudine stupeſcat? Verumquē enim sanctus Euangelista Ioannes initio statim Euangelij sui nobis ante oculos ponere voluit, cum Verbum caro factum inter nos habitasse dixit. Posteaquam enim mira de hoc Verbo praefatus esset, quōd videlicet in principio erat, quōd apud Deum erat, quōd Deus erat, quōd vita simul & lux hominū erat, quōd omnia per ipsum facta essent: ab hoc velut altissimo rerum cardine se demittens, appoſito flore Graecae linguae articulo subdidit: Et illud Verbum (de quo videlicet haecenus tam multa & magna dicta sunt) caro factū est: illud (inquam) Verbum ad carnis sese humilitatem inaudita quadam & stupenda charitate deiecit, & habitauit in nobis. Itaque magnus illē Dominus, qui tamquam Vnigenitus Dei habitat in ſinū Patris, qui candor est lucis aeternae, & speculum sine macula maiestatis Dei, qui lucem habitat inaccessibilem, qui sedet ad dexteram maiestatis in excelsis, qui inter choros graditur Angelorum, qui ambulat super pennas ventorum; hic inquam tantus Dominus inter nos habitare dignatus est: in hoc videlicet exilio, in hac erumnarum valle, in hac mortuorum animantium regione; quodque mirabilis est, cum ethnicis & publicanis, & impuris hominibus habitare, versari, & vici non erubuit. Vide quā simplicibus verbis tantum hoc myſterium Euangelista sit complexus: quod nemo tamē dignē estimare poterit, nisi qui illius diuini Verbi maiestatem & celsitudinem Spiritus sancti illustratione cognouerit.

Sed diceris forsitan: Cum multa in hoc sacro myſterio sese nobis cogitanda offerant, quid praecipuē tractandum censes? Non video quid possit pro huius temporis ratione commodius animo

animo volui, quam quod D. Bernardus Virgini sanctissime tri- Bernard.
buit his verbis: Stat perterrita tantis miraculis Regina celo-
rū, & miratur quomodo qui sic potuit venire, sic voluerit sub-
uenire. Cum igitur nihil in hoc tanto mysterio sit non mira-
bile; hoc tamen maxime mirabile esse videtur, quod in hac
tanta humilitate & paupertate Dominus maiestatis ad nos
venire dignatus sit. Hoc igitur deuotissimo pectore sacra Vir-
go cum incredibili suauitate & admiratione tamquam mun-
dissimum animal ruminabat. Hoc idem a nobis huius diei sa-
cramentum exigit: quod ut nos etiam pio deuotionis affectu
præstare valeamus, cælestem opem, eiusdem sacre Virginis in-
teruentu, suppliciter imploremus.

AVE MARIA.

Perperit filium suum primogenitū, & pannis, &c. *Tanta est, fratres*
mei, huius mysterij atque horum verborum celsitudo, tantus
splendor, ut, quo magis in illud oculos figimus, eo magis ani-
mus deficiat, lingua hæreat, & mēs stupeat. Antequam sol ori-
atur, ut D. Chrysologus ait, facile quisque potest oculos in
orientē conicere: sed ubi sol ortus est, adeo splendore suo ocu-
lorum aciem perstringit, ut ab infirmis oculis videri minime
patiatur. Hoc idem in huius noui Solis ortu nobis euenisse vi-
deo: qui immensa bonitatis suæ splendore (quā nobis hoc opere
declarauit) ita mentis nostræ aciem hebetat, ut ad tantæ lucis
radios incipiat caligare. Quod si mens ipsa & cogitatio caligar,
quomodo illud balbuties lingua poterit explicare? Sicut enim
mens deficit mysterio, ita lingua menti deficit. Recte enim a
D. Bernardo dictū est: Quidquid de indicibili dicitur, eo ipso
quo dici potuit, minus sapit: hoc est, minus suauiter explicatur
quod animus deuotē concipit. Quod planè nō ad solam diui-
nitatis celsitudinem, sed ad ipsam quoque sacra humanitatis
humilitatem referri merito potest: quæ magnitudine sua om-
nem dicendi facultatem superat. Neque ideo tamen Dominus
elinguens nos & mutos hodierna die esse patitur, qui Prophe-
ta ore dicit: Notas facite in populis adinuationes eius: hoc est,
admiranda cōsilia & rationes, quibus nos a sempiterni generis
humani hoste, & a morte perpetua vindicauit. Quæ nō modo
in finitimis locis, sed in insulis etiam quæ procul sunt, & in
omnibus terrarū finibus euulgari præcepit. Propter hoc enim
in die Pentecostes omnes gentium linguas in vna Apostolo-
rum lingua voluit copulari: ut in omnibus gentibus & linguis
hoc summum salutis humanæ mysterium nunciaretur. Sicut
enim (ut Cyprianus ait) dum Babylonica turris fabricaretur,
linguas diuisit, ut insolentes homines a temeritatis & superbie
iuani opere recuocaret: ita contrā ad hoc salutis mysterium

simile?

Simile
Bernard.

*Populi in vni-
uersa magna
erat luxura
ergo lux*

*Illud propri-
um inquit infanti-
um sapientia
N. per 24.*

Itaque in

in primis in ang

vniverso orbi prædicandum, omnesque gentes in vnitatem fidei copulandas, omnes earum linguas in Apostolis vnauit. Quia igitur linguarum nostrarum obsequium à nobis hodie Dominus requirit, hæc saltem Euangelistarum verba, quæ proposuimus, pro tenuitate ingenij nostri explanare incipiamus.

Peperit (inquit) filium suum primogenitum, & pannis eum inuoluit, & reclinauit eum, &c. Quid hic primum mirer? quid primum dicam? An quòd Dominus maiestatis rãtus ad tantillos venerit: an quòd in tanta humilitate venire dignatus sit? Sed omittamus nunc quòd ad nos talis tantusq. Dominus venerit (de hoc enim in alijs huius sacri temporis cõcionibus dictum est) expendamus nunc quonam modo ad nos venire voluerit. Hoc enim est quòd S. Euangelista in his, quæ proposuimus, verbis insinuauit. Cur, quæso, Domine, in hac tanta humilitate & paupertate ad nos venire decreuisti? Cur qui sedes super Cherubim, & intueris abyssos, in infimo mundi loco, hoc est, in stabulo & præsepio nasci voluisti? Quis hoc sine summo diuinitatis consilio factum esse credat? Huius ergo diuini consilij causas excurrere incipiamus. Principiò illud statuedum est, hoc præcipuè summo illi bono in omnibus operibus suis propositum esse, vt primum quidem gloriam suam illustrare, deinde vero salutem nostram promouere & amplificare velit. Hæc enim velut duo omnium diuinoorum operum signacula sunt: nempe gloria Dei, non quidem sola, sed cum utilitate nostra cõiuncta. Ad vtrumque autem parandum nihil planè diuinius, nihil conuenientius, quàm huius loci humilitas, poterat excogitari.

Ad eius enim gloriam (vt hinc exordiamur) hoc maxime expediebat, vt hac ratione declararet, se non loci aut externarum rerum apparatu & dignitate illustrem reddi, qui natiuo virtutum magnaliumq. suorum splendore omnia poterat loca, quolibet humilia, nobilitare. Sic enim posterius Hierosolymæ templum (quod structura & opibus priore longè inferius erat) sola maiestatis suæ præsentia sic honorauit, vt per Prophetam dicat: Maior erit gloria domus istius nouissimæ, quàm primæ. Sola enim dignitatis eius præsentia, omnibus Salomonis opibus structurisq. mirandis infinitis partibus superior erat. Idem videmus opifices argentarios in operibus suis efficere. Aurum enim, quod splendore suo fulget, nunquam auro regunt: at inferiora metalla, quem ex se nitorem non habent, ab ipso mutant auro. Sic igitur cum Rex noster clarissimus per se & splendidissimus esset (vt pote qui est candor lucis æternæ, & splendor paternæ gloriæ) non magis egebat externo mundi apparatu vt talis appareret, quàm Meridianus sol lucerna aliqua vt cerni possit. Reges quidem terrarum, cum nihil exteris hominibus natura

Exd. 3.

Aggei 2.

Simile.

Simile.

natura

natura præstent, famulorum atque satellitum apparatu, externisque opibus maiestatem, quam in se non habent, ostendant: at qui non fortuna, sed natura Rex regum est, & Dominus dominantium, hoc cultu & nitore exterius quæsitum non egebat, cum ipse rebus omnibus nitorem atque decorem sua virtute largiatur. Quia igitur tanti huius Regis maiestate nullus in terra dignus locus inueniri posset, infimus illi certe maximè conueniebat: quo apertè demonstraret, se nequaquam à locis honorem, sed loca potius ab ipso gloriâ & honorem percipere.

Hæc quidem vna causa loci huius eligendi fuit, sed non summa. Præcipua enim huius abiectionis causa, salutis nostræ procuratio & amplificatio existit. Nihil enim is (ob proximam in nos charitatem) maiestate sua putabat indignum, quod modò ad salutem nostram esset commodissimum, quamlibet ei difficile esset & abiectum. Perfectus enim amor nõ accipit de difficultate solatium, nec de impossibilitate remedium. Nam qui leuiter amât, facile quauis laboris occasione à cepto amicitia opere desistunt. At qui vehemèter amant, tantum abest vt laboribus & rerum asperitate frangantur, vt hac occasione magis ac magis ad omnia hæc impedimenta superanda roborentur, nec sibi vlla in re parcant, modò illum iuuent, quem ardentè amant. Quod Isaias Propheta apertè insinauit: qui vbi Dominum maiestatis paruulum propter nos effectum esse prædixit, cum intelligeret omnes protinus huius tantæ dignationis causam quæsituros, illam protinus subiecit, dicens: Zelus Isaiæ. Domini exercituum faciet hæc. Zelus autem præcipuus amoris effectus est; non cuiuscumque, sed vehementissimi & flagrantissimi; qui hoc potissimum captat, ne quisquam ei in amoris ardore præferatur. Hac ergo de causa se totum homini dedit, vt se totum illi homo vicissim traderet, quemadmodum se totum vir tradit vxori, ne se illa alteri tradere velit. Hoc autem amoris summi opus fuisse declarat D. Dionysius his verbis: Audendum est & hoc pro veritate dicere, quòd Deus ex vi charitatis extra seipsum sit. An non ergo extra seipsum quodammodo factus est, qui, cum in forma Dei esset, peregrinam hominis naturam assumpsit, & in hoc inferiori mundo inter homines peregrinari, & in præsepio collocari voluit; vt, qui in cælis est Angelorum, in terra pabulum fieret iumentorum?

Hæc item ardentissima eius charitas fecit vt nõ modò alienam sibi hominis naturam copularet; sed etiam vt aliena delicta in se expianda suscipere. Simul enim cum humana natura humanæ quoque naturæ debita pius pro nobis fideiussor accepit. Quid enim aliud ille vetus vrens, qui infinitam locustarum

simile

Dionysius

Exod. 16.

rum multitudinem Aegypti terram deuastantem impetu suo
 abripiens suffocandam proiecit in mare rubrum, nisi ardenti-
 mam Christi charitatem significat, quæ illum impulit, ut om-
 nia omnium sæculorū scelera in se susciperet, & ea in mare ru-
 brum proliceret: hoc est, pretiosi sanguinis sui vnda perpetua
 obliuione sepeliret: Hoc enim Propheeta indicauit, cum ait: De-
 ponet omnes iniquitates nostras, & proiciet in profundū ma-
 ris omnia peccata nostra. Quod igitur ætate prouectior factu-
 rus erat sanguine, nunc infantilibus laboribus feliciter auspi-
 catur. Huius ergo rei gratia, vix dum natus, nuditatem, pau-
 pertatē, frigus, lachrymas, hospitij vilitatem, & lectuli asperita-
 tem experitur: ut pro nostris se sceleribus affligens, inopia sua
 luxum nostrum, humilitate sua superbiam nostram, lachrymis
 suis vana gaudia nostra, & frigoris atq. laborum suorum aspe-
 ritate delicias nostras inciperet expiare. Disce igitur homo (in-
 quit Bernardus) quanti Christus fecit te, ex his quæ factus est
 propter te: quia quanto pro te vilior, tanto tibi debet esse cha-
 rior: quando vilitas ista nobilitandi tui causā suscepta est. Di-
 cetiam tu quoque pro te; hoc est, propter flagitia tua animū de-
 mittere, labores suscipere, lachrymas fundere, delicias fugere,
 & asperioris vitæ propositum minimè formidare. Si enim hoc
 pro te paruulus adhuc facit, quid tē propter te facere par est? Il-
 le Deus omnipotens, tu vilis hominūcio: ille ab omni peccato im-
 munitus, tu omnibus flagitiis coopertus: ille bonis tuis non indi-
 get, tu citra illius præsentem opem ne spirare quidem vales. Si
 ergo qui sceleribus tuis prouocatus te flagellis cōficere debuif-
 set, in se ipsum flagella tibi debita retor sit: quomodo tu, cuius
 sunt crimina, cuius criminū pœna, cuius pœnitentiæ lucta, cu-
 ius deniq. tota hæc salus & causā est, rides ac deliciaris? Certè
 vix vlla res est, quæ apertius mihi maximam Dei nostri boni-
 tatē, maximamq. hominis malitiā & amentia explicare possit.
 Si quis enim oculos suos aliquantisper in illius supernæ celsi-
 tudinis contemplatione defigat: deinde acerbiter dolorum
 atque laborum, quos pro nobis Dominus maiestatis pertulit,
 simili modo consideret: at deinde causam huius tanti laboris
 inquirens, non vllum eius lucrum aut emolumentum, sed so-
 lam ipsius bonitatem & misericordiam esse deprehenderet: de-
 inde verò eisdem oculos ad mores hominū flecteret, eorumq.
 ingratum animū, fœcordiam atque perniciam animaduert-
 eret: quomodo non totus in admirationem ecstasimq. ra-
 peretur, tantam in Deo bonitatem, tantamq. in homine per-
 ueritatem cōsiderans? Rectè planè D. Bernardus: Fratrēs, la-
 chrymæ Christi mihi & pudorem pariunt & dolor. Ludebam
 ego foris in platea, & in secreto regalis cubiculi super me fere-
 batū

Mich. 7.

Bernard.

Bernard.

Bernard.

Bernard.
in Herm.
Nat. D.

batur iudicium mortis. Audiuit hoc Vnigenitus eius: exiit posito diademate, sacco vestitus, aspersus cinere caput, nudus pedes, flens & eiulans quod morte damnatus esset seruulus eius. Intuor illum subito procedentem, stupeo nouitatem, causam percontor & audio. Quid facturus sum? Ludam ac deludam lachrymas eius? In hoc ergo temporis articulo quid aliud est ludere, quam Christi lachrymas deludere? Compatur Filius Dei & dolet, homo patitur & ridebit? Inspiciens planè sim si hoc egero. Hactenus Bernardus. Hæc igitur præcipua lachrymarum Christi, hæc tantæ humilitatis, pauperatis, & abiectionis causa exiit.

Est & alia non inferibr, quod videlicet hæc ratione ad spirituale ac cælestē vitam exemplo suo traducere carnales homines volebat. Ad hoc autem cōmodius intelligendum, paulo attentiores aures mihi vos, fratres charissimi, exhibere modò vellem. Illud igitur primum meminisse oportet, hominem ex carne & spiritu, altera videlicet parte cælesti, altera terrestri cōstare: atq; illum proinde vitamlibet maluerit vitam, siue carnalem siue spiritualem, viuere posse: spiritualem verò vitā tanto esse carnali præstantiorem, quanto cælestia terrenis, & spiritualia carnalibus anteferuntur. Quæ cum ita sint, liquet planè humanæ vitæ perfectionem in eo sitam esse, si quis infima animæ suæ parte compressa, & in seruitutem spiritus redacta, diuinam illam mentis suæ portionem excolere, & virtutibus ornare numquam intermittat. In hoc enim præcipue Euangelicæ doctrinæ perfectio posita est: per quam fideles, terreni hominis vetustate deposita, non induunt qui secundum Deum creatus est, & in terris positi cælitum vitam & mores imitantur. Id adeo verum est, vt, si quis quod sit præceptum inter perditos & sanctos viros discrimen à me requireret, hoc planè assignarem; nempe sanctorum virorum proprium esse, in infima hac animæ portione subacta, supremam illam atque planè diuinam diligentissimè curare, illique honestæ atque orandæ perpetuò incumbere. Contrà verò perditorum hominum vel solum, vel maximè proprium munus esse, nobiliori sui parte neglecta, patrimonium, censum, familiam augere, ac deinde curas omnes & omnia vitæ studia in fœdæ carnis & ventris obsequium destinare: vt non immeritò hanc adeo indignam curam Seneca demiratus dixerit: *Dij boni, quantum hominum vhus venter exercet!* Itaque isti tamquam bruta animalia ita viuunt, quasi corpus tantum, non etiam mentem, haberet: illi contrà instar beatarum mentium sic vitam instituunt, vt (quemadmodum D. Hieron. ait) in carne degentes, non secundum carnem viuant: quoniam in carne ambulantes,

August.

non secundum carnem militant. Hoc igitur (ut cetera omittam) præcipuum inter perditissimos & sanctissimos viros mihi discrimen esse videtur: quod quidem non penitus absimile est ab eo quod D. Aug. designauit, cum amorem sui usque ad contemptum sui, Hierusalem ciues constituere prudentissime dixit. Sed heu nunquam satis deplorandam miseriam, quod, cum hæc ita sint, humana tamquam natura ob communem peccati morbum sic inuersa fuit, ut homo sibi ipsi relictus, & diuina ope destitutus, nihil aliud quam carnis suæ atque terrenarum rerum curam meditari gestiat! Sic enim illum affecit, imò intecit primum ille homo de terra terrenus, ut nihil ex se nisi terrena solum capere posset. Venit ergo secundus homo de cælo cælestis, qui nos Spiritu & exemplo suo à terrenis abductos ad cælestem vitam erigeret: quam quidem homo secundum meliorem sui partem, Deo ramen illi opem ferente, vitare potest. Ad hoc ergo Saluator à cælo venit in mundum, ut ad cælestem vitam secum homines subleuaret. Ad hoc hominem assumpsit, ut homines diuinæ naturæ consortes efficeret. Ad hoc denique Verbum Dei carne vestitum est, ut nos, qui carnales eramus, diuini Spiritus beneficio ad spiritualem ac diuinam vitam attolleret. Ceterum quoniam ad hoc necesse erat (ut antè diximus) terrenam atque carnalia contemnere, & cælestia atque diuina (quantum homini fas est) meditari: ideo Saluator, omnibus his rebus destitutus, in summa paupertate, humilitate, atque asperitate natus est: ut suo nos exemplo à tergenis abstractos ad cælestia atque diuina traduceret: nec enim ad huius tantæ dignitatis fastigium sine terrenarum rerum contemptu peruenire cuique licet. Ut hoc autem vitæ genus mortalibus in diuersum propensum persuaderet, à paupertate & terrenarum rerum contemptione vitam auspicatus est: ut in summo pretio haberemus, quod is, mundum ingrediens, primo quoque tempore docere voluit. Sicut enim è mundo per mortem decedens, inter cetera virtutum suarum insignia dolorum atque laborum patientiam exemplo suo commendauit: ita mundum ingrediens, paupertatem spiritus, hoc est, terrenarum rerum contemptum (quam inter octo Christianæ vitæ beatitudines primo loco recensuit) mortalibus imitandum proposuit. Itaque cælestis ille magister, qui ad homines docendos è cælo descendit, duas sibi ad hoc delegit cathedras: alteram in præsepio, alteram in cruce: in quibus duas hominibus lectiones tacendo legeret. Prior enim lectio paupertatem spiritus, posterior verò laborum (ut dixi) patientiam docet. Cum autem post Apostolos & Prophetas duo sint præcipua Ecclesiæ ornamenta; alterum, innumerabilis exercitus

marj.

martyrum; alterum, myriades anachoritarum & monachorum
 (quibus præcipue Aegypti & Syria deserta completa fuerunt)
 ex hac quidem posteriori schola Martyres; ex illa anachoriti &
 monachi prodierunt. Neq. ij solum, sed innumerabiles quoque
 alij, qui deinceps in sequentibus ætati bus vitæ inopem & aspe-
 ram propter Christum elegerunt. Quis enim iam corporis in-
 cōmoda horrere possit, qui Dominum maiestatis videat ea ipsa
 non solum elegisse, sed etiā electione sua nobilitasse? Quis fac-
 co indui vereatur, si Regem ac principem suum eodē humili-
 tatis habitu indutum cernat? Memoria proditum est, Cyrum
 Persarum Regem (qui populo suo gratissimus existit) ad unco
 fuisse naso: quod intet illius gētis homines, propter summā er-
 ga principem charitatem, pulchrum esse iudicabatur. Aristote-
 lem verō gibbo depressum fuisse tradunt: quam corporis defor-
 mitatem discipuli (quibus ille vāicē charuserat) pulchritudinis
 loco ducebant: quoniam in vehementer ad amato corpore ipsi
 quoque nati a manibus nonnunquā decori sunt. Si ergo Cyri
 & Aristotelis auctoritas tantum potuit, vt, quæ natura de for-
 formia erant, pulchra iudicarentur: cur nō apud nos tantū aū-
 thoritas Christi Domini ac Seruatoris nostri valeat, vt quæ se-
 culi homines, errore delusi, in malorum numero ponunt, nos
 vel ob hoc ipsum, præclara existimemus, quod ea summa Dei
 Sapientia & in se suscepit, & auctoritate sua cōprobavit? Hoc
 autem ad institutionem nostram factum esse, D. Augustinus
 exponit his verbis: Omnia bona terrena contempsit homo fa-
 ctus Dominus Iesus, vt contemnenda monstraret: & omnia
 mala sustinuit, quæ & sustinenda præcepit: vt nec in illis quæ-
 reretur felicitas, nec in istis infelicitas timeretur.
 Hoc ergo Domini exemplo ita mundi faciēs immutata est,
 vt multi mortales, qui terrenis bonis perpetuō inhiabāt, subito
 mutata mente, spreis opibus ac deliciis, contempta seculi va-
 nitate, pietatem & iustitiam colerent, & celestē in terris vitam
 meditarentur. Quorum innocentiam plerisque in locis Isaias
 in spiritu varicinatur, vt cū ait: In die illa cantabitur canti-
 cum istud, Aperite portas & ingreditur gens iusta, custodiens
 veritatem: siue, vt alij vertunt, seruans pactum. Quibus verbis
 Propheta inuit, iustitiæ portas (quas David aperiri sibi postu-
 labat, quæ vsque ad id temporis penē clausæ erant) modō iam
 Christo ad nos veniente apertas fuisse, per quas gens iusta in-
 gredi deberet. Daniel verō in aduentu Christi peccatum eli-
 minandum, & iniquitatem profligandam, & sempiternam iu-
 stitiam adducendam, varicinatur. Quæ quidem varicina vbi
 attendis confidero, & cum nostrorum hominū moribus con-
 fero, intelligo planē antiquis fuisse varicina, nobis autem op-
 probriū

simile.

simile.

simile.

August.

Isaia 16.

Psal. 117.

Matth. 23.
& 65.

probris; & his certè rebus declarari non quales simus, sed quales exemplo & beneficio Christi esse deberemus. Iam rursus, nullos in hoc tempore futuros in mundo lupos, nullos vrsos, leones, atque serpentes vaticinatur: sed omnes agnorum mansuetudinem imitatueros. Quod quidem olim initio nascentis Ecclesiae impletum fuisse non dubito: at nunc quàm multos videmus lupos, qui aliena rapiant? quàm multos leones, qui sanguine pauperum alantur? quàm multos vrsos, qui se totos voracitati dedant? quàm multos serpentes, qui inuidia atque odij lethali veneno infecti, aliorum felicitate torquentur, aliorum vitæ insidientur, aliorum famam & vitam lacerant: de quibus scriptum est: Sicut mordent serpentes in silentio, sic qui fratri suo occultè detrahunt.

Eccle. 10.

Nunc iam cōmodum erit, fratres, ex iis quæ hæcenus dicta sunt, philosophari; & quid à nobis hæc mysteria exigant, diligenter inspicere. Principiò igitur illud ex iis præcipuè sequitur, eos omnes qui obfirmatis animis in sceleribus & carnali vita persistent, nequaquam aduentus & redemptionis Christi participes effectos esse. Cōstat enim (ut iatè differimus) præcipuam humilitatis & pauperatis Christi, atque adeo aduentus eius causam extitisse, ut carnalem vitam & carnis vitia è mundo eliminaret, & cælestem atq. spiritualem in terris vitam institueret: Si igitur ad hoc omnes Christi Domini labores, ad hoc humilitas & paupertas, ad hoc eius conceptio, natiuitas, vita, & mors instituta fuerunt: ad eos certè nōdum venisse putandus est, qui scelerum suorum vinculis adstricti, in luto carnis sordiumque suarum infixi iacent. Quemadmodum enim (ut D. Basilius ait) cū sol omnibus oriatur, omnibusq. in cōmune lucis suæ radios proferat, cæcis tamen & dormientibus oriri nō dicitur, quia non magis lucis eius beneficio fruuntur, quàm si ortus nō esset: ita cū verus iustitiæ Sol Christus Dominus ad omnium salutē venerit, ad illos tamen nondum venisse putandus est, qui obreæcatis atque obfirmatis animis in scelerum suorum tenebris perdurāt. Imò verò isti in naturam quodammodo dæmonum degenerasse videntur, quibus aduentus Christi nihil profuit: profuturus plañ, si ipsi etiam ab illa prima superbia & contumacia sua respicere voluissent.

simile.

Sed ais: An non Paulus ait Christum venisse in hunc mundum ut peccatores saluos faceret? Venit planè. Sed hoc nullo modo sic accipiendū est, ut homo in sceleribus suis persistens, salutē assequatur. Hoc enim existimare, quid aliud est, quàm ineffabili redemptionis Christi beneficio summā ignominia notam inurere? Quisquis enim hoc in animum induxerit, eo

ipso

ipse proficitur ad hoc illud in mundum venisse, ut peccata honoraret, peccandiq; licentiam hominibus praberet, si scita salus in peccato perseverantibus constituta esset. Quomodo ergo peccatores saluos fecit? Nimirum quia cum peccatoris virtutum meritis destitutus esset, quibus diuinā a se iram auertere posset, ipse merita sua interpoluit (quæ unicuiq; per verā penitentiam applicantur) quibus peccatorū veniam consequatur. Præterea cum tu nō modo meritis ad satisfaciendum pro peccatis, sed viribus etiam ad expugnanda peccata indigeres: ipse quoque nō modo meritorum, sed etiam sacramentorū virtute cælestem tibi opem cōtulit, quā mundo, carni, atq; diabolo resistere, & peccata omnia facili propulsare posses. Hac ergo ratione Christus Dominus peccatores saluos fecit, dum nobis & peccatorum veniam promeruit, & arma aduersus peccati vim atq; tyrannidem cōtulit. Vtrumquē autē beneficium planissimis ac suauissimis vocibus Iſaias annunciari hominibus præcepit his verbis: Loquimini ad cor Hierusalem, & aduocate eam, quoniam completa est malitia eius, dimissa est iniquitas illius. pro malitia autem, alij non incommode militiam legunt. Militabat enim caro nostra diuina gratia destituta aduersus legem spiritus: & ita dimicabat, ut eam ad terrā deiceret ac prosterneret. Vbi vero cælestis gratiæ virtus per Christum inuectā in mundum est, vires spiritus auget, & carnis potentia in sanctis viris debilitata & fracta est: ac sic tandem antiqua illa militiā ita cōpleta & finita est, ut non iam caro impetu suo spiritu prosterнат: sed ab eo viribus aucta & confirmata proeratur. Id quod olim Dominus Abraham atq; Saræ nominibus immutatis non incommode significauit. Abraham namq; nomen, quod erat contractius, auxit: Saræ, verō quod erat lōgius, addidit. Idem igitur per gratiam suā in vno homine perfecit Christus, cuius debile & infirmum spiritum gratiæ virtute roborauit. Quo facto carnis superbiam atq; petulantiam, inminuit atque compressit: ut diuersa iam ratione caro debilitata seruiret, spiritus verō cælesti opē cōfirmatus impetū sibi delatum teneret. Sed ut ad Prophetam redeam, his duobus verbis duo maxima Christi beneficia cōplexus est. Quod enim ait iniquitatē dimissam, præter peccata designat, quæ Christi sanguine deleta sunt: quod verō subdit, militiam esse completam, futura delicta respicit, quæ pii homines spiritu & opē Christi nixi a se repellunt, dum cupiditatem, quæ peccatorum omnium seminarium est, virtute eius elidunt. Quod si tu cælestibus his armis uti per locordiam negligis, adeo nihil tibi hoc beneficium proderit, ut etiam vehementer causam tuam premar, cum Dominus dicat: Cui multum commendauerunt, multum exigent ab eo.

Iſaie 40.

Argua
non o. di
ut au
mili

Gen. 17.

Luc 11.

Luc 11.

Sed rursum instas: An non pro omnibus plenissime satisfecit Christus? Satisfecit plane: si tu tamen adhibita quoque opera dignus efficiaris, cur hoc salutis beneficium ad te quoque pertineat. Hoc enim nobis illa Ioannis verba innuunt: Quotquot autem receperunt eum, dedit eis potestatem filios Dei fieri. Non ergo protinus Dei filios nosse fecit: sed facultatem contulit, qua Dei filii, operante eius gratia, & cooperante hominis industria, effici possemus. Qui si autem filiorum Dei mores, non opus est diuinando assequi; nam & hoc perspicue protinus explicuit, cum subdit: Qui non ex sanguinibus, nec ex voluntate carnis, nec ex voluntate viri, sed ex Deo nati sunt. Hoc est, qui omnia studia & conatus suos eo comparant, ut cupiditatibus & voluptatibus (quæ à natura carnis & sanguinis proficiuntur) abdicatis, tamquam filij Dei vitam intrinsecus celestisque Patris puritatem & innocentiam, tanquam germani filij, moribus & vita (quoad homini fas est) imitentur.

Quod si dignitatis & innocentie huius amore captus à me requiras, quæ ratione illam assequi valeas; ad hoc tibi facile respondendo: neminem ad hanc tantam vitæ puritatem & dignitatem peruenire posse, nisi qui perpetuum bellum cupiditatis carnis indixerit. Hoc autem præcipuum Christianæ philosophiæ munus esse, declarat D. Augustinus contra Iulianum disputans: ubi inter tria præcepta Christiani hominis officia (quæ unicuique nostrum ante oculos semper habenda sunt) hanc spirituales pugnam tertio loco numerat. At igitur triplici potissimum opere homines veram iustitiam adipisci. Primum assidue orationis studio, quo ad Dominum suppliciter clamamus, Dimitte nobis debita nostra: deinde sacramentorum perceptione, quæ digne ad illa accedentibus debita remittunt, & gratiam ad ea vitanda conferunt: postremo assidua & inaccessibili pugna aduersus peccati radices & seminaria (næpe varias cupiditates) quæ in anima nostra resident, etiam ubi peccata condonata atque deleta sunt.

Sed ne quis, dum bellum & plusquam civile bellum cum affectibus & cupiditatibus suis gerendum audit, animo cœdatur, oculos in hoc factum præsepe, hoc est, in puerum in eo collocatum conficiat. Is enim gladius spiritus nobis in iero suo contulit, quo in hac spiritali militia dimicare, & cupiditatis immunitate abscondere possemus. Cuius rei typum tenet circumsio illa, quæ lapideis cultis ex imperio Domini à Iosue facta est. Quæ ritè peracta, Hodie, inquit Dominus, abstuli à vobis opus probrium Aegypti. Iosue autem, qui populum illum in promissam à Deo terram intulit, typum gessisse Domini Salvatoris, qui ad celestem hereditatem, hoc est, ad terram viuentium per omni-

August.
lib. 9. contra
Iulianum.

Iosue 3.

omnibus promissam aditum parefecerit, aperte constat. Is ergo est qui spiritali circūcūsiōe circūcidit nos, cum gratiam contulit, per quā cupiditates omnes diuini timoris gladio excindere possemus. Hoc autē est Aegypti opprobrium à nobis auferre. Quid enim aliud opprobrium Aegypti, nisi praeputium carnis erat? Quid verò per praeputium, hoc est, partis illius in qua maxime concupiscētia vigeret, pelliculam, nisi cupiditatis immanitas designatur? Hoc est autem verum Aegypti, hoc est, humanae naturae opprobrium, quod verus Iesus à nobis abstulit: dum mentem nostram per spiritum suum ita corroborauit, ut carnem sibi cōiunctam subiicere, & in seruitutem redigere, & omnes eius cupiditates frangere & amputare posset. Quod etiā lapideus culter indicat. Satis enim constat, lapidis nomine lapidē illum probatum, angularē summum, in fundamento positum (quem Isaias praedicat) nempe Christum Dominum, verum Ecclesiae fundamentum significari. Huius igitur lapidei cultri virtute & gratia, verum Aegypti opprobrium, hoc est, carnis cupiditas, quae spiritui bellum infert, abscinditur.

Quae omnia cōpertinent, fratres, ut, quando clementissimus Saluator noster plenissime quod suum erat praestitit, nos quoque nostrum est prestare studeamus: si ille lapis manum porrigit, nos quoque manū ad illum erigamus: si ille dormientes ē somno excitat, nos voluptatis & inertiae cubile deseramus: si ille pugnatūris arma suggerit, nos illis armati aduersus commonem generis humani hostem decertemus: si ille animae nostrae morbis salutis medicamenta tribuit, nos ea vulneribus nostris applicare curemus. Postremo, si ille lapideum cultrum exhibet, quo cupiditatum nostrarum praeputia abscindere valeamus, nos illo strenue atque fortiter contendamus, ne in nos prophetica illa maledictio congeratur: Maledictus qui prohibet Hier. 9. gladium suum à sanguine. Quae sint autem huiusmodi cupiditates, Apostolus ad Galatas enumerat his verbis: Manifesta sunt opera carnis: quae sunt fornicatio, impudicitia, immunditia, inimicitiae, contentiones, emulationes, irae, rixae &c. Hi sunt rami qui continenter ex lethali cupiditatis radice pullulant: quos quotiescunque subpullulare senserimus, cōfestim sine ulla mora abscindere curemus, antequam fructū mortis & peccati virus germinet. Hoc est enim quod idē Apostolus monet Coloss. 3. cum ait: Mortificate membra vestra quae sunt super terram, fornicationem, immunditiam, libidinem, concupiscētiā malam, & auaritiā, quae est simulachrorū seruitus. Haec quidem Apostolus. Quod si quis duriora Apostoli praecepta putat, audiatur ethnicum hominē haec eadem praecipientem: Discamus, inquit, continentiam augere, luxuriam coercere, gulam temperare,

perare, iracundiam lenire, paupertatem æquis oculis adspicere, frugalitatem colere, desideriis naturalibus parvo parata remedia adhibere, spes effrenatas & animum in futura emineptis velut sub vinculis habere, id agere, ut diuitias à nobis potius, quam à fortuna petamus. Hactenus ille. Si hoc igitur ethnicus homo ab ethnicis exigit, quid mirum est, si idem à Christianis hominibus Christianus homo requirat? His igitur vitis abdicatis, iniustitia procius, & pax iustitiæ comes, in animo dominatur: per quam tandem ad regnum perfectæ pacis & securitatis feliciter pervenitur: Præstante Domino nostro Iesu Christo: qui cum Patre & Spiritu sancto vivit & regnat in secula seculorum. Amen.

Ad Lectorem.

NE, quaeso, mihi succenseas, amice Lector, quod hæc carmina de Natali die Domini (quæ novitij huius nostri cænobij Vlyssipon, in Virginis partus laudem eo ipso die coposuerit) hoc in loco attexere voluerim. Hoc enim orationis genus ad pios affectus excitandos plurimum valere, satis aperte Davidis carmina ostendunt, quæ hoc orationis genere à Spiritu sancto dictata & instituta sunt. Quod si parum auctoris & operis nostri gravitati hoc tibi convenire videbitur, dabis puro veniam, quando cum puero Iesu puer quodammodo effectus, senectutis & gravitatis meæ fuerim paulisper oblitus.

In die Natalis Domini, Carmen.

Cur petu humanas puer o bellissime sedes

A superis factus sedibus exsul? amo.

Cur tua panniculos molles quibus implicet artus

Non habet in tali tempore mater? amo.

Cur geminas inter pecudes decumbis, & vdas

Lachrymulas madidolimine fundis? amo.

Cur rigide stimulis paleæ mordacibus urunt,

Et tenerum ledunt frigora corpus? amo.

Cur stabulis sacris durissima robora membris,

Et lapis heu capiti sternitur asper? amo.

Pauca modo patior: sed postquam adoleverit ætas,

Verbera, vincla, repres, roboraque alta feram.

Aliud.

Omnipotens sedes linquit radiantis Olympi

Diligit & vilis villia tectacasa.

Qui volucres pennis vestit, qui floribus agros,

Illius hiberno frigore membra rigent.

Hinc Notus atque Auster furialia praelia miscet,
 Hinc Boreas mittit frigora saeva feroc.
 Sidera qui fecit nitidi radiantia celi,
 Nascitur in paleis crimina nostra luens.
 Quis tamen aeterni celi gemmantia Christe
 Atria te cogit linguere? magnus amor.
 Quem chorus Angelicus laudat, quem turba beatum,
 Cogit amor liquidi linguere tecta poli.
 O amor! ô bonitas! ô gratia summa Tonantis!
 Iam tibi nos seruos fecerat arte sator:
 At tu terrarum vastum descendis in orbem,
 Et genus humanum tollis ad astra poli:
 Atque Erebi regem furiali Marte profundi
 Vincit, & infernas victus adiuit aquas.

Aliud.

Sic licet immeritus, serui nec dignus honore,
 Sit mihi fas Dominum pauca rogare meum.
 Quomodo, si Deus es, mortali sanguine cretus?
 Quomodo si genitor, Virgine matre sapus?
 Quomodo si puer es, terram, pontum, astra creasti?
 Quomodo si senior, nascetur ecce puer?
 Quomodo si nudus, pietas regis eoque volucres?
 Quomodo si tectus, te fera ledit hyems?
 Quomodo si Rex tu, seu fugi arma tyranni?
 Quomodo si non, nos ad tua regna vocas?
 Quomodo si tibus es, reuincta tanta tulisti?
 Quomodo si potius, morte premente sis?
 Quomodo si pius es, vincis terrore leones?
 Quomodo si fortis, mitis ut agnus obis?
 Quomodo si pastor, patrias mactari ad aras?
 Quomodo si non es, per iuga quævis oues?
 Quomodo si victus, victa de morte triumphas?
 Quomodo si victor, tartara regna petas?
 Quomodo te toties possem tibi dicere Christe?
 Nescio quo dicam carmine, quove modo.

Aliud.

En iacet aetherei perides puer inter agrestes,
 Nec non vile caput celestia pectora regiens,
 Pro throno capiunt praesepia dura iacentem,
 Quem non totius caput ardua machina mundi,
 En puer in paleis nudus iacet ecce Tonantis.
 Eterni magno pia frigore membra tremisunt.

Stat comes huic taurus vili comitatus asello.
 Si mare, si terras moderatur. & imperat aëtri,
 Cur iacet in paleis, lectaque paludibus herba?
 Ne mirere: Deum tristis delectat egestas.
 O fortunata felicia viscera matris,
 Cui tam diuino licuit sobolescere partu!
 O pietas nostri decus immemorabile nunquam!
 O ouium pastor non unquam oblite tuarum!
 O puer aeterni generis memorabile amoris!
 Nascere magne puer, vementis gloria seculi.
 Te duce quos hostes, quas non superabimus arces!
 Et duces: Interea per te iam panditur ether.
 Tu tamen inuictus superabis castra nocentium.
 Et commune lues proprio sine crimine crimen.
 Nascere iam decus superum superique voluptas.
 Nascere spes hominum, supreme gaudia vite.
 Stellantis regni patrias remanebis ad arces.

IN CIRCUMCISIONE DOMINI

CONCIO PRIMA: IN QVA POST CIRCUMCISIONIS legem expositam, primum de circumcissione Domini Salvatoris, mox de saluifero eius nomine agitur.

THE. Postquam consummati sunt dies octo, ut circumcideretur puer, vocatum est nomen eius Iesus. Luca 2.



ACTAM venerandamque huius diei solennitatem paucis sanctus Evangelista Lucas comprehendit, dicens: Postquam consummati sunt dies octo, ut circumcideretur puer, vocatum est nomen eius Iesus. &c. His verbis duo clarissima mysteria complexus est: nam & circumcisionem Domini, & gloriosum eius nomen breuissima oratione descripsit: de quibus sermo nobis hodie habendus est. Sed vnde orationis initium, vnde dicendi copiam mutuare potero, nisi aeterni Patris Spiritus dicenda suggerat, mentem regat, linguam agitet, ut circumcisionis mysterium, & magificum Iesu nomen ab aeterno iudicium, exponere valeam? Eius igitur omnes opem, sacratissima virginis interuentu, suppliciter imploremus.

AVE MARIA.

Quamuis omnia quae amplissimo cali complexu continetur,

tur. Dei sint propria, sicut sanctus ille Mardocheus in oratione sua proficitur dicens: Domine in ditione tua cuncta sunt posita, Dominus vniuersorum tu es: nihilominus tamen voluit is priuatum quendam populum in hoc mundo sibi deligere, à quo singulari quadam religione & pietate coheretur, cuiusque ille paternam curam & prouidentiam gereret. Hic autè Israeliticus populus fuit, quemadmodum illa Moysis verba indicant: Deut. 7. Te elegit Dominus Deus tuus, vt sis ei populus peculiaris de cunctis populis qui sunt super terram. Quia verò summā pacem & vnitatē in hoc populo vigere cupiebat, statuit vt totus hic populus ab vno stipite prodiret, vt se omnes mutuo tamquam fratres germana charitate prosequeretur, atq. religionis vnitatē & pacem, cōmunis necessitudinis & naturæ vinculum adstringeret. Hic autem cōmunis omnium parens fuit Abraham: quem Dominus in hoc elegit, vt cū eo fœdus atq. amicitiam perpetuā copularer. Quamuis enim alios ante hunc amicos habuerit, vt Abelem, Enoch, Noë, ceterosq. similes Patres: cum nemine tamen eorū pari solēnitatē & religione quā cum Abraham fœdus percussit: qui propterea omnium credentium Pater appellatur, quia primus omnium hac singulari ratione ad vniū veri Dei cultum vocatus est: cuius fidē & religionem ceteri deinde fideles, eisdem vestigiis insistentes, secuti sunt. Huius verò noui fœderis signum, ac veluti mōnumentū sempiternum voluit esse circūcisionem: quod cū in filiorū Abraham carne extaret, ad Dei populum eos pertinere, & à ceteris gentibus segregatos esse declararet. Itaque circūcisio, nec fœdus ipsum, nec pactum erat (quamuis scriptum sit: Er erit pactum meum in carne vestra) sed pacti huius cū Deo initiū symbolum, vt clare Apostolus ad Romanos dissert: Rom. 4.

Pactum porro erat, vt populus ille nullum aliū præter Abraham Deum coheret, illi vni crederet, illi fideret, illi obtemperaret, illum toto corde & tota mente diligere, & bona sua omnia in illo collocaret: contrā verò Deus illum benignè protegeret, regeret, tueretur, ac foueret, & multis diuinæ gratiæ opibus & ornamenti auctum & amplificarum ad vitam perduceret beatam & immortalem. Hoc igitur erat pactum siue fœdus quod pepigit cum Abraham. Vt autem pacti huius vim & naturam intelligamus, sciendum est, duplici potissimum nōmine in scripturis sanctis ipsum designari. Appellatur enim testamentum Dei: appellatur & pactum. Testamentum quidem nūcupatur, quia quemadmodum iuratur in testamento quādam legare, quādam verò à legatariis exigere solent: ita planè testamentum Dei dupliciā complectitur. Exigit enim ab hominibus numinis sui cultum & reuerentiam: pollicetur autem illis

paternam curam & providentiam. Hac etiam de causa pactum appellatur, quod sit velut quidam inter legitimas personas contractus, qualis inter virum & uxorem esse solet; in quo vxor se & sua omnia viro tradit, vir autem vxori idē pręstat. Ad hunc ergo modū velut contractus quidem inter Deum hominemq; celebratur in quo se, suęque omnia homo offert in obsequium Dei; Deus autem tanquam vir animę se ipsum, & gratię suę opes ad eius salutem offert. Vtrumque autem Deus Abraham significauit. Cū enim ad illum dixit, Ambula corā me, & esto perfectus; officij sui illum admonuit: cū verō rursus ait, Noli timere Abraham, ego protector tuus, & merces tua magna nimis; indicauit planē quid ab eo, vicissim Abraham sperare deberet. Hoc est item quod frequentissimē Dominus in literis sanctis insinuat, cū ait: Ego ero eis in Deus, & ipsi erunt mihi in populum. Hoc est, ego, vos in fidem ac tutelam meā recipiam: ego vos diuinitatis & gratię meę muneribus ditabo: ego vobis Deus, hoc est, omne bonū, quod diuinitatis meę nomine contineatur, ero. Vos verō fidelis populi officij pręstabitis, me vnicū vestrę salutis auctorem, agnoscetes, pręceptis meis obtemperantes, & in me vno spem omnem salutis vestrę collocantes. Vtrumque autem Sponsa in Cantu sibi cōgrisse gloriatur, cū ait: Dilectus meus mihi, & ego illi. Quod perinde est ac si diceret: Ille totus in meā salutem intentus est, & ego vicissim me totam in eius amorem & obsequium contuli: ille, quamuis omnia curet, adeo salutis meę rebusq; meis cōsultat, quasi ab aliis omnibus feriat, mei vnus curam gerere videatur: ego verō ita illius obsequio addicta sum, vt omnibus aliis penē mortua, illi vni viuam, illi vigilem, illi dormiam, in illius amore dies noctesq; suspensa sim, ac postremo omnes curas, cogitationes, vota atque desideria mea ad illius gloriam conferam. Felix planē anima, & nimium felix, quę hunc animum & affectum erga Deum gestat. Talem enim se illi Deus pręstabit, qualem se illa exhibet Deo.

II. Quę cū ita sint, nemo legem Dei onus tantū esse & ingum queratur: nemo gratis se Deo seruire arbitretur: cū idē Dominus per Prophetam dicat: Non dixi Iacob, frustra quęrite me: quasi vos ad cultū & venerationem numinis mei adiaceas, meq; vestrę salutis vestręq; cōmoditatibus subrahens: sed mutū nobis operam pręstabimus, dum vos fidelium seruorum atq; filiorum, ego verō Domini ac parentis optimi officij exhibebo. Quisquis ergo ex animo seruorum Dei obsequio mancipauerit, fidenter credat, nunquam ei diuinā opem vlla in re aut calamitate defuturam. Cū enim hoc pactum sit inter Deum & hominem, quamuis Deus nemini debitor esse queat.

ubi tamen is se veritatis suae vinculis adstringere hominibus dignatus est, nulla ratione fieri potest, ut ipse datâ fidē violat. Quod plane magnū spei nostrae praesidiū & firmamentum est. Hic enim est ille aduersus omnia mundi tela clypeus, de quo Propheta cecinit: Scuto circūdabit te veritas eius: hoc est, fides & veritas promissionū eius, quibus favorem, gratiā, & misericordiam cultoribus suis pollicetur est. Hoc etiā illa Ecclēsiastici verba insinuāt: Homo sensatus credit legi Dei, & lex illi fidelis. Lex enim non solum exigit ab homine obedientiā, sed Dei etiā favorem pollicetur & gratiā. Homo verō sensatus obteperat legi praecipienti, & credit legi promittenti; & quemadmodū ipse fidelis est in obediendo, ita illa fidelis est in eo quod pollicetur exhibendo. Impossibile ergo est Deum hominī deesse, si ipse officio suo non desit. Si enim fidelis est hominī in obediendo, quomodo non erit fidelis Deus in eo, quod promissit, implendo? Huc verō spectat, quod de quodam Rege Scotiae, aetate, forma, opibus, ceterisque naturae ornamentis praestanti, memoriae proditū est: qui cum beatae vitae studio incensus domui, patriae, fortunae, regioque splendori celsisset, & in astrusum se monasterium abdidisset, atque opes, quibus abundaverat, cum monasticae vitae austeritate commutasset, mortui iam proximus, & aduentantis iudicii terrore percussus, in eam tandem vacē firmissimae spei & consolationis plenissimam protulit. Feci Domine quod iussisti, fac tu quod promissisti. Hoc est, quid me finitimi iudicii horror conturbat? quid mortis timor deiecit, & misere distorquet? Illi qui dixit, Vade, & vade omnia quae habes, & sequere me, obtemperavi: & suis me ille promissionibus veracissimus & clementissimus poterit fraudare.

Psal. 90.

Ecclē. 27.

Matt. 19.

III.

Ex iis autem quae dicta sunt, fratres, facile quisque nostrum probabili saltem coniectura colligere poterit, quo loco apud Deum sit. Multi enim discutere solent: Quis intelligentia consequi valeat, quid in illo diuino pectore de nobis agatur? Quis enim cognouit sensum Domini, aut cogitationes eius intellexit? Quis eorum qui in carne degit, a secretis illi & consiliis existit: nisi forte Paulus, qui in tertium usque caelum raptus, audiuit arcana verba, quae non licet hominī loqui? Non tibi, o homo, ad arcana hoc penetrandum opus est, ut in caelum ascendas, sed ut in teipsum ingrediaris, ibique apud te perquiras quae erga Deum animum geras: qualis enim erga Deum animus tuus fuerit, talem erga te diuinam mentem esse existimare pie poteris. Si tibi nihil est charius, nihil prius, nihil acrius, quā diuinis parere praecipitis: si haec vel tota vel prima curarū tuarum est, quae videlicet ratione illi seruias, illius mandata custodias, & ab omni offensionis eius labe immunis sis, atque haec te semper

Rom. 12.

1 Cor. 13.

Cor. 13.
vna Deum
vbi Deum
vna Deum
H. W.

semper cura sollicitat: tu quoque hoc indicio pie poteris atque probabiliter existimare, Deum quoque pro te sollicitum esse, & paternam tuam salutis curam gerere. Ita fiet, ut quemadmodum qui deliquium Solis in Sole ipso propter oculorum imbecillitatem cernere nequeunt, in perlucido fonte, aut vase aqua pleno cernant, atque ita in terris positi, celestia contueantur; sic nos ex affectu & propensione animi nostri, quid in diuino pectore geratur, coniciere possimus. Qualem quippe tu animum erga Deum gestas, tale erga te Deum gerere pie poteris existimare.

Quod quidem illa Prophetarum verba, quibus Deum alloquitur, insinuant: Cum sancto sanctus eris, & cum viro innocente innocens eris, & cum electo electus eris, & cum peruerso peruersus eris. Verè enim acquissimus ille iudex erga sanctos sanctus, erga pios pius, erga innocentes innocens, & erga se gerentes ut filios, ipse tamquam optimus & clementissimus Pater se gerit: qui tamè erga peruersos & rebelles, pro eo ac eorum impietas meretur, strictus atque severus iudex est. Quod quidem aperte idem Prophetarum, morti iam proximus, Salomoni filio in inter nouissima verba significauit: Tu (inquiens) Salomon, fili mi, scito Deum patris tui, & serui ei corde perfecto. Omnia enim corda scrutatur Dominus, & vniuersas mentium cogitationes intelligit. Si qua fieris Dominum, inuenies eum: si autem dereliqueris eum, proiciet te in æternum; Quod perinde est ac si diceret: Qualis tu erga Deum fueris, talem erga te Deum experieris. Constat igitur ex his, quæ potissimum in re lex & pactum hoc Domini consistat: & cur item pactum, & testamentum appelletur. Nunc ad circumcisionem, quæ huius pacti signaculum est; veniamus.

Omissa verò spiritali circumcissione nostra (de qua alibi sermo nobis habendus est) de circumcissione Domini agamus: & ab eo quaramus, quæ de capta voluerit circumcidi. Quid igitur in causa est, Domine Iesu, cur circumcidere octauo die aliorum more infantum volueris? An ut hoc te signo Pater agnosceret? Imò verò (ut D. Bernardus ait) si qua fieri posset, ut celestis Pater Filium ignoraret, hoc vel maxime signo nesciuisset. Cum enim circumcisio peccatoris signum sit, quomodo tali signo deprehendi posset is qui ab omni peccati labe, siue quod origine contrahimus, siue quod opere perpetramus, immunis semper existit? Quâvis enim esset paruulus, paruulus tamen erat plenus sapientia: qui sciebat utique reprobare malum, & eligere bonum. Quod planè in hoc incarnationis suæ opere maxime declarauit. Cum enim naturam nostram assumere decreuisset, eamque peccati sordibus infectam deprehendisset (alterum quod

Deus

Deus fecit; alterum quod diabolus infecit) tamquam sapiens puer alterum ab altero secreuit; naturā videlicet à culpa: vt ita demum à communi generis humani parente carnem traheret; qua homo esset; culpam non traheret; qua peccator esset. Si ergo innocentissimus Dominus nō egebat hoc peccati siue cacterio, siue remedio; cur remedium accipit peccatoris? Ad hoc igitur respondemus; tres potissimum fuisse causas, propter quas paruulus noster circumcidij passus est. Primum quidē (vt Apostolus ait) propter veritatem Dei, ad confirmandas promissiones Patrum. Promissus fuerat Patribus ex eorum semine Redemptor, cum Abraham ac eius posteritati dictum fuit: In semine tuo benedicentur omnes cognationes terræ. Vt igitur apertē liqueret, Christum ex Abraham semine propagatū esse, debuit utique circumcidi (quod posteritatis eius symbolum erat) vt ita tandem diuinæ promissionis veritas apertē constaret. Quæ Dei promissione impleta, non est cur nos iam circumcisionis legi adstricti simus. Cum enim ea in diuinæ promissionis signū fuerit instituta, debuit utique impleta promissione cessare: quemadmodum videmus restitui pighora, & scripturam cautionis aboleri, vbi æs alienum (quod scriptura ea continebat) dissolutum est. Hac igitur prima circumcisionis Dominicæ causa existit.

Rom. 13

Gen 22

simile

Gen 22

Fuit & altera: quod videlicet Saluator noster vix dum natus Seruatoris officium feliciter auspicari dignatus est: quod quidem sanguinis effusione perficiendum erat. Quemadmodum enim mercatores pretiosas merces empturi, priusquam totam pretij summam exsoluant, aliquam eius partem offerunt, & in partem pretij, & in signum futuræ solutionis: ita planē celestis hic meritor (qui ad hoc in mundum venerat, vt animas nostras à diaboli captiuitate redimeret) hodie fecens natus sanguinem fundens, & pretium salutis nostræ obrulit, & futuræ solutionis symbolum dedit. Qualis enim in posterum futurus esset, infatis declarauit. Quæ hæc tanta celeritas, Domine Iesu? Cur tam citò sanguinem fundere properas? An nō tantisper expectares, vt & maior tibi superesset copia sanguinis, quam offerres; & robur corporis firmius, quo labores nostri causa perferres? Tam citò eligis & præsepe durum, & humile stabulum, & acerbum corporis vulnus, & Herodis odium, & fugam in Aegyptum; & inter ceteros & alienigenas exiliū & incolatū? Quam apte illa tibi Prophetæ verba conueniunt: Pauper sum ego, & in laboribus à iuuentute mea: imò & ab infantia mea. Quid facies etate viribusque prouectior, quando vix dum natus tot eligis sponte labores? Animaduertant hoc qui conuersionem suam in vltima vitæ spatia differunt; adolescentiamq.

Psal. 67

totam

totam iuuenilibus desiderijs & inanibus studiis destinantes,
 extremam vitæ partem Deo seruant. Te nunc alloquor, qui-
 quis hæc tecum rationes inire soles. Dic mihi, obsecro, quis tibi
 dierum ac temporum potestatem dedit, vt posses certa vitæ
 spatia nunc in hos, nunc in illos vltus destinare? An non vereris,
 ne, dum hoc animo versas, dicatur tibi, quod illi simili modo
 deliranti, & vitæ curricula computanti, dictum est: Stulte,
 hac nocte reperent à te animam tuam: ea ergo, quæ parasti,
 cuius erunt? Quid verò illud? Quod si dixerit malus ille seruus
 in corde suo, Moram facit dominus meus; & cœperit percutere
 conseruos, & comedere & bibere cum ebriosis: veniet domi-
 nus serui illius in die quam nescit, & hora quam ignorat, & di-
 uiderum, partemque eius ponet cum hypocritis. Quisquis
 ergo temeraria hæc consilia in animo voluit, an non inelucta-
 bilis huius veritatis sententiam contra te latam, formidabis?
 An non illa quoque Sapientis verba tibi in mentem venient,
 Nescit homo finem suum: sed sicut aues laqueo, & pisces ha-
 mo, sic homines capiuntur tempore malo. Quod si fides tua
 adeo infirma est, vt magis ratione quam fidei lumine ducaris,
 ausculta insignem Philosophum sic rectum ratione agentem:
 Audies plerisque dicentes, à quinquagesimo in ortum sece-
 dam: sexagesimus annus ab officiis me dimittet. Et quem tan-
 dem longioris vitæ vadem accipis? Quis ista sicuti disponis ire
 patietur? Non puderet te ad reliquias vitæ te tibi seruare, & id so-
 lum tempus bonæ menti destinare, quod in nullam rem con-
 ferri possit? Quam serò est, tunc vitæ incipere, cum desinen-
 dum est! Quæ tam stulta mortalitatis obliuio, in quinquage-
 simum & sexagesimum annum differre saba consilia; & inde
 velle vitam inchoare, quo pauci perduxerunt? Hæc ille.
 Sed rationibus vobiscum agere nolo. Satis enim mihi erit,
 hoc Seruatoris nostri exemplum vobis ante oculos ponere. Si
 infans hic cælorum & Angelorum Dominus, qui neque celo,
 neque terra, nec Angelorum, nec hominum indigebat obse-
 quio; cuique nihil huius tantæ operis labore accedere poterat;
 propter eximiam tamen erga genus nostrum charitatem, ab
 ipsis cunis & lacte incipit salutis nostræ negotium agere, &
 scelera nostra expiare, atque pro ipsis ablendis & sanguinent
 fundere, & omnis generis laboribus infantilia membra fatiga-
 re, & quas non meruit pœnas exsoluere: quomodo nos, quo-
 rum causa agitur, quorum peccata diluuntur, & ad quos tanti
 huius operis utilitas manat; quomodo, inquam, adeo perditæ &
 negligenter vitam agimus; adeo diuina beneficia contempni-
 mus, adeo ad hæc tanta mysteria & sacramenta intelligenda ca-
 ligamus, adeo in Deum rebelles & ingrati, illi nos ipsos erude-

les & infelii sumus: quando salutem nostram tanto Christi labore paratam vltroque oblatam prodimus & negligimus? Quo quid esse vel dementius, vel detestabilius potest? Cur vel hoc vno argumento non colligis, miser, quale illud negotium sit, pro quo tantum ac tam diu ipsa Dei Virtus & Sapientia laborat & sudat? Hanc igitur iustissimi timoris materiam nobis secunda hæc Dominica circumcisionis causa præbet.

His verò duobus tertia additur: quòd videlicet hac ratione Dominus altissimæ humilitatis suæ voluit nobis locupletissimum exemplum præbere. Quamuis enim tota eius vita absolutissimum quoddam fuerit humilitatis exemplar: fortasse tamen numquam ita se maiestas illa exinanivit atque deiecit. Nam in incarnatione sua ita se demisit, vt susceperet imaginem hominis: hic autem peccati cauterio insignitus, suscepit imaginem peccatoris. Et quamuis in baptismo eandem peccatoris imaginem præ se tulerit (quando cum peccatoribus ablui vt impurus voluit) tamen eo tempore super eum aperti sunt celi, & vox Patris inronuit; & Spiritus sanctus, in columbe specie super eum descendens, columbinam eius innocentiam atque puritatem declarauit. In passione quoque sua, quāuis peccatoris & flagitiosi speciem gesserit (quando inter facinorosos & latrones innocentissimus Agnus pendebar) dum tamen ita penderet, celum tenebris horridis obducitur, terra tremat, petrae scinduntur, elementaque omnia mœroris & tristitiæ luctuosa signa edunt. Quo factum est, vt, eo sic moriente, non defuerint qui dicerent: Verè hic homo iustus erat: hoc est, longissimè ab ea quam gestat peccatoris imagine alienus. Itaque nusquam fere ita se Dominus in vita deiecit, quin protinus cælestia signa gloriam & innocentiam eius magnificè prædicarent. At circumcisio, quæ peccati signum est, nullis miraculis illustratur. Perpendite ergo, fratres, quo se nostri gratia summa illa celsitudo demiserit. Summum quidem in mundo Deus est, qui est supra omnia: infimum verò peccatum, quod infra omnia est. Quia ergo impossibile erat Deum ad peccatum vsque se demittere, proxime tamen ad illud descendit: quando qui peccator esse non poterat, suscepit imaginem peccatoris. Sicut enim abscisso auriū latronem prodit, & vestis hæreticis imponi solita perfidiæ lapsus declarauit: ita planè circumcisio peccatorem & reum clamat. Quò ergo se amplius summa illa maiestas inclinare potuit, quā vt peccatoris habitum & signa gestaret, qui tam procul aberat ab omni peccato? Quia enim generis humani morbus à superbia initium ceperat, medicina eius debuit ab humilitate proficisci.

Secunda

Secunda pars de impositione nominis Iesu.

II.

Quamvis autem circumcisio Domini miraculis (sicut ante diximus) illustrata non fuerit, debito tamen huiusmodi humilitatis premio non caruit. Præmium verò declarat gloriosum nomen, quod illi hodie divina autoritate impositum fuit, quod Salvatorem significat. Cuius nominis & officij gloria Apostolus ad Philipp. declarat, cum ait: Deus exaltauit illū, & donauit illi nomen, quod est super omne nomen: ut in nomine IESU omne genu flectatur, caelestium, terrestrium, & infernorum. Igitur qui se infra omnia humiliavit, seq. nouissimum virorum fecit, debuit utique omnium princeps & caput fieri, & supra omnia exaltari: ut quicumque siue in cælo siue in terra sunt, illius gloriā confiteantur, illius laudes prædicent, illi q. acceptam salutē suam ferant. Nam qui in cælo sunt, propter illum beati sunt: & qui in terra iusti sunt, propter illius præcipuē gratiam & merita iusti sunt: & qui in purgatorio existentes vitā & requiem præstolantur, propter illius utique merita præstolantur. Sicut enim nulla in cælo stella fulget, quæ fulgorem suū à Sole nō mutuēt: ita nullus nec in cælo nec in terra iustus est, qui ab hoc iustitiæ Sole, iustitiæ & sanctitatis suæ claritate nō accipiat. De plenitudine siquidem eius nos omnes velut ab inexhausto quodam omnium gratiarum fonte hausimus. Quocirca iustum profectō est, ut quorūq. siue in cælo, siue in terra per illum sanctificati, ditati, nobilitati, & ad æternā salutem cooptati sunt, salutare hoc nomen laudent, prædicent, exosculentur, ei q. non solum corporis, sed cordis etiā genua flectant. Sunt apud Hispanos insignia quædam studiosorum hominum collegia, à principibus viris in communem Reipub. utilitatem erecta, vnde præstantes doctrina viri prodeunt, quibus Reipub. gubernacula committi frequenter solent. His autem de more est, cum patroni ac fundatoris collegij nomen audiunt, in grati animi significationem caput ilico aperire: quod videlicet eius beneficio eruditionem cum dignitate coniunctam se adepturos sperant. Si hæc igitur reuerentia principibus viris beneficij huius nomine exhibetur: quid, quæso, nos tantæ salutis authori, & libertatis nostræ vindicti exhiberi par est? Quid enim per te Domine Iesu nacti, quam dignitatem adepti sumus? Nimirum (ut breviter dicam) fecisti nos non quidem verbum præfectos, sed fecisti nos Deo nostro regnum, & sacerdotes: & regnabimus super terram, immo super cælum. Per te enim Domine regnum, per te sacerdotium, per te Dei amicitiam & pacē, per te Spiritum sanctum, per te dignitatē ad-

optonis

Phil. 1.

simile.

Apoc. 5.

ptionis hereditatemque filiorum Dei, per te venia peccatorum, per te Angelorum contubernium, per te tandem immortalem gloriam, & confesum ad dexteram Patris adepti sumus: quando immeritos nos in bonorum tuorum societatem vocasti, & tui participes effecti. An non ergo omni observantia atq. veneratione largitori tantorum bonorum, vt corporis membra, sic & animi sensus omnes suppli iter inclinabimus? An non cum Propheta Isai 26.
ex toto corde clamabimus: *Nomen tuum & memoriale tuum* in desiderio animæ? Hoc est nihil Domine magis anima mea desiderat, nulla re magis afficitur & incalcescit, quam dulcissima gloriosi nominis tui memoria & appellatione.

Commemorat sanctus Iob pauperum, quos ipse vestiebat, Iob 31.
gratum erga se animum, his verbis: Si despexi prætereuntem, eo quod non haberet indumentum, & absque operimento pauperem? Si non benedixerunt mihi latera eius, & de velleribus ouium meorum calefactus est? Itaq. ipsa latera & corpora pauperum, dum se vestibus sancti viri tecta & calefacta sentirent, gratias illi agere non tam verbis, quam ipsorum laterum sensu & calore videbantur. Liber, fratres, paulo fufius hæc sancti viri verba huic salutis nostræ beneficio accommodare. Video enim nos quoque spiritualiter nudos esse progenitos: vt pote quos primi generis nostri parentes originalis iustitiæ & diuinæ gratiæ indumento nudati, quales ipsi relictii sunt, tales nos quoque genuerant: nudi videlicet nudos, hoc est, omnium virtutum & iustitiæ ornamenti spoliatos. At necesse est, vt ante Deum non nudi, sed vestiti appareamus (sicut Apostolus ait) ea ni 1. Cor 5.
mirum veste, quæ peccatorum nostrorum multitudinem tegat, ne appareat nuditas nostra. Cæterum pauperum vestes ex velleribus ouium suarum sanctus Iob consuebat: vestis autem quæ animæ nostræ nuditatem contegat, nisi ex ilius innocentissimi agni vellere, qui propter nos vestiendos in cruce attonsus est, confici non potest. Si enim primus ipse parens nudus relictus est, & nudi quoque nascuntur quotquot ab eo propagati sunt: quis, quæso, inter omnes Adæ filios vestitus reperiri poterit, nisi solus ille, qui ab Adam propagatus nequaquam ab illo nuditatem & culpam traxit, sed naturam? Ille igitur iustitia indutus nascitur, ille ex uiuis suis nuditatem nostram tegere potest. Quapropter ad illum nos vestiendos mittit Apostolus, cum ait: Induimini Dominum Iesum Christum. Iesum igitur adeamus, illique suppliciter cum Ruth Ruth 3.
Moabitide dicamus: *Extende quæso (Domine) pallium tuum* quo operis, quia frater enim, & caro, & sanguis noster per humanitatis nostræ assumptionem effectus es: nemo autem carnem suam odit; sed nutrit atque fouet Ephes. 5.
eam,

cam. Extende ergo Domine pallium tuum, & nuditas nostræ inopiam tege. Periculi nostri magnitudinem clementissime redemptor attende. Si enim pater tuus in conuiuio suo sine veste

Matt. 22. nuptiali deprehenderit nos, ligaris manibus & pedibus in tenebras exteriores proici iubebit. Tege ergo Domine nuditatem nostram, ne nudi à cælestis mensæ conuiuio in tartara detrudamur. Bono animo esto, fratres: non est enim difficilis ad exorandum clementissimus Saluator. Hanc enim fidelibus cunctis vestem in sacro baptismatis fonte concessit, Apostolo testante, qui ait: Omnes quorquor baptizati estis, Christum induistis: quia uidelicet meritum eius & gratiæ participes ibidem effecti estis. Nec solum hoc præstas in baptismi, sed in poenitentiae quoque sacramento. Vnde poenitenti prodigo filio iubet pius pater adduci stolam primam; præclara uidelicet iustitiæ & gratiæ ornamenta, quæ animæ nuditatem, & peccatorum multitudinem operiunt.

Nunc iam, fratres, cum homine huiusmodi veste induto agere volo. Is igitur qui ante hoc susceptum diuinæ gratiæ beneficium nudus iacebat, cuius viscera amore Dei frangebant, qui virtutibus & cælestibus donis nudatus erat, ubi se interni spiritus testimonio cælesti gratia indutum conicit; ubi præcordia sua amore Dei æstulare sentit (ita ut iam dicere cum Augustino possit: Quis est iste homo qui calefecit cor meum?) ubi denique antiquam vitiorum suorum turpitudinem iustitiæ & virtutum vestibus suspicatur esse contextam; ubi hæc, inquam, omnia intra se probabili saltem coniectura cognoscit, an non tunc latera eius sic induta, sic honestata, sic calefacta benedicent illi, qui propter nos in cruce attonsus, passionis suæ merito iustitiæ & immortalitatis vestem nobis comparauit? An non lætus & gratulabundus cum Propheta clamabit:

Isai. 61. Gaudens gaudebo in Domino, & exultabit anima mea in Deo meo: quia induit me vestimento salutis, & indumento iustitiæ circumdedit me: quasi sponsum decoratum corona, & quasi sponfam ornata monilibus suis. O felicem illum, qui concipere animo posset, quo affectu Propheta Spiritu Dei plenus hæc verba profudit! Gaudens (inquit) gaudebo in Domino, & exultabit anima mea in Deo meo. Cur, quæso, Propheta tanto exultas gaudio? Nimirum quia induit me Dominus vestimento salutis, & indumento iustitiæ circumdedit me. Nil hîc ad plenam felicitatem deesse videtur: quando & salus æterna nobis, & iustitia, quæ ad hanc salutem via est, per Christum donatur: quorum alterum in præsentī vita confertur, alterum ad futuram reseruatur. Sed cur induendi verbo vitur? Ut intelligas utriusque beneficii magnitudinem. Sicut enim indu-

dumen-

adumentum totum hominis corpus & omnia eius membra regit: ita salus illa & iustitia totam hominis regionem peruagatur, & omnes animæ sinu copiose implet, ut neque in ea salute ullâ miseria, neque in ea iustitia vlla veteris vitæ culpa resideat. Verum non contentus vestem hanc tradidisse, addit etiam moenia, dicens: Tanquam sponsam ornatam monilibus suis. Sponsa enim quo die ad thalamum prodeunt, quidquid ornamentorum præstantissimum habent, secum afferunt. O si quis eos haberet oculos, quibus sanctissimi alicuius viri animam posset intueri, quàm admirandis monilibus exornatam, quàm præclaris ornamentis excultâ, quàm magnificis diuini Spiritus gemmis illustratam cerneret! Omnia enim Spiritus sancti charismata, omnes fructus Spiritus, omnes denique cælestes habitus, (qui tam multi à Theologis numerantur) quid sunt nisi spiritealia quædam monilia, quibus Spiritus ille cælestis quam sibi desponsat animam mirifice ornare, decorare, & honestare solet? Cuius decore adeo ipse capitur qui eam decorauit, ut in Canticis dicat: Quàm pulchra es amica mea, quàm pulchra es! oculi tui columbarum.

Cant. 2. 2.

Hoc igitur affectu, hoc animo pîi omnes propter impensum in hac vita iustitiæ beneficium Christum laudant: quid autem pro salute in altera præstanda (cùm eius compotes facti fuerint) effecturos credimus? Si enim hoc affectu & pietate sunt præcepta in hac vita bona gratiæ, quo affectu erunt cùm perceperint bona gloriæ? Quo tunc mentis ardore gloriosum illud nomen prædicabunt, per quod tantam bonorum omnium copiam adepti sunt? Hoc est enim quod Apostolus ait: in nomine Iesu omne genu flecti debere, non modò terrestrium & infernorum, sed etiam cælestium, hoc est, omnium beatorum. Quo enim isti maiora bona per illud consecuti sunt, hoc se magis illi submittent, magisque in illius amorem & laudes se toros effundent. Hoc autem dabit aliquando Dominus ut experiamur. Sed ut affectus huius indicium aliquod habeamus, alicuius beatæ mentis animam nobis ante oculos proponamus. Cùm hæc igitur felix anima in calo residens, eos videat qui in gehenna torquentur, qui (ut Isaias ait) erunt ad visionem omni carni: cùm, inquam, videat exteriores illas tenebras, stridorem dentium, & fletum, & fremittum, & ignem, & vermem, & malleos, & serpentes, & clamores torquentium simul atque tortorum, cæteraque omnia pœnarum genera quæ ibidem miseri patiuntur: videatque contrâ se Christi meritis & sanguine non modò à tantis malis eripiam, sed æterna etiam gloria & immortalitate donatam, in tanta degere felicitate, quantam nulla neque hominum, neque

Coloss. 3.

Isai. 66.

Angelorum lingua valeat explicare: quid, quæso, faciet? quibus Saluatorem oculis (quem præsentem cernit) intruebitur? quomodo illius sacra vulnera, per quæ tantam salutem adepta est, exosculabitur? quo affectu sanctissimis illis pedibus prouoluetur? quas illi gratias agat, cum se per illum tantorum bonorum compotem effectam cerneret? Tres illi pueri quos Nabuchodonosor in fornacem ignis propter confessionem Domini proiecit, dum ab incendio crepitantium flammarum Dominica se protectione illesos viderent: adeo in amorem sui liberatoris exarserunt, ut omnes animi fibras in laudem eius atque ora laxantes, nullam nec in cælo, nec in terra, nec in mari creaturam relinquerent, quam non ad communis Domini laudes inuitarent. Quod si illi à momentaneo corporis incendio erepti, ita se totos in præconia diuini numinis effuderunt: quid, quæso, illi facient, qui non modò ab incendiis æternis per Christi nomen se liberatos vident, sed etiam cælestis & æterni regni possessione donatos? Subiciamus aliquod huius rei exemplum, quod res fiat dilucidior. Fingamus existisse virginem aliquam honestissima forma, & egregia virtute præstantem, pauperem tamen, & parentum præsidio destitutam, quam rex aliquis potentissimus, virtutis eius fama permotus, ita adamaret, ut coniugio sibi eam copularet, consortemque regni faceret: quod Hester reginæ contrigisse sacra litteræ testantur. Vbi igitur insignis hæc femina videret se nobilissimi regis beneuolentia ex infimo loco in tantam dignitatem euectam, omnesque regni proceres venerabundos coram se genua flectere, animaduertiretque totum illud decus à regis beneuolentia & eximio amore profectum: quibus, quæso, illum oculis aspiceret, & amantissimum spolum, & huius tantæ dignitatis auctorem? Hoc exemplum, fratres, alicui ex beatis illis mentibus accommode-
mus. Cum ergo beati alicuius viri anima videat se non modò ab incendio gehennæ ereptam, sed etiam cum Deo in æterna felicitate locatam, inenarrabilibus delictis affluentem: intelligatque tantum hoc ei bonum Christi meritis & gratia contigisse, per quem ad tantam celsitudinem sit euecta, sine qua perpetuis tenebris & incendiis torqueretur: cum videat se ex tam infima sorte ad tantam dignitatem sublatam, ut Regis æterni atque omnium rerum Domini sponsa sit: quibus, quæso, oculis tantæ felicitatis auctorem intruebitur? quo erga illum amore flagrabit? quo affectu rosea illa vulnera exosculabitur, per quæ scit aditum sibi ad immortalitatis gloriam patuisse? quas denique laudes & gratias illi pro tanto beneficio agat? Legimus in Viris sanctorum Patrum, quendam ex senioribus illis mortui iam proximum, adolescentiorem quendam monachum ex

his qui

is qui morienti adstabant, ad se vocasse, prehensasque eius manus suppliciter exosculatum dixisse: Benedicite sint hæc manus, quoniam adiutrices mihi ad æternam salutem existerunt. Hoc autem dixit, quoniam adolescens ille sæpe à cella senis multa quæ ad victum illi necessaria erant furabatur: quod senex patienter ferens, intellexit illa hora, quantum sibi diuturna illa patientia ad cæleste regnum promerendum contulisset. Si ergo sanctus hic senior adhuc in terris positus, adeo salutes & gratas manus illas habebat, quæ non aliter illi quàm nocendo profuerunt: quo amore Sanctorum in cælo regnantium animæ Christi manus exosculabuntur, quibusque eas benedictionibus & laudibus prosequuntur, quæ non rapiendo, sed exsoluendo quæ non rapuerunt, cæleste illis regnum contulerunt? Qua pietate & affectu quisque eorum dicet: Perpetuis laudibus misericordiam & benignitatem tuâ celebrabo, amantissime Rex meus & Deus meus, quia per te ab æterna morte liberatus sum, per te Angelorum civiumque supernorum choris adscriptus sum, & per te regnabo in secula seculorum. Benedicant ergo tibi latera mea, & viscera mea: quia per te tam magnificis donis ac muneribus ditata sunt. Videris ergo, fratres, quo pietatis & dilectionis ardore genua cælestium & supernorum civium huic glorioso nomini flectuntur?

Sed quæret fortasse aliquis, cur ad hoc solum nomen Iesu genua flectamus, non etiam ad alia ipsius nomina quæ multa & magnifica sunt? Nam & Christus & Dei Filius appellatur: & Ioannes in Apoc. ait, nomen eius esse Verbum Dei. Cur ergo ad hæc tam præclara nomina genua non flectimus, sed ad solum nomen Iesu? Ad hoc igitur quidam Theologus respondet: hoc honoris signum non solum in reuerentiæ, sed etiam in grati animi officium Christo Domino propter redemptionis & salutis nostræ beneficium exhiberi. At in aliis nominibus sola Christi gloria, non etiam salus nostra designatur. Nam esse Dei Verbum, & Dei Filium, & Regem vñctum, ad eius præcipuè gloriam pertinet. At nomen Iesus Salvatorem sonat: quo nomine & illius gloria & salus nostra continetur: ideoque merito ad hoc salutare nomen & assurgimus, & genua flectimus, diuini numinis maiestatem reuerentes, & pro salute nobis per sacrum illud nomen impensa gratias agentes. Præsertim itaque nomen hoc & salutem, & medelam, & peccatorum veniam, & gratiam: ideoque nominis huius dulcedine illecta Sponsa in Canticis aiebat: Oleum effusum nomen tuum, ideo adolescentulæ dilexerunt te. Cur dilexerunt? Quia sub hoc salutaris olei nomine iustitiam, gratiam, gloriam, æternamque salutem, & felicitatem à Christo Domino sibi præstitam agnouerunt. Quo

Apoc. 19.

Alexan.
Hales.

Cans. 2.

Bernard.

in loco D. Bernard. cum multa alia, tum illud præcipue animaduertendum esse ait: quod cum duplicia sint Dei nomina, quædam maiestatem, quædam misericordiam significantia, Christus Dominus maiestatis nomina dissimilans, nomina sibi misericorditer vendicat: cum se non modò Iesum, sed etiam Emanuëlem, hoc est, nobiscum Deus, vocari vult. Olim is frequenter hæc verba in lege repetebat, Ego Dominus, Ego Dominus; quæ timorem hominibus incuterent. Modò Patris appellatione gaudet: & sic nos Patrem suum in oratione compellare præcipit. Sed quid est quod ait, hoc nomen esse oleum effusum?

Bernard.

Quid mirum, ait idem Bernardus, si nomen sit effusum, cum ipse etiam sit effusus? Quàm carum oleum! quàm vile! Vile, sed salubre. Itaque vt vile effunditur, sed vt salubre sanat. Sed expendamus cur hoc nomen oleo comparatur. Nimirum quia est inter oleum & nomen Iesu similitudo in quibusdam olei qualitatibus: quod videlicet lucet, quod pascit, quod vngit. Fouet enim lucem, nutrit carnem, lenit dolorem, Est igitur lux, cibis, medicina. An non igitur hæc omnia præstat nobis Iesus? An non ipse se lucem mundi, panem viuum, & ægotantium medicum appellat? Quid igitur hoc nomine salutaris? quid amabilis? quid suauis? Hanc porro suauitatem idem Bernardus expertus esse videbatur, cum diceret: Quid est Iesus, nisi mel in ore? melos in aure? iubilus in corde?

si 306A

Si ergo tanta religione & pietate salutare hoc nomen celandum est; quo supplicio digni sunt, qui tam impudenter huius nominis maiestate abutuntur, cum passim pro rebus nihili & iurant & peierant, non viri modò, sed etiam feminae, atque adeò pueri & infantes: qui cum vixdum ad plenum verba formare sciant, iurare iam & peierare norunt, quod à parentibus suis didicerunt. Quos plane verendum est ne habeant pœnæ consortes, quos habuerunt magistros erroris. Olim quidem in lege nomen Dei quatuor litterarum nemo usurpare audebat nisi summus sacerdos, idque in templo, & in die solenni, & sacris vestibus indutus: modò autem non pudet pueros & puellas passim venerandum hoc nomen, per quod salus mundo redita est, proterere & conspurcare. Beatus Franciscus ante mortem testamentum condidit, in quo familiaria quædã mandata filiis suis seruanda reliquit: inter quæ hoc præcipue numeratur: Sanctissima verò nomina, & verba Dei, vbicumque reperta fuerint, volo colligi, & in loco honesto collocari. Videte, quæso, quæ cura sanctissimi viri pectus in morte sollicitabat. Sui enim quodammodo oblitus, de reverentia huic sacro nomini exhibenda sollicitus erat. At nos miseri nihil minùs curamus: fortasse quia nòdum salutem eam, quæ per hoc nomen in mundum

mundum allata est, percepimus. Rogo vos fratres, quando hodie & primus redeuntis anni, & huius sacri nominis dies festus est, ut ob eius reuerentiam apud se unusquisque firmiter statuatur, tum à se, tum à liberis & familia sua hanc diuini nominis iniuriam procul pellere: ut hoc videlicet nomine ad miseriarum nostrarum commune præsidium, non ad mendacia nostra confirmanda abuturamur. Qua autem ratione hoc nomen inuocare debeamus, D. Augustinus exemplo suo docet his verbis: Quid est Iesus nisi Saluator? Ergo propter temetipsum esto mihi Iesus. Noli Domine, noli sic attendere malum meum, ut obliuiscaris bonum tuum. O bone Domine, etsi ego admissi unde me damnare possis, tu nō amisisti unde me saluare soles. Sicigitur fiet, ut huius nominis præsidio non ad iurandi abusum, sed ad petendi suffragium religiosè viuentes, æternam tandem salutem, & immortalitatis gloriam per illud consequi mereamur.

IN EODEM FESTO CIRCVCN-

CISIONIS DOMINI, CONCIO SECVNDA: in qua primùm de duabus præcipuis Dominicæ circūcisionis causis agitur: vbi vehementer eorum peruicacia damnatur, qui cor habent incircuncisum, hoc est, omnibus impuris cogitationibus & cupiditatibus peruium. Secundo verò loco de salutari & glorioso Iesu nomine, ac vera per eum salute in mundum allata differitur: & illi grauitè accusantur, qui temerè hoc venerabili nomine iurantes & peierantes abutuntur.

THE. Postquam consummati sunt dies octo, ut circumcideretur puer, vocatum est nomen eius Iesus. Luc. 2.



INTER eas leges, quas olim Dominus filiis Israël tulerat, non infimum tenet locum circūcisio, quæ lege ipsa fuit antiquior, ut patet quæ non Moysi, sed Abraham quadringentis ante latam legem annis data est. Quia verò beati viri officium est in lege Domini meditari die ac nocte, eosq; propheta beatissimus prædicit, Psal. 1.

qui testimonia eius, hoc est, leges Dei perscrutantur: operæpretium erit, in hac sacra Dominicæ circuncisionis solennitate, huius diuinæ legis mysterium indagare. Circuncisio enim, si ipsam rei faciem spectes, nihil habere videtur quod diuinæ maiestatis oculis gratum esse queat: cum summo illi spirituum Patri nihil nisi quod spirituale sit, aut à spiritu proficiatur, esse gratum possit. Verum cum huius rei multæ à sanctis Patribus causæ afferantur, duas potissimum in præsentī concione referemus. Quarum altera est, ut peccatum originale hoc sacramento tolleretur: altera, ut hoc veluti signo Dei populus à cæteris gentibus distingueretur: & quantum inter virosque esset discriminis, non modò dissimilis vitæ & religionis cultus, sed peculiare etiam ipsius corporis signum demonstraret.

Ut verò de originis peccato, quod hominem vnà cum natura ipsa inuadit, principio differamus: satis constar, omnes Adæ posteros ex debito veteris illius culpæ (sicut Apostolus ait) nasci inimicos Dei, & iræ filios. Quia verò Deus sempiternum amicitix fœdus cum hominibus inire volebat: necesse fuit aboleri culpam illam, quæ inimicitiarum inter Deum & hominem causa erat. Ad hanc ergo originis culpam abolendam, circuncisionis sacramentum in veteri lege, sicut in noua Baptisma, institutum est: ut cum parentes, fide pietateque erga Deum incitati, filiorum sanguinem funderent, antiqua vitiata naturæ labes elueretur. Quæ ex re intelligere licet, quid potissimum facere debeat, quisquis ad amorem Dei vehemèter adspirat. Multi enim sunt, qui importunè rogent, quid eos agere, quid moliri, & in quæ maximè studia incumbere oporteat, quo Deum toto corde diligant? Quibus respondendum est, ut ab omnibus vitiatorum atque expeditatum sordibus animam purgent, quo in ipsis per charitatem requiescere charitatis auctor dignetur: In animam enim maleuolam non introibit sapientia, nec habitabit in corpore subdito peccatis. Quomodo enim in tali domo habitabit ille, de quo toties scriptum est: Iustitia & iudicium (hoc est æquitas & sanctitas) præparatio sedis eius? Quare, quisquis Deum per amorem in animam suam introducere cupit, expellat prius quidquid illi aduersum est: Quæ enim conuentio luci ad tenebras? aut quæ communio Christi ad Belial? Rectè enim D. Aug. Exinani (inquit) quod implendum est. Bono implendus es, fonde malum. Puta quia melle te vult implere Deus: si aceto plenus es, ubi mel pones? Quamobrem, sicut qui oleastrum, siue quamuis infrugiferam arborem inserere parat, siluestres prius ramos abscindit, ac deinde frugiferae boris surculos inserit: ita quisquis Dei amorem cordi suo cupit inferere, peccatum prius & immoderatum seculi amorem à

se de

Sap. 1.

Psal. 88.

2. Cor. 13.

August.

Simile.

se depellat: alioqui non magis vtrumque intra se quàm eodem loco lucem & tenebras retinere poterit. Hinc illa Prophetæ Psal. 96. vox: Qui diligitis Dominum, odite malum. Hæc itaque, fratres, prima huius amicitia lex esto. Quare si fraterno odio teneris, si vindictam experis, si alienum detines, si impudico amore flagras, si peccandi occasionem intra domesticos parietes retines: hæc omnia procul à te pellenda sunt, si verè Deum diligere cupis. Nec enim minùs tibi amor Dei & lethale peccatum, quàm vita & mors aduersantur. Hæc igitur de causa Deus quos in amicitiam suam recipere voluit, à peccati priùs labe per circumcisionis sacramentum purgandos curauit. Hæc prior circumcisionis causa extitit.

Altera verò (quemadmodum paulo antè dixi) est, vt populus Dei à cæteris nationibus non diuersis solum legibus & institutis; sed corporeo etiam signo distingueretur. Quemadmodum enim solemus seruos emptitios inuita aliqua in fronte nota (quæ eorum seruitutem profiteatur) designare: ita decebat seruos Dei corporeo aliquo signo à seruis Diaboli (inter quos versabantur) discriminari. Quod quidem signum his solum qui in terra degunt, maximè conueniebat. Qui enim cælestes sedes habitant (cum omnes Deo chari sint) discrimine nullo egèr: quando in vna omnes diuinæ dilectionis communionem conueniunt. Qui verò apud inferos sunt, cum omnes item Satanæ sint sempiterno seruitutis iure deuincti; non est cur inter eos discriminis nota vlla esse debeat. At, qui in medio huius mundi globo versantur, ita malis permixti sunt, quomodo in sagena boni pisces & mali: in area paleæ simul & triticum: & in horto flores pariter & spinæ. Vnde in Cant. de Sponsa dicitur: Sicut lilium inter spinas, sic amica mea inter filias. Quare necesse fuit, vt singulari aliquo signo à malis boni, & à filiis Diaboli filij Dei discernentur. Id autem (vt paulo antè dicebamus) circumcisio fuit.

Sed fortè dices: Quid opus erat hoc signo, vt oues suas Deus inter hædos etiam versantes agnosceret? An non Loth iustum inter tot impurissimos Sodomorum ciues agnouit, & à communi incendio liberauit? An non ipse vnum in toto orbe Noè iustum cognouit, ad quem dixit: Te enim inueni iustum coram me, in generatione hac? An non in Ecclesiast. legimus: Oculi Domini multo plus lucidiores sunt sole, circumspicientes in omnibus viis hominum, & profundum abyssi, & corda hominum intuentes in absconditis partes? Si ergo omnia ita Dei oculis conspicua sunt: si in omni loco eius oculi contemplantur bonos & malos: quid necesse erat, signum excogitari, quo à malis boni internoscerentur? Rectè sanè: verùm hoc signum

Simile.

Simile.

Cant. 1.

Gen. 19.

Gen. 7.

Eccli. 13.

non in hoc institutum fuit, ut fideles Deus, sed ut se ipsos, hoc est, professionis suæ dignitatem fideles agnoscerent. Hoc est, ut cum se hoc peculiari signo ab omnibus aliis hominibus discretos cernerent, hoc admoniti symbolo intelligerent, se, sicut in carne ab aliis distabant, ita spiritu, moribus, & ratione vitæ ab aliis debere distinguui. Erat igitur illis circuncisio velut perpetuus quidam monitor, qui eos ad religionis memoriâ continenter excitaret. Nec hoc solo signo Dominus contentus, alia deinde processu temporis in vestibus, moribus, victu, atque adeo in agrorum etiam cultu aliis quæ similibus adiecit. Quorsum hæc quæ in iis religio? quæ pietas, si hoc aut illo modo induaris? si aliter agros colas? si his aut illis cibis utaris? Nempe in his omnibus hoc præcipue Dominus captabat, hoc volebat: ut dum in omnibus penè rebus, quæ ad corporis cultum pertinent, hic populus ab omnibus aliis distingueretur, hæc corporea distinctio ad interiorem nobilioremque vitæ differentiam eos incitaret. Hoc autem declarant illa Domini verba *Leuit. 20.* Ego Dominus Deus vester, qui separavi vos à cæteris populis. Separate ergo vos iumentum mundum ab immundo, & autem mundam ab immunda: ne pollutis animas vestras in pecore, & auiibus, & eunctis quæ mouentur in terra, quæ ostendi vobis esse polluta. Eritis mihi sancti, quia sanctus sum ego Dominus: & separavi vos à cæteris populis, ut essetis mei. En quò totus hic ciborum delectus, torquæ rituum & cærimoniarum differentia tendebat: ut videlicet sanctitatem & puritatem Domini imitarentur, eiq. similes, & cæterarum gentium (quæ Deum ignorabant) dissimiles fierent. Quæ quidem dissimilitudo à corpore primùm incipiens, in spiritum terminanda erat. Huius enim potissimum cultu & ornatu homo Deo suo similis sit, qui spiritus purissimus atque sanctissimus est.

Vnde quemadmodum baptisus Ioannis, qui corpora tantum abluebat, ad baptisum Christi, qui animas lauat, mentes hominum præparabat: ita omnis hæc externarum rerum differentia ad internam spiritus differentiam homines vocabat. Hoc est enim quod ait: Separavi vos à cæteris populis, ut essetis mei. Separavi inquam, hoc est, non modò variis locorum aut regionum finibus, sed multo magis morum atque animorum mutatione disceui.

I.

Cæterùm ut ad nos veniamus fratres (nostra enim magis quàm aliena curare iubemur) si hoc olim Iudæis, qui sub lege erant, præceptum fuit; quid nos qui sub Evangelij gratia degimus, facere par est? Ait enim Apostolus: Peccatum vobis non dominabitur: non enim estis sub lege, sed sub gratia. Quamobrem?

rem? Quia, vt idem paulo inferius docet, Cum essemus in carne, passionibus peccatorum, quæ per legem erant, vigeabant in mēbris nostris, ad fructificandum morti, Itaq. lex illa quæ peccata prohibebat, nec tamen spiritum donabat, prohibitionē ipsa peccandi appetitum acuebat, non sedabat. Quod tamen facit Euangelij gratia, quæ peccati vim cælesti virtute cōprimit & frangit: idcirco quæ Apostolus ait, non debere in eos peccatum dominari qui sub gratia suūt. Hinc D. August. lethalia peccata non Christianorum, sed Ethnicorum esse ait. Quæ sententia vir sanctus non quid sit, sed quid esse deberet (si nouæ legis virtutem & dignitatem attendas) præscribit. Si ergo Iudæos propter acceptum legis beneficium (quæ tātum peccati morbum ostendebat, non sanabat) adeo à cæteris hominibus distare, & à peccatorum contagione immunes esse Dominus volebat: quid à nobis requirit, qui sub Euangelica gratia degimus? Iam verò si Ethnicorum quoque philosophia eō vsque processit, vt hanc ipsam dissimilitudinem à sectatoribus suis peteret; quid Christi philosophia requirit? Ait enim Seneca: Frons nostra populo conueniat, intus omnia dissimilia sint. Si hoc humana philosophia, quid cælestis à nobis exigit? Exiget profectò longè aliam mentem, alios mores, alia vota atque consilia, alia de rebus iudicia, alias opes & voluptates, alias curas & studia, aliam denique in omnibus moderationem atque constantiam. Vbi enim tantum inter vitamque professionem discriminis est: tantundem etiam inter illa quæ vtramque professionē sequuntur, dissimilitudinis esse oportet. Tanta namque causarum diuersitas, similem effectum diuersitatem requirit. Quis verò satis explicare queat, quanta hic causarum dissimilitudo sit? Nos quippe alias viuendi leges habemus, alium spiritum, alia beneficia, alia exempla, alia sacramenta, alia nobis proposita præmia, aliam deniq. philosophiam & lucem, quæ nos in vitam dirigant, atque ad longè aliā viuenti rationem adigant. Lex enim Domini, quæ immaculata est, immaculatos efficere nititur professores suos. Spiritus quoque Dei, in nos è cælo demissus, cælestem quoq. à nobis & spiritualem vitam exigit. Spes verò mercedis æternæ nos ad strenuè laborandum propter eam adipiscendam inuitat. Ratio verò reddenda sollicitos nos in periculoso huius vitæ stadio incedere monet: cum Apostolus dicat: Vniuscuique videat quomodo superædificet: dies enim Domini declarabit, qui in igne reuelabitur: & vniuscuiusq. opus quale sit, ignis probabit. Innumera autem beneficia, quæ in nos Dominus contulit, gratū animam & ingenuam seruitutem à nobis exigunt: cum videamus ipsas etiam immanes belluas in benefactores suos gratas & obsequentes esse. Exempla v.ò sanctorum, vehementer ignauiam atque

August.

Seneca in Epist.

atque torporem nostrum accusant : quando nec parua quidem præstamus , cum tam magna & omnem admirationem superantia in fragili carne illi præstiterit. Sacramenta autem nouæ legis, quæ gratiam conferunt , & robur nobis contra tyrannidem & vim peccati addunt , inexcusabilem improbum causam faciunt : vitio enim suo ægrorare cognoscitur , qui oblata à medico salutis medicamenta repellit. Philosophia denique nostra, hoc est, lux è cæcis mortalibus allata, id à nobis postulat , ut quoniam filij lucis sumus (qui aliquando noctis & tenebrarum eramus) abiciamus opera tenebrarum , & induamur arma lucis : &

Rom. 13. sicut in die honestè ambulemus. Sic enim Apostolus ait : Omnes
1. Thef. 5. vos filij lucis estis, & filij Dei. Non sumus noctis & tenebrarum : igitur non dormiamus sicut cæteri , sed vigilemus & sobrij simus. Qui enim ebrij sunt, nocte ebrij sunt. Quod perinde est, ac si diceret : Infideles, qui sunt noctis filij, qui ambulant in tenebris, qui in regione vmbrae mortis sedent , qui inter vera mala bonaque vix distinguere sciunt , qui omnia finiri morte credunt, nihilque à tumultu superesse putant : ij inquam (quos sine Deo esse in hoc mundo Apostolus ait) nihil mirum si totas noctes indormiant , & vino terrenarum voluptatum ebrij sint, cum in tenebris degant , nec alia bona quàm præsentia norint. At vos

Ephes. 5. qui aliquando tenebræ fuistis, nunc autem lux in Domino, sicut longè aliam lucem , & sapientiam , & philosophiam ; ita longè aliam viuendi rationem sequi debetis. Natura quibus rebus peculiarem quandam contulit formam ab aliis distinctam, cætera quoque dissimilia ingenerauit, aliam videlicet figuram, alium motum, alias vires, alias denique ad agendum propensiones. Formæ enim dissimilitudinem, aliarum rerum dissimilitudo sequitur. Quare cum nos tam multos habeamus siue habitus, siue cælitus in ditas virtutum formas, quæ nos ab infidelibus discriminent : quantam inter vtrosque putatis esse debere morum dissimilitudinem , cum tam dissimiles vtrobique formæ sint ? Hoc est autem quod vehementer à nobis Apostolus exigit, cum ait :

Ephes. 4. Hoc itaque dico, fratres, atque testificor in Domino, ut iam non ambuletis sicut Gentes quæ ambulant in vanitate sensus sui, tenebris obscuratum habentes intellectum , propter ignorantiam quæ est in ipsis, propter cæcitatem cordis eorum : qui desperantes semetipsos tradiderunt in operationem immunditiæ omnis, in avaritiam. Hoc est, qui fidei luce & cælestium bonorum spe destituti, cum nihil post hanc vitam superesse crederent quod vel sperare, vel timere deberent ; se totos libidinibus & cupiditatibus suis addixerunt, subsidium ab avaritia mutantes : quæ illis ad comparanda omnia voluptatum genera aurum & argentum suppediraret : cum ad nihil aliud quàm ad ludum & otium

se natos esse arbitrantur: tantumque se ex usu vite perdidisse crederent, quârum volupratibus detraxissent. Vos autem (ait Apostolus) non ita didicistis Christum. Hoc est, vos aliam philosophiam longè dissimilem professi estis, ad alium mundi polum respicientis, aliamque nauigandi rationem sequimini: hoc est, alia fide, alia spe, alioque spiritu ducimini: quare longè aliud iter ingredi, longè aliter vitam instituere, longè aliam religionem colere debetis, quibus tot ad rectè viuendum adiumenta data sunt.

Rectè sanè Apostolus colligit, sapientissimæque philosophia-
 tur: si apud nos tamen quicquam hæc eius diuina philosophia sermocinatio.
 valeret. Perinde enim hoc est, ac si his nobiscum rationibus ager-

ret: Quæro vos, fratres, si terra aliqua diligenter procisa & re- simile.
 purgata fecundum semen exciperet, & frequentibus aquis irrigata diligentissimè coleretur: an nõ æquum esset, plus aliquid ab ea expectare, quàm ab illa quæ instar squalentis deserti sterilibus & inculta maneret? Quis hoc audeat negare? Rursum, si adolescens aliquis viginti annos in gymnasio Parisiensis sub clarissimis præceptoribus literis operam dedisset: an non is plus aliquid post tam longum tempus in disciplinarum studio proficere debuisset, quàm qui inter priuatos parietes tota vita delituit? Iam verò si quis mercator aureorum centum millia ad mercimonia exercenda adhiberet: an non hic plus aliquid, quàm is qui solùm centum aureis negotiaretur, lucrari debuisset? Tantam enim auri vim plus aliquid quàm exiguam illam portionem parare debere consentaneum est. Hæc exempla modò ad nostrum institutũ accomodemus. Quid, quæso, aliud Ethnicus homo habet, quò ad virtutis officium niti possit, quàm exiguum naturalis luminis radium, idque originali peccato, praua consuetudine, & corruptis hominum iudiciis non modò obsecratum, sed penè extinctum? At quàm multa & maxima ad virtutis studium præsidia & adiumenta Christianus homo Christi beneficio nactus est! Et tamen cùm hæc ita sint, videmus passim (quod sine summo dolore videre non possumus) innumeros penè Christianos, qui ad has opes inuitari, & his omnibus adiumentis instructi, nihilo meliores Gentilibus ipsis euadunt. Ita enim vt illi peierant, ita blasphemias in Deum voces iactant: ita præcepta omnia & leges eius violant: ita omnes eius minas & promissã contemnunt: ita se totos libidinibus & cupiditatibus dederunt: ita noxiis affectibus obsequuntur: ita falsos & adumbratos honores seculi ambiunt: ita manus, oculos, aures, linguam, & cætera corporis membra velut arma quadam & instrumenta iniquitari præbent: ac denique ita viuunt, quasi nullam essent scelerum rationem reddiduri: ita in stratis suis lasciuunt, quasi nullus esset in cælo prospector: ita pauperes spoliant,

spoliant, quasi nullus esset futurus iniuriarum vindex. Ita
 spem omnem suam in terra fixerunt, quasi nullam in mun-
 do providentiam, nullamque rerum humanarum curam esse
 crederent: ita denique in omne nefas prorunt, ac si omnia
 quæ Catholica fides proficitur, mera essent somnia ac delira-
 menta. Quamvis enim ea vera esse credant, nihil tamen minus
 faciunt, quam si fabulas esse arbitrarentur. Neque verò illud
 miror, quòd tam multa nefarie committant (agnosco enim
 humanæ naturæ imbecillitatem & morbum) sed illud miror,
 quòd tam facile, tamque sine vilo doloris sensu delinquant,
 & iniquitatem quasi aquam bibant: cum ex ipsa tamen fide
 sciant Deum tanto odio prosequi peccatum, quāto nulla nec ho-
 minum nec Angelorum oratio verbis aut cogitatione consequi
 possit. Quin & illud maxime descendendum est, quòd qui sic af-
 fecti sunt, non pudorem modò, sed etiam rationis lumen pe-
 nè mortuum & extinctum habere videntur: cum iam transie-
 rint in affectum cordis: cum omne quod libet sibi licere pu-
 tent: cum ratione ipsa ad hoc solum utantur, ut novas carnis deli-
 cias, nouum luxum, & noua quotidie cupiditatum irritamenta
 excogitent. Vnde extrema illa dementia, & peruersio atque di-
 uinorum abusus beneficiorum sequitur: ut rationis quidem lu-
 mine, auaritiæ, vanitati, & corporis deliciis seruiant; affectibus
 autem vitam dirigant & moderentur. Quo quid esse mon-
 strosius, quid magis præposterum potest? In hanc autem men-
 tis peruersitatem & cecitatem inciderunt: quoniam qui con-
 cessis à Deo gratuitis fidei beneficiis abusi sunt, æquum erat, ut
 clarissimis etiam naturæ donibus magna ex parte spoliarentur;
 dicente Domino: Qui habet, dabitur ei, & abundabit: ab eo
 autem qui non habet, & quod videtur habere, auferetur ab eo.
 Hoc est qui frustra percepit dona gratiæ, iusto Dei iudicio nu-
 datur etiam bonis naturæ. Hinc est, quòd multi eorum cò-
 cecitatis & amentie deuenerunt, ut ipsis etiam infidelibus pe-
 nè sint deteriores, & iis virtutibus destituantur, quas in Gen-
 tilibus passim reperimus. Cuius rei vnum duntaxat exemplum
 commemorare hoc in loco volo. Refert Plutarchus Themisto-
 clem pro concione Atheniensibus dixisse se consilium depre-
 hendisse, quod summo pere ad dignitatem Atheniensium per-
 tineret: sed id eius esse generis, ut proferre in publicum non
 expediret. Populus censuit ut vni Aristidi rem indicaret: si is
 probaret, probaturos omnes. Cum igitur Themistocles indi-
 casset Aristidi se de incendienda Græcorum nauali statione co-
 gitare, sic enim fore ut Athenienses toti Græciæ dominaren-
 tur: Aristides ad populum prodians dixit: Themistoclis consilio
 nihil esse vtilius, sed eodem nihil iniustius. Hac audita voce po-
 pulus

Matt. 13.

Plutar.

pulus uertit, ne super ea re in posterum verba faceret Themistocles. Quis hanc iustitiam inter homines Christianos hoc tempore facile reperiatur? Quorū quisque inuenitur adeo innocentia studiosus, ut oblatam insignem uilitatem cum iniustitia coniunctam, solo diuini numinis metu negligat; ac non potius quā uis peccata committat, modō id assequatur quod vehementer exoptat? Quot quotidie crimina mercatores, opifices, & causarum aduocati committunt, ut exiguum lucrum usuris, peruriis, & innocentium errore augeant? At summam utilitatem Atheniensium Respublica uniuersa (nullis fidei & religionis ornamentis exulta) cum iniustitia coniunctam nullo modo capiendam censuit. An non hic apertè uidetis, multos ex nostris non modō gratuita Dei dona (fidem & spem semper excipio) sed etiam naturalia penè perdidisse: quando rationis lumine & synteresi conscientia penè sepulta, solis affectibus & cupiditate pcedum more ducuntur? Tales autem beatus Stephanius Ad. 7. dura ceruice & incircunciso corde appositisimè appellauit. Quid autem per incircuncisum cor intelligere debeamus, ex illis Domini uerbis colligere possumus: De corde prodeunt cogitationes malæ, &c. Cor ergo circuncisum gestat, qui diuini timoris gladio malarum cogitationum & cupiditatum omnium intemperantiam abscindit. Contra uerò ille cor incircuncisum gestat, qui, sopito rationis iudicio, variis se cupiditatibus & affectibus noxiis regendum permittit. Itaque tantum abest ut noxias à corde suo cogitationes & cupiditates abscindat, ut illis uitæ clauum atque regimen daret. Tales ergo (ut Stephanus ait) & diuino Spiritui resistunt, & cor incircuncisum habere dicuntur: quales non modō Gentiles, sed multos etiam hodie inter fideles reperire est, qui post cogitationes suas præcípites eunt, qui ambulant in uis cordis sui, & in intuitu oculorum suorum. Itaque uotis omnibus expetunt quæcunque placent, cogitant quæcunque volunt, loquuntur quidquid eis in buccam uenit, faciunt quidquid eis collibitum est, modō illud facere tuto possint. Nullum apud illos bonorum aut malorum discrimen est, nullus rerum delectus, nullus diuini timoris respectus, nullus mortis imminētis metus, nulla salutis animæ suæ cura, nullus diuini iudicii timor, ac nulla denique futuræ uitæ cogitatio. Quia enim fidem (pulcherrimum Dei munus) frustra percipiunt, quando eam otiosam esse patiuntur; iusto Dei iudicio hac pœna puniri sunt, ut rationis quoque lumen frustra recipiant, quando illo ad uitam moderandam non utuntur. Hi sunt autem quos Propheta dicit accepisse in uano animam suam: Psal. 23. quandoquidem rationalis anima, quæ ad hoc hominibus data est, ut rationis ductu uitam dirigeret, ab hoc officio exclusa

hoc

- simile. hoc vel maxime præstare homini videtur, quod sal mortuorum animantium carnibus, quas à vermibus & corruptione seruat illasas. Hoc tam exiguum beneficium ab anima Dei imagine insignita, Christi sanguine redempta, & fidei lumine illustrata recipiunt, qui rationem habentes, sine ratione viuunt: quod infidelium & Barbarorum proprium est. Hoc autem mysticè nobis designat illa Hierosolymitani templi ruina, quæ in libro
6. Mach. Machab. memoratur. In cuius atrii (post vastatam ab Antiocho impiissimo Hierosolymam) Iudas Machabeus inuenisse dicitur virgulta nata sicut in saltu. Res planè miseratione dignissima: quòd locus ille sacer, Deo dicatus, & in toto terrarum orbe celeberrimus, eò tandem deuenisset, vt hominum frequentia destitutus, in asperas ac densas siluas reductus, vepres & tribulos germinaret. Quod autè aliud verum & viuum Dei templum est, nisi anima fidelis, quæ in sacramento baptismatis, Demone expulso, in Dei templum consecrata est? Quis autem saltus in quo vepres & spinæ nullo prohibente nascuntur, nisi anima diuino lumine destituta: in qua omnia spinarum, hoc est, vitiorum germina nullo Dei metu prohibente nascuntur. Quid autem calamitosius, quàm diuinum hoc templum, & sempiterni numinis domicilium spinis & sentibus confectum intueri? hoc est, mores Ethnicorum in mentibus & vita Christianorum cernere? Hoc est etiam, quod ætate quoq. sua Isaias Prophet. lamentabatur cum ad Dominum diceret: Facti sumus velut à principio, cum non dominareris nostri, nec inuocaretur nomen tuum super nos. Non potuit breuius illorum temporum atque hominum deprauationem, quàm hac ratione designare: quòd essent sicut à principio, quando videlicet sine Dei lege vivebant, & nec Deus paternam eorum curam gerebat, nec villo ipsi Dei metu ac religione à maleficio continebantur. Hoc item est, quod sanctus legis ille doctor Esdras tam multis lachrymis post reditum à Babylone desolebat: quòd videlicet filij Israël alienigenas duxissent vxores, & semen sanctum cum semine terrarum commiscuissent. Flebat autem vir diuinus huiusmodi connubia, non quòd multum apud Deum referre putaret, quo genere ortus sis (cum is ad imaginem suam omnes homines condiderit) sed quòd huiusmodi coniugia id efficiebant, vt viri Israëlitarum simul cum affinitate Ethnicorum, mores etiam induerent Ethnicorum: quod malorum omnium extremum erat.
- Matt. 23. Cum ergo Dominus veniens, rationem ponere cum seruis suis incipiat, & talenta fidei, baptismatis, cæterorumque sacramentorum & gratiarum (quibus vita nostra erat instituenda) cum suis reposit: quid quæso faciet, cum non legitimos domesticorum & filiorum Dei, sed Gentilium in nobis mores & vitam

vitam deprehenderit: Quid, inquam, faciet, nisi quod ipse per Prophetam minatus est, cum ait: Visitabo super omnē qui indutus est veste peregrina. Quid est vestis peregrina? An tātum mali est peregrinæ gentis habitu vestiri? At non hic Dominus peregrinas vestes, sed peregrinos & barbaros mores notare voluit. Mores autem peregrini & gentiles sunt, Dei obliuio, religionis contemptus, intestina odia, ventris cura, inuidia, libido, auaritia, ambitio, periuria, blasphemia, præsentium amor, futurorum neglectus, pedes veloces ad currendum in malum, & cor (vt antè diximus) cogitationum licentia incircūcisum. Hi sunt mores peregrini, ceteriq. quos paulo antè commemorauit: quos Dominus visitaturum se minatur, quosq. induerāt illi de quibus in lib. Machab. scriptum est, quod patrios honores (qui in religione & cultu Dei positi erāt) pro nihilo habentes, Græcas glorias, hoc est, peregrinos Gentilium ritus, qui apud eos in honore erant, magis sectabantur.

Vbi ergo rationis reddendæ tempus appetat, quid isti facient, cum tali habitu ante tremēdum iudicē appareant? Qua fronte præmia exigent Christianorum, cum vitam vixerint ethnicorum? Nemo verò rationem hanc ad extremum iudicii diem relegaram esse credat: vt enim D. August. ait: Si hic dies seculo longè est, vniciuique homini suæ vitæ vltimus propè est: imparatū enim inueniet ille dies, quem imparatum inuenierit suus vltimus dies. Hic autē dies in huius adeo breujs æt. curriculo procul abesse non potest, cum tota ipsa vita breuissima sit. A quo breuissimo spatio vnus tibi hodierna die annus subtractus est: ac ita paulatim ceteri subducentur, quæadmodum priores accelerauerunt, & sensim quodammodo elapsi sunt. Nec enim longiores erunt qui mox sequeantur, quam qui antè præcesserunt. Prudentissimè enim D. Gregorius: Repentē (inquit) transacta finiuntur, quæ ventura lōga putabantur. Itaque in foribus tibi iam hoc tam tremendum iudiciū adest: vt omit- tam interim, quod de morte nostrā nihil aliud certum scimus, nisi quod hora eius incerta est. Omnes qui hoc superiori anno vita functi sunt, fortasse ad notum hunc se peruenturos arbitrabantur, qui tamen spe sua fraudati sunt. Quare meritò timendū est, ne simili ratione nos quoque spes nostrā fallat, qui nobis subintrantis hodie anni spatium forsitan pollicemur.

II.

Quando ergo in tanto, fratres, discrimine versamur, & extremus ille dies de summa salutis nostræ, imò de tota æternitate sententiam ferre debet: quid superest, nisi vt more prudentum virginū opportunè nobis cōsulemus? Si quis autē verè & ex animo salutem optat, habet hodie Saluatorem Dominum

X

Iesum,

Iesum. Nec enim frustra hoc illi salutare nomen impostum est: sed ut eius admonitu & causam aduentus eius, & munus atque officium eius, & viscera pietatis & misericordiae eius agnosceremus. Verissimè enim à Propheta dictum est: Apud te propitiatio est, & propter legem tuam sustinui te Domine. Pro quo alij verterunt: Quia apud te Domine propitiatio est, propterea timeris. Quod quidem perinde est ac si diceret: Propterea quòd homines norunt clemètiā & infinitā misericordiam tuā, idcirco facillè cōuertuntur ad te. Quòd si in cōdonandis peccatis inexorabilis esses, quis ad te reuerteretur? Trahat ergo vos, fratres, quicumque perdidit hactenus vixistis, hæc in promptu parata salus & misericordia. Hodie enim salus mundo perduto annuntiatur, quando dulcissimum IESV nomen puero nato imponitur. Quæ sit autem huius nominis virtus, declarauit Angelus beato Iosepho, Virginem deferere cupienti, cum ait: Ioseph fili David, noli timere accipere Mariam coniugem tuam: quod enim in ea natum est, de Spiritu sancto est. Pariet autem filium, & vocabis nomen eius Iesum. Quamobrem? Subdit causam: Ipse enim saluum faciet populum suum à peccatis eorum. O nouum nomen, nouā salutem, & nouam diuinā pietatis gratiam! Verè nemo est in cognatione nostra qui vocetur hoc nomine. Hanc enim salutem, hanc gratiam, hunc deniq; Saluatorem hactenus nō agnouit mundus. Quinque libros Moyses de lege Domini scriptos reliquit: in qua quidē lege vix aliud cultoribus suis, quā vineas, oliueta, ficeta, domos, rura, pecora, sospitatē, opes, atque diuitias pollicitus est. Consona verò legi Prophetarū quoque vox ait: Si volueritis & audieritis me, bona terræ comederitis. Quia enim carnalis ille, populus spiritualium bonorū dignitatem aut ignorabat, aut paruipēdebat, aut certè negligebat, terrenorum verò bonorum amore magis capiebat: ideo hæc ipsa maximè pro illius temporis ratione diuina lex promittebat. Qualis autem erat salus, quam lex eo tempore cultoribus suis pollicebatur, tales & saluatores erant, quos quandoque Deus ad illorum salutem destinabat, nempe carnales: qui videlicet nō spirituales, sed carnalem salutem periclitantibus darent: quales olim fuere Gedeon, Iephthæ, Barach, Aioth, Samgar, Samson, ceteriq; similes. Non erant autē ij veri & perfecti saluatores: quia non veram, solidam, æternā q. salutem, sed fragilem, caducā, & cum ipso corpore interiturā præstabant. Quorsum autem hanc ego salutem magnificare debeam? Quò mihi salus corporis, quæ tam diu durat, quā diu corpus; cuius vitæ æternitati cōparata, momentū est? Quò mihi salus corporis, quod habeo commune cum brutis; neglecta salute animæ, quæ mihi

communis est cum Angelis? Quorsum attinet ut detur mihi longa vita, nisi detur laudabilis, honesta, & immortalis vita? Quorsum mihi ingentes opes atque diuitiæ, quæ sunt incitamenta malorum, fomenta curarum, nutrimenta voluptatum, irritamenta superbæ, arrogantæ ambitionisq; materia? Opes enim atque diuitias multi philosophorum ne in bonorū quidem numero ponendas esse censuerunt, & multi etiā in gratiam & inutilem sarcinam contemplerunt, & à se repulerunt. Quod fecit Crates ille Thebanus, quem D. Hieronymus refert, cum ingentem auri copiam in mare proiecisset, dixisse: Abi: e in profundum malæ cupiditates: ego vos mergā, ne ipse mergar à vobis. Quale ergo præmium virtutis est, quod vir sapiens continere meritò debeat? Quomodo beatus Franciscus, Hilariō, Antonius, aliq; sanctissimi Patres ad diuinorum mandatorum custodiam hoc præmio inuitari potuissent, qui ita aurum ut incendium fugiebant? Iam verò sicut perfectus medicus non est, qui causas non amputat morborum: ita perfectus liberator non est, qui malorum causas non excindit. Scimus autem pauperatē, orbitatē, ægrotudines, exilia, luctus, ac denique omnia quæ pro malis apud homines habentur, ex malo culpæ originem ducere. Quisquis ergo verus hominum saluator futurus est, hanc malorū causam abscindere debet. Si ergo me Domine serpare vis, hoc modo, quæso, me serua & libera: Libera me à peccatis meis, & à peccatorū meorum incentoribus, qui sunt demones, crudelissimi hostes animæ meæ. Libera me ab ira tua, quæ sola me in perpetuas tenebras & incendia detrudere potest. Libera me à cupiditatibus meis, hoc est, à crudelissimis carnificibus, qui me in omnia flagitiorum genera præcipit agunt, quicquid animū meū miris modis pungunt, torquent, lacerant, & variis cūris viscera mea exedunt. Ab iis me Domine tortoribus internis vindica, qui mihi veram animæ pacem, libertatem, tranquillitatem, & innocentiam adimunt: & ita verè Saluator & liberator meus eris. Hæc autem salutem nemo, nisi tu solus, donare potest. Non enim hanc dare potest natura, quæ peccati morbo corrupta est: non humana philosophia, quæ hominum inuentū est, & supra hominem attollere se nescit: non deniq; ipsa legis tuæ doctrinā, cum nō habeat Spiritum viuificatē, sed literam occidentem: nec itē veteris legis sacramenta, quæ vacua & egena elementa sunt. Tu solus, Domine Iesu, qui naturā cōdiditor es, collapsam potes reformare naturam: tu solus, qui velut innocentissimus agnus ab omni peccati labē immunis es, peccata potes condonare, nosq; à tyrannide peccatorum eripere. Hæc, Domine, à te salutem exopto, hanc requiro, hanc votis omnibus exposco.

Hieron.
in epist.

Galat. 4.

X i

Nolo

Deut. 32. Nolo salutem rudis illius populi, quam ubi adeptus est, ineras-
 satus, impinguatus, & dilatatus, dereliquit Deum factorem
 suum, & recessit à Deo salutari suo. Nolo salutem & opes Sa-
 lomonis; quas ubi percepit, sua ipsius felicitate prostratus, sa-
 crilegas diis alienis aras & templa constituit. Nolo deniq. alio-
 rum Regum, aut etiam Imperatorum salutem; qui ceteris ho-
 minibus imperantes, cupiditatibus suis turpissimè fetuerunt.
 Huiusmodi ego salutes nolo. Volo autem salutem illam, quam
 sanctus Iob in sterquilinio vermicibus exesus retinuit; qui, rebus
 omnibus amissis, innocentiam & iustitiam conseruauit. Volo
 salutem quam Hieremias promeruit, qui à florente populo,
 propter Dei gloriam, lapidatus est: quam etiam assecutus est
 Isaias, qui ob eandem causam per medium sectus est: quam
 habuit Ioannes Baptista, qui capite propter iustitiam trunca-
 tus est: quam item innumerabiles alij Sancti adepti sunt, qui
 vitam in tormentis abiicientes, fidem & pietatem constanti
 animo retinuerunt. Hanc Domine salutem volo, quæ cum fide
 & iustitia coniuncta est: talemque Saluatorem votis omnibus
 expeto, cum Propheta clamans: Rorate cali desuper, & nubes
 pluant iustum; aperiatur terra, & germinet Saluatorem, & ius-
 titia oriatur simul. Hi erant sanctorum omnium clamores;
 hæ Prophetarum consonæ voces, hæ eorum vota atq. fuspiria.
 Si qui igitur horum beatissimorum Patrum hæc quæ retuli-
 mus cælestis nunciij verba audiisset: nempe, Vocabis nomen
 eius I E S U M, ipse enim saluum faciet populum suum à peccat-
 is eorū: quid ageret? quid diceret? qua lætitia persultaret? quas
 tantæ salutis auctori gratias ageret? quibus vocibus & sibi ipsi
 gratularetur, & laudes Domini predicaret? Sit igitur felix fau-
 stusque, Domine Iesu, aduentus tuus, felix natiuitas, felix cir-
 cumcisio, felix salutaris tui nominis impositio. Iam nunc cum
 pueris Hebræorum meritò cantare possumus: Benedictus qui
 venit in nomine Domini: Osanna in excelsis. Abs te namque,
 Domine, tanquam à vetò & summo Salvatore salutem non
 terrenam, sed cælestem; non temporalem, sed æternam; non
 corporum, sed animorum experimus: qualem optabat sanctus
 ille Patriarcha, qui in extremo vitæ halitu constitutus, despe-
 rata iam corporis salute, aliam salutem exoptabat, dicens: Sa-
 lutare tuum expectabo Domine.

Verumtamen hoc tam felix nuncium, hanc tantam salutem
 nemo sentit, nisi qui periculo suo doctus, peccati acerbiteriam
 expertus est: qui frequenter ira leuia peccata deslet, quasi gra-
 uissimorum criminū reus esset: cuique admissa crimina velut
 clauī quidam sunt in imo corde defixi, qui ei lætitiā om-
 nem, qui cibum frequenter & somnum eripiunt. Quicumque
 ergo

ergo sic affecti sunt, qui sic Deum diligunt, sic peccatum detestantur, ij planè, quale sit hoc nuncium, intelligunt; & pro eo dignas auctori tantæ salutis gratias agunt. Qui verò bibunt quasi aquam iniquitatè, qui exultant in rebus pessimis, qui nō dormiunt nisi male fecerint, nec capitur somnus ab eis, nisi supplantauerint, ij non habent cur letari debeant. Saluatore aduenisse, qui saluum faciat populum suum à peccatis eorum. Qui enim exultant in rebus pessimis, quomodo gaudiorū suorum sibi materiam subtrahi lætabuntur? Tales autem vt beneficio salutis ingrati, ita in gloriosum Saluatoris nomen cōtumeliosi sunt: dum illo partim in mendaciis suis, partim in rebus nihil cōfirmandis passim abutuntur. Sunt autem duo in hoc scelere maximè indigna, quæ illud intercōmuniā hominum flagitia grauissimum efficiunt: alterum, quòd crimen hoc non aduersus homines, sed aduersus sacrosāctam Dei maiestatem suscipitur: quod peccatū genus tanto grauius esse Theologi definiunt, quanto læsa maiestas dignior est: alterum verò, quòd scelus hoc nec errore, nec infirmitate, nec alicuius rei cupiditate excusari potest: quandoquidem qui iurandi consuetudinem habent, nihil horum in criminis sui excusationē, nisi prauam hanc consuetudinem, Dei quæ contemptum, pretextere queunt. Quanto autem peccandi occasio minor est, tātò grauius peccatum est, quod tam leui occasione cōmittitur. Petrus quidem amore uitæ, Dominum negauit: Iudas verò pecunia cupiditate eundem prodidit: tu verò, qui passim Dei nomen sacrilego ore cōmaculas, quem ex hoc fructum vt voluptatem capis? Inter illatas hominibus iniurias, illa maxima censetur, in qua maior personæ contemptus est. Sic inuenies seruum (vt Seneca ait) qui flagellis quàm colaphis cædi malit: & qui mortem atque verbera tolerabilia credat, quàm contumeliosa verba. Cuius rei non alia causa est, quàm quòd in verberibus aut colaphis maior sit quàm in morte contemptio. Hinc etiam grauiorem se homines iniuriam accepisse putant, si vel leuiter ab inimicis fuisse, quàm lethaliter gladio petantur: ac multo etiam grauissimè, si pro fuisse, muliebri colo feriantur, quòd ea res summum personæ contemptum præ se ferat. Vt igitur in iniuriis inferendis, sic in omni peccato quo maior fuerit Dei contemptus, eo est læsæ maiestatis erimen grauius. Vbi autem maior potest esse contemptus, quàm vbi nullus ex peccato sequitur fructus? Quid enim emolumentū alicuius occasione oblata non committeret, qui gratis, hoc est, sine vllō fructu Dominum maiestatis offendit? Itaq. scelus hoc, præterquam quòd ex natura sua grauissimum est, declarat etiam animum in omnia scelera præcipitem atque promptissimum; quando qui

Quib. filio
hic dicitur
nomen Iesu
sit.

Contra iu-
randi con-
suetudinem.

Matt. 26.

Simile.

Simile.

huic scelerei additus est, non solum vilitate aliqua inductus, sed gratis, & nullo commodo impellente, diuinum nomen contemere & violare paratus est. Extremæ calamitatis & miserie loco Vates sanctus esse dicebat, quod in Psalmo queritur: Vendidisti populum tuum sine pretio, & non fuit multitudo in commutationibus eorum. Hoc est, non factus es Domine populi tui venditione locupletior, propterea quod gratis illum hostibus vendidisti. Quo significare voluit, Dominum adeo vilem populum suum habuisse, vt gratis illum eum rem vilissimam diripientibus tradiderit. Si ergo hoc tam opere despondum est; quale, quæso, erit, ipsam maiestatis Dominum tam vilem habere, vt gratis tu quoque illum vendas? quod faciunt, qui nullius spe vilitatis inducti peccant. Quomodo verò de iis sperandum est, vt vel oculus eruant, vel pedes & manus (cum eis offendiculo fuerint) propter Deum abscindant, vt se ipsos abnegent, & crucem suam tollant: quando nec solum loquendi vltim propter eum castigare dignantur? Sciant igitur hi, quàm diu ita viuunt, se à Dei gratia & regno eius excidisse: quia regnum celorum non vecordes, aut rebelles, aut diuinæ maiestatis contemptores; sed solliciti, sed sobrii, sed diligentes, sed ad Dei verbum trementes rapere dicuntur. Quales nos efficere dignetur, qui hodie Saluatoris nomen accepit, & Saluatoris officium pretiosissimi sanguinis sui effusione inchoauit. **Qui est benedictus in secula seculorum. Amen.**

IN

IN EODEM FESTO CIRCVMCI-

SIONIS DOMINI, CONCIO TERTIA: IN

qua primùm de Circumcisione Domini Salua-

toris, & salutari eius nomine, quod illi hodie

impositum est, agitur. Secundo verò loco de spi- II.

rituali circumcisione nostra differitur, quam alij

sui abnegationem, atque victoriam sui, alij mor-

tificationem appellant, qua videlicet mortifica-

mus membra nostra quæ sunt super terram, hoc

est, omnium cupiditatum intemperatiam, quam

carnalis illa circumcisio adumbrabat. Vbi etiam III.

ostenditur, huiusmodi circumcisionem certissi-

mam ad dilectionem Dei viam esse, in qua noui

& æterni fœderis summa consistit.

THE. Circumcidet Dominus cor tuum, & cor seminis tui, ut diligas Dominum Deum tuum in toto corde tuo, & in tota anima tua, ut possis vivere. Deut. 30.



N his quæ proposuimus verbis, fratres charissimi, totius Christianæ philosophiæ summa breuissimè continetur. Duo enim in hac celesti disciplina, atque adeò in omni alia re quæ ratione & consilio administratur, considerari solent; nempe rei finis, & ea quæ ad finem cōsequendū ordinantur. Finis Christianæ vitæ charitas est: ad hunc autē finem cōsequendū opus est ut omnia, quæ hūc charitatis affectū impediunt, excindamus; inter quæ immoderatus amor sui, & cupiditatū omnium intemperantia, quæ ab eo proficiunt, præcipuè numeratur. His

duobus tota Christianæ philosophiæ doctrina cōtinetur: quæ sanctus Moyses his paucissimis verbis, quæ audistis, cōplexus est, cum ait: *Circumcidet Dominus cor tuum, & cor seminis tui, ut diligas Dominum Deum tuū.* In altero enim cupiditatū omnium abdicatōe, quæ dilectionē hanc impediunt: in altero verò ipsam dilectionem, tãquam finem ad quem hæc spiritualis cordium circūcisio ordinatur, designauit, ut paulo pōst indicabimus; si prius tamen breuē Euangelicæ lectionis historiam explanauerimus. Ut autē utrumq; pro dignitate tractare possimus, celestem opē, sacratissimæ Virginis interuētū, suppliciter imploremus.

Cum in presenti Concione antiquę circumcisionis lex, quę Partibus à Domino lata est, explicanda nobis sit, vt ordinem omnem persequamur, primo loco de Circumcisione Domini Saluatoris, & salutari eius nomine, quod illi hodie impositum est; secundo verò de spiritali circumcisione nostra, quę, abrogata illa veteri, hodie quoque à nobis retinenda est, paulo fufius differemus.

Cum autem circumcisio & in originalis peccati remedium, & in spiritalis circumcisionis symbolum instituta olim à Domino fuerit: merito quæriri potest, quā de causa innocentissimus infans hodie circumcisus sit, qui nec vilius peccati macula infectus erat, nec hoc symbolo indigebat: vt qui nihil haberet quod in eo circumcidendum & amputandū esset. Quod enim de Spiritu sancto conceptum est, quid habere poterat legi circumcisionis obnoxium? Nihil planè. Sunt tamen alię causę, propter quas Dominus circumcidi passus est. Primum enim sicut carnem suscepit, vt nos à tyrannide carnis liberaret: ita legi subditus esse voluit, vt nos à legis Mosaicę iugo eriperet. Sic enim Apostolus ait: *Misit Deus Filium suum, natum ex muliere, factum sub lege, vt eos, qui sub lege erant, redimeret, vt adoptionem filiorum reciperemus.* Deinde, qui ad hoc venerat, vt purissimo sanguine suo peccata nostra dilueret, & à potestate diaboli eriperet, vbi primum natus est, voluit protinus has pretiosas sanguinis sui guttas velut futura redemptionis obsoles Patri suo offerre. Postremo, sicut rōties, dum vixit, & ieiunauit, & vigilauit, & orauit, & aqua baptismatis tinctus est; non quod hęc rebus ipse indigeret, sed vt exemplis suis nos ad cęlestis vitę disciplinam informaret: ita modò circumcidi voluit, vt exemplo suo nos ad spiritualem circumcisionem (ex qua tota salus nostra pendeat) incitaret. Nisi enim spiritaliter hodie quoque circumcidamur, salutem consequi nequaquam possumus.

*Quid pra
se ferat no
men Iesus.*

Quia verò in originalis peccati remedium circumcisio tunc, sicut modò baptismus, instituta erat: vt modò in baptismo, cum homo in nouam vitam renascitur, nomen baptizato imponitur: ita tunc in circumcisione imponebatur. Nostro igitur infanti imponitur salutare & gloriosum nomen Iesus: quod vocatum antea & pronunciatum erat ab Angelo, priusquam in vtero conciperetur. Quæriri autem d. Bernardus, cur, cum tam multa sint in scripturis Saluatoris nomina, hoc illi præcipue impositum sit? Ad quod idem respondet: omnia ea nomina ad hoc potissimum fuisse instituta, vt partim ad amorem, partim ad spem, partim ad obsequendi studiū & obedientiam, partim

etiam

etiam ad spirituale gaudium & laetitiā homines incitarent. At cuncta hæc cōmoda & officia cumulatissimē in hoc suauissimo Iesu, id est, Saluatoris nomine continentur. Nam quod ad amorem attinet, quis adeo ferreus est, qui Salvatorem non diligit, adeo potentē, vt in ditione eius cuncta sint posita: adeo diuītē, vt ipse sit vniuersorum Dominus: adeo verō piū & clementē, vt ipso vltro seruādi homines curam suscepit, idq. tanto studio & affectu, vt, cum vnico verbo eos seruare posset, noluerit tamen nisi fuso sanguine redimere? Cumq. solus circūcisionis hodiernę sanguis ad hoc sufficere potuisset, noluit nisi totum sanguinem in cruce moriens effundere. Et cum adhuc nō nihil sanguinis in mortuo corpore resideret, ipsum perfollo crudeli culpe latere fundi voluit: ne vel vna sanguinis gutta in corpore suo reliqua esset, quæ nō in redemptionis nostrę pretium offerretur. Quis igitur adeo salutis suę negligēs erit, qui nō hunc salutis suę vindicem & auctorem toto corde ac tota mente diligit? Quod verō ad spem attinet, in quo alio spem meam tutius collocē, quā in eo cui hodie Iesus, id est, Saluatoris nomen inditum est? Qua in re non segnitē adnotandū est, aliud esse ex imminente aliqua occasione, aliud ex officio quicquam facere. Nam qui oblata occasione præclarum aliquid faciunt, tunc solum id faciūt, cum occasio vrget: qui autem ex officio, ij plane ita suo muneri intenti sunt, vt, cum beneficii occasio deest, ipsi eam vndeque conquirant. Sic enim medici, pictores, scriptores, ceteriq. opifices in officiis suis perpetuō versantur: & ita versantur, vt, si aliquādo eis operum suorū materia desit, alieam vndeque conquirant, ne ab officio suo cessare cogantur. Quod si puero nostro hodie nomen & officium Saluatoris imponitur; quid aliud colligere hinc licet, nisi quod quemadmodum pictores & scriptores his officiis perpetuō incumbunt, ita Seruator noster Christus in hominū salute procuranda omne operam atq. studium continenter impēdat: atq. ita impendat, vt, si quando illi vitio nostro huius officij materia desit, ipse illā quærat. Nec enim minori modo salutis nostrę cura tangitur, quā cum apud nos in hoc seculo versaretur: quō tempore per vicos & castella curabat, vt impartendæ salutis occasionem semper inueniret. Cum enim verē caput Ecclesię sit, capitis semper officio fungitur, membra omnia Spiritu suo regens atq. dirigens. Idemq. instar Solis gyrat per Meridiem, & reuertitur ad Aquilonem, pios illuminans, & impios visitans: vt nemo sit qui se abscondat à calore eius. Vidit enim sapientia Patrīs esse in mūdo reatorem, qui tanquam leo rugiens semper circuit quærens quem deuoret: qua de re decuit ex aduerso esse etiam Seruatorem, qui

Simile.

1 Pet. 5.

tanquam protector & clypeus noster circumeat, quærens quos seruet, & ab insatigabili generis humani persecutore defendat. Quæ cum ita sint, ubi, quæso, spem meam tutius collocare poterò, quam in eo cuius immentæ sunt opes? cuius infinita potentia? cuius ineluctabilis veritas? cuius immensa & infinita benignitas? cuius denique & nomen & officium est Seruatoris? Quid enim in his est, quod spem meam non fulciat atque confirmet? Jam verò (quod ad obedientiam & studium obsequendi attinet) cui, obsecro, totum meum studium & obsequium iustius debeo, quam ei à quo vita, salus, & omnis felicitas mea pender, ut totum videlicet illi militet, à quo totum custoditur atque, seruatur? Hoc enim potissimum nomine Darius Rex colendum esse Danielis Deum iudicauit, idq. in latissimo regno suo lata lege præcepit, quia suorum ille esset protector atque seruator: Paueant, inquit, omnes Deum Danielis, quia ipse est liberator atque Saluator, qui liberauit Daniele de lacu leonum. Hunc igitur hodie Saluatorem celebremus, hunc colamus: imò verò nostras in illo opes & gloriam cum Propheta prædicemus, dicentes: Ego autem in Domino gaudebo, & exultabo in Deo Iesu meo. Quod perinde est ac si diceret: Letentur alij in fallacibus & celeriter interituris bonis, iactent opes & potentiam suam, victorias ingentis memorent atque triumphos, & auiorum atque arauorum stemmata longo ordine numerent: ego certe, hæc mania bonorum simulacra pro nihilo ducens, in Deo Iesu meo lætabor, & glorior. Quamobrem? Quia ipse est fortitudo mea, qua aduersus tenebrarum principes decertabo: & ipse irem ponet pedes meos quasi ceruorum, ut alacriter sine ulla offensione viam mandatorum eius curram (per quam ad beatam & immortalē vitam, & optatæ felicitatis portum peruenitur) quo me tandem ipse perducet in Psalmis canentem: hoc est, misericordiam & salutem eius perpetuis hymnis celebrantem. Quid igitur est in quo magis Christianus homo, quam in hoc salutari nomine, merito debeat gloriarī? Itaque ad omnia nobis, fratres, virtutum officia, hoc sacratissimū Iesu nomen ita manum porrigit, ut verissimè dictum sit, hoc nomen cunctarum misericordiarum Domini, ac totius Christianæ philosophiæ esse compendium.

Quid ergo superest, nisi ut nos ipsos, totamque vitam nostram in laudes huius sacratissimi nominis impēdamus? Quod tamen non frustra faciemus. Sunt enim sua laudatoribus posita præmia. Hunc enim Saluatorem adspiciebat ille qui dicebat: Benedicam benedicentibus tibi, & maledicam maledicentibus tibi. Hunc item sanctus Patriarcha (cum filio benedicere ioculis animi intuebatur, cum diceret: Qui benedixerit

Dan. 3.

Abac. 3.

Gen. 12.

Gen. 27.

dixerit tibi, sit ille benedictus: & qui maledixerit tibi, maledictionibus repleatur. Quod si has tantas laudes diuinum hoc nomen promeretur: quid de illis sperandum est, qui hoc venerabile nomen conculcant: cum passim pro rebus nihili per illud non modò impudenter iurant, sed & peierant? Contra quos tanta indignatione Vates sanctus exandelecebat, vt eos à comuni hominum cœtu exterminari à Domino peteret. Pro eo enim quod nos legimus: Si occideris Deus peccatores, &c. alij verterunt: Si occideres Deus peccatores, viri sanguinum declinabo à me. Qui loquuntur contra te sceleratè, assumunt nomen tuum frustra. Cum enim vir sanctus intelligeret, quanta pietate ac religione Deus propter admirabilem sapientiam & prouidentiam suam (de qua in toto hoc Psalmo disseruerat) esset colendus: meritò exandescit in impios, qui illum contempnunt, & pro nihilo habent. Itaque ait: O si perdas impios & sanguinarios, Deus: facessite, inquam, impij à me: non enim ferre possum, qui de te Domine impiè loquuntur: quique nomen tuum cum contempnitione vsurpant. Quod si communium beneficiorum consideratione vir sanctus ita aduersus illos indignabatur, qui nomen Domini proculcabant: quid faceret cum salutis huius beneficium consideraret, quod infinitis partibus cœtera diuina beneficia superat? Non ita conuenit, fratres, sed qui huius nominis virtute à diaboli potestate erepti sumus, illud omnibus in rebus reueremur, excusulemur, & adoremus: vt per illud eadè æternam salutem consequi mereamur. Hactenus de Euangelica lectione: nunc ad id quod initio proposuimus, veniamus.

I.

Inter res memoratù dignissimas, quæ in veteri Testamento literis mandata sunt, non infimum tener locum fœdus illud quod Dominus percussit cum Abraham: hoc enim vel fundamentum est omnium quæ in veteri Testamento traduntur. Cum autem fœdus omne siue pactum inter duos paciscentes verferetur, quorum alter alteri se certa lege obnoxium facit, in hoc pacto Deus quidem ab homine sinceram religionem, & sui nominis cultum exigebat: ipse verò se illi Deum futurum, & Chanæarum terram daturum pollicebatur. In cuius rei signum, circumcisionis legem sanxit: qua populus ille Deo fœderatus, à cæteris terræ populis distingueretur. Nunc autem res ipsa exigere videtur, vt de hac diuina promissione, de quæ circumcisionis eius signo pauca differamus.

Principiò igitur inquirendum est, quidnam illud sit quod Deus Abraham promittit, cum Deū se illi ac femini eius futurū promittit. Quid? An non ipse aliorum quoque omnium Deus erat?

Erat

Erat profectio: nec bonorum tantum, sed etiam malorum, & eorum quoque qui illius imperio parere nolunt. Ita enim ad quosdam rebelles, & imperium eius detrectantes per Prophetam dicit: *Vino ego, dicit Dominus, quia in brachio extento, & furore effuso regnabo super vos. Denique (vt D. Augustinus ait) etiam si perfidus homo imperium Dei recusaret, & ab eo recedere niteretur; quo magis ab eo fugeret, eo magis ad illum accederet: quo niam si à Deo fugeret placato, in Deum, vellet nolle, incurreret iratum. Perinde enim se gereret, ac si quis in medio terræ positus, à caelo fugere contendere: quo enim magis ab altera cæli parte secederet, eo magis ad alteram declinaret. Est igitur summus ille cælum Imperator omnium Deus, siue bonorum, siue malorum, siue imperio eius obsequium, siue repugantium. Sed aliter tamen istis, aliter illis Deus est. Deus enim tum maximè Dei officio fungitur, cum diuinitatis suæ potentiam diuinis operibus ostendit. Hanc autem potentiam aliter malis, aliter bonis declarat. Malis enim declarat, eos potenter puniendo: quomodo olim tenebrarum Principem ad Dei similitudinem nefario ausu adspirantem puniuit, cum illum à summo cæli cardine ad idum vsque barathrum præcipitem exturbauit. Similiq; ratione potentiam suam ostendit, cum Herodem (qui simili spiritu superbiæ elatus, diuinis honoribus insana blandientis populi voce oblatos sibi arrogauit) insanabili plaga ita percussit, vt protinus à vermibus exesus, impuram animam efflaret. Sic eandem in subigendo Pharaone, demonstrauit, quemadmodum iose Dominus testatur: Idcirco inquit, posui te, vt ostendam in te fortitudinem meam, & narretur in gentibus nomen meum. Videris ergo qua ratione Dominus diuinitatis suæ potentiam, conterendo funestum draconis atque mortiferum, caput, voluit mundo esse testatam: Ceterum pns hominibus longè aliter diuinitatis suæ gloriam se manifestaturum pollicetur. Vbi enim eis miras cælestis gratia opes atq; delicias amantissimis his verbis promississet, Ad vbera portabimini, & super genua blandientur vobis: quomodo si cui mater blandiatur, ita ego consolabor vos, &c. subdit protinus, Et cognosceret manus Domini seruis suis: hoc est, tanta cælestium donorum opulencia suos cumulabit, vt hoc argumentum diuinarum opum affluentiam, & immensas diuitias facillè cognoscant. O verè felices & fortunati, qui hac ratione, hoc est, maximo suo bono, omnipotentem Domini manum tanta in eos beneficiorum largitate protensam cognituri sint! Quæ sine autem hæc beneficia, omnes sanctarum literarum paginae vbique testantur: pro quibus regius Propheta deuotissime gratias agit in eo Psalmo, cuius initium est: Benedic anima mea Domi.*

Domino, & omnia quæ intra me sunt, nomini sancto eius. Deinde beneficia incipit numerare his verbis: Qui propitiatur omnibus iniquitatibus tuis, qui sanat omnes infirmitates tuas: qui redimit de interitu vitam tuam, qui coronat te in misericordia & miserationibus. Quia verò non poterat singulatim omnia eius beneficia recensere, hac vna oratione omnia complexus est: Qui coronat te in misericordia & miserationibus. Videtis ergo quàm dissimili ratione piis & improbis Dominus diuinitatis suæ potentiam ostendat, quàmque dissimili ratione utrisque Deus sit?

Nunc contrà expēdamus, quid homo vicissim præstare Deo debeat. Hoc autem faciliè ex iis, quæ Deus homini se daturum promittit, colligi potest. Si enim Deus se ipsum exhibet homini: consequens est, vt se ipsum quoque homo & omnia sua illi tradat. Cum enim se Deus homini Deum futurum promittat, Dei autem nomine infinitam quandam bonitatis & maiestatis abyssum (quæ omnes eum diligendi, obsequendi, & sperandi causas in se continet) intelligamus: quis iam dubitare possit, quin is vicissim ab homine exigat, quæ Deo, quatenus Deus est, summo iure debentur? Deo autem hac ratione debemus, vt spem omnem, amorem, felicitatem, & gloriam in vno eo reponamus, eiusque obsequio & voluntati nos ipsos, & nostra omnia præsentissimo animo dedamus. Sicut enim qui se alicui tradidit in patre, filij animum ab eo iure deposcit: ita cum se Deus homini Deum futurum pollicetur, eum ab eo cultum & pietatem exigat, quæ sibi diuinitatis suæ iure debentur. Scitū est (inquit Hieronymus) illud Domitij: Cur ego te habeam vt Principem, cum tu me non habeas vt Senatorem? Qua ex re illud contrà sequitur, vt, si te Princeps habeat vt Senatorem, tu illum habere debeas vt Principem. Quæ ratio in hac quoque causa nostra maximè locū habet, vt ipsi Deum tãquam Deum habeamus, quando illi singulari bonitate & paternâ prouidentia se nobis Deum, protectorem, atque parentem exhibet. Sed fortè dices: Ego verò illū vt Deum & habeo, & me illi totum humiliter subdo. Rectè sanè, si id non verbis solum, sed etiam animo & voluntate fiat. Præclare enim D. August. hominem magis eius esse ait, cui cor, quàm cui linguam & verba obtulit. Cuius rei gratia Apostolus quibusdam vñrem suum pro Deo habere dixit: quia quamuis Deum verbis iactarent, corde tamen magis ventri quàm Deo placere sat agebant. Hunc igitur turpem deum colūt, qui carni magis obsequi & placere, quàm Deo volūt: cuiusmodi sunt (vt cæteros interim omitam) qui carnem suam omni studio saginare & fouere contendūt, quib. ob id ieiunia ab Ecclesia instituta, sine causâ violant. Hi enim

Hieron.
ad Nepot.

August.
ad Pat.
men.

ventris præferunt Deo: quando, more Esau, propter vitæ ferculum aut ientaculum non verentur lethaliter offendere Deum. Tales ergo Deo verba solum offerunt, dum illum labiis honorant, cor autem ventris, crapulæ, libidini quæ, & intemperantiæ addictum est;

II.

Ceterum qui non verbotenus, sed corde & animo servire Deo cupit, sequæ totum illius obsequio mancipare (quod huius pacti ratio exigit) hoc in primis curare debet, ut illi tota mære & totis viribus diligit. Qui enim cor suum per sinceræ charitatis affectum Deo tradidit, seipsum & omnia sua illi tradidit: cum inter omnia dona & primum, & maximum, & omnium aliorum donorum origo amor sit; quem qui dedit, se ipsum & omnia dedit. Quod cum ita sit, aptissimum planè & appositissimum huius pacti signum circumcisio existit; quæ maxime huic amoris deservit. Ea namque spiritualiter accepta, cupiditatum omnium & carnalium voluptatum abscissionem designat: quibus sublati, charitas protinus in anima nostra efflorescit & viget. Ut enim corpora gravia, sub moris fulcris quæ illa in sublimi loco violenter derinent, sponte sua in locum sibi à natura destinatum summa celeritate contendunt: sic mens nostra, quæ ad spiritualia & æterna bona propensa est, sublati diuino munere cupiditatibus quæ illam ad terram deprimunt, libera & absoluta ad diuinæ mentis cõpium & amorè ipso Deo trahere rapitur & eleuatur. Quam rem nõ obscure verba illa, quæ initio proposuimus, declarant, quibus Moyses ait: Circumcider Dominus cor tuum, & cor seminis tui, ut diligas Dominum Deum tuum ex toto corde tuo, & ex tota anima tua, ut possis viuere. Hac enim circumcissione mysticè celebrata, confestim Dei dilectio in mente nostra, nemine aduersante, dominatur. Quisquis ergo se Deum diligere proficetur, diligenter aduertat, an ea, quæ huic dilectioni aduersantur, à se procul repellat. Quod si negligit, frustra sibi de hac dilectionis gratia blanditur, cum hoc ad illam potissimum requiratur. Quod si se viribus imparæ ad hoc cernit, supplex ad misericordiam Domini confo-giat, qui inter cetera pietatis suæ beneficia, hoc etiã se fidelibus datorum pollicitus est. Quod apertè quæ modò citauimus verba restantur: Circumcider Dominus cor tuum, & cor seminis tui, ut diligas Dominum Deum tuum, &c. Quo in loco non erit alienum Chaldaeam paraphrasim adducere, quæ hæc verba sic interpretatur: Circumcider Dominus stulticiam cordis tui, & stulticiam cordis filiorum tuorum, ut diligas Dominum Deum tuum, &c. Merito autè ea, quæ amorè Dei impediunt, stulticiam appellauit: nulla enim stultitia maior excogitari potest, quam Deum

contem-

contemnere propter ea quæ infinitis partibus Deo inferiora sunt. Liqueat igitur ex hoc loco, quàm sit hæc cordis circumsio (quam spiritualis vitæ magistri mortificatione, siue sui abnegatione, vñtatis nominibus appellant) ad charitatē necessariā. Id adeo verum est, vt D. Aug. hac potissimum de causa dicat, dilectionem nostrā erga Deum in hac vita perfectā esse non posse; quia nemo possit in ea plenē atq. perfectē cor suum circumcidere. hoc est, cupiditates omnes cū Dei amore pugnantētes, earumque fontem & seminarium, nempe inmodicum sui amorem, perfectē extinguere, & à se penitus abdicare.

August.

Sed hoc in loco inquireret fortasse aliquis, quonam modo hæc ipsa, quæ diximus, inter se cohereant. Diximus enim, diuinæ dilectionis proprium munus & effectum esse, cor ab omni cupiditate circumcidere: hunc autem diuersa ratione Moyses insinuare videtur, circumcidendum prius esse cor, quo Deum diligere valeamus. Quibus verbis spirituale hanc circumcisionem, tamquam dilectionis diuinæ causam, antegredi oportere ait. Quo pacto igitur res eadem, & affectus simul eiusdē rei, & causa esse potest? Facile est huic quæstioni respondere. Vtrumque enim verum est. Quia enim altera res, ab altera iuuatur, nihil mirum si altera alterius causa simul & effectus esse dicitur. Quo enim quis à terrenis curis & cupiditatibus expeditior est, eo facilius ad cælestium rerum amorē sine vlla remora aut impedimento rapitur: quoque ardentius diuinarum rerum amore flagrat, eo facilius terrena omnia (quæ cælestium rerum comparatione vilissima reputat) tamquam lutum despicit atq. cōtemnit. Ita fit, vt dilectio ipsa spirituali circumcisione parata, miro modo ad eandem circumcisionem vires atque animum præbeat, quo seipsam tueri & cōseruare, suisq. deliciis frui plenius valeat. Sic videmus eos qui cōcentu & suauitate mûsices vehementer oblectantur, cū suauiter canentium voces magna cum suauitate audiunt, molestē ferre si quis eos hoc tempore interpellat; si quis aut strepitu aut colloquio dulcedinem illam interceptat, quamuis id aliàs gratum esset atque necessarium. Ad hunc ergo modum qui vehementer Dei amore flagrant, illiusque suauissima consuetudine fruuntur, omnia quæ huic dilectioni inimica sunt, diligentissimē à se ablegant: ne qua fiat, vt amoris huius deliciæ negligentia sua impediantur. Murus itaque se ista iuuant, & sibi inuicem causæ sunt. Quod etiam in naturalibus causis passim videre licet. Nam & lux surgentis auroræ tenebras pellit aeris: & quo aer ipse à tenebris nebulisq. purior existit, eo perfectius lucis in se candorē percipit. Sic etiam cū humentia ligna in ignem conficimus, ignis quidē vis ea arefacit & exsiccat: quæ vbi ad hunc modum

Simile.

Simile.

Simile.

arc-

ars facta fuerunt, facilius ignem & flammam concipiunt. Ariditas igitur illa priori modo effectus ignis, posteriori verò efficiens incrementi ignis causa est. Ariditas enim ea in causa est, ut facilius ligna cōburantur, & in ignis materiam versa, ignem augeant. Ex qua quidē philosophia apertè colligimus, duos hęc virtutum officia nullo modo à se inuicē separanda esse, sed alteram alteri copulandam: quādoquidem altera sine altera consistere nullo modo potest; videlicet nec sine spiritali circumcissione amor, nec sine amore spiritalis hęc circumcisio.

Ex iis autem quæ hactenus dicta sunt, illorum error coguntur, qui non sine periculo iis solū studiis incumbunt, quibus charitas in Deum incendi solet; nempe orationi, diuinarumq; rerum contemplationi: qui tamen spiritalis huius circumcissionis, hoc est, mortificationis studium non admodum curant. Sunt rursus qui diuersa ratione, sine his diuini amoris incrementis, cupiditarum suarū mortificationem assecuturos se arbitrantur. Vtrique autem errore labuntur. Sciāt igitur se assequi minimè posse quod cupiunt, prætermisso eo quod negligunt. Ad eò enim vitata & sui amore inflāmata natura mortificationis labori atq; acerbitati resistit, ut, nisi diuini amoris facibus inflammetur, immodicum sui amorem superare, & cupiditates, quæ ab eo profiscuntur, abscindere, & rationis imperio comprimere nequaquam possit. Sine hac enim ardē in Deum dilectione quis sibi repugnare? quis aduersum se arma capere? quis necē cupiditatibus afferre? quis se amanter odisse? sequē ipsum, hoc est, naturam, osam vincere posse confidat? Caterum quemadmodum is qui pecuniæ studio flagrat, non dubitat se maris fluctibus committere, & ad extremos vsq; Indici maris finis aurum persequi (quod nullo modo faceret, nisi prius vehementer auri amore captus esset) ita necesse est, ut prius homo amoris atque dulcedinis diuinæ prægustratione quadam alliciat, ut alacri & constanti animo ad circumcissionis huius, hoc est, mortificationis laborem accendatur. Non enim ex odio amor, sed ex amore potius sanctum sui odiū, & cupiditatum cohibitio profiscitur. Hoc autē Evangelicus ille mercator expressit, qui, ubi diuini amoris thesaurum inuenit, eius desiderio incensus nō dubitanit omnia sua diuendere, ut illo potiretur. Vtriusque autē virtutis huius studium in Cantici Sponsus cōmendat, non modò cum thus & myrrham inter suauissimos virtutum odores nominat (quorum alterum orationis, alterum mortificationis officium designat) sed etiam cum putationis tēpus, & vocē turturis simul iungit. Vox enim turturis, vocem orationis, & castissimæ animæ suspiria & gemitus; Sponsi sui cōspectum avidissimè desiderātis, designat:

tem-

simile.

Cant. 2.

tempus verò putationis (quo superuacui vitis palmites in inania folia luxuriantes abscinduntur, quo frugiferi coalescant, & uberiorē fructum ferant) spiritualis circūcisionis & mortificationis officium significat: quæ duo virtutū officia separari à se nulla ratione debent. Illud tamen hoc in loco ad monitione dignum duxi, quo ad hunc Dei amorē adspirantibus viam munia: quod, cum omnis disciplina à facilioribus rudimentis initium capere debeat, danda opera est, ut incipientes, & in hac celesti militia tyrones, lacte prius, hoc est, piarum precum, & sanctarum meditationū studio nutriantur (quæ faciliora sunt) sic enim fiet, ut vbi primum diuinæ suauitatis atque deuotionis dulcedine prægusta uerint, facilius Dei amore inescant, aduersum se arma capere, & crucem Domini, hoc est, carnis mortificationem amplecti valeant. Quamuis enim dū hæc vitæ spiritualis officia (ut antè diximus) omni tempore colenda sint, initio tamen huius disciplinæ maius studium in eo quod facilius, quàm quod difficilius est, ponendum esse, celestis ille magister indicauit, cum vinum nouum in ures nouos, non in veteres fundendum esse docuit. Quæ similitudine insinquare uoluit, difficiliora virtutum officia prouectioribus, faciliora uero incipientibus & adhuc infirmis committenda esse. Hæc enim sunt duo illa fercula uini & lactis, ad quæ nos Dominus per Isaiam absque argento & absque ulla commutatione inquit: quorum alterum, uidelicet lactis, ad paruulos in Christo; alterum autem, hoc est, uini, ad robustiores & adultos pertinet.

I I I.

Cæterum quoniam ea quæ hæcenus de spirituali circūcisione differuimus, uolueris dicta sunt; non ab re fuerit sigillatim ea explorare quæ in moribus nostris circūcidere debeamus, quo ad dilectionem in Deum (in quo huius pacti summa consistit) peruenire valeamus. Quatuor ergo mihi potissimum circūcidenda esse uidentur. Primum quidem (ut ab his quæ extra nos sunt exordiar) externa bona ita ressecanda sunt, ut intra suam se quisque mensuram contineat, & ad ea, quæ vires suas & facultatem superant, extendere se non audeat. Sic enim se sanctus ille Rex continebat cum diceret: Domine non est exaltati cor meum, neque elati sunt oculi mei. Neque ambulauit in magnis, nec in mirabilibus super me. Sic etiam se Apostolus continebat cum diceret: Habentes alimenta, & quibus tegamur, his contenti sumus. Hæc namque sunt naturales diuitiæ; hæc usus vitæ, hæc ratio, hæc virtus, hæc natura postulat: quibus olim homines contenti erant, qui iuxta naturæ præscriptum vitam instituiebant. Cætera uero quæ postea in mundum inuecta sunt, partim quidem hominum intemperantia,

Descēdit
ad singula
laria.ps. 133.
1. Tim. 6.

Y

partim

partim verò terrena prudentia excogitauit. Natura enim ea præcipue quærit, quæ sanctus ille Patriarcha optabat cum diceret: Si dederit mihi Dominus panem ad vescendum, & vestimentum quo operiar, &c. His duabus simplicissimis rebus necessaria vitæ circumscripsit. Quod si hac regula vsum vitæ metiamur; bone Deus! quanta in domibus diuitum & nobilium, quæ rescare oporteat, inuenimus? Quot genera indumentorum, quibus corpora ornantur: quot peristomatum & aulæorum formas, quibus parietes vestiuntur: quot ciborum, cupidinarum, deliciarum atque odorum speciei, quas Deus non corporum indulgentiæ atque libidini, sed ægritudini atque infirmitati nostræ prouidit? Quàm multis esuriētibus reficiendis, quàm multis nudis ac frigore hac hybernali glacie constrictis vestiendis illa sufficeret, quæ tu cum inaniter profundis, in pauperum tuguria inuadere, illosque rebus ad vitam necessariis spoliare videris? Scitum enim illud est quod quidam ex sanctis Patribus ait: Pisce fame morientem: si non pueris, occidisti. In huiusmodi verò hominum mores D. Basilus sic inuehitur: Panis est famelici quem tu renes: nudi tunica quam tu in conclauis seruas: discalceati calceus qui penes te marcescit: indigentis aurum quod possides: quocirca tot labefactas, quot seruare potuisses. Neque verò in pauperes solùm, sed in reipsum valde immanis es & crudelis: quia dum vanitatibus atque voluptatibus seruans, immodicis sumptibus fortunas tuas atque facultatem superas, in miserrimum te cupiditatis atque necessitatis barathrum præcipitas: è quo vix summa cum difficultate possis emergere.

Quod quidem vitium corruptissimo hoc seculo potissimum regnare videtur: quando vanitas, voluptas, luxus, & fastus, atque omnis generis deliciarum prioribus forsitan seculis incognitæ usque adeo inundarunt, vt omnem penè vitam corrumpisse videantur. Quibus rebus homines (vt diximus) in hos duos cupiditatis simul & necessitatis scopulos se præcipientes agunt: in quos cum inciderint, nulli rei nec sacræ nec profanæ parcunt, nullum ius, nullumque humanæ societatis atque naturalis necessitudinis fœdus sanctum habeant. Si enim torres in historiis legimus matres ipsas vrgere famis necessitate filios suos, hoc est, viscera sua in ventrem, vnde primum prodierant, miserabili necessitate condidisse: cui rei parcat homo dira necessitatis lege, aut cupiditatis immanitate constrictus? Hæc igitur omnia, quæ hominum intemperantia adiuuenit, gladio diuini timoris rescanda sunt: partim vt habeamus quo Christi pauperes reficiamus, partim ne huiusmodi necessitate vel cupiditate (quæ maiorum omnium radix est) impulsus, contra debitum charitatis,

eis; pactumque dilectionis cum Deo initum, aliquid committamus: intra suam se quisque, fratres, mensuram contineat, & sua sorte contentus, supra se, hoc est, supra facultatem suam asurgere nolit. Hinc Salomon, Ne, inquit, erigas oculos tuos ad opes quas habere non potes; quia facient sibi alas, & volabunt in cælum. Quod sapientissimi viri consilium qui non sequuntur, ipsi præcipientes in magna se incommoda exturbant. In quo vitio Moabitæ fuisse memorantur: contra quos infensus Dominus per Hieremiam comminatur dicens: Propterea cor meum Hier. 48. ad Moab quasi æris tibia personabit, vel (ut alij vertunt) perinde ac tibia triste iussitans resonabit: quia plus fecit quam potuit, ideoque perierunt. Hoc est ergo primum spiritualis circumcisionis genus.

Est & aliud, quo non tam res externas, quam membra corporis nostri & sensus circumcidimus. Adeo enim humana natura peccati morbo infecta est, ut vix quicquam in ea sit quod spirituali hac circumcisione non egeat, qua noxia subtrahantur, & salutaria relinquantur. Circumcidi ergo primum oculi sunt, quorum circumcisionem Vates sanctus à Domino petebat cum diceret: Averte oculos meos ne videant vanitatem. Psal. 119. Circumcidendæ aures, ne fabulis, ne detractionibus, ne impuris verbis & adulationibus, aut pravorum hominum consiliis aditum præbeant. Ad quod nos Salomon inducit cum ait: Sepi aures tuas spinis, & noli audire linguam nequam. Gustatus quoque ipse circumcidendus est, ut, simplici victu contentus, exquisitos saporibus, cupedias atque varia deliciarum genera, tamquam carnalium hominum inuenta, superbiæ & elationis fomenta, libidinumque irritamenta detestetur. Hoc enim nos Apostolus monet, cum præcipit ne carnis curam faciamus in desideriis. Circumcidendæ quoque manus, ne aliena diripiant, ne pauperum iniuriis discescant, ne seruos & mercenarios operis sui mercede spoliarent. Sed super omnia lingua circumcidendæ est, quæ constituta in membris nostris maculat totum corpus nostrum, & inflamat rotam natiuitatis nostræ. Contra quam Psal. 142. auxilium de cælo cum Propheta petendum est, atque orandum: Pone Domine custodiam ori meo, & ostium circumstantiæ labiis meis. Quod planè vir sanctus à Deo petebat, quoniam intelligebat quàm difficile sit linguam coercere, ne famæ detrahas absentis, ne per iram, contumeliam inferas, ne ad alterius voluntatem aliter loquaris atque sentias, ne plurima inutilia, leuia, turpia, inania temerè effurias, quorum omnium redditurus sis in extremo iudicio rationem. Quocirca semper orandus est Deus, ut linguam nostram moderetur, ne quid videri quam loquamur quod non ipsi quidem gloriosum, hominibus

utile, nobis verò salutare existat. Scitum enim est illud Salomonis: Hominis est animam præparare, Domini autem gubernare linguam.

III. Est & alia adhuc interior affectuum atque desideriorum noxiarum circuncisio. Latet enim in corde nostro concupiscendi appetitus, qui carnalium affectuum & cupiditatum omnium origo est: à quibus (nisi rationis imperio subigantur) omnes scelerum fauces oriuntur. Ab his enim ambitio, ab his libido, auaritia, ira, inuidia, contentiones, lites, factiones, inimicitia, vindictæ appetitus, & malorum omnium fons, nempe immodicus sui amor, cæteraque perturbationes abissi deriuantur: quæ nos à cælestibus rebus abductos ad terrena deiciunt. Hæ namque animorum pestes ex corde nostro oriuntur, dicente Domino: De corde exeunt cogitationes malæ, homicidia, adulteria, stupra, furta, falsa testimonia, conuitia, &c. Cum ergo hæc omnia mala ex corde nostro, velut ex teterimo fonte, scaturiant: necesse est, vt ad lachalis huius arboris radicem securis apponatur, vt radice quatenus licuerit abscissa, malorum quoque germina extirpentur. Hoc est enim quod in veteri Testamento Moyses populo præcepit, cum ait: Circuncidite præputium cordis vestri, & ceruicem vestram ne induretis amplius.

Deut. 10. **3. Cor. 4.** Quod quidem diuinæ legis præceptum Apostolus explicuit & impleuit, cum se occultis dedecoris abdicare testatus est. Hoc autem efficit quisquis omnia peccati germina ex corde pullulantia (quæ hominem ante Deum teste conscientia prædefaciunt) gladio diuini timoris abscindit. Hæc enim est spiritualis circuncisio, quam non modò humanæ carnis, sed etiam ipsarum quoque recentium arborum circuncisio in lege præscripta figurabatur: ad id modis omnibus Dominus spiritualem hanc circuncisionem voluit commendari.

III. Superest adhuc quartum circuncisionis genus (quod potissimum ad spirituales viros pertinet) quo alia præstantior animæ nostræ pars, nempe cognoscendi vis, ab imaginibus terrenarum rerum purganda est, ne orationis tempore sese illis obiciant, & orationis puritatem impendant: quæ nisi ab hisce imaginibus libera, & veluti à sentibus & spinis perpurcata sit, pura omnino dici non potest. Cum enim intellectus noster adeo angustus sit, vt eodem temporis momento plura simul intelligere rectè nequeat: necesse est, vt, cum interius his imaginibus depingitur, à Dei splendore & pulchritudine mentis oculos auerrat. Quamobrem quisquis puram Deo orationem offerre desiderat, ab iis omnibus curis & cogitationibus metem suam (quantum cuique pro ratione status & officij sui licet) diligenter auertat: ne illi hoc tempore molestiam inferant. Ad quod magna

magna & assidua diligentia opus est, quando mens nostra adeo inquieta & volubilis est, vt in vna aliqua cogitatione permanere diu nequeat. Nulla tamen ad hoc diligentia sufficiet, nisi huius mali radices amputaueris. Radices autem imaginum, cupiditates terrenarum rerum sunt: vix enim intellectus ab affectu diuelli potest. Quare vbi affectus cordis est, ibi quoque intellectus noster hæret solet, dicente Domino: Vbi est thesaurus tuus, ibi est & cor tuum. Quamobrem nemo naturam accuset, nemo, dum orat, de imaginum multiplicitate queratur. Nos potius accensendi sumus, qui amoris vinculo terrenis curis alligati, frustra sine imaginibus earum rerum esse volumus quas amamus. Quomodo enim ab his diuelli poterit intellectus, quibus per amorem inhæret affectus?

Matth. 6.

Hæc est igitur, fratres, spiritalis & vera circumcisio, quam à nobis Dominus requirit, vt amoris pactum, quem potissimum exigit, inuiolatum firmumque retineamus. Agnoscit enim natura nostra ingenium conditor noster, intelligitque, sublato rerum terrenarum amore, celestium protinus amorem excitari & coalescere. Id quod aptissima similitudine D. Gregorius explicat his verbis: Si carni quod licet abscindimus, mox in spiritu quod delectat inuenimus. Intentioni quippe animæ si exterior euagatio clauditur, interior accessus aperitur: nam cum extra se spargi propter disciplinam mens non potest, eo super se intendere per profectum potest: quia & in altum creescit arbor similis cogitur, quæ per ramos diffundi prohibetur: & cum riuus fontis obstruimus, fluentia surgunt & superiora prouocamus. Hæc tenus ille. Si his igitur rationibus circumcisionis legem, quæ octaua die in lege perficiebatur, implere studeamus, fratres: non dubium quin ad alteram multo diuiniorem perueniuri simus, quæ octaua die in futura vita post huius seculi hebdomadam celebranda est. In qua non solum omnis cupiditatum nostrarum intemperantia, sed omnis etiam laborum, dolorum, lachrymarum, & ærumnarum molestia, non ferreo aut lapideo cultro, sed plenissimæ felicitatis gaudio rescanda est: cum vocem illam iucunditatis plenissimam audire à Domino mereamur: Euge serue bone & fidelis, quia in pauca fuisti fidelis, supra multa te constituam; intra in gaudium Domini tui. Quod nobis concedere dignetur Iesus Christus Dominus noster, qui cum Patre & Spiritu sancto est benedictus in secula seculorum.

Gregor.

similis

A M E N.

Y

HYM.

HYMNVS IACOBI MONTANI

in Circuncisione Domini.

FVLget octaua mera lux diei
 Quo puer dñs roseum cruorem
 Carne precisa mersit pudoris
 Fugit abunde.

Gaudeat totus sine fine mundus,
 Cuius eternam Deus ob salutem
 Testus humana specie madere
 Sanguine amauit.

Qui caret nouo subit expiamen,
 Et rati sentit vigor archiatri
 Vulneris curam, licet omnis expers
 Vulneris esset.

Lesa vagitum caro promit acrem,
 Nec gene possunt lacrymas tenere,
 Dum quatit crebro gemitus verendum
 Verbere pectus.

Sanguis humane pretium salutis,
 Quo nihil totum melius per orbem,
 Hac die primum datur affluenti
 Munere nobis.

Abluit tantus rea corda fetus
 Labe depulsa gemine mephoris,
 Et cruor vasti diuturna munda
 Vincula soluit.

Nomen è cælis oriens Iesus
 Maxima paruo ratione Regi
 Inditur, qui sotor erat redempta
 Plebe futurus.

Nomen hoc vite nece reddit atros,
 Promonet claudos, oculis tenebras
 Demit, & iabo viriata lepræ
 Corpora sanat.

Nomen hoc clausis iter expeditum
 Auribus confert, mala vincla lingue
 Soluit, & crude metuenda febris
 Caumat a pellit.

Nomen hoc curuos regit, aresactis
 Artubus promptum tribuit vigorem,
 Et lacertoso spoliata motu
 Membra reformat.

Nomen hydropis fugat hoc tumorem,
Spiritus arceat refugos, & omne
Vi sua morbi genus à misella
Carne repellit.

Nomen hoc vires animo refundit,
Cum grauis mentem cieat hora pugnae,
Et cauernosius truculenta Pluto
Spicula torquet.

Nomen hoc confert veniam scelestis,
Gaudium iustis, patriam fugatis,
Naufragis portum, pugilique amico
Robur operisum.

Hoc nouis nomen replet tra linguis,
Dipsadum vixit superat venenam,
Et famem dicto citius retundit,
Vimque ferarum.

Nomen hoc vires olei salubris
Continet, mundum quibus vniuersum
Illitu sanat placido, & dolore
Minget omnem.

Nomen hoc castum melos indit auri,
Gustui nectar, patulus aroma
Naribus, puroque canora adauge
Iubila cordi.

Laus sit eterna pia Trinitati,
Que suam tanti facit usque plebem,
Domine vt dio fugez omne leuim,
Det bona cuncta.

IN EPIPHANIA DOMINI, CON-
CIO PRIMA: QVÆ LECTIONEM EVAN-
gelicam explanat.

THE. Vidimus stellam eius in Oriente, & venimus adora-
re eum. Matth. 2.



Beatus est (ait Saluator) qui non fuerit scādalizatus in me: hoc est, qui eam Dei munere fidē consecutus fuerit, vt externa humanitatis & paupertatis meæ specie nihil commoueat, quo minus credat diuinitatis maiestatem sub hoc rā humili habitu & externa specie latere. Ad eō enim sese calorū Dominus propter peccata nostra diluenda, & superbiā cōprimendam deiecit, vt illorū multi, propter quorū salutē se ita demisit, nullo modo

Deum crederent, quem sic abiectum cernerent. Ut hanc igitur infidelitatis occasionem infirmis adimeret, sic maiestatem & celsitudinem suam propter nos depressit, ut humilitas ipsa esset cum maxima sua dignitate, clarissimisque miraculis coniuncta: ut, quicquid perspicaces oculos haberet, non obscure in illa humilitate latentem divinæ maiestatis gloriam perspicere poruisset. Hoc autem facile intelliget, quicquid exordium Evangelicæ historiæ, quam beatus Lucas delinripit, attentè perlegerit. Quot enim ibidem miraculis atque caelestibus signis infantia Domini Salvatoris illustratur? Ut enim antiqua Prophetarum oracula præteream, prius etiam quam in lucem Christus Dominus ederetur, Zacharias sacerdos Gabrielem Angelum ad aram territus videt, vocem subito amittit, eandemque post novem menses dinovo munere recipit, & Spiritu sancto repletus, laudes Domini canit. Sterilis quoque vxor eius supra naturæ leges nouo partu fecundatur: & nomen nato puero caelesti oraculo vicinis mirantibus imponitur. Quid referam Christi conceptionem, illustrioribus nobilitatam miraculis? Quale enim miraculum fuit, sine virili opera de Spiritu sancto concipi, femineisque visceribus Deum omnia circumplectentem includi? Quale miraculum fuit, Ioannem Baptistam in utero matris clausum exsultare, Spiritu sancto repleri, & Redemptorem suum, illis adhuc materni uterj claustris inclusum, adeo mirabili obsequio reuereri? Quale miraculum fuit, piam præcursoris genitricem Spiritu sancto repleri, matrem Domini agnoscere, & summum Evangelicæ gratiæ mysterium ab eodem Spiritu edoceri? Iam vero ipsam Domini natiuitatem quæ miracula illustrant: Intacta Virgo sine vlllo pudoris detrimento & doloris sensu filium generat, Virgo parit, Virgo nutrit, Virgo lactat. Angelus pastoribus caelesti lumine coruscans, nouum Virginis partum nunciat. Angelorum voces & cantus in terra ab hominibus audiuntur. Noua verò stella, insigni claritate fulgens, splendore suo Magos ab extremis terræ finibus ad nati pueri cunabula vocat. Quid hic Simeonis testimonium, gaudium, & canticum, quid sanctissimæ Annæ voces & laudes, quid tot Angelorum responsa, spūsū Virginis, quocūque esset Saluator iturus & rediturus, admonentia referam? Itaque si quis eam mentem à Domino percepisset, quantum rerum splendorem & maiestatem pro dignitate conciperet, facile advertere posset, sub illa humilitatis & vilitatis specie mirabilem divinæ celsitudinis splendorem delitescere. Quæ enim nullas vniquam principum mundi, eorū etiam qui se pro diis coli voluerunt, usurpare ausus est, quæque nulla habens humana superbia potuit excogitare, nunquam Evangelistarum

listarum simplicitas fingere potuisset, nisi rei gesta veritas illos ad ea scribenda impulisset. Diuinæ quippe providentiæ opus fuit, ut quæ Dei Filius ad illustrandâ humanitatis suæ gloriam, & fidem nostram confirmandam instituerat, nulla mentis elatio usurpare, nulla malitia fingere potuisset. Itaque quisquis magnalia hæc inter humilia Christi opera animaduertit, miris splendoribus illustratur: illustratusque & in fide roboratur, & in tanti Redemptoris amorem mirabiliter accenditur.

Inter hæc igitur miraculorum insignia nouum hodie miraculum celebramus: quo cælestis sideris splendore omnes ad fidem gentes in vobis Magis vocatæ sumus. Mirum namque est (ut beatus Maximus ait) quod Christus processit ex Virgine; nec minus magnificum quod ostensus è cælo. Mirum quod nouum hominem terra suscepit; stupendū nihilominus quod nouum hunc hominem noua de cælo stella prodiderit. Apud Iudæam Christus in præsepio pastoribus vagiebat, & in Chaldæa Magorum oculis inter sidera coruscabat. In Bethlehem lactabatur à matre, in Chaldæa adorabatur à Magis. Apud Iudæos fordebat in pannis, apud Gentiles fulgebat in gloria. Et quidem necesse erat ut cælorum Dominum cæleste signum præcederet, & auctorem luminis signum luminis reuelaret. Itaque humilis quidem Dominus in carne venit, sed ita humilis ut mirabilis; ut pariter in eo assumptæ carnis veritas & ineffabilis diuinitatis natura fulgeret: & quâquam nascentem illum cunabula terrena susceperint, non tamen esse terrenū cæleste signaculum testaretur. Hactenus Maximus. De hoc igitur hodie mysterio dicturi, cælestem opem, beatissimæ Virginis interuentu, suppliciter imploremus.

Maxim.
in Serm.

A V E M A R I A .

Celebris D. Augustini sententia est, Deum ad se homines miris modis adducere: nec miris modo, sed etiam multis ac maximè variis. Quosdam enim beneficiis, quosdam plagis, quosdam amore, quosdam metu, quosdam præmiorum, quosdam verò suppliciorum proposita magnitudine, quosdam secretis inspirationibus, quosdam publicis Ecclesiæ vocibus, quosdam potenti virtute sacramentorum, quosdam etiam (quorum ego non paucos vidi) piorum lectione librorum ad se trahit. Vidi alios, quos peccatorum suorum atrocitas & multitudo ita perterrefecit, ut ad vitæ suæ detestationem ac poenitentiam impelleret: & quæ res improborum mentibus tenebras obfundere solet, eadem diuina operante gratia (quæ ex malis elicere bona solet) lucis eis ministra fieret, & ad salutarem luctum & terrorem incitaret. Itaque sicut piscandi aut venandi artifices varias atque multiplices artes, variaque escarum & retium ge-

Augst.

vera excogitarunt, quibus in casses suos pisces includerent: ita ecclesiis ille animarū piscator innumeras quotidie rationes inuenit, quibus electorum suorum animas, à mundanę vitę pelago extractas, in Euangelij sagena conderet. Nihil enim est tam additum, nihil tam abiectum, & à conspectu hominum remotum, quod ille non videat, & quò non misericordię & prouidentię suę lumine peringat. Hinc illud Prophetę: Vocans ab Oriente auge, & ex terra longinqua virum voluntatis meę. Hoc est, omnia sapientię meę oculis collustro, ad omnia virtutis meę potētia pertingo, nullaquę locorum distantia, nullis tenebris aut impedimentis prohibeor, quo minus remotissimas gentes, & à cultu & cognitione mei numinis alienas, ad me traham. Consilium quippe meum stabit, & omnis voluntas mea fiet; nec quicquam mihi obsister, quo minus à terra longinqua virum traham voluntatis meę: id est, quem ego secundum beneplacitum voluntatis meę seruare decreui. Quam rem in hac Magorum vocatione spectare licet; quando eos Dominus (cūm prædicatores deessent) tam nouo & inaudito miraculo ab extremis mundi finibus ad se perduxit. Sed quoniam ij primitiæ Gēitium, fideique nostrę duces & parentes exstiterūt, dignum profectò est, vt eorum iter, interrogationem, & gesta omnia diligenter excutiamus: vt, quid nobis ex eorum imitatione faciendum sit, hoc tam illustri exemplo intelligamus.

I.

Igitur ab Oriente profecti, & Hierosolymam (quę regia ciuitas erat) ingressi, de noui Regis natiuitate inquirunt: Vbi est (inquiunt) qui natus est Rex Iudeorum? Vidimus enim stellā natiuitatū eius nūnciam, in finibus Orientis, & venimus adorare eum. Turbat hoc nūncio Herodes, & omniū Hierosolyma cum illo. Variasurbationis huius causas fuisse credendum est. Aliter enim boni, aliter mali, aliter qui Herodis amicitiam colerent, aliter qui eum sibi iofensum crederent, turbarentur. Quibus enim Herodis imperium inuisum erat, quique inopia & egestate premebantur, mutari omnia cupiebant: si qua eis forsitan mitioris fortunę aura hac rerum cōmutatione adspiraret. Quibus verò imperium tyranni gratum erat, hi contrā nihil de Herodis dignitate detrahi volebant: atque ita cum ipso Herode fortunis suis timentes, noui Regis aduentum non aliter quā Herodes ipse molestē ferebant. Hoc enim ferē impiorum studium & ingenium est, sic vitam suam instituere, vt sibi tantū consulant, sibi prospiciant, sibi quē solum nati esse videantur; saluis quē rebus suis, nihil ad eos pertinere putent si vel cælum ruat, vel terra incendio desflagret.

His igitur auditis vocibus, congregat Rex impius omnes prin-

principes sacerdotum, & scribas populi, & seiscitatur ab eis ubi Christus nasceretur. At illi dixerunt ei: In Bethlehem Iude. Sic enim scriptum est per Prophetam: Et tu Bethlehem. &c. Hoc autem callida vulpes non ea mente faciebat, ut nouum Regem supplex adorare vellet, sed ut deprehensum crudeliter occideret, atque ita in pace regnum solus obtineret. Cōtemplare, quāso, summam tyranni huius amentiam, qui tantum suæ calliditati tribuebat, ut æterna Dei consilia atque decreta eludere se posse confideret. Interrogatus Philosophus quidam, an Deum lateret homo malè agens: sed nec malè cogitans, ait. Si hoc fatetur Philosophus, quid te sentire par est, qui fidem & legem Domini proficieris? An non in Isaiā, perfide, legeras: Auterte malum cogitationum vestrarum ab oculis meis? An non legeras in Dauide: Dominus nouit cogitationes hominū, quoniam vanæ sunt. Et illud item: Ipse enim nouit abscondita cordis? Quomodo ergo latentes cogitationes tuas à Domino ignorari posse putas? Præterea, dic mihi, stellæ nuncianti, & vaticinio Prophetarum fidem habes, an non habes? Si non habes, ride igitur hæc insania hominum commenta & somnia: nihil enim habes cur timere illa debeas, quæ minime futura credis. Si verò credis, ut ostendis, ideoque & oracula Prophetarum consulis, & tempus stellæ diligēter inquiris, & hæc de causa tor paruulos iugulasti; quæ insania est, te vilissimum puluerem & vermem aduersus omnipotentem Deum aliquid conari, & arte atq. potentia tua omnipotentis Dei sapientiam atque potentiam euertere niti? Quid enim potentius aut sapientius Deo? quid verò aut insipientius aut imbecillius hominē? Quæ igitur tanta insania est, ut credas infinitam potentiam atque sapientiam à summa ignorantia & stultitia posse superari? Fuerunt olim amentissimi quidam Reges, qui eò vesaniæ processerunt, ut se vel deos, vel deorū filios haberi voluerint. Alexander quippe se Iouis filium appellari præcepit. Nabuchodonosor autem Holoforni militiæ suæ principi mandauit, ut terrarum, quas in ditionem suam rede gisset, deos aboleret, ut ipse pro eis deus haberetur. Dæmonum quoque princeps, incredibili superbia elatus, diuinitatis similitudinem affectauit: nec aliò aut perditiorum hominum, aut etiam dæmonum vesania atque superbia (quamlibet maxima) procedere ausa est. At hoc monstrum intolandum, cunctorum siue hominum siue dæmonum superbiā & sacrilegam temeritatem superare tentauit: qui non se modò altissimo Deo parem, sed superiorē etiam efficere conatus est; quando ipsum tum sapientiæ tum potentiæ magnitudine vincere se posse cōsidit. Si enim affecturus esset quod volebat, non modò aduersus Deum gloriari, sed eius quoque diuinitatem irridere

Isaiæ 46

Psal. 90.

Psal. 138.

irridere merito potuisset: quando sapientiam eius sua calliditate, & potentiam virtute superasset. Quæ temeritate & audacia quid vesanius? quid exsecrabilius? Videtis ergo, fratres, in quod barathrum humana natura à Deo destituta ruat? Videtis quò ambitionis furor & insania perueniat?

Hoc autem exemplo colligere potestis, quantum veneni sub ambitionis peste lateat: quam non modò sectantur plurimi, sed vehementer etiam commendant, & ad res magnas gerendas necessariam prædicant: adeò ut Cicero hoc nomine eloquentiæ studia commendauerit, quòd per ea animi hominum ad gloriæ cupiditatem alerentur. Quæ quidem in te fateor moderatè honoris desiderium, sicut & verecundiam salutarem atque vtilem esse. Hæc enim dedecoris timore à malis reuocat, illud verò ad ea bona quæ laudè merètur accedit. Multi enim sunt, qui non tam virtutis amore, quàm dedecoris atque ignominia metu à grauissimis flagitiis abstinere. At ubi hic affectus, prætermisso rationis moderamine, vehementius inualuit, nocetissimus est. Quemadmodum enim dum intra alvei ripas fluius graditur, nec sata lædit, nec vlli rei nocet; si verò alluvione aliqua inundauerit, arua subruit, & finium quæque imperu suo deuastat: ita planè moderata honoris cupido noxia non est, immoderata verò innumerabilium penè malorū lerna exsistit. Quid enim vniuersum genus hominum magis quàm quorūdam temeritas & ambitio pessundedit? Alexander Macedo, dum hoc captauit ut solus mundi imperium obtineret, mundum penè à sedibus imis evertit. Iulius Cæsar, qui ab adolescētia sua imperium populi Romani occupare moliebatur, in variis quæ gessit præliis innumerabilium penè hominum se cade cruentauit. Impiissimus verò Rex Herodes inaudita immanitate pueros omnes qui erant nō modò in Bethlechem, sed in omnibus quoque finibus eius à bimatu & infā incredibili regnādi libidine percutis interemit. Videtis ergo quanta mala furens ambitio pariat: ut ex prole matrē, & ex fructibus arborē agnoscatis? Quales enim arbor illa est, quæ tales ex se fructus profert? Quod si ita est, quæ reliqua spes de illorum salute esse possit, qui honorē tamquam Deum, imo supra Deum colunt, dum illum Deo, rebusque omnibus diuinis anteponunt? Hæc vna ratione sanctus quidam vir aiebat dæmones hoc tempore velut in otio securus degere, & in viramque aurem dormire: satis esse ad generis humani perniciem huius cupiditatis potentiam arbitrantur; quæ hominum pectora tam altè obsedit, ut diuina & humana omnia funditus evertat. Sed ad historiam redeamus.

I I.

Cū ergo Magi Dominicæ natiuitatis locum didicissent,
cō

ed iter restitunt: & (quod valde mirabile est) nullus ex tanta populi multitudine, nec Phariseorum, nec sacerdotum, nec aliorum cuiusmodi hoc tam illustri exemplo commotus, illorum vestigia secutus est. Quæ res magnam planè mihi admirationem incurit. Nam huic populo potissimum cælestis ille Rex promissus erat: solusque Legis & Prophetarum scientiam tenebat: vnde facile animaduertere potuisset, Messia tempus instare, præsertim alienigena Herode Regnum occupante; quod præcipuum eius aduentus signum erat. Debuerunt etiam alienigenarum exemplo commoveri, qui ab extremis mundi finibus eò confluxissent, idque cælesti luce & oraculo præmoniti. Si ergo alienigenæ ab Oriente veniunt, cur tu, qui populus Dei es, qui domesticus es, cui potissimum Messias promissus est, qui oracula de ipso tenes, & aliis ex scripturis sanctis locum natiuitatis eius denuncias: cur, inquam, vel ab aliis excitatus non quidem ab Oriente, sed ab ipsa Hierosolyma (quæ finitima loco natiuitatis erat) iter arripis in Bethlehem, vt opatissimum & nobilissimum Regem tuum tibi cernere liceat? Quomodo qui tam multa de illo ex Scripturis nosti, an e oculos positum non agnoscis? Appositè sanè (vt diuus Gregorius ait) cæcus Isaac, cum filio benediceret, huius populi cecitatem designauit. Qui caligantibus oculis & prophetas in præsentem filium non vidit, cui tamen multa in posterum præuidit. Quia nimirum Iudæus ille populus, prophetiæ spiritu plenus & cæcus, cum, de quo multa in futurum prædixit, in præsentem positum non agnouit. Hinc apparet, fratres, quantopere summum hoc salutis nostræ negotium ex diuina gratia pendeat, quamque earum ad hoc cætera omnia sine Dei ope valeant; siue sit sanctarum scripturarum scientia, siue monastica vitæ professio, siue status perfectioris conditio, siue generis nobilitas, siue naturæ præstantia, siue educationis diligentia, cæteraque his similia, quæ ab hominibus magna parantur. Hæc enim, quæ alioqui plurimum valeant, vbi Spiritus ille cælestis abest, incredibile dictum est quàm parum ad veram salutem & iustitiam consequendam adiuuent. Cuius rei cognitione ad eò altè pectoribus nostris infixam esse Dominus vult, vt inter præcipua obsequia, quibus illam demereri possumus, humilis sui cognitio in primis numeretur. Vt mihi quidem videatur sic Dominum in hac vnare cum hominibus gerere, vt Thales ille Milesius (qui fuit vnus eorum quos Græcia iactat sapientiæ studiosos) cum Philosopho quodam gessit. Nam cum senex admodum admirandam quandam rationem de cælo commentus esset, eandem Mandritam Philosophum Sireneasem edocuit. Qua quidè noua inuentione ille delectatus,

Gregor.
Genesi. 17.

tus,

tus, cum prius gratias egisset, optare iussit, quam mercedem pro
 tanto documento rependi veller. Cui Thales, Satis (inquit)
 mihi fuerit, ô Mandrita, si id quod à me didicisti, cum profer-
 re volueris, tibi non adscripseris; sed eius rei me potius reper-
 rem prædicaueris. Quod ergo magister hic à discipulo pro do-
 ctinæ mercede exigebat; hoc inexhaustus ille bonorum om-
 nium fons (cui omnis honor & gloria summo iure debetur) à
 nobis potissimum exigit: quo videlicet nullo modo illius donis
 effera mur, sed omnia illi, à quo manant, accepta feramus: quo
 is quidem à nobis honorem & gloriam, nos verò ab illo im-
 mensas opes & diuitias comparemus. Quam rē tanto studio
 diuina illa æquitas & sapientia curat, vt interdum (quo huius
 veritatis cognitio, qua eius potissimum gloria continetur, illu-
 strior fiat) clarissima gratiarum suarum dona iis denegat, qui-
 bus humano iudicio magis impartienda videbantur; cōtrā ve-
 rō iis ea largiatur, qui eodem iudicio minus digni, minusque
 ad ea percipienda idonei existimabatur. Pharisei enim, hoc est,
 viri religiosi, & sacerdotes, & legis doctores erant, quibus Do-
 minus dixit: Publicani & meretrices præcedent vos in regno
 Dei. Populus quoque Dei electus erat, cui idem Dominus ait:
 Multi ab Oriente & Occidente venient, & recumbent cum
 Abraham, Isaac, & Iacob in regno cælorum: filij autem regni
 (quibus hoc maximè deberi videbatur) eiciuntur in tenebras
 exteriores. Hinc videre frequēter hec, pauperes homines, qui
 manu vltum quæritant, deuotissimè ad altaris Sacramentum
 accedere; plures autem sacerdotes indignè sacra tractare. Vi-
 deas rursum mulierculam, mariti niorumque & rei familiaris
 seruitio addictam, inter tot vndique circumstrepētes coras mi-
 ro quodam studio & affectu diuinarum rerum cōsiderationi &
 orationis officij statis horis atque temporibus vacare: cōtrā verò
 videas monialem, quæ ab his omnibus impedimētis libera, vni
 tantum Christo Sponsō suo obsequi debuisset, longè dissimili
 studio teneri. Cōtingit etiam frequenter in villulis quæ ab hu-
 mano cultu, & auditione verbi Dei longissimè absunt, reperiri
 viros & feminas religione ac virtute præstantes: qui tamen vix
 vquam Concionatoris vllam vocem nisi alicuius fortè per-
 diti aut fugitiui audierūt. A quibus tamen si roges quis eos sic
 instituerit, quis docuerit, nullum omnino auctorem, nisi solum
 Deum, proferent, Et inpenies rursum qui in hac sacra ade vi-
 ginti & eo amplius annos verbum Domini à summis Concio-
 natoribus audierunt: qui tamen nullos omnino progressus in
 virtute fecerūt: sed plantati iuxta fluentia diuinorum eloquio-
 rum, rāquam steriles salices & myricæ in deserto, nullum pro-
 fus pietatis fructum protrulerunt. Quid igitur agemus, fratres,

ne hoc modo nos quoque à diuina gratia deferamur? Illud certe, vt ad pedes Domini prouoluci, hoc salutis nostre negotium ab eius potissimum gratia pedere fateamur: ideoque tota animi intentione illi dicamus: Domine, in manibus tuis sortes meæ. Sicut enim lutum in manu figuli, sic nos in manu tua. Psal. 136.
Ierem. 18
Tu es enim solus potens, solus bonus, solus vena vitæ, fons lucis, Sol iustitiæ, & sanctitatis auctor: te ergo præsentē lata omnia & fortunata sunt: te verò absente, in tenebris & media morte versamur.

Cæterum nemo hac oratione permotus, Deo imputet damnationem suam. Deus enim sicut bonitate sua vult omnes homines saluos fieri, & ad agnitionem veritatis venire: ira omnibus salutis adiumenta largē ministrat. Quod vel huius diei mysterio apertissime declaratur. Hanc enim inauditam Herodis in pueris trucidandis carnificinam idem Dominus permisit (quemadmodum Leo Papa in sermone ait) vt Gentiles populi, atque adeo Romani ipsi, hoc tam nouo crudelitatis genere permoti, dum causam huius sceleris inquirunt, noui Regis nati Sacramentum audiant: atque ita qui doctiores paulo essent (quorum exemplum rudiores sequi debebant) Sibyllarum vaticinia ad memoriam reuocarent, quæ partum Virginis, & nouam de cælo progeniem, mundi quæ instaurationem ætatemque auream, hoc est, religiosissimum hominum genus, apertissima oratione prædixerunt. Atque hac etiā ratione Dominus stellæ nativitatis sue nunciam ad tempus delitescere voluit: vt hac occasione Magi Hierosolymam ingressi, hoc nouo nuncio cælestique indicio, & prolato Propheta vaticinio, ad promissum sibi Regem querendū Iudeos prouocarent; quod certè maxime concitaneum erat. Quo enim acriori stimulo tam grauis eorum sopor excitari potuisset? Magis verò aliquid amplius donatum est, quos Dominus & stellæ coruscantis indicio, & secreto Spiritus sancti magisterio ad nouum Regem querendum inuocauit. Pastoribus verò Bethlehemicæ rura colentibus non muta stellarum indicia, sed aperta Angelorum oracula, & natum Saluatorem nunciant, & nati signa declarant, atque ita eos ad illum inquirendum prouocant. Videris ergo quomodo qui vult omnes homines saluos fieri, omnibus viam aperiat ad salutem. dissimili ramen ratione: quod ex hoc loco manifestè etiam colligitur, cum aliis maiora, aliis minora ad fidem adiumenta & incipienda pro rectissimo voluntatis sue indicio Dominus dederit. Sic enim sol iste visibilis, qui lucis & caloris fons est, quamuis totum illuminet mundum (nec sit qui se abscondat à calore eius) aliis tamen plus, aliis minus & lucis & caloris imperitur. Nemo igitur diuinam prouidentiam accuset, fratres, nemo auxilium simile.

lium sibi ad salutem deesse queratur. Nos nostræ perditionis causa sumus. Verissimè enim à D. Bernardo dictum est, magis diuinam gratiam de hominibus, quàm homines de illa queri posse. Ex quibus omnibus manifestè colligimus, Magorum in urbem Hierosolymam aduentum diuina prouidentia ad Iudæorum socordiam excitandam institutum fuisse. Quod aliquando futurum esse, idem Dominus Prophetis oraculis pronuntiavit cum ait: Ego ad æmulationem prouocabo vos in gente quæ non est gens. Hoc est, quæ propter ferinos mores hominis appellatione indigna est. Quomodo enim homo appellari potest, qui ligna & lapides colit, cum n. qui colitur, minor sit eo qui colit? Hæc ergo gens, quæ magis pecudum quàm hominis nomen merebatur, Iudæos prouocauit ad æmulationem: cum Gentilium fides exemplo suo perfidiam damnauit Iudæorum. Quod mirificè in asina Balaam (vt D. Ambros. annotauit) expressum fuit: quæ humano more loquens, Prophetæ insipientiam corripuit. Quod ego miraculi genus vehementer admirari solebam, præsertim cum nullum huic simile prodigium in literis sanctis inueniamus. Sed hac tamen imagine Dominus designare voluit, futurum aliquando vt bellæ Prophetas erudirent. Bellæ enim Gentiles erant, qui belluarum ritu vivebant: Prophetæ verò Iudæi, qui Prophetarum libris ac discipulis instructi erant. Eo tamen res deuenit, vt bestia Prophetas erudirent: quando Gentiles ipsi, fidei lumine illustrati, infidelitatem corripuerunt Iudæorum, eosque exēplo suo ad viam salutis prouocarent. Ex quibus omnibus apertè colligimus, nihil habere improbos cur de Deo queratur, & pios habere cur de salute sibi ab eo præstita gratias agant: atque ita illorum damngatio suo ipsorum vitio, horum verò salus diuinæ gratiæ tribuenda sit; quæ hominis quidem industriam requirit, sic tamen vt ab eadem diuina gratia & iuuetur & præueniatur. Sed ad historiam redeamus.

I I I.

Egressis igitur ab Hierosolym Magis, Ecce stella, quam viderant in Oriente, antecedebat eos, usque dum veniens staret supra ubi erat puer. Itaque dux ille cælestis sic se iter facientibus aptabat, vt cum stantibus staret, cum euntibus iret, cum dormientibus in aère fixus maneret, atque in huc modum illos diu noctuque dirigeret, comitaretur, illuminaret, & de via sua, & Rege quem querebāt, securos faceret. Quid, quæso, hac Dei bonitate & prouidentia aut mirabilis, aut magnificentius, aut indulgentius? Hinc, fratres, discere licet, qualis sit illa paternæ cura, quâ idem Dominus gerit illorum qui ex toto corde illum querunt, qui-

Psal. 26.

que cum Propheta verè dicere possunt: Quæsiui vultum tuum Domine,

Domine, vultum tuum Domine requiram. Vt enim hos Magos, qui illum studiosè quærebant, stella præcedere ad cunabula sua perduxit: ita omnes, qui illū quærunt, cælesti luce atque ope iuuare non desistit. Hoc autem nobis idem Dominus insinuauit, cum in columna nubis per diem, & ignis per noctem, populo quem ab Aegypto eduxerat, ducem se utroque tempore præbuit. Typum verò id fuisse singularis prouidentiae, qua Deus à spirituali Aegypto egressos homines in terram viuentium deducit, apertissima oratione Isaias expressit cum ait: Et creauit Dominus super omnem locum montis Sion, & ubi inuocatus est, nubem per diem, & splendorem ignis flammantis in nocte: super omnem enim gloriam protectio. Quibus verbis apertè Propheta declarat, omnia illa, quæ filiis Israël ad promissam terram pergentibus diuino beneficio contigerunt, ad illos spiritualiter pertinere, quos pius Dominus, per huius vite vias difficiles vadentes, in cælestem hereditatem dirigit. In igne enim ignis ille designatur, quem Dominus Iesus missurus venit in terram: quo algentia in amore Dei pectora accenduntur. Sub imagine verò columnæ, fortitudo exprimitur: quæ inbecillitatem nostram inuicta virtute fulcit & roborat. Sub typo verò nubis, quæ à solis æstu & ardore defendit, refrigerium nobis indicat diuinæ gratiæ: quæ cælesti rore cupiditatis nostræ incendia mirabili ratione temperat. Quod verò hæc ipsa columna siue nubis, siue ignis, viam illis qua pergerent, ostendebat, internam lucem sancti Spiritus insinuauit, qua per huius seculi tenebras dirigimur, instruimur, & illuminamur; ne ab ea via, quæ in cælum ducit, aberremus. Ex quo apparet, omnes animæ nostræ vires his diuinæ gratiæ muneribus perfectissimè cōmuni: quando videlicet intellectus cælesti luce completur: voluntas charitatis igne accenditur: vis irascendi columnæ fortitudine roboratur; concupiscendi verò, diuinæ suauitatis gustu resecta & satiata, facili omnes carnis illecebras & voluptates contemnit. Omnia enim hæc beneficia nobis diuinæ gratiæ præstat, quæ in hoc itinere utroque tempore dux nobis est: utroque inquam, hoc est, ne vel in secundis rebus insolenter efferamur, vel in calamitatum nocte, impatientia victi, de gradu virtutis & constantiæ depellamur. Quid igitur his diuinis muneribus sublimius aut magnificentius? Quocirca verissimum profectò est, quod deinde subdit Propheta: Super omnem enim gloriam protectio. Quem locum Rupertus Abbas sic interpretatur, vt hanc diuinam protectionē, paternamque piorum prouidentiam omni gloria, omnibusque terrenis bonis illustriorem esse fateatur. Quæ enim diuitiæ, quæ regna aut imperia cum his cælestibus præidiis conferenda sunt?

Z

Hoc

ibidem.
Rupertus

Hoc planè, fratres, satis esse deberet ad reuincēdos eos, qui cūm de moribus & vita sua rectè instituenda deliberant, laboris magnitudine deterriti, in has voces languoris atque desidīæ plenas prorumpunt: *Qui potero me à solitis voluptatibus continere? aut carnem inedia macerare? aut in precibus diu persistere? aut cupiditates & libidines meas refecare? aut his vel illis deliciis, quibus tam diu assueui, crucem affigere?* Fateor planè hanc vitæ commutationem difficilem esse, si vires solum tuas expendas: facilem autem & iucundam, si Dei gratiam & diuini Spiritus mirabilem vim atque virtutem attenderis. Itaque in hoc miser falleris, quòd virium tuarum solummodo rationem, non etiam diuini auxilij, habes. An tu ad eò malè prouidum fingis Deum, adeoque humanæ imbecillitatis ignarum, vt homini solis viriatæ naturæ viribus fulto præcipiat, vt sese vitæ puritate & sanctimonia supra naturam ipsam attollat? An te Deus in Aegypto, hoc est, in densissimis huius seculi tenebris agentem, & mortalitatis legibus obnoxium, & communis peccati vinculis adstrictum, in terram viuentiū trāsferre mortalem velit, nec ad hoc tam arduum iter necessarias opes & auxilia subministret? Commodum autem mihi videtur, hanc tuam siue ignorantiam, siue fracti animi debilitatem ac diffidēciam proposito aliquo exemplo arguere. Animaduerte, quāso, quā magnæ olim difficultates filios Israël, ne ab Aegypto egressi iter in terram promissam instituereat, remorabantur: & quā mirabili prouidentia omnibus illis Dominus occurrerit. Causari enim poterant: Mare pos circumstat, & in manus hostium tradet. At mare tamen diuinæ virtutis cessit, & fugienti populo iter tutum per liquidum præbuit. Sed instabant à tergo hostes insequentes. At columna nubis se mediam obtulit, tutaque fecit terga præcedentium. Sed in arido squalentiq; deserto quid edemu? terra enim nec arari potest, nec feri. At pro pane terreno Dominus panem cæli dedit eis, panem Angelorum manducauit homo. Sed itāne in pane & aqua perpetuò nobis victitandum est? Attramen propter hoc pluit Dominus super eos sicut puluerem carnes, & sicut arenam maris volatilia pennara. Sed dux (inquiunt) nobis deerit in terra inuia, quam nullum vmquam hominis vestigium pressit. At ipse Dominus miro modo in columna nubis per diem, & ignis per noctem, viam pergentibus ostendebat. Denique sic deduxit Dominus populum suum, vt ductor eorum Moyses dixerit: Portauit te Dominus Deus tuus in omni via per quam ambulasti, sicut portare solet pater filium paruulum. Non enim satis fuit ei dixisse filium, nisi & paruulum addidisset, cuius solent parentes maiori sollicitudine curam gerere. Si ergo tam multa

Domi-

Dominus auxilia contulit populo, quem in terram Chanaanorum adducebat; qualia conferet eis, quos ad caeleste regnum perducere nititur, ad quod eos pretioso sanguine suo redemit: praesertim cum hoc iter in caelum nemo sine ope singulari Dei villo modo conficere possit? Praeterea, si haec Deus beneficia contulit populo, qui, tot vndique diuinis muneribus circumfluens, vitulum fabricauit & coluit: cui & accepta retulit charissima illa beneficia, quibus à Deo donatus fuerat: quid, quaeso, faciet iis qui fidem pie colunt, quique spem suam opeque omnes in xpo illo posuerunt? Hunc ergo ducatum atque caeleste praesidium, quo fideles instructi iter in caelum dirigunt, clarissima haec Magorum stella mirifice aduibrauit: quae splendore suo sancti Spiritus lucem designat; quae ita nos in hoc itinere gradientes deducit, comitatur, & illuminat, quemadmodum stella Magos ad praesepe Domini perduxit: & stella quidem non ex aërea vel ignea materia constata, sed illa nimirum de qua regius Propheta dixit: Spiritus tuus bonus deducet me in terram rectam. Haec enim una stella cuncta nobis officia praestitit, quae ad hoc iter caeleste necessaria sunt. Facebat ergo, fratres, omnis dubitatio, pusillanimitas, atque diffidentia: haec enim omnia facile superat huius diuini Spiritus virtus atque praesentia.

Psal. 143.

Et ecce, inquit, stella, quam viderat in Oriente, antecedebat eos usque, &c. Vix possum oculos ab hac stella diuellere. Apparet ex his verbis, stellam quidem primò in Oriente apparuisse: deinde ad tempus delituisse: postremo, egressis Hierosolymam, rursus se illis itineris ducem & comitem praebuisse. Quo in loco quaeri potest, cur stella eos tam diu Domino ita disponente deseruerit? An ipsi fortasse in culpa fuerunt, propter quam caelestem illam ducem amiserint? Minimè gentium. Cur igitur ab ea destituti sunt? Nimirum ut eadem rursus apparente, maiori lætitia complerentur. Sequitur enim, *Videntes autem stellam, gaui sunt gaudio magno valde.* Itaque stellæ destitutio non eorum incommodis, sed vtilitati seruiebat; quæ & praeteritum miraculum confirmabat, & nouum addens, nouo eos & quidem maximo gaudio cumulabat. Quo exemplo docemur, ut si quando nos stella caelestis, hoc est, internæ consolationis lux, ad horam sine vicio nostro destituerit, non hoc ad perniciem nostram, sed ad salutem evenisse credamus. Nouit enim Dominus hac donorum suorum vicissitudine salutem nostram abiens & rediens operari. Docemur item, ut quemadmodum Magi, lucis huius beneficio destituti, nec coepum iter deseruerunt, nec minus aliquid egerunt, quam si stellam praesentem cernerent: ita nos, cum hac internæ cōsolationis luce destituimur, nihil pro-

Psal. 143.

sus eorum omittamus, quæ religiose antè facere cõsueuimus: sed eundem animum, idem studium, eandem quæ incepto virtutis curriculo ac solitis pietatis operibus perseuerantiam constanter retineamus. Sunt enim qui vbi à spiritualibus consolationibus deseruntur, protinus sese ad carnales conferunt: quod planè infidi & inconstantis animi indicium est. At nos hoc tempore attentius ad custodiam nostri vigilare debemus, ut præstet nobis per diuinam gratiam cura ac diligentia, quod lux illa cælestis lætitiæ erat præbitura: patienter quæ & humiliter redditum illius expectemus, quemadmodum isti Magi fecerunt; quos etsi stella ad tempus destituit, postmodum tamen eodem reuifens, incredibili læticia & voluptate cumulauit, ac tandem ad nati Regis cubabula feliciter perduxit.

Intrantes ergo domum, inuenerunt puerum cum Maria matre eius, & procidentés adorauerunt eum. Mira profectò & summis laudibus prædicanda sanctorum hominum fides, quæ perfecit, ut, cum oculis carnis nihil splendidum aut magnificum in diuersorio illo cernerent, fidei tamen oculis viderent, quem humi procidentés adorarent. Quorum fidem meritò diuus Chrysostomus amplificat his verbis: Numquid inuenerunt palatium marmoribus splendidum? numquid aulam regiam diuersis populis personantem? numquid haltatas siue clypeatas militum cateruas? numquid equos regalibus phaleris insignes? numquid currus auro ostroque fulgentes? numquid matrem eius diademate redimitam, aut in lecto eburneo cubantem? numquid puerum bysso & purpura inuolutum? Minimè quidem: sed potius angustum & humile togurium, vile squalidumque præsepium, & magis animalibus quàm hominibus aptum: puerum vilibus pannis inuolutum, matrem vix tunicam habentem vnā, non ad ornatum corporis, sed ad tegumentum nuditatis: & tamen paruulum humi procidentés adorant. Hactenus ille. Verè ergo magna, verè prædicanda fides, qua illuminati (ut Leo Papa dicit) adorant in carne Verbum, in infantia Sapientiam, in infirmitate Virtutem, & in hominis veritate Dominū maiestatis; & ut sacramenta fidei suæ intelligentiæ quæ manifestent, quod cordibus credunt, muneribus protestantur, thus pōfici, myrram homini, aurum Deo offerentes. Hæc ille.

Cætèrùm ne nos hodierna die vacui ante præsepe Domini appareamus, demus operam, fratres, ut hæc eadem tria munera spiritualiter illi offeramus. Hæc enim oblatione pro perceptis à Domino beneficiis vtrumque satisfacere poterimus. Præstantissima enim oblatio, quæ iure creationis & redemptionis Deo debetur, ipse homo est. Totum enim se Deo debet, à quo totus & conditus, & redemptus est. Cum verò tria potissimum hominì

homini insint, nempe corpus, anima, & spiritus; hæc tria offerre Domino pura & immaculata studeamus: vt (quemadmodum Apostolus ait) integer spiritus, & anima, & corpus nostrum in die Domini reperiat. Corpus autem illi offerimus, si ieiuniis & moderato labore ipsum exercemus, illud Salomonis ante oculos habentes: Qui delicate à pueritia nutrit feruum suum, postea inueniet illum contumacem. Animam autem (in qua affectu & cupiditatum nostrarum sedes sunt) Deo offerimus, cum omnes eius cupiditates, & incompósitos motus (quantum homini fas est) diuini timoris gladio abscindimus, & à nobis abdicamus. Hoc est enim seipsum abnegare, & crucem suam tollere. Spiritum autem offerimus, cum mentem nostram, hoc est, intellectum & voluntatem ad rerum celestium contemplationem & amorem eleuamus: ad quod munus priora hæc duo instituta sunt. Hac igitur ratione, quod à Deo accepimus, in auctorem refundimus: quo fiet, vt, qui modo has tres hominis partes diuinæ gratiæ beneficio integras illibatasque cōseruamus, huius integritatis & pietatis præmium in cælesti gloria percipere mereamur.

1. Thes. 5.

Prou. 6.

IN EPIPHANIA DOMINI, CON-

CIO SECVNDA: IN QVA LECTIO EVANGELICA explanatur. ①

THEMA. *Vidimus stellam eius in Oriente, & venimus adorare eum.* Matth. 2.



Quamuis certum sit, fratres charissimi, nihil esse in rebus conditis, quod diuinæ bonitatis naturam adumbrare perfectè possit: nulla tamen inter corporeas creaturas est, quæ ita eam repræsentet, vt sol hic qui oculis nostris obicitur. Nam si vniuersa ea quæ condita sunt, oculis at-

que animo lustrauerimus, inueniemus planè omnium rerum quæ ad spectu sentiuntur, nihil esse tam præclarum, tamque diuinum, quodque homines tanta admiratione afficiat, quam si hoc, quod quidem dux est & gubernator siderum reliquorum, & omnium rerum caducarum salus & conseruatio. Quæ verò species aut iucundior, aut visu pulchrior sese oculis offerre possit, quam solis exorientis adpectus: qui splendore suo tenebras fugat; rebus calorem affert; cælum, maria, terras exhilarat; & ingenti quadam lætitia & voluptate omnium animantium oculos atque animos complet? In hoc autem potissimum diuinæ bonitatis naturam imitatur, quod liberalissimè radios

suos in omnes terrarū oras longē lateque diffundit: ita ut nihil sit quod se à lucis & caloris eius communione secernat. Nec verò terras solum, & hunc inferiorem mundum, sed totam etiam cælorum regionem, quę vastissima ac penē immensa est, splendore suo illustrat: unde omnis earum rerum, quę terra marique nascuntur, fecunditas & vita manat. Talis igitur (si creatori creaturam comparare licet) diuinę bonitatis natura est, quę sese in ea omnia quę condita sunt irā diffundit, ut nihil sit in hac tanta rerum vniuersitate, quod nō bonitatis eius participatione potiatur: adeo ut ad inferos quoque manes eius bonitas pertingat, dum eos citra condignum punit, minora illis irrogans supplicia, quā ipsorum scelera promerētur. Id adeo verum est, ut Christus ipse diuinę bonitatis imago inter alia dignitatis suę nomina Sol iustitię appelletur: quod quidē præsentis diēi mysterium facili declarat. Sol quippe vbi primum emicat in Oriente, lucis suę radios ad extremos vique mundi fines porrigit: quod planē hodierno die factum est, dum Sol iustitię Christus, vbi primum natus est, protinus gratiæ suę splendore mundi fines illustrauit. Noluit enim (ut inquit Leo Papa) intra maternę habitationis angustias ortus sui latere primordia: sed mox ab omnibus voluit agnosci, qui dignatus est pro omnibus nasci. Stelle igitur coruscantis ministerio, simul & interni luminis instinctu, Magos ab Oriente, nihil minus forsitan aut sperantes aut cogitantes, sola benignitatis suę gratia ad se trahere dignatus est. Felices profecto qui primitias Spiritus singulari Dei dono perceperunt. Felices qui primi ex omnibus gentibus lucem mundi luminis ductu viderunt. Felices qui ante Apostolos stellę ministerio (quę Apostolico munere functa est) Euangelij fidem receperunt.

Cum verò hæc summa Dei nostri bonitas & gratia non ad Magos solum, sed ad omnes quā largissimē pateat, dubitare meritō possumus, quid magis mirari debeamus; an illius tam largę parentem bonitatem & charitatem, quę omnes omnium ordinum homines ad se vocare nūquam intermitit (sicut ipse Isaia 61. per Prophetam dicit: Tota die expandi manus meas ad populum incredulum) an torporem & locordiam nostram, qui tantam Dei bonitatē ad inertiam atque socordiam abutimur? Nam ut omittam communia beneficia, in quibus diuina bonitas ad procurandam salutem nostram nihil intentatum reliquit; & priuata quoque singulorum beneficia, quibus nos quotidie ornat, & ab innumeris & corporis & animę periculis clementer liberat; illud maxime (ut D. Augustinus ait) bonitatis & misericordię eius magnitudinem declarat, quod nō solum sceleratos & impios ad se vocat; sed quosdam etiam dum ipsam improbita-

simile.

Leo Papa

Isaia 61.

August.

probitatem exercent, iudicij sui metu perterrefacere, & mentes eorum pulsare non desinit: & quo tempore illi gehennæ supplicium promerentur, ipse eos ad cælestem hereditatē vocare dignatur, cumq; illi Deum indignis contumeliis afficiat, ipse contumeliis affectus de eorum salute sollicitudinem gerit.

Hoc est autem quod beatus Lucas in Actis Apostolorum significare voluit, quando Pauli conuersionem describitur, hæc verba præmisit: Saulus adhuc spirans minarum & cædis in discipulos Domini, &c. Itaque quo tempore ille Christi Ecclesiam vattabat, Christus illum arcanorū cælestium participem efficiebat: cum ille nomen Christi extinguere molebatur, electus ab eo est, vt nomen eius per totum mundum celebraret: cum ille denique Euangelij fidem euertere nirebatur, eiusdem fidei prego destinatus est. Quid agis Domine? An nō maiestatis roræ oculos hæc tanta scelestum immanitas offendit: offendit planè. Sed non hoc solum attendo, quòd peccata maiestatem meam violant: sed etiam quod peccantis animam misere perdunt & lacerant.

Sunt autē non pauci qui hac tanta diuinæ bonitatis patientia & misericordia freti, quò clementius à Deo expectantur, eo licentius & flagitiosius se impune posse viuere arbitrantur. Hac autem tanta hominum pueritas, fratres, me iam dudum in hanc opinionem adducit, vt in eum statim nos deuenisse credam, vt maximum nobis debeat timorem incutere, quòd spem nostram magis alere debuisset. Quod enim maius spei nostræ fundamentum, quàm misericordia Dei? Qua tamen ita multi abutuntur, vt inde sibi licentius viuendi materiam sumant, vnde charitatis & religionis sumere debuissent. Quo planè fit, vt eo ipso indigni misericordia fiant, quò eam scelerum & flagitiorum suorum ministram quodammodo faciūt. Si ergo misericordiam (cuius vel solum nomen per se dulce est) in sensam nobis & formidabilem facimus; quid gratum, quid iucundum perditis erit & sceleratis? Quæ ægroto spes salutis reliqua erit, qui & salutis medicamenta proiecit, & pium à se medicum alienauit? Videtis ergo, fratres, in quam magno periculo versentur, qui diuinā misericordia & patientia abutuntur! Rectè enim Eusebius. Emissus: Qua (inquit) fronte improbus misericordiam petet, primùm de misericordiæ contemptu iudicandus? Sed iam periculo nostro paulisper omisso, mentem nostram ad Magorum pietatem & studium convertamus.

Eusebius
Emiss. in
homi.

I. Hierosolymam igitur ingressi, quærunt: Vbi est qui natus est Rex Iudeorum? Vidimus enim stellam eius in Oriente, &c. Bene eius (inquit D. Maximus) quæ specialiter eius designabat aduentum.

Maximus
in Serm.

tum. Cæteræ quidem stellæ factæ sunt, ut mundi tempora cur-
susque distingueret: hæc verò prodire iussa est, ut ipsum mun-
di Dominum, & regni cælestis adesse tempus ostenderet. Et mi-
rabatur quidem terra, quòd nouam stellam videret in cælo: sed
plus mirabatur cælum, quòd nouum Solem videbat in terra.
Verùm hac noui Regis inquisitione turbatur Herodes, & om-
nis Hierosolyma cum illo. Nihil mirum (ait hoc in loco D. Ber-
nardus) si turbatur Herodes, qui, audito Regis nomine, succes-
sorem suspicatus expauit. Sed quòd Hierusalem ciuitas Dei
(quæ visio pacis est) turbetur cum Herode, quis non miretur?
Videris, frares, quantum noceat iniqua potestas: quomodo ca-
put impium subiectos quoque suæ conformat impietati? Mi-
sera planè ciuitas, in qua regnat Herodes: quoniam Herodiani
sine dubio particeps erit malitiæ. Ideo Apostolus orare nos iu-
bet pro Regibus, & omnibus qui in sublimare cõstituti sunt:
ut quietam & tranquillam vitam agamus in omni pietate &
castitate. Intelligebat enim vir diuinus, quantum Regum atq;
maiorum exempla, siue ad probitatem, siue ad improbitatem
proficerent. Meminerat enim scriptum esse: Qualis rector ci-
uitatis, tales & inhabitantes eam. Et illud: Rex qui libenter au-
dit verba mendacij, omnes ministros habet impios. Ideoq; mo-
neo vos, quicumque patres familias estis, ut memineritis facta
vestra, vitæque exempla seruis filiisque vestris viuendi for-
mam atque rationem esse; vosq; ipsos, cum delinquitis, plus
exemplo quam peccato nocere: atque illud etiam ad memo-
riam reuocate; vos non modò scelerum vestrorum, sed eorum
etiam qui vestra exempla sequuti sunt, rationem superno iu-
dici esse reddituros.

Verùm hoc in loco granissima insurgit quæstio: quid fieri po-
tuerit, ut Iudæi, qui Messia aduentum adeò sollicitè expecta-
bant, quiq; erectos semper ac suspensos in eum mentis oculos
habebant (utpote quorum omnis salus, dignitas, felicitas, & li-
bertatis spes ab vno illo pendeat) ita turbati fuerint, cum eius
aduentum audierunt? Huius quidem turbationis causam in
Regis impietatem cõieciimus. Verùm ut altius atque penitius
hoc ipsum excutiamus, in signem quandam differentiam inter
spiritualia bona & mala, hoc est, inter virtutes & vitia vobis ex-
plicabo. Vitia siquidem in commune spectata atque proposita
acerbo odio prosequi & detestari solemus: vbi verò ad singula-
res actiones vtrum est, adeò illa non detestamur, ut vehemen-
ter etiam amplectamur. Quod quidem diuerso modo in spiri-
tualibus bonis contingit. Vtrumque autem exemplis propositis
facile indicabo. Quid, quæso, est superbia, auaritia, impudici-
tia, intemperantia, atque ebrietas omnium mortaliũ opinione
turpius

urpius atque deformius? Multos tamen videmus, qui, cum hæc ipsa generatim proposita detestentur, ita sunt horum vitiorum inhonestis actibus addicti, ut omnis eorum vita in purissimis voluptatibus, pecuniæ studio, omnique intemperantia sit infecta. Quo quid esse monstruosius potest? Quomodo, quæso te, quod in commune positum tantopere detestaberis, dum singulariter offertur, tam avidè concupiscis? Qui enim fieri potest, ut eadem res tibi & amabilis & detestabilis sit?

Hoc autem ipsum diuerso modo (quamuis non dissimili ratione) in virtutibus contingit: quæ si in commune proponantur, nemo non miris eas laudibus prædicat & commendat. Quis enim humilitatem, charitatem, castitatem, patientiâ, obedientiam, & sobrietatem non summis laudibus in cælum tollat? & Sanctos, qui cum Deo regnant, propter hæc virtutum merita non summa religione veneretur, & eorum ossa & cineres exosculetur? Atqui cum ista tantopere laudes, si quis tibi sigillatim aut humilitatis, aut charitatis, aut patientiæ, aut obedientiæ, aut castitatis materiam tribuat, & ad virtutum harum officia inuiter, subterfugis, exhorres, inclamas, & hæc ipsa interim non laudis & decoris, sed ignominie materiam esse testaris: nec minus ea quàm serpentis aut scorpionis ictum fugis. Quid agis, ô homo? quomodo tibi aduersaris? qua ratione, quod paulo antè laudabas, modò refugis atque horres? Qui enim fieri potest, ut singulares res à suis generibus & speciebus vsq. adeò degenerent, ut sint quidem virtutes ipsæ per se amabiles & pulchræ, virtutum verò actiones deformes & pertimescendæ? Itaque fratres (ut ingenuè quod sentio dicam) video nos non ipsas quidem virtutes, sed ideas virtutum, hoc est, Platonicas tantum virtutes commendare, ipsas autem singulares virtutum actiones (in quibus Christiani hominis pietas sita est) omnino respuere. Simile quiddam filiis Israël legimus corrigisse, qui cum summa olim contentione à Samuèle Regem flagitassent, atque ab eo studio nullis neque verbis, neque signis atque terroribus cælesti virtute editis renocari à Propheta potuissent; ubi Regem cælitus designatum viderunt, & formæ elegantia, atque corporis proceritate regiam maiestatem præ se ferentem, eundem multi eorum, qui Regem antea flagitauerant, cõtempserunt, nec ei munera attulerunt, quin potius exprobrantes dixerunt: Num saluare nos poterit iste? Quid agitis insani? Nonne paulo antè Regem aduersante etiam Deo importunissima oratione flagitastis? Quomodo ergo modò contempnitis quod tanto studio paulo antè quæ sistis? Apparet ergo, vos non singularem aliquem Regem, sed Platonicum (ut ita dixerim) Regem postulasse. Videtis ergo, fratres, quomodo in bonarum

atque malorum rerū æstimatione nobis ipsis repugnemus: dū aliud de rerum generibus, aliud de rebus sub genere contentis iudicium facimus? cū tamen fieri non possit, vt ratio generis in specie, & speciei in singularibus rebus non inueniatur: cū, iuxta Philosophorum sententiam, superiora ita de inferioribus prædicentur, vt per ea quoque definiantur. Quæ cū ita sint, non iam incredibile vobis erit, si Iudæi sic se erga nouissimum Regem suum Messiam gesserint, quemadmodū erga primum Saulē sibi cælitus designatum gesserunt, quem præsentem contempserunt, cū illū antea ardentissimis votis expetierint.

2. Reg. 19.

Quod quidē aqua illa ē Bethlehemitica cisterna hausta designat, quam cū David sitienter expetisset, postea tamē trium fortissimorum virorum periculo per medias hostium acies irumpentium allatam bibere noluit, sed in terram effudit. Ad hunc modum Iudæi Bethlehemiticū infantem, quem tāto opere venturum desiderauerant, cū præsentem cernerent, obcæcatis animis repudiarunt. Sed ad historiæ seriem redeamus.

I I.

Turbatus igitur hoc nuncio Herodes, conuocatis principibus sacerdotum & scribis, *sciscitabatur ab eis ubi Christus nascetur. At illi dixerūt eis, In Bethlehē Iudæ, &c.* Quicū audissent Regem, *abierunt.* Quis hoc in loco nō mireretur, quod alienigenas, ad externum Regem adorandum profectis, filij regni, quos tot promissa cælestia, tot sanctorum Patrum desideria, tot Prophetarum oracula ad querendum Regem apud se natum excitabant, loco moti non sint: cū præsertim vnus stellæ radius alienigenas ab extremis terræ sinibus ad illū traxerit. Quænam est (inquit beatus Maximus) ista permutatio, fratres? quæ ista conuersio? Apud Iudæos Propheeta loquitur, nec auditur: apud Gentiles stella tacet, & loquatur. Verè sicut scriptum est: Quibus non est annunciarum de eo, viderunt: & qui non audierunt, contemplantur sunt. Et factum est inter Iudæos atque Gentiles quoddam perfidiæ fideiq. certamē. Nato enim Christo exsultabat Chaldaea, & tota cū principibus suis Hierosolyma torquebatur. Insciscitabatur Iudæus, Magus adorabat: Herodes acuebat gladiū, Magus munera præparabat. Hæc ille. Est quidem res hæc admiratione dignissima, quæque Iudæos vehementer accusat. Verum nescio an nos quoque grauius accusandi simus. Quanto enim maiora ad pietatem incitamenta nos, quam Magi & Iudæi, habemus? Magi nihil nisi stellæ radium exterius, & interius lumen habuerunt: Iudæi verō & lege & scripturis eruditi erant, quæ illos ad pietatis & fidei cultum incitarent. At nos qui non iam sub lege, sed sub gratia constituti sumus, quanto maiora ad pietatem incitamenta videntur? Nos enim admiran-

Maximus
in Serm.
Matth. 22.

da redemptionis nostræ mysteria, nos efficacissima nouæ legis sacramenta, nos innumera Dei nostri beneficia, nos tot martyrum gloriosa exempla, tot saluberrima sanctorum Patrum scripta, tot quotidiana Ecclesiæ voces & clamores ad pietatem & virtutem incessanter vocant, & officij atque periculi nostri admonent; quibus tamē nihilo magis multi permouentur, quàm si surdis fabula caneretur. Quæ ex te diiudicare licebit, quanto maior nobis quàm illis sublit causa timendi: qui tot (vt ita dixerim) stellis à Deo excitati adhuc torpemus, nec ab hoc velut lethargico somno excitamur. Omnia enim hæc ad virtutem adiumenta quid aliud quàm stellæ sunt, quæ radios in nos diuinæ bonitatis emittunt, quibus nos ad se vocare nō cessat? cū nos tamen nec tot stellarum fulgoribus circumfusi, oculos ad diuinam lucem aperiamus. Itaque cū ex altera parte considero, quàm profundo somno depressi iaceamus, ex altera verò quæ auiditate cælestem gloriā desideremus, existimo sanè nos quidem magis Deum iniustum, quàm misericordem nobis adesse yelle. Si quis enim in intimos cordis nostri recessus oculos conicere posset, huc multorū vota adspirare, huc tendere intelligeret: vt Deus quidem sic eorum flagitiis veniam concederet, vt de eorum tamen cupiditatibus nihil detraheret, nec eos cælesti hereditate priuaret. Hoc verò quid aliud est, quàm Deum iniustum potius, quàm misericordem optare? Peccatis enim veniam sine pœnitentia dare, iniustitia est: cū misericordia sit pœnitentibus ignoscere, & multis modis ad pœnitendū mētes hominum inducere. Quo fit, vt qui hac mente sunt, non iam Deum misericordem, sed iniustum expectant. Sed iam ad Magorum iter, quod intermisimus, redeamus.

Hierosolymam igitur egressis: Ecce (ait Euangelista) stella quam viderant in Oriente antecedeat eos, usque dum veniens staret suprà vbi erat puer: Videntes autem stellam gausi sunt gaudio magno valde. Non potuit paucioribus verbis Euangelista huius gaudij magnitudinem apertius describere. Quatuor enim verba posuit eius magnitudinem exprimentia: quæ omnia epitalim & incrementum habent. Arbitror tamen eam fuisse huius gaudij magnitudinem, vt nullis verbis potuerit explicari. Quomodo enim non vehementer gauderent, qui tantam erga se Dei bonitatem, benignitatem, & misericordiam experti essent? qui talem itineris sui comitem nacti essent? qui tam mirabili testimonio dignitatem huius noui Regis intelligerent, ad cuius cunabula tam magnifica famularentur obsequia? Stella igitur quæ illos diuino consilio aliquandiu deferuerat, modò iterum apparens, se illis itineris ducem & comitē exhibuit: donec paulatim procedens, staret suprà vbi erat puer: radiisque suis quasi protensis

protenfis digitis Dominicæ natiuitatis locum indicaret. Dnm enim in eodem loco fixa maneret, nōne dicere videbatur: Hic est puer, quem natum testabar è celo? O felix stella, ò fidus aureum, quæ iustitiæ Solem humili delitescentem tugurio, & atra humanitaris nube reatum prodere meruisti! quæ Apostolorum sancta munere, prima omnium Gentibus Euangelium prædicasti, & obscurum adhuc Christi nomen in fines mundi splendore tuo propagasti!

Hæc stella, fratres, ita fidei nostræ munus & officiū adumbrat, vt nulla re ponitur magis ad vium exprimi. Sicut enim stella hæc Magos rectā ad Christum perduxit: ita nos fides, per has vitæ huius vias difficiles & periculosas videntes, ad Christum, hoc est, ad veram felicitatem (ad quam conditi & facti sumus) sine vilo errore perducit. Quæ de re nunc paucis vobiscum agere volo: quo stellæ huius mysterium & officiū pernoscaris. Omnes (vt scitis) natura ipsa instigante ad felicitatis amorem incitamus: omnesq. eam viam ingredi cupimus, quæ nos ad ipsam sine vlla offensione perducit. Hanc autem viam (quæ natura facilis & simplex est) cupiditas & amentia nostra variam, multiplicem, atque flexuosam effecerunt. In tantis enim tenebris & caligine versamur, vt nemo per se vitæ cursum instituere rectè possit. Aut enim tenebris impediti, quem portum petere conueniat, non videmus: aut, si id quasi per caliginem videmus, ingentis cuiusdam perturbationis ætus, varieg. terrenarum rerum cupiditates nos à cursu longissimè diuersos abducunt. Quid hic referam dæmonum insidias, qui tor nobis in hac vita pergentibus laqueos tendunt? Hinc regius Prophetæ: In via (inquit) hac, qua ambulabam, absconderunt superbi laqueum mihi, &c. Perit fuga à me: hoc est, ita ab hostibus vndique circumfedeor, vt vix vllus pateat euadendi aut effugiendi locus. In hoc ergo tam difficili itinere, splendida fidei stella fulgore suo pericula omnia detegit, dæmonum insidias, præcipitia, & loca lubrica ostendit: quo inoffenso pede, saluisq. rebus, portum petere valeamus. Fides itaque instar stellæ nobis est, fides itineris nostri dux, fides lucerna pedibus nostris, fides postremò doctor & magister est: quem (omnibus aliis qui huius itineris duces esse profitentur repudiatis) irreuocabili gressu sequi debemus. Hoc enim Christianæ philosophiæ vel primum vel solum munus est. Cùm enim multa sint inter fideles infidelesq. discrimina; hoc certè summum atque aliorum fundamentum existit, quòd fideles fidei splendore veluti stella quadam ad sempiternæ felicitatis viam diriguntur; infideles autem varias habent velut inerrantes stellas, quarum ductum sequantur: si tamen stellarum nomen cupiditati atque demen-

Psal. 119.

que est tribuendum. Hinc Michas Propheta: Omnes, inquit, Mich. 4.
populi ambulabunt, vnusquisque in nomine dei sui: nos autem
ambulabimus in nomine Dei nostri, ex hoc nunc & vsque in
perpetuum. Itaque fidelibus dux itineris Deus est, qui per
stellam fidei eos ad se, hoc est, ad veram felicitatem dirigit: in-
fidelibus autem non vnus, sed multi dii sunt, qui eos variis er-
roribus ad fictam & falsam ducunt felicitatem. Itaque aliis am-
bitio, aliis libido atque voluptas stellæ sunt: quæ amatores suos
& ad se vocant, & ab omnibus aliis auocant: quocumque enim
illos vel libidinis, vel ambitionis æstus impulerit, eò miseri præ-
cipites ruunt. Itæ enim se his rebus addixerunt, quasi ad ea sola
fruenda nati essent: nec spes aliqua dignior eos post hæc vitam
maneret. Sunt verò alij quibus humana ratio, eaque multis re-
nebris obducta, vitæ dux est: quemadmodum plerisque Philo-
sophorū existit, qui ea duce in varios & inexplicabiles errorū
laqueos inciderunt. Quid enim aliud ab humana ratione tene-
bris humani corporis immersa, & fidei lumine destituta, sperari
poterat? Sūt rursus alij his etiam deteriores, quibus vulgi iu-
diciū, mundiꝝ vox velut stella quædam est, quæ vitam suam
moderantur, quæ agenda fugiendaque meriuntur. Sic enim ab
inani mundi iudicio pendent, vt, quæ ille meruēda iudicaue-
rit, metuant: quæ expetenda, expetant: illa verò in pretio habeant,
quæ apud vulgares homines magna æstimantur, quāuis turpia
sint: atq; illa rursū eis sordcant, quæ imperita multitudo sor-
dida censuerit, quamuis sint honestissima. Quæ cum ita sint,
Christiani hominis officium est, sicut deos Gētiū, ita & stel-
las eorum, hoc est, viuendi rationes omnino repudiare, solum-
que verum Deum, splendidamque fidei eius stellam sequi: nec
a via, quam illa monstrat, vlla hominum auctoritate diuertere.
Sicut enim Magi isti, cum stellam itineris sui ducem nacti es-
sent, nulla persuasione adducerentur, vt aliud ad Christum iter,
quàm quod stellæ fulgor indicabat, sequerentur: ita veri fideles
ab eo quod fides præscribit, nulla hominum auctoritate stecti
debent. Quid hominum dico? Imò si (vt Apostolus ait) Ange-
li de cælo aliud euangelizarent, quàm quod fides prædicat,
anathema sit. Præclare enim Aristoteles dixit, eos, qui diuino
ductu ad aliquod agendum impelluntur, nullo modo humanæ
rationis iudicio acquiescere debere.

Hæc autē omnia quæ diximus, breui sermone Apostolus ad
Rom. cōplexus est cum ait: Nolite conformari huic seculo, sed
reformamini in nouitate sensus vestri, vt probetis quæ sit vo-
luntas Dei. Hoc est, nolite his moribus vitā instituere, quibus ho-
mines seculi vitā diligūt, quorū alij ad pecuniā, alij ad honores,
alij ad voluptates omnia referunt: sed reformamini in nouitate
sensus

Galat. 3.

Ar. 7.

Rom. 12.

sensus vestri: hoc est, veteri vestro more atque iudicio (quod decepti ad simulacra muta, & res nefarias more pecudū ducebamini) relicto, nouo fidei sensu (quē modō velut stellam quandam vitæ vestræ ducem nacti estis) mores vestros ad eius normam componite: quo diuinæ voluntari, quæ certissima iustitiæ regula est, cōformes efficiamini. Ad hoc ipsum nos Petrus etiā Apostolus vocat cū ait: Non configurati prioribus ignorantia vestrae desiderijs: sed secundū eum qui vocauit vos sanctum; vt & ipsi in omni conuersatione sancti sitis. Quid verō aliud nos rota Euangelica philosophia docet? Quid enim ibidē frequētius à Domino, quā fidem exigi & commendari videmus? quid contrā magis quā perfidiam accusari? Hoc autem cælestis magister toties discipulis inculcabat: non eo cōsilio, vt solam fidem ad salutem sufficere putaret (quemadmodū insani ætatis nostræ hæretici delirant) sed vt ductu fidei vitam nostram instituere doceret. Hoc est enim quod à Christiana professione potissimū requiritur, vt nec sensus nostros consulamus (à quibus tam sēpē delusi sumus) nec vitā insanæ multitudinis opinione conformemus (quā videmus præcipitē amentia ferri) nec affectuum nostrorū impetum sequamur (quod pecudū & ferarum est proprium) nec postremō humana solum ratione atque consilio ducamur, quod frequētissimē labitur: sed Deum semper intuentes, illius vestigijs insistamus, ab eius ore & iudicio inspeni sumus: atque ita huius splendidissimæ stellæ ductu iter nostrum instituamus, vt nullis aut persuasionibus aut exemplis ab eo vsquam declinemus, omnesque qui alia via ingrediuntur, insanos, cæcos, & miseros iudicemus.

Sed vt hæc ipsa quæ diximus, proposito aliquo insigni exemplo demonstremus, in illum omnium credentium patrē Abrahamam oculos coniciamus; cui à Domino dictū est: Egredere de terra tua, & de cognatione tua, & de domo patris tui, &c. Huius enim fidem nobis imitandam proponit Apostolus his verbis: Fide, qui vocatur Abraham, obediuit in locum exire, quem accepturus erat in hereditatē; & exiit, nesciens quō iret. Quid igitur? An temerē sine vllō consilio iter agebat? Minimē quidē: sed, humanæ rationis cōsilio neglecto, solo dirigētis Dei ductu iter hoc adornabat. Itaq. patriā, cognatos, amicos, opes, & possessiones, & omnia demq. quæ sunt in vita chara, confestim reliquit; vt illum sequeretur, qui omnibus iis, qui cunctas humanas opes illius causa neglexerint, vitæ sempiternæ præmiiū proponit. Huius igitur amplissimi promissi fide Christi discipulus effectus est: & animo soluto & expedito omnia quæ videbat repenti cōtempnit; vt spem earum rerū, quas minimē videbat, incredibili mētis altitudine sequeretur. A suis ergo, à com-

Genes. 12.

Heb. 11.

Ex Ozo-
rio Episc.
lib. 1. de
iusticia.
et mori

complexu patriæ, atque (ut ita dicam) à seipso diuulsus, sibi quæ diffidens, omne vitæ gubernaculum Deo tradidit, illi quæ soli salutem suam commisit. Nūquam igitur aut iter suscepit, aut tentoria collocauit, aut sedem commutauit, aut locum quæti delegit, aut aliquid denique designauit, in quo nō semper in diuinam mentem respiceret, omnem quæ viuendi rationē ad voluntatem illius dirigeret. Erat itaque semper illius mens erecta ad audiendū, animus alacer & expeditus ad exsequendū quidquid sibi fuisset à Deo imperatum. In hoc igitur viro voluit olim Spiritus sanctus singularem fidei formam depingere, & diuinis illustrare luminibus: vt in eam intuentes, vitam quæ nostram ad illius imaginem effingentes, in eius subole cēseremur, atque tandem eiusdem gloriæ, sempiternique patrimonij hereditatem cerneremus. Hoc igitur fidei fidelisque hominis officium appositissimè hodie stella Maiorum repræsentat: quæ certissimo ducatu illos ad verum felicitatis æternæ portum Dominum Iesum perduxit. Hanc igitur nos quoque stellam, fratres, assidue vobis à Domino cum Propheta petamus, dicentes: Emitte lucem tuam, & veritatem tuam: ipsa enim me deduxerunt, & adduxerunt in montem sanctum tuum, & in tabernacula tua.

I I I.

Hac ergo stella ducēte, ad natiuitatis Dominicæ locum Magi peruenientes, *inueniunt puerum cum Maria matre eius, &c.* Quo autē gaudio exultauerunt, cum adeo exoptatū Regem, & matrem eius, hoc est, duo illa mundi luminaria Solem & Lunam, in tam humili loco abdita inueniunt: quæ vis orationis explicare queat, quando ne ipse quidem sacer Euangelista hoc attingere ausus est? Cum enim paulo antè ob cōspectam de nouo stellam eōsdē gauisos fuisse gaudio magno valde dixisset, quibus deinde verbis inueni iam thesauri lætitiæ explicare potuisset? Si enī sola inueniendi spes eos tantopere exhilarauit, quid ipsa inuentio? quid visio? quid possessio? Læteret (ait Propheta) cor quærentium Dominum. Si lætitia magna est Dominum quærere, quid inuenire? Si ita absentis solus odor afficit, quid præsentis gustus atque suauitas efficiet? Præclare D. Bernardus in hymno: Iesu, inquit, spes pœnitētibz, quā pius es pœnitētibz, quā dulciste quærentētibz, sed quid inuenientētibz? Quis hoc iam explicare possit, nisi qui inuenit? Porro si (vt Salomon ait) lignum vitæ est desiderium veniens: quā isti lætitia completi sunt, quando oculis viderunt, & manibus contrectarunt, quod tantopere desiderarunt? quod tam ardentē dilexerunt? quod tanto studio, tot laboribus, tot impensis, tot periculis, tot itineribus quæserunt? quo rursū pietatis & grati animi

animi affectu incensi fuerunt, cum animaduertent se primū ex vniuersis gentibus inuitatos à Deo fuisse, qui huius tanti mysterij inspectores, participes, testes, atque præcones essent? Si vbi seruus Abraham, prospero itinere in Mesopotamiam deueniens, uxorem domini sui filio dignam inuenit, in illa grati animi & laudis verba prorupit: Benedictus Deus domini mei Abraham, qui non abstulit misericordiam & veritatem suam à domino meo, & recto itinere perduxit me in domū fratris domini mei: quanto ardētiori affectu beati isti viri dicere potuerunt: Sit nomen tuum in sempiterna secula benedictum, Domine; & laus tua in cunctis terrarum finibus prædicetur: qui tam magnifica nos gratia prosequutus es, vt, quāuis alienigenas, quāuis à religione tua externos & alienos, nominisq. tui ignaros, & in vltimis terrarum oris constitutos, ibi tamen nos stella tua deprehendit: ibi lux tua affulsit: ibi in vmbra mortis sedentes visitare & ad cunabula tua adducere dignatus es. Ad quod non dubios aut terrenos duces, sed caelestes demisisti: qui nos in hoc tam longo ac difficili, sed tamen tam felici itinere dirigerent, comitarentur, & insatiabili lætitia oculos animosq. nostros complerent. Sed inter hunc pietatis atque deuotionis affectum, quanta illos huius tam noui spectaculi admiratio tenebat, cum cælorum Regem, cui astra celi famularentur, sub tam humili habitu specieque latentem cernerent? Quo affectu ingra se obstupescere ac dicere potuerunt: Quis est hic nouus Iudæorum Rex adeo magnus & paruus? adeo pauper & diues? adeo humilis & sublimis? Quis est iste Rex, qui portatur vt paruulus, & adoratur vt Deus? paruus in præsepio, imensus in cælo? vilis in pannis, pretiosus in stellis? Hæc autem admiratio quā ingenti animi gaudio & lætitia cumulatæ erat! Admirationi enim adiunctum esse gaudium Aristoteles docet. His ergo tantis muneribus, fratres, illos Dominus recreat & reficit, qui ipsum diligenter & sollicitè quærunt; nec vllum laborem recusant, quo illum tandem inuenire mereantur. Magnis enim laboribus magna præmia atque solatia proposita sunt.

In tanta ergo, fratres, Magorum lætitia, numquid nos huius tanti gaudij expertes esse debemus? Minime quidem: sed magis in hac die (quæ lucis & salutis nostræ primitias continet) exsultare, laudare, & Seruatori nostro gratias agere par est: qui nobis in tenebris atque vmbra mortis habitantibus lucem prætulit: qui Propheticum illud impleuit; Educam cæcos in viam quā nesciunt; & in semitis quas ignorant, ambulare eos faciam: qui denique distortum illud atque longissimum (vt ita dixerim) interdictum, quo nationes Gentium fide & gratia sua præteritis

præteritis temporibus interdixerat, sustulit. Non igitur nos ab huius alacritatis communionē secernere, sed Magis ipsis, fidei nostræ parentibus, congaudere, congratulari, eosque benignè excipere, & salutem multam impartiri, & cum eis eadem munera mysticè offerre decet: aurum summo Regi, thus Deo vero, & myrrham morti atque sepulturæ eius. Hæc enim tria fides nostra proficitur, qua Deum velatum agnoscens in via, reuelata tandem facie illum agnoscere, adorare, laudare, & videre mereamur in patria.

IN EPIPHANIA DOMINI, CON-
CIO TERTIA: IN QVA PRIMVM DE
huius diei beneficio agitur, ac deinceps lectio
Euangelica explanatur.

THE. *Vbi est qui natus est Rex Iudæorum?* Matth. 2.



Nter omnia beneficia, quæ in genus humanum immensa Dei benignitas contulit, primum in ordine locum tenet, quod salutarem illi sui numinis cognitionem largiri dignatus est: sine cuius lumine salubriter illum cognoscere nullus hominum posset. Sicut enim nemo solem sine ipsis solis lumine cernere *similes* valet: ita nemo Deum sine ipsis Dei ope agnoscere potest. Ipse enim est ad quem illius, ipse per quem imus, ipse veritas quæ docet, ipse via quæ ducit, ipse vita ad quam perducit. Quia ergo hoc omnium divinorum beneficiorum initium est ideo tanta hodie lætitia diem hunc Ecclesia celebrat, quo se diuina bonitas hominibus manifestare dignata est: in quo propter salutis nostræ primitias immortales illi gratias agit. De hoc igitur clarissimo beneficio dicturi, cælestem opem, sacratissimæ Virginis interuentu, suppliciter imploremus.

A V E M A R I A.

Principiò illud ante omnia admonitos vos velim, fratres, hunc morem quem Ecclesia retinet, alia atque alia subinde festa celebrandi, non ab humana tantum auctoritate, sed à diuina institutione ortum habuisse. Videmus enim in veteri lege Dominum, quoties insigni aliquo beneficio populum suum affecisset, diem aliquem festum quotannis celebrandum instituisse; quo eius beneficii memoriâ perpetuò retineret. Sic enim, cum populum suum tot editis miraculis atque prodigiis ab Aegyptiaca seruitute liberasset, diem festum singulis annis agitari

Exod. 12.

a

voluit;

Exod. 16. voluit; in quo omnia illa quę tunc facta fuerant, sacris ceremoniis rem gestam exprimentibus agerentur. Egressus deinde ab Aegypto, quinquagesimo die in monte Sinai legem dedit: quę seruata, non ad terram illam promissam modò, sed ad regnum tandem cęleste perueniret. In cuius beneficij memoriam festum Pentecostes indixit: quod quinquagesimo deinceps die celebrabatur. Cęterum in noua lege multo plura & maiora beneficia esse in homines conferenda, apertè Dominus cùm sepe alijs, tursi apud Ezechielem apertissimè docet. Enumeratis enim ibidem multis & maximis futurę gratię beneficijs, tandem ait: Bonis dirabo maioribus, quàm vmq̃am habuistis ab inirio: & scietis quia ego Dominus. Maxima certè fuerunt beneficia, quę is in populum suum olim contulit; præsertim cùm eum cęlestibus præceptis & doctrinis imbuir: sed quantum hoc est, si ad nouę legis gratiam conferatur, in qua non in tabulis lapideis, sed in ipsis hominum visceribus legem suam describendam esse per Hieremiam testatus est? Magnum item beneficium fuit, populum suum primogenitorum interitu ab Aegyptiaca seruitute, & durissimo Pharaonis imperio libera- re: sed quanto maius exstitit, à diaboli potestate de peccati seruitute pretioso vnigeniti sui sanguine & morte homines eripere? Longum esset si cętera ad hunc modum beneficia conferre inter se vellem. Quę cùm ita sint, nihil mirum si plura etiam festa ab Ecclesia instituta sunt, quibus immortales pro his tantis muneribus communi Domiño gratias ageremus: & tantorum donorum commemoratione ad eius amorem incitaremur. Ferreum enim cor st. necesse est, quod tantis diuinę charitatis & beneficię muneribus ad amorem nō emollitur.

Sed vt ad huius dici festum veniamus: quęretis merito, quod nobis hodierno die beneficium collatum sit? Priusquam hoc expediam, à vobis itidem quęram quisnam fuerit Sanctis omnibus felicissimus & faustissimus in omni vita dies? Non dubium autem quin faciliè responsuri sitis, illum exstitisse, non quo in hac vita mortali nati sunt, sed quo eos in perpetuas eternitates præfens hæc vita parturit: quo in regno cęlorum recepti ciues Sanctorum & domestici Dei effecti sunt: & in quo ab his densissimis Aegypti tenebris emergentes, ad illam inaccessibilem lucem peruenierunt, in qua & beata Dei visione fruuntur, & vbertim fonte vitę potantur. Hunc ergo diem meritò felicissimum esse credimus: quod quidem Ecclesię authenticitas confirmat, quę, cęteris diebus omisis, hunc vnum in natalitijs Sanctorum celebrat. Est quidem, fateor, dies hic celeberrimus: sed celeberrimus ille quoq; iudicandus est, quo peccator homo, qui in tenebris & cęca peccati nocte degebat, discussis

cussis diuino munere his tenebris, ad splendorem iustitiæ, & claritatem diuinæ gratiæ translatus est. Hac enim luce collustratus, & periculi sui magnitudinem, & status sui miseriam, & peccati (in quo degebat) scēditatem, & Dei, quem ignorabat, bonitatem ita cognouit, vt & peccatum super omnia derestaretur, & mundi vanitatem sperneret, & Deum (quem antea contēnebat) super omnia diligere inciperet. Quo munere factum est, vt & amicitiam Dei assqueretur, & ipsum etiam æternæ felicitatis diem (de quo antē diximus) prometeretur. Itaq; dies hic (si rectē inspicias) duplicaram, hoc est, suam ipsius & alterius quoque diei, velut in semine continet felicitatem. Quod quidem Apostolus insinuauit, cū ad Romanos ait: Nunc autem liberati à peccato, serui autem facti Deo, habetis fructum vestrum in sanctificationem, finem verò vitam æternam. Adde etiam, quod maius diuinæ misericordiæ opus est, hominem à peccato ad gratiam, quàm à gratia ad gloriæ felicitatem prouehere. Multo enim longius à peccato gratia, quàm à gratia gloria distat. Immo verò infinitis partibus distat à peccato gratia, à gratia verò gloria solo fragilis huius vitæ interstitio scernitur. Hoc enim luteo corporis pariete disrupto, nihil deest, quo minùs ille qui plenè purgatus est, felix protinus & beatus sit. Ius enim ad cælestem hanc hæreditatem firmum & legitimum habet, solaque ei tantū possessio deest. Vnde eorum vitam, qui sunt fidei & charitatis ornamentis excultri, vitam æternam Christus Dominos appellauit. Hæc est, inquit, vita æterna, vt cognoscant te solum verum Deum, & quem misisti Iesum Christum. Et rursus: Qui manducauerit (inquit) ex hoc pane, non morietur in æternum: hoc est, numquam morietur. Tunc enim æternam vitam ingredimur, cū, celerum scēditate abiecta, iustitiæ opibus abundare incipimus, & splendida charitatis luce tetram peccatorū noctem discutimus. Charitas enim certissimus salutis nostræ obles est.

1. Cor. 13.

1. Cor. 13.

Rom. 6.

Ioan. 17.

Ioan. 6.

Act. 9.

3. m. 1.

1. m. 14.

Hic igitur cōuersionis nostræ dies totā (vt ita dixerim) continet æternitatē: ideoq; non minùs interim Ecclesia hūc diem quàm illum alterum celebrat. Quod in Apostoli Pauli gloriosa cōuersione fecit: quo die is, sublati ab oculis animæ tenebrarum squamis, lucem recepit, qua salutis auctorem (quem antea ignorabat) agnouit. Hoc igitur illi velut Epiphaniæ, hoc est, apparitionis festum extitit: quo se illi Deus antea ignotus, cognoscendum & diligendum præbuit. Sic etiam dies ille, quo quisque diuino munere à peccati tenebris ad splendorem iustitiæ vocatus est, Epiphaniæ quoque suæ festum est: quo illum Deus non stellæ fulgentis indicio, sed præpotenti diuini Spiritus auxilio ad se traxit, & in Sanctorū sortem adscripsit,

& diuinorum donorum cōsortem effecit. Quid autem hoc beneficio gloriosius? quid illustrius? Quid enim cogitari potest altius aut magnificentiū, quā prapotentem illū rerū omnium conditorem & Dominum parentem agnoscere, & eius regni heredem institui? Pro hoc autem beneficio monet nos Petrus Apostolus Dominū collaudare, cū ait: Gratias agentes ei qui vos de tenebris vocauit in admirabile lumen suum: qui aliquando non populus, nunc autem populus Dei: qui non consequuti misericordiam, nunc autem misericordiam consequuti. Sic D. August. gratias ageas: Cæcus (inquit) eram, & cecitatem amabam: & ad tenebras per tenebras ambulabam. Gratias tibi lux mea, quoniam illuminasti me, & cognoui te.

Vbi sanctus ille Tobias Angeli ministerio amissum oculorum lumen recepit, mira ex hilaratus læticia in hanc laudis vocem prorupit: Benedico te Domine Deus Israël, quia tu castigasti me, & tu sanasti me: & ecce ego video Tobiam filium meum. Si tanti fecit pius hic vir redduā sibi lucem, qua filium senectutis suæ baculum cerneret: quanti, quæso, vir iustus lumen illud faciet, quo perennem bonorum omnium fontem agnouit, & pulcherrimā illā diuinæ bonitatis speciem (quamuis per speculum & in ænigmate) amanter & suauiter contemplantus est? Quāto ergo iustus totum sese in diuinas laudes effundens dicere poterit: Benedicā sit Domine pietas & misericordia tua: qui me in regione vmbre mortis sedētem, & in terra obliuionis sepultum, lucis tuæ radiis illustrasti, & collyrio tuo oculos meos vnxiſti, vt peccati deformitatem agnoscerem, & ferreum eius à me iugum excuterem, & ad misericordiam tuam supplex confugerem, & in te vno spes omnes opesque meas collocarem?

Hoc igitur exemplo, fratres, huius diei dignitatem vt cumq. æstimare poteritis. Si enim felicissimus ille dies vnicuique prorum est, quo se illi Dominus cognoscendum prabuit: cuius felicitatis erit ille dies, quo se non vni homini solum, sed vniuerso mūdo manifestare voluit? Huius ergo beneficii memoriam hodierno die celebramus. Hodie namq. summus ille rerū omnium Dominus, qui à nemine nisi à seipso perfectē cognoscī potest, ille qui lucem habitat inaccessibilem; ille qui posuit tenebras latibulum suum, quod à nulla creata mēte sine eius luce videri potest; ille inquam, cuius cognitio bonorum omnium initium, visio autem cōsummatio felicitatis est, discussis tenebris latibuli sui, & tenebrarum nostrarum caligine absterſa, seipsum & agnoscendum, & diligendum, & venerandum mortalibus prabuit. Quis igitur pro dignitate hanc tantam Dei nostri bonitatē amplificare queat? Quid nobis alia eius beneficia

contra-

contulissent, nisi hoc prius beneficium præcessisset? Quid nobis Christi conceptio, quid natiuitas, quid vita, quid mors, quid resurrectio, & adscensus in cælum profuissent, si hæc ipsa mysteria ignota nobis essent? Sapientia abscondita, & thesaurus inuisus, quæ utilitas in vtrisque? At sapientia nostra sicut & iustitia Christi est: quid ergo tantus hic thesaurus profuisset, si incognitus latuisset? Hodie igitur nobis clauis eius data sunt, hodie omnium diuitiarum cælestium opes ante oculos propositæ sunt. Quæ ergo alacritate, quibus laudibus hoc tantum festum celebrandum est? Quo, quæso, studio regius ille Vates hunc diem excepisset, qui tanto eius desiderio flagrabat? Hoc enim affectu cõcitatus, totum illum Psalmum edidit: Deus misereatur nostri, & benedicat nobis, &c. Vi cognoscamus in terra viam tuam, in omnibus gentibus salutare tuum. Iam verò quis consequi possit quo mentis ardore quæ deinde sequuntur verba protulerit? Cõfiteantur tibi populi Deus, confiteantur tibi populi omnes. Deinde, non contentus his eandem sententiã protulisse, in sequenti versiculo eandem iterum atque iterum repetit: Confiteantur tibi populi Deus, confiteantur tibi populi omnes. Quid verò illud huic non dissimile? quo affectu, quo desiderio pronunciatum est? Afferte Domino patrie gentium, afferte Domino gloriam & honorem; afferte Domino gloriam nomini eius. Tollite hostias & introite in atria eius, adorate Dominum in aula sancta eius. Quæ quidem verborum repetitione immensum quoddam desiderium diuinæ gloriæ, & salutis humanæ non obscure declarauit. Hodierno igitur die hoc sancti Prophetæ desiderium impleri cœptum est; quem festis gaudiis celebrare nos iubet Ecclesia: sic tamen vt intelligamus priuatum cuiusque Epiphaniæ diem toto vitæ spatio, atque adeo omnibus horis & momentis, esse celebrandum. Sciat ergo pius quisque, duplex esse Epiphaniæ festum; alterum quidem commune, quo generi humano; alterum singulare, quo se Deus pio cuique cognoscendum & amandum præbuit. Et illud quidem hodierna die ab omnibus, hoc verò ab vnoquoque, piorum tota vita (vt diximus) celebrandum est. Quisquis enim, veteribus flagitiis abdicatis, nouam vitam Christi munere inchoauit; sciat se huius perpetuæ solennitatis debitorem esse, quamuis nemo certa fide scire possit se diuinam gratiam consequiturum. Hæc igitur de huius diei beneficio præfati, Euangelicæ lectionis explanationem aggrediamur.

I.

Inter eximia diuinæ virtutis opera, quæ Saluator in hunc mundum veniens editurus erat, illud præcipue omnium Prophetarum oracula pronunciarunt, quod eius beneficio veri

- Dei cultus per totum orbem esset propagandus. Sic enim (vt
 Isai. 49. cetera testimonia, quæ penè infinita sunt, prætermittā) Isaias
 Patrem ad Filiū loquentē inducit: Parum est vt sis mihi dux ad
 suscitandos tribus Iacob, & facies Israel conuertendas: Dedi te
 in lucem Gētium, vt sis salus mea vsque ad extremum terræ.
 Hoc igitur tantum opus hodie Messias noster felicissimè exor-
 sus est. Ardentissima quippe eius charitas noloit maturioris
 ætatis tēpus expectare: sed vix dum natus, in infantibus adhuc
 fasciis ligatus, & præsepj angustiis inclusus, in extremos orien-
 tis solis fines oculos porrigit, & ignaras veri Dei gentes ad cu-
 nabula sua noui sideris indicio perducit. Quia enim ipse vene-
 rat annūciaturus pacem iis qui propē, & pacem iis qui longē:
 ideo pastores à Iudæa, & Magos à Chaldæa, ad cunabula sua
 traxit: sed illos ramen Angelico testimonio, hos autem noui
 sideris indicio, simul & interno diuini Spiritus instinctu. Vt
 Leo Papa enim Leo Papa inquit, Dedit adspicientibus intellectum, qui
 præstitit signum; & quod fecit intelligi, fecit inquiri; & seipsum
 obulit requisitus. Itaque, si rem exactè perspicimus, omnia
 illis à Deo præstita intelligemus. Ille namque eis signum de-
 dit: ille signi mysterium declarauit: ille ipsorum animos ad nou-
 um Regem adorandum excitauit: ille se eis itineris comitem
 præbuit: ille se stellæ ministerio ad locum vsque natiuitatis duc-
 em exhibuit: atque ille tandem se piē quærentibus obulit.
 Itaque iure ipsi, peracto itineris sui cursu, dicere cum Propheta
 Isai. 49. potuerunt: Omnia opera nostra operatus es in nobis Domine.
 Ceterū quod Magis istis diuina pietas & prouidentia tri-
 buit, idē omnibus Dominus se piē quærentibus largitur. Ipse
 namque omnia illis ad bene viuendum necessaria adiumenta
 præbet, vt nemo pietatis & salutis suæ munus sibi audeat arro-
 gare, sed omnia illi debeat accepta referre, & vnū illum sa-
 lutis suæ auctorem agnoscere, sine quo ne ipsius quidem no-
 men sanctissimum inuocare dignè posset. Vnde rectè monet
 Philip. Apostolus, vt cum metu & tremore salutem nostram opere-
 mur: quoniam Domini est & velle nos horum, & perficere pro
 suæ voluntatis beneplacito. Cum ergo nos quoque, consum-
 mato peregrinationis nostræ cursu, Dei Filium videamus, non
 in complexu matris, sed in sinu Patris: non in præsepj vagien-
 tem, sed in cælo Angelos beatem: non Virginis vbera sugen-
 tem, sed charitatis suæ vbera beatis mentibus propinantem:
 tunc illum & amabimus, & laudabimus, & gratias agentes eadē
 Prophetæ verba vsurpabimus: Omnia opera nostra ope-
 ratus es in nobis Domine. Hoc est autem quod Ioannes ait:
 Ioan. 1. nos de plenitudine Christi recipere gratiam pro gratia. Pro gra-
 tia enim, per quam bona opera edidimus, consummatam eter-

nae felicitatis gratiam percipiemus. Vnde est illud D. August. *August.*
Cū Deus præmiat opera nostra, coronat dona sua.

Sed ad Magos redeūtes; accepto hoc cælesti signo & diuino
responsō, ad nouum Regem quærendum ab Oriente profici-
scuntur. Tanto enim videndi Regis huius desiderio incensū
erant, vt nulla interposita mora, arduum & difficile iter arri-
puerint. Non eos magna locorum intervalla, nō itineris labor,
non hyemis asperitas, non expensarum magnitudo, non deni-
que periculum in alieno regno Regē alterū nominandi retar-
dauit. Omnia hæc deuotionis ardor, & charitatis feruor, facile
superarunt: & ideo inuenire meruerūt, quod tanto studio tan-
toq. labore quæsierunt. Hoc enim præmium Dominus solici-
tē se querentibus promisit, cū ait: Quæretis me, & inuenietis
eū in toto corde vestro quæsieritis. Quid enim in causa esse
putemus, fratres, cur tam multi Deū quærentes nō inueniant,
nisi quia cūctanter & negligenter quærun? At indignū putat
ille donorū cælestium distributor, quodd cælestes & immortales
opes minori cura & studio quā terrenas quæramus. Vilescere
enim solent ea quæ facili parantur, ideoq. studium à nobis, cu-
ram diligentiamq. requirit. Si quæsieris, inquit, sapientiā quasi
pecuniam, & quasi thesauros effoderis illam, hoc est, ea cura &
auarditate qua thesauros homines defodere solent; non dubium
quin inuenias eam. Idem etiam piē querentibus Sapiētia pol-
licetur cū ait: Qui manē vigilauerint ad me, inuenient me.
Quid enim aliud est manē vigilare, nisi diligenter, studiose, &
ardenter quærare? Illa enim quæ auidē cupimus, vbi primū
à somno excitamur, velut ad ostiū mentis posita illico sese no-
bis obiciunt, & ita mentē occupant, vt vix quicquam aliud co-
gitare sināt. Hac ergo cura, hoc studio, summum illud bonum
quærendum est, vt cum thesauri dignitate laboꝝ quoq. inque-
sitionis certet. Hoc autē modo Dauid, cū feris in deserto agēs,
se Dominū quærare ferebatur cū ait: Deus Deus meus, ad te
de luce vigilo. Hoc est, Cū primū Domine à somno excitor,
tu, qui mea maxima cura es, mihi primus occurris. Amorem
quo te diligo, facit ne à te mens mea amoris glutino copulata
diuellatur. Itaque cū accūbo, cū à somno excitor, cū dor-
mio atque vigilo, tu mihi semper ades, te corā intueor, te ve-
lut præsentem oculis animæ cerno. Sed vnde, quæso, hic mentis
ardor? vnde hæc cōtinua meditatio? Subdit causā: Quia ni-
mirum sicut te anima mea, desiderauit te caro mea. Hoc est,
anima mea sic pulchritudinis tuæ amore incensa est, vt, ceteris
rebus spretis, te solum cupiat, te solū ardeat, in te vno delecte-
tur; & ita delectetur, vt ipsa etiam caro quæ animæ coniuncta
est, spiritualis huius lætitiæ magnitudine perfusa, te quoque

Deut. 4.

Matth. 23.

Prou. 2.

Prou. 8.

Psal. 63.

simili ardore desideret: & quæ spiritui aduersaria esse solet, eum eo pariter in hoc desiderio conspiret. Inde adeo fit, ut in terra deserta, iniqua, & inaquosa, sicut in sancto appareat tibi, hoc est, ut in huius squalentis eremi inculta solitudine; in qua nulli parent hominū accessus, nulli fontes aut flumina decurrunt, nullæ virent arborum frondes, nullæ resonant sacerdotum aut organorum laudes tuas decantantium voces, nihilque apparet cuius sensu mentis acies ad pulchritudinis tuæ speciem contemplandæ excitari possit; nihilominus tamen deuotionis ardor mihi pro his omnibus est: quo fit, ut me tibi hoc in loco sic exhibeam, ac si in templo & sanctuario tuo videris & citharis te laudantium interesses. Hoc ergo studio, fratres, Deum querere debet quisquis illum serio quærit, & serio inuenire cupit. Eos autem qui ita quærunt, diuus Bonauentura ait. Cuius sententiæ omnis Theologorum schola subscribitur: quæ generosis virtutū actionibus has ipsas virtutes quotidiana incrementa capere proficitur: remissis verò atque inertibus, & veluti languentibus, adeo non augeri, ut iis interdum ad interitum sui disponatur. Quid enim tepor, nisi teporem generare potest? At tepidos ab ore suo Dominus euomēdos in Apoc. comminatur.

Bonauent.
in Stimu-
lo amo-
ris.

Apoc. 3.

Quid autem hoc in loco respondere poterunt, qui tam longè ab hoc ardore & studio proficiendi absunt, ut nunquam manum miserint ad aratrum, nullis Domini vocibus multipliciter eos ad hoc quotidie vocantis acquieuerint: sed in aliud atque aliud tempus conversionis suæ officium procrastinant? Quibus merito timendum est, ne lassata tantæ longæ expectatione diuina patientia, penitendi spatia, quæ tu tibi quotidie procrastinando longissima polliceris, subito abscindat. Quod quidem non raro facere solet, quemadmodum ante diluuium fecisse D. Hieronymus testatur. Sic enim is locū illum Genes. explanat: Non permanebit spiritus meus in homine in æternum, quia caro est: eruntque dies eius centum & viginti annorum. Hoc est, quoniam omnis caro, id est, omnis homo corrumpit viam suam, nec in lege à Deo sibi naturali lumine præfixa manet, & ita viuit ut frustra conditus esse videatur: ideo vniuersum genus hominum, atque omnia quæ illius gratia in terra condita sunt, delere constitui: solumque centum & viginti annorū spatium illis ad penitentiam tribuo; quo tempore nisi eos malorum suorum penituerit, spiritum illis & vitam, qua in conditoris sui contumeliam abutuntur, eripiam. Atque hoc ipso tempore miræ magnitudinis arcam fabricari iussit, quæ diuinæ iustitiæ atque futuræ vindictæ mortalium mentes admoneret. Hæc enim de causa Petrus Apostolus iustitiæ præconem Noë appellauit.

1. Pet. 3.

lauit quod illius arcæ fabrica imminenti mûdo vastitatem, & diuini numinis vindictam nunciabat. Sed cum ne hoc quidem diuinæ iustitiæ præconio hominēs ad meliorem mentem redirent, ex tota illa summa viginti annos Dominum subra- xisse diuus Hieronymus testatur transactisque centum annis vniuersum mundum aquarum inundatione deleuisse. Videant ergo quicumque ad quotidianas vocâtis Domini voces obsur- duerunt, qui conuersionem suam quotidie differunt, ne diuina patientia diu abutentes, & iudicis iram sibi longa peccandi mora thesaurizantes, penitentiæ tempora longè breuiora fa- ciant, eosque ante diem immatura mors abripiat; quod sapissi- mē fieri credendum est. Sed ad iter Magorum redeamus.

I I.

Ingressi ergo Hierosolymam quærunt, *Vbi est qui natus est Rex Iudeorum?* Multis nominibus Christus Dominus in litteris sanctis appellatur. Tot enim Christi beneficia in nos collata sunt, vt, quoniam ea omnia nullo singulari nomine designari poterant, multa sint excogitata, quæ illa insinuant. Inter hæc autem nomina, quæ singularem quandam à nobis beneuolen- tiam & pietatem exigunt, Regis nomen minus blandum, mi- nusq. amabile quibuldam fortasse videbitur. Verum ij ob hoc decipiuntur, quoniam Regis nomine non id intelligunt quod vera huius nominis ratio exigit, sed quod corrupti temporum mores, & cōmunis Regū vitæ præse fert. At lōgè magnum dis- crimen inter vtrumque munus est: multum quippe inter se di- stant, quod natura rerum exigit, & quod hominum licentia vsurpauit. Non enim Christiana tantum, sed humana quoque philosophia hoc discrimen inter Regem & Tyrannum esse ait: quod Tyrannus sit, qui regni moderationem & opes omnes ad suam ipsius vtilitatem referat: Rex verò, qui se & sua omnia in regni sui stabilitum & vtilitatem conferat. Itaque Ty- rannus velut lupus quidam est, oues degluties: Rex verò velut fidelis & diligens pastor, qui diu noctuque astu vritur & gelu, excubatque insomnis semper, vt cura atq. labore suo citra ca- ram & metum grex accubare possit. Tale ergo Christi Domini regnum est, fratres. Is namque ea lege regnum suum modera- tur, vt seipsum, opes, labores omnes, ac merita sua in subdito- rum vtilitatem conferat, omnemque curam & sollicitudinem in eis iuuandis, regendis, tuendis, locupletandis, & ad veram felicitatem perducendis impendat. Talis ergo Rex Christus est: *Isaia 9.* cuius principatum Propheta dicit esse super humerum eius: quoniam totum regni sui pondus humeris suis ferendum im- posuit. O felix potestas, o faustum regnum, o verè amandus & *Ioan. 17.* colendus Rex, qui ita regendis aliis præpositus est, vt cum rebus

nostris non egeat, vitæ suæ dispēdio det nobis vitam æternam: Rex videlicet, qui nos Reges efficiat, qui ad cæleste regnū perducatur, qui secum in cælestibus consistere, & perpetuū regnare faciat. Hunc ergo non carnalem aut terrestrem, sed cælestem Regem cum Magis hodie queramus, hunc cum illis adoremus, hunc colamus, qui veram nobis libertatem, veram pacem, veramque de animæ nostræ hostibus victoriam largitur.

Erant enim Reges alij qui nos opprēsserant: de quorū crudeli dominatu Propheta queritur dicens: Domine, inuenerunt nos domini absque te; tantum in te recordemur nominis tui. Quod si à me requiras quinam isti domini sint qui nos ita imperio suo premant, facile tibi respondere potero: in aliis quidem imputam carnis cupiditatem regnare; quorum videlicet omnis cura & cogitatio in deliciis corporis posita est: in aliis verò mundum sibi regnum vendicare; qui videlicet, diuinis legibus & oraculis neglectis, iuxta mundi placita vitam instituunt: qui non Deo, sed oculis hominum placere cupiunt: qui in omnibus factis atque cōsiliis suis non quid oracula diuina doceant, sed quid humana iudicia præscribant, attendere solent. Hi enim non Deum, sed mundum Regem agnoscunt & venerantur. In aliis verò dira ambitionis pestis tyrannidem ita exercet, ut omnia diuina & humana iura propter immensam popularis gloriæ cupiditatem violare non vereantur. In aliis porro insatiabilis auaritia ita regnat, ut nihil aliud agant, nihil moliantur, nihil cogitent, quam quomodo patrimonium augeant. Itaque modis omnibus pecuniam quarunt, pecuniam sitiunt, pecuniæ obediunt, pecuniam adorant, atque denique, quidquid vni Deo diuinitatis iure debebatur, hoc illi pecuniæ tribunt. Quo nomine Apostolus auaritiā idolorum seruitutem esse dixit. Iam verò sunt alij, qui turpiorem his omnibus tyrannidem, nempe ventrem, sibi non modò in regem, sed in Deum etiam delegerint: ad cuius voluptates explendas sensum omnem, & patrimonium, seque ipsos dediderunt. Quam verò miserandi, vel potius execrandi sunt, qui non aliquem istorum, sed omnes istos miserabili atque dura seruitute sibi in reges elegerunt! In hos namque illa Domini verba fulminantur: Hæc dicit Dominus ad contemptibilem animam, ad abominatam gentem, ad seruum dominorum. Hæc autem seruitus adeò miseranda est, ut eam Dominus in criminum pœnam comminetur, cum ait: Tradam Aegyptum in manus dominorum crudelium. Ab hoc ergo crudeli dominatu nos cælestis hic & nouus Rex liberat: dum ab his terribilibus cupiditatibus, Deilegibus atque diuino Spiritu regit & gubernat. Cuius regni pulchritudinem & clarissimam

ma dona demiratus Propheeta dicebat: Quàm speciosi pedes ^{Isaia 59.}
 euangelizantium pacem, euangelizantium bona, dicētis Sion,
 Regnabit Deus tuus! Quod quidem perinde est ac si diceret:
 Hactenus in mundo regnauit mundi princeps, sed adierit ta- ^{Ioan. 12.}
 men tempus, quo princeps mundi huius eiiciatur foras, & ve-
 rus Rex Christus omnia trahat ad seipsum. Quàm pulchra au-
 tem mens illa est, quæ Regis huius Spiritu ducitur, quæ nihil
 agit, nihil loquitur, nihil vel extra vel intra se mouetur, nisi quod
 Rex iste præscribit: quæ deniq. eius imperio ita subdita est, ut,
 oculis in eum semper intentis, cū Apostolo iugiter dicat: ^{Act. 9.}
 Domine, quid vis me facere? Talis enim anima quid aliud quàm
 diuinæ puritatis & pulchritudinis speculum & imago est! Hūc
 ergo Regem Magi hodie Hierosolymam ingressi quærunr, di-
 centes: *Ubi est qui natus est Rex Iudaorum?*

I I I.

Audiens autem hac Herodes Rex, turbatus est, & omnis Hie-ro-soly-
 ma cum illo. Quid turbaris? quid formidas? Nouus hic Rex no-
 ua regnandi ratione munus suum obire debet. Non est ei ani-
 mus eripere regna, sed dare: nō Reges destituere, sed cōstituere:
 nō terrena bona hominibus eripere, sed cælestia largiri. Non
 enim vulgari Regum more, sed noua ratione regnaturus ve-
 nit: ideoq. non à mundo honores accipere, sed iniurias perpeti
 debet. Quod si regiis insignibus ornandus est, non ea esse de-
 bent quæ fastus & ambitio tua concupiscit, sed quæ eius chari-
 tas ad salutem hominum exagitat. Non enim purpura, sed
 sanguine suo vestiendus est: non aurea corona smaragdis di-
 stincta, sed crudelibus spinis intexta, coronandus est: non in
 eburneo throno sedere, sed in dura cruce clauis confixus pen-
 dere debet. Hic thronus eius, hæc sedes regia ex qua regnatu-
 rus est. Non est ergo cur inuidia contabescas, sed cur magis
 miseratione in eum commouearis.

Immensa tamen regnandi libidine excecatus impius, nihil
 horum attendere voluit. Itaque congregat principes sacerdo-
 tum, & scribas populi, ut quis esset Dominicæ natiuitatis locus
 agnosceret. Ostenso igitur loco, Magos eō mittit, ut nouum
 Regem adorent: se postmodum eō profecturum, ut eum simili
 religione veneretur. Quod quidem perfidus non ea mente di-
 cebat ut parvulum adoraret, sed ut antequam adolesceret, &
 vires in populo colligeret, vitam illi eriperet. quod quoniam
 delusus à Magis, diuino oraculo monitis, consequi non potuit,
 tam immani furoris rabie exagitatus fuit, ut pueros omnes qui
 erant in Berthelem, & in omnibus finibus eius à bimatu & in-
 fra, iussit trucidari. Quo facinore quid tetrius aut immanius
 cogitari

cogitari potuit? Sed illis quidem nefarius carnifex necem intulit: diuina tamen pietas caelestem coronam & martyrij palmam contulit. Qua in re multa quidem sese nobis de huius tyranni incredibili stultitia & ambitione dicenda offerebant: sed, omissa eius impietate, in Magorum fidem & pietatem oculos coniciamus.

Stella igitur, quam in Oriente viderant, ducatum illis præbente, ad opertum tandem Dominicæ natiuitatis locum perueniunt. *Et intrantes domum, inuenerunt puerum cum Maria matre eius,* Fulgent. *Et procidentes adorauerunt eum.* Miratur hic D. Fulgentius, quod cum Magi, regiam ciuitatem ingressi, Iudæorū Regem Herodem in aula regia armatis militibus stipatum in throno regio sedentem, & regis opibus affluentem viderent; non tamen hunc adorant, non inquirunt: sed in villulam vltius progressi, vagientem puerum, vilibus panis oblitum, nullo fastu, nullisque humanis opibus fulgentem, humi procumbentes adorant, & muneribus venerantur. Nonne periculum erat, ne hac tanta paupertate & solitudine offensi, illusos se esse crederent, cum tam indigna regio stemmate cernerent? Sed inueniunt, quæso, quantum fides penetret, quam lynceis oculis habeat. Non illis sordet stabulum, non panis offenduntur, non illos ab officio & pietate retardat lactentis infantia, vagientisque infirmitas: paruulum vident, & omnipotentem credunt: in præsepio iacentem contemplantur, & sidera in cælo moderantem confitentur: denique procidunt, venerantur, adorant. Is enim qui illos adduxit, instruxit: & qui per stellam foris admonuit, in occulto etiam cordis edocuit. Horum ergo fidem & religionem imitari conemur, fratres, cum in templis ante altare Domini & sacrum corpus eius assistimus. Sicut enim hos Magos nihil impediuit paruuli nostri habitus, & curta domus supellex, quominus siderum Regem crederent, quem in stabulo iaceantem videbant (non enim in externâ specie oculos figebant: sed interna mentis acie abditam maiestatem cōtemplabantur) ita nos, cum ante diuinum hoc sacramentum adstamus, lynceis fidei oculis diuinitatis plenitudinem ibidem latentem contemplemur, adoremus, trememesq. reuerreamur: nec minus hanc maiestatem velaram formidemus, quam si apertam atque patentem in gloria sua cerneremus.

Et quidem si non humana prudentia, sed fidei oculis humilem hunc Dominicæ natiuitatis apparatus intueamur, inueniemus planè nullum esse in terris tam egregium & insignem locum, nullum tam splendidum apparatus, qui Regis huius bonitati & officio magis conueniat. Præclare enim D. Bernard. ait, omnia Christi opera tâto magis eius bonitate digna esse, quâto eius

eius celsitudine indigniora iudicantur: tantoque magis ad misericordiae suae laudem pertinere, quanto minus maiestatis suae gloriam decere videtur. Et ratio in promptu est. Dei siquidem potentia rerum creatione, sapientia verò prudentissima earum gubernatione facile declaratur: bonitas autem & misericordia (quam is omnibus spectatissimam esse cupit) quibus aliis indicis, quàm hoc humilitatis habitu declaranda fuit? Quid enim bonitatis & misericordiae eius laudes indicare magis poterat, quàm quòd summus ille rerum omnium Dominus propter humani generis salutem in stabulo nasci, pannis inuolui, in praeseptio reclinari, discipulorum pedibus se submittere, & in crucem agi voluerit, ut nos à gehennae cruciatibus liberaret? Itaque (ut idem Bernard. ait) quanto minorem se fecit in humilitate, tanto se maiorem exhibuit in charitate: & quanto pro me vilior, tanto mihi charior. Quocirca Atticus Constantinopolitanus Episcopus, vir eruditione praestanti, non magis putat esse diuina maiestate digna ea opera quibus hominem condidit, quàm hæc quibus hominem redemit. Nam si in diuinæ maiestatis amplitudinem mentis oculos defigamus, quid à Dei opt. max. dignitate fingi potest alienius, quàm sese ad abiectissimas res, nempe culices, muscas, formicas procreandas, sustentandas, procurandas, atque alendas desicere? Quo factum est, ut plurimi Deo & prouidentiae & creationis officium denegarint. Verum cum ad ea ipsa opera animum aduertimus, quæ Dei infinitam potentiam satis praeferrunt, & quidquid in illis inest virum perpendimus: ea non modò abiecta non putamus; sed, quanta Dei sit maiestas & amplitudo, ex illis discimus. Ita etià quamuis illa quæ magnam Christi infirmitatem praefegerunt, ab eius dignitate esse videantur aliena: ij tamen bonitatis & misericordiae thesauri in illis delitescunt, ut non minus hæc redemptionis opera Dei bonitatem, quàm creationis opus eius potentiam declarare videatur. His ergo fidei oculis hoc tantum mysterium, fratres, intueamur, ut authorem salutis nostrae simili deuotionis affectu cum Magis adoremus, ut ad tantæ bonitatis & pietatis eius amorem excitemur.

Cum igitur tam magnificè Dominus nobiscum egerit, tantaque humilitate bonitatis & charitatis suæ magnitudinem declarauerit; an non æquum est, ut omnes cum Propheta clameamus: Quid retribuam Domino, pro omnibus quæ retribuit mihi? Quid autem illi dignius, quàm quod Magi isti à Spiritu sancto docti obtulerunt, offerre poterimus, nempe aurum, thus, & myrrham? Sed diceris: Ego tenuis & pauper sum, non est apud me huius oblationis facultas. Non sunt hæc externa munera, quæ abs te præcipue Dominus exigit. Sunt alia intra te

Bernard.

Atticus
Episcop.

multo

multo potiora, quæ regius Propheta insinuauit cum ait: In me sunt Deus vota tua. Intra te enim & thus, & myrrhâ & aurum deprehendes, quæ Domino offerre possis. Scitis enim, fratres, thure orationem, myrrha carnis mortificationem, aut charitatem, quæ inter virtutes omnes præstantissima est, designari.

Quisquis igitur harum trium virtutum officiis operam dederit, intelligat planè gratissima se Domino munera obulisse. Thus igitur orationis illi primùm offeramus, quod quàm sit illi gratum, ipse in Psal. 49. latè declarat; in quo omnibus penè sacrificiis enumeratis, eisdemq. repudiatis, quod sibi gratissimum sacrificiū esset, exponit his verbis: Immola Deo sacrificiū laudis, & Inuoca me in die tribulationis: eruā te, & honorificabis me. Itaq. laudes suas orationis studio cōiunctas, velut suauissimum sacrificium offerri sibi optat. Quod quidē regius Propheta se

offerre Domino testatur cum ait: Laudans inuocabo Dominū, & ab inimicis meis saluus ero. Hæc sunt duo officia, in quibus præcipuè omnis oratio versatur: ideoq. sanctus Propheta laudat simul & inuocat Dominum: laudat ob beneficia præterita; inuocat vt impetrare mereatur futura. Et prius quidem quàm noua petat, pro veteribus gratias agit: quoniam gratus animus erga præterita accipere meretur futura. Libenter enim in eos beneficia conferimus, quos gratos & beneficij memores experimur. Danda tamen est opera, vt quo tempore hoc illi sacrificiū offerimus, illud Apostoli verè dicere possimus: Orabo spiritu, orabo & mente; psallā spiritu, psallam & mente. Sunt enim nonnulli qui ore tantū, non etiam mente orant: quorū oratio quomodo in cælū adscēdet, quæ nōdum ad ipsam orantis mentem assurgit? Hæc autem oratio thuris nomine indigna est, cū thuris suffragus superiora semper loca petat, quod huic orationi minimè conuenit. Externæ igitur voci, interna mētis attentio atq. deuotio iungenda est; vt cum Propheta dicere Do-

minoo valeamus: Holocausta medullata offerā tibi. Huiusmodi enim holocausta offert, quisquis voci orationis medullam studinmq. piæ deuotionis adiungit. Quod qui non faciunt, non pinguis & medullata, sed ieiuna & arida sacrificia offerunt.

Vbi verò thus Deo obtuleris, da operam vt myrrham quoque, hoc est carnis & cupiditarum mortificationē offeras: quæ quàmuis offerenti amara, Deo tamen suauissima est. Sunt autem hac potissimum ætate nostra (in qua non parum vera pietas atq. religio diminuta est) nonnulli qui thus quidem (quod bene olens & suauis sit) libenter & assiduè Deo offerāt, in myrrha tamen offerenda (quoniam amara est) non adeo faciles & prompti sint. Vis enim amoris proprii ira eos afficit & instiguit, vt ex virtutum officiis ea potissimum eligant, quæ dulcia sint; quæ

quæ verò acerba & infuauia, aut prorsus non attingant, aut difficulter & ægrè in ea ferantur. Quod qui faciunt, sciant sese à Christi philosophia & euangelicæ vitæ perfectione plurimum abesse. Vt enim D. Maximus ait: Tota Christiani hominis vita, si ad normam Euangelij exigatur, crux est. Quod quidem Sponsa in Cantu expressit; quæ ubi de Sponsi sui laudibus multasset, tandem ait: Labia eius lilia distillantia myrrham primam. Quid enim aliud Euangelica doctrina quàm myrrham, hoc est, crucem, mortificationem, odium sui, voluptatum abdicationem, carnis macerationem, pauperatatem spiritus, laborum patientiam, & mundi contemptum sonat? vides ergo labia Sponsi in Euangelica doctrina vbique distillare myrrham primam; cum tamen labia meretricis, hoc est, carnis & mundi, fauim distillare Salomon dicat. Hoc enim carnalis à spirituali vita potissimum distat, quòd illa semper dulcia concupiscit, hæc verò amara propter Deum libenter amplectitur. Quisquis ergo myrrhæ amaritudinem detrectat, is se longius ab Euangelica philosophia subducit, & meretricis illius obsequio tradere incipit. Quocirca vir pius id præcipue curet, vt cum eadem Sponsa verè dicere possit: Manus meæ distillauerunt myrrham, & digiti mei pleni sunt myrrha probatissima: quia videlicet Christi monitis instituta, ad ea potissimum opera adspirabor, quæ laboris & amaritudinis plenissima erant, quòd hæc Sponsa sciret esse gratissima. Hanc igitur myrrham cum Sponsa offert qui carnem suam macerare, cupiditates frenare, turbulentos animi motus cohibere, linguam moderari, sensibus custodiam adhibere, cupiditatibus bellum indicere, & propriæ voluntati in licitis etiam & concessis interdum repugnare studet: qui iam cum Apostolo dicere potest: Omnia mihi licent, sed nō omnia expediunt. Hoc est autem suauissimam nascenti Christo myrrham offerre.

Maxim.

Preu. 5.

Or. 62

Matth. 25

Vbi verò thus & myrrham obtuleris, memento etiam charitatis quoque, aurū offerendum esse. Sunt enim multi qui nihil religiosum aut sanctum putant, nisi quod inter altaria Deo litatur. Hos autem cælestis magister velut Phariseos olim admonet, vt euntes discant, quid illud sit, quod per Oseam Dominus dicit, Misericordiam volo, & non sacrificium. Itaque non in templis solum, sed in prophanis etiam domibus, in plateis, in carceribus, in iudicum tribunalibus, in quibus pauperes, infirmi, pusilli, & orphanæ ab omnibus destituti iacēt, piè Dominus colitur: quādo videlicet eos opera nostra, cōsilio, labore, opibusque iuuamus. His enim rebus gratissimum illi munus offerimus, qui in Euangelio ait: Quod vni ex minimis meis fecistis, mihi fecistis. Quibus autē hoc Dominus dicturus est, illud etiam adiungeret:

adiungit: Venite benedicti Patris mei, percipite regnum quod vobis paratum est à cōstitutione mundi. Quod nobis Christus Dominus concedere dignetur, qui cum Patre & Spiritu sancto vivit & regnat in secula seculorum. Amen.

EX HYMNO PRUDENTII IN
Epiphania Domini.

Q Vicumque Christum queritis, Exin sequuntur perciti
Oculos in altum tollite, Fixi in altum cœlitis,
Illic licebit visere, Qua stella sū, cum traxerat,
Signum perennis gloriæ, Claramque signabat viam.
Hec stella que Solus rotam, Sed verticem pueri supra
Vincit decore ac lumine, Signum pendens imminens,
Venisse terram nunciat, Pronaque submissum face
Cum carne terrestri Deum. Caput sacratum prociuit.
Non illa seruit noctibus, Videre quod postquam Magi,
Sequitur lunam menstruam; Eoa promunt munera,
Sed sola celum possidens, Stralique votis offerunt
Cursum diurnum temperat. Thus, myrrbā, & aurū regium:
Arctoa quamvis sidera, Agnosce clara insignia
In se retortu motibus Virtutis ac regni tui,
Obire nolint, attamen Puer o cui trinam Pater
Plerumque sub nubibus latent. Prædestinavit indolem.
Hoc sicut eternum manet, Regem Deumque annunciant,
Hec stella nunquam mergitur, Thesaurus, & fragrans odor
Nec nubes occursum abdit, Thuri Sabæ, ac myrrheus
Obumbrat obductam facem. Pulvis sepulchram prædocet.
En Persici ex græbis sinu, O sola magnarum urbium
Sol unde sumit ianuam, Maior Bethlehem, cui contigit
Cernunt periti interpretes Ducem salutis celiis
Regale vexillum Magi. Incorporatum gignere.
Quod ut refulsit, ceteri Audet tyrannus anxius
Cessere signorum globi, Adesse Regum principem,
Nec pulcher est ausus suam Qui nomen Israel regat,
Conferre flammam lucifer. Teneatque David regiam.
Qui iste tantus, inquirunt, Succesor instat, pellimur.
Regnator astris imperans; Satelles i, ferrum rape,
Quem sic tremunt cœlestia, Perfunde cunas sanguine.
Cui lux, & æthra inferunt? Mas omni infans occidat,
Illustre quiddam cernimus, Scrutare nutricum sinus,
Quod nesciat finem pati, Interque materna vbera
Sublime, celsum, interminum; Enjem cruentet pugio.
Antiquus calo, & chao.

Suspecto

*Suspecta per Bethlem mihi
Puerperarum est omnium
Fraus, ne quā furim subtrahat
Prolem virili indolē.*

*Transfigit ergo carnifex
Mucrone districto furens
Effusa nuper corpora,
Animasq; rimatur nouas.*

*Locum minutis artibus
Vix interemptis inuenit,
Quo plaga descendat patent,
Iuguloque maior pugio est.*

*O barbarum spectaculum,
Ilisa ceruix cauitibus
Spargit cerebrum lacteum,
Oculosque per vulnus vomit:*

*Aut in profundum palpitans,
Merfatur infans gurgitem,
Cui subter artus sancibus,
Singultat vnda & halitus.*

*Salute flores martyrum,
Quos lucis ipso in limine
Christi insecutor sustulit,
Centurbo nascentes rosas.*

*Vos prima Christi victima,
Grex immolatorum tener,
Aram ante ipsam simplices
Palma & coronis luditis.*

*Quid proficit tantum nefas?
Quid crimen Hieroslem inuast
Vnus tot inter funera
Impune Christus sollicitur.*

*Inter coeui sanguinis
Fluenta, solus integer
Ferrum quod orbat natus,
Partus fefellit virginis.*

*Sic stulta & haraonū mali
Edicta quondam fugerat,
Christi figuram praferens
Moses, receptor ciuium.*

*Gaudete quicquid gentium est,
Iudea, Roma, & Grecia,
Egypte, Thrax, Persa et Scythia,
Rex unus omnes possidet.*

*Laudate vestrum principem,
Omnes beati ac perdit,
Vni, imbecilli, ac mortui,
Iam nemo post hac mortuū.*

DOMINICA IN ERA OCT. EPIPHANIAE, CONCIO PRIMA: IN QVA, POST explanationem lectionis Euangelicæ, lex illa Domini explicatur, quā tē in anno omne masculinum corā se apparere præcipiebat: vnde præsentis Euangelij historia occasionem sumpsit.

THE. Cum factus esset Iesus annorū duodecim, adscendentibus parentibus eius Hierosolimam, secundum consuetudinem diei festi, consummatisq; diebus cum redirent, remansit puer Iesus in Hierusalem. Luca 2.



Ab infantia Domini Saluatoris, ad trigessimū vsque ætatis auium, nihil ferē nobis Euangelistæ præter sacram hodiernæ lectionis historiam eraderunt. Toto enim hoc tam longo spatio Saluator humilitatem exemplo suo docere, & loquacitatem nostram

Prou. 18. tam diuturno silentio frenare voluit. Sciebat enim scriptum esse: Mors & vita in manibus linguæ. Quod eius exemplum

quampis ad omnes in commune pertineat, singulariter tamen ad eos spectat qui scientiam suam intempestiue ostentare volunt, & magistri fieri cupiunt priusquam idoneos se pietatis discipulos exhibuerint. Quos quidem diuus Bernardus castigat his verbis: O humilitas Christi, quantum vanitatis nostræ superbiam arguis! Parum aliquid scio, vel magis scire mihi videor, & iam silere non possum, impudenter me & imprudenter ingerens & ostentans: promptulus ad loquendum, velox ad docendum, tardus ad audiendum. Et Christus cum tanto tempore sileat, cum seipsum absconderet, numquid inanem gloriam meruebat? Quid timeret ab inani gloria, qui est vera Patris gloria? Vtique timebat, sed non sibi. Nobis timebat ab illa, quibus nouerat esse timendum; nobis cauebat, nos instruebat. Tacebat ore, sed instruebat opere: & quod postea docuit verbo, iam clamabat exemplo: Discite à me, quia mitis sum & humilis corde. Hactenus ille. Sed ut ad præsentem historiam venimus, quid hodie Dominus relictis parentibus designauerit, diligenter intueendum est. Solent enim pii patres liberorum mores & ingenia in tenera ætate prudenter explorare: ut, dum messis adhuc in herba est, quæ sit futura fertilitatis spes intueri queant. Aetæ quippe illa, ætis & fingendi nescia, facile hominis ingenium & indolem præbet. Cum ergo hoc primum Domini Saluatoris opus sit, inspicimus diligenter quid hæc præludis maximè designant, quamque in doli sua speciem nobis præbuerit: idem enim iudicium, eademque sententia de nota eius vita ferenda erit.

Matth. 11 *Almilo.*
Adrie

Ait igitur Euangelista: Cum factus esset Iesus annorum duodecim, ascendens ibi parentibus eius Hierosolymam, secundum consuetudinem dies festi consummati: quæ diebus cum rediret, remansit puer Iesus in Hierusalem, & non cognouerunt parentes eius. Hæc primum Saluatoris oris totius futuræ vitæ absolutissimam imaginem nobis spectandam proponit. Remansit enim in Hierusalem, ut in templo sedes in medio doctorum, eos doceret, in strueret, illuminaret, ac scripturarum sanctarum mysteria panderet: ut hac cælesti doctrina & Patris sui gloriam illostraret, & errantes homines in viam salutis reduceret. Hæc enim is aperè patribus significauit cum ait: Quid est quod me querebatis? Nesciebatis quia in his, quæ Patri mei sunt, oportet me esse? Quid verò aliud in omni vitæ molimine est? quando sibi eni tantum, hominum cura neglecta, vacante? quando comedit buccellam suam solus? quando aut iter aliquod instituit, aut opus insignis edidit, aut laborè vllum subiit, quem non ad salutem hominum destinaret? Eius enim

illa verba sunt: Filius hominis non venit ministrari, sed ministrare, & dare animam suam in redemptionem pro multis. Et illa item: Descendi de caelo, non ut faciam voluntatem meam, sed eius qui misit me. Hoc enim vel maxime Christi sanctitas ab omnium aliorum sanctitate distat: quod illi quidem, cum pietatem colerent, sibi ipsis precipue laborabant, sibi meritorum opes congregabant, thesaurumque sibi indefectum in caelo comparabant. At Christus Dominus, qui gratiarum in aequorum omnium compos erat, mihi utique laborauit, mihi vigilauit, mihi vigilia & inedia confectus est, mihi vni denique iudauit, & aluit. Itaque cum in quouis pietatis opere duo sint, meritum virtutis, & labor operis: ea sunt benignissimi Saluatoris charitas, ut laborem quidem sibi assumeret (qui torcular calcauit solus) laboris vero fructum mihi pie conferret, ut eius ego meritis & gratia diues essem.

Remansit ergo puer Iesus in Hierusalem, & non cognouerunt parentes eius. Existimantes autem illum esse in conuiuiu, venerunt iter dies, & requirerant eum inter cognatos & notos. Et non inuenientes, regressi sunt in Hierusalem requirentes eum. In quo quidem labore tridui tempus exactum est. Hoc vero tempore quo cruciatus tenerriimum piissimae Virginis pectus sauciaturum fuerit, nulla vis orationis explicare queat. Quid autem hoc doloris iaculo percussa fecerit, non est difficile discernere. Quid enim aliud faceret, quam ad ora sibi & familiaria orationis perfugium, hoc est, ad communem afflictorum portum confugere? Ad hunc enim portum Sancti omnes, cum in huius visalo iurantur, fideret confugere soliti sunt. Sic David: Quare, inquit, tristis es anima mea, & quare conturbas me? Spera in Deo, quoniam adhuc, &c. Sic Ionas: Cum angustaretur, inquit, in me anima mea, Domini recordatus sum. Sic Hieremias: Non sis, inquit, tu mihi timidiui, spes mea tu in die afflictionis. Ad hoc ergo certissimum saloris humanae praesidium, confugiens sanctissima Virgo, sic cum illo egisse pie credenda est: Tu solus, clementissime Pater, solitudinem, merorem, & acerbissimum cordis mei cruciatum agnoscis: quoniam tu solus dilectionis meae magnitudinem, dilectique filij dignitatem perspectam habes. Vnum quidem bonum amisi, in quo omnes thesauri sapientiae tuae, omnia vitae praesidia, omnia spei solatia constituta erant. Si David Abialonis filij, quamuis sceleratissimi, morte vsque adeo percussus fuit; Iacob, tot filijs vallatus, vnus Iosephi (quem extinctum putabat) morte adeo acerbè tulit: quid faciet haec noui filij, hoc est, vniuenti filij tui noua mater, tanto viduata thesauro? Si quia ego in re diuinæ maiestatis tuae oculos laesi, si quid deliqui: en corpus hoc ad omnia iustitiae tuae tela excipienda paratū, modo

Match. 10
Ioan. 6.

Disimile

1772
1773
1774
1775
1776
1777
1778
1779
1780
1781
1782
1783
1784
1785
1786
1787
1788
1789
1790
1791
1792
1793
1794
1795
1796
1797
1798
1799
1800
1801
1802
1803
1804
1805
1806
1807
1808
1809
1810
1811
1812
1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

Isa. 53.

Isa. 53.

psal. 41.

Ionas 2.

Hier. 17.

2. Reg. 18.

Genes. 27

me à dilectissimo Filio tuo separari non sinas. Misisti olim, clementissimè Pater, splendidam stellam, quæ felices Magos ab extremis terræ finibus ad Filij tui cunabula perduceret: emitte nunc, quæso, lucem tuam, quæ me recto cursu ad eiusdem Filij complexum ducat: quæ mihi monstret ubi sit dilectus meus, ubi pascat, ubi cubet in meridie. Quis verò his lachrymis & querelis non flecteretur? quomodo viscera illa diuina tam pijs votis non responderent?

Cant. 1.

simile.

His igitur pijs lachrymis, his precibus promeruit, ut exacto triduo desideratum filium inueniret *sedet in medio doctorum: audientem illos, & interrogantem eos.* Ad quem mater: *Fili, quid fecisti nobis hîc? Ecce pater tuus & ego dolentes querebamus te.* Quibus ille, *Quid est (inquit) quod me querebatis? Nesciebatis quia in hîc que Patris mei sunt, oportet me esse?* Ad quid enim aliud in hûc mundum veni, cur carnè suscepti, cur humanam formâ indui, nisi ut Patris mei gloriam amplificare, & perditos homines ad pastorem & episcopum animarum suarum reducerem? Quamuis enim docendi munus Christus Dominus ad maturiorem ætatem distulisset (quo tempore doctrinæ suæ lucem mortalium oculis præferendam destinaret) quemadmodum tamè sol prius etiam quàm oriatur, seseque hominibus totum ostendat, tenebras paulatim discurre, & vicinæ lucis splendore mundum illuminare incipit: ita Sol iustitiæ Christus, qui trigésimo fere ætatis suæ anno mundum erat illuminaturus, duodecimo cœpit fulgore suo eius tenebras & caliginem dispellere.

Quid autem gaudij pia Virgo ceperit, cum filiû tanto questum dolore inuenit, nulla sanè dicendi vis poterit exprimere. Illius verò tam mortuorem, quàm gaudium Sanazarius Poëta eleganter explicat: cuius sua vissima carmina propter legèrium voluptatem hoc in loco attexere libuit. Is igitur Dauidem in limbo Patrum his verbis vaticinantem, & cum pia Virgine loquentem inducit:

*Perùm ubi hîc senas hiemes, hîc senasque natas
Solstitia, & tantos superaueris anxias casus,
Ingenteis imo duces de pectore questus,
Aureaque assiduâ pulsabis sidera votis:
Nam puerum quamvis per compita sæpe vocatum,
Sæpè expectatum consuevit ad gaudia mensa,
Perquires nequicquam amens: nec cara petentem
Oscula, nec sera redeuntem nocte videbis.
Tren illum totos marentis pectore Soles,
Et totidem trepidas somnis sine munere noctes,
Omnia lustrantes, questu omnia confundentes,
Flebit in indigno percussis corda dolore*

Tu quoque

Tuque senexque tuus, quarto sed Lucifer ortus
 Puroreos tremulo cum tollet ab aquore vultus,
 Inuentum dabit, & querentibus offeret ultro.
 O quas tunc lacrymas, o que tunc oscula, mater,
 Quos dabit amplexus, mixto inter gaudia fletu?
 Cum natum ante aras Patri & delubra sedentem,
 Mulcentemque senes dictu, animosque trahentem
 Adspicies gausa, ipso admirante senatu
 Primitias pueri ingentem, nec inane sagaci
 Pectoris indicium, nataque ad grandia mensis.

Hactenus de Evangelica lectione: nunc ea quæ proposui-
 mus verba excutere incipiamus.

Tractatio Thematicæ. I.

Sacra huius lectionis historia ex antiqua lege ortum habuit:
 quæ Israelitico populo præcipiebat, ut ter in anno omne mal-
 culinum appareret coram Domino: in eo videlicet loco, in quo
 nominis eius memoria celebraretur. Quia verò hac lege, pia
 quædam religionis actio imperabatur, pauca mihi hoc in loco
 de huius virtutis ratione & dignitate dicenda sunt. Est ergo re-
 ligio virtus, qua Deo, tamquam rerum omnium principio, col-
 tum quendam & honorem exhibemus. Omnis enim effectus
 naturæ instinctu cultum quendam & honorem exhibet suæ
 causæ. Sic enim filius patrem à quo genitus est, sic discipulus
 magistrum à quo eruditus est, sic civis Regem, servus domi-
 num à quo alitur & gubernatur, singulari quodam obsequio
 reueretur & colit. Cum igitur hæc ipsa, & multa præterea be-
 neficia conditori nostro debeamus, cumque ipse & principium
 sit à quo omnia, & finis ad quem omnia referuntur; perspicuum
 est, illi potissimum hunc cultum ac honorē summo iure deberi.
 Ad quos nos (ut diuus Thomas ait) non modò gratia, sed ipsius D. Tho.
 quoque naturæ vis & impulsus incitat. Eadem enim natura,
 quæ interno quodam motu ad parentum dilectionem filios
 excitat, ad Dei quoque summi parentis & conditoris nostri
 amorem & reuerentiam extimulat: cum ipsi quoque parentes
 nostri non à se, sed à Deo habeant quoddam parētes nostri fuerint.
 Ut enim D. Basilus ait, quid magis secundum naturam, quàm
 illos diligere, à quibus orti sumus, & quos in nos valde benefi-
 eos esse perspeximus? Ergo cum Deus sit generis humani pa-
 rens & conditor, cum illius munere & beneficio non modò
 conditi & conservati, verum etiam innumeris donis & mune-
 ribus ornati & instructi simus: quid magis est humanæ natu-
 ræ consentaneum, quàm ardenti studio & amore illum colere

Basilus.

& venerari? Vnde nulla hactenus natio tam effera & immanis in mundo exstitit, nec tam ab omni disciplina & cultu vitæ remota, quæ natura ipsa instigante non aliquem cultum huius tantæ molis gubernatori exhibendum censeret. Quid enim iustius, quid natura ipsa magis debitum, quam id desiderare quod in oratione Dominica nos quotidie Dominus voluit ab eo exigere, nempe: Fiat voluntas tua, sicut in celo, & in terra? Si enim mentes illæ beatæ ita voluntatem Domini sui exsequuntur, ut ex quo die conditæ sunt, numquam vel ad punctum temporis se à voluntatis eius imperio subduerint; quod se videant in beata illa cæli regione à Deo conditas vitam agere felicissimam; cum non minus idem Dominus terram condiderit, quàm cælum, hoc est, tam visibilia; quàm inuisibilia; cum nos quoque tot eius beneficiis terra manique potiamur: cur non illum simili modo veneremur? cur non voluntatem eius simili studio, atque beatæ illæ mentes, exsequamur? Si Manichæorum errore (quod Deus auertat) teneremur, qui terram hanc, ceteraque visibilia omnia ab ipso condita esse negant: in nimè mirum, si illum non coleremus, à quo nihil horum nos percipisse confiteremur. Sed cum hanc illorum amentiam & perfidiam detestemur, cum omnia hæc ab illo nostri gratia condita esse, indubitata fide credamus: consequens profectò est, ut quomodo illius voluntati Angeli obsequuntur in celo, quod in illorum habitaculum conditi sunt; ita nos idem faciamus in terra, quæ in vsus nostros ab illo facta est: & quomodo illum semper Angeli venerantur & laudant, & præsentem contemplantur; ita nos & veneremur & laudemus, & ante mentis oculos præsentem semper habeamus. Verè namque prius homines sui quàm conditoris obliuisci; imò (ut Gregorius Theologus ait) non toties respirare quàm Dei meminisse deberent.

Gregor.
Theolog.

ACT. 17

Lactant.

Videtis ergo, fratres, quo iure teneamur summum illum vitæ nostræ parentem & conditorem colere & venerari. Hoc autem præstare religionis est: quæ virtus est inter omnes morales præstantissima, Theologicisquæ dignitate proxima. Theologicarum enim virtutum materia, circa quæ versantur, Deus est: religionis verò, cultus & veneratio Dei. Quæ duo tenui admodum limite diiunguntur. Hanc autem religionis virtutem adeo humanæ naturæ propriam esse Lactantius Firmianus designat, ut ea potissimum hominem à cæteris animantibus differre statuat: quod videlicet solus homo Deum colere possit, quod nulli cæterorum animantium datum est. Et quidem Philosophi ratione nos à cæteris animantibus separant; Cicero verò & Quintilianus loquendi facultate. Hæc utcumque se habeant,

non

CONCIO PRIMA.

non disputo: illud certe constat, aliquam rationis imitationem in brutis deprehendi. Nam (vt idem Fabius ait) nidos struere, & mollire cubilia, & in alterū diem reponere (quod multa animalia faciunt) nonnullius fortasse, inquit, rationis est. Pſittacos autem & picas nostra verba conari quoridie videmus. At nullam prorsus religionis imitationem vel tenuem in brutis videre licet. Vnde liquet eam esse maximē hominis propriam, quando ea ita in solo homine reperitur, vt nulli animalium vel eius vmbra imitari liceat. Ex quo facile colligitur, eos homines qui in perpetua Dei obliuione vitam degunt, qui nunquam oculos in cælum tollunt, qui nullo futuri iudicii metu tanguntur, qui diuinorum beneficiorum immemores sunt, qui nullo denique aut orationis, aut pietatis cultu Deū venerantur (quorum inter Christianos, quod sine dolore proferre non possum, non modica turba est) hos, inquam, omnes adē à virtute & officio defecisse, vt vix perfectam integram quē hominis naturam retineant, quā homines ad diuini nominis venerationem occulto quodam instinctu & appulsu instigat; & ipsis etiam barbari hominibus stupidiore sint.

I.

Cum verò Mosaica lex multis ac maximis religionis officiis abundaret, nescio an vllum præstantius esset eo quod filij Israël, longissimis etiam locorum intervallis ab Hierusalem distantes, quotannis ciuitatem sanctam adire iubebantur: vt in sacra illa æde, ante Dei conspectum positi, sempiternum eius numen adorarent, sacrificia immolarent, nuncupata vota persoluerent, ac debitas pro acceptis beneficiis gratias agerent.

Sed quæretis forsitan, quid necesse erat certum ad hoc locum tam longo præsertim itineris labore quarendum designare, cum vbique locorum Deus coli & adorari præstet? An non Spiritus est Deus, & tales quærit qui cum adorent in spiritu 102. scilicet & veritate? An non extra locum hunc orabat, & reuerēbatur Deum Regius Propheta, cum diceret: Ad meipsum psal. 41. anima mea turbata est: propterea memor ero tui de terra Iordanis & Hermonij à monte modico: siue, vt alij vident, à monte Mizar? Hoc est (vt interpres quidam hoc in loco ait) Cum me vis doloris anxij premit, ad te vnum confugio, vnica spes & salus mea. Quamquam enim paterna sum fugatus à domo, vastasque solitudines Iordanis, auisusque saltus Hermonij, & inhospitalem Mizarū exsul peragro, rerum egenus omnium: te tamen, Pater, intueor, te in animo meo præsentem habeo, te in hoc squalenti eremo perinde ac in templo tuo veneror & adoro. Quid verò diuus Hieronymus? Is enim de se, Hier. ad cum in vasta atque horrenda eremi solitudine ageret, ita dicit: Euloch.

qui obliuio
sunt Deum.

Sicubi aspera montium, concaua vallium, rupiū prærupta cer-
nebam, ibi meę orationis locus. Et, vt mihi testis est Dominus,
post multas lachrymas, post cælo inhærentes oculos, sæpè mihi
videbar agminibus interesse Angelorum. Si ergo vbique loco-
rum potest pius homo Deum adorare & laudare: quid necesse
fuit tam longi itineris laborem iniungere? Quid quòd in ven-
tre ceteri locum inuenit orandi fugitiuus & naufragus Prophe-
ta? Sic enim legimus: Et orauit Ionas ad Dominum de utero
piscis & dixit: Clamaui de tribulatione mea ad Dominum, &
exaudiuit me. Si ergo hęc & orare licuit, & exorare: quid ne-
cesse erat locum amplissimum & splendidissimū ad orationem
decerni? Fateor nullum esse locum qui non sit ad orandum
idoneus, cum ad hoc nihil magis egeat homo, quàm se ipso, &
clauso cordis sui cubiculo. Sed sunt tamen in Ecclesia infirmi
& imperfecti multi, quorum tenera & imbecilla deuotio his
externarum rerum adminiculis iuuanda fuit. Hoc enim inter
perfectos & imperfectos fideles discrimen est: quòd illi tam-
quam spirituales intellectu magis, quàm sensu; isti verò tam-
quam adhuc carnales sensu magis, quàm intellectu, ducuntur.
Quo fit, vt qui imperfectiores sunt, sacrarum rerū dignitatem,
non tam pro ipsarum natura, quàm pro externa specie, quæ
sensibus percipitur, diiudicent. Quare ad horum animos per-
mouendos, omnis rerum diuinarum apparatus & splendor ma-
ximè necessarius est; vt magnificè illis sentiant, easque pro
dignitate venerentur. Hos igitur conuenit sacra loca frequen-
tare, diuinisquæ officiis interesse; nam & ipse locus sacer, & sa-
cræ ceremoniæ, Ecclesiæ suauè resonantis voces, & altariū splen-
dor, & ceremoniæ sacerdotum, & sacrarum vestium ornatu, &
eorum etiam exempla qui ad Ecclesiam adoraturi Dominum
confluunt, exæraquæ id genus, & imperfectorum quidem velut
emortuam deuotionem excitant, & perfectorum etiam aug-
ment. Si enim apparatus splendorque Regis Salomonis, vestes-
que, & ordines seruorum, & sacrificia quæ quotidie offerebat
in templo, aded sapientissimam illam Sabeorum Reginam in
admirationem impulerunt: quid mirum si Ecclesiarum Chris-
ti ornatu & splendor, ordinisque & officia ministrorum, men-
tem nostram ad cultum & venerationem diuini numinis po-
tenter acuant? Vnde cum Ariani in vrbe Constantinopolitana
hymnos peruersi dogmaris sui sabbatho & die Dominica no-
ctu per urbem incedentes decantaret: Ioannes Chrysostomus,
metuens ne simplices huiusmodi cantibus traheretur, instituit
suum populum, vt & ipsi nocturnis occuparentur hymnis, vt
& illorum obscuraretur opus, & fidelium professio firmaretur.
Fecit etiam cruces argenteas, quæ cum argenteis cereis por-
tabantur,

yona 1.

p. Reg, 10.

tabantur,

tabantur, expensas ad hæc Eudoxia Augusta præbente. Hæc Socrates in Ecclesiastica historia: quæ communem Ecclesiæ Catholicæ consuetudinem probant atque commendant.

Verum ad legem Domini redeuntes, si is eo tempore tantum laboris suscipi ter in anno præcipiebat, ut templum illud homines adirent, in quo arca testamenti, & legis tabulæ, ceteraque quæ Apostolus commemorat, adseruabantur: quo nunc studio ad sacra loca properare debemus, in quibus, inestimabili redemptoris nostri beneficio, sacrum ipsius corpus, imò & idem ipse totus verè adseruatur? O mira Dei nostri charitas, mira bonitas & prouidentia, quæ in hoc venerabili Sacramento apud nos esse, & nobiscum in hoc exilio commorari voluit: ut hoc symbolo admoneremur, in medio quoque nostri præsentem esse, nobiscum agere, & in medio candelabrorum aureorum, hoc Apoc. 1. est, in medio Ecclesiarum suarum ambulare, ut nos dirigat, ut erudiat, ut protegat, ut tueatur, ut paternam salutis nostræ curam & prouidentiam gerat. Quid enim attinebat in summo illo Sacramento apud nos manere, nisi hoc etiam modo manere vellet? Quo ergo studio locum hunc adire debemus, ut præsentem Dominum conueniamus, illumque votis precibusque nostris & præsentem & attentum esse vera & inconuulsa fide credamus? Pergunt pii homines Hierosolymam, sacrum illum tumulum adoraturi, qui triduo Dominicum corpus retinuit (quod quidem sanctissime & religiosissime faciunt) sed utrum, quæso, maius est, Domini sepulchrum, an ipsum corpus quod sacuit in sepulchro? Similem enim Phariseis Saluator questionem proposuit: utrum videlicet maius esset, donum quod ponebatur in altari, an altare quod sanctificabat donum? Si ergo maius atque diuinius est altare quod sanctificat donum: ergo maius atque sublimius corpus Domini est, quo nobilitatur eius sepulchrum. Quod si dignissimum est, ut tam longo itinere atque labore sacrum Domini tumulum pii homines inuisant: cur tam diu multi à sacrorum locorum ingressu abstinent, in quibus non sepulchrum Domini, sed ipsum Dominum adorare & orare possint, & ab eo salutis suæ præsidia impetrare?

Si beati illi Magi ab extremis mundi finibus iter arripuerunt, ut præsentem Dominum adorarent, quem in spiritu adorare in patria sua potuerunt: cur nos, eorum exemplo prouocati, vicinum domibus nostris non querimus, ut adoremus?

Quid verò de illis referam, qui ne statuti quidem ab Ecclesia diebus templa adeunt, ut Missam audiant, quam Ecclesiastici præcepti vinculo adstricti, audire tenentur? Quid autem hoc in loco de seruis emptitiis referam, quos nec doctrina Christianæ fidei imbuitis, nec statis diebus ad sacra loca ire cõpel-

huius? Quid autem ex hac incuria consequi necesse est, nisi ut
hij non minus vitiorum omnium quam dominorum suorum sint
manicipia? Quid enim aliud esse possunt, quos nullus religionis
cultus, nullus Dei timor, nulla rerum diuinarum institutio à
tenebris & rudi seruitute, ad filiorum Dei dignitatem vindica-
uit? Quid verò hic quasdam infelices viduas commemorat?
quarum ubi viros amiserunt, aduersus Deum & sacra loca coniu-
rasse videntur: cum tamen vnicum miserandi illius status leua-
metum & praesidium in oratione positum esse Paulus asse-
ret, cum ait: Vidua quae verè vidua est, & desolata, speret in Do-
mino, & instet orationibus & obsecrationibus die ac nocte.

a. Tim. 5.

Itaque Apostolus viduam pro viro Christum exhibet, & pro huma-
na fiducia caeleste operum assiduis precibus quaerendam monet:
quae tamen, quo tempore hoc caelesti praesidio non agis indiget, co-
magis orationis locum, ubi illud erat perendum, refugit. Quanto
aliter Anna illa vidua in Evangelio, quae non dicebat de
templo, ieiuniis & obsecrationibus serpiens die ac nocte? Nec
ego tamen nimiam sacrorum locorum frequentationem à se mi-
seri requiro, sed perpetuum tamen abcessum vehementer
improbo. Iam verò ut à viduis ad virgines veniam, quid facit
tenera puella sola domi, semotis omnibus arbitris, relicta: cum
pariter matremque Dominicis diebus sacris mysteriis interfuit?

1. Cor. 14.

Luc. 2.

Quam de Deo rebusque diuinis opinionem tenera illa atas
imbibere poterit, quae viginti fere annis nec verbum Dei au-
diuit, nec sacra altaria vidit, nec diuini sacrificii interfuit, nec
ulla vnumquam salutarum doctrinam imbuta fuit? Quales verò illa
senectus erit, cuius talis fuit adflectentia, cui scriptum sit:
Adolescens iuxta viam suam, etiam cum senuerit, non recedet
ab ea? Constat enim de consuetudine ac obliuione rerum diuina-
rum homines quodammodo siluescere, & in paganismum
quendam paulatim degenerare. Nam sicut pomaria & vi-
neta quae diu incolta iacuerunt, in dumeta & silvas euadere
solent: ita mens quae religionis studio non excolitur, vitam
& mores Ethnicorum propter rerum diuinarum ignorantiam
induere solet. Hoc enim illa Prophetae verba designant: Num-
quid cognoscantur in tenebris mirabilia tua, & iustitia tua in
terra obliuionis? Qui sunt autem qui in hac miseranda terra
degunt, nisi qui ab omni sacrorum locorum, rerumque diuina-
rum communione alieni sunt? In his namque intellectus acies
velut in nubigine quadam tegitur & obscuratur: quo fit, ut cum
mirabilium operum Domini cognitione careant, qua cupidi-
tates suas frenare debuerant, in omnia scelera praecipiti furore
& amentia rapiantur. Amisso enim diuinæ cognitionis & re-
ligionis clauo (quo inter vitæ huius turbines ac procellas vita

Procl. 32.

simile.

Psal. 37.

nostra dirigitur) quid superest, nisi ut ad cecos vitiorum scopulos innocentiae navis allidatur, ac salutis tandem & aeternae vitae naufragium faciat?

Ut ergo ad id, vnde digressi sumus, redeamus: hac de causa Dominus ter solum in anno omne masculinum coram se apparere in Lege olim praecipiebat. Sed quaretis forsitan, cur tantum viri, non etiam feminae ad hoc iter adigebantur; cum idem sit utrobique religionis debitum, eademque frequentandi sacra loca necessitas? Sed animaduertit Legislatoris prudentiam. In homine multae quidem praeclarae artes & officia sunt, quorum causa in pretio haberi possit: mulier verò, his artibus destituta, vix quicquam praestantius habet, quam honestatem, & honestatis individuum comitem castitatem: qua amissa, nemo eam vlla reuerentia dignam existimabit. Hinc illud Ecclesiastici: Omnis mulier fornicaria quasi iter-
 Eccl. 9.
 cus in via ab omnibus praetereuntibus conculcatur. Vnde non immerito illa Lucretiae vox a scriptoribus commendatur. Cum enim Tarquinius illi per vim stuprum intulisset, & Collatinus vir ejus è foro rediens eam pro more salutasset, dixissetque: Satis salva? illa contrà: Quid (inquit) salui esse mulieri amissa pudicitia potest? Vestigia atheni viri, Collatine, in lectulo tuo sunt; corpus tantum viratum est, animus integer manet; mors testis erit: & muerone pectori adacto, ipsa sibi mortem viro praesente cohaesit. Quocirca quamvis omnes bonum nomen, quod pretiosis vnguentis Salomon praetulit, vigilantia cura & studio tueri debeant: à feminis tamen hoc in primis curandum est, quodrum tota laus, immo & dos ipsa & patrimonium pudicitiae integritas & fama est. Quae tamen fama, dictu mirum est, quam exigua nubecula, hoc est, quam facili rumore obscurari soleat. Praeclarae enim aevi Hieronymus: Tenera, inquit, res in feminis pudicitia est, quae quasi flos pulcherrimus cito ad leuam marcescit auram, leuique flatu corrumpitur, maxime cum aetas consentit ad virum, & maritalis deest auctoritas, cuius umbra tutamen vxoris est. Cum ergo prudentissimus Legislator hac ipsa penitus cognita & explorata haberet: instar sapientissimi medici, ita laboranti alicui membro consulere voluit, ne alteri noceret: ideoque
 Simile
 prudentissime cauit ne pudicitiae noceret, quod erat religioni profuturum; quandoquidem cum virtutis huius detrimento nulla potest ei placere religio. Merito ergo ab huius legis vinculo mulieres eximuntur; ne videlicet tam longi itineris occasione tenera earum pudicitia, teneriorque fama, hominum conspectu atque congressu periclitaretur. Hae autem sanctissimi Legislatoris cautio feminas admonet, ut
 publicam

publicum fugiant, ut secretum diligant, ut quietis sint patientes, ut venenatos hominum oculos (qui ipsis etiam reguli oculis nocentiores sunt) vitare studeant, si irreuerabilem amissi semel pudoris thesaurum saluum & integrum retinere velint. Exemplum sibi Dinæ ante oculos ponant; quæ videndi curiositate illecta, in publicum prodians, pudori suo, atque infelici Sichimorum vrbi perniciem attulit. Qua de re sic diuus Bernardus ait: Dina dum ad pascendos hædos egreditur, ipsa patri, & sua sub virginitas rapitur. O Dina, quid necesse est ut videas mulieres alienigenas? Qua necessitate? qua vilitate? An sola curiositate? Et si tu otiosè vides, sed noli otiosè videris. Tu curiosè spectas, sed curiosius spectaris. Quis crederet tunc illam tuam curiosam otiositatem, vel otiosam curiositatem, fore post se non otiosam, sed tibi, tuis, hostibusque tam perniciosam? Hæc ille.

I I I.

Est & aliud quod in hac ipsa lege perquirendum est. Si enim viri omnes, relictis sine milite vrbibus, Hierosolymā peterent; quis à finitimis hostibus desertas defensore ciuitates tueri posset? Adiacent enim finitimæ regiones Moabitarum, Ammonitarum, Idumæorum, Philistinorum, Iebusæorum, & Madianitarum, qui omnes Israëlitis capitales & iurari hostes erant: qui hanc vel expugnandi, vel populandi Iudaici populi occasionem nullo modo præmittendam putabunt. Sed mira tamen Legislator providentia huic incommodo tali promissione consuluit: Cum dilatauerit, inquit, Dominus terminos tuos, nullus insidiabitur terræ tuæ, adscendente te ter in anno corā me. Itaque Deus ipse, qui legem tulit, in suam fidem ac tutelam regnum eo tempore recepit, quo lex adimplenda erat. Quo quidè præsidio nullum firmitus excogitari poterat. Quod quidem ipse appositisissima similitudine per Isaiam exponit his verbis: Quomodo si rugiat leo, & catulus leonis super prædam suam, cum occurrerit ei multitudo pastorum, à voce eorum non formidabit, & à multitudine eorum non pauebit: sic descendet Dominus exercituum, ut prælietur super montem Sion, & super collem eius. Hic enim summi Imperatoris & Legislatoris nostri mos est, ut eum aliquid præceperit, ex quo humano iudicio incommoda aliqua sequi videantur, hanc ipse curam suscipiat, ut ea omnia de medio tollat, & virtute sua propulset: quo ab omni metu liberi, præceptis eius parere valeamus. Sic enim alias eidem populo præcepit, ut septimo quoque anno terra sabbatum ageret: quo videlicet omnia, quæ per id temporis terra germinaret, pauperum inopiæ deseruirent: quibus diuina pietas & providentia hac ratione consultum volebat; cum nihil negligas

negligat eorum quæ fecit. Quod si quis aduersus hanc cessationem obiiceret: Quid igitur hoc tempore comedimus? quid bibemus? si non seuerimus, aut collegerimus fruges nostras? Ad hoc ipse Dominus, qui legem tulit, continuo responderet: Dabo, inquit, benedictionem meam vobis anno sexto, & faciet fructus trium annorum, seretisque anno octauo, & comedetis veteres fruges vsque ad nonum annum: donec noua nascentur, edetis vetera.

Leuit. 26.

His autem duabus legibus duo potissimum insinuare nobis Dominus voluit: Alterum, vt, cum ex obedientia mandatorum eius incommoda aliqua sequuntur, non ideo ab ea deterreamur: sed certissimè cælestem opem affuturam credamus, quæ fideles seruos vel ab omnibus incommodis liberet, vel ea certè presentibus & futuris bonis cumularissimè penset. Hoc enim pollicentur illa Prophetæ verba: Reuela Domino viam tuam, & spera in eo, & ipse faciet. Et educet quasi lumè iustitiam tuam, & iudicium tuum tamquam meridiem. hoc est, splendore numinis sui opera tua illustrabit, & felicem tandem illis exitum largietur. Itaque si iudex, si testis, si aduocatus, dum officio suo rectè fungitur, graues sibi multorum inimicitias intelligit subeundas, & domestica damna sequuturas oculos per fidem in cælum tollat, speretque fidissimum illum parentem (cuius mādatis obtemperare studet, cuius causam agit, cuius numen & maiestatem veretur) numquam illi in hac rerum angustia defuturum. Quin & concionator si intelligat multos molestè laturos, quod publica hominum vitia palam traducat & arguat; nihilominus tamen constanter & fideliter munus suum obeat, similiq; diuini numinis fiducia pectus suum roboret atque confirmet. Quod si quid forsitan aliquando propter iustitiam patiat ur, sciat se hoc nomine inter Prophetas & Apostolos numerandum: quos similia passos Dominus in Evangelio testatur, cum ait: Sic enim persecuti sunt Prophetas qui fuerunt ante vos.

Matth. 5.

Alterum verò quod ex harum legum præscriptione colligimus, est; vt intelligamus voluisse Dominum his legibus homines ad fidei disciplinam assuefacere, vt hinc discerent non tam humana ratione, quam fidei lumine atque doctrina virā suam moderari. Tria enim sunt in mundo hominum genera. Primum, eorum qui more pecudum sensu magis & affectibus, quam ratione ducuntur: quique omnia, quæ moluntur atque designant, utilitate & voluptate corporis metiuntur. Secundum, eorum qui humana ratione, sed ea tamen obscurata, magis quam sensu vitam moderantur: qui ferè humanam laudem & nominis claritatem sibi modis omnibus sequendam statuunt; cui omnem utilitatis & voluptatis rationem cedere volunt.

Tertium

Tertium est eorum, qui fidei lumine atque doctrina quaecumque agere cupiunt moderantur, nec ab eius præscriptione vel larum vnguem discedere volunt, prophetica illam vocem *Psal. 119.* v'serpantes: Nam & testimonia tua meditatio mea est, & consilium meum iustificationes tue. Primum ergo illud genus est pecudum, secundum hominum, tertium Christianorum. Maxime enim proprium huius professionis est, fidei viam dirigere, & ea rationem à fide nonnumquam deviantem corrigere. *Simile.* Sicut enim ratio corrigit sensum, dū solem vnius palmi mensuram continere iudicat, cū is magnitudine sua terræ marisque globum longè superet: ita fides, quæ cælesti lumen est, rationis humanæ lumen, quod in multis deficit, dirigit & emendat.

His ergo legibus, quas humana quidem ratio non adeo præbaret, voluit olim Dominus fideles in hoc assuefacere, ut non sola ratione, sed fide vitam suam instituere: quod hoc videlicet fidelis hominis proprium sit, si professionis suæ numeros implere velit. Est enim viva fides in Dei leges semper inuenta, has intuetur, has vitæ regulam habet, has singulari studio & mira animi contentione & alacritate persequitur. Quicumque igitur Christianæ philosophiæ se totos plenissime dederunt, sic vitam suam fide moderantur, ut nihil audeant solo rationis iudicio, nisi fidei simul lumine coaspirante, moliri. Itaque semper se ipsos excitant ad diuina eloquia mente concipiendæ, nec aliud in vita meditantur, quàm ut ductam & imperium summi illius ducis & moderatoris alacres & expediti sequantur: usque adeo ut ne licita quidem & communi more ac lege concessa aggredi velint, nisi prius in Dei numen inspiciant, ipsi sumque auctorem & moderatorem habeant: abique ductum enim illius vix se loco mouere tutum arbitrantur. Ut igitur ad hunc modum homines ex Deo pendere, illique se totos credere discerent, non huiusmodi legibus solum, sed variis olim eos premebat angustiis: quibus tamen in summa rerum omnium desperatione mirabili providentia consulebat: ut his exemplis atque experimentis eruditi, fide semper & spe in Deum contententur, quoties in similes casus incidissent. Huc spectat illa *Deut. 4.* Moïsi verba: Afflixit te penuria, & dedit tibi cibum manna, quod ignorauerunt Patres tui: ut ostenderet tibi quod non in solo pane vivit homo, sed in omni verbo quod egreditur de ore Domini. Hoc est, hac mirabili cura & providentia, qua tibi in summa rerum penuria constituto consuluit, erudire voluit: ut, quotiescūque quavis alia siue egestate siue calamitate premereris, ad illius opem certa fiducia confugeres, quæ, in simili angustia constitutus, propitium atque benignum expertus es.

Hæc.

Hec autem disciplina multis modis confirmanda fuit: quandoquidem nihil est rationali creaturæ difficilius, quam, seposito rationis iudicio, fide, quæ supra omnem rationem est, vitam moderari. Cuius enim ratio immutabilitate ex obedientia diuinæ legis pericula homini proponat (quæ vix humano consilio vitari possint) fides verò contrā, Dei præsidio nixa, nihil in eo uenturū verendum esse decernat: in hac tantā fidei & rationis contentione spreto rationis & sensuum iudicio fidem sequi, ac non supra omnem naturæ facultatem positum est? Et quidem ceteræ virtutes, quæ veræ & Christianæ virtutes sunt, quamuis à supernaturali gratia proficiantur, aliquod tamen habent cum natura bene instituta commercium: fides tamen hæc, tota celestis & supernaturalis, supra omnem naturæ conditionem posita est. Ceteræ item virtutes omnes circa ardua & difficilia opera versantur: nulla tamen huiusmodi fide (quæ inter ipsa pericula Deo si lenis tuta est) difficilior: non castitas, non obedientia, non patientia, non humilitas, non ieiunia, non affectuum cohibitio. Has enim virtutes Philosophi, quamuis non omnino perfectæ, ratione duce consequuti sunt: hæc autem vigam atque inflammaram fidem, præsentium incommodorum contempricem, & inuisibilem spectatricem, quam pauci inter ipsos etiam fideles habeant, aperit Saluator docuit, cum ait: Filius hominis veniens, putas ne inueniet fidem in terra? Quid quod etiam magnus ille Dei amicus Moses ad aquas contradictionis nonnihil in huiusmodi fide vacillauit, propter quod ab ingressu promissæ terræ prohibitus à Domino fuit? Quamobrem orandus à nobis assidue ipse fidei nostræ auctor est, ut hoc nobis clarissimum fidei donum adaugeat: quo per fidem modo dignè Deo ambulantes, & ipsius præscriptis vitam nostram fideliter dirigentes, omniaque peruersa mundi iudicia excessu & erecto animo contemnentes; ad illam tandem infinitæ pulchritudinis speciem reuelata facie contemplandam, ipso donante, peruenire mereamur, qui est benedictus in secula seculorum.

LUCÆ 17.

DEUT. 1.

A M E N.

IN

IN EADEM DOMINICA INFRA
OCTAVAM EPIPHANIE, CONCIO SE-
cunda: in qua lectio Evangelica explanatur.

THEMA. Ecce pater tuus & ego dolentes querebamus te.
Lucæ 2.



Cum multa sint, & quidam maximè, inter summum
illum conditorem, & res ab eo conditas discrimi-
na, fratres charissimi: illud vnum inter cetera præ-
cipuum esse dicitur, quod solus ille immutabilis,
& in omni æternitate constantissimus est; cetera
verò omnia, siue supera siue infera, variis mutationibus obno-
xia sunt: ea tamen lege, vt, quo Deo sunt propiora, minùs sint
mutabilia; quo verò longius ab eo distant, eo pluribus muta-
tionum generibus subiciantur. Hoc primum in orbibus celo-
rum animaduertere licet, qui omnes præter communem quo-
tidianæ circumuolutionis motum, propriis quisque motibus
in obliquam cæli partem feruntur: quorum qui propiores no-
bis sunt, breuiori temporis spatio circumuoluuntur; quemad-
modum orbis lunæ, qui vno mense absoluit cursum suum: su-
periores verò quò magis à nobis distant, longiori spatio confi-
ciunt orbem suum: adeò vt stelliferum cælum quod his omnibus
supereminet, ac Deo propius est, ita tarditate moueatur, vt tri-
ginta & octo annorum millibus (si Mathematicis fides adhi-
benda est) cursum conficiat: quod est penè immobile esse. Su-
premus verò Omnium orbis, quem Empyreum appellamus, &
Dei sedem Isaïas vocat, vt sessori suo propinquissimus, ita im-
mobilitatis eius particeps est: qui quamuis immobilis sit, mu-
tatur tamen aliquando fuit, quando à non esse, prodiit in esse.
Omnia igitur quæ extra Deum sunt, quamlibet sublimia &
perfecta sint, mutationis tamen legibus obnoxia sunt. At infe-
riora hæc, quæ longissimè ab illa excelsa & immutabili Dei sede
distant, maximis & continuis motibus agitantur. Quia enim
omnia à cælesti virtute pendent, sicut cælum perenni motu
circumagitur, nec eandem faciem, eundemque siderum adspe-
ctum terris ostendit: ita omnia volubilitate sua versat & voluit.
Hinc tam variæ temporum rerumque omnium qualitates &
affectiones, quas enumerare longum ac penè infinitum esset.

Iam verò homo ipse, bone Deus, quam multis mutationi-
bus & corporis & animæ obiectus est! Non enim temerè san-
ctus Iob, multis eius miseriis enumeratis, hanc postremo ad-
didit:

didit: nunquam illum in eodem statu permanere. Quid hęc ætatum mutationes referat? in quibus vsque adeo ipse a se homo dissidet, vt quę modò certa corporis specie atque vultu cernas, si post quindectm illum annos obuium habeas, vix eundem esse cognoscas. Quid varios eius morbos, sanitates, affectiones, fortunas, spes, metus, lætities, mœrores, curas, ceterasque eius mutationes commemorem? Semper enim tristia lætis vbique ita miscetur, vt extrema gaudij luctus occupet; & vnius laboris atque mœoris exitus, alterius sæpe initium sit.

Quæ cum ita sint, quantū illi, quæso, insaniūt, qui in rebus adeo fluxis & instabilibus spem, amorē, felicitatem, voluptatē, & omnia denique vitæ præsidia ponunt: quæ decurrentibus aquis magis fluida, fluctibus & mari magis infida, ventis omnibus & arborum foliis instabiliora sunt? Quanto verò his de-
mentiores, qui propter res adeo futiles & inanes, æterna & incommutabilia bona, quæ pijs hominibus diuina largitas pollicita est, contemnunt? Quid enim amentes isti sperare certò possunt, nisi vt cum illis pereant, in quibus felicitatem suam posuerunt, illorumque ruina opprimantur?

Sed quorsum, inquires, hoc tam longè repetitum exordium?

Nimirum vt intelligat, fratres, ne ipsum quidem supremum celū, in quo Dei Filius habitauit (pectus dico beatissimę Virginis) harum mutationum expers omnino fuisse. Vidistis hactenus in superioribus festis, quibus gaudiis caeleste hoc atque diuinū pectus fuerit exhilaratum. Quale enim illud gaudium fuit, cum Virgo Dei Verbum, Angelò nunciante, cōcepit, cum cognatā Elizabeth visitauit, cum clausi in vtero infantis exultationem intellexit, cum Dei Filiū sine vllò aut doloris sensu, aut pudoris detrimento peperit, cum Angelos canentes audiuit, cum pastores adorantes, & Magos munera offerentes vidit? Hactenus quidem, o beata Virgo, omnia tibi læta & secunda cesserūt: iam tempus est, vt huius vitæ, in qua degis, mutationes atq; vicissitudines experire. Hęc enim vita, non tam vitā quā exiliū, quā mare procellosum & infidū, quā nō lachrymarum, ærumnarum, & miseriarū vallis est: in qua nulla diuturna serenitas, nulla cōstantia est: in qua eandem celi faciem diu videre non licet: in qua tot turbines ac procellæ, tot insperati casus mihiros mortales exagitant: in qua a mane vsque ad vesperam tempora cōmutantur: in qua nunquam eodē cursu respondent vltima primis: in qua denique ipse mundi huius conditor & moderator visitat hominē diluculo, & subito probrat illum. Post hæc igitur prima nascentis Christi gaudia, quadragesimo deinceps a natiuitate eius die, Simeon futuram illius passionem, & gladium matris viscera penetraturum, vari-

cinatur.

Matt. 2.
Ibidem.

cinatur. Herodes natum puerum quatit ut interimat, in finem
tamque propter illum puerorum stragem edit. Virgo cum filio
in Aegyptum intempesta nocte fugam arripit: septem anno-
rum exilium inter idolorum cultores patitur, qui castissimum
eius pectus nefanda idolorum superstitione, execrandique
operibus, incredibili dolore cruciabant. Septennio verò in eo
exilio consumpto, Iudæam repetens, Archelaum paternæ im-
pietatis heredem metuens, Iudæa relicta, in Galileam secedit,
ac tandem hodierna die amisso dilectissimo filio, ut um dierum
acerbissimum cordis martyrium sustinet: quod quidem ea quæ
initio proposuimus verba testantur: Ecce pater tuus & ego do-
lentes querebamus te.

I.

Huius autem spiritualis martyrii occasionem sanctus Evan-
gelista in præsentī lectione exponit his verbis: Cum factus esset
Iesus annorum duodecim, ascendentibus parentibus eius Hierosolymam,
secundum consuetudinem diei festi, consummatique diebus cum rediret,
remanfit puer Iesus in Hierusalem, & non cognouerunt parentes eius.
Existimantes autem illum esse in comitatu, venerunt iter dies, & requi-
rebant eum inter cognatos & notos: & non inuenientes, regressi sunt in
Hierusalem, requirentes eum. Nihil autem mirum, Christum Do-

Gen. 12.

minum inter cognatos inuentum minimè fuisse, cum apud il-
los interdum etiam amittatur. Hinc Abraham, ut Deum inveni-
ret, dictum est: Egredere de terra tua, & de cognatione tua, &
de domo patris tui, & c. Ad sponsam quoque Regis æterni di-
citur: Audi filia, & vide, & inclina aurem tuam, & obliuiscere
populum tuum, & c. Parentes etiam & cognati carnis id præci-
puè amant, quod ad eos pertinet, quod è visceribus eorum de-
libatur est, nempe carnem ipsam. Hanc enim & nutrire, & to-
nere, & moderari etiam cum iniuria spiritus educare student:
quod cum faciunt, hostem acerrimum aduersus spiritum ar-
mant. Scriptum est enim: Qui delicatè à pueritia nutrit seruum
suum, postea sentiet eum còtumacem. Quamobrem nihil mi-
rum si toties huiusmodi cognatorum affectus fugere admonet
mur, ut omittam interim cutas, solitudines, variaque negotia,
quibus nos ipsa carnis & sanguinis còmunio implicare solet.

Psal. 44.

Prou. 26.

Còmunis quippe amor còmunia quoque omnia sine bona, siue
mala, siue secunda, siue aduersa facit. Nemo autem, ut Aposto-
lus ait, militans Deo, implicat se negotiis secularibus: ut ei pla-
ceat, cui se probauit. Hinc Saluator in Euangelio adulescenti
(quem ad se vocabat) dicenti se patris paternæ senectutis ac se-
pulturæ curâ agere velle, ait: Desine mortuos sepelire mortuos
suos. Sicquè illi à parentum còplexu auocans, ad regnû Dei euan-
gelizandû destinauit. Quare nihil mirû si inter cognatos & no-

1 Tim. 2.

Mat. 8.

tos Christus minimè inueniatur, quos ipse toties fugere suadet.

Redeunt igitur parentes Hierosolymam, omniaq. ciuitatis loca diligentissimè lustrant, & signis, quibus puer agnosceretur, prolatis, illum studiosissimè requirunt. In quo quidem studio tridui spatium insumptum est. Quo autem doloris iaculo tenerimum Virginis pectus hoc triduo sauciatum fuerit, quæ uis orationis exprimere queat? Quod si quæras, cur Christus Dominus matrem dilectissimam tam acerbo dolore cruciari passus sit, quæ nec pro sceleribus, quæ nõ admiserat, expiandis, quicquam pati merebatur: nec ad illam mûdi redemptio pertinebat, cum Christus Dominus peccatorum omnium torcular solus esset calcaturus? Ad hoc respondemus, partim quidem ad maius sanctissimæ Virginis meritum, partim verò ad afflictionum omnium solatium, hoc Deo ita disponente cõgisse. Sicut enim Christus Dominus laboribus suis suorum labores lenit & consolatur: ita laborum atque dolorum innocentissime matris exemplo, piorum omnium dolores lenare uoluit. Hoc enim vel præcipuè pios interdum homines torquere solet, quod calamitatum suarum argumento colligunt se à Deo derelictos, fortunæq. temeritati & ludibrio permisos, vire ab eius gratia & amicitia alienos. Si enim certò sibi persuaderent, ea mala, quæ patiuntur, non à Deo irato; sed propitio & beneuolo immitteri: non alio sanè vultu atq. animo hæc incommoda, quam ægrotantes salutaria medicorum pharmaca, quamuis amara, exciperent. At quo firmiori argumento Dominus hunc ab animis eorum errorem euellere poterat, quam tot angustis atque mortuoribus, quibus innocentissimam matrem, partim in infantia, partim in virili ætate, partim in acerbissima morte sua cruciari passus est? Itaque ad quadragesimum vsque post natiuitatis eius diem, purum atque sincerum gaudium cœpit: ab hoc autem die, quo ex Simeonis vaticinio futura Christi certamina & agones intellexit, nunquam adeò purum & solidum gaudium cœpit, quod non huius vaticinij recordatione, doloris amaritudine adspargeretur.

Cur autè Dominus variis calamitatibus homines exagitari permittat, ratio in promptu est: quod videlicet nõ raro ad diuinam opè implorandam his malis agitati excitentur. Hæc enim de causa Dominum Propheta orabat: Imple facies eorû ignominia, & quærent nomen tuû Domine. Calamitates enim dormientes excitant, torpentes existimulant, iacentes erigunt, insipientiam comprimunt, mortalitatisque nostræ nos admonent, & ad Deum tandem ire compellunt. Quid enim aliud superbissimum illum Assyriorum Regem ad Dominum conuertit, nisi quod à regno suo ciectus, inter feras agri, ferarû ritu, toro-

*cur matrem
sanctissimam
affligit, vs
quærit.*

Psal. 22.

*Fructus calamitatis
habent monentur*

Dan. 6.

septennio versatus est? Post finem namque dierum ad calum
oculos leuauit, & altissimo benedixit, & ab eo Regum omnium
potestatem pendere professus est. Quid Antiochum religionis
hostem, & fidelis populi euerforem, & ciuitatis sanctæ & tem-
pli Dei populatorem, nisi grauissimus quidam morbus humi-
liauit, & in hæc verba cōpulsit: Bonum est subditum esse Deo,
& mortalem nō paria Deo sentire. Quid verò Manassem (qui
Prophetarum sanguine Hierosolymam repleuit) nisi captiui-
tas sua ad meliorem mentem reuocauit? Iam verò Naan à Sy-
rus morbo lepre correptus, dum corporalis morbi medicamen-
tum à Propheta querit, animæ salutem inuenit. Regulus ve-
rò in Euangelio, dum morienti filio salutem à Domino petit,
fidem sibi & toti familiæ peperit: qua utique caruisset, nisi filij
morbus huic tanto bono occasionem dedisset. Itaq. quod lon-
ga oratione frequentissimi: quæ concionibus docere vix possu-
mus, vnus aliquādo morbus aut calamitas cumulatissime præ-
stat, atque, vt Propheta dicit, Sola vexatio intellectum dat. Si
enim aut charissimus filius, aut vir, aut vxor immatura mōte
sublati fuerint, tunc omnis domestici ornatus pompa con-
quiescit, tunc epulæ, conuiuia, risus, iocique procul pelluntur:
& ipsa etiam cōmunis lux inuisa est. Cuius rei gratia fores ac
fenestræ, quæ luci aditus patere possit, obstruuntur. Tunc rectius
quàm philosophi omnes de huius vitæ fallacia, inconstantia,
breuitate, & fragilitate, variisq. miseriis philosophamur, & ad-
rerum humanarum contempionem excitamur. Quod si qui-
dam secus facere videantur, hoc non calamitatibus, sed suæ
ipsorū imbecillitati imputandum est. Rectè enim D. Chryso-
stom. calamitates amaræ potioni similes esse dicit: quæ noxios
à corpore humores pellit, & sanitatē restituit. Verū tamen sicut
quidā stomacho adeo infirmo sunt, vt potionem quam ebi-
bunt, lacescente stomacho, protinus euomant (quibus medici-
na non fructum, sed cruciatum adfert) ita sunt quidam, quibus
tribulationis portio non vtilitari, sed acerbitati est. Quod qui-
dem non tribulationi (vt diximus) sed ipsorū in vitio & im-
becillitati tribuendum est. Duas Dominus in Euangelio domos
describit: quarum altera supra firmam petram, altera super flu-
xam arenam constructa esset: ventis autem & imbribus irruen-
tibus, alteram immobilem persistisse, alteram corruisse ait.
Cuius ruinæ causa non tam ventis & imbribus, quàm infirmi-
tati fundamentorum adscribenda est. Tribulatio namq. auro,
quod per ignem probatur, puriores ac nitidiores efficit: quod
B. Iob Tobia, cæterorumq. Sanctorum exemplo discimus: qui
quamuis probatissimi semper fuerint, multo tamen probatio-
res pressuris & laboribus effecti sunt. Aromata pretiosa quo
magis

3 Mach 9

Isaia 28.

Chrysost
Simile.

Matth. 7.

Cur nris
affligunt
Simalc.

magis conteruntur, aut in ignem conuiciuntur, hoc maiorem ex se suauitatis fragrantiam emittunt. Quod in sanctis martyribus aperte liquet: qui passionum ictibus cōtriti, & in flammis laborum coniecti, suauissimum ex se patientiæ odorem emiserunt. Cū autem omnes qui in vera pietate adoleuerūt, bonus Christi odor sint: consequens est, ut variis tribulationibus pressi atque contriti, simili quoque odore fragrent. Vnde meritō D. Bernardus virum iustum cælo cōparat, quod quauis semper niteat & fulgeat, noctū tamen tor sideribus distinctū, pulchrius ac nitidius fulget. Sic enim ante diuinæ maiestatis conspectum fulgebat ille qui dicebat: Probasti Domine cor meum, & visitasti nocte: igne me examinasti, & nō est inuenta in me iniquitas. Quid igitur huius animæ conspectu pulchrius? quid virtute sublimius? quid in Dei oculis ornatus? Quis ergo tribulationes audeat improbare, quæ huius tantæ dignitatis ministræ sunt?

Bernard.
Simile.

Psal. 136.

II.

Sed ad historiam redeuntēs: cū piis matris lachrymis finem Dominus imponere voluisset, post triduum se querenti obtulit. Relictis enim pia Virgo cognatis, templū reperit: & quem inter carnis affines inuenire non potuit, docentē in templo reperit. Suo enim quæque res in loco querenda est. At Dominus in templo sancto suo, Dominus in cælo sedes eius. In cælo igitur quærant eum beati cælites: nos verō qui in terra degimus, qui humi, vermiculorū more, strati sumus, in templo suo, hoc est, in orationis loco illum orantes queramus. Nec enim fallere villo modo potest ille qui ait: Perite, & accipietis; quærite, & inuenietis; pulsate, & aperietur vobis. O quoties homo, qui sibi Deum amisisse videbatur, vbi ad orationis locum & officium confugit, & in eo suppliciter & ardentē Dominum orauit, & seipsum, quem penē perdiderat, & Deum, quem amissum putabat, inuenit? Sed quibus, quæso, signis conicere potero, me tandem illum inuenisse? Mirē hoc D. Bernard. explicat his verbis: Ex motu, ait, cordis, intellexi præsentiam eius: & ex fuga vitiorū, carnaliumq. affectuum cōpressionē, aduertere potētiam virtutis eius: & ex discussione siue redargutione occultorum meorum admiratus sum profunditatem sapientiæ eius: & ex quantulacunque emendatione morum meorū expertus sum bonitatem mansuetudinis eius: & ex renouatione ac reformatione spiritus, id est, interioris hominis mei, percepi vicumque speciem decoris eius: & ex contritu horum omnium simul expaui multitudinem magnitudinis eius. Hactenus ille. His ergo quisque signis, se Dominum inuenisse, conicere poterit. Hos autem internos animi motus ij potissimum sentiunt,

Psal. 136.

Math. 7.

Bernard.
sup. Cāt.
Scim. 64.

qui se totos precandi studio dediderunt: qui Dominum in templo suo, hoc est, in orationis officio & loco diligenter & studiosè quaerunt.

Sed forte dices, Quo tempore ad orandū accedo, variegatim atq. rerum etiam gerendarum curæ me vndiq. circumstrepunt, quæ mentem meam ad terram deprimunt, & à diuinorum rerum contemplatione auocant. Quid igitur faciam? Hoc, fratres, nonnunquam imbecillitate naturæ, nonnunquam vitio nostro cōtingere solet; qui non ira vitam nostrā institui-
 mus, vt sabbathum illud delicatū, quod à nobis Dominus per
 Isaiam exigit, deuotè celebrare possimus. Quid est autē sabbathum hoc modo celebrare, nisi ab omnibus curis, terrenis quæ negotiis feriarum cum Deo requiescere, illi conuiuere, eius aspectu & pulchritudine pasci, & festum cum eo diem agere? Sed quid est quod sabbathum hoc Propheta, Spiritu Dei plenus, delicatum appellat? Non enim frustra vocem hanc usurpassè credendum est. Hoc autē nomine in iis potissimum rebus vii solemus, quæ tenera à modū & fragilia sunt. Ideo vasa vitrea delicatè tractamus; quoniam facillimè quouis leui ictu franguntur. Credite mihi, fratres, credite, nihil deuotionis spiritu delicatius, nihil magis vitreum, nihil magis cuilibet iniuriæ obnoxium. Christe sancte, quàm leuibus de causis feruor ille & calor diuini Spiritus refrigerare solet! Leui risu, verbulo otioso, incōposito corporis motu, buccella paulo auidius sumpta, oculis aliquanto liberius ad videndū porrectis, iisq. similibus rebus, diuinus ille motus velut ex oculis euaneſcit. Est itaque tāquam spiritus vadens, & nō rediens: quia facillè quidem abscedit, difficulter autē redire solet. Quisquis ergo affectum hunc cælestem atq. diuinum cōseruare anim vult, ab his omnibus quālibet leuissimis impedimentis purum se atq. integrum cōseruare studeat: quæ quamuis non adeo mentem inquinant, cælestem tamen illum rorem & spiritum deuotionis exhauriunt, & tristem, leuem, imbecillum, aridum, fragilem, & quodammodo inanē hominem reddunt. Foribus quoq. sensum, atq. præcipuè linguæ, diligens adhibenda custodia est: alioquin & aures, & oculi varias rerum imagines, quæ mentem postea perturbant, & ab intuitu rerum cælestium deiiciunt, admittere solent. Lingua verò, si quid intra nos caloris aut feruoris lateret, loquendo exhaurit, & quodāmodo foras emittit, atq. ita vitroque modo deuotionis feruorē exstinguit. Quis autem verbis consequi possit, quàm delicatè Sancti omnes hoc sabbathum Domini celebrabant? quanta cura, quidquid internā mentis quietem & tranquillitatē vel leuiter interturbare poterat, vitare curabant? De beato Antonio Athanasius in vita eius memorat: quod

quod cum illi in deserto agenti, semel aut bis in anno minister quidam panē (quo solo vescabatur) adferret, ne simplici quidem verbo vltro citroque dato, quietē suam vir sanctus interrumpere volebat: ne hac occasione internū illud animæ suæ silentium & sabbathum violaret. D. verò Franciscus, in solitudine montis Aluerni cum Deo vitam agens, socium admonebat, ut cum media nocte ad illū pergeret nocturnos cum eo hymnos recitaturus, nullum verbum proferret, sed statim versiculū inchoaret: Domine labia mea aperies. Quod si is sequentē versiculi partem nō redderet, abiret protinus. Videte, fratres, quā delicatē sanctus hic Pater sabbathum Domini celebrabat, quī ne vno quidem verbo quietem illam placidissimā turbati patiebatur. Cæterum nos, qui ad summam hęc sabbathi religionem variis impediti negotiis pervenire nō possumus, hoc saltem curemus, ut, quā maxime fieri possit, hanc Sanctorū providentiam imitari studeamus. Quo enim ad illos propius accesserimus, hoc perfectius sabbathū hoc delicatum, quod tantopere à nobis Deus expetit, tantisq. muneribus apud eundem Propheram cumulat, offeremus. Hęc autem ideo à me dicta sunt, fratres, ut eos qui Christum invenire desiderant, exemplo sanctissimæ Virginis, in templo, hoc est, in orationis loco quærendum atque inveniendum esse admonerem.

Non solum autem locus, sed tempus etiam quo eum reperit, nobis aliquid innuit: *Post biduum quippe invenit illum sedentem in medio doctorum, &c.* Cum autem triduum hoc variè liceat interpretari, ego tamen maioribus subtiliora relinquens, & plana ac simplici via gradiens, tria poenitentię monera intelligenda esse puto. Hoc enim trium dierum itinere transacto, non dubium quin amissus per peccatum Christus inveniatur. Multi autē primo die illum quærere videtur, quia admissa scelera vecūque plangunt: quidam verò primo sequentem addunt, dum eadem cōfitentur: pauci tamen ad tertium perveniunt, qui videlicet plena satisfactione Dominum placare studeāt. Satisfactionis autem nomine nō eam solum accipio quæ tertiā poenitentię pars est: sed eam etiam quæ ad iustitiam pertinet, quam unicuique reddimus quod iniuste aut sustulimus, aut retinemus. Itaq. aliquando proximi honor illata cōtumelia sublatus, aliquando fama detractione læsa, aliquando opes inique auersæ refarciendæ sunt, si iustitiæ integritatē retinere volumus. Hoc autem quotusquisque implet? Aliena eripi quotidie videmus, cōtumeliis honorem proximorum frequenter lædimus, detractionibus eorundem famā passim laceramus. Harū autem rerum damna viz. vnguā refarciri videmus. Quo fit, ut biduo solum Dominum quæretes, nec ad tertium hunc diem pervenien-

tes, minime illum inueniamus, qui post triduum inuenitur,

III.

Verum hoc tridui spatio transacto, cum ad templum Domini Virgo peruenisset, filium tandem inuenit *sedentem in medio doctorum, audientem illos, & interrogantem.* Qua autem lætitia virginem pectus tunc fuerit exultatum, non est facultatis nostra explicare posse. Itaque nihil cunctata mater, per medias adstantium atq. mirantium turbas ad filium usque irrupens, mœroris quæ lachrymis in lætitiæ lachrymas commutatis, in hæc verba prorupit: *Ephe, quid fecisti nobis sic? Ecce pater tuus & ego dolentes querebamus te.* Et ille, *Quid est, inquit, quod me querebatur?* Nesciebat quia in *ius quæ Patris mei sunt, oportet me esse?* Hoc est, Nescitis ea mihi negotia semper esse tractanda, quæ Patris mei sunt? Quæ sunt, Domine, Patris tui negotia? Imò verò quid in hac tanta rerum vniuersitate est, quod ille nō administrat, qui omnia in omnibus operatur? Huius enim rei gratia, à sanctis Patribus totus oculus, tota manus, totus pes esse dicitur: oculus quidem, quod omnia videat; manus, quod omnia operetur; pes, quod omnia sustineat atq. peruat. Verum in hac tanta rerum varietate, sola Patris summi gloria, & salutis nostræ cura opus eius esse dicitur: quoniam ad hoc vnum cætera omnia diriguntur, atq. vnius huius operis comparisone cuncta alia pro nihilo reputantur. Quid enim aliud illa verba Domini significat? Pater meus usq. modò operatur, & ego operor? Quid autem huius operis nomine, nisi salutis nostræ negotia designantur? Sed ais, Aliquid salute nostra prius Domino & charius est, nempe nominis sui gloriæ, quam illustrare contendit, utpote qui omnia propter semetipsum operari dicitur. Sed animaduertite, quæso, mirabilem Dei nostri bonitatem, qui gloriam suam ita cum salute nostra copulauit, ut eam ipsam in salute nostra procuranda collocarit. Quid enim eius gloriæ magis illustrat, quam quod miseros homines tot beneficiis subleuat, tot muneribus ornat, tot sceleribus ignoscit, tot eorum contumelias patientissimè sustinet, ac denique tot modis eos diuinitatis & felicitatis suæ cōsortes efficere contendit? Hoc igitur perpetuum Christi studium est; hic eius cibus, hic potus, hoc munus & officium, nempe vitam omnem in hominibus iuuandis insumere: adeo ut nullum in vita sua temporis punctum studio salutis nostræ vacuum abire permetteret: utpote qui nō tam sibi, quam mihi & natus, & passus, & mortuus sit. Nō sibi igitur pepercit, ut mihi parceret; nō sibi quietē indulgit, ut mihi eā donaret; nō deniq. salutis & vitæ suæ rationē habuit, ut salutis & vitæ meæ cōsuleret. Quod quidē officium, maturiori ætate administrandum, hodie feliciter inchoatum est.

Hæc

Hæc igitur, fratres, prima Christi institutio, hæc prima eius; imò perpetua admonitio. Quid enim aliud Evangelicæ vitæ professio, nisi charitatis institutio est? Quicunque ergo celestis huius philosophiæ discipuli sumus, quicunque de Christi fide & nomine gloriamur, eiusq. vestigiis insistentes eò peruenire cupimus quò ille peruenit; hoc in primis curemus, vt omnem animi nostri conatum ad hominum salutem conferamus, vt aliorum malis cōmoueamur, vt aliorum incommoda nostra ducamus, vt in subleuandis inopū miseriis opes nostras & opera nostra infumamus, vt cū detrimento etiam nostro aliis profuisse lucrum putemus, vt illud denique Apostoli impleamus: 1 Cor. 13.
1 Cor. 10. Non quæ sua sunt singuli cogitantes, sed quæ aliorum: Quod quidem præceptum exemplo suo confirmat, cū ait: Sine offensione estote Iudæis & Græcis, & Ecclesiæ Dei: sicut ego per omnia omnibus placeo, non quærens quod mihi vile est, sed quod multis, vt salui fiant. Potentior enim apud pios charitas, quàm apud improbos cupiditas; & amor Dei apud illos, quàm apud hosce amor sui existit. Quocirca quisquis in charitate est, diligentius aliena curare debet, quod charitatis est; quàm sua ipsius, quod amoris proprii est.

Ad huiusmodi verò charitatem discipulos Dominus hortatur, cū eos sale in terrâ, & lucernam super candelabrum positam esse debere ait. Lucerna quippe, dum alios illuminat, se ipsam consumit: & sal item, dum carnes integras & incorruptas seruat, se ipsum corrumpit. Si enim post dies aliquot carnes eas inspexeris quas sale salisti, carnes quidem integras, salē verò euauisse deprehēdes. Hæc ergo Christiani hominis proprium est, non solum aliis prodesse; sed cum suo etiam incommodo prodesse. Illud enim secundum naturam, hoc supra naturam est: supra quam diuina gratia mortales cōstituit. Scitum enim illud est; Nihil tam esse secundum naturam, quàm iuuare cōsortem naturæ. Hoc ergo naturæ, illud verò Christianæ gratiæ singulare opus est. Quoties in litteris sanctis fideles Simile. membris humani corporis comparantur? At inter corporis membra, quod membrum est, quod vni tantum sibi, non alijs deseruiat? Mutuò enim sese velut fraterna charitate iuuant; & quod ab alijs beneficium accipiunt, alijs præstant: dum simul & alia membra iuuant, & ab alijs iuuantur. An non igitur hoc Christiani hominis officium vel maximum est? An non Apostolus hoc ipsum confiteretur, cū ait: Alter alterius onera Galat. 6. portare, & sic adimplebitis legem Christi? Quid autem est alterum alterius onera portare, nisi mutuò sese officiis iuuare? Sed audiamus simul & erubescamus Gentilem Philosophum, hanc eandem Apostoli doctrinam his verbis præsententem:

Seneca
Epist. 96.

Simile.

2 Cor. 12.

Rom. 15.

Cicero.

Omne hoc quod vides, quo diuina ac humana concludi sunt, unū est: membra sumus corporis magni. Natura nos cognatos edidit, cum ex iisdē, & in eadem gigneret. Hęc nobis amorem indidit mutuum, & sociabiles fecit; illa æquum iustumq; cōposuit. Ex illius constitutione miserius est nocere, quā lacerare. Ex illius imperio paratæ sunt iuuantis manus. Iste versus & in pectore & ore sit: Homo sum; humani nihil à me alienum puto. Cōcāmus; in cōmune nati sumus. Societas nostra lapidū fortet simillimā est, quæ casura nisi inuicem obstarent, hoc ipso sustinentur. Hactenus ille. Ex cuius verbis alia quoq; cōmodissima similitudo colligitur, qua homines inter se nō modō tanquam vnius corporis mēbra, sed tanquam lapides etiā in ædificij structura dispositi cōparantur. Vt enim hi mutuo sese iuant, dum alios sustinent, & ab aliis vicissim sustinentur; sustentant enim superiores, & ab inferioribus sustentantur; ita planē fideles in Ecclesiastica structura, in qua tanquam lapides vniū ædificantur, mutuas sibi maiores minoribus, & minores maioribus, operas præstare debent: ea tamē lege, vt maiores lapides, qui in operis fundamento collocantur, quo maiores sunt, hoc maiora proximorum onera sustineant. Quod planē Apostolus faciebat, cum diceret: Ego autē libentissimē impendar, & superimpendar ipse pro animabus vestris, licet plus vos diligam, min⁹ diligar à vobis. Quod quidem officium à nobis exigit, cum ait: Debemus nos, qui firmiores sumus, imbecillitates infirmorum portare, & nō nobis placere. Quid est autem nō nobis placere? Nimirum vt cum infirmiores labi quandoq; videamus, nullo modo nobis illorum cōparatione de nostra firmitate blandiamur, quōd, illis iacentibus, nos stare videamur; hoc enim insolentis est: sed magis ex illorū infirmitate imbecillitatem nostrā agnoscamus, atq; metuemus ne simili nos modo deferamur, illosq; iuuare, si possumus, studeamus; si non possumus, feramus. Hęc igitur prima religionis nostræ institutio, fratres, quam nobis hodie celestis magister exemplo suo ob oculos ponit, ad quam totius vitæ nostrę ratio exigenda est: vt quemadmodū salutis nostræ auctor, nulla sua aut vtilitate aut necessitate inductus, imō cū suo maximo labore malis nostris cōsuleret, & salutis nostrę opus exsequi dignatus est: ita nos, hoc tantæ charitatis exemplo commoti, sine vlla terreni lucri spe, gratis bene facere studeamus: easq; benefaciendi occasiones capere curemus, in quibus, præter ipsum boni operis meritum & dignitatem, nihil aliud requiramus. Si enim Ciceroni dicere licuit, præmia rectē factorū esse ipsa rectē facta: quid hominem Christianum, fidei lumine instructum, tacere par est, qui ad vnam charitatem omnia vitæ officia conferre iubetur?

Quod

Quod quidem documentum si quando alias, hoc maxime tempore necessarium est: in quo ut abundauit iniquitas, ita multorum retriixit charitas: qua frigescente, vix homines pedem aut manum sine aliqua lucri spe, aut commodi ratione, mouent: in quo officia cuncta venalia sunt: in quo virtus, non tam virtus, quam mercimonium est: in quo si quid ipsa specie honestum est, quæstui magis, quam pietati seruit, in quo denique omnes quæ sua sunt, quærunt, non quæ Iesu Christi. Hanc igitur philosophiam Saluator nos hodie docet, cum ait: *Quid est quod me quærebatis? Nesciebatis quia in his, quæ Patris mei sunt, oportet me esse?* Phil. 2.

Et ipsi non intellexerunt verbum quod loquutus est ad eos. Patris quippe nomine illum fortasse intellexerunt, de quo antea Virgo dixerat: Ecce pater tuus & ego dolentes quærebamus te.

Sequitur deinde: *Descenditque cum illis, & erat subditus illis. Quis quibus? Deus hominibus: Deus, inquit, cui subduntur Angeli, cui Principatus & Potestates obediunt, subditus erat Mariæ: nec tantum Mariæ, sed etiam Ioseph propter Mariam. Mirare ergo, ut Bernardus ait, virûlibet, & elige quid amplius mireris, siue filij benignissimæ dignationem, siue matris excellentissimam dignitatē. Vtrumque stupor, vtrumque miraculū. Et quod Deus femina obtemperet, humilitas absque exemplo: & quod Deo femina principetur, sublimitas sine socio. In laudibus virginum singulariter canitur, quod sequuntur Agnum quocunque ierit. Quibus ergo laudibus iudicas dignā, quæ etiam præiit? Disce homo obedire, disce terra subdi, disce puluis obtemperare. De auctore tuo loquens Euangelista, *Et erat, inquit, subditus illis. Erubescere superbire cinis. Deus se humiliat, & tu te exaltas? Deus se hominibus subdit, & tu, dominari gestiēs hominibus, tuo te præponis auctori? Vtinam mihi aliquando tale aliquid cogitanti Deus respondere dignetur, quod & suo increpando respondit Apostolo: Vade, inquit, post me Satana, quia non sapis ea quæ Dei sunt. Quoties enim hominibus præesse desidero, toties Deum meum præire contendo, & tunc verè non sapio ea quæ Dei sunt. De ipso namque dictū est: *Et erat subditus illis.* Si hominis, ô homo, imitari dedignaris exemplū; certe non erit tibi indignum sequi auctorem tuum. Si nō potes forsitan sequi eum quod ascendit, dignare vel sequi quod descendit. Hactenus Bernard. Huius autem imitationis præmium erit, ut, si hanc Domini Saluatoris humilitatem pio deuotionis studio sectati fuerimus, eiusdem celsitudinis & gloriæ ipso donante participes efficiamur: quandoquidem fixa manet illa eiusdem sententia dicentis: Omnis qui se exaltat, humiliabitur; & qui se humiliat, exaltabitur.**

Bernard.

Matt. 17.

DOMI-

DOMINICA PRIMA POST OCTA-
VAM EPIPHANIE, CONCIO PRIMA:
in qua Euangelica lectio explanatur.

THE. Omnis homo primum bonum vinum ponit; & cum inebriati fuerint, tunc id quod deterius est: tu autem seruasti vinum bonum vsque adhuc. Ioan. 2.

IN illo tempore: Nuptie facte sunt in Cana Galilee, & erat mater Iesu ibi. Vocatus est autem Iesus & discipuli eius ad nuptias: & deficiente vino, dixit mater Iesu ad eum, Vinum non habent, &c. quæ sequuntur.

AVE MARIA.



PRIMA se nobis in hac sacra Euangelij lectione quaestio offert, cur beatissima Virgo, & ipse quoque mundi Saluator ac Dominus, his nuptiis & conuiuium secularium hominum interesse voluerint, à quibus se religiosi & sancti viri subtrahere conlueuerunt; ne alienæ intemperantiæ (quæ in huiusmodi conuiuiis accedere solet) testes atque participes existerent? Cui quaestioni D. Augustinus respondet: Dominum hoc egisse, vt nuptiarum praesentia suæ testimonio sanctas esse declararet: vt-

† Tim. 4. pote qui sciret futuros esse (vt Apostolus ait) qui eas damna-
 rent, quique, in hypocrisis loquentes mendacium, nubere pro-
 hiberent. Reuera enim (vt idem ait) honorabile conubiū est,
 & thorus immaculatus. Inter insignes verò status huius lau-
 des, illa præcipuè numeratur: quod is à Deo institutus & cele-
 bratus sit. Et cæteri quidem status post peccatum, & in peccati
 remedium; hic autem ante peccatum in statu naturæ integræ,
 & in Paradiso, non in peccati remedium, quod non erat; sed ad
 humani generis propagationem institutus est: quamuis in hoc
 statu non ad propagationem modò, sed ad remedium quoque
 peccati deseruiat. Sic enim Apostolus ait: Propter fornicatio-
 nem tamen vnusquisque suam vxorem habeat, & vnique-
 que suum virum. Quia enim in hac parte acius scruit con-
 cupiscentia, idq; inter Sacramenta quæ in peccatorum reme-
 diū instituta sunt, singulare aliquod institui debuit, quo huic
 tanto malo honesta aliqua ratione consulereetur. Id autem est
 matrimonij Sacramentum. Ex quo aperte liquet, feruis quo-
 que emptiis liberum aditum ad hoc Sacramentum patere:
 quemadmodū ad cætera omnia quæ in peccati & infirmitatis
 huma-

humanæ remedium instituta sunt. Neque enim par erat ut his medicamentis & beneficiis (quibus læsa natura iuvanda erat) servi emptiij, precioso Christi sanguine redempti, & in libertatem filiorum Dei adoptati, destitueretur. Sicut ergo liberum est eis & Baptisma, & Confessionem, & Eucharistiam Extremam quæ unctionem percipere, ita etiam matrimonio copulari Solo enim Ordinis sacramento interdiciuntur, quia per hoc dominos debito servitutis officio fraudarent: quod æquitas & iustitiæ ratio non patitur. Quamobrem sicut lethælis criminis reus esset, quisquis aliis Sacramentis servo violenter interdiceret: ita planè quisquis aut minis, aut plagis, aut aliis iniquis rationibus servi coniugium impedit, gravissimo se crimine alligat, & flagitiorum omnium, quæ ille hoc remedio destitutus admiserit, reus efficitur. Quod si causeris, duræ esse conditionem dominorum, qui dato nõ vulgari pretio servos suos emerunt; hoc à me nõ requiras, sed ab eo qui & liberorum & servorum communis Dominus & Redemptor est: qui hac lege homines hominibus in servitutem addici voluit, ut libertas tamen eis ad salutem, & salutis medicamenta integra maneret. Quod si hoc tibi durū esse videtur, durius planè fuit quod olim Dominus in lege præceperat, ut servus videlicet Hebræus post septennium liber evaderet. Quod quia populus sub Sedechia Rege minimè servavit, iussit Dominus per Hieremiam prædicari contra servorum dominos libertatem & gladium, & famē, & pestem, quibus ab exercitu Chaldæorum vastati sunt. Si hanc ergo Dei legem nemo miratur, multo minus mirari debes, si Deus homini ad imaginem suam concesso, & sanguine suo redempto, æternæ salutis instrumenta adimi non pariat.

Exed. 21.

Cæterum ut hic status à Deo institutus sanctitatem suam vitio nostro non amittat, illud ante omnia curandum, ut coniunctionem corporū, coniunctio quoque sequatur animorum; alia enim hominū, alia cæterorum animatum connubia sunt. In his enim sola est corporis commixtio; in hominibus autem prima debet esse animorum, ad quam corporum cōmuniō ordinatur. Frustra enim corpora uniuntur, si animæ per discordiam separantur. Hac autem de causa Petrus Apostolus viros, qui ratione & consilio plus valent, sollicitè admonet, ut vxoribus tanquam infirmioribus vasculis honorem impendant. Sic enim solemus vasa vitrea, quæ maximè fragilia sunt, cautè circumferre, ne ad solidiora corpora illisa frangantur. Ad huc ergo modum vxores tractandæ sunt, quarum tenera mollisque natura faciliè quavis vel levi occasione perstringitur. Quod si quæras, cur Dominus muliebrem naturā, quæ sub eadem hominis specie continetur, adeo fragilem & imbecillam finxerit

1 Pet. 3.

simile.

adeo-

adeoque affectibus obnoxiam, & minus consilio atque ratione valentem: hoc in causa fuisse videtur, quod si ratione ac robore animi par viris exstiteret, uterque prius de domestico principatu contenderet, & utrius consilio & auctoritate res familiaris gubernanda esset, disceperet: & quis in domo imperandi, quis parendi munus obire deberet, ignoraret: atque ita demum perpetuum inter eos dissidium existeret: quale inter duos fratres, qui urbem Romam cōdiderunt, fuisse legimus: quorum alter alterum libidine dominandi ē medio sustulit. Quamobrem maximo Dei beneficio & providentia factum est, ut alterius natura mollis & imbecilla, alterius verò firmiter esset, & consilio præstantior: ut hæc ad impetandum, illa ad obtemperandum magis idonea esset. Quemadmodum enim vasa vitrea, quæ cedere & flecti nequeunt, mollibus integumentis circumvestita servantur & circumferuntur (durioribus enim circumseptis, ubi se mutuo cōtingerent, frangerentur) ita planè diuina Sapientia (quæ summo cuncta consilio moderatur) rigidam hominis naturam muliebri teneritudini copulauit, ut, dum alter alteri cedit, neuter alterum lædere posset. Ex quo facile liquet, uxoris mansuetudinem ac silentium, dum vir aliquando irā incandescit, hanc mutuam inter eos pacem maximè alere atque fouere. Qua potissimum virtute D. Augustinus in Confessione matrem suam beatam Monicam plurimum valuisse cōfirmat, quæ viro frequenter irā & furorē percito, summam quandam lenitatem vultu atque animo præ se ferebat. Sed ad Euangelicam historiam propius accedamus.

In his ergo nuptiis deficiente vino, misericordię mater ad filium ait: *Vinum non habent.* Necessitatē dilectissimo filio proponit, quem sciebat non minus promptum atque paratum, quam potentem ad inopes iuuandos exsistere. Ex qua quidem Virginis petitione facile colligimus, plura alia Dominum Saluatorem priuata miracula edidisse, quāuis hoc esse primum miraculorū eius Euangelista dicat. Si enim totos triginta annos sine vilo edito miraculo, ætatē Dominus transegisset, non apparet cur beatissima Virgo tanta fiducia noui in hac se miraculū exegisset, in re præsertim quæ nec ad animæ, nec ad corporis salutem pertinebat. Deinde etiam ex hoc loco discimus, in quauis inopia aut calamitate, quæcūque illa fuerit, ad Dominum nos, beatissimæ virginis exemplo, debere cōuertere. Sic regius Propheta: Effundo, inquit, in conspectu eius orationem meā, & tribulationem meam ante ipsum pronuncio, in deficiendo ex me spiritum meum. Quemadmodum enim pueri infantes, quæcūque se illis res siue tristis siue læta offerat, pro-

tendis ad sinum matris confugiunt: ita pii omnes in omni for-
 tuna ad materna diuinæ pietatis viscera, tanquam paruuli &
 imbecilli, aduolare debent. Quod idē Rex se facere testabatur,
 cum ait: Sicut ablactatus super matrem suam, ita retributio in
 anima mea. Pro quō alius vertit: Qualis ablactatus super ma-
 trem suā, talis in me anima mea. Hoc est: Sicut infantulus in
 materna charitate totus cōquiescit, propterea quod per gratiam
 nec corpus curare, nec pedibus insistere potest: ita vir pius hu-
 manæ naturæ infirmitatem agnoscens, ad Deū in cunctis pressu-
 ra cōfugit, cuius materna viscera in suis semper necessitatibus
 expertus est. Quod cum in omni calamitate, tum præcipue in
 desperatissimis rebus faciendum est. Hinc D. Chrysost. Cum
 nulla utquam humani auxilij spes nobis affulget, ne despere-
 mus, nec despondeamus animum, sed fidei anchoram arripia-
 mus, & instrumentum spei iaciamus, nō quidem in mare, sed
 in celū & tempestatum procellis agitata nauis ab omni peri-
 culo liberabitur. Quod contra plerique faciunt, qui tunc potissi-
 mum orationis & spei arma proiciunt, cum ea maxime capere
 deberent. Celebratur autem hac in re Philonis disertissimi viri
 sententia: qui cum Imperatorem Caium (ad quem legatus à
 Iudæis missus erat) contra suos actiter iratum & insensum in-
 uenisset, ad socios cōuersus, Bono, inquit, animo effore socij,
 quibus Caius iratus est: quia necesse est adesse diuinū, vbi hu-
 manum cessat auxilium. In hoc autē turbulento rerum statu
 sanctus Dauid contra humanas opes & potentiam diuinās opes
 & vires opponebat. Vnde in Psalmo 38. pro eo quod nos legi-
 mus, Fortitudinem meā ad custodiam: D. Hieron. vertit,
 Fortitudinē eius ad te seruabo. Quod perinde est ac si diceret:
 Non possum ego potentia Saulis Regis obistere: itaq. imbe-
 cillitatis meæ cōscius, certamen hoc tibi seruabo, & viribus il-
 lius vires tuas obiciā. Quemadmodum enim pictores ceteri
 quæ art fices difficillima quæque operum suorum sibi reseruant,
 cum cetera discipulis faciēda cōmittant: ita diuina providen-
 tia difficiles casus, & humana virtute superiores sibi vni ser-
 uauit: cetera verō omnia inferioribus causis à se ipso tamen
 adiutus providentia permittit. Nō est autem cur quisquam hu-
 mano more de se Deum æstimans, credat illum clamorum no-
 strorum assidua importunitate grauari. Sicut enim non grauatur
 puerperam distenta lacte vbera gestantem infantulus qui ea
 sugit, sed potius alleuat: ita cum immensa illa pieras tot bonis,
 quæ audivissimè cōmunicare desiderat, refertissima sit: nequa-
 quam illi molestus est, quisquis ei miserendi, seq. alijs cōmu-
 nicandi materiam præbet. Quid enim magis secundum natu-
 ram summi boni est, quàm te alijs communicare, & immensa
 boni.

bonitatis suæ radios ubique diffundere? Denique hoc adeo illi gratum est, ut vel hoc præcipuum siue obsequium, siue sacrificium ab homine exigat, quando, enumeratis omnibus antiquæ legis sacrificiis, hoc potissimum exigit, cum ait: Immola Deo sacrificium laudis, & redde altissimo vota tua: & inuoca me in die tribulationis, eruiam te, & honorificabis me.

Cæterum piæ matri coniunx necessitatem suppliciter proponenti apparet quidem prima fronte filium duriusculè respondisse, cum ait: *Quid mihi & tibi est mulier? Nondum venit hora mea.* Quid hoc est, Domine Iesu? An non tu ipse parentes honorare præcepisti? Cur ergo ita matri respondes, quasi nihil tibi commercij cum illa esset? Ad hoc primò dicendum est: his verbis Dominum aliquid in se homine maius insinquare voluisse. Alioqui quomodo verum esset quod ait: *Quid mihi & tibi est mulier?* cum tanta sit inter parentes & liberos necessitudo?

Hoc etiam responso his, qui seculum reliquerunt, animum addere voluit, ne se totos voluntati parentum dedant: qui cum paterno amore, quod suum est, amplectantur, corpus valde amant, quod de eorum corpore assumptum est; animam verò negligunt, quæ aliunde in corpus immissa est. Cõtra quos (ubi plus iusto corpus ipsum molliter tractare studet) seuerius agendum est, vsurpandaque hæc verba Domini, *Quid mihi & tibi est mulier?* In hac enim provincia quam suscepi, in hoc virtutis eurriculo quod ingressus sum, a quo tu me blanditiis abducere cupis, verè nihil mihi tecum est, cum illud ante oculos imperatoris mei edictum habeâ: *Qui amat patrem aut matrem plus quàm me, non est me dignus.* Vix autem quisquam verbis consequi possit, quantum hæc parentum teneritudo arduum virtutis iter ingressos remorari soleat, ne dicam interim reuocare. Contra diuindum enim, ac dæmonem, cæterosque iuratos hostes arma capere, non est adeo difficile: at cõtra parentum præces & affectus pugnare, qui nos genuerunt, qui aluerunt, qui non hostili odio, sed paterno amore aduersum nos cerrât, quibusque natura ipsa instigante obsequi ac placere cupimus, arduum planè atque difficile est. Sicut enim hic affectus inter omnes alios maximè secundum naturam est; ira illum vincere, naturam ipsam vincere est, cuius sunt potentissimæ vires. Hæc ergo de causa cælestis magister in tora lectionis Evangelicæ ferie, quoties cum matre sermonem habuit, semper se grauitè & seuerè gessit. Aliàs enim parentibus illum triduo cum summo mœrore quærentibus ait: *Quid est quod me quærebatis?* Nesciebatis quia in iis quæ Patris mei sunt, oportet me esse? Iterumque cuidam parentis & fratrum adueniunt nuntianti respondit: *Quæ est mater mea, & qui sunt fratres mei?*

Et extendens manum in discipulos suos, Ecce, inquit, mater mea, & fratres mei, &c.

Subdit deinde: *Nondum venit hora mea.* Hæc verba, quæ specie tenus asperitatis aliquid præ se ferunt, magnam piis hominibus cōsolationem atq. fiduciam adferunt. Vt enim Saluator noster scit quid nobis expediat: ita solus ipse scit quo tempore expediat. Mulra enim sunt, quæ, quamuis salutaria sint, quia tamen alieno tempore data sunt, aut nocuerunt, aut cerè non ita profuerunt. Tempus autem cōmodissimum ad hæc beneficia præstanda est, cum Dei gloria maximè illustratur, & salus hominis rectè cōstituitur: quæ duo in omnibus operibus suis præcipuè Dominus captare solet. Qua de causa promissa sua diu frequenter differt, dum hanc opportunitatem expectat. Quæ res infirmorum hominum fiduciam vel turbare vel labefactare solet: præsertim cum Dominus aliquādo, priusquam promissa persolvat, ita plerumque omnia cōtra ac pollicitus est euenire patiatur: ut vix credibile sit, ea, quæ expectantur, esse ventura. Cuius rei multa ex literis sanctis exempla in medium adferre possem: sed hæc duo satis erunt. Deus Davidè in pueritia Regem designauit: sed quàm acerbis, quamq. diuturnis illum calamitatibus exagitauit, ante quàm regni possessionem adire permitteret! Idem ore Gabrielis sacra Virgini pollicitus est; Iesum in solio Davidis sedurum, atq. imperium illius sempiternum futurū. Quis verò hoc, nisi diuino Spiritu affatus, sicut prædictum est, euenturum suspicari posset, cum Iesum videret vsq. ad trigessimū ætatis annum propter obscuritatem in magna hominum ignoratione versari, reliquam verò vitam inopem & vagam persequi; & ad extremum tanquam perditissimum latronem, cruci affixum a terribissima morte multari? His rebus fit, ut impij promissionibus & verbis Dei nullam fidem habeant, pij verò sæpè nutent atq. vacillent. Quocirca illud saluberrimum præceptum; Qui crediderit, non festinet; Isaiæ 26. semper in animo est habendum. Qui enim moram ferre non potest, is neq. cōstantiam, nec fidendi perseverantiā retinere poterit. Hinc de Abraham ait Apostolus, quòd longanimiter ferens, adeptus sit promissiones. Hæc igitur mora eam benefaciendi oportunitatem capiat Dominus, quam suprà memorauimus. Quod in hoc ipso miraculo videre est. Si enim eo tempore illud patrauisset, quo mater petiit: fortasse aliunde vinum illum importatum, non miraculo prouisum fuisse crederetur. Mora autem illa interveniente, qua necessitas & indigentia vini omnibus conspicua fuit; & virtus operationis diuinæ ab omnibus manifestè cognita, & discipulorum fides nouo illo miraculo confirmata est. Hæc autem de causa frequenter viri sancti

2 Reg. 16.

Lucæ 1.

Hebr. 6.

sancti varijs tentationibus iracundiæ, inuidiæ, inanis gloriæ, libidinisque fecdis motibus diu vexati, cum ab eis liberati poscunt; non protinus liberantur, nec optata pace & quiete fruuntur: sed exagitari diu his tentationibus permittuntur, ut perspecta tot quotidianis experimentis sua infirmitate, cum ab his postea tentationibus erepti fuerint, non sibi, sed Deo salutis huius beneficium tribuant; quod ipsi tam diu, tam multisque conatibus consequi nequiverunt; atque ita cum Prophetâ clament: *Dextera Domini fecit virtutem, dextera Domini ex-*
altauit me, dextera Domini fecit virtutem. Hac igitur sanitaris dilatio & humilitatem nutriunt, & grati animi affectum excitant, & charitatem accendunt, & spem roborant. Hac enim ratione & imbecillitatem suam agnoscunt, & beneficentiam Dei experiuntur, & ad amorem liberatoris sui magis inflammantur, & beneficiis ipsis eruditi, in illo firmiter se em suam collocant, cuius misericordiam in liberatione sua experti sunt. Quæ bona omnia dilationis beneficio consequuntur; ut hac ratione appareat, duplici nomine auctori salutis nostræ nos esse in hac parte obnoxios: & quia opem tulit, & quia diu distulit, ut nos maiori beneficio cumuleret. Sed iam ad reliqua properemus.

II.

Edito ergo miraculo, aqua quæ in vinum versa, ut gustant arbitri, *lunus aquam vinum factam, & non sciebat unde esset;* liquoris pretiosissimi suavitatem demiratus, ad sponsum ait: *Omnis homo primum bonum vinum ponit, &c.* In his verbis magnum inter Dei ac demonis calicem discrimen designatur, cuius ignorantia maxima generis humani pars in pestem & exitiū ruinet: demon enim, tanquam subdolos mercator, si quid in suggestionibus suis habet dulce & pretiosum, in iuo statim conspiciendum atque degustandum proponit; quod verò acerbum & amarum est, seruat in posterum; atque hac fallendi arte parum providos & incautos illaqueat. Natura enim nostra (ut Aristot. ait) delectationis & voluptatis avidissima est, tristitia verò atque molestia maxime fugax & inimica. Sectatoribus ergo suis demon voluptuosam vitiorum viam proponit, in qua nihil durum aut asperum fingit, sed omnia mollia, blanda, dulcia, atque iucunda. Sic meretrix illa in Proverbiis, apprehensum defosculata iuvenem procaci vultu blanditur: Adstricti, inquit, cubile meum myrrha & aloë, strapi tapetibus pictis ex Aegypto: veni inebriemur vberibus, & fruamur cupitis amplexibus donec illucescat dies. Non est enim vir in domo sua, abiit via longissima. Simili quoque modo in lib. Sapientie perditii homines se ipsos ad omnes voluptatum illecebras cohortantur,

dicen-

dicentes: Venite, fruamur bonis quæ sunt, & vitamur creatura
 tanquam in iuventute celeriter. Vino pretioso & vnguentis
 nos impleamus & non praterat nos flos temporis. Coronemus
 nos rosis antequam marcescant, nullum sit prarum
 per quod non transeat luxuria nostra, vbique relinquamus signa
 lætitiæ: hæc est enim pars nostra. Hæc sunt ergo quæ demon
 initio statim sectatoribus suis proponit, quibus tamen
 amarissimas calicis huius feces in futurum seruat. Quod virum
 que in eodem libro Salomon explicauit, cum meretricem inducit,
 ad veritas delicias imperitum hominem inuitantem, atque
 dicentem: Aquæ fortitiæ dulciores sunt, & panis absconditus
 suauior. Et ignorauit quod ibi sint gigantes, & in profundis
 inferi conuiuiæ eius. Pro quo Sanctes vertit, quod ibi sint mor
 tui. & in profundis inferi inuitati ab ea. Ab illo eam aquarum
 fortitiarum, & panis absconditi dulci conuiuijo ad æternam
 mortem, inferorumque amarissimum conuiuium improbi, di
 uina perurgente vindicta, transferuntur. Sic enim accidisse di
 uiti illi epuloni videmus: qui quoniam, dum hic ageret, totum
 se epulis atque deliciis carnis addixit; paulo post ad eam in
 opiam inediaque, redactus est, vt inter æstuantis flammarum
 globos aquæ guttam semper sitiat, nec accipiat. Nec modò
 post huius vitæ exitum, sed in ipso etiam exitu, calicis huius
 amaritudinem improbi experiantur. Cum enim à medicis
 vita desperata, ab hac luce migraturi, de altera cogitare inci
 piunt, ibi profons antea vitæ voluptates nò iam blandien
 tes, sed amaricantes, atque animum lacerantes; non placido &
 iucundo, sed acerbissimo & seuerissimo vultu sese illis offerant,
 quando, quod in illis dulce erat, iam praterit; quod verò
 acerbum & acre, tum vel maxime mentem puogit & lacerat.
 Si enim ab aliquo istorum hoc ipso tempore quæ fieris: Dic
 quæso, mihi homo, quid est quod mentem tuam hoc tempore
 maxime augit? Si verum fateri velit, dicet plane: Nihil est
 quod me hoc tempore magis torqueat, quam quod me alio
 tempore magis oblectauit: nempe poculum illud aureum, cuius
 me fulgore meretrix illa Babylonis decepit, & inebriauit.
 Nunc autem, malo meo doctus, intelligo quod per Prophe
 tam dictum est: Vna eorum quæ fellis, & horus amarissi
 mus: fel draconum vinum eorum, venenum aspidum insana
 bile. Vt enim horrorem incredibilemque acerbicatem pestilen
 tissimi huius vini Prophepha declararet, fel draconum appel
 lauit: quo felle nihil pestilentius, nihil amarius fingi potest.
 Talis ergo voluptas mundi illo tempore morituris apparuit,
 quando iam voluptas abiit, nec vllum sui vestigium reliquit.
 aculeus autem vel crepta virgini pudicitia, vel illa proximo

Prou. 9.

1. Thim. 3.

Lucæ 16.

1. Thim. 3.

Apoc. 17.

Deut. 32.

Sermoci-
patio.

Provi.

Simile.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

Provi.

iniriæ, infixus pectori hæret. Quo tempore homines, seipsos
falsaq. sua gaudia damnautes, dicere incipiunt: O malè blandę
voluptates! ô mentium seductrices, quæ me in has angustias &
mæiores coniecistis! quæ me in extremum saloris periculum
adduxistis! quæ me modò tam multis angoribus cruciatis! quę
modò conscientiam meam velut ferreis vngulis laniatis! quę
supernum mihi iudicem insensum facitis! quæ mihi lucis &
solis splendorem adimitis! quæ tetra mæoris nocte mentem
meam circumfunditis! quæ deniq. me de æterna vita penè de-
sperare cogitis! Quis me furor ita dementavit, quis ita mentis
oculos excecavit, ut hunc acerbissimum voluptatis exitum &
finem non viderem? Atqui debuerant me illa Salomonis verba
cautiores reddere: Ne intuearis vinum quando flauescit,
cùm splenderit in vitro color eius: ingreditur blandè, sed in
nouissimo mordebit ut coluber, & quasi regulus venena dif-
fundet. Animaduertite (quæso) quàm aptè carnalis voluptatis
cursum sub splendētis imagine vini Salomon descripserit. Hęc
enim voluptas cùm se primùm oculis ostendat, cùm hauritur &
bibitur, blandissima est: in nouissimo tamē vbi illa quidē abiit,
& aculeus conscientię manet, & iudex offensus morienti im-
minet, & dæmon prius quidem instigator, postmodum verò
accusator viget; tum demùm mordet ut coluber, & venenum
reguli apparet esse, quod dulce cinum antea credebatur.

Et quibus omnibus liquidò apparet, ea ratione homines à
dæmone, quæ pisces à piscatoribus, illaqueari & falli. Piscato-
res enim hamis mordentis vng. lam dulci esca contegūt: pisces
verò escam inuēntes, & hami aculeum non videntes, ad præ-
dam læti auditiq. concurrunt: cuius tamen aculei vim sentiunt,
cùm ab aquis per immissa fila extrahuntur. Hac ergo ratione
astutus ille animarum piscator incautos homines, oblata
centi voluptate, inescat; quam illi, dum audis faucibus deu-
rant, voluptatē existimant: at cùm ab hac vita, ita stante mor-
tis articulo, velut ab aqua in aliam regionem extrahuntur, tum
demum acerbissimum aculeum esse sentiunt, quod antea dul-
cem escam esse arbitrabantur. Quam fallendi rationem Salo-
mon intelligens, filium, quem salutaribus monitis erudien-
dum susceperat, doli huius diligenter admonet his verbis: Fili
mi, si te lactauerint peccatores, ne acquiescas eis. Si dixerint,
Veni nobiscum, insidiemur sanguini; omnem pretiosam sub-
stantiam reperiemus, implebimus domos nostras spoliis; for-
tem mitte nobiscum, marsupium vnum sit omnium nostrum:
filii mi, ne ambules cum eis. Ipsi enim contra sanguinem suum
insidiantur, & moluntur fratres contra animam suā. Videtis
ergo, fratres, quæ ratione dæmon fallat, dum bonum quidem
vinum

vinum prius insipientibus propinat: deinde verò quod de-
cius & feculentius est.

Sed dicetis: Qua ergo ratione nos ab hac serpentis antiqui
fraude tueri ac defendere poterimus? Abundè nobis ad defen-
sionem sufficere, si hoc voluptatis poculum ab illo nobis propi-
nari intellexerimus. Quid enim ille nobis nisi venena melle
circumlita ministrabit? Quid ab atrocissimo hoste, nisi hosti-
lia & inimica damna expectare possumus? Si enim sapienti
illi Troiano dicere licuit; Timeo Danaos, & dona ferentes;
quòd intelligeret nihil ab inimicis etiam dona ferentibus tu-
tum esse: quis cum turpè voluptatem à capitali Dei & generis
nostri hoste proficisci intelligat, non illam execrabitur, & pe-
stem atq. exitium sub ea latitare non extimescet? Vt enim vo-
luntas eius semper ad nocendum propensa, ita potestas prauæ
eius voluntati consentiens, prodere nequit, & obesse semper
studet. Quam rem satellites eius atq. ministri (nempe malefici Exod. 7
Ægyptiorum) apertè docuerunt, qui plagas quidem, & ser-
pentes, & ranas, & sanguineas aquas in populum immittere,
non eam emitte & amovere potuerunt: quod tamen vir
Dei Moyses facillè perfecit. Vt ergo dæmonis ministri, eius vi
atq. ope mala quidem importare, sed è medio tollere non po-
tuerunt: ita magister eorum diabolus, nocere semper paratus,
prodere nescit neq. potest. Quemadmodum ergo vir pius cum
calamitatibus premitur, hac ratione vel maxime dolorè suum
lenire solet; quòd intelligat à diuina prouidentia (sive qua ne
passerulus quidem laqueo capitur) eas manare (illa Domini
Saluatoris in solatium suum verba usurpans: Calicem quem
dedit mihi Pater, non vis ut bibam?) ita planè is vel hoc vno
nomine oblatas à diabolo voluptates, tanquam animæ suæ pe-
stem, repudiat: quòd intelligat eas à dæmone, hoc est, iuratis-
simo hoste, callidissimoq. serpente, & malorum omnium fonte
prodire. Hoc igitur fidei Dei, seruo satis esse debet, ut eius
fraudibus obstat.

III.

Sed iam quonam modo se veritatis auctor Dominus cū ho-
minibus gerat, expendamus. Diuersa certe ratione. Si quid
enim habet eius doctrina difficile, aut asperum, insitio statim
proponit. Sic enim ait: Si quis vult venire post me, abneget se-
metipsum, & tollat crucem suam, & sequatur me. Rursum que:
Si quis, inquit, venit ad me, & nō odit patrem suum, ac matrem,
& uxorem, & filios, & fratres, & sorores, adhuc autē & animam
suam, non potest meus esse discipulus. Et apud Matth. Qui
amat, inquit, patrem aut matrem plus quàm me, nō est me di-
gnus. Et, Qui amat filium aut filiam super me, non est me di-

Matt. 16

Luc. 14

Matt. 10

gnus. Et, Qui non accipit crucem suam, & sequitur me, nō est me dignus. Non gaudet fallaciis diuina Sapientia non nititur mendacis æterna Veritas: apertissima oratione disciplinæ suæ leges morisq. proponit. Videris enim quā aperte in his locis quod in Christiana religione maximē arduum est, initio statim detegit, quando omnia quæ in mundo charissima sunt, quoties diuinis præceptis aduersantur, posthabenda esse docet: addit, et ipsa quoque vita periculis omnibus hoc tempore obicienda sit: quemadmodum in iunctis martyrum chorus, ceteriq. Sancti vel fecere, vel facere parati semper fuerunt. Sed hoc tamen in præsentī vitæ. Quid verō in altera? Nimirum quod in lib. Sapientiæ scriptum est: Si coram hominibus tormenta passi sunt, spes illorum immortalitate plena est. In paucis vexati, in multis bene disponuntur: quoniam Deus retauit illos, & inuenit eos dignos se. Horum porro felicitatem & gloriam Ioannes in Apocalypsi describit his verbis: Post hæc vidi turbam magis, quam dinumerare nemo poterat, ex omnibus gentibus, & populis, & linguis, stantes ante thronum, & in conspectu agni: amicti stolis albis, & palmæ in manibus eorum, & clamabant voce magna, dicentes: Salus Deo nostro, qui sedet super thronum, & agnō. Et respondit vnus de senioribus, & dixit mihi, Hi, qui amicti sunt stolis albis, qui sunt, & vnde venerunt? Et respondi: Domine, nō tu nosti. Et dixit mihi, Hi sunt, qui venerunt de tribulatione magna, & lauerunt stolas suas, & dealbaverunt eas in sanguine agni. Ideo sunt ante thronum Dei, & qui sedet in throno, habitabit super illos. Nō esurient neq. sitient amplius, necque cadet super illos sol, nec vlus æstus, quia agnus qui in medio throni est, reget illos, & deducet illos ad vitæ fontes aquarum: & absterget Deus omnē lachrymam ab oculis eorum. Felices profecto animæ, in quibus perpetuum sibi domicilium Deus constituit: felices oculi, qui omnipotentis Domini gloriam in maiestatis suæ throno sedentis intuebuntur: felicia ora, quæ fontibus aquæ vitæ perpetuo potabuntur: felices demum lachrymæ, quas pia manus Domini absterfura est. Quid igitur hæc gloria beatius? Quid hoc spectaculo mirabilius? videre Dei Filium materno quodam affectu Sanctorum lachrymas tergentem, quemadmodum piæ matres solent, cum lamentantium paruulorum sudorū hilari facie & blanda manu lachrymas tergunt. Videris igitur rectissime a Propheta dictum esse: Qui seminant in lachrymis, in exultatione merent. Eunt ibant & flebant, mittentes semina sua: Venientes autem venient cum exultatione, portantes manipulos suos. In hac autem rerum vicissitudine, nō seruantur leges dierum & nocturnarum, in quibus parimēnsura lucis atq.

tenebrarum spatia diuiduntur: hoc enim laborum, & lachry-
marum tempus momentaneum; letitia vero, & mercedis
tempus sempiternum est. Videtis ergo quantum inter exitum
& initium vitæ piorum & improborum intersit? Vnde merito
de fidei anima scriptum est: Fortitudo & decor indumentum
eius, & ridebit in die nouissimo. In præfenti enim huius vitæ
die manum mittit ad fortia, strenueque honestis se laboribus
exercet: sed in die tamen nouissimo, improbis iugentibus &
rugientibus, & pectora ferientibus, & scissuras petrarum, vbi
se abscondant, quærentibus, ipse ridebit, & triumphum du-
cet, & lætissimum diem ager: quando mercedem plenam, &
conferam, & coagitam, & superfluentem dabunt in sinum
eius. Benedicam ergo Dominum (pius dicet) qui tribuit mihi
intellectum, ne me externa mundi species & nitot falleret,
nēve asperitate virtutis (quam prima fronte præ se fert) abi-
eius studio deterreret: sed hic latentem sub acerbitate dulcedi-
nem, illic verò absconditum in dulcedine lethale venenum
agnoscerem. Quis enim hoc sine diuinæ lucis ope assequi po-
tuisset? Quis enim, ait Dominus, reuelabit faciem indumentum
eius? Facies enim demonis tristis & funesta est, quæ mortem
& gehennam secum adfert, quæ peccatis, quorum ille inceptor
est, debentur: quam tamen ille faciem, blandientium specie
voluptatum, vt callidus animarum venator, abscondit. Quis
ergo oculos adeo lynceos habebit, vt blandientem quidem
voluptatem extra videat, & latentem tamen intus aduleum
agnoscat? Ob hoc igitur benedicam Dominum, qui tribuit
mihi intellectum: quo liberatus sum de laqueo venantium, &
à verbo aspero: hoc est, à morte, quam mihi callidus veterator
inserere parabat.

Quæ cum ita sint, fratres, fugite nunc Dominam vobiscum,
his verbis agentē: Ecce vobis optio datur, appono vobis aquam
& ignem, ad quod voueritis porrigite manus vestras. Eligite
ergo vtrum malitis ad horam in hoc seculo lætari, & in altero
sempiterno lætu torqueri; an exiguis in hac vita laboribus
exerceri, & in altera æterna felicitate donari. Quid quisque
vestrum, fratres, electurus sit, ignoro: illud tamen scio; quod
quisquis præsentem voluptatem, futuræ felicitati, appetuerit,
perpetuò se huius consilij accusabit, perpetuò se ipsum cru-
ciabit, perpetuoque, sed frustra tamen & serò, illum poenite-
bit. Ille enim vermis, qui immortalis futurus esse describitur,
tum vel maximè improborum viscera exedit atque dilanar,
quorū velut in statera quadam, ex altera parte, quid amiser-
runt, ex altera propter quid amiserint, contemplantur: quan-
do videlicet re ipsa, ætū esse cognoscunt, momentaneum

Prou 31.

n. 1. A
n. 1. 1. 1.

n. 1. 1. 1.

Iob 41.

Psal 139.

Eccl. 13.

Iai 66.

esse quod delectat, æternum quod cruciat. Quo dolore adeo rumpuntur, vt continuis horrendis quæ maledictis, & natales dies, & parentes qui eos genuerunt, & vbera quæ lactauerunt, diris omnibus deuoeant.

Summa igitur doctrinæ huius est, vt, quisquis in hac parte ab insidiis diaboli tutus esse cupit, nō blandientem scorpionis faciem, sed eandem magis pungentem attendat. Hinc sapienter admodum Aristoteles monebat, voluptates nō quidem venientes, sed abeuntē, inspiciendas esse; venientes enim fallaci specie alliciunt animum, abeuntē verò doloris & poenitentiae infixum aculeum relinquunt: contrā verò in virtutis studio non tam aspera initia, quā exitum suauissimum considerandum esse. Quantum enim prima eius facies terret, tantum eius posteriora demulcent. Sic enim olim Moyses, metu perterritus, fugebat colubrum ex virga surgentem: quem tamen iussus cauda apprehendere, innoxium atq. innocentem reperit: quod planè omnibus in hoc virtutis curriculo contingere solet, qui virtutē asperam difficilemq. initio existimantes, in fine tamen vitæ blandissimam experiuntur, cum ipsum Dominum inuitantē audiāt: Euge serue bone & fidelis, quia in pauca fuisti

Exod. 4. fidelis, super multa te cōstituam: intra in gaudium Domini tui. Nec in fide solum (ne vos diu dilata mercedis pœna deterreat) sed in ipso etiam progressu mollior fit cōsuetudine virtus. Quod in rebus quoq. aliis sæpè contingit, quæ initio quidem difficiliores, vsu tamen & consuetudine molliores efficiuntur.

Mat. 25. Sic caeci, sic manicæ, sic caligæ, cæteraq. indumenta, membra omnia, quibus primum aptantur, stringendo premunt: quæ tamen postea, vsu latius porrecta, minimè grauāt. Hinc Apostolus: Omnis, inquit, disciplina in præsentī quidē videtur nō esse gaudij, sed mæroris, postea autem fructū pacatissimum exercitatis per eam reddet iustitiæ. Hinc Sapiens: Ducā te, inquit, per seueritatem & aequitatis: quas cum ingressus fueris, nō arctabuntur gressus tui, & currens non habebis offendiculum. Adde his pacē illam indiuiduā iustitiæ comitem, quæ exsuperat omnem sensum. Adde gaudium in Spiritu sancto, cæteraq. eiusdē dona & charismata, quibus piorum mentes instructæ & dilatata, diuinorum mandatorū viam alacriter currunt. Ex quibus omnibus apertè liquet, improbos quemadmodum ex tenebris ad tenebras; ita ex laboribus ad labores, ex miseriis ad misérias sempiternas proficisci. Contrā verò pios, vt ex fide in fidem, & ex virtutibus in virtutes; ita à spiritali iucunditate in sempiternam tendere felicitatem, in qua non per speculum & in ænigmate, sed reuelata facie videbitur Deus Deorum in Sion: qui est benedictus in secula seculorum, Amen.

IN EADEM DOMINICA PRIMA

POST OCTAVAM EPIPHANIAE, CONCIO
secunda: in qua, post breuem Euangelicæ lectio-
nis explanationē, de triplici mutatione in mundo
per Christū Dominum facta agitur: quæ per aque
in vinum conuersionem mysticè designatur.

*THE. Hoc fecit initium signorum Iesus in Cana Galilee,
& manifestauit ibi gloriam suam. Ioan. 2.*



CONVIVIUM nuptiarum, quod nobis in presenti
lectione sanctus Euangelista exhibet, non minus
ad animæ quàm ad corporis refectionem perti-
net: neque enim pauciora fercula spiritui, quàm
carni subministrat, quibus nō minus hodie
les animæ, quàm olim conuiuiarum corpora, reficiuntur. Vix
enim verbum vllum in hac sacra lectione reperitur, quod non
suauissimum piis mentibus pabulum præster. Verū quia nos
imbecillo stomacho sumus, neq. omnia facili cōcoquere possi-
mus, ea potissimum deligemus, quæ imbecillitati nostræ aptio-
ra videbuntur. Ut hoc autem pie & religiosè præstare possi-
mus, ad solita beatissimæ Virginis suffragia confugiamus.

Ave MARIA.

Nuptie factæ sunt in Cana Galilee, & erat mater Iesu ibi, &c.
Hoc in loco multæ se nobis sacratissime Virginis virtutes
spectandæ proponuntur, ac eius præcipuè humilitas, charitas,
& miranda fiducia. Humilitas quidem, quod Angelorum ho-
minumq. Regina, pauperum coniugum nuptiis interesse di-
gnata est: charitas verò, quod, cum ibidem vinum defuisset,
alienam inopiam suam reputans, eam suppliciter filio repræ-
sentauit: fiducia verò patientiæ & longanimitati coniuncta,
quod cum filius roganti matri, & indigentiam pauperum con-
iugum exponenti, specie quidem ipsa duriusculè respondisse
videretur: mater tamen fiducia plena, nihil his verbis deterri-
ta, ministros bono animo esse iubet, & ad simplicem filij obe-
dientiam hortatur, dicens: *Quodcumque dixerit vobis, facite. Quod*
idem est ac si diceret: Nolite humano iudicio quod vobis præ-
cipitur expendere: sed humili simpliciq. obedientia, quod vo-
bis imperatum fuerit, exsequimini, quamuis id prima fronte
superuacaneum & otiosum videatur. Quæ quidem verba, tan-
d s *quam*

quam primam Christianæ vitæ regulam à sacra Virgine traditam, pii omnes sibi proponere debent. Hoc igitur apud nos statuamus, nempe aliter cum hominibus, aliter cū Deo agendum esse. Quando enim cum hominibus agimus, consilio & ratione uti debemus: quando verò cum Deo, fide potissimum, simplici quæ obedientia utendum est. Ea enim quæ Deus præcepit, quamlibet impossibilia videantur, non examinanda, sed exsequenda sunt: hoc est, non ea humanæ rationis pondere librare, sed exsequi sine ulla cunctatione debemus, cum illius virtus & sapientia super omnia rationis & naturæ iura posita sit. Quod circa quemadmodum aduersus ea quæ iuribus Pontificis ex honesta causa præcipit, Canonici iuris præcepta allegare non decet, cum ipse supra ius illud humanum auctoritatem habeat: sic etiam contra Dei præcepta, rationis aut naturæ impedimenta (si qua fuerint) obici non debent, quando ipse supra omnia rationis & naturæ iura præpositus est. Itaque si tibi Deus præcipit, sicut olim Petro, ut supra maris undas ingrediaris, ingrediere tutus: mare enim se tibi tanquam solidum corpus calcandum præbebit. Si præceperit ut petram alloquaris, quod tibi latice fundat, alloquere: petra enim dura in liquidum se fontem commutabit. Si dixerit ut properanti in celo soli præcipias retrò cursam referre, præcipe: sol enim præcipienti tibi (quemadmodum olim Isaac) parebit. Simili quoque ratione si præceperit ut nudum vestias, esurientem pascas, & contra te peccanti veniam tribuas: noli carnalium hominum more, sese ab omni pietatis studio auocare volentium, sic tecum philosophari: Si elemosinam dederis, in futurum forsitan egebo: si contumeliam inferenti facile condonaueris, facilitas veniæ ingentium patiet delinquendi, arque ira omnium contra me aduaciam prouocabo. Hæc sunt humane prudentiæ consilia, quæ aduersum Dei præcepta militare non debent. Itaque ad omnia alia vitæ rationis consilio: ad parendum autem Deo, potissimum egēs fide, simplicitate, atque obedientia: ita ut cum Propheta dicere possis, Ut in mentum factus sum apud te: quod quidem non suo, sed insidentis arbitrio ducitur. Est quidem ratio præcipua animæ nostræ portio, sed ea tamen paulisper aliquando comprimenda est, ne fidei simplicitati impedimento sit. Quemadmodum enim iumentorum oculi, quæ pistino deferuiunt, velari solent, ut hoc officium exsequi commodius possint: ita plane ubi homo cum Deo agit, rationis oculos regere, fidei quæ aperire debet. Sicut enim videndi facultas, quæ principem inter omnes corporis sensus locum obtinet, ad illud opus inepta est: ita hic ratio, quæ præcipua est animæ nostræ virtus, ad agendum cum Deo impedimento est.

Simile.

Matt. 14.

Simile.

est. Quamquam, ut verius dicam, hoc in loco rationis iudicium spernere summæ rationis est. Quid enim consultius, quam certissimum ducem Deum pro incertissimo humanæ rationis lumine sequi? Quid verò dementius, quam ut, hac meridiana luce deserta, ad caligantem mentis suæ aciem homo vitam dirigat? Hoc ergo sequuti sunt nuptiarum ministri, dum ad imperium Christi & hydrias aqua implent, & ex illis hauriunt (quod ineptum humanæ rationi videbatur) fideles tamen obedientia fidei suæ amplissimum percepit fructum, dum contra omnia naturæ iura, aquam in vinum subito commutatam vidit.

Cum ergo impletis aqua hydriis, ministri, Domino præcipiente, vinum inde pro aqua hausissent, & architriclino obtulissent, ut gustavit architriclinus aquam vinum factam, & nesciebat unde esset, ad sponsum conversus, ait: Omnis homo primum bonum vinum potuit, &c. His verbis sanctus Evangelista Christi virtutem, & miraculi excellentiam insinuat, cum vini præstantiam commendavit. Quo enim effectus nobilior & præstantior, eo virtus operantis magnificentior est. Qua de re multa quæ tractari commode hoc in loco possent, sciens prætereo, ut ad huius mirandæ conversionis mysteria enucleanda deveniam.

Principio igitur illud in hoc loco statuendum est, quod D. Eusebius Emis. ait: nempe magnifica Christi opera, quæ videoribus erant miracula, intelligentibus fuisse sacramenta. Quæ si hoc omnibus eius miraculis convenit, multo magis hæc, quod miraculorum eius initium fuit: quo incarnationis suæ mysterium, hoc est, causam propter quam in mundum venerit, & quid possimum in eo gesturus esset, appositissima quadam imaginè adumbravit. Constat enim illum ad hoc præcipue venisse, ut perditum primi parentis vitio mundum instauraret, & in melius commuteret. Ad hanc igitur instaurationem primum lex, quæ vitam nostram dirigit, deinde cultores eius, ac postremo legislator ipse commutandus erat: non quidem naturæ vastitate, sed munerum & gratiæ largitate. De hac igitur ipsius mutatione, a lege ipsa initium fumentes, dicere incipiamus.

In lege igitur quatuor animadvertere licet: primum quidem eius mandata, deinde promissa, tum futurarum rerum imagines, ac postremo onus ipsum & pondus legis: quæ omnia per Christum perfecta, & in melius commutata sunt. Primum enim, si mandata legis inspicimus, inueniemus planè (si decalogum excipias) pleraque eorum ad res externas, & ad corporis magis,

Eusebius
Emis. in
hierol.

Divisio.

subdian-
tio.

magis quam ad animi puritatem & innocentiam pertineret: quales erant lustrationes quædam, ablutiones corporum, animalium sacrificia, effusio sanguinis, cinis vitulæ adpersus, variorum ciborum delectus, & alia his similia, quæ Apostolus vacua & egena elementa vocat: ut quæ nullam in se gratiam aut haberent, aut serpentibus darent, quamvis ex obsequentium pietate ac deuotione salutaria obedientibus essent. Nec mandata solum ad externa hæc opera pertinebāt, sed pleraque etiam eiusdem legis promissa carnalia erant. Quid enim aliud cultoribus suis frequentius pollicebatur, quam terræ fecunditatem, numerosam sobolem, magnificam de hostibus victoriam, magnos ouium & armentorum greges, salutē & incolumitatem, vitæ diuturnitatem, ac denique opes terrenas, & rerū omnium quæ ad cultum corporis pertinent, abundantiam? De cælo verò rebusq. cælestibus rara mentio: ad eod rudis ille populus, presentibus caprus, spiritualium atq. cælestium bonorum spe minime capiebat. Hæc igitur Dominus terrena in cælestia, carnalia in spiritualia, velut frigidam aquam in vinum pretiosum commutauit, dum imperfectam legē transtulit in Euangelium. In quo quidem quamuis nonnulla externa opera præcipiantur, qualia sunt, quæ ad corporis castigationem, & ad miserum inopiam subleuandam, & ea maxime quæ ad Sacramentorum ministerium pertinent (quæ tamen egena & vacua elementa non sunt, sed Spiritu & gratia Dei plena, atq. fecunda) pleraque tamen eius mandata & obsequia spiritualia sunt: quippe ad spiritum nostrum excolendum, & ad ipsum Deum (qui purissimus spiritus est) colendum, destinata. Spiritus enim est Deus, & eos qui adorant eum, in spiritu & veritate oportet adorare. Quid autem magis spirituale, quam flagrantissima in Deum charitas? At tota lex Euangelij vno charitatis præcepto continetur, dicente Apostolo, Plenitudo legis est dilectio. Qualia verò sunt ea quæ præcipit, talia & ea quæ promittit: nempe non carnalia (nisi quatenus virtuti deseruiunt), sed spiritualia atque cælestia: videlicet, iusticiam, pacem, gaudium in Spiritu sancto, sapientiæ lumen, conscientie tranquillitatem, cæleste præsidium, ac paternam Dei erga pios, curam & prouidentiam, ac postremo immortalitatis gloriam, & regnum cælorum. Videtis ergo hic aquam in vinum, Christi virtute permutatam: dum terrena promissa in æterna bona, & imperfecta lex carnis, in spiritum transit. Euangelicæ legis.

Sequuntur deinde sacra, & ceremoniæ, quæ futurarum rerum imagines erant. In his quoque eadem commutatio facta est, dum rerum vmbra in apertissimam veritatis lucem, adueniente Christo, commutatae sunt. Subiciamus vnum aut alterum

rum huius rei exemplum. Præcipiebat olim lex vitulam rufam extra castra immolari; eandemq. in holocaustum incendi, cineresq. eius in loco mundo asseruari, & aqua, quæ per eos cineres transiret, omnes hominum sordes expiari. Præcipiebat item agnum anniculum sine macula ad vespertam immolari, cuius olim sanguine superliminaria domorum intrinsecta fueret: ut, eo inspecto, vastator Angelus vltorē Dei gladium ab eadomo cōtineret. Horum autem exemplorum innumera alia referre possem. Quid, quæso, his (si legis tantum faciem spectes) insuauis? Sed hanc insuauem legis aquam in vinum Christus Dominus cōmutauit: cum ea quæ his legibus latebant mysteria, in se ipso non solum impleuit, sed etiam patefecit. Hæc enim omnia (ut Apostolus ait) vmbra erant futurorum: cuius vmbra corpus Christus erat. Sacra quippe eius humanitas, vitula illa rufa est, quæ igne amoris incensa, & sanguineo cruore perfusa, extra castra intolatur (quandoquidē Dominus Iesus extra portā passus est) cuius cineribus peccata nostra expiantur, quando merito mortis & passionis eius Sacramenta ab eo instituta nos ablunt, & vchiam peccatorum, veramq. animæ sanctitatem & puritatē conferunt. Ipse etiam verus est agnus, qui abstulit peccata mundi; agnus (inquam) immaculatus atque tenerrimus, ad vespertam, hoc est, in fine seculorum immolatus; qui purissimi sanguinis sui merito, nos ab Angelo vastante, hoc est, à diaboli imperio & seruitute peccati liberatos, ad promissam cælestis patriæ terram Spiritus sui ductu perducit. Ad hunc ergo modum omnia alia sacra, & sacrificia, & ceremoniæ, variq. legis ritus, summa hæc Seruatoris nostri beneficia repræsentabant; nempe imperuestigabiles eius diuitias, quas è cælo veniens attulit in mundum: videlicet gratiam, iustitiam, remissionem peccatorum, adoptionem filiorum, hæreditatem cælestem, Dei amicitia, cæteraq. Spiritus sancti charismata, & magnifica dona, quæ Prophetarum quidem oracula promiserunt, sacramenta verò legis figuris adumbrarūt. Quæ omnia, si solum historiæ faciem spectes, velut aqua, frigida & insuauia: secundum verò mysticum sensum, quouis nectare & pretioso vino suauiora sunt. Quam quidē suauitatem Sponsa in Canticis degustauerat, cum ad Sponsum ait: Melliora sunt vbera tua vino, fragrantia vnguentis optimis. Quo in loco interpretes per hæc Spōsi vbera intelligūt admiranda illa beneficia, & cælestia dona, quæ Seruator noster attulit in mundum: quibus nos Patri suo reconciliauit, à peccato mundauit, & hæredes regni instituit: quæ quidem amanti animæ quouis pretioso vino, hoc est, omnibus mundi deliciis suauiora sunt. Harum enim contemplatione & fructu mirè pascitur, inebriatur,

Epilog.
dictorū.

& extra se interim hoc cælesti vino inebriata rapitur. Videtis ergo, fratres, quomodo insuavis ac frigida legis aqua in suauissimum Euangelij vinum fuerit immutata? Illic enim (vt diximus) mandata carnalia, hic spiritualia: illic sacramenta vacua & egena, hic fecunda & Spiritu Dei grauida: illic promissa terrena, hic verò cælestia: illic vmbra & imagines rerum, hic res ipsæ cælestes atque diuinæ: illic enim sacerdotes incensum & panes offerebant Deo, hic corpus & sanguinem Christi: illic sanguis vitulorum & hircorū inquinatos sanctificat ad emundationē carnis, hic sanguis Christi (qui per Spiritum sanctum semetipsum obtulit immaculatum Deo) emundat conscientias nostras ab operibus mortuis, ad seruendum Deo viuenti. Denique illa lex in terram promissionis angustis finibus inclusam hominēs introducebat, Euangelium tamen amplos paradisi finus pandit, & inextimabile præparat regnum.

Hebr. 9.

Superest quarta eiusdem legis non minus admiranda mutatio. Legis enim iugū, quod importabile esse Petrus Apostolus dixit, collata per Christum gratia, in suauē iugum & opus leue cōmutatum est. Quid enim præsentē diuini Spiritus gratia difficile? Quid non eadem absente laboriosum & insuauē? Experiuntur hoc quotidie carnales homines, & cupiditatibus suis addicti, quibus grauis admodum ac difficilis diuinorum mandatorum observatio est. Quam aspera est enim indoctis sapientia! quam detestanda superbis humilitas! quam acerbæ luxurijs castitas! quam difficilis rebellibus obedientia! quam ingrata avaris benignitas! Denique sacra lectio, oratio, Eucharistia cōmunio, ieiunium, Missa, Eleemosyna, solitudo, silentium, quies, quam insuauia iis videntur qui diuinā gratia destituti sunt! Quot poenarum & censurarum machinis egent, vt ad salutarem corporis Dominici mensam vel semel tantum in anno trahantur! Denique peccatorum cōfessio illis crux, templum Dei carnificina, oratio tormentū, solitudo carceris instar est, in qua cōsistere diu nequeunt: quemadmodū impudica illa mulier, quæ apud Salomonem describitur garrula, & vaga, & quietis impatiens, & quæ in domo cōsistere pedibus suis non valeat. Omnis autem eorum voluptas in ludis, epulis, iocis, & prauorum atq. lasciuorum hominum consuetudine & contubernio, & corporis cultu atq. ornatu sita est. His rebus si perperuò vacent, si vigiles noctes in his traducant, nec lassantur, neque somno corripiuntur: at vbi concionatoris vox insonuit, nulla ratione ab oculis somnum excutere possunt. Itaque & Missam, & sacras Conciones breuissimas optant: paulo verò longiores non minus atq. supplicium fugiunt & execrantur.

Prou. 7.

Cæterum si superna illa pietas (quæ peccatorem nullū ad se

ex animo redeuntē respuit) huius mentē occupauerit, eamq. gratiæ suæ luce perfuderit: dictū mirum est, quā subito tota illa prioris vitæ atq. animi constitutio permuteretur, quāque dulcia reddantur, quæ prius amariſſima videbantur: quā iucunda illis sit, quæ antea insuavis erat, oratio; quā grata lectio, quā dulcis diuinarum rerum cōmentatio, quāq. supra omnia suavis & expectēda corporis Domini cōmunio, quā insatiabili affectu de Deo, rebusq. diuinis colloquūtur, & suauē sonantis Ecclesiæ vocibus afficiuntur. Neque solum ea quæ purgatis mentibus suauia sunt, sed illa etiam quæ carni molestissima sunt, nēpe ieiunia, vigilia, corporis verbera, cilicia, & quidquid tandem carni molestum est, iucundissimū illis & gratissimum fit. Hoc autem quis credat, si nondū expertus est? Certē non credebat ante cōuersionem suam D. Cyprianus, cū hæc ei à ministris Ecclesiæ dicerentur. Credere tamen eos æquum est iis, quos diuina quotidie clementia à morte ad vitam reuocat: qui ut nouum spiritum cælestis hanſerunt, ita nouā mentem, nouam lucem, noua consilia, nouum robur, nonas itē inuenditates & voluptates cum eo perceperunt. Quō fit, ut, quo magis sese diuinis rebus dedunt, eo magis mira illarum dulcedine ac desiderio capiantur. Hinc D. Eusebius: Sicut homines, inquit, exercitati ad bibendum vinum (id quod solent ebrii plus sentire) quo magis bibunt, hoc magis ardorem corporis & sitim augent: ita anima fidelis & casta cū ceperit de spe futuri seculi cogitare, & ipsam bonorum cælestium sitim bibere, impleri scit, nescit expleri: ut, quantum capacitate augetur, tantum auiditate deficiat, & illam desideriorum vocem possit iungere cū Propheſia: Concupiscit & deficit anima mea in atria Domini. Cū enim diuinarum rerum maiestatem & amplitudinē ipsis antea incognitam & inaccessam demirantur: protinus earum comparatione, quicquid in mundo imperitæ multitudinis iudicio nitet, apud eos vileſcit & sordet. Id quod facili hoc exemplo poterit indicari. Si quis iusticius ex humili fortuna ad regias opes ac dignitatem euectus esset: an non is protinus ea omnia, quæ in illa humili fortuna versanti pretiosa erant, contemneret ac fastidiret? Regaliū enim opum ac deliciarum comparatione, cur ei rustici apparatus & cultus non vileſceret? Quid ergo mirum si pia mens, hac noua diuini Spiritus luce irradiata, tertena fastidit, ubi cepit amare cælestia, ubi in nouam hanc diuinarum rerum splendidissimam regionem introducta est, gustauitque bonum Dei verbum, virtutesque seculi venturi? Quid mirum si tunc faciat quod Isaias olim diuini Spiritus beneficio faciendum esse yaticinatus est, cū ait: Et contaminabis

Eusebius
Emili.

Isaias 30.

lami-

laminas argenti tui, & sculpilum tuorum: Egrede, dices eis: Hoc est, ubi cælestem Spiritum hauseris, cælestiaque bona degustare cœperis, omnia quæ tibi pro Deo erant, quæ in summo pretio habebantur, in quibus felicitatem, amorem, & omnes voluptates tuas positas & constitutas habebas, ita tibi sordebunt atque vilescunt, ut illa ne cernere quidem oculis, aut apud te retinere pariaris. Hoc enim significat, quod ait: Contramina-bis laminas, &c. Id est, execraberis, conculcabis, & à te procul abiicies. Egredere, dices eis: hoc est, procul à me, & à conspectu meo abite: denique quæ antea iucunditati & oblectamento erant, modò iam oneri esse incipiant. Quod planè (ut alia exempla præteream) sancta illa Regina Esther ostendit, quæ maximo animi cruciatu se diebus festis ornari prædicabat, cum in publicum illi cultu regio & apparatu prodeundū esset. Sic enim orans ad Dominum, ait: Tu scis necessitatem meam, quòd abominer signum superbiæ & gloriæ meæ, quod est super caput meum, in diebus ostentationis meæ; & detester illud quasi pannum menstruatæ, & non portem in diebus silentij mei. Denique adeò mirabilis, adeoque supra communis naturæ vim hæc morum & animorum mutatio est, ut per eam sancti viri mirabiliter in fide confirmantur: cum ex huius operis dignitate efficientis causæ præstantiam & dignitatem intelligant. Tantam enim affectuum omnium mutationem, tantum earum rerum odium, quas antea deperibant, tantam in spiritualium rerum commentatione suavitatem, quas antea fastidiebant, tantam in diuinorum mandatorum obseruatione facilitatem, quam antea difficillimam iudicabant, tantum in amore erga Deum feruorem & incendium; in quo antea tantopere frige-bant, sentientes, intelligunt planè hanc tam subitam rerum commutationem magnum diuinæ virtutis & potestatis signum & argumentum esse. Quo deinde colligunt, veram esse illam fidem & religionem, in qua tam multis argumentis diuina virtus & operatio cernitur. Si enim Syrus ille Naaman, ubi se subito ab incurabili lepræ morbo curatum vidit, solum Israelitarum verum & omnipotentem Deum esse indubitata fide credidit (ex effectus videlicet dignitate causæ dignitatem & omnipotentiam colligens) quid mirum, si, qui à tot morbis animæ, tot prauis cupiditatibus, quas nulla humana rationis medicamenta curare poterant, se diuino munere liberum agnoscit, illum esse verum Deum, verumque animarum medicum certissimè credat, qui ea, quæ humana arte curari non poterant, virtute sua sanauit? Si enim hodierna die discipulorum fides confirmata fuit, ubi aquam in vinum commutatam viderunt: quid mirum, si fides illius augetur & ro-

bora-

boratur, qui se diuino munere in alium quodammodo virtum
priori diffimillimum transformatum cernit?

Ex iis autem quæ à nobis hæcenus dicta sunt, facile appa-
ret, quantum illi caueant, qui diuinæ legis obseruatione dif-
ficilem, & laboris plenam esse causantur, ideoque vehementer
ab illius custodia detereretur. Hoc enim fortasse homines ante
seruatoris Christi aduentum causari potuissent: at vbi is in
mündum venit, vbi frigidam legis aquam in vinum Euangelij
commutauit, vbi tam multis precibus ac laboribus, tam multo
sanguine in cruce fuso, cælestem nobis grâciam promeruit, per
quam ægram naturam sanauit, & cælesti Spiritu mentibus no-
stris infuso, cor à nobis lapideum sustulit, & cor carneum con-
tulit; quis iam diuinæ legis difficultatem merito causari pore-
rit? Antequam imprimendorum librorum ratio inuenta esset, Simile.
seruus ac longissimus labor erat vel vnum scripsisse codicem:
at typis inuentis, minimo iam negotio innumerabiles passim
libri confectuntur. Sic igitur ante Christi aduentum difficile
admodum erat, viam mandatorum Dei ingredi, quæ multis
erat difficultatibus impedita: at vbi tam multa is ad hoc nobis
adiumenta contulit, vbi iuxta Prophetarum vaticinia praua
in recta, & aspera in vias planas commutauit, quisquis asperi-
tatem viæ causatur, Prophetas, Spiritu Dei plenos, mendacij ar-
guit: Itaque, fratres, metum hunc inanem ponite, & fidenter
vos Christo formandos, imò & transformandos committite:
sic enim fiet, vt in vestris moribus hanc mirabilem animorum
metamorphosim experiamini.

I.

Ex hac autem legis mutatione, homines quoque legis obser-
uantes cum ipsa etiam mutati sunt. Quia enim, omne agens
(vt Philosophi aiunt) agit sibi simile: ideo qualis lex est, tales
vtique cultores suos efficit. Lex erga illa, quæ imperfecta erat,
& ceremoniarum, operibus externis magna ex parte constabat,
carnaliaque bona cultoribus suis pollicebatur, similes quoque
sibi filios generabat: qui videlicet carnalibus ac terrenis opibus
circumflueret, qui multis vxoribus ac numerosa filiorum sobole
redondarent. Hæc enim erant, quæ lex illa cultoribus suis par-
tim permittebat, partim etiam promittebat. At Euangelica lex,
quæ spiritualis ac cælestis est, eos, qui se totos illius studio pe-
nitros dederunt, spirituales homines & cælestes facit: qui vi-
delicet minimū cum terra commercium habeant: qui, quæ sur-
sum sunt, sapiant, nō quæ super terram: qui ad cælestia semper
aspiciunt, & cælestia meditentur: qui terrenas opes & honores
adeo non quærant, vltro etiam oblatos repudient: ac de-
num qui in hac peregrinatione solo corpore constituti, cogita-

tione

tione & audire in illa æterna patria conuerſentur. Tales autem
 rem Apoſtoli fuerunt, qui alimento, & quibus tegerentur, con-
 renti, nihil præterea ex hoc ſeculo requirebant. Tales etiam in-
 numerabiles illi Patres, qui incultas ſolitudines, & loca deſerta
 incolentes, ut radices in cælo iacerent, ſolis herbarum radicibus
 in terra victitabant. Tales denique omnes Apoſtolici viri, qua-
 lis beatus Franciſcus exſtitit, qui ſimplici & vili tunica cõuen-
 tus, nihil aliud ex hoc mundo habere voluit. Hoc verò nouum
 genus hominum, nouamq. viuendi rationem prævidens in ſpi-
 ritu Propheta, admirans ait: Qui ſunt iſti, qui ut nubes volant,
 & quaſi columba ad fenestras ſuas? Quaſi diceret: Qui ſunt
 iſti noui homines, adeo à terrenarum rerum amore abſtracti,
 adeo ſupra communem hominum vitam elati, ut nihil terre-
 num habere velint, nõ uxores, non liberos, non familiam, non
 opes, nõ honores, non deniq. aliquid eorum quæ homines ter-
 ra manq. conquirunt: ſed ab omnibus his liberi atq. ſoluti, tan-
 quam mundo mortui, & velut in carne ſine carne viucentes, in
 cæleſti regione cõuerſantur? illic obambulant, illic paſcuntur,
 illic theſaurizant, & illic tanquam ſpirituales nubes à terra ele-
 uari, terram ipſam partim orationibus, partim exemplis inſpi-
 rituſq. viuendi, veluti ſalutaribus aquis irrigant & fecundant?
 Vix agnoſcit hoc genus hominum vetus lex in qua licet multi
 fuerint viri ſanctiſſimi, quales nõnulli Reges & Patriarchæ ex-
 ſtiterant, ſed tamen ex eis multi & vxoribus, & liberis, & peco-
 rum gregibus, & magnis opibus abundabant: qualis ſcilicet ille
 omnium credentium pater Abraham exſtitit, qui ex ſolis vere-
 naculis, quos domi alebat, exercitum cogere potuit? Qui ergo
 ſunt iſti, qui, terrenas opes abiicientes, in humana ſpecie atque
 habitu cæleſtes animos gerunt; quiq. veterem hominem cum
 actibus ſuis exuentes, nouum, qui ſecundum Deum creatus eſt,
 induerunt? Hanc igitur tantam mutationem huius diei mira-
 culum repræſentat; de qua ſic D. Emiſſenus ait: Aquis hydra
 implentur: & cum exterius eadem ſpecies maneat, ea, quæ
 interiùs ſunt, nobili à ſe comparatione degenerant: quando
 eum peccato natus, ſine peccato renaſcitur; prioribus perit,
 ſuccedentibus proficit; deterioribus exiit, in melioribus in-
 nouatur; & præterita, viſitare depoſita, noua induitur dignita-
 te. Hoc ergo nobis innuit huiusmodi aquæ in vinum commu-
 tatio, quæ homines ex frigidis ſeruentes, ex carnalibus ſpi-
 rituales, & ex terreſtis cæleſtes, atq. adeo ex humanis diuinos fa-
 cit. Hac enim de cauſa Deus & ad terram deſcendit, & homo
 factus eſt, ut huius tantæ humilitatis merito & exemplo ho-
 mines, carnali viſitate depoſita, in Dei filios transformaret.
 Maius enim ſuit Deum ita ſe ad noſtra demiſſe, quàm hoc
 mineti

ſicut 60.

 yuſebius
 Emiſſ in
 homil.

hominem secum ad diuina eleuasse. Cum ergo videamus factum esse quod maius est; nequaquam dubitandum est, fieri iam posse quod minus est. Hoc autem tacite sanctus Euangelista insinuasse videtur: qui ubi dixisset; Christum Dominum filiorum Dei nobis dignitatem contulisse; ne cui hæc tanta dignitas incredibilis videretur, subiicit aliud longè mirabilius, quo huius rei fidem faceret in eum Verbum Dei carnem factum esse, & in nobis habitasse. Quo in loco qui Græcam lectionem curiosius perferuntur, aiunt hunc locum ad hunc modum reddi potuisse: Siquidem Verbum caro factum est, &c. Vt videlicet particula, Siquidem, causam reddat eius sententiæ quæ præcesserat, qua dicitur, nos Christi Domini meritis ac virtute filios Dei effectos fuisse. Quid ergo mirum, si caro diuinitati iungatur, cum diuinitatis celsitudo carni iuncta fuisse memoretur? Quid autem hæc dignitate & mutatione mirabilius? Verè hæc mutatio dextera excelsi. Hic enim Christus hominem de substantia pulueris in Angeli statum prouehit, & terrenæ substantiam celo inserit, & in immortalitatem figmentum mortale transcribitur. Denique multo mirabilior hæc hominis transformatio, quam formatio est: quandoquidem longè maius est hominem ad Deum attollere, quam eum ex nihilo condidisse.

III.

Supereft tertia mutatio (quæ harum omnium causa existit) qua non modò lex, sed ipse etiam legislator (si dici fas est) per Christum quodammodo mutatus est: mutatus, inquam, non naturæ varietate, sed (vt ante diximus) beneficiortum largitate. Summa enim illa natura, quæ ex se inuariabilis est, varia tamen pro variorum operum ratione nomina sortitur. Olim quidem, cum horrendis suppliciis facinorosos homines plectebat, terribilis frequenter appellabatur. Sic enim legimus: Terribilis & ei qui aufert spiritum principum, terribilis apud Reges terre. Et iterum Moyses populo pestem & exitium minatur: Nisi timeris, inquit, nomē eius terribile & gloriosum. Alii quoque adhuc seueriori eum nomine Propheta appellat, cum ait: Deus ultionum Dominus, Deus ultionum liberè egit. At qui tunc appellabatur Deus ultionum, modò Pater misericordiarum, & Deus totius consolationis ab Apostolo nuncupatur: quem alibi quoque Deum pacis & dilectionis appellat. In quam sententiam multa congerere possem, quæ essent piis hominibus, ac præsertim timoratis conscientis gratissima: sed dedita opera prætereo; ne, dum timoratis consulo, præsumptuos noceam; quibus in hoc misericordia Dei prædicatur, vt ex ea licentius peccandi ansam arripiant: quam obrem indigni sunt, quibus hoc tam lætum diuinæ miserationis nuncium euangelizetur.

Quòd si quæras, unde hæc adeò miranda in Deo pietas & clementia, unde tanta charitas & benignitas? Constat planè hoc etiam, sicut & cætera dona, Seruatoris nostri beneficio contigisse. Quia enim ipse propter homines homo factus, caput hominum effectus est, eosque in mystici corporis sui vnitatem arctissimo charitatis vinculo copulauit: non mirum si ubi vnum cum Christo effecti sunt, adeò clementer & amantèr à Deo Patre respiciantur. Hoc enim Filius à Patre petiit, cum ait: Vt dilectio, qua dilexisti me, sit in ipsis, & ego in ipsis. Rursumque: Rogo Patrem, vt omnes vnum sint, sicut tu Pater in me, & ego in te: vt & ipsi in nobis vnum sint. O verba aurea, suauitatis & misericordiæ plenissima: quibus cum omnes mundi opes & imperia collata, fumus & umbra sunt! Quid enim hac spirituali vnitatem, quid hac Dei dilectione sublimius? quid mirabilius? Ab huius enim dilectionis magnitudine prodit illa Domini per Isaiam vox: Ex quo honorabilis factus es in oculis meis, & ego dilexi te. Tunc verò honorabilis & amabilis coram Deo homo factus est, quando vnum cū Christo (tanquam vinum eius membrum) effectus est. Ex hac autem noua dilectione, noua beneficia atque munerà, veteribus longè dissimilia, in homines conferenda, idem Dominus per Hieremiam pollicetur his verbis: Sicut vigilavi super eos vt euellèrem, & demolirer, & dissipàrem; sic vigilabo super eos, vt ædificem & plantem, ait Dominus. Vides igitur Deum, non quidem natura, sed munerum largitate mutatum: vt pote qui, cum antea euelleret ac disperderet, diuerso more nunc ædificet & plantet? Huc pertinet illa quoque Prophete vox, qua seruos suos Dominus aliò se vocaturum nomine pollicetur: Seruos (inquit) tuos vocabit nomine alio, vt pote qui eam mentem & spiritum, eosque mores illis inspirare debeat, vt, priori nomine antiquato, nouo nomine appellandi sint. Videtis hinc variam diuinorum operum mutationem? videtis aquam in vinum commutaram? Quam quidem mutationem Christi gratia & beneficio hominibus contigisse. Apostolus testatur cum ait: Qui gratificauit nos in dilecto Filio suo, in quo habemus redemptionem per sanguinem eius, remissionem peccatorum, secundum diuitias gratiæ eius. Hoc ipsum Regius Propheta in eo versu significauit, quem quidam iuxta Hebræicam veritatem ad hunc modum verterunt: Quoniam Domini est clypeus noster, & sancti Israel Rex noster. Vbi enim seruorum Dei opes exulisset, dicens: Beatus populus qui scit iubilationem: Domine in lumine vultus tui ambulabunt, & cætera quæ sequuntur: protinus tantorum bonorum causam subiecit, dicens: Quia Domini est clypeus noster, & sancti Israelis Rex noster. Quem

locum.

Isaie 43.

Hier. 31.

Isaie 65.

Ephes. 1.

Isaie 26.

locum interpres quidam ad hunc modum explanat: Cur Dominus tam beneuolus & liberalis est aduersus homines pios? Quia Regem & clypeum illorum charissimum habet. Is Christus est; ad cuius præcipuè tutelam & regnum pertinent homines sancti omnium seculorum. Hos Deus propter Christum suum ab omni æternitate sibi filios adoptauit: quos autem, antequam nascerentur, adoptauit, hos in lucem editos ad pietatem vocat: vocatisque iusticiam primùm, deinde vitam immortalem donat. Itaque si quis omnis memoriæ pios interroget, cur habuerint acque habituri sint Deum fauentem & propitium; sine dubio respondeant: Quia Domini est clypeus noster, & sancti Israelis Rex noster. Quod si quis extra tutelam & regnum Christi est, is neque Deo charus, neque saluus esse poterit, vt auctor est D. Petrus in Actis Apostolorum. Sed ne quis, hac tanta gratia elatus, omnia sibi licere putet, meminerit hæc dona ad viuam Christi membra potissimum pertinere. Viua autem sunt, non quæ fidem mortuam habent, sed quæ charitatis etiam glutino illi adiuncta sunt. Meminerint etiam hanc tantam gratiam non fiduciæ solum, sed timoris etiam incitamentum esse: cum Dominus dicat: Cui multum datum est, multum exigitur ab eo. Qui enim (vt D. Emissenus ait) tantum dedit, scit quantum repositat. Quod quidem argumentum cõfirmat Apostolus ad Hebræos, cum ait: Propterea oportet nos diligentius obseruare ea quæ dicta sunt, ne forte peresfluamus. Si enim qui per Angelos dictus est sermo, factus est firmus; & omnis transgressio & inobedientia iustam accipit mercedis retributionem: quomodo nos effugiemus, si tantam neglexerimus salutem? Quid enim in extremo illo ac tremendo die miser homo in scelerum suorum excusationem prætexere poterit, cum, quidquid ad eius salutem necessariū erat, plenissimè & cumulatissimè à Domino Salvatore illi præstitum sit? Quamobrem, fratres, vt Apostoli verbis vtar, ne quæso in vacuum gratiam Dei recipiatis, nec hanc tantam temporis commoditatem vacuum abire sinatis, neque his tam magnificis donis (quibus Christi virtute terreni homines in caelestes euadunt, & velut ex frigida & insuauis aqua in pretiosum vinum permutantur) per inanem fiduciam, ad socordiam & negligentiam abuti velitis: sed contra his beneficiis adiuti, & Euangelicæ gratiæ vino inebriari, ad caelestes epulas & nuptias transire mereamini, præstante Domino nostro Iesu Christo, qui est benedictus in secula seculorum. Amen.

Eusebius
Emiss.

Hebr.

DOMINICA SECVNDA POST
OCTAVAM EPIPHANIE, CONCIO PRI-
ma: in qua lectio Evangelica explanatur.

THE. *Cum descendisset Iesus de monte, secuta sunt eum turba multa.* Matth. 8.



HODIerna sancti Evangelij lectio, quæ nobis ad explicandū proposita est, duo cōtinet miracula pietatis & misericordiæ diuinæ plenissima. Quæ quamuis nudam sonare videatur historiam, magnis tamen mysteriis (vt paulo post videbimus) sunt referta. Ne verò series historię, interposita eorum tractatione, frequētius abruptatur; eam, quàm breuissimè potero, totidem penè verbis explicabo. Ait igitur sanctus Euangelistæ:

Cum descendisset Iesus de monte, secuta sunt eum turba multa: Et ecce leprosus veniens adorabat eum, dicens: Domine, si vis: & cætera quæ sequuntur.

AVE MARIA.

Incar-
nationis
opus ex-
citæ ad
amorem.

Cum descendisset Iesus de monte, secuta sunt eum turbæ multæ. In monte quidem Dominus diu confederat, vbi & sermonem illum omni laude dignissimum (in quo tota penè Evangelicæ philosophiæ summa continetur) ad discipulos habuit. Quàm diu verò in hoc edito & excelso loco moratus fuit, nullus ad eum ex confertissima illa turba accessisse legitur: at vbi ad planiora & humiliora loca descendit, multæ illum turbæ secutæ esse perhibentur. Quæ res mysterio & quidem amplissimo non vacat. Quid igitur hoc est? Nimirum quàm diu Dominus in augustio illo & sublimi dignitatis suæ monte ita residebat, vt ad nos per susceptionem carnis minimè descendisset; quàm diu habitabat in illa inaccessibili luce, in illa maiestate & gloria, vnde furoris & iustitiæ suæ tela in improbos & sceleratos homines torquebat, diluvium mūdo impiorum inducens, pauci admodum illum sequebantur: pauci enim erant qui illum pro meritis diligerent, colerent, & vererentur. At vbi inclinavit celos & descendit: vbi se ad infima nostra deiecit: vbi à celsitudine sua ad humilitatem nostram, à maiestate sua ad vilicarem nostram, à severitate sua ad lenitatem descendit: vbi Verbum Dei caro factum est: vbi summa illa pulchritudo deformata, lux illa splendidissima obscurata, omnipotens illa virtus infirmata est: denique vbi ab altissimo illo monte ad in-
fima

fima nostra se inclinavit, secuta sunt eum turbae multae. Tunc enim gravissimo antea somno mundus oppressus oculos in caelum sustulit, tantumque Dei erga se bonitatem, charitatem, lenitatem & misericordiam vehementer admiratus, illum toto corde diligere, colere, sequi totum illius obsequio tradere coepit. Hac enim tam stupenda dignatione hominum ad se corda per amorem traxit. Sed quibus machinis quibus funibus? Certè summo hoc beneficio, summisque amoris & benignitatis sue argumentis. Hi enim sunt illi funes, de quibus per Prophetam idem ipse Dominus ait: In funiculis Adam traham eos, in vinculis charitatis. Quo in loco ubi nos legimus Adam, Hebraei legunt, hominum: atque ita sensus est: Traham eos ad me, non qua ratione indomiti tauri atque ferae funibus ligatae trahuntur, sed qua homines, beneficiis allekti, ad benefactoris sui amorem incitantur. Generosus quippe est animus hominis, & potius ducitur quam trahitur. Traham ergo eos ad me, non eo modo quo antehac trahere conatus sum; videlicet terroribus, minis, atque verberibus, quomodo trahi iumenta solent, quae, cum ratione careant, metu virgaque aguntur: sed potius amore, misericordia, donis atque beneficiis, quibus eorum animos vinculis amoris plusquam ferreis ad me traham. Quod plane omnibus Sanctis, ac praecipue martyribus evenisse certamus; quos nec minae, nec vincula, nec gladij, nec rotae, nec acerbissimae crucis, aut immanissima tormenta Christi amore diuellere poruerunt. Plus itaque Domine effecisti humilitate quam maiestate, plus amore quam timore, plus misericordia quam severitate, plus beneficiis quam plagis, plus deiectione humanitatis quam celsitudine diuinitatis: quod certè ingenti admiratione non vacat. Cum enim diuinitas tua sit veluti purum & immixtum vinum, humanitati verò coniuncta ceu vinum aqua dilutum: mirum profecto est, vinum hoc magis mentes hominum amore inebriasse: humanitatis aqua dilutum, quam cum omnino purum circa humanitatis coniunctionem fuit.

Osee 2.

Simile.

Videtur ergo, fratres, quam amabilem se nobis Saluator exhibuit, cum hoc modo ex monte descendit. Nec amabilem solum, sed etiam (quod maxime ad salutem nostram pertinebat) imitabilem. In his enim duabus rebus summam felicitatis nostrae positam esse, summus philosophorum Plato non semel affirmat: nempe in Dei amore & imitatione. Quid enim vel sublimius, vel diuinius, quam summam illam diuinam mentis puritatem amore cōplecti, & imitatione consequi, quorum utrumlibet hominē quodam modo transformat in Deum? Tollis enim quousque efficitur, quale id est in quod amore & imitatione fertur. Constat autem hoc in primis Deum à nobis exigere,

Incarnationis opus excipit, dicitur imitatio nem.

Significat Deum

Matt. 5.

Phil. 3.

ut illum imitemur, illique, quoad fieri possit, similes efficiamur. Hinc illa Domini tones in lege repetita admonitio: *Sācti estote*, quia ego sanctus sum. Et in Evangelio: *Estote, ait, & vos perfecti*, sicut & Pater vester cælestis perfectus est. Et Apostol. Paulus: *Estote*, inquit, imitatores Dei, sicut filij charissimi. Vteris quodque philosophiæ præceptum illud memoratur, quod est ē sanctis literis sumptum; nempe, Deum sequere. Itaq. (ut etiam sapientia Græca tradit) Deus nobis summa vigilantia & alacritate sequendus est. Quomodo verò imbecillus homo, qui corporis (quò nihil est fragilius) sarcinam circumfert, Deum imitari poterit, quē non videt? Nam & videre necesse est quod imiteris, & assequi etiam posse quod videris. Quorum utrumque longissimè aberat ab homine, qui nec imbecillus summam diuinæ mentis assequi virtutem, nec cæcus, & mortali corpore inclusus, clarissimam illam lucem videre poterat, quam nullo pacto corporeis oculis possumus vsurpare. Sed fortē dices: Ex naturæ operibus admirandis poterat naturæ auctor agnoscī. Rectē mones. Sed illud etiam velim adicias; Quo tādē modo illum imitari debeo? tubes ut ipse cælum aliud, atq. terram aliam, & animantia atq. sidera faciam? Non, inquis: sed virtutem imitare. Eam igitur virtutem, quam imitari percipio, propius inuēri volo. Aliter enim quæ virtutis ratio illi cordi sit, explicare non satis potero. Ne id igitur homines desiderarent, fuit immen'sæ Dei benignitatis & sapientiæ cōsentaneum, ut Deus sub humana forma se ad homines docendos daret: ut non solum oratione iustitiæ disciplinam traderet, sed etiā sanctissima vita & factis egregiis eam vberius explicaret, nosq. ad eam sectandā exemplo suo acrius incitaret. Quid verò aliud in vita eius innocentissima, & morte acerbissima cernere licet, nisi eximias & singulares eius virtutes, quas imitari debeamus, nempe charitatē, humilitatem, lenitatē, patientiam, obedientiam, misericordiæ viscera, rerum omnium nuditatem, mundi cōtemptum, salutis humanæ desiderium, orationis studium, ceterasque virtutes, quæ in eo velut pretiosissimæ margaritæ mirabiliter eluxerunt? Vbi ergo Dominus hac ratione de diuinitatis suæ monte ad humanitatis nostræ humilitatem descendit, & se tanquam certissimā viuendi formam omnium oculis spectandam proposuit; tunc illum secutæ sunt turbæ multæ; tunc homines hominem sequi potuerunt, quem antē Deum sequi recusabant. Hoc igitur, fratres, perpetuum studium nostrum sit, huc omnes curas & cogitationes nostras cōferamus, ut Christum Dominum, quatenus licet, in omnibus sanctissimæ vitæ suæ actionibus imitemur, eumq. tamquam absolutissimum virtutis exemplum nobis ad imitandum proponamus.

Sed

Sed est aliud, quod in hac ipsa imitatione considerandum est. In illa enim sacra humanitate sunt quædam opera virtutum ardua, vt pote excellentissima illa sanctitate & maiestate digna: sunt & alia faciliora, ad quorū imitationem humana infirmitas magis adipirare possit. Qui ergo perfecti sunt, quantum eis per Dei gratiam licuerit, omnes eius virtutes in se ipsis adumbrare nitantur, deniq. operam, vt sequantur Agnum quocunq. ierit; hoc est, non solum cum ad planiora descendit, sed etiam cum in ardua & montana conscendit: quomodo illum Apostolus sequebatur, cuius illa vox est: Imitatores mei estote, sicut ego Christi. Hic enim verè sequebatur Agnum quocunq. iret, per gloriam & ignobilitatem, per infamiam & bonam famam, per copiam pariter & inopiam. Felix profectò, & nimium felix, qui Christi Iesu vestigia hoc studio sectatur: qui suauissimo vnguentorum eius odore perfusus, post illum sursum ascendit, cum cælestium rerum pulchritudinem per orium cõtemplatur; rursumq. cum eo de monte descendit, cum officia charitatis & pietatis omnibus impendit, cum omnium secuit vtilitati, cum paupertatem diligit; cum pro eo & cum eo alget, sicut, esurit, & cum eo denique omnes labores, ærumnas, & acerbitates libenter sustinet. Hæc nobis proposita sit forma viuendi, cogitatione & auiditate in cælesti patria versari cum Christo, & in ærumnosa hac peregrinatione nullum charitatis officium recusare pro Christo, quorum alterum altero mirificè iuuatur. Vt enim D. Gregorius ait: Tunc mirabiliter in altum charitas surgit, cum ad ima proximorum se misericorditer inclinat: & quo benignius descendit ad ima, eo potentius recurrit ad summa.

1 Cor. 4.

2 Cor. 6.

Gregori.

Cæterum quisquis ita infirmis est viribus, vt non possit sequi Christum ardua petèrem, det operam vt illum sequatur è môre descendente: tunc enim sequutæ sunt illū turba multe. Hoc est, si non potes Christum sequi, cum quadraginta diebus & noctibus ieiunat in deserto (quomodo illum sequuti sunt Moyses & Helias) sequere saltem illius parsimoniam & sobrietatem, quando cum peccatoribus & publicanis parcissimè edit & bibit. Si non potes totam noctem cum illo peruigil in oratione manere, subtrahere saltem aliquid somno, & summam saltem diluculo orationi cum illo in templo vaca. Si non potes extremam præsepis eius & stabuli paupertatem imitari, in hoc saltem imitari stude, vt, tua sorte contentus, necessaria solum quaeras, non superuacanea perquiras. Si non potes summam illam obedientiam exprimere, quæ ad crucis vsq. mortem processit; sequere in hoc saltem, vt spiritualem crucem, hoc est carnis tuæ mortificationem, iugiter in corpore tuo circumferas.

in illis
persequi
vigilia
3
persequi
obediencia

*Charitas**Ezech. 29.**fluvius**Gen. 2.**in medio**speculum**Simile.**3 Cor. 9.**Cap. 13.*

Si non potes supremam illam charitatem referre, quæ ad hoc pervenit ut vitam & sanguinem pro humana salute profunderet: da operam ut ad eam saltem pervenias, quæ pauperibus & egenis panem suum benignè largitur. Hoc est enim Christum, cum ad planiora descendit, cum turbis sequi: quando illum ad superiora adscendentem, cum Apostolis sequi non potes. Christus enim Dominus fluvius ille mysticus est, quem Ezechiel Propheta vidit, cuius vada non uno gurgite fluunt: in quo & agnus ingreditur, & elephas natare possit. Idem etiam arbor vitæ est, in medio sita paradisi, in qua & alti & humiles rami sunt: ut ad illos aves celi, ad hos verò statuta pusilli, hoc est, infirmi homines pertingere valeant. Is denique virtutum omnium pulcherrimum speculum & absolutissimum exemplar est: in quo & perfecti viri habet quæ imitentur, & imperfecti quæ mirentur. Sicut enim in summa illa natura, quæ Deus est, rerum omnium conditarum species & formæ (quas ideas vocant) existunt: ibi enim & supremi Seraphini & exigui vermiculi idea cõspicitur: ita in speculo virtutum omnium Christo, & quæ summi viri, & quæ infirmi etiam imitari possint, reperiuntur. Vade ipse de se longè verius cum Apostolo dicere potest: Omnibus omnia factus sum, ut omnes facerem saluos. Cuius rei effigiem vestis olim summi Sacerdotis gerebat, in cuius podere totus orbis erat descriptus, ut Sapientiæ 18. legimus. Quo designabatur, summum & æternum Sacerdotem Christum sicut omnium Salvatorem, ita virtutum omnium & magistrum & exemplar absolutissimum esse: cuius rei gratia seipsum fidelibus cunctis apravit & imitabilem proposuit. Vade ipsum aliquando legimus, quo persequendum inimicorum iram declinaret, sese occuluisse, quod infirmis speciem præ se ferre videbatur: & ante acerbissimam mortem suam expavisse, & gravi affectum fuisse tristitia, & illas iactasse voces: Spiritus quidem promptus est, caro autem infirma. Sciebat enim futura membra infirmiora, quibus hoc exemplo & solatio opus esset. Sunt enim in domo Patris eius mansiones multe, perfectioribus & infirmioribus destinatæ: sunt multa & varia corporis eius membra, quorum ea felicitiora sunt, quæ nobilioribus officiis destinantur. Omnia tamen, quamvis infirma sint, nobilissima sunt, & ad idem caput, idemque regnum eius pertinentia. Sed iam tempus appetit, ut cum Domino ad planiora descendentes, quid in his locis gesserit, audiamus.

I.

Ecce, inquit, leprosus veniens adorabat eum, dicens: Domine, si vis, potes me mundare. Perfectissimè in hisce verbis proponitur nobis orationis exemplum. Multum enim ad impetrandum referre quo-

quomodo ores, D. Iacobus in Epistola sua testatur, cum ait: Petitis, & non accipitis, eo quod male petatis. Quomodo ergo bene petemus? Certè leprosus hic nos hanc artem plenissimè docet: qui nequaquam fuisse adeo celeriter exauditus, nisi perfectissimum orandi formam tenuisset. Primum igitur cum magna humilitate orauit: qui (vt Marcus ait) procidens in faciem suam, & adorans Dominum, suppliciter illi petitionem suam proposuit. Quantum autè vera cordis humilitas ad impetrandum valeat, declarant illa Prophetæ verba: Respexit in orationem humilium, & non spreuit precem eorum. Et illa rursum: Quoniam tu populum humilè saluum facies, & ocu-
 los superborum humiliabis. Leo animal generosum, nisi fame
 vrgeatur, prostratis parcere dicitur: quod ingèris animi esse de-
 clarant illa Poëtæ verba:

*Quo quisque est maior, magis est placabilis ira,
 Et faciles motus mens generosa capit.*

*Corpora magnanimo satis est prostrasse leoni:
 Pugna suum finem, cum iacet hostis, habet.*

*At lupus, & turpes instant morientibus urfi:
 Et si quæ minor est nobilitate fera.*

Si hæc igitur placabilitas veræ nobilitatis propria est; quid faciet infinita illa & summa nobilitas, vbi se supplex homo ante illam demiserit? Quid in quâ faciet ille, qui vbi Achab impiissimum Regem, & iam morti destinatum, supplicem & abiectum vidit, Eliæ admirans ait: Vidisti Achab humiliatum coram me? Vade ergo & denuncia ei, mala, quæ illi interminatus eram, nequaquam eo inspersite ventura. Videte (quæso) quantum in sceleratis etiam hominibus animi submissio apud Deum valeat. Addit etiam leprosus humilitati egregiâ fidem, quæ tantam ad impetrandum vim habet, vt Dominus dicat: Quidquid orantes petitis, credite quia accipietis, & fiet vobis. Fides autem eius in hoc apparet, quod nō dixit: Si quid potes, adiuua nos, misertus nostri, vt alius quidam dixerat; sed id solum dixit, quod vni tantum Deo conuenit, nempe: Si vis, potes me mundare. Solius quippe Dei est, parem voluntati habere potentiam, de quo scriptum est: Subest tibi cum volueris posse. Quid quod ne id quidem periit, vt verbo iuberet, quemadmodum Centurio poposcit? sed solum, vt id veller, obsecrauit: Domine, ait, si vis, potes me mundare. Quasi diceret: Non dubito de potestate, sed de sola voluntate: nec de voluntate quidem, sed de sapientiæ tuæ iudicio. Scio te omnipotentem, scio summum bonum esse. Quod si summum bonum es, amas ergo omne quod bonum est. Ceterum, an hoc mihi bonum sit, ignoro. Caro quidem mea bonum esse suggerit, spiritus autem

Iac. 4a

Mar. 5.

Psal. 109.

Psal. 87.

simila

2 Reg. 26.

Mar. 16.

Matt. 7a.

2ap. 12.

autem meus hæret ac dubitat. Tu ergo, Domine, cuius ut infinita bonitas & potentia, ita summa sapientia est, quid mihi expediat, nostri: ideoq. supplicii fidenti q. animo hanc tibi causam committo, tuæq. me totum voluntati dedo. Qua in re, fratres, coniunctam fidei & humilitati obedientiã videris. Obedientiã namque est, voluntatem propriam diuinæ voluntatis beneplacito atque dispositioni subicere. Hæc autem obedientia humilitatis atque fidei legitima proles est: eademque perfectæ orationis inuicidua comes esse debet, ut, si quid à Deo petierimus, diuinæ voluntati nos ipsos plenissimè subiiciamus. Cum enim quid oremus, sicut oportet, nesciamus; causam nostram illius fidei & prouidentię committamus, neque nobis aliquid nostro iure vendicemus.

Hæc tria sunt, quæ in precationibus nostris seruare leprosi huius exemplo debemus. Primum enim nos ante supernâ illam maiestatem, quoad fieri possit, demitramus: indignos nos esse proficientes, qui ante illius tremendę maiestatis cõspectum apparere, cum eo loqui, & illius opem implorare mereamur. Tum fiducia de eius miseratione succedat, quam quidã futuri beneficii velut arram quandam esse prudentissimè dixerunt: quæ quidem per humilitatem iacentē atq. demissum animum erigat, quæq. omnia sibi secunda de diuinæ misericordiæ locupletissimo thesauro polliceatur. Talis enim fiducia illius sanctę femine fuit, de qua scriptũ est, quod, ubi deuotissima supplicatione filium à Domino postulasset, vultus eius non sunt in diuersa mutati: quia, ut D. Augustinus hoc in loco ait, nunquam amplius de diuina misericordia, & orationis suæ efficacia dubitauit. Itaque duæ istæ virtutes, quæ inter se quodãmodo pugnare videntur, in vnum copulandæ sunt, humilitas & fiducia: quarũ altera nihil se omnino mereri facetur, altera omnia se impetraturam confidit. Nequaquam tamen inter se pugnant: quia per alteram se ipsum homo inuens, indignum bonis omnibus pronunciat: altera verò oculos in Christum tollens, omnia sibi secunda eius meritis innixa pollicetur.

Postremo cum corporis incolumitatem, ac huius temporis bona petimus, ita ea petamus, ut, quoniã quid nobis expediat ignoramus, totum hoc diuinę voluntati, atq. paternę eius prouidentię relinquamus: nihil illi prescribentes, nullum certum siue tempus, siue locũ, siue subueniendi modum designantes. Sunt enim qui hæc omnia in oratione sua Deo veluti prescribũt quasi is vna solũ ratione nobis opitulari, & rebus nostris consulere possit: cum illi tamen mille ad iuandos homines vigæ atque rationes pateant. Melius planè leprosus hic, qui, quamuis morbo illo grauissimè laboraret, non tamen obstinato ani-

si casti-
turi ne-
cessitã fi-
ducia.

Reg.

August.
in Media.

Temporibus
quibus
petenda.

mo salutem petiit: sed diuinę voluntati se totum commisit.

Cuius petitioni Dominus annuens, *extendit manum suam, tetigitq; illum, dicens: Volo mundare. Et confestim mundata est lepra eius.* Cur Dominus leprosum tetigit, cum solo verbo sanare posset? Primum, vt, quo affectu & obsequio erga eos qui contagiosis morbis laborant, esse deberemus, exemplo suo doceret: quod quidē misericordię opus adeo ipsi gratum est, vt D. Franciscus in testamento suo, in quo omnes opes suas, hoc est, omnia Dei dona commemorabat, hoc ipsum primo loco posuerit, quod Dominus illi gratiam leprosis alacri animo seruiendi dedisset: ita vt quod illi antea erat horrore, iam summa esset voluptas.

Deinde, quoniam morbo leprę peccatum mysticę designatur: tactu manus suę significare voluit, neminem a peccati lepra, nisi Dei ipsius ope adiutum, & quasi saluari eius manu tactum, sanari posse. Vsq; adeo enim peccatum miseram inficit & debilitat animam, vsque adeo diaboli seruituti & potestati addicit, vt nisi singulari Dei ope & virtute ab eo emergere nemo possit. Ille enim draco magnus, qui in animis improborum hominum commemoratur, ita caudę suę voluminibus mileros strinxit & implicat, vt nisi omnipotentis Dei ope elabi & explicari inde nō possint. Vnde in libro Iob scriptum est: Obstetricante manu eius, eductus est coluber tortuosus. Rectissime autem dictum est, Obstetricante: quemadmodum enim vt gra-

*imperit
& obliuiscitur*

uida mulier scorum producat in lucem, necesse est obstetricem adesse, quę erittem opera & arte sua iuuat: sic etiā vt mens Deo grāda propositum vite melioris, quod animo concepit, in lucem edat: vt virtutis nouum sortum producat: vt plorata ferrea diaboli vincula dissoluat: vt prauę consuetudinis catenam frangat: vt libidinum ceterarumq; voluptatum compedes, quibus est vincta, rumpere valeat: non quauis obstetrice, sed ipsa omnipotentis Dei manu obstetricante indiget: sine qua omnis humanus conatus frustra suscipitur. Cui rei D. Augustinus erit exemplo: qui tot annos ante conuersionem suam cruciabatur vt pareret, nec tamen peperit, quousque hæc omnipotentis Dei manus illi adfuit. Antea verò quot assus perculit? quot angores? quot fluctuantis animi turbines atq; procellas? quoties spem abiecit? quoties velut in medio iam itinere constitutus restitit? quoties se ipsum aliorum exemplis adcastitatis virtutem exstimulauit, & contra consuetas libidines decertauit? quas tamen tunc demum superare facile potuit, cum hic efficax diuinę opis contactus adfuit. Quam rem hoc in loco Dominus designauit, cum insanabilem leprę morbum medicę manus sue tactu curauit. Postremo hac etiam de causa leprosum tetigit, vt admirabilem Sacramenti Eucharistię virtutem

simile

simile

simile

virtutem

Lucæ 6.

tutem declararet; in quo idem contactus atque Christi corpus est: à quo videlicet tum temporis virtus exibat, & sanabat omnes. Quæ verò virtus eo tempore, quo fides fundabatur, visibiliter sanabat corpora, eadem modò, fundata iam fide, inuisibiliter animas sanat: quod nec minus mirandum, nec minoris æstimandum est. Quare si tam multi Dominum eo tempore tangerè nitebantur, vt à corporis morbo sanaretur; multo magis nunc huius diuini Sacramenti perceptione sanctissimum eius corpus tângere debemus, vt à morbis animæ liberemur. Nec enim minor animæ nostræ cura, quàm corporis; nec minus chara salus eius esse debet: præsertim cùm spirituales animorum morbi tanto sint perniciosiores, quanto anima corpore præstantior est. Grauius enim nocet, quod meliorem nostri partem lædit. Si ergo agrotorum turba tanto studio irruebat in Dominum; cur non simili mentis ardore ad Sacramentum corporis eius accedimus: quod omnibus piè accedentibus, sanitatem, vitam, lætitiâ, vires inuictas, animi robur, ceteraque Spiritus sancti charismata, ac postremo cælestis vitæ pignus clargitur?

II.

Sed ad historiam redeunt, leproso iam mundato, Saluator ait: *Vide nemini dixeris: sed vade ostende te sacerdoti, &c.* Cur, quæso Domine, illi silentium indicis? An non ad maiestatis tuæ gloriam pertinebat, vt magnifica opera tua cunctis innotescerent? An fortè tibi ab inanis gloriæ peticulo metuebas, cui vni omnis honor & gloria meritissimo & optimo iure deberetur? Non ergo tibi, Domine, sed nobis metuebas, qui stipula sicca leuior; qui folio, quod à vento rapitur, instabilior es sumus. Propter quod & bona quæ facimus, & quæ à Deo dona percepimus, silentio rapè regenda sunt: ne sub diuinæ laudis specie nos ipsos aliis tacitè vèditemus. Immo, iuxta D. Bernardi sententiam, plus elaborandum est, vt virtutes quàm vitia celare studeamus. Si enim tanto studio vitia nostra abscondimus, ne humanam gloriam amittamus: quanto maiori cura dissimulandæ virtutes sunt, ne cælestis gloriæ iacturam faciamus? Quod quidem adeò necessarium est, vt nos quoque ipsos, nedum alios, dona, quæ à Deo percepimus, celare interim debeamus: magis enim in vitiorum nostrorum, quàm in diuinorum donorum consideratione oculos figere debemus. Et sicut hi qui turpiter & flagitiose vixerunt, cùm sacerdotem adire parant, ita parum honestæ antea vitæ flagitia recolere iubentur, ne illorum præsentis specie atque titillatione (quod quibusdam euenire solet) mens eorum irretiat: sic ipsa etiam Dei dona cautè humiliterque consideranda sunt, ne, dum præ-

illia

illis Dominum laudare volumus, de nostra nobis virtute blandiamur. Quod planè Phariseo illi in Evangelio conigit, qui Lucæ 20. dum gratias se Deo agere putaret, quòd non esset sicut ceteri hominum, sub prætextu gratitudinis in vitium incidit elationis. Quo fit, ut frequenter maximis beneficiis amicos suos Deus ita cumularet, ut iidem ipsi se huiusmodi beneficiis ornatos esse non intelligant. Cuius rei typum tenet facies Moysi, divino lumine irradiata, cuius tamen splendorem & gloriam alij, ipso ignorante, videbant. Sic enim de eo scriptum est: Et Exod. 34. ignorabat quòd facies eius esset cornuta. Quod ubi fit, beneficium beneficio cum ulatur, dum accepta gratia, propter humilitatis custodiam, ab eo ipso qui habet, ignoratur. Quæ cum ita sint, nihil mirum si Dominus virtutes & laudes tuas silentio regi præcipit: non in hoc suo, sed nostræ infirmitatis periculo consulens.

Sequitur deinde aliud miraculum, quo Centurionis servus sanatus est. Cum enim venisset Dominus Capharnaum, accessit ad eum Centurio, rogans, & dicens: Domine, puer meus iacet in domo paralyticus, & male torquetur. Cui cum Dominus, more suo, humilissime respondisset, Ego veniam & curabo eum; ille mira humilitate & fide respondit: Domine, non sum dignus ut intres sub tellure meum, &c. Audiens autem Iesus, miratus est, & sequentibus se dixit: Amen dico vobis, non inveni tantam fidem in Israel. Verè magna ethnici huius fides exstirgit. Fidem enim præcipuam Martha habuit, quæ, latentem in humano corpore Deum fidei oculis cernens, dixit: Ego credidi quia tu es Christus Filius Dei vivi, qui in hunc mundum venisti. Sed tamen eadem ipsa dixit: Domine, si fuisses hic, non esset mortuus frater meus. Fidem etiam princeps ille Synagogæ habuit, qui salutem filie petebat. Sed idem quoque corporis præsentiam postulabat, cum diceret: Veni, impone manum tuam super eam, & viuet. At Gentilis hic, neq. corporis præsentiam, neq. manus impositionem efflagitavit: sed illud tantum, Dic verbo, & sanabitur puer meus: quod planè solius omnipotentis Dei opus erat. Quomodo ergo lux tanta in tam densis tenebris oriri potuit? Nimirum quia idè ille qui sanauit seruum, illuminauit dominum, quo illam perfectissimæ fidei vocem immitteret. Simul & illud mihi considera, quale sit illud bonum quod Deus miratur. Audiens autem Iesus, miratus est. Regna, imperia, orbis ipse, & quidquid est in orbe, in oculis Dei nihil est. Illi tamen, ante quem omnes mundi opes sordent, fidei virtus pretiosa est & mirabilis. Ut vel hoc argumento intelligatis, fratres, quantum Domino debeatis, qui tale tantumque donum gratuito vobis contulit: quod ille planè miratur, de quo scriptum est: In oculis eius nihil est

est mirabile. Sed cum fidem commendo, illam potissimum
 cōmendo, quæ Centurionis huius fidei similis est. Quid enim
 hæc fides habuit? Nimirum quod voluntatem sic incendit &
 inflammavit, ut fidei lumini & splendori voluntatis ardor re-
 sponderet. Fides enim dicebatur, illius qui externa specie homi-
 nem referebat, neq. scientiam, neque potentiam terminis vllis
 circumferebatur. Quid igitur huius veritatis cognitio exigebat?
 Nempe ut ab illo peteret, ut verbo absens salutem daret, quam
 utique velut omnipotens dare poterat. Quid item ampliùs?
 Summam erga ipsum humilitatē & reuerentiam. Tanta enim
 potestas atq. maiestas talem animi affectum requirebat. Quid
 igitur ille? Vtrumque iuxta præscriptum fidei suæ præstitit,
 dum propter alterū ait; *Tantum dic verbo, & sanabitur puer meus*
propter alterum verò; Domine, non sum dignus ut intres sub tectum
meum. Quin & Lucas Euangelista aliud addit maioris humili-
 tatis argumētum. Propter quod, inquit, & meipsum non sum
 dignum arbitratus, ut venirem ad te. Diligenter considera quod
 pudor eius fuerit progressus, quam submisso fuerit animo, qui
 ne famuli quidem (quem charissimum habebat) maximo pe-
 riculo est adductus, ut in eius conspectum veniret, qui fabri fi-
 lius habebatur, cum ipse nobilis esset Centurio. Intelligebat
 enim Christum cum infinita potestate infinitam quoque re-
 rum omnium scientiam ita habere copulatam, ut intimos ani-
 mi recessus, & abditissimas etiam mentis latebras clarissima lu-
 ce collustraret; & inanissimas cupiditates, vanissimas cogita-
 tiones, cæterasq. humanæ mentis labes apertissimè cerneret.
 Hinc fiebat, ut, vilitatis dedecorūque sui conscius, eius ad spe-
 ctum formidaret. Eodem autem humilitatis spiritu perterritus
 in captura piscium Petrus Apostolus, conspectum Domini
 præ timoris & stuporis magnitudine ferre non valens, clama-
 uit: Exi à me, Domine, quia homo peccator sum. Simili ergo
 timore perculsus Centurio noster ait: Propter quod non sum
 dignus arbitratus, ut venirem ad te, &c. Hæc igitur tanta ani-
 mi submisso, & maxima erga Christum reuerentia è splen-
 dore internæ illius lucis orta est. Talem ergo fidem habere ni-
 tamur, fratres, quæ non in solo intellectu otiosa mortuæque
 desideat, sed quæ lucis suæ radiis voluntatem diuini amoris
 igne incendat, eamque post se trahat, atque vitam & actiones
 omnes ad illius normam & rationem dirigat. Sic enim fiet, ut,
 rectè modò per fidem ambulantes, propositum fidei præmium
 tandem consequamur: ut, qui per speculum & ænigmatè nunc
 Deum contemplamur in via, reuelata tandem facie cum bea-
 tissimis illis spiritibus videre mereamur in patria.

IN EADEM DOMINICA SECVN- DA POST OCTAVAM EPIPHANIE,

Concio secunda: in qua posterior lectionis Euan-
gelicæ pars potissimum explanatur: quæ primo
loco mirabile diuinæ maiestatis iudicium de re-
probatione Iudæorum, & vocatione Gentium ex-
ponit; secundo verò loco de felicitate piorum, &
suppliciis improborum disserit.

THE. Multi ab Oriente & Occidente venient, & recum-
bent cum Abraham, & Isaac, & Iacob in regno calorum:
filij autem regni eiciuntur in tenebras exteriores. Ibi erit
fletus & stridor dentium. *Matth. 5.*



Is verbis, fratres dilectissimi, duo mysteria cogni-
tu maxime necessaria cælestis magister nobis ho-
die ob oculos ponit. Primum, iudicium illud ad-
mirandum, quo pro electo Dei populo Gentilis
coopatus est, ad mentem nobis reuocat. Quod
quidem eo consilio facit, vt iudicij huius causas
perferutantes, easq. studiosè considerantes, nobis opportune
prouideamus, ne à gratia Dei excidamus. Deinde verò quæ
electis præmia, quæ reprobis supplicia cõstituta sunt, breui ora-
tione describit: cum illos ad regni cælestis conuiuium cū Abra-
ham, Isaac, & Iacob inuitandos; istos verò ad fletum & strido-
rem dentium rapiendos esse dicat. Vtraque igitur de re in præ-
senti Concione dicturi, cælestem opem, sacratissimæ Virginis
interuentu, suppliciter imploremus.

Ave MARIA.

Quoniam tota Domini Saluatoris vita (quàm diu inter ho-
mines versatus est) clarissimis verbis & exemplis referatissima
fuit (quo nos his duobus stimulis ad virtutem & pietatem po-
tenter incitaret) vbi diu in monte cum discipulis agens, cæle-
stibus eos monitis & doctrinis imbuisset, protinus à monte de-
scendens, & doctrinam suam miraculis confirmare, & humilli-
tatis & pietatis exemplis voluit illustrare. Descendentem ergo
de monte, sequuntur turbæ multæ, inter quas leprosus adue-
niens, salutem sibi suppliciter hac breui oratione postulat:
Domine, si vis, potes me mundare. Quid hinc fontem pietatis facere
par erat, qui ideo in mundum venerat, vt homines ab omni pol-
lutione

Matth. 8.

lutione

lutionis contagio purus redderet ac mundos? Itaque vix illē verba finierat, cum illum Dominus protensa pietatis & misericordiæ suæ manu contingens ait: *Volo mundare*. Statim quē à lepra mōdatus est. Qui enim poterat leprosus non impetrare quod insigni fide & humilitate à misericordiæ patris postulabat?

Sequitur deinde aliud exhibitum Centurioni beneficium, qui non minori humilitate & fide Dominum pro seruo deprecatus est. Sic enim ait: *Domine, non sum dignus ut intres sub rectum meum, sed tantum dic verbo, & sanabitur puer meus*. Nam & ego homo sum sub potestate, &c. Audiens autem Iesus, miratus est, & sequentibus se dixit: *Amen dico vobis, non inueni tantam fidem in Israël. Dico autem vobis, quod multi ab Oriente & Occidente venient, & recumbent cum Abraham & Isaac in regno celorum; filij autem regni eicientur in tenebras exteriores*. His verbis Dominus Iudaici populi cecitatem, & Gentilis electionem (ut paulo antē dicebamus) aperitissima oratione declarat. Quam rem idē Dominus cum multis in locis veteris Testamenti, tum præcipue in electione Iacob minoris natu, & reprobatione Esau, cui benedictio debebatur, misso modo voluit adumbrari. Cæterum quantum nobis timoris ac stuporis hoc Domini iudicium incurere debeat, illa sancti Patriarchæ Isaac admiratio declarat, de quo, cum huius rei imaginem in spiritu vidisset (quando videlicet minor nato filius benedictionē primogenito debitam surripuisset) ita scripsum est: Expauit Isaac stupore vehemente, & ultra quā credi possit admirans ait: *Quis igitur ille est, qui dudum captam venationem attulit mihi, & benedixi ei, & erit benedictus?* Quod si hoc adeo mirabile fuit, quale, quæso, erit, hæreditatem caelestem & sempiternam a primogenito Iudaeorū populo eripi, & ad Gentilem populum, hoc est, ad impietatis cultores transferri? Si obstupuerunt ex circumcisione fideles, cum Spiritus sancti gratiam in nationes effusam viderunt, externos quē filijs ac domesticis Dei æquari quid facerent, si viderēt etiam præferri: immo verō illos eligi, & illos repudiari & auferri ab eis regnū Dei, & alienigenis dari? domesticos fieri peregrinos, & peregrinos in domesticos coopari? Quis hic cum Apostolo non exclamabit: *O altitudo diuitiarum sapientiæ & scientiæ Dei, quā incomprehensibilia sunt iudicia eius, & inuestigabiles viæ eius!* Quis enim cognouit sensum Domini, aut quis eia consilijs fuit? Hanc autem tantam rerum commutationem varijs modis (ut antē diximus) in literis sanctis adumbratam cernimus. Vbi filij Israël per arenam Iordanis aluam transierunt, præcepit Dominus Iosue, ut duodecim inde lapides sublatos extra flumen in litore collocaret: quod vbi factum

est.

est, idem protinus Iosue duodecim alios è litore sublato intra ipsam alueum reposuit: qua quidem lapidum perinuatione (qua alij ex aqua in siccum extrahuntur, alij contrà ex sicco in aquam immittuntur) hanc utriusque populi mutationem appositissima similitudine expressam videmus. Idem autem sub eadem penè similitudine regius Propheta significauit, cum ait: Posuit flumina in desertum, & exitus aquarum in si- psal. 106.
tim. Contrà, verò, posuit desertum in stagna aquarum, & ter-
ram sine aqua in exitus aquarum. Sic igitur variatis rerum vi-
cibus, ea quæ cælestis gratiæ vnda madebant, arefiunt: quæ ve-
rò arida & incultra erant, perenni diuini Spiritus flumine irri-
gantur. Idem quoque inuenit illa tam frequens in scripturis pri-
mogenitorum transmutatio; vt Phares & Zaræ, Manasses &
Ephraim, Iacob & Esau (de qua paulo antè meminimus) per
quas hæ duorum populorum commutationes apertissime desig-
nantur: in quibus mirabili Dei consilio minores natu contrà
naturæ iura maioribus præferuntur. Hoc item per Malachiam
Dominus non sub vmbis & figuris, sed aper tissima oratione
futurum pronunciat his verbis: Non est mihi, ait, voluntas in
vobis, & mutui non suscipiam de manu vestra. Ab orru enim
Solis vsque ad occasum, magnus est nomen meum in Geni-
bus, & in omni loco offertur nomini meo oblatio munda. Vi-
detis ergo Dominicæ vocis testimonio antiquum populum des-
seri, & nouum ex Gentibus cooptari?

Quis autem huius tam stupendæ mutationis causam quæat
inuestigare? quis in profundissimam hanc diuinorum iudicio-
rû abyssum tutus ingredi valeat? Apostolus tamen, qui hoc iu-
dicatorum Dei pelagus ipso ducente ingressus est, hanc eandem
questionem & proposuit & soluit his verbis: Quid est quod
Israël sectando iustitiam, in legem iustitiæ non peruenit; Gen-
tes autem, quæ non sectabatur iustitiam, in legē iustitiæ per-
uenerunt? Magna planè quæstio, & admiratione dignissima.
Ad quam tamen idem Apostolus breuiter respondit: Quia non
(inquit) ex fide, sed quasi ex operibus. Hoc est, quia Iudæi ve-
ram iustitiam, & iustitiæ fructum, videlicet æternam salutem,
non tam ex diuinæ gratiæ dono, quàm ex operû suorum valo-
re, hoc est, circumcisionis & sacrificiorum, cæterarumq; lega-
lium caeremoniarum obseruatione sibi deberi arbitrabantur;
ideo à vera salutē & iustitiæ possessione exclusi sunt. Quia
enim sibi suisque operibus plurimum tribuebant, Christi verò
gratiæ nihil re inquebant merito ab ea deserti, & sibi ipsis relictj,
in multa deinde stagitia prolapsi sunt. Gentes verò, quæ ni-
hil habebant unde fidere sibi possent, ipsa sua paupertate ad-
monita, ad diuinæ gratiæ opem confugerunt; & in ea, non in se,

salutis suae fiduciam ponentes, verae iustitiae corporales facti sunt. Illos ergo sui fiducia, praesumptio, atque superbia damnarunt: hos vero divinae gratiae fiducia, sui contemptus, & vera cordis humilitas ad veram salutem & iustitiam perduxerunt. Unde colligere licet, fratres, ruinarum atque malorum omnium fontem esse superbiam: qua & primus homo, & clarissimus ille Angelus, & infelix Iudaeorum populus à dignitatis suae gloria corruerunt.

Superbia fontem ruinarum
Prou. 16. Verissima enim est illa Salomonis sententia dicentis: Ante ruinam exaltatur cor hominis, & ante contritionem exaltabitur spiritus. Et rursus: Contritionem praecedit superbia, & hu-

Ecclesi. 10. milem spiritum suscipiet gloria. Ecclesiasticus vero, non modo ruinarum, sed etiam peccatorum omnium fontem esse superbiam aperte definit his verbis: Initium omnis peccati, superbia est: qui tenuerit illam, adimplebitur maledictis, & subuertet eum in finem. Id adeo verum est, ut Ioannes Cassianus

10. Cass. ex probatissimorum Aegypti Patrum sententia colligat, non modo cetera vitia, sed lapsus etiam carnis ab elatione animi

Gregor. originem ducere. Imò vero D. Greg. ait, Deum aliquando punire occultam mentis superbiam per manifestam carnis ruinam. Quae carnis lapsus misericorditer aliquando permittit, ut, qui in aeterna diuini Spiritus luce admoniti, imbecillitatem & infirmitatem suam agnoscere noluerunt, aperta carnis ruina cognoscant. Quae ex re colligere licet, quia sit superbiae malicia, quae tantam animae perniciem affert, ut eius comparatione, ceterae quoque animorum pestes salubres dicantur, si modo ad hanc ex animo pestem propulsandam adiuuent.

Quod si à me requiratis, cur hoc vitium tam pestilens, tamque multorum scelерum causa sit; hoc planè idem Ecclesiasticus docet his verbis: Initium superbiae hominis, apostatàre à Deo: quoniam ab eo qui fecit illum, recessit cor eius. Quibus verbis insinuat, per superbiam homines à Conditoris suo auerti, à quo ut facti, ita etiam perficiendi erant: eum eiusdem opificis sit, opus incipere, & consummare. Sed cum per superbiam, & impiam sui fiduciam ab eo se auertunt, & in seipsis omnia ponenda putant, merito quidem à Deo deseruntur: à quo relictì, facile deinde in omnia mala (quae scelerum supplicia sunt) precipitantur. Quod apertissima oratione idem Ecclesiasticus declarat his verbis: Propterea exhonoraui Dominus conuentus malorum, & destruxit eos usque in finem. Sedes ducum superborum destruxit Deus, & sedere fecit mites pro eis. Radices Gentium superbarum arefecit Deus, & plantauit humiles ex ipsis Gentibus. Memoriam superborum perdidit Deus, & reliquis memoriam humiliu sensu. Ex his ergo verbis aperte-

tissimè liquet, cur populum suum Dominus deseruerit, cum
 superbientem illum, & de suis operibus præsumētem, cæteros-
 que præ se continentem, parumque aut nihil diuinæ gratiæ
 tribuentem vidit. Verūm vt ad nos redeamus, fratres, hoc planè
 exemplo, cæterisque quæ antea commemorauimus, monemur, vt
 omnem à nobis animi tumorem, omnes elationis & superbiæ
 fibras, tanquam terribilissimam salutis & iustitiæ pestem abscin-
 dere diligentissimè studeamus: ne à diuinæ gratiæ derelicti, in
 peccati & gehennæ barathrum detrudamur. Id quod idem Ec-
 clesiasticus studiosè nos cauere admonet his verbis: Non te ex
 tollas in cogitatione animæ tuæ velut taurus: ne fortè elidatur
 virtus tua per stultitiam, & folia tua comedat, & fructus tuos
 perdat, & relinquareis velut lignum aridum in eremo. Illud
 etiam vidēdum, ne nobis de hac electione nostra & veteris Iu-
 daeorum populi reprobatione blandiētes, & percepta gratia ad
 elationem animi, & illorum contemptum abutentes, accepto
 munere reddamur indigni. Quem quidem scopulum Aposto-
 lus in Epistola ad Romanos scripta, multis verbis & rationibus
 cauere nos voluit; sic enim ait: Quod si aliqui ex ramis fracti
 sunt, tu autem, cum oleaster esses, insertus es in illis, & socius
 radicis & pinguedinis oliuæ factus es, noli gloriari aduersus ra-
 mos. Quod si gloriaris, non tu radicem portas, sed radix te. Di-
 cis ergo: Fracti sunt rami, & ego inserar. Bene: propter incredu-
 litatem fracti sunt: tu autem fide stas: noli altum sapere, sed time.
 Si enim Deus naturalibus ramis non pepercit, ne fortè nec
 tibi parcat. Vide ergo bonitatem & seueritatem Dei: in eos qui-
 dem, qui ceciderunt, seueritatem: in te autem bonitatem Dei, si
 permanferis in bonitate: alioqui & tu excideris. Hoc postre-
 mum Apostoli verbum, non tam verbum mihi, quàm fulmen,
 immo verò varicinium (quod vtinam infelici hoc nostro seculo
 minimè impletum cerneremus) videtur: in quo tam multi
 fidelium, quod in bonitate hac nō permanferint, à Christi cor-
 pore excisi, Sathanæ membra effecti sunt. Vnde enim tot se-
 ctarum dissidia, totque nefandarum hæresum monstra atque
 portentosa, quæ per totam Ecclesiam exundarūt, nisi ab hoc im-
 pietatis & improbitatis fonte exorta sunt? Eadem igitur hos,
 quæ olim perfidum populum, diuini iudicii sententiā ferit. Qui
 enim Dei populus electus erat, nunc Sathanæ synagoga effecti
 sunt. Ad integritatem enim diuinæ iustitiæ, quæ personas non
 accipit, hoc maximè pertinere videtur, vt in eadem causa ean-
 dem quoque siue vitæ, siue mortis sententiā ferat. Sed vt ad
 propositum redeamus, fratres, stupendi huius iudicii (quod
 commemorauimus) hæc causa existit.

Alteram verò causam regius Propheta insinuauit, cum ait: Popu-

Populus quem nō cognoui, seruauit mihi, in auditu auris obediuit mihi. Filij alieni mentiti sunt mihi, filij alieni inueterati sunt, & claudicauerunt à seminis suis. Quibus verbis Gentilium fidem & pietatem commendat: qui cum nunquam antea Deum cognouissent, nec Christum Dñm in carne, aut eius miracula uidissent, ad Apostolorum prædicationem conuersi, eius disciplinam deuotissime receperunt: legitimi autem atque germani filij, qui diuina eius opera uiderant, ne his quidem tantis miraculis, & virtutum exemplis commoti, mentiti sunt illi, (quodd uidelicet fidē, quam supra omnes alios prestare debebant, minimē præstiterunt) ideoque inter alienos & externos computati sunt. De illis namque Ioannes ait: In propria uenit, & sui cum non receperunt. Quo factum est, ut non illos Deus à se, sed ipsi se à Deo infidelitatis atque impietatis crimine alienauerint. Quod ut rectius intelligamus, immensa & infinita diuinæ bonitatis & iustitiæ abyssus ante oculos nobis statuerenda est. Hæc enim facit, ut summo quidem amore iustitiam & bonitatem, summo uero odio impietatem & flagitium prosequatur: atque eò fit, ut nihil apud illum nisi sola uirtus & iustitia in pretio sit, non genus, non opes, non honores, non sciētia, non eloquentia, non ingenij vis & acumen, non uillæ denique aut naturæ aut fortunæ dotes: hæc enim omnia apud illum puluis & umbra sunt. Fides uero contra & pietas tale actuum corant: eo bonum est, ut uel in admirationem ipsum concitauerit, quemadmodum in præsentī Euangelio cernimus. Hæc igitur de causa cælestes opes & diuitias, donaque præstantissima, in eos potissimum confert, quos fideles & pios inuenit, quicūque illi sint; ab illis uero auferat, quos impietatis & turpitudinis macula deformant. Quam rem uenerat Petrus Apostolus demiratus est, cum, perspecta diuini Spiritus gratia, quæ in Gentilis Cornelij domum effusa erat, ait: In ueritate didici, quod non est personarum acceptor Deus; sed in omnigente, qui timet Deum, & operatur iustitiam, acceptus est illi. Vnde plane consequitur, ut qui neque Deum timet, nec iustitiam colit, is utique ingratus & detestabilis apud illum sit. Hinc illa Prophetæ ad Deum vox: Mundi sunt oculi tui ne videant malum, & respicere ad iniquitatem non poteris. Id adeo uerum est, ut, si quo die Dauid & Petrus Apostolus deliquerunt, sine penitentia decessissent, non dubium quin eos Dominus tanquam inuenos sibi hostes, tanquam diaboli & peccati seruos, in tartara cum principe suo in æternum torquendos coniecisset: nec uel pristina Dei gratia, uel innumera dona ab eo ante præcepta, quicquam illis profuissent. Hinc Dominus apud Hieremiam: **Uiuo ego, dicit Dominus, quia si fuerit Iechonias iste fi-**

lius

lius Roachim Regis Iuda, annulus in manu dextera mea, inde euellam eam. Hinc ubi decem tribus filiorum Israël separatae à domo David, idolis & sceleribus earum Gentium, quas propter eos Dominus euerterat, seruierunt: simili quoque modo ipsi euerfi, & in seruitutem abducti sunt. Neq; illis quicquam profuit, quod populus Dei, quod filij Abraham, quod tam stupendis signis & miraculis ab Aegyptiaca seruitute liberati, & infinitis penè beneficiis à Deo aucti & ornati essent: nihil, inquam, horum illis profuit, quo minùs, ubi Gentilium flagitia & crimina sectati sunt, eorundem quoque poenam & supplicia sustinerent. Cuius rei illos multo antè Dominus admonuerat: nempe ut à sceleribus, propter quæ terra incolas suos euomerat, sibi cauere; ne, si illorum sceleribus inquinarentur, eos quoque simili modo terra euomeret. Sed quid mirum est, genus Abraham istis non profuisse, quando initio statim prædicationis Euangelicæ, ne ipsis quidem Domini Saluatoris fratribus: arctissima carnis necessitudo quicquam profuit, ut Spiritu sancto, & fidei gratia donarentur? De ipsis namque apud Ioannem legimus: Nec enim fratres eius credebant, in eum. Atque adeo non credebant, ut ipsi quoque sapientiæ & scientiæ Dei fontem furere infania arbitrantur. Sic enim apud Marcum legimus: Et sui uoluerunt eum tenere, dicentes: Quia in fororem uersus es? O admiranda Dei æquitas & iustitia, apud quem nec tantæ necessitudinis uinculum uoluit, ut quos fratres agnoscebat, suæ uocationis & gratiæ participes initio statim prædicationis suæ faceret, cuius paulo antè ignotos fecerat piscatores?

Ioan. 7. 1

Marc. 6

Si ergo tanta Dei nostri æquitas & iustitia est, tantus erga pios amor, tantum erga improbos odium: nihil mirū, si, qui tot inspectis Christi miraculis in perfidia sua persistuerunt, propter hoc exsternandum infidelitatis crimen repudiari sinit; qui uero inimici erant, propter humilitatem & fidem, quam ad Apostolorum prædicationem præstiterunt, in filios cooptati.

Allegoria

Id quod aptissime olim in duabus Assuero Regis uxoribus, Vasthi scilicet & Esther, mirè adumbratum eernimus. Quia enim Vasthi ex pulchritudine ac dignitate regia in superbiam elata, inobediens Assuero Regi exsternit; ipsa quidem regno depulsa, Esther uero humilis & religiosa, ad regiam dignitatem enecta est. Sed quid hæc miratur? Subiiciat aliud longè mirabilius exemplum: quod quidem ut nemo nostrum ignorat, ita nemo miratur, cum tamèn maxime mirabile sit. Quid post Deum sublimius Angelo? quid inter creaturas intellectus participes solemius hominè? Verum ubi in altissimo & splendidissimo illo Angelo, exteriusque superbiam suam confortibus, qui

Allegoria

Ecc. 1. 1
Angeli.

cælum antea tanquam splendidissima sidera illustrabant) iniquitas deprehensa est: protinus à summo cæli cardine in infimum tenebrarum barathrum detrusus est. Quodque mirabilius est, non alij pro illo meliori conditione conditi Angeli, sed vilissimi homines mortali carne circūdati subrogati sunt. Quis hinc non miretur? quis hanc tantam rerum commutationem non obstupescat? De illo splendidissimo Angelo scriptum est: *Ezech. 28.* Perfectus eras in viis tuis à die conditionis tuæ, donec iniquitas inventa est in te. Qua inventa, nihil illi clarissima dignitas, nihil incomparabilis pulchritudo, admiranda species, & donorum (quæ à Deo maxima acceperat) magnitudo profuit, quominus ab altissimo illo dignitatis gradu in imum deturbaretur, & vilis homo pro illo substitueretur. Quid ergo mirum est, si pro hominibus homines subrogentur, quando pro Angelis viles & terreni homines in cælo collocantur? Huius itaque tantæ mutationis causâ divinorum beneficiorum abusus fuit. Quid enim indignius, quàm divinis beneficiis ad benefactoris iniuriam abuti? atque divinæ maiestatis violandæ occasionem sumere, unde obsequendi & diligendi sumere debuisses? Qui hoc faciunt, per similes mihi illis esse videntur, qui serpentem æneum (cuius conspectu à serpentum moribus in deserto sanabantur) adoraverunt, & pro Deo ad Ezechia: usque tempora coluerunt: qui cum Deum beneficij huius auctorem venerari debuissent, vile signum & murum signum pro eo coluerunt. Tales igitur sunt qui sic divinis beneficiis abutuntur, sicque per immoderatum amorem ipsis adhærent, ut liberalissimi benefactoris obliviscantur. Ideoque mirum non est, si illis divina beneficia subtrahantur, qui, eorum dulcedine allekti, largiorem contempnunt.

Itaque attentius mihi hanc rem consideranti (cum eximio Deus amore pios homines complectatur) apparet sanè, hanc eius dilectionem magis quidem virorum erga uxores, quàm parentum erga filios, similem esse. Parentes enim filios suos ita diligunt, ut, quamlibet nocentissimi sint, nihilominus tamen, quia filij sunt, diligunt. Sic enim David patricidam filiū adeo impensè dilexit, ut ipse pro illo mori etiam concupisceret. At mariti erga uxorem charitas, quamvis omnium maxima sic (quemadmodum primus generis nostri parens testatus est) eatenus tamen durat, quatenus illa datam fidem inuiolatam & inconcussam seruat. Violata enim fide, summa illa amicitia non modo dissolvitur, sed in gravissimam etiam inimicitiam commutatur. Hoc ergo modo cum hominibus se Deus gerit qui si pietatem & iustitiam colant, eos tanquàm filios, imò tanquàm pupillâ oculi charissimos habet; si vero à Patris nobilitate degene-

degenerent, totus hic amor in acerbissimum odium vertitur. Ad infinitam quippe bonitatem vtrumque spectat, & summo amore prosequi bonitatem, & pari odio iniquitatem detestari. Quamvis illud etiam fatendum sit, nunquam Deum sic irasci, ut non ad præstandam pœnitentibus misericordiam paratus sit, etiam si spiritalis matrimonij fidem infida anima violauerit.

Quod cum ita sit, fratres, vestra interest, qui Dei gratiam, qui amicitiam, qui spem cælestis hereditatis firmam habere vultis, ut virtutem & iusticiam stabili & inconcussa firmitate retineatis: intelligentes nam hanc rem in pretio apud Deum esse, cætera omnia sine illa pro nihilo reputari. Nemo itaque generis claritati, nemo sapientiæ, aut scientiæ, aut vllis naturæ sue fortunæ opibus (& quid hæc inania commemoro?) nemo præteritis Dei beneficiis, nemo Spiritus paraclæti consolationibus atque donis, nemo antea actæ vitæ meritis, nemo lacrymis, ieiuniis, cæterisque pietatis operibus fidat, si iusticiam deserat. In quacumque enim hora iustus peccauerit, omnes eius ^{Ezech. 2.} iustitiæ obliuioni tradentur. Vbi primum generis nostri parentes pomum vetitum gustauerunt, protinus se nudosprehenderunt; quia re vera cælestibus donis, quæ multa & maxima acceperant, illico nudati sunt. Quamobrem, quisquis ab hac Dei gratia excidere veretur, cogitet illam Dei vocem ^{Gen. 3.} auri-
bus suis semper insonare: *Ecce quod tenes, ne alius accipiat* ^{Apoc. 3.} coronam tuam. Huius enim admonitionis neglectum à perfidis Angelis, tum ab ipso Dei populo, dignitatis regiæ corona sublata, & aliis tradita est. Ab Angelis quidem sublata, infimis hominibus concessa; à populo verò Dei erepta, Gentilibus tradita est. Hoc est enim quod Saluator in his quæ proposui verbis breuiter complexus est, cum ait: *Dico vobis, quod multi ab Oriente & Occidente venient, & recumbent cum Abraham, Isaac, & Iacob in regno cælorum: filij autem regni eiciuntur in tenebras exteriores. ibi erit fletus, & stridor dentium.*

I I.

His autem verbis Dominus non solum eam sententiã confirmat, quam hætenus persecuti sumus; sed maxima etiam tum præmia, tum supplicia piis & improbis constituta declarat. Piis namq; solenne illud epulum & accubitus ille in regno cælorum cum sanctis Patriarchis promittitur; perfidis autem & sceleratis tenebræ exteriores, fletus, & stridor dentium parata sunt: vtriusq; autem siue præmij, siue supplicij magnitudinem nulla oratione explicari posse testatur D. Aug. his verbis: ^{Aug. de Catech.} Sicut nollum gaudiū rerum temporalium ex aliqua parte simile potest inueniri gaudiū vitæ æternæ, quam sancti accepturi sunt: ita nullus cruciatus pœnarum temporalium potest tem-
piternis

piternis iniquorum cruciatibus comparari. De præmij verò magnitudine rursus ait: Quod Deus præparauit diligentibus se, fide non capitur, spe non attingitur, charitate nō apprehenditur, desideria & vota transgreditur: acquiri potest, æstimari non potest. Quæ enim erit illa (inquit Cyprianus) Sanctorum gloria, quàm grandis & summa lætitia, cum populum suum Dominus corperit recensere, & meritis atque operibus nostris præmia promissa retribuere: pro terrenis cælestia; pro temporali- bus sempiterna, pro modicis magna prestare: offerre nos Patri, cui nos sua sanctificatione restituit? Recordemur ergo, fratres, (ait D. Emisenus) quàm iucunda sit quies, quàm delectabilis repausatio, post depositum alicuius grauissimi oneris falcem: quàm dulce sit, post longæ captiuitatis catenas, ad charam patriam recuperata libertate remeasse: quàm pretiosum sit post multa nauigationis pericula ad optatam terram ac portum desiderabilem peruenisse. Atque ex his colligamus & cognoscamus, quàm iucundum erit, comite bona conscientia ad vera & solida gaudia, atque ad Angelorū transire confortia, & ad illam vitam conscendere, vbi nulli erunt labores, nulla damna, nulla incommoda, & (quod supra omne bonum est) nulla peccata; sed æterna innocentia, inuiolata iustitia, inconcussa securitas, ac sempiterna felicitas. Ceterum si vos felicissimi portus huius quies & securitas delectat, prætorget Dominus, ex quo illa sanè præcio omnibus in commune propoñens. Sic enim D. August. inquit, venale habeo: eme illam. Quid habet venale? Requiem, inquit, venalem habeo: eme illam. Dicis eis: Quantum valet? Audi: Pretium ipsius labor est. quomodo si diceret, Pretium illius aurum est. Quāto ergo labore digna est requies, quæ non habet finem? Si verum vis pronunciare, æterna requies æterno labore emitur. Verum hoc est: sed noli timere, misericors est Deus. Si enim haberes æternum laborem, nunquam peruenires ad æternam requiem. Ergo vt aliquando peruenias ad id quod emis, non in æternum laborandum est: non quia non valet tanti, sed vt possideatur tandē quod emitur. Digna est quidem emi labore perpetuo, sed necesse est, vt labore temporali ematur. Decies centena millia annorum habent finem: quod tibi dabo, dicit Dominus, nō habebit finem. Qualis misericordia Dei! Nō dicit, decies centena millia annorum labora: non dicit, mille annos labora: non dicit, quingentos annos labora: sed, eam vinis, inquit, labora in paucis annis. Inde iam requies erit, & finem non habebit. Et adhuc audi: Domine, secundum multitudinem dolorum meorum in corde meo exhortationes tuæ iucundauerunt animam meam. Paucos annos labora, & in

ipfis

ipsis laboribus non deest consolatio, non desunt gaudia quotidiana, Haftenus ille. Quis igitur adeo mentis inops, adeo sui ipsius negligens & hostis erit, qui hac conditione æternam requiem primum quidem breui ac penè momentaneo, deinde tot solatijs temperato labore, sibi comparare noli?

Quod si nos hæc tanta felicitas, tamque magnifica diuinæ benignitatis promissa minùs mouet: moueant saltem tenebræ illæ exteriores, fletus oculorum, & stridor dentium. Nemo est enim (vt idem D. August. ait) qui non magis dolorem fugiat, quam affectet voluptatem: quandoquidè videmus immanissimas bestias à maximis voluptatibus dolorum metu detestari. Cum autem tenebras, fletum, & dèrium stridorè audis, omnia pœnarum genera ex tribus his intelligere debes. Ibi enim (vt D. Bern. ait) clamabit pilosus ad pilosum, vnus ad aliù, dæmon ad dæmonem: Percute, dilacera, interfice, velociter spolia, detrahe, citò prædare, infer prunas, & ebulliētibus impone lebetibus. O quam esset nobis salutare, fratres, si hoc incendiū, hos lebetes, hos ignes ante oculos semper haberemus! Quis enim vel leuiter delinquere posset, si hūc in animò ignem semper haberet? Hoc planè præstabat sanctus quidam ex illis antiquis monachis, qui in culinæ officio cæteris monachis humillimè seruebat: de quo Ioannes Climacus scribit in hunc modū: Non præteribo silentio coqui monasterij cuiusdam admirabile singularemque virtutem. Cum enim illum animaduertærem in tam frequentī perpetuoque ministerio iugiter secum habitare, gratiamque possidere lachrymarū: orauī supplex, vt mihi, quoniam modo meroissem istiusmodi gratiam, reuelare dignaretur. Qui tandem fatigatus precibus meis, ita respondit: Nunquam me hominibus seruire arbitratus sum, sed Deo: & indignū me ipsum quiete omni iudicans, ex huius ignis contemplatione sempiterni incendiij iugī memoria compungor. Haftenus ille. Non dubito autem, quin nos simili quoque metu & horrore, atque sanctus ille monachus, cōcuteremur, nisi callidus ille generis humani hostis eius apud nos memoriam æterna obliuione se peliret. Sed ais forsitan: Si vnus omnium damnatorum est ignis, quomodo tam varia memorantur supplicia singulorum? Ad hoc D. Gregor. solis adhibita similitudine, hunc in modum respondet: Sicut in hoc mundo multi sub vno sole consistunt, nec tamen eiusdem solis æquabiliter ardorem sentiunt, quia alius plūs æstuat, alius minùs: ita illic in vno igne non vnus est modus incendiij: quia quod hīc diuersitas corporum, hoc illic agit diuersitas peccatorum: vt & ignem non dissimilē habeant, & tamen eosdem singulos dissimiliter exurat. Querēs rursum, quid per exteriores tenebras hoc in loco Dominus intelligat.

Ad

August.

Bernar.

Io. Clim.

Gregor.

Simil.

Ad hoc respondemus, duplices quidem esse tenebras: videlicet interiores mentis, & exteriores corporis; quarum illæ spiritualis ac diuinæ lucis, istæ corporeæ visum adimunt. Et illas quidem tenebras impij, quibus in hoc seculo excæcati vixerūt, secum deferunt. His enim obcæcati, nec scelerum suorum turpitudinem, nec periculi magnitudinem, nec diuini iudicij severitatem, nec suppliciorum, quæ illos manebāt, acerbitatem, nec immensam Dei maiestatem, cuius leges & imperium nefariè repudiabant, animaduertunt. Has autē interiores mentis tenebras, exteriores illæ tenebræ consequuntur, quæ harum tenebrarum supplicia sunt: vt omni etiam luce corporeæ careant, qui in tetrīs animæ tenebris iacere perpetuò maluerunt. Itaque omni interna & externa luce destituti, nihil videre poterunt, nisi quod maiorem illis cruciatum vidēdo parere possit. Quod quidem D. Gregorius testatur his verbis: Vt peccatores amplius in supplicio puniantur, & eorum videt gloriā, quos contempserūt; & de illorum torquentur pœna, quos inuitiliter amauerunt. Hinc Vates regius: Peccator, inquit, videbit & irascetur, dentibus suis fremet & tabescet, &c. Igitur cum ignis & calorem ad comburendum, & splendorem ad illuminandum habeat: ille damnatorum ignis, qui diuinæ iustitiæ instrumentum est, habebit quidem vnde comburendo torqueat, non autem vnde illuminare solatij quidpiam miseris tribuat. Cogitemus ergo, fratres, (ait Chrysost.) quantum sit mali in conflagratione perpetua, in tenebris, luctu infinito, & dentium stridore, nemine exaudiente torqueri. Nam si apud nos quispiam ex ingenuè educatis carcere inclusus, solum fœtorē, tenebras loci, & vincula cum homicidis communia, rem quauis morte acerbiorē putat: quid erit comburi cum totius orbis homicidis, nec videntem alios, nec aliis conspicuum, sed in tanta multitudine solum se existimantem? Siquidem opacæ illæ tenebræ ne proximos quidem dignoscere permittunt; verū ita quisque afficietur, tanquam solus supplicium luens. Quod si tenebræ etiam per se animos nostros angunt & turbant; quid fiet vbi tenebris tanti dolores & incendia accedunt? Hactenus ille.

Quid verò si his omnibus fletum & stridorem dentium addideris? Sed cur fletui additur stridor dentium? Nimirū eadem ratione qua illi igni diximus illuminandi vim sublarā, & comburendi relictā. Flerus enim & mœstitiam animi declarat, & lenimen interdum habet: dum plerūque grauis mœror animæ per oculos euaporat corporis. Hoc ergo fletus leuamentū, mœrore solum relictō, tollitur: ne ibi quicquam sit, quod vlla ratione, ne flendo quidem, illos consolari; nec quicquam desit, quod

quod torquere possit. Hac igitur de causa sterui fridor dēitum iungitur, vt intelligamus sterum illum nō esse animi solatium aliquod lamentabiliter captantis, sed furentis & crudeliter contra Dei iustitiam frementis. Sed vt iam ad nos veniamus, fratres, cur, quāso, hęc nō aliquando animo versamus? cur huius tantæ rei (qua nulla maior excogitari potest) nos obliuio capit? Cur summum Christianæ fidei donū frustra retinemus, quando illius luce & admonitu ad hęc fidei nostræ dogmata cogitanda & meruēda non vtimur? Cur, qui leuissimis iacturis tantopere commouēmur, hanc tantam æternæ vitæ iacturā æternique supplicij cruciatum nō formidamus? Quis nos ita fascinauit, quis adeo cæcos, stupidos, & ab omni humano sensu abhorrentes fecit, vt nihil tātis his rebus commoueamur? Quanto nunc cōsultius erit corpus quidem castigare, & à vitis animam purgare, quā hoc ad illud tēpus relegare, cū iudicij, non purgationis tempus erit? O beatum illum, qui hoc tempore ad tremendi iudicis tribunal iudicatus, nō iudicandus accesserit! Hic enim exoptatissimam illam Domini vocem cum ceteris electis audire merebitur: Venite benedicti Patris mei, percipite regnū, quod vobis paratum est ab origine mundi. Ad quod nos perducere Dei Filius dignetur, qui cū Patre & Spiritu sancto viuūt & regnat in secula seculorum. Amen.

DOMINICA TERTIA POST OCTAVAM EPIPHANIÆ, CONCIO PRIMAS:
quæ lectionem Euangelicam explanat: in qua etiam de rerum aduersarum ac tribulationum necessitate, remedio, earundemque fructu & vtilitate disserit.

THE. Ecce motus magnus factus est in mari, ita vt nauicula operiretur fluctibus. Matth. 8.



Habemus in lectione sancti Euāgelij, fratres charissimi, nauiculam quæ Dñm vehēbat periclitantem, discipulos ad Dominum clamantes, & Dñm mirabili virtute subuenientem, & nauas omnipotentem eius virtutem admirātes. Ex qua quidem re tria potissimum colligere licet. Primum, non de futuras Diuissis pijs hominibus in huius vitæ curriculo variarum calamitarum procellas: deinde vnicuique earum remedium esse, salutem & opem

opem à Domino postulare: ac postremo quinam præcipui fructus ex huiusmodi liberatione consequatur. Vt igitur tria hæc quæ ad vitæ nostræ munimentum & institutionem maxime necessaria sunt, pro dignitate tractare possimus, caelestem opem, sacratissimæ Virginis interuentu, suppliciter imploremus.

A V E M A R I A.

Lectio sancti Euangelij F. C. quæ salutaris huius doctrine fundamentum est, sic habet: *Ascendente Iesu in nauiculam, secuti sunt eum discipuli eius: & ecce motus magnus factus est in mari: ita ut nauicula operiretur fluctibus.* Ecce, fratres, quid eos expectare par est, qui cum Dño navigare; & in eandem eum eo nauiculam ingredi parant. Sciant igitur hi, neq. illis (vt diximus) tribulationum & laborum procillas, nec auxilium è cælo futurum; quo & à pusillanimitate spiritus & tempestate liberentur, & in portu salutis (Domino dirigente) perducantur. Vtrunque autem Saluator expressit, cum ait: In mûdo pressurâ sustinebitis: sed confidite, ego vici mundum. Sed hæc tempestas foris sæuit, quam excitat mundus: alia verò, turbolentior sæuit intus, quam prauis affectibus & cupiditatibus suis excitat caro, dum aduersus spiritum concupiscit. Cum ergo labores ac procillas nos intus & foris vndique circumstant, quas partim ferre, partim superare necesse sit; non mirum vtique si salutem nostram in laborum perpeffione Saluator ipse collocarit, cum ait: In patientia vestra possidebitis animas vestras.

Ceterum si quæras, cur Dominus salutem hominum in laborum patientia præcipue collocauerit, fortasse, vt ceteras omittamus, hæc vna causa existit: quòd laborum magna copia in hac fragili & æruminosa vita reperitur. Que madmodum ebim eorum sacramentorum materiam, quæ ad salutem maxime necessaria erant, in iis rebus posuit, quæ vbique ad manum sunt, nempe in pane, vino, & aqua: ita planè magno diuinæ pietatis consilio factum est, vt salus nostra (qua nihil nobis aut maius aut charius esse debet) in laborum perpeffione collocaretur: quòd hæc laboris atque patiendi materia nusquam non inueniatur. Quis enim in hoc mûdo locus, quæ domus, quamlibet felix & opulenta sit, laborum & calamitatum expertus est? Non enim, vt verissimè Sapiens quidam ait, bona malis paria sunt, etiã pati numero: quia videlicet longè grauius nos mala perstringant, quam bona afficiant. Magis enim reum iactura torquet, quam acquisitio delectet: magis recens orbis animi lacerat, quam recens nati filij læticia exhilarat: magis item cruciat ægritudo, quam lætificet sanitas: quo fit, vt per molestiam ægritudinis, beneficium agnoscamus sanitatis. Quamobrem magna Domini pietate, saluberrimoque consi-

*Quia tria
in hanc*

hio factum est, vt salus nostra non modò in iis rebus collocaretur, quæ ubique ad manum essent, sed quas effugere nulla fere arte, nullaque ratione, nec boni neque mali possent, dummodo quos patimur labores, leniter & moderatè feramus. His etià adiunge, quòd ipsæ quæ nos vndique premunt calamitates non solum patientiæ materià præbent, sed stimulos etiam & calcem addunt, quo ad vnicum malorum omnium depulsores Dominum confugiamus: vt nò modò beneficiis eius allegati, sed malis etiam nostris agitati, ad tutissimum eius sinum recurramus. Quod eleganter Diuus Pontianus Pontifex exprimit his verbis: Mira Dei dispensatione agitur, vt boni tribulationibus exagitantur: vt scilicet, dum veritas eos per amorem vocat, mundus præsens à seipso per tribulationes, quas ingerit, reiciat; tantoque facilius ab amore huius mundi mens exeat, quanto magis impellitur quòd vocatur. Hæc Pontianus. Ex cuius verbis apparet, duobus his velut stimulis suos ad se Deum trahere, nempe calamitate exterioris impellente, & Deo per amoris dulcedinem interioris ad se vocante. Adde iis etiam, quòd tribulationis labor ad eximiam humilitatis virtutem viam munit. Hinc D. Bernardus: Humiliatio, inquit, via est ad humilitatem, sicut patientia ad pacem, sicut lectio ad scientiam. Si ergo virtutem appetis humilitatis, viam non refugas humiliationis. Nam si non poteris humiliati, non poteris ad humilitatem pronehi. Hactenus ille. Si igitur humiliatio, hoc est, tribulatio nos ad humilitatem ducit; quis hinc tantum thesaurum vel hoc pretio sibi comparare teneat. Rectè enim D. Greg. Cum per tentationem, inquit, humilitas proficiat, prospera est illa aduersitas, quæ mentem ab elatione custodit. Quæ cum ita sint, non mirum si tam multis laboribus hanc vitam Dominus respersam esse voluerit, quando ij nos tot modis ad salutem inuant.

Sed quid sibi vult, quòd Dominus in presenti lectione, dum nauis tempestate tactatur, dormire dicitur? Maximus hoc in loco piorum labor & periculum insinuat: quando videlicet, ipsis in media tribulationis procella cõstitutis, Dominus, qui sedare tempestatem debuerat, dormire dicitur. O quoties Dominus pijs hominibus, inter varias tentationum & calamitatum tempestates consistantibus, dormire videtur: hoc est, eorum preces quodammodo repudiare, nec ulla dolorum aut periculorum ipsorum cura tangi. Quo tempore clamare cum Propheta compelluntur: Exsurge, quare obdormis Domine? exsurge, & ne repellas in finem. Quare faciem tuam auertis? obliuisceris inopiæ nostræ, & tribulationis nostræ? Et iterum: Tu es Deus meus, & fortitudo mea, quare me repulisti? quare tristis incedo, dum affligit me inimicus? Hic autem diuinus

sonans,

*Calamitates, an
hanc patientiæ
præbent*

*2
ad Deum confu-
gere facit*

*Pontianus
episc.*

*Impulsa me in
viam tribulationis*

*fructus
Bernardus, via ad
humilitatem*

Gregorius

somnus, piorum calamitates multo efficit grauiores. Hoc enim
 præcipue discrimen Elias inter verum Deum, falsosq. & com-
 mentitios deos esse declarauit: quod verus Deus ad suorum
 preces & labores, vigiles semper oculos & aures habeat; dii ve-
 rò commentitij dormiant, imò verò nihil attendant, cum ipsi
 nihil sint. Vnde cum sacerdotes Baal, Deum suum inuocantes,
 dicerent, Baal exaudi nos; nec esset qui responderet: irridens
 eorum clamores Elias, Clamate, inquit voce maiori: Deus
 enim vester est, & fortè in itinere vel diuersorio est, aut certè
 dormit. Cum ergo hoc sit inter verum Deum, falsosque discrim-
 en, quod hi quidem dormiant, ille verò vigiles ad suorum
 custodiam excubias semper agat: quid putatis animi pios ha-
 bere, cum eis Deus dormire videtur? hoc est, cum eorum pre-
 ces non exaudit? cum remedia in longum differt? cum nullam
 eis opem de celo, nullam spiritus consolationem immittit? sed
 eos in profunda nocte, & obscura quadà caligine derelinquens,
 vix vllum eis diuinæ lucis radium affulgere patitur? Quodque
 grauius est, interdum etiam non dormire solum, atque voces
 eorum non audire; sed etiam eos tanquam à se alienos, & ioi-
 micos repellere apparet. Quod sanctissimo Davidi non semel
 contigit: quemadmodum ipse testatur, cum verba illa doloris
 plenissima protulit: Ego dixi in excessu mentis meæ, proiectus
 sum à facie oculorum tuorum. Hæc est, ita aliquando tribula-
 tionum fluctibus obrutus, & animo consternatus fui, vt arbi-
 trarer me non solum à te derelictum, sed etiam protectum atq;
 repulsum. Quid verò aliud illa morietis in cruce Domini que-
 rimonia; Deus meus, Deus meus; vt quid dereliquisti me? nisi
 hanc piorum derelictionem sonari? Quid ergo miramur, si pios
 Dominus in mediis aduersarum rerum fluctibus deserere vi-
 deatur, cum hoc eodem modo inter acerbissimas dolorum an-
 gustias amantissimum Filium sine vlllo exteño internoque so-
 latio dereliquerit? Ex quo aperte liquet, pios sæpè & inno-
 centes homines sine vlllo ipsorum crimine hoc modo à Deo
 non quidem in perpetuum, sed ad tempus pia dispensatione
 deseri: quod innocentissimus Iob testatur, cum ait: Hæc pas-
 sus sum absque iniquitate manus meæ, cum haberem mudas
 ad Deum preces. Et in Psalmo 43. viri sancti multis maximis
 que doloribus commemoratis clamant: Hæc omnia venerunt
 super nos, nec obliui sumus te, & inique non egimus in testa-
 mento tuo: & tamen humiliasti nos in loco afflictionis, & co-
 operuit nos vmbra mortis. Quid ergo sibi vult Dominus, quan-
 do ita se cum piis hominibus gerit? Nimirum illorum fidem
 spem, charitatem, humilitatem, patientiam atque constan-
 tiam, cæterasque virtutes in perfectis quidem exercet & per-
 ficit.

sic, in imperfectis autem & infirmioribus probat & explorat. Hinc sanctus Propheta Moses: Tentat vos, inquit, Dominus Deus vester, vt sciat vtrum diligatis eum, an non. Hoc est, vt ipsi vos de vestra charitate & fide experimentum capiat. Vt enim Sapiens ait: Qui nō est tentatus, quid scit? Hoc est, quid homo de virtute & constantia sua certum pronuntiare poterit, antequam de se ipso in tentationis cōflictu periculum fecerit? Verissime enim dictum est, Nemo vires suas in page cognoscit. Hinc illud ex Psalmo: Probaui te, inquit, apud aquam contradictionis. In qua quidem probatione, hzilitatio atque dissidentia populi, quæ in eius animo latebat, euidenter patefacta est: vt hoc argumento fidei suæ infirmitatem agnoscens, animum demitteret, nec sibi eam virtutis constantiam arrogaret, qua se oblata occasione caruisse cernebat.

II.

Quod si secundo loco quæras, quidnam hoc tempore, cū ita vndis tribulationum obruimur, faciendum sit? hoc nobis discipulorum oratio declarat: qui vbi imminens mortis periculum ante oculos viderunt, ad dormientem Dominum clamauerunt: Domine, salua nos, perimus. Est enim oratio, commune infirmitatis humanæ perisugium. Hinc quidam ex antiquis illis Patribus (vt Theodoretus in historia religiosa memorat) dicere solebat, medicos quidam varia medicamentorum genera ægris pro morborum varietate adhibere solitos, certum ad omnes animorum morbos depellendos, omniaque huius vitæ incommoda perferenda, orationē esse commune medicamentum atque remedium: quod ea videlicet omnipotentem Dominum ad se trahat, in quo vno virtus omnis atq. malorū omnium medicina est. Ideoque ad hanc sancti omnes in calamitate positi confugiunt. Sic fugitiuus etiam Propheta: Cū angustiarerur, inquit, in me anima mea, Domini recordatus sum, vt veniat ad te oratio mea. Ad hoc autem ipsa quoque nos natura instigat, quæ & salutaris auida, & imbecillitatis suæ conscia, & diuinæ providentiæ non ignara, cū malorum turbine quatitur, ad ipsius providentiæ opem implorandam internis moribus instigat: vt, qui nos condidit, idem ipse seruet quos condidit, & operi manuum suarum porrigat dexterā, ne, si ruat quod condidit, frustra condidisse videatur. Quod planè eorundem discipulorū verba declarant, qui, vt Marcus ait, his verbis Dominum excitarunt: Præceptor, non ad te pertinet quod perimus? Ex quibus planè verbis, si eorū vim & emphasim excutiamus, aptissimam orandi formam, cū aduersis rebus quatimur, colligere possumus, cū discipulis dicentes: Præceptor, non ad te pertinet quod perimus? An non tu Pater noster, con-

Primū in
calamita-
te teme-
dium.

Oratio

*Exem de h
saphat. infra*

Marq.

ditor noster, redemptor, & seruator noster es? Nōne omnibus his titulis atq. rationibus tu nobis, & nos tibi deuincti sumus?

Matt. 10. An non omnes capilli nostri à te numerati sunt? Ecce, inquit
Hic 64. Propheta, respice: opera manuum tuarum omnes nos. Quis

ergo est, qui opera manuum suarum, qui seruos suos, qui domesticos suos, qui denique filios suos in calamitate positos deserat? Quis enim filius quem negligat pater? Non ergo ad te Domine pertinet quod perimus, cum hic tua res agatur? cum filiorum tuorum salus in discrimen vocetur? Quod si sanguine tuo ac vitæ tuæ dispendio redemisti nos, an non sanguis tuus & vita ipsa tua perit, si nos perimus? Ad hunc autem modum

Hic 63. Isaias Propheta precatur Dominum his verbis: Attende Domine de cælo, & vide de habitaculo sancto tuo. Vbi est zelus tuus, & fortitudo tua, multitudo viscerum tuorum, & misericordiarum tuarum? Super me continuerūt se. Tu enim Pater noster, & Abraham nesciuit nos, & Israël ignorauit nos. Tu Domine Pater noster, & redemptor noster, à seculo nomen tuum.

Quare errare nos fecisti Domine de viis tuis, indurasti cor nostrum ne timeremus te? Conuertere propter seruos tuos, tribus hereditatis tuæ. Quid igitur hoc est? An nō cum discipulis dicere Propheta videtur: Præceptor, non ad te pertinet quod perimus? Hoc est ergo primum, fratres, in omni calamitate perfugium: ad quod sanctus ille Rex, Iosaphat cōfugit, quando innumerae contra se barbarorum hostium copias conglomeratas vidit. Sic enim de eo scriptum est: Iosaphat verò timore

I. Pet. 20. perterritus, totum spiritum suum contulit ad rogandum Dominum. Quo enim minus auxiliatus erat in terra, eo magis totū spiritum suum erexit in cælum. Sic etiam sancta illa femina Iudith,

Iudith 8. cum ad illud memorabile facinus pergeret, quo gentem suam, abscisso Holofernus capite, ab imminente exitio liberaret, ad seniores populi ait: Vos nolo scrutemini actum meum, & vsque dum renuntiem vobis, nihil aliud fiat nisi oratio pro me ad Dominum. At oratio hæc, quæ impendentium malorum tempestatem sedare potest, non legnis & languida, sed feruens

Psal. 76. & frequēs esse debet. Sic Propheta: In die, inquit, tribulationis meæ Deum exquisui manibus meis, &c. Quem locum sic alij verterunt: In die tribulationis meæ, Deum exquisui: manus meæ nocte extensa fuit sine intermissione. Renuit consolari anima mea: memor fui Dei, & vociferabar: loquebar, & deficiebat spiritus meus. Videtis quo seruiore, quo æstu, quibusq. verbis Vates sanctus Dominum vrgebat, cum rebus afflictis & incommodis vrgeretur? Hoc igitur vnum & maximum quidem malorum omnium remedium est.

Secundum remediū. Alterum verò est, quod prudēter Sapiens admonet, cum ait:

In die malorum non immemor sis bonorum. hoc est, cum mala ipsa quæ patimur, à Deo nos derelictos esse testari videntur, ad vetera eiusdem beneficia mentis oculis conuertamus, & ex his pietatem & benevolentiam erga nos Domini coniciamus, & futuram liberationē de toties experta in nos eius benignitate polliceamur: firmiter sperantes illum nobis in præsentis periculo non defuturum, qui in multis aliis opem sepe tulerit. Hoc egit sanctus ille Propheta, qui in magna angustia constitutus, superiorum temporū memoria, veterumque beneficiorum recordatione, spem suam fulciebat his verbis: Cogitavi dies antiquos, & annos æternos in mente habui. Hoc est, antiqua beneficia, quibus olim Dominus populum suum affecterat, in mentem reuocaui: vt, hoc exemplo animatus, iacentem animum erigerem, & ad meliora speranda confirmarem. Sic enim mecum cogitabam: Numquid in æternum proiciet Deus? aut non apponet vltiā vt complacitior sit adhuc? Aut obliuiscetur misereri Deus? aut cōtinebit in ira sua misericordias suas? Hoc est, si summa illa præcellensque natura, varietatis & mutationis omnino expertus est: quī fieri potest, vt alius modō sit quā antea fuerit? & eos nunc deferat, quos antea in tutelam tuam receperit? Si ergo is olim tot tam stupendisq. Patres nostros beneficiis affecit, cum eos ab Aegyptiaca seruitute liberauit: quomodo nunc nos tot vndiq. circumdatis periculis derelinquet? Num iā dediticū, aut oblitus est consuetū munus miserendi? ita vt contineat in ira sua misericordias suas? Cum autem hæ rerum vicissitudines nulla ratione in constantem illam suique semper similem naturam cadant: firmiter sperandum est, eadem quoque nunc benignitate & gratia erga suos vsurum, quamuis eos ad tempus deferere videatur.

Est & aliud in hoc ipso tempore remedium, nempe fidem & veritatem diuinatum promissionum reminisci: quæ sperantibus in Domino instar impenetrabilis clypeisunt. Nam si ipse iubet vt ad se in tēpore calamitoso cōfugiamus, & illius opem imploremus: imō si idem ipse nos ad se suauissimis illis verbis aduocat: Venite ad me omnes qui laboratis, & onerati estis, & ego reficiam vos: qui fieri potest, vt inuocatus non adsit, cum nos ipse non vocantes ad se vocet? Huius igitur veritatis diuinæ consideratio, magnum nutantis animi solatium atque succulentum est: ad quod nos Propheta regius inuitat, cum ait: Bonum est confiteri Domino, & psallere nomini tuo altissime. Ad annuntiandū manē misericordiam tuam, & veritatē tuam per noctem. Quibus verbis quamuis Vates sanctus ad duo illa tempora orādī, manē scilicet & vesp̄i, quæ in lege præscribebantur, nos inuitet: tamē hoc etiā innuere videtur, cum dies

Ecclesi. 1. 25.

Psal. 71.

Tertium
remediū

Matt. 23.

Psal. 118.

prosperitatem illucescit, misericordiam Dei prædicandam esse; ut omnia quæcunque nobis secunda eueniunt, illi accepta referamus: at cum nocte rerum aduersarum circumfundimur, fidem eiusdem, dictorumque constantiam in ore semper habendam; ut spe bona simus, nos tandem ex omni periculo & calamitate euasuros, quando ille hoc tempore iubet nos opem eius implorare, & ad se confugere. Hac spe sanctus Chrysostomus B. Anastasiam à viro suo Publio, idolorum cultore, inclusam, & inhumanissimè tractatam, epistola ad illam missa consolatur: cuius bonam partem hoc in loco attexere libuit. At igitur: Fluctuanti tibi inter procellas & turbines mundi, citò super vndas deambulans Christus adueniet, & diaboli aduersum te stantem spiritum vno iussione sue sermone compefiet. Patienter, & quasi in medio maris posita, crede ad te Christum esse venturum: & ad te ipsam còuersa, exclama cum Propheta, dicens: Quare tristis es anima mea, & quare conturbas me? Spera in Deo, quoniam adhuc confitebor illi, salutare vulnus mei, & Deus meus. Deus enim beneficium suum ad hoc longius protrahit, ut non sit nobis vile quod præstat. Vide ne turberis in hoc quod piè viuenti tibi inferantur aduersa. Nō enim deciperis, sed probaris. Non est tuta defensio, quam per hominem puras posse constare. Audi scripturam dicentem: Maledictus homo qui spem suam ponit in homine. Et: Benedictus homo, qui spem suam ponit in Deo. Caue fortiter, vigilanter, strenuè vniuersa peccata, & à Deo solum quære solatiū, cuius præcepta conseruas: citò enim ad te placidum tempus cōuertetur, & quasi post noctis tenebras flodum diei lumen adspicies, atque post glaciale frigus hiemis transeuntis, aurea tibi tempora & serena succedent. His ergo præsidiiis, fratres, nos in quavis tribulatione in iactatione munire possumus, ut præsens atque propitium diuinum numen experiamur. Mos enim Dei est (ut sancta illa femina in oratione sua testatur) post tempestatē tranquillum facere, & post lacrymationem exultationem in fundere: qui omnia quæ pijs hominibus accidunt, siue secunda siue aduersa sint, in eorum commodum vertere solet. Cuius rei eum multa exempla afferre possem, vnum Ioseph in medium proferam: qui venditus à fratribus in seruum, & in carcerem deinde coniectus (quod extremæ miseræ esse videbatur) adeo nihil læsus fuit, ut, diuina tandem prospiciente clementia, ad principatum etiam perueniret Aegypti: itaque calamitas eam non solum maximam gloriam iuveni sancto; sed etiam salutem familiæ suæ, & cunctis Aegyptiis peperit.

Sed ad historiam redeuntes, excitatus discipulorum oratione Domini, quid dixerit, audiamus: Quid, inquit, timidi estis?

modica

modice fides? Fidem habebant discipuli, qui nequaquam in tam presenti periculo opem Domini implorarent, quam ab illo minime præstare posse confiderent. Petexiguam tamen eorum fidem existisse, vel ex eo constar, quod magno fuerint timore cõsternati. Sicut enim perfecta charitas foras mittit timorem: ita perfecta fides hanc formidolosam hæsitacionem ex animis pellit, & confidenter cum Propheta clamare facit: Dominus illuminatio mea, & salus mea; quem timebo? Dominus protector vitæ meæ; à quo trepidabo? Verùm hoc in loco illud adnotandum est: fidem hîc (ut sæpè alias) pro fiducia metonymicòs accipi, in qua pro effectu ponitur causa: fides enim robusta fiduciam parit. Vnde alij verterûnt, Quid timidi estis exiguâ præditi fiducia? Cur autem discipuli trepidationis & diffidentie reprehendantur, in promptu causa est. Nam qui virtutem, diuinitatem, atque potentiam Christi tot miraculis in terra edicis adeò perspectam habebân: quid erat quod in mari trepidarent, quasi non idem in mari futurus esset, qui in terra extitisset? Et quidem hoc ingenio sunt multi, ut quâuis sæpè alias in calamitatibus suis presentem Domini opem experti sint, si tamen nouus aliquis casus emerferit, si fortuna paululum fuerit immutata, ipsorum quoque fiducia cum fortuna pariter commutatur. Tales olim fuêre illi de quibus sèri primum est: Et male loquuti sunt de Deo, dixerunt: Ecce percussit petram, & fluxerunt aquæ, & torrentes inundauerunt: Non quid & panem poterit dare, aut parare mescam populo suo? Videte, quæ so, quanta fuerit horum hominû cecitas atque dementia, qui vnde omnem animi hæsitacionem pellere debiissent, inde dubitandi atque dissidendi ansam arripuerunt. Quia perfidia ita Dominus indignatus fuit, ut potentiam quidem suam edito insigni miraculo declararet, sed hoc tamen in perniciem perfidorum ceciderit: utpote qui huius diffidentie grauissimas penas repentina morte dederunt. Hos autem, ceterosque omnes, qui simili perfidia laborant, quibus, quæ so, aptius quàm principibus exercitus Syriæ aduersus Achab regem Israël dimicantibus comparare poterimus? qui, cum cernerent se in montibus ab Israëlitis parua manu fultos atque fugatos: non quidem Israëlitis, sed monstrosus diis victoriam esse tribuendam censuerunt. Quare statuerunt anno proximo à deorum illorum ditione Israëlitas abducere, & in vallibus cum ipsis confingere existimantes facile se superiores euafuros, si eos montanorum deorum auxilio destitutos adorirentur. Quis tale vnquam delirium commentus fuit, ut diuinam potetiam pro locorum varietate vel minui vel amplificari crederet, posseque illam in montibus, non in vallibus opem ferre? Atque iis nõ admodum

diffimiles esse videntur, qui cum quibusdam in rebus benignitatem Domini experti sint, in aliis tamen, si paululum à præteritis distet, fiduciam penè omnem amittunt: quasi paterna cura & providentia Dei præscriptis limitibus circumscripra sit, nec ad omnia calamitatum genera subleuanda porrigatur.

III.

Tertia
pars de
superate
tribula-
tionis
fructu.
2. Pet. 2.

Psal. 70.

Tob. 11.

1. Reg. 2.

Deut. 2.

Greg. in
homil.

Simile.

Simile.

Becl. 27.
Primus
tribula-
tionum
fructus.

Excitatus ergo discipulorum oratione Dominus, increpauit mare: protinusque ad vocem eius dicto citius siluerunt venti, subsederunt fluctus, conqueuit mare, & facta est tranquillitas magna. En fratres, quod initio dicebamus, nempe neque tribulationes piis hominibus, nec diuinam opem aliquando defuturam. Nouit enim Dominus (vt Petrus Apostolus ait) pios de tentatione eripere. Vtrumque autem Propheta regius ardenti oratione significauit, cum ait: Quantas ostendisti mihi tribulationes multas & malas, & conuersus uiuificasti me, & de abyssis terræ iterum reduxisti me. Multiplicasti magnificentiam tuam, & conuersus consolatus es me. Itaque piorum omnium est illa Tobia vox: Benedico te Domine Deus Israël: quia tu castigasti me, & tu sanasti me. Verè enim Dominus & mortificat, & uiuificat; deducit ad inferos, & reducit. Denique in Deut. Moses populo ait: Afflixit te penuria, & dedit tibi manna, quod ignorabas tu & patres tui. Et postquam afflixit atque probauit te, ad extremum misertus est tui. Sed dicetis forsitan: An non maius beneficium esset, præuenire labores, ne nos vexarent, quam, ubi diu torserunt, opem laborantibus ferre? Verum quis rebus ad voluntatem fluentibus, & secunda semper adspirante aura, Dominum agnosceret? aut hoc illi beneficium acceptum ferret? aut illius opem imploraret, cum nulla re indigeret? Sollet enim rerum abundantia (vt diuus Gregor. ait) tanto magis à timore diuino mentem solvere, quanto magis hinc compellit diuersa cogitare. Quocirca quemadmodum in operibus naturæ providentiam suam Dominus declarauit, non cum omnia morborum genera ab humanis corporibus sustulit; sed cum omnibus morbis appositissima medicamenta prouidit: ita in operibus gratiæ paternam curam, providentiam, benignitatem, & charitatem erga suos tum vel maxime ostendit, cum eos e medijs tribulationum fluctibus celesti ope subleuat. Vt enim gravior est post vehementem sitim aquæ frigida potus, & post solis æstum umbra petrae prominentis in terra deserti: ita post calamitatum tempestatem, supernum diuinæ miserationis auxilium. Verissime enim dictum: Speciosa misericordia Dei in tempore tribulationis.

Sed paulo fufius eos fructus, qui ex huiusmodi tribulatione ac liberatione consequuntur, expēdamus. Hoc nobis sequentia verba

verba subindicant. Porre, inquit Euangelista, *homines illi mirati sunt, dicentes: Quis est hic, quia venti & mare obediunt ei?* Primum igitur admiratio diuinæ maiestatis & potestatis ex hoc opere consequuta est. Quæ quidem admiratio spirituali quadam oblectatione & gaudio vacare non potest. Admirationi enim rerum maximarum adiunctam esse animi delectationem Aristoteles ait. Quæ tamen delectatio tanto maior in hoc opere existit, quanto maiori beneficio periclitantes affecti. Quid enim maius, quam insanam vasti gurgitis rabiæ compestere, & impendentem mortē repentina Dei ope euasisse? Tale ergo solet esse piorum hominum gaudium, quoties ab instantibus malis se diuina opeliberatos vident. Tale erat sancti Prophetæ gaudiū, cūm diceret: Ego autē in Domino gaudebo, exultabo, & lætabor in misericordia tua. Quamobrem? Quia respexisti, inquit, humilitatē (siue afflictionem) meam, saluasti de necessitatibus animam meam: nec cōclūdisti me in manu inimici, statuisti in loco spatioſo pedes meos. Tale etiam gaudium illius sanctæ feminæ existit, quæ abscissum in pera caput Holofernis gestans ait: Viuit autem ipse Dominus, quia custodiuit me Angelus eius & hinc abeuntem, & ibi commorantem, & sine pollutione peccati reuocauit me vobis gaudentem in victoria tua, in euasione mea, & in liberatione vestra. Quale ergo hoc gaudium fuisse purandum est? Quod quidem gaudium vsque ad eod̄ piorum calamitatibus vicinum, atq; adeo debitū est, vt vel hoc nomine Prophetā illud à Domino exigat, propterea quod calamitatibus antea pressus fuerit. Vnde pro eo quod nos legimus; Lætati sumus pro diebus, quibus nos humiliasti; alij verterunt: Lætifica nos pro diebus quibus nos humiliasti; pro annis quibus vidimus mala. Hic ergo primus tribulationis ac diuinæ liberationis fructus.

Psal. 101

Iudith 99

Psal. 89.

Secundus fructus.

Psal. 58.

Exod. 15d

Proximus verò huic est pro accepta liberatione laus & gratiarum actio: non illa quidem languens & remissa, sed feruens atque deuota: vt pote quæ à flagranti animo ex recentis beneficii memoria proficiſcatur, qualis erat eiusdem sancti Regis, cūm diceret: Ego autem cantabo fortitudinem tuam, & exultabo manē misericordiam tuam: quia factus es susceptor meus & refugium meum in die tribulationis meæ. Sic etiam filij Israël, vbi se ab exercitu Pharaonis, & imminenti mortis periculo creptis viderunt, in voces illas lætitiæ & gratiarum actionis plenissimas eruperunt: Cantemus Domino, glorioſe enim honorificatus est; equum & adscensorem proiecit in mare. Hinc orta sunt Cantica illa sanctarum feminarum, Annæ, Deborah, & Iudith; quæ omnia ex tribulationum fontibus suauis & miseratione Domini ortum habuere. Quæ quidem

Psal. 26.

non modò laudis, sed etiam iustitiæ sacrificium Domino offerunt, propter eius beneficiis gratias agentes, & in futurum pietatem & obsequia promittentes. Hæc enim præcipua vera devotionis & laudis portio est. Quod planè regius Propheta significavit, cum ait: Vnam perij à Domino, hanc requiram, vt in habitem. Sed vnde tibi, ô Vates sancte, hoc studium, & laudandi Deum, & præceptis eius obtemperandi? Subdit causam: Quoniam abscondit me in tabernaculo suo in die malorum, protexit me in abscondito tabernaculi sui. Videte quem ei fructum peperit antea cta tribulatio, & quæ ipsam consecuta est diuina liberatio.

Tertius
fructus.

Psal. 45.

Postremus tandem fructus est spei robur atque firmamentum. Vbi enim homo paternam erga se Dei benignitatem & providentiam in malorum suorum curatione expertus est, faciliè adducitur vt speret non defuturum sibi in quavis alia calamitate, qui in aliis frequenter affuerit. Quàm firmam verò spem hæc pia Domini liberatio affert, declarant illa Prophetæ verba: Deus noster refugium & virtus, adiutor in tribulationibus, quæ inuenerunt nos nimis. Propterea nō timebimus dum turbabimur terra, & transferentur montes in cor maris. Quid dici potuit aut constantius, aut fortius, aut mirabilius? Et ne putes hanc hyperbolam esse, addit hoc iam ita contigisse. Nam sonuerunt, inquit, & turbæ sunt aquæ, & grauissima tempestas contra nos excitata est: ita idem ipse imperus fluminum & procellarum ciuitatem Dei adeò non deiecit, vt magno etiam gaudiola tificæ fieri: vt potè qui maior ei contemplandæ diuinæ bonitatis & paternæ providentiæ materiam præstiterit: dum in medio turbine tempestatis cōfidit se beneficio Dei fore tutam, & ab omni periculo immunem. His ergo de causis Dominus viros virtute ac pietate præcellentes per varios casus plerumque & per varias calamitatum angustias ad vitam perducit beatā & immortalem: contraq; impiis vitæ quidē prosperitatem, secundasq; res ad breue tēpus faciliè concedit; sed miseriæ & pœnæ, quæ scelera eorum sequuntur, sempiternæ sunt & immortales. Quæ cum ita sint; nec illa quæ fortunæ bona vulgo nominantur, magno æstimanda sunt; nec res aduersæ & incommodæ in malorum numero ponendæ: vt potè quæ pietati, fidei, atque patientiæ, ceterisque virtutibus, quas antè commemorauimus, materiam præstent.

Cum ergo tam multi sint, fratres, calamitatum, quæ nos vndique

diſque circumſtanti, fructus, ſi illis tanquam medicamentis, à diuina benignitate ad ſalutem animæ noſtræ conſectis, vti velimus: reliquum eſt, vt non deſpondeamus animum, nec à Deo tunc nos deſertos eſſe credamus, ſed tunc maxime ad ea quæ antè diximus præſidia recurramus: nec, vt inertes facere ſolent, belli tempore orationis arma proſiciamus; ſed ad illa ſidenter & humiliter conſugientes, opem Domini imploremus, illum-que quaſi dormientem excitemus. Iſ enim, vbi pauliſper ſuſtinerimus, precibus noſtris excitatus, imperabit vëatis, compeſcet fluctus, ſedabit mare, fietque tranquillitas magna: in qua tandem conſtituti, ab omni-que periculo liberati, cantare cum Propheta poterimus: Tranſiimus per ignem & aquam, & eduxiſti nos in refrigerium. Quod nobis concedere dignetur, qui eſt benediſtus in ſecula ſeculorum. Amen.

IN EADEM TERTIA DOMINICA

POST OCTAVAM EPIPHANIÆ, CONCIO

ſecunda: in qua primùm & vita præſens huic mari magno & periculoſo comparatur: ac deinde remedia deſcribuntur, quibus in eo ſecunda navigatione vti, & ad ſalutis portum peruenire valeamus.

THE. Ecce motus magnus factus eſt in mari, ita vt nauicula operiretur fluctibus. Matth. 8.

Nter varios errores, quibus deſuſa olim Gentilitas laborabat, hic vnus erat, quòd mundi regnum credebant deos ipſos inter ſe humano more fuiſſe partitiſ. Ioui enim cælum, Plutoni inferos, Neptuno verò fratri maria ſorte contigiffè delirabant. Vnde ſunt illa eiufdem apud Maronem voces, quibus ventos regnum ſuum inſeſtantes corripit, dicẽs: Maturate fugam, regi-que hæc dicite veſtro: Nō illi imperium pelagi ſæuimq; tridentem; Sed mihi ſorte datum. Ad hanc ergo cæcitatem ex humanis mentibus pellendam, Saluator noſter, vbi tot miranda prodigia edidiſſet in terra, trãſiit ad mares: vt ſe terræ maris, atque omnium rerum Dominum comprobaret. At igitur ſanctus Euangelifta:

Adſcendente eſu in nauiculam, ſecuti ſunt eum diſcipuli eiſ: & ecce motus magnus factus eſt in mari, ita vt nauicula operiretur fluctibus.

Orig. in
homil.

Hanc tempestatem Origenes imperio Domini excitatam credit, ideoque non communem, aut leuem, sed maximam fuisse credendum est. Quæcunque enim Deus (se solo) sine aliarum causarum ministerio facit, maxima, taliq. auctore digna sunt: ideoque & tempestas magna, & tranquillitas quoq. magna fuit: quia imperio omnipotentis virtutis utraque res plenissime obtemperauit. Causa autem tempestatis excitandæ probatio spei atq. fiduciæ discipulorum fuit. Quia in re dictum mirum est, quàm multis argumentis virtutem hanc Dominus discipulorū mentibus inferere, & quàm multis modis eadē probare voluerit.

Ioan. 6.
Matth. 14.

Matth. 16.

Hoc enim fecit, cum à Philippo quæsiuit: Vnde ememus panes, vt manducet hi? Idem fecit cum Petrum super aquas ambulare præcepit, & cum discipulis, panibus & comætu destitutis, transfretare voluit. Idemque modò efficit, cum dormiens commouit ventos, & maria excitauit. His enim rebus discipulorum fidem atq. spem & probare, & erudire, & cōfirmare volebat. Quod nequaquam fecisset, nisi virtutē hanc vitæ nostræ anchoram, pacis firmamentū, iustitiæ, dignitatis, & salutis ministrā, & maximā Christianæ philosophiæ partem esse intellexisset. Verè enim Christianæ vitæ summa perfectio est, ex Deo pēdere, illum adspicere, illum semper intueri, ad illius gloriam omnia referre, ad illius opem in omni pressura confugere, ab illo bona omnia expectare, & seipsum atq. sua omnia illi vicissim tradere: vt ad locum tandem, vnde exeunt, gratiarum flumina reuertantur. Sic enim fit, vt Christiani hominis vita non tam humana, quàm cælestis sit atq. diuina: quando & omnia bona à Deo recipit, & quæ rursus habet omnia, in ipsum confert atq. refundit. Vix autem vnquam virtutis huius experimentum cepit, quin modicam eorum fiduciam deprehenderet: vsq. adeo difficile atque arduum est supra naturam attolli, & in spem contra spem credere, & ardenti in Deum fide salutem sibi firmiter polliceri, cum eam præsertim omnis humana ratio & industria denegat.

Ceterum dum turbida illa tempestas furit, dormire Dominus dicitur. Nullo modo diuinus hic somnus mysterio vacare potest. Tunc autem piis dormire Dominus dicitur, cum calamitates, quibus vndiq. obsessi sunt, ad extremum vsque ita seruire permittit, vt nulla elabendi spes reliqua esse videatur: quo postea & gravior sit eius misericordia, euidentiusque appareat diuinum fuisse remedium, vbi humanum prorsus desperabatur auxilium. Hinc illud in Psal. Turbati sunt, & moti sunt sicut ebrius, & omnis sapientia eorum deuorata est. Et clamauerunt ad Dominum cum tribularentur, & de necessitatibus eorum liberauit eos. Hoc est, Cum ita homines calamitatibus

Psal. 106.

exagi-

exagitaretur, ut ebriorum more velut extra se positi nihil pensi haberent, & omnis eorum sapientia deuorata esset, hoc est, nulla eis humano consilio aut sapientia euadendi ratio appareret: tum clamauerunt ad Dominum cum tribularentur; qui desperatam humana ratione salutem ad se clamantibus contulit.

Sic permisit Bethuliam, ab Holofernis exercitu obsessam, Iudith. 7. penè in deditionem hostium venire, quando ei subitum & insperatum de cælo misit auxilium. Sic Susannam in extremo vitæ periculo constitutam, & iam lapidibus à furente populo obruendam, & mediâ morte liberauit. Sic Dauidem permisit. 1. Reg. 28. ab exercitu Saulis in morte ita obsideri, ut is iam omnem euadendi spem penitus abiiecisset. At cum omnis eius sapientia exhausta atque deuorata esset, quia nullum effugiendi consilium suberat, adinuenit diuina sapientia remedium, dum in terram Israël exercitum Philistinorum immisit, quo Saul obsidionem soluere, & prædam, quam penè in manibus tenebat, dimittere coactus est. Sic etiam in hodierna sancti Euangelij lectione eo vique maris fluctus intrumescere Dominus permisit, ut nauicula ipso dormiente vndiscederet, & discipuli se iam perire ad Dominum clamarent. In his ergo similibusque periculis Dominus dormire interdum dicitur, cum tamen verissimè de eo scriptum sit: Ecce non dormitabit, nec dormiet, qui custodit Israël.

Cum ergo discipuli tantò se periculo constrictos cerperent, ad dormientis Domini opem confugiunt, clamantes: Domine, salua nos perimus. Quibus ille ait: Quid timidi estis modice fidei? Cur Dñe modicam fidem appellas, quæ nunquam abs te contra furens & iratum mare opem & salutem postularet? nisi te maris & fluctuum Dominum esse crederet? Rectè sanè. Fidem quidem discipuli habebant, sed modicā tamē, Quæstus finibus circūscriptam: quia cum in eadē navi cum ipso vitæ auctore navigarent, non erat, cur sibi de periculo timeret: cum illum sequerentur qui periculis omnibus superior est. Hic enim Domini mos est, ut quos in filios adoptauit, & in mystici corporis sui membra transfudit, eosdem, quàm diu tales permāner, tantum se ipsum protegat atque cōseruet. Hoc enim nobis innuit, quòd ipse in eadem navi nobiscum nauiget, in qua commune nobis cum illo periculum & salus est. Idem nobis mysticè illa Dauidis verba indicant, qui cum Abiathar sacerdote: em à Saule profugum exceperat, ad illum ait: Mane mecum: si quis quaesierit animam meam, quaeret animam tuam, mecumque seruaaberis. Quæ quidem verba non Dauidi solum, sed Domino etiam Saluatori (cuius ille imaginem gerebat) apuissimè cōueniunt: quod ipse in oratione sua testatur, cum ait: Volo, Pater, ut

vbi

ubi ego sum, illic sit & minister meus. Si ergo idem locus manet membra Christi, qui ipsum Christum, qui periculis omnibus maior est: quid est cur discipuli timere deberent, cum in eadem navicula cum ipso essent?

Fidei tamē ea virtus est, ut, quamvis modica esset apud illos, tamen apud summum fidei auctorem & consummatorem Iesum non modici valoris sit. Ea est enim Salvatoris nostri largitas atque benignitas, ut exigua quoque obsequia nostra, quae maiestatis eius celsitudine quodam modo videntur indigna, maximis donis atque muneribus afficere soleat. Quia quidem in re nobis ipsis, fratres, gratulari debemus, qui talem Deum colimus, qui ne minima quidem obsequia, nec calicem aquae frigidae, sine copiosa & superabundanti mercede relinquit. Itaque modica etiam discipulorum fide excitatus, imperavit ventis, frenavit fluctus, compevit mare. *Et facta est tranquillitas magna. Porro homines illi mirati sunt.* Et: Haec tenus de Evangelica lectione: nunc, fratres, in aliud mare multo turbulentius & periculosius, Christo gubernante ingrediamur.

Pars prior.

Hanc vitam, quam vivimus, navigationem esse, & hoc secernit mare in quo navigamus, communis sanctorum Patrum, atque adeo Philosophorum sententia praedicat. Quocirca quemadmodum necesse est, ut navigaturi maris, in quo navigant, pericula diligentissime perspecta & explorata habeant, & adversus ea convenientibus se remediis muniant: ita nobis in hac spiritali navigatione agendum est, atque eo magis, quo plus est animae quam corporis, & aeternae quam temporalis vitae navigium facere. Id quod nos sapienter Plutarchus, Philosophus insignis admonet his verbis: Quemadmodum qui caelo etiam sereno navigant, instrumenta, etiam adversus tempestatem in promptu habent: ita qui in laeta fortuna recte sapiunt, praesidium quoque adversus infortunia comparant. Quoniam igitur lectio sancti Evangelij, maris hodie tempestatem & procellam nobis ob oculos ponit, operae pretium me facturum arbitror, quando omnes in hoc mari magno & spatiofo navigamus, si tum magna eius pericula, tum eorum remedia vobis ob oculos ponam. Vos vero mihi, fratres, eas aures praebete, quas communis huius periculi, & rei magnitudo requirit.

Principio igitur vitam hanc esse navigationem, multis nominibus probare possumus. Nam ut ab hoc primum ordiamur, quemadmodum ij qui navigant, nunquam quiescunt, sed ad portum quem petunt propiores quotidie fiunt: ita nos, siue vo-

lentes,

Plutar.
simile.

simile.

lentes, siue nolentes, per singula momenta temporum quotidie ad finem vitæ nostræ, rāquam ad portum, properamus. Fluunt enim omnia (ait Seneca) & assidua diminutione sunt corpora nostra, rapiunturque fluminum more. Quidquid vides, currit cum tempore: homo fluida est materia, & caduca, & omnibus obnoxia casibus. Hanc autem continuam hominis mutationē, inter cæteras vitæ nostræ miseras sanctus Iob deplorat, cum hominem nūquam in eodē statu permanere describit. Quo in loco D. Gregorius ait: Nostrum viuere, à vita transire est. Vita enim nostra ipsis suis augmentis ad detrimenta impellitur; & inde semper deficit, vnde se proficere credit: quia dum infantia ad pueritiam, pueritia ad adolescentiā, adolescentia ad iuuentutem, iuuentus ad senectutem, senectus transit ad mortem, in cursu vitæ præsentis ipsis suis augmentis ad detrimenta impellitur. Ante peccatum enim tempora homine stāte, hoc est, non moriente, transibant: modò cum ipsis temporibus transit homo, & ad mortem quā ocyssimē peruolat.

Seneca
Epist. 67.

Iob 14.

Greg. in
Moral.

Habet etiam nauigatio incommodum aliud: quòd assiduis ventorum, temporumque varietatibus obnoxia sit. Quā vērò hoc ipsum cadat in hominum vitam, declarat D. Greg. Nazian. his verbis: Natura quidem ipsa nihil in rebus humanis constans est, nec sibi æquale, nec per se sufficiens: sed circulus quidam rerū nostrarum voluitur, alias atque alias in vno die, sæpius etiam hora vna, mutationes adferēs. Et potius licet credere instabilibus ventis, & naui mare sulcatis vestigiis, & nobis fraudulentæ somniis (quorum brevis est gratia) & quæcunque in arena pueri per ludum effingūt, quā hominis prosperitari. Hactenus ille. Nemo ergo se eadē semper aura speret nauigaturum: sed modò secunda, modò aduersa. Ludit enim (inquit Seneca) de suis fortuna maneribus: & quæ dedit, abstulit: & quæ abstulit, reddit: nec vnquam tutius est illam experiri, quā cum locum iniuriæ non habet. Maxime enim cuique fortunæ minimè credendum esse, sapiens quidam monet. Hinc illud Publij Mimi: Fortuna quos beneficiis ornat, ad duriore casus referuat.

Gregor.
Theolog.

Seneca

Seneca

Habet item incommodum aliud nauigatio: quòd non solum assiduis mutationibus, sed infinitis penè periculis & laboribus exposita est. Quid enim post peccati lapsum humana vita laboriosius & periculosius? Quid, quæso, inquit Ambros. nobis miserius, qui tanquā spoliati & nudi proicimur in hanc vitam, corpore fragili, corde lubrico, imbecillo animo, anxij ad sollicitudines, desidiōsi ad labores, proni ad voluptates? An non hic satis superque miseriarum est? Quamobrem Saluator vocauit nos crastinas curas & sollicitudines anteuertere: quia videlicet

Ambros. de
fide resurrex.

Matth. 6.

Ephes. 5. delictet sufficeret vnicuique diei malitia sua, hoc est, curarum & laborum agmen quos vnaquæque dies secum affert. Propter quod etiam Apostolus tempus nos redimere iubet, hoc est, à seruitute curarum terrenorumq. negotiorum, quæ ipsa secum vita affert, vendicare: quoniam dies mali sunt, hoc est, periculis, miseriis, & solitudinibus anxij. An non, inquit August. dies mali sunt, quos agimus in corruptela huius carnis, inter tam multas difficultates, & bi falsa voluptas, nulla gaudij securitas, timor torquens, cupiditas auida, tristitia anxia? Ecce quàm mali dies; & tamen rogât Deum homines, vt diu viuant. Quid autem est diu videre, nisi diu torqueri? Quid longa vita, nisi (vt quidâ ait) diuturna calamitas, & longa dolorû colluuijs? Quæ sint autem pericula ista, quæ nauigantes manēt, neminem ignorare licet: quia nemo est, qui non ea periculo suo didicerit. Scriptum est enim: Qui nauigant mare, narrant pericula eius. Cùm autem,

**Aug. de
verbis
Domini.**

Eccli. 42.

**Hiero. in
Epist. ad
Heliod.**

quicumque in hoc seculo degimus, nauigemus: omnes vii. eius pericula & iactationes narrare possumus. Quotus enim quisq. à procellis huius mundi liber, placidam & tranquillam vitam agit? Quis semper aura secunda ventisque fauentibus vsus est? Itaque omnes huius disciplinæ periti sumus, quos planè peritos fecit non doctrina, sed miseria.

Diuis tamen Hieronymus, qui diutius in hoc pelago nauigauit, quia plus vixit, de eius periculis ita ait: Etego nō integritate vel mercibus, quasiq. ignarus fluctuum, & incautus nauis præmoneo; sed quasi nuper naufragio eiectus in litus, timida nauigaturus voce denūtio: In illo æstu Charybdis luxuriæ salutem vorat; sibi ore virgineo ad præditiæ perpetranda naufragia scyllæum renidēs libido blanditur. Hic barbarum litus, hic Diabolus pirata cū sociis portat vincula capiendis. Nolite credere; nolite esse secuti: licet in modū stagni fufum æ quor arri-deat, licet vix summa iacentis elementi spiritu terga crispentur, magnos hic campus montes habet: intus inclusum est periculum, intus est hostis. Expedite rudentes, vela suspendite; Crux antennæ figatur in frontibus. Tranquillitas ista, tempestas est. Hactenus ille. In quibus verbis, vir sanctus non modò maris pericula, sed etiam remedia breuiter attigit, quæ nos tamen paulo fufius postea persequemur.

II.

Præcipuum verò maris periculum venti sunt immittiores & aduersi, qui iter nostrum prohibent, qui nos à cursu abducunt; qui quæ fœdas in mari tempestates excitât: quibus miseri nauis ita iactantur, vt modò in sublimi pendentes nubes attingere, modò ad ima terræ subducta vnda demergi videantur: quem admodum ingeniosus Poëta describit his verbis: Tollimur in
caelum

cælum curuato gurgite, & iidem Subducta ad manes imos descendimus vnda. Id autē in hac spiritali nauigatione fit, cum varia homines fortuna exagitati, modò secūdis rebus elati tolluntur in altum (vnde ceteros despiciunt) modò verò, aduersa urgente fortuna, spiritu pusillanimitatis absorbentur, & ad ima deiciuntur. Quam quidem iactationem Vates sanctus describit, cum ait: Adscendunt vsque ad caelos, descendunt vsque ad abyssos, anima eorum in malis tabescebat. vtrobiq; enim damno afficiuntur, quando illic superbia & vana lætitia efferuntur: hinc verò immoderato timore, tristitia, atque desperatione contrahuntur: ideoq; vtrobiq; anima eorum in malis tabescit. Rectē enim Plutarchus: Vt corpus, inquit, ægrotū nec æstus simile. Plutarchi ferre potest, nec frigus: ita animus æger prosperis & lætis rebus iuxta offenditur.

Sunt etiam in mari piratæ, qui, loca opportuna captantes, incautos adoriuntur & spoliant, eosque interdum vinculis adstrictos in captiuitatem abducunt. Porro huius nostri maris piratæ sunt illi, de quibus Propheta dicit: In via hac, qua ambulabā, absconderūt superbi laqueum mihi. Itaque piratæ isti dæmones sunt, qui hoc mare magnum peragrans, auidis faucibus animarum nostrarum prædas agunt. Nam cum sint humani generis hostes, nulla alia re quam pernicie nostra faginantur, Piratæ item ambitio, superbia, & inanis gloria sunt, qui bonorū operum nostrorū mercedes diripiūt. Quicquid enī popularis gloriæ studio facimus, quamlibet magnum & eximium sit, id totum perit nobis: quia quisquis intuitu humanæ laudis aut fauoris rectē operatur, nihil habet quod in altera vita sperare possit: quia in hac iā recepit quod quæsiuit. Hinc D. Greg. ait: Iustus in bono opere nec à corde gloriam, nec à lingua laudem, nec à manu munus expectat.

Est & aliud in mari vulgatissimum periculum, quod eos potissimum inest, qui inter Scyllam & Charybdin nauigant. Cui periculo multa alia in mari similia sunt. Ingressus enim Olyssipponis insignem portum aditus angustus inter scopulos virimq; interiectos pater: à quo si paulisper læua dextraq; declinaueris, in scopulos aut vadosa loca incidisti. Hoc autem periculum latius in hac spiritali nauigatione pater. Nulla enim moralis virtus est (vt D. Thom. ait) quæ non inter duos scopulos, hoc est, inter duo vitia valde inter se opposita constituta sit. Quo fit, vt quisquis virtutis officium aliquod exsequi cupiat, velut qui inter Scyllam & Charybdin nauigat, mediam (hoc est) regiam viam tenere debeat: ne, si in contraria latera declinauerit, ad finitimorum vitiatorum scopulos alidatur. Humana siquidem natura, communis peccati morbo deprauata, vt ab

ut ab ipsa virtute & officio; ita à medio hoc itinere, in quo sita virtus est, nos auocat, & ad extrema viriorum inclinat, quādo sensus ipse, & cogitatio humani cordis, diuina gratia destituta, ad malū prona sunt ab adolescētia sua. Quo fit, ut homines ferē magis affectu & impulsu propriæ volūtatis & libidinis, quā ratione ducantur: ideoque ad extrema potius illa impetu suo, quā ad præsistitutum à ratione medium ferātur. Hinc videas alios, dum liberales esse studēt, in largiēdo profusissimos: alios contrā, dum hunc scopulum declinare volunt, in alium auaritię atque tenacitatis incidere, congerendāque pecunię studio dies noctesque inhiare. Videas alios, dum nimium iusti videri volunt, in crudelitatem atque sēuitiam degenerare: alios contrā, dum hoc ipsum ferarum magis, quā hominum esse docent, remissione atque negligentia & crudeli misericordia Rempub. vel domesticos & liberos suos perdere. Videas alios, dū regendi auctoritatem tueri nimium volunt, cum austeritate imperare, & cum potentia (quod per Ezechielem Prelatis Dominus improperat) alios verō, dum hoc vitium declinare student, ita se ad ima demittere, ut à subditis facillē contemnantur. Sunt alij sine villo suauitatis temperamento nimium tetrici & inexorabiles: contrā verō sunt alij adeo molles & blandi, ut omnibus in omni re parum etiam decora obsequi velint, nihilq. petentibus negare audeant. Suauitatis ergo, rectitudinis severitas iungēda est: ut illum imitari possimus, de quo scriptum est, Dulcis & rectus Dominus. Sicut enim pictores extremos colores miscere arte solent, ut membrorum habitus & colores effingant: ita etiam in actionibus nostris temperamentum quoddam prudentiæ consilio adhibendum est, quo, extrema omnia declinantes, modum quandam & ordinem retinere valeamus. Nam & venena parçē medicamentis admixta, non venena, sed medicamenta sunt. Vitata namque hominis natura immoderatos nobis affectus ingenerauit, ē quibus ratio, instar prudentis medici, non tantum sumat, quantum huiusmodi natura suppeditat; sed quantum honestatis ratio patiatur.

Verū inter omnia maris pericula, summum mihi esse videtur, scopuli sub vnda latentes: ibi enim cū externa maris species placidam faciem spectantibus ostendat, intus tamē periculum inclusum celat. Hoc autem periculū, quæ ars, quæ prudentia vitare queat? Quā multas naues hac occasione naufragium fecisse putandum est! At hoc ipsum periculum in huius vitę pelago vtrāquē grauissimum, ita frequentissimum est, in quo boni viri præcipuē periclitantur. Cū enim hi vitiis omnibus ita renuntiauerint, ut prius extrema omnia pati, quā se lethali ter Deum offendere apud se statuunt: vix eos vnquam comūta

munis hostis aperto marre adoritur, aut ad nota & aperta flagitia sollicitat: vt qui sciat se repulsam ilico passurum. Quocirca ^{similis} lethalia venena melle lita offert, & se velut callidissimus anguis sub viridi & læto gramine abdit, vt, cum securus & incautus homo vestigium figit, à larète vipera mordeatur. Itaque vitium virtutis specie tegit, atque hac esca pios homines, & virtutis amâtes, capere & illaquare contendit. Itaque alios sub religio- si cuiuslibet zeli prætextu ad indignationem, iram, & vindictæ cupiditatem instigat: alios verò sub pieratis & misericordiæ specie à solitudine, silentio, & studio diuinæ contemplationis abductos, secularibus negotiis ita implicat, vt spiritum sanctæ orationis prorsus extinguat: quo extincto, facillè deinde in quæuis alia delicta labitur, & prædæ patent inimicorum. Alios contrà ita huic vni studio addicit, vt ad præcepta maiorum, & graues fratrum necessitates desides atque negligentes faciat. Alios rursum, sub typo discretionis & prudentiæ, nimium sui amantes, & corpori suo plusquàm par est indulgētes efficit. Contra verò alios, dum illis abstinentiæ & parsimoniæ virtutem ob oculos ponit, ad indiscreta ieiunia, & carnis macerationem ita rapit, vt fracto corpore & capite, stomachoque debilitato, ad nihilum vtiles fiant. Quid, quòd alios etiam charitatis obrentu (quo videlicet alios iuuare possint) ambitionis, spiritui inflamat, & dignitates atque officia ecclesiastica Angelicis humeris formidanda facit ambire? Quàm multos autem eorum qui studiis sanctarum literarum vacât, hoc eodem colore à studio Deo vacandi retrahit: satius esse asserens, id temporis literarum studiis impendere, quàm cum Deo agere, & mente in cælum conscendere! Ex quo interdum fit, vt scientia quæ inflat pleni, & charitate quæ ædificat vacui, id ipsum quod se captare credebant, nō assequantur. Tempus me deficiet si omnes diaboli astus detegere voluero, quibus bonos viros sub virtutis imagine ludificare solet. In quibus omnibus superficies tantum aquæ cernitur: scopulus tamen intus delitescens nauem innocentie sfangit. Verùm de periculis hæcenus.

Pars posterior. II.

Tam nunc res ipsa exigere videtur, vt tantis his malis remedia aliqua adhibeamus. Sicut enim non satis est medico, morborum rationem indicasse, nisi salutaria quoque medicamenta adhibeat: ita non satis est nobis nauigationis huius pericula explicasse, nisi de periculorum etiam remediis nonnulla disseramus. Quisquis igitur ab his periculis tutus esse cupit, nauiculam cum Domino Iesu ingrediatur: vt cum salutis auctore ^{similis} nauigans,

nauigans, saluis mercibus, & integra rate, portum salutis petat. Nauicula autem hæc, vita Christiana est: per quam salus hominibus in hoc mari magno nauigantibus contingit: & sine qua nemo salutem consequi potest. Sicut enim extra arcam Noe nemo ab aquis diluuij seruatus est: ita nemo extra huius vitæ professionem positus, salutem vnquam adeptus est. Dicitur autem ea meritò nauicula, non naui: quia nimirum arcta est via quæ ducit ad vitam, & pauci sunt qui ambulant per eam. Vis scire quam pauci? Dominus de cælo prospexit super filios hominum, vt videat si est intelligens, aut requirens eum. Omnes declinauerunt, simul inutiles facti sunt: non est qui faciat bonum, non est vsque ad vnum. Quibus verbis raritas bonorum in hoc mundo designatur: cum tamen stultorum infinitus sit numerus. Quæ quidem res (nisi nos peccata penitus obexassent) maximum nobis timorem incutere debuisset, trepidantibus videlicet ne ad hanc adeo numerosam stultorum sortem nos quoque pertineamus. Sed iam videamus quænam illa sint, quibus instructa nauicula hæc esse debet, vt in ea tuto huius vitæ pelagus transmittere possimus.

Primum quidem nauicula ipsa integra & illæsa esse debet, ne vlla sui parte aquam admittat. Quamuis enim tota ea firmissimè compacta sit, si vel vna tantum rimula aquam bibat, facillè naufragium faciet. Quod quidem Iacobus Apostolus testatur, cum ait: Qui custodierit totam legem, deliquerit autem in vno, factus est omnium reus. Cæterum cum omnia peccata sint à nobis diligētissimè fugienda, tum vel maximè occultissima & perniciosissima superbiæ, ambitionis, & arrogantiae vitia (quæ multarum ruinarum materia esse solent) cauenda præcipuè sunt. Scriptum est enim: Antequam cõteratur, exaltatur cor hominis. Et, Contritionem præcedit superbia, & ante ruinam exaltabitur spiritus. Quia verò nulla naui adeo integra est, quæ in medijs vndis versans, nõ aliquid vndarum per quas meat, vel certè pluuiarum è cælo cadētium admittat; ratio excogitanda est, qua hæc ipsa aquarum colluuijs exhauriatur: ne, si plus debito excreuerit, nauem obruat. Quod in hac spiritali nauigatione, ad sacramētum confessionis pertinet, quæ peccata animæ grauantia foras eiicit. In multis enim offendimus omnes. Constat autem peccata grauissimū onus esse, sicut Prophetæ testatur: Quoniam iniquitates meæ supergressæ sunt caput meum, & sicut onus graue grauata sunt super me. Quare necesse est frequenter ad huius sacramenti opem cõfugere, vt à peccatorum pondere, quo nimium anima grauatur, eius beneficio alleuetur. Quod cum suis temporibus faciendum sit, tum maximè cum homo suspicatur se in lethale aliquod pec-

carum

earum incidisse. Ait enim D. Gregorius. Peccatū quod per pœnitentiam non diluitur, mox suo pondere ad aliud trahit. Cui malo nullum præsentiū remedium, quā pœnitentia est: quæ peccatorum vnda, mentis nostræ nauiculam grauant, imò & submergentes, foras protrudit.

Tum necesse etiam est, vt nauicula ipsa exterius bitumine linita sit, vt, quamuis externa eius facies marinis aquis tingatur, interiora tamen eius ab omni aquarum humore immunda sint. Nihil enim nocet externam faciem aquis tingi, si interiora eius non penetrat humor. Quid autem hoc in navigatione nostra est, nisi quod breuiter Propheta expressit, cum ait: Diuitiæ si affluant, nolite cor apponere? Et quod Apostolus item monuit, cum ait: Hoc itaque dico, fratres, tempus breue est: reliquum est, vt qui habent vxores, tanquam non habentes sint; & qui sient, tanquam non sientes; & qui gaudent, tanquam non gaudentes; & qui erunt, tanquam non possidentes; & qui vtuntur hoc mundo, tanquam non vtantur: præterit enim figura huius mundi. Quisquis igitur ita animo affectus est, aquis extrā tingitur, dum res humanas tractat: sed intus tamen purus ab omni aquarum contagio remanet, quando cor suum per amorem his minimè implicat: sed in mundo cum hominibus versans, supra ea quæ mundi sunt, diuina se virtute subleuat & attollit.

Psalm. 62.
2 Cor. 7.

Eget etiam naui firmissimo malo, à quo funes pendeant, quibus ad oram naui alligatis, fortiter stringatur. Hi namque funes & malum fulciunt, ne vi ventorum à sedibus suis cœuclatur: & rursum funes ipsi malo pendentes nauem quoque retinēt, ne flatibus impulsā succumbat. Itaque mutuas sibi operas ista præstant, dum se inuicem & iuuant, & iuuantur. Quid verò per malum, nisi charitatem? quid per funes naui, nisi cæteras virtutes quæ à charitate deriuantur, intelligimus? Nam & virtutes ad charitatem tetinendam atque augendā deseruiunt, & charitas ipsa virtutes omnes calore atque imperio suo incitat, perficit, accendit, & ad operandum impellit. Sic enim diuina sapientia rerum ordinem instituit, vt mutuis auxiliis starent omnia, hoc est, omnia beneficium dando acciperent, mutualq. sibi operas præstarent, germanaq. se charitate iuuarent. Sic ergo virtutes charitatem conseruant, & charitas virtutes imperio atque imperu suo ad operandum impellit. Nemo igitur se charitatis studio ita dedat, vt cæterarū virtutum officia negligat: nemoque ita se virtutum officiis addicat, vt charitatis (quæ vita est omnium virtutum) studia negligat. Studemus autem charitati, cum alias, tum vel maximè, cum diuinorum beneficiorum contemplationi vacamus. Horū enim cōsideratione in

meditatione nostra diuini amoris ignis exardescit. Quae in re tale temperamentum retinere conuenit, ut ita nos contemplationi addicamus, ne actiuae uitae opera, cum necessitas aut charitas exigit, relinquamus: nec ita rursus his implicemur, ne non aliquam temporis partem orationis atque meditationis studio impendamus: sine quo anima nostra, velut terra sine aqua, exiguis virtutum fructus germinat, & inter tot mundi laqueos, inter tot cupiditatum aestus, tentationesque vitiorum non sine periculo versatur. Sapienter enim à quibusdam dictum est, quòd quemadmodum ferrum nisi assidue exerceatur, rubigine absumitur: ita charitas nisi exerceatur, & in actus suos prodeat, intercidere se pè solet.

Ex malo autem carbasa pendunt, quae impulsu ventorum nauem deferunt. Haec sunt autem sancta desideria, quae velut flammæ quaedam ab incenso charitatis igne excitantur: quae ubi vehemèntiora sunt, ad securam littoris stationem homines perducunt. Quia enim desideria haec à diuino Spiritu excitantur, ipse, qui ea excitare dignatur, accendit & promouet, ut ad optatum tandem salutis finem perueniant. Hoc est enim quod *March. 5.* Saluator ait: Beati qui esuriunt & sitiunt iustitiam: quoniam ipsi saturabuntur. Esurire enim atque sitire, quid aliud est quam vehementer desiderare? Quae quidem desideria adeò *August.* verè pietati adiuncta sunt, ut Diuus Augustinus totam Christiani huiusmodi vitam, perpetuum quoddam caelestium rerum desiderium esse definiat. Quo quidè desiderio regius Propheta sic aestuabat, ut diceret: Còcupiuit anima mea desiderare iustificationes tuas in omni tempore. Pro quo alij verterunt: Attrita est anima mea prae desiderio iustificationum tuarum omni tempore. Ex quo apparet quanta sit huius desiderij vis, quae *Rom. 8.* angore & vehementia sua viri sancti animam còficiēbat. Talia enim sunt desideria quae Spiritus ille caelestis inspirat, ex quibus gemitus illi inenarrabiles (de quibus Apostolus meminit) oriuntur: quibus orans homo nunquam frustra orat. Qui enim dat sic desiderare, sic gemere, & sic orare; dabit etiam & impetrare. Quomodo enim sui dissimilis sibi què contrarius erit, qui hinc quidem impellit ad orandum, inde verò repellat orantem? Haec ergo desideria, haec vota, quae à Spiritu sancto proficiunt, nunquam frustra sunt: illa verò remissa & languida, quae magis à spiritu acediae prodeunt, de quibus scriptum est, Desideria occidunt pigrum, noluerunt enim quicquam manus eius operari; nunquam ad frugem perueniunt: quia enim à charitate minimè deriuantur, non impellunt nauem, sed magis interim remorantur.

Eger praeterea nauis optimo gubernatore. Optimus autem nauis-

navigationis nostræ gubernator ille est, qui ait: Ego Dominus Isa. 48.
 Deus tuus, docens te vias, gubernans te in via qua ambulas.
 Sic enim illum gubernabat qui ait: Tenuisti manū dexteram Psal. 72.
 meam, & in voluntate tua deduxisti me, & cum gloria suscepisti me. Sed hic tamen gubernator, cum omnia videat, à nemine videri potest. Egemus igitur gubernatore visibili, qui nos dirigat & moneat; qui digito pericula monstret; qui in tempestate clauum tenens, ab imminente naufragio suos liberet. Hic autem spiritualis pater est, sine cuius præsidio, qui tyrones adhuc in domo Dei sunt, tutò nauigare non possunt, donec longo virtutis vsu veterani fiant, & potentes sint proprio stare iudicio. Quàm diu enim rudes adhuc sunt, pædagogis egent atque nutritiis, in quorum sinu conualescant, quibus tentationum suarum pericula deregant, quorum præceptis obtemperent, quorumque monitis & consiliis vitam suam moderentur.

Eget præterea navis clauo, sine quo ventis & fluctibus cederet, & huc atque illuc incerta pro vndarum impulsu iactaretur. Clauus autem hic prudentia est, quæ virtutes omnes dirigit & gubernat, dum medium locū, in quo earum rectitudo sita est, ostendit: sine qua & virtutes ipsæ, atque adeò tota vita nostra cæca esset, & in Cimmeriis tenebris versaretur. Quæ quidem prudentia quamuis omnia moderetur; tamen si linguam contineat, officio suo probè functa esse videbitur. Sic enim legimus: Qui moderatur labia sua, prudentissimus est. Prou. 10. Quin & Iacobus Apostolus, eum qui prudenter linguam moderatur, ad reliqua omnia moderanda potentem esse confiterur. Ecce, inquit, naues cum magnæ sint, & à ventis validis minentur, circumferuntur à modico gubernaculo: ubi impetus dirigentis voluerit: Ita lingua modicum quidem membrum est, & magna exalat. Hoc est, si quis eam rectè moderetur, magnum utique in virtutibus profectum faciet. Quod tamen præstare quanti sit operis, declarant illa Salomonis verba: Hominis est animam preparare, & Domini gubernare linguam. Quibus verbis munus hoc adeò arduum atque difficile esse indicauit, adeoque supra communem hominum facultatem positum, ut proprium Dei esse definiat, & consequenter eius solum quem diuinus Spiritus agit. Quis enim alius indomitum hoc monstrum freno subicere, & moderari poterit? Prou. 16.

Ad hæc etiam charta navigationis magistra necessaria est, quæ iter navigaturis ostendat, quæ scopulos monstret, quæ occulta maris pericula detegat, quæ totum navigationis cursum dirigat, quamque in rebus dubiis atque asperis consulere nauarum possint, sine qua navigatio deuia prorsus esset & cæca. Hæc autem charta, quid aliud (quod ad nostrum attinet institutum)

quàm sanctarum scripturarum sanctorumq. Patrum doctrinæ est: Hæc enim iter in cælum monstrat, Diaboli insidias aperit, latentiumq. sub imagine virtutum scopulos vitiorum monstrat, dubia quæ inciderint soluit, totumq. spiritalis huius navigationis cursum certissimis disciplinæ cælestis præceptis dirigit. Huic igitur doctrinæ sedulo incumbere debet quisquis in huius vitæ pelago feliciter navigare desiderat; & à Sirenarum cantu (hoc est) à secularium hominum sententiis aures auertens, & eas ad cælestium præceptorum arque consiliorum decreta conuertens, cum Propheta clamet: Nam & testimonia tua meditatio mea est, & consilium meum iustificationes tuæ. Pro quo alij verterunt: Nam & testimonia tua delectationes meæ sunt, & consiliarij mei. Aptissimè enim leges Dei consiliarios suos appellauit. Quid enim his legibus sanctius, quid verius, quid securius, quid prudentius?

Psalm.

Verum præter chartam necessaria est etiam navigationis acus quæ cælum adspiciat, quæ rectà polum petat, quæ à cæteris mundi partibus obtutus suos despectens, ad illum se conuertat, illum intueatur, cuius aspectu cætera omnia internosci & diiudicari possint. Hoc autè in navigatione nostra præstat puritas intentionis, quæ in omnibus Deum respicit, Deum attendit, Deum sibi vltimum finem statuit; cui vni toto mentis affectu placere gestit; quandoquidem talia esse opera nostra constat, quælibet finis & intentio nostra est. Ab his igitur terrenis & caducis bonis, quæ in imo iacent, abducenda mens est, & in sublimia attollenda: atque ut nauarum acus ab omnibus aliis mundi partibus aspectum subtrahens, in vnum tantum mundi polum aciem dirigit: ita mens nostra toto affectu in vnum mundi Principem & rectorem feratur, illum adspiciat, illum toto pectore diligat, illum dies noctesq. cogitet, illum omnibus vitæ commodis anteponat, ad illum omnes actiones suas dirigat, & omnia denique præ illo velut stercora reputer.

Hæc sunt igitur, fratres, remedia, quæ in hoc salo navigationis adeò necessaria sunt, ut sine illis tuta inter tot pericula navigatio esse nullo modo possit. Quocirca his potissimum armamentis Christianæ vitæ nauem instaurate atque munite debemus; ut sic tandem ab omnibus magno huius maris periculis liberati, ad æternæ felicitatis portum (quò omnia vota, ac desideria nostra adspirant) felici cursu peruenire valeamus: præstante & gubernante Domino Iesu Christo, cui est honor & gloria in secula seculorum, Amen.

DOMI.

DOMINICA QVARTA POST
OCTAVAM EPIPHANIAE, CONCIO
vnica: in qua lectio Euangelica explanatur.

THE. Domine, nōne bonum semen seminaſti in agro tuo?
Vnde ergo habet zizania? Matth. 13.



VM Dominus in montem Sinai ad ferendas
Hebraeis leges descendisset, in specie illum ignis
apparuisse legimus. Sic enim scriptum est: Erat Exod. 25.
autem species gloriæ Domini quasi ignis ardens
in vertice montis, in conspectu filiorum Israël.

Nemo autem aded cōmunis sensus expers erit,
qui hoc temerē factum fuisse credat; cū omnia Dei opera
perfecta sint, nihilque ab eo frustra, siue dum naturam condi-
dit, siue dum gratia sua mentes hominum informat, fieri posse
constet. Cū ergo sub alia imagine gloriam suam demon-
strare hominibus potuisset, quarendum est, cur ignis speciem
potissimum elegerit. Cuius res illa mihi præcipua causa fuisse
videtur, quod eius elementi natura diuinæ bonitatis imaginem
appositissime representet. Ignis enim inter elementa omnia
maximè nititur sese atque vim suam omnibus aliis rebus im-
primere, easque sibi similes reddere. Quo fit, vt si oleū, si ligna,
si ferrum, si denique aquam (quæ igni maximè cōtraria est) illi
admoueris, omnia in naturam suam permutare, formamque
suam & splendorem illis communicare velit. Talis ergo diuinæ
bonitatis natura est, quæ se in omnia diffundit, omnia comple-
ctitur, omniaque sibi pro cuiusque naturæ captū similia efficere
contendit. Cumque homo inter huius inferioris mundi crea-
turas præstantissima sit: hunc potissimum & bonum & beatum
reddere, hoc est, ad diuinæ bonitatis similitudinem attollere
contendit. Hoc apertè illa Christi Domini ad Patrem oratio
testatur: Ego, inquit ille, claritatem quam dedisti mihi, dedi Ioan. 13.
eis, vt sint vnū, sicut & nos sumus vnū. Ego in eis, & tu in
me, vt sint consummati in vnū, sicut & nos sumus vnū.
Videris hūc diuinæ claritatis & gloriæ apertissimam commu-
nionem. Ex hac enim spirituum vnitatem eiusdem claritatis &
gloriæ communionem consequi necesse est.

Hanc eandem diuinæ bonitatis & benignitatis naturam non
obscure indicat parabola illa quæ sequenti Dominica legitur de
patrefamilias hora prima, tertia, sexta, nona & vndecima exeū- Matth. 20.
te, & operarios in vineam suā conducēte, hoc est, omne genus
hominum

hominum ad virtutis & pietatis cultum vocante: qua Deo similes sunt, & diuinę bonitatis effigiem in moribus suis exprimunt. Hoc item parabola seminantis insinuat, qui nullam agri partem, neque quę petris aut spinis obstrata erat, seminis sui (quamuis frustra iacti) expertem reliquit. Hoc etiam pręsentis Euangelij parabola designat, quę tum hoc ipsum diuinę bonitatis studium eleganti similitudine. ante oculos ponit: tum multa quoque alia ad hoc ipsum pertinentia declarat. Primo enim loco, quanta cura & sollicitudine celestis ille paterfamilias excolendo agro Ecclesię suę, hoc est, salutis hominum inuigilet, explicat. Secundo, quanta calliditate dęmon humani generis hostis hoc diuinę providentię beneficium impedire contendat, exponit. Tercio, quam potissimum ad nocendum opportunitatem hostis noster captare soleat. Quarto demum, quęnam huius tanti mali causę sint, aperit. De his igitur in pręsenti Concione suo ordine dicemus.

I.

Prima pars. Simile est, inquit, regnum celorum homini qui seminauit bonum semen in agro suo. Hic homo Deum Opt. Max. repręsentat, qui Ecclesię suę agrum diligentissima cura excolendum suscepit. Semen verò quod in eo seminat, non modò verbum Dei est: sed omnia quoque instrumenta quibus infinita illa bonitas salutem hominum operatur. Primum ergo semen quod in agro humanę naturę iecit (vt ab hoc initium capiamus) iustitia originalis & gratia fuit. vt enim Diuus Basilius ait, simul & naturam condidit, & gratiam infudit: quo videlicet hoc celesti semine cordis nostri ager fecundatus, cęlestes quoque bonorum operũ fructus proferret. Amissa verò per peccatum originali iustitia & gratia, alia quędam virtutum semina in natura sic destituta & ægra relinqui voluit, quę ad hoc vsque tempus eius beneficio manent: ne videlicet ad omne bonũ prorsus inepti homines relinquerentur. Nam ipsa quoque natura, quamuis lapsa & ad malum prona, ad parentes tamen & maiores paru venerandos, ad Deum Opt. Max. colendum, ad grati animi officia pręstanda, ad amicos in honore habendos, ad miseras pauperum misericordię affectu subleuandas, ac denique ad bonum amore, malum verò odio prosequendum, naturales quosdam igniculos nobis indidit, & pudorem ac verecundiam addidit, quę veluti freno quodam nos à malo reuocaret. Qua de re sic Cicerò ex Stoicorum sententia dicit: Sunt ingenis nostris innata semina virtutũ, quę si adolescere liceret, ipsa nos ad beatam vitam natura perduceret. Nunc autem simul ac in lucem editi & suscepti sumus, in omni continuo prauitate versamur: ita vt penę cum lacte nutricis errorem suxisse videamur. Cum

verò

verò patribus reddit, deinde magistris traditi sumus, tum ita
 variis imbuimur erroribus, vt vanitati veritas, & opinionioni con-
 firmata natura ipsa cedat. Cæterum quoniam semina hæc ad
 bene viuendum minimè sufficiunt, alia multo efficaciora su-
 perseminat in nobis Deus, nēpe internos animi motus & gra-
 tia præsidia, quibus sine verborum strepitu non modò nos ad
 virtutem erudit, sed etiam incitat & impellit. Ait quippe Sal-
 uator: Est scriptum in Prophetis, Erūt homines docibiles Dei.
 Omnis qui audit à Patre, & didicit, venit ad me. Denique Do-
 minus in Apoc. ait: Ecce ego sto ad ostiū (videlicet cordis hu-
 mani) & pulso, tacitis videlicet motibus aurē blandē vellicans,
 & homines salutis suæ commonefaciēs. Cuius voces, quamuis
 tacitas, facili tamen pij homines intelligunt, quorum est illa
 vox: Quasi furtiuè suscepit auris mea venas susurri eius. Fur-
 tiuè autem dicit, quia non ita palām, sed quasi in occulto (more
 eorum qui aliquid clanculū furtipiunt) huius susurri eloquium
 pij attripiunt. Quo fit, vt multi has Domini voces minimè per-
 cipiant, vel certè surda aure transeant. Percipiebat tamen is qui
 dicebar: Audiam quid loquatur in me Dominus Deus. Nemo
 tamen est qui non frequenter illum intra se concionantem &
 monentem audiat: Vsq̃ue quo paruuli diligitis infantiam, &
 stulti ea quæ sunt sibi noxia cupient? Nec solū intus seminat
 verba sua per occultas inspirationes, sed foris etiam per ma-
 nifestas Ecclesiæ voces; dum per Prophetas, per Apostolos, per
 Doctores & verbi sui ministros ad pietatē & iustitiam vocare
 homines non cessat. Vnde quidam eorum ait: Pro Christo le-
 gatione fungimur, tanquam Deo exhortate per nos. Obsecra-
 mus pro Christo, reconciliamini Deo. Hoc est autem quod po-
 tissimum semen Dei appellari superius dictū est. Semen enim,
 quamuis quantitate paruum, virtute tamen magnum est: vt-
 pote ex quo procera sæpè arbor prodeat. Quod beato Frācisco,
 & Antonio magno heremiticæ vitæ cultori contigisse legi-
 mus. Ille enim audito hoc vno verbo Dei, Qui non renūcia-
 uerit omnibus quæ possidet, non potest meus esse discipulus;
 quia habebat omnia reliquit: hic verò cū audiret in Eccle-
 siā, Si vis perfectus esse, vade & vende omnia quæ habes, & da
 pauperibus, & habebis thesaurū in cælo; omnia etiam quæ ha-
 bebat, distraxit, & pauperibus erogauit. Vide ergo quanta arbor
 ex tam paruo seminis grano surrexerit! Quanta enim quæso
 in Ecclesia Dei arbor Antonius, qui tot monachorum pater
 exstitit! quanta arbor Franciscus, qui propagines suas ad extre-
 mos vsque orbis fines extendit! Hoc ergo semen in agrō Ec-
 clesiæ suæ nunquā Dominus seminare intermitit. Nec
 solū verba ministrorum, sed etiam sanctorum exempla, bene

Iuan. 6.

Apoc. 3.

Iob 4.

Psal. 139.

2 Cor. 5.

Luc. 14.

viuendi sunt semina, & multo quidem efficaciora quàm verba. Longum enim iter est per verba, breue & efficax per exempla: Verba enim docent, exempla verò veluti manu ducent, & ad virtutem etiam impellunt. Hoc etiam semen ab initio mundi nunquam Dominus seminare destitit, qui quot in mūdo Sanctos protulit, tot in eo bene viuēdi semina iecit. Quòd autem viri sancti seminis appellatione significentur, declarat Isaias cum ait: Omnes qui viderint eos, cognoscent eos: quia isti sunt semen cui benedixit Dominus. Quòd autem huiusmodi exemplorum semina maiores nobis ad virtutē stimulos quàm verba addant, Augustini exemplo discimus, de quo scriptū est: Vulnerauerat charitas Christi cor eius, & gestabat verba eius in viscēribus quasi sagittas acutas; & exempla seruorum Dei quasi carbones vastatores. Plus enim saliquid vir sanctus carbonum vastatorum quàm sagittarū nomine significare voluit. Idem namque August. qui multum ac diu cōuersionem suam distulit, & diutissimē cum importunis carnis affectibus decertauerat, tandem virtutum, quas de beato Antonio Potitianus quidam illi narrauit, admiratione percussus, vitam protinus commutauit. Quibus autem fluctibus fuerit mēs eius agitata, cum narrantem Potitianum audiret, idem vir sanctus in Cōfessionibus suis explicat his verbis: Tu autē Domine inter verba eius retorquebas me ad me ipsū, aufereus me à dorso meo vbi me posueram, dum nollem me attendere: & constituebas me ante faciem meam, vt viderem quàm turpis essem, quàm distortus & sordidus, maculosus & vlcerosus: & videbam & horrebam, & quò à me fugerem non erat: & si conabar ad me conuētere ad spectum, narrabat ille quod narrabat: & tu me rursus opponebas mihi, & impingebas me in oculos meos, vt inuenirem iniquitatem meam, & odissem. Noueram eam, sed diffimulabam, & conuiebam, & obliuiscabar. Tunc verò quanto ardentius amabam illos de quibus audiebam salubres affectus, quòd se totos tibi sanandos dederant, tanto execrabilius me comparatum eis oderam. Hactenus August. Cuius cogitationes & verba quid aliud quàm præueniētis diuinæ gratiæ semina in ipsius corde iacta erant? Ex his ergo quæ hactenus dicta sunt, fratres, cum alia multa, tum illud quod initio proposuimus, apertē colligitur: nempe quantæ sit diuinæ bonitatis largitas & benignitas, quæ tot rationibus, tot modis, tot vocibus, tot beneficiis ad se nos omni tempore vocare, & donorum suorum nos participes efficere nunquam intermittit. Hæc enim sunt celestia semina, quibus Ecclesiæ suæ agrum quotidie fecundat: de quibus in præsentī lectione ait: *Simile est regnum*

Ier.

Aug. in
Confess.

Quam

II.

Quam Domini diligentissimam curam & providentiam inimicus homo, id est, dæmon, importunus generis humani hostis, semper impedire conatur, dum pestifera semina in hoc agro Domini spargere studet, quo videlicet contrariis contraria perimat. Nam ut ab initio Deus iustitiam originalem, & gratiam in hominis mente seminauit: ita iste contrā originalis peccati zizania immiscuit, quo recentis naturæ puritatem infecit, & Dei semina suffocauit. Hoc autem vnicum peccatum, peccatorum atque malorum omnium velut seminarium exstitit. Ab eo namque immoderatus sui amor prodit, à quo (ut Diuus Thomas ait) cætera peccata deriuantur: dum cæcus homo, nimiumque sui suarumque rerum amans, aut alicuius commodi assequendi, aut incōmodi vitandi gratia legem Domini violare non veretur. Qui etiam miserando humanæ naturæ lapsu atque ruina minimè contentus, secretis etiam suggestionibus (quæ malorum quoque semina sunt) ad malum nos incitare nititur. Quemadmodum enim Deus occultis nos inspirationibus instigat ad bonum: ita contra dæmon secretis suggestionibus ad malum sollicitat. Nec internis modò suggestionibus, sed externis etiam impiorum cōsiliis & adulationibus mentes hominum inficere sæpe solet. Nec verborum modò, sed prauorum etiam exemplorum pestilenti semine agrum Domini corrumpere studet. Quemadmodum enim Deus virtutibus vititur electorum, ut alios ad virtutem acuat: ita dæmon flagitiis vititur improborum, ut ad omnia flagitiorum genera suos impellat. In ædibus enim Babylonis inuicem sibi respondent vlulæ, aues scilicet immundæ, quamuis plumarum varietate exterius nitidæ. Quod tūc spiritualiter euenit, cum perditionis & improbi homines inter se improbitate certant, & alius aliū vanitate, fastu, luxu, superbia, petulantia, deliciis, atque opibus superare conatur. Quantum verò postrema hæc adulterini seminis portio Christianæ segeti noceat, declarat anxia illa diuini hominis petitio: Saluū me fac Deus, quoniam defecit sanctus: quoniam diminutæ sunt veritates à filiis hominum. Nec enim vir sanctus hanc à Domino opem postularat, nisi quantam vim ad omnem vitæ licentiam & intemperatiam tam ingens prauorum hominum turba haberet, apertissime cognosceret. Quam rem nō obscure declarat quod is in alio Psal. de filiis Israël ait: Et cōmixti sunt inter gentes, & didicerunt opera eorum, & seruiunt sculptilibus eorum, & factum est illis in scandalum. Vide hic quantum istis nocuerit malorum conuictus & societas. Cuius periculi magnitudinē sanctus Iosue silentio nō dissimulauit: qui in ore iam proximus, cōuocatis Israëlitarum familiarū principibus, huius

Psal. 139.

Psal. 103.

Iosue 23. huius eos periculi admonuit his verbis: Si volueritis cum gentibus quę inter vos habitant miscere connubia, atque amicitias copulare, iam hinc scitote quia Dominus Deus vester non eas delebit ante faciem vestram: sed erunt vobis in foueam ac laqueum, & offendiculum in latere vestro, & sudes in oculis vestris. Videtis ergo quę mala pariant prauorum hominum contubernia? Quę causa mihi (vt alias prætermittam) fuisse videtur, vt hic populus tot propositis minis, tot plagis, tot denique ruinis, nūquam potuerit ab idololatrię crimine reuocari: quoniam difficillimum illi erat ab iis moribus abstinere, quos omnes finitimę nationes sequebantur. Eademque mihi causę existisse videtur, vt ante diluuij tempora vnus in mundo Noë iustus inueniretur. Est enim hominis ingenium natura ipsa ad imitationem eorum, quibuscum vivit, maximę pronum: contręque ad nouam & inusitatam viuendi rationem amplectendam, suprā quā dici potest, formidolosum. Quot autē praua hominum exempla videt, tot velut stimulis ad turpia & inhonestia impellitur & excitatur. Quisquis igitur virtutem & pietatem colere desiderat, studeat diligentissimę improborum hominum cōsortia deuigare. Vt enim Seneca rectę dicit: Necesse est, si diu inter malos verferis, vt eos aut imiteris, aut oderis: vtrumque autem deuītādum est, ne vel similis malis fias, quia multi sunt: vel inimicus multis, quia dissimiles sunt. Iam verō quis tanger, picem, qui non inquinetur ab ea? quis ambulabit super prunas, & plantę eius non ardebunt? verissimę enim ab Ecclesiastico dictum est: Perversus in ore suo portat perditionem, & in labiis suis ignem cōdit. Perditionem namque sibi; ignem verō & incendium aliis affert. Hinc D. Gregorius ait: Sicut malus ager assiduo statu tractus, inficit corpus: ita perversa malorum locutio assiduę audita, infirmorū inficit animum, vt tabescat delectatione prauj operis, assiduitate curiosi sermonis. His ergo rationibus inimicus homo in agro Domini zizania superfeminat.

Quęret autem fortasse aliquis, cur tanto odio persequatur nos demon, & profectum atque salutem nostram tot modis impedire conetur, inimicique nomen obeam causam in præsentilectione sortiatur? Ad hoc respondemus, dæmonem quidem acerrimum esse Dei hostem, quod illi ē cęlesti sede pulsus, in barathrum perpetuo igne cruciandum, tāquam in carcerem, irreuocabili sententia relegauerit. Cum verō Deum (in quem summum odium concepit) lædere, atque maiestati eius imminuere nequeat, ipsius imaginem inuadit, vt, quoad eius fieri possit, Deum in creaturis saltem insectetur: non secus (vt D. Basil. ait) ac pantherę, quę cum immani sint ac crudeli odio in ho-

Seneca
in Epist.

Eccli. 13.

Greg. super Eze.
Simile.

Basil.
Simile

in homines à natura incensæ, in hominum simulacra furibundè irruunt: nec aliter eorum effigiem quàm homines ipsos dilacerant. Ad hunc etiam modum Reges terræ qui capitali inter se odio dissident, quando alter alteri nocere non potest, alterius fines & regnū inuadit, & flamma, ferro, igni, assiduèq. incursionibus vastare omnia nititur. Sic igitur cum truculentus ille hostis superno iudici nocere nequeat, in nos eius ouiculas furoris sui tela contorquet. Vnde in Apoc. Angelus quidā insonuit grandi voce dicens: Væ terræ & mari, quia descendit diabolus ad vos habens iram magnam, sciens quia modicum tempus habet. Ira autem hæc magna ex duplici radice confurgit: & quòd hostili odio feratur in Deum, & quòd mundi finem aduentare cernat, in quo principatus eius finem accipiet, & ipse tetro carceri perpetuò mancipabitur. Is autem cum ira ferociat, & vigilet in perniciem nostram, & tanquam leo circumbeat quærens quem deuoret: nos miseri in tanto periculo constituti, & à tam crudeli carnifice obsessi, in vtramque aurem dormimus, nihil minùs quàm aut de periculo nostro trepidi, aut de remedio solliciti.

III.

Opportunitatem autem quam is ad fraudes suas caprat, Euangelicus sermo prætermittendam non putauit, cum ait: *Dum dormirent homines, venit inimicus homo, & superseminauit zizania.* Hoc ad literam de hæreticis, & pastoribus negligentibus intelligendum videtur. Dum enim pastores dormiunt, & vigilias noctis super gregem suum minimè custodiunt, lupi (id est, hæretici) intempestæ noctis silentio ouilis Domini caulas inuadunt, & tot in eo strages edunt, quot peruersa dogmata ferunt. Sed quoniam ab hoc loco & pastores & hæretici procul absunt, missam faciamus illorum causam, & à nostram veniamus. Non modò enim cum illi dormiunt, sed etiam cum nos ipsi dormimus, hostes nostri zizania seminant. Et quidem nemo adeò rudis est, qui hoc in loco de corporis somno agi credat. Quicquid enim hæc parabola continet, spiritualiter accipiendum esse, res ipsa loquitur. Cum ergo somnus, de quo in præfati lectione agitur, spiritualis sit; ex corporeo somno eius natura nobis indaganda est. Somnus autè corporis est, cum omnis operatio animæ sentientis & intelligentis conquiescit, solaque vegetandi virtus, cæteris quiescentibus, operatur. Tunc enim vel maximè, feriatis cæteris sensibus atque cessantibus, nutritioni corporis & concoctioni ciborum vacat; idque tanto plenius, quanto minus aliis actionibus distrahitur. Quæ ratio Philosophos impulit, ut somnum imaginem mortis esse defini-
rent, & insignis Poëta Maro illum mortis consanguineum appel-

appellauerit. Non quod eo tempore vires animi mortuæ sint sed quod nihil propè magis efficiant, quàm si mortuæ essent. Cæterum, vt ad mores nostros hanc similitudinē traducamus, sunt inter Christianos nonnulli, qui adeo studiosè vigilāt, adeoque sollicitè custodiūt animas suas, vt nullū diabolo aditū, nullamque aniam seminandis zizaniis præbeant. Vix enim is irreperere incipit, & mentem hominis adorti, quando fores claudūt, & procul à se hostem repellunt. Sunt tamen aliqui adeo desides & somnulosi, adeoque Dei suiq. oblitī, vt nulla omnino salutis suæ cura tangantur. Et quāuis fidē veram habeāt, mortuam tamen habēt; & ita mortuam, vt nullo eos, dum legem Domini transgrediuntur, stimulo cōscientiæ pungat, nullamque vitalem actionem ad rectè operandum pariat. Hi sunt ergo qui dormire hoc in loco dicūt, qui videlicet nullā virtutis & pietatis actionem exercent, quique vires animi omnes (quantū ad rectè viuendi studium attinet) cōsopitas ac veluti mortuas habent. Quā multos enim reperire licet, à quibus si diligenter queras an de Deo quicquam intellectu cogitent, aut voluntate diligant, aut memoria eius beneficia recolāt, planè dicent (si verum fateri velint) se nihil minùs cogitasse, aut dilexisse, aut meminisse vnquam. Itaque superiores animæ vires (quod ad spiritalia attinet atque diuina) profundissimo somno veluti mortuæ detinentur: quorum soporem breuiter Propheta significauit, cum ait: Non est Deus in conspectu eius. Pro quo alij clarius verterunt: Non est Deus in illis cogitationibus eius. Ita enim se gerunt, quāsi vel Deus non esset in mundo, vel mens eorum (quod ad Deum spectat) prorsus mortua esset atque sepulta. Nec modò vires animæ, sed virtutes etiam simili ratione dormiunt. Dormit enim fides, dum non animaduertit ea quæ credit. Si enim animaduertit, fortassè lōgè aliter vitam institueret. Dormit spes, dum sibi inuisibilia & cælestia bona (circa quæ ipsa versatur) menti minimè proponit, vt eam ad bene viuendum alliciat. Dormit etiam charitas, imò verò extincta est, dum nullos in eis igniculos, nullos diuinæ bonitatis & pulchritudinis amores excitat. Dormit etiam cælitus infusa prudentia, quæ simili ratione cum charitate interijt, cuius est inter bona & mala discernere, & pretiosum à vili separare: qua dormiente, inimicus homo seminat zizania, & pro bono semine malum obtrudit. Sic legimus dormiisse puellam domus regis custodem, quæ triticū purgabat in foribus: qua dormiente, ingressi duo latrones iacentē in stratu suo Isboseih Regē ingulauerunt. Idē facit hostis antiquus, cū discretionis & prudentiæ virtutē (cuius puella hæc, quæ à paleis triticū separabat, imaginē gerit) in nobis cōsopitā & iacentem animaduertit. Dormit etiam

Psal. 9.

3 Reg. 4.

etiam hoc ipso tempore, nō solū prudentia, sed etiā vigilantia; quæ animæ quoque nostræ custos esse solet, & velut in specula constituta, à lōge pericula prospicere, procul odorari bellum, & opportuna aduersus illud præsidia comparare nouit. Quā quidem vitæ nostræ custodem & defensorem diuinus sermo commendat dicens: Custodi te ipsum, & animam tuam sollicitè. Deut. 4.

Ideoquæ mystica illa Ezech. animantia oculis vndique plena Ezech. 40. esse describuntur: vt hanc nobis vigilantia designent atq. commendent, sine qua vita nostra inter tot laqueos, tot tela, tot hostes, tuta esse nullo modo poterit. Hac autem virtute deficiente, & animo falsa securitatis imagine torpente, commilitones suos aduersarius noster exhortatur, verba illa repetēs, quæ exploratores ex tribu Dan (persecta hostium securitate) dixerunt: Intrabimus ad securos. Quod autem ex huiusmodi incuria hæc omnia mala sequantur, apertè nobis Salomon insinuat, cum ait: Per agrum hominis pigri trāsui, & per vineam viri stulti, Prou. 24. & ecce totum impleuerant vrticæ, & operuerant faciem eius spinæ, & maceria lapidum destructa erat. Videtis ergo quonam modo, cum homines per inertiam dormiunt, inimicus homo ferit zizania, ex qua spinæ istæ & vrticæ oriūtur? Quā quidem inertiam atque socordiam malorū omniū fontem non ferens idem Salomon, aduersus torpentem atq. oseitantem hominem acriter inuehitur his verbis: Usquequo piger dormies, quando Prou. 6. confurges è somno tuo? paululum dormies, paululum dormitabis, paululum conferes manus tuas vt dormias, & veniet tibi quasi viator egestas, & medicitas quasi vir armatus. Comparat simile. autem egestatem hanc viro armato: quia quemadmodum hic difficilis est ad expugnandum; ita humana natura, communis peccati morbo vitata, & diurna peccandi consuetudine armata, difficillimè superatur. Comparat etiā eandem egestatem simile. viatori: quia sicut viator paulatim quotidie progrediens, tandem ad destinatum locū quamuis longius distantem peruenit: ita vis, aut potius tyrannis prauæ consuetudinis non protinus altas in homine radices agit; sed paulatim iteratis actibus, velut quibusdam moraliū vitæ gressibus, eō tandem peruenit, vt homo eius tyrannide velut oppressus, impeditissimum ac difficilem se ad bene operandum inueniat. Hæc igitur omnia zizaniorum semina inimicus homo, dum homines dormiunt, ferit: è quibus tot prauæ actiones oriuntur, vnde peruersi habitus, & praua consuetudo (quæ maximum Christianæ vitæ impedimentum est) generatur. Quod si hoc tempore eos qui ita dormiunt excitare velis, & periculi sui admonere, audiunt illi quidē, & frequenter etiam monentibus grati sunt: pondere tamè prauæ consuetudinis pressi, & malè blandiētis voluptatis dulcedine

Ecclesi. 22.

Simile.

dulcedine affecti, rursus prementi somno succumbunt. Quam rem appositissima similitudine Ecclesiasticus declarat his verbis: Qui narrat sermonem auri non audienti, quasi qui excitat dormientem de somno graui. Contingit enim aliquē soporiferis febribus valde grauari, cui tamen somnus vehementer noceat: quem si vellices, & à somno magnis clamoribus excitare velis, morbiq; ingrauescētis periculum commineris, grauius quidem & atollit oculos, & excitantis voces libenter accipit, & vigilare etiam nititur: verū cū nimia humoris noxi vi prematur, somno iterum quodam modo inuitus mergitur. Hoc ipsum autem peccatorum & voluptatum somno consopitis frequenter accidit: ad quos si inclames, si mortem, si iudicium, si gehennam, si æterna præmia, si æternos cruciatus, & ipsam quoque Domini crucem, & commissā diu scelera, & repentinæ mortis periculum ante oculos ponas: audiunt illi quidem, & libenter interdum audiunt, & vera ac salutaria esse quæ dicis agnoscunt, & quodammodo ex suis illis tenebris lethaliq; sopore emergere conantur, nihilominus tamen pondere prauæ consuetudinis pressi, & amore seculi ac voluptatis illecebris delintri, in pristinos mores relabuntur. Hoc igitur somni tempore dæmon tutò seminat zizaniam.

Quod si quæras, unde lethalis hic somnus (ex quo tot mala oriūtur) proficiscatur, haud dubiū quin ex prauis nostris carnis cupiditatibus: quæ vbi se totam illarū obsequio tradit, actiones spiritus vehemēter impedit, ipsumq; lethifero somno cōsopit. Cū enim, secundū placita Philosophorum, nulla res eodem temporis momento contrariis modis agi possit (nihil enim simul ascendit & descendit) motus verò spiritus & carnis inter se longè dissideant (motus enim carnis mors est, motus verò & affectus spiritus vita & pax) necesse est, vt cū caro se totam carnalibus curis ac desideriis immergit, spiritus eo tēpore dormiat: cū nemo simul & carnalibus & spiritualibus studiis possit intēdere. Hoc autē appositissimè adumbrat potus ille lactis, quem prudentissima Iahel fugienti atq; sitienti Sifaræ Madjanitarum duci propinauit: quo cū se ille, siti pariter & dulcedine liquoris illectus, avidissimè ingurgitasset, protinus grauissimo somno correptus, à lahele clauo per tempora immisso interemptus est. Ad hunc modum seculi homines cupiditate simul ac dulcedine carnalium voluptatum affecti, dū illas tota auaritate hauriunt, spiritualia cuncta fastidiū, neque spiritum vim suam exserere, & spiritualibus studiis vacare sinunt. Hoc ergo modo vigilante & operante carne, spiritus lethali somnō consopitur (dum nihil quod ad salutem & naturam suam pertineat, operatur, atque ita demum mortem æternam incurrit.

Qua

Qua ex te facile colligitur, fratres, quid nobis factio opus sit, quo spiritus noster ab hoc pestifero somno excitatus vigilare & opera sua exsequi possit. Ex his enim quæ dicta sunt liquet, tunc vel maximè animi nostrum vigilare, cum illum quàm maximè à corpore & sensibus, hoc est, à carnis cupiditatibus abducimus: quorum voluptatibus perfulus, dulci illo qui dem, sed pestifero somno (vt antè diximus) consopitus, noctem luci anteponeat; & vanis bonorum simulacris delusus, solida & expressa bona contemnit. Qui verò animi (vt Plato misericè docet) Plato. quàm minimam cum corporibus societatem habet, ij quoti die magis magisque vegetatur, & apiores fiunt ad contemplationem rerum diuinarum, ad obseruandum & colendum Deum, ad mores ac studia & actiones omnes ad eius voluntatem accommodandas. Quæ cum geruntur, tunc vel maximè animus viuunt & viget, tunc officio suo fungitur, tunc sincerus & integer esse incipit, seq. imagine diuina, quam gerit, dignè exhibet. Aliiter enim quemadmodum qui adhæret meretrici, vnum cum ea corpus efficitur: ita animus carnis illecebris addictus & immerfus, naturæ suæ dignitatem & præsticiam amittit, & in carnis quodammodo naturam transformatur.

IIII.

Vbi igitur hæc praua semina antiquus hostis somni tempore seuisset, ea quæ iam simul cum tritico adoleuissent, demerantur seui patrisfamilias nouum illud & noxium germen exoritur: ideoque ab eo inquirant: *Domine, nonne bonum semen seminasti in agro tuo? Vnde ergo habet zizania?* Iustissima plane non solum hominum, sed etiam Angelorum admiratio. Vnde, quæso, Domine, tam ingens zizaniarum, id est, impiorum hominum seges? tot infideles, tot simulacrorum cultores, tot Iudei, tot Mahometis sectatores, tot exleges & barbaræ nationes? Cur, quæso, tam exigua mundi portio imperio tuo subest? & hæc ipsa a deo nostra hac calamitosa ætate tot hæresum monstros deformata? Tu enim, Domine, plantasti vineam electam, omne semen verum. Duos enim homines, tãquam duo generis humani seminaria, iusticia originali & gratia ornatos condidisti. Vnde ergo tot impietates, tot falsæ religiones, tot scelerum monstra, tot perijuria, tot malorum inuenta exstuerè? præsertim cum peccati semen adeò noxium & pestilens sit, adeoque late eius virus serpat, vt nihil neque in cælo, neque in terra sit cui peccatum non aduersetur & noceat? Peccatum enim aduersus communem Dominam præcipuè militat, à quo bona cuncta percepiimus, & in quo viuimus, mouemur, & sumus. Peccatum aduersus ipsum peccatorem pugnat, quandoquidè verissimum illud Propheta psal. 10. est: Qui diligit iniquitatem, odit animam suam. Peccatum etiam omnes

omnes mundi creaturas offendit, quæ indignissime ferūt illius seruituti addici, qui aduersus communem omnium Dominum proditor & rebellis est. Quin etiam peccatum non modò legem Dei, sed etiam totum Dominicæ incarnationis & passionis eius mysterium euertit, quod ad peccata delenda præcipuè institutum fuit, quemadmodum Isaias ait: Hic omnis fructus, vt auferatur iniquitas. Præterea cùm res omnes quæcunque à te, Domine, siue in cælo, siue in terra conditæ sunt, ad fines suos perpetuò tendant, & eos ferè semper assequantur: cur ex hominibus (quos rebus omnibus inferioris huius mundi præfecisti) tam multi sint qui à fine sibi proposito deuient, tam pauci qui assequantur? Videmus etiam creaturas omnes naturam suam tanquam vitæ ducem sequi, & iuxta leges ab ea præscriptas viuere. Si quis autè à Philosopho quærat quæ sit hominis natura, facillè respòdeat esse animal rationale. Si ergo rationalis creatura homo est, quid magis secundum eius naturam est, quàm secundum rationis legem vitam instituere? Si ergo peccatum nò modò diuinis legibus, sed rationis etiam lumini aduersatur: quomodo rationalis creatura tam multa singulis penè horis peccata committit? Sicut enim aues ad volandum, equi ad cursum, ad sciuitiam feræ gignuntur: ita rationalis creatura proprium est, iuxta rationis præscriptum vitam agere. Cur igitur homo toties peccando contra ipsam rationem atq; naturam suam certat? Ergo, Domine, si bonum semen seminaſti in agro tuo, vnde tot zizaniis ager resperſus est? Hæc quæſtio multos torſit philoſophorum: adeò vt hæretici quidam tantam in hoc mundo impietatem & rerum omnium perturbationem admirati (hæ diuinam prouidentiam accuſarēt) duo rerum princìpia, alterum bonorum, alterum malorum posuerint. In quo pestilentissimo errore Manichæorum antiquissima hæresis versata est: quæ vsque ad beati Petri martyris tempora Ecclesiam vexauit: in quo etià errore D. Augustinus ante baptismum fuit. Quo tempore, sicut ipse latè in lib. Confess. disserit, miris modis ingenium suum torſit, mali causam & originem inquirens, cùm mali nihil in hoc mundo ab optimo Deo proficisci posse certissimè crederet. Duplex igitur ad quæſtionem hæc responsio est, altera quidem Philoſophorum, altera Theologorum. Et quidem Philoſophi respondent, solum hominem inter omnes creaturas duplici natura valde inter se dissimili constare, corporea videlicet & spiritali. Cæteræ enim creaturæ cùm simplicis sint naturæ, aut corporalia bona tantum, aut spiritalia pro naturæ suæ conditione sectantur. Hominem autem velut quendam mundi nodum rerum conditor medium constituit, qui vtriusque partis naturam in se

Isai. 17.

Simile.

August.

20

vno complecteretur. Quamobrem pro cōditione duplicis nature, quam sortitus est, duplicibus etiam bonis, sensibilibus videlicet & intelligibilibus hoc est, corporeis & incorporeis indiget. Cæterum ad sensibilem bonorum amorem (quæ corpori deferuiunt) multis modis incitatur. Nam & corpus corporea, & sensus sensibilia bona, tanquam sibi cognata & familiaria, naturæ impulsu appetunt. Deinde hæc eadem corporea bona, etiam benefica sunt: quando ipsi & pascimur, & gortamur, & nutrimur, & varijs modis illorum specie atque vsu delectamur. Postremo hæc eadem nō modò benefica, sed etiam vicina, atq. adeo presentia nobis existunt. Constat autem eorum quæ sensibus obijciuntur conspectu & presentiam vehemētē ad sui amorem sensus pellicere. Bona verò spiritualia, etiam si longē maiora sint, ardua tamen sunt, & à nobis adeo longē posita, vt ea vix intelligentia capere possimus. Si enim ea corā intueremur, non dubiū quin incredibili eorū amore raperemur: quod in hac vita minimè contingit. Quò fit, vt homo in rerum omnium veluti meditullio constitutus, & sensibilibus bonis à lacte cuiusque assuetus, facili præferat absentibus presentia, ignotis cognita, & longē distantibus vicina, & arduis atq. difficilibus blanda atq. suauia. Quæ quidē in re similes mihi homines videtur infantibus, quorum cum blande & molliter à nutricibus educuntur, maiore interdum amore eas prosequuntur, quam parentes, à quibus prognati sunt, & quorum beneficiorum ab ipsis etiam nutricibus aluntur. Ad hunc modū sensibilia bona instar nutricis nobis existunt, à quibus videlicet alimur & fouemur, & cum quibus familiarem consuetudinem gerimus. Deus autem præcipuus & summus pater est, qui nos condidit, cuiusque beneficio & prouidentia cuncta nobis sensibilia deferuntur, cuique hæc omnia accepta ferre debemus. Nos tamē infantum more nutrices parēti præferimus, hoc est, sensibilia bona à quibus nutrimur, conditori nostro, per quem & viuimus, & in lucem editi atque suscepti sumus. Hæc igitur prior causa est, cur magis corporea bona, quam spiritualia, quæ vix agnoscimus, diligamus. Ex hoc autem inordinato sensibilem bonorum amore, vniuersa illa mala (quæ superius commemorauimus) oriuntur, quando nullum propter ea adipiscenda maleficiū recusamus. Sed hæc causa ex philosophiæ penetralibus desumpta, quamuis vera sit, non tamē propositam à nobis questionem penitus explicat & absoluit. Queri enim potest, cur naturæ conditor Deus, qui tanto federe tot res in hoc mundo adeo inter se pugnantes conciliauit (omnia enim quæcunque sub cælo sunt, ex contrarijs elementis constant) cur, inquam, has duas hominis partes ita inter se constituit, vt alteri

Simile,

Augustinus

7. 11. 11.

alteri repugnaret: cum ita componere potuisset, ut altera alteri subderetur, & ad nutum obtemperaret, quemadmodum humani corporis membra voluntatis imperio subiiciuntur? Hunc nodum humana philosophia dissolvere minimè potest: soluit tamen Christiana philosophia, quæ optimum naturæ conditoris, rectum atque pacatum hominem condidisse proficitur, atque has eius partes inter sese ita colligasse, ut in summa pace degerent, inferiorq. superioris imperio plenissimè subderetur, idq. originalis iustitiæ singulari dono ac beneficio. Hoc est enim bonum illud semen, quod à patrefamilias in agro metis nostræ iactum fuisse initio diximus. Sed tamen inimicus homo, conditi hominis invidia stimulatus, superseminavit zizanias: atque ita Domini segetem alioqui puram & sinceram corrumpit. Peccatum enim in radicem generis humani diffusum, totam infecit naturam ab ea radice propagatam. Peccatum enim velut fermentum quoddam est; quod si in conspersionem maximam conieceris, totam penitus fermentat, atque corrumpit. Peccatum etiam velut acetum est; cuius si vel exiguam partem in vini dolium immiseris, totum vinum acerbitate sua in acetum verit. Peccatum etiam venenum est; quod haustum omnia corporis humani membra inficit, atque ita hominem interimit. Sic igitur primum illud peccatum, tanquam lethale venenum à primo pariete haustum, eius filios (tanquam eius corporis membra) infecit atque peruenit. Hinc D. August. Genus (inquit) humanum totum perierat, ex quo perierat vnus in quo totum erat. Hæc ergo labe, hoc peccatum ab inimico Dæmone inuectum (quod propagatione ad posteros Adæ transfunditur) omnium peccatorum origo exstitit: quia & gratiam sustulit, & naturam vulneravit, quæ celestis gratiæ præsidio destituta, facile cuius peccato succumbit. Cuius rei gratia peccatum illud zizaniorum omnium seminarium, hoc est, peccatorum omnium origo esse dicitur.

Quid autem ex his, quæ hætenus à nobis dicta sunt, colligere licet, fratres? Primum, ut vel hoc vno argumento, quanto odio summa illa & infinita bonitas peccatum detestetur, intelligamus (propter quod tantam cladem in totum genus hominum immisit) ut nos quoque simili odio prosequamur, quod is tanto perire horret ac detestatur, totumque tam severissimis supplicis plectit. Quod si quæras quibus adversus hanc communem generis humani pestem remediis armari debeamus; ad hoc Apost. responder: qui postea quam de hoc tanto communis naturæ morbo questus fuisset, dicens: Infelix ego homo, quis me liberabit de corpore mortis huius? (hoc est, de mortis ac peccati vi, quæ habitant in membris nostris) responder ipse: Gratia Dei

Simile.

August.

Rom. 7.

pet

per Iesum Christum. Gratia ergo aduersus peccati morbum salutare antidotum est: quam nobis Christus immaculati corporis & sanguinis sui sacrificio promeruit. Hanc nobis sacramenta digne suscepra tribuunt, oratio petit, bona verò opera promerentur. Quæ cum ita sint, insistamus, quæ se, bonis operibus, fratres: incumbamus diu noctuque sanctis precibus, quibus miser cordiam Domini deprecemur: & salutis nostræ sacramenta deuotissimè frequetemus: vt hoc modo cælestis gratiæ ope roborati aduersus peccata fideliter repugnantes, & praua zizaniorum semina assidua cura ex corde nostro euellentes, copiosam meritum segerem, patrefamilias donante, in celesti regno percipere mereamur.

DOMINICA IN SEPTVAGESIMA

CONCIO PRIMA: IN QVA LECTIO

Euangelica, ac præcipuè verba thematis explanantur.

THE. An non licet mihi quod volo facere? An oculus tuus nequam est, quia ego bonus sum? Sic erunt primi nouissimi, & nouissimi primi. Matth. 20.



Noster omnia quæ ad diuinam gratiam stabilendam & confirmandam adiuuant, fratres charissimi, præcipuum locum obrinet vera cordis humilitas: inter ea verò quæ ad hanc virtutem consequendam faciunt, illud in primis conducit, vt apud se homo perspectum & exploratum habeat quod Iacobus Apostolus ait: nempe omne datum optimum, & omne donum perfectum è sursum esse, descendens à Patre luminum: atque illud item quod Paulus ait, non esse nos, si sufficientes cogitare aliquid ex nobis tãquam ex nobis: sed omnem sufficientiam nostram ex Deo esse: cuius beneficio & velle & perficere bonum pro singulari eius pietate possumus. Constat enim initium quidem salutis nostræ esse à gratia præueniente, progressum verò à cooperante, consummationem autem ab ea de qua Propheta dicit: Et misericordia tua subsequetur me, omnibus diebus vitæ meæ. Per quam misericordiam pulcherrimum perseverantiæ donum nobis tribuitur: quod singulari Dei dono electis omnibus contingit. Itaque quicquid ad salutem nostram necessariū est, ab illo inexhausto bonitatis fonte

Iacob. 1.

1. Cor. 1.

*In huius salutis
progressus
Paul. 1.
Consummatio*

*De misericordia
fit in
vita*

i 3

dima-

11 à dono perseverantiæ.

*S. Christing
& S. Simons
Eccles. 1.*

Cant. 4.

dimanar. Ipse enim est qui omnia in omnibus operatur, quique electis suis velut animatus instrumentis ad eorum salutem virtutur. Quocirca omnis recte factorum laus & gloria non nobis, sed illi vni tribuenda est, a quo sunt omnia bona. Hinc sponsa in Cant. bona opera sua Sponsi magis esse, quam sua, insinuat, cum ait: Veniat dilectus meus in hortum suum, ut comedat fructum pomorum suorum. Hortus autem Christi, anima iusti est, diuersis virtutum stirpibus ab eodem sponso confusus; poma autem horti huius, virtutum opera sunt; quibus ille miscere pascitur & oblectatur. Quæ quidem poma ideo Sponsi esse dicit, quoniam eius præcipue beneficio & gratia edita sunt, sine quo non modo recte operari, sed ne cogitare quidem possumus. Huius autem philosophiæ cognitio, partim quidem ad grati animi officium, partim verò ad perfectam cordis humiliatē (ut ante diximus) maximè deseruiit: dum homo & inopiam suam, & diuinæ gratiæ largitatē apertissimè cognoscit; atque ita in se quidem humilis permanens, Deo gratus atque deuotus existit. Sed quorsum hæc? Nimirum quoniam hoc mihi præsentis Euangelij parabola cum primis insinuare videtur, quæ diuinam gratiam præcipue commendat, & salutem ac bona omnia nostra in eius potestate & benignitate sita esse declarat; quæ si pe ex nouissimis primos, & ex primis nouissimos pro gratiæ suæ beneplacito facit. Parabola verò sic habet:

Simile est regnum celorum homini patrifamilias, &c. Scitis iam, fratres, regni celorum nomine totum salutis nostræ negotium, & omnia quæ ad illud pertinent, comprehendere. Inter ea verò quæ ad hoc regnum spectant, præsentis vitæ gratia, & futuri seculi gloria præcipue numerantur, de quibus in præsentī lectione agitur, non in vniuersum quidem, sed quæ potissimum ratione à Deo fidelibus distribuuntur: partim quidem ex iustitia, partim verò ex immodica eius liberalitate & misericordia. Hoc ergo regnum celorum simile esse ait homini patrifamilias, qui exiit, &c. Hic paterfamilias Deus est, qui, propter singularem quam gerit piorum hominum curam & prouidentiam, summo iure hoc nomine appellatur. Est enim quidem ipse communis omnium Pater, sed præcipue tamen electorum; qui quoniam eius domestici sunt, ipse merito paterfamilias dicitur; qui tanto studio in eis tuendis, iuuandis, & bonis omnibus ornandis occupatus est, quasi ab omnibus aliis rebus se iactos, huic vni officio incumbere videatur. Ita enim intendit omnibus, quasi singulis: & ita singulis, quasi nulli alij negotio intēsus esset. Hinc Regius Propheta: Non det, inquit, in commotionem pedem suum, neque dormiet qui custodit te. Ecce nō dormitabit, &c.

Non

Non enim dormitat neque dormit qui custodit Israël. Quoniam (vt D. Bernar. ait) non dormitat neque dormit qui impugnat Israël. Idem quoque Isaias sub vineæ metaphora prædicat his verbis: In die illa vinea meri cantabit ei. Ego Dominus, qui seruo eam, repente propinabo ei: ne forte visitetur contra eam, die ac nocte seruo eam, Vineæ meri, hoc est, vini preciosi non modò Ecclesia, sed quælibet etiam fidelis anima est. Quæ autem cura hanc Dominus vineam custodiat, exponit protinus, cum subdit: Ego Dominus qui seruo eam, qui repente propinabo ei, id est, qui tempestiuè irrigo eam, vt vberes virtutum fructus edat: & ne forte visitetur contra eam, hoc est, ne forte hostes inuadant, ac populentur eam, die & nocte seruo eam, id est, in omni tempore, omniq; fortuna, quæcunque illi acciderit, illius custodiæ intentus sum, ne vel prosperatis illucens die, vel calamitatum nocte ingruente, vilo modo lædi possit. Hanc ergo curam & providentiam cælestis hic paterfamilias gerit electorum suorum, contra verò improborum eam gerit, quam ipse per Hieremiam comminatur, dicens: Dispergam eos tanquam stipulam quæ vento raptatur in deserto. Hoc est, quoniam ipsi dereliquerunt me, ego quoque derelinquam eos, & fortunæ ludibrio, cupiditatumque suarum libidini permittam: vt quemadmodum leuis stipula vento raptatur in deserto (vbi nullo murorum aut domesticorum parietum obice detinetur) ita ipsi, cupiditatum suarum flaribus impulsæ, variè circumagantur & exagitantur. Hinc tot violentiæ & improvisæ improborum hominum mortes, tot inexplicabiles calamitates, quibus excarnificantur, & innumera alia mala, quibus quotidie premuntur, originem ducunt. Quæ quidem conditio adeo misera est, vt si nihil aliud esset quod homines in officio contineret, quàm quod hac paternæ providentiæ, qua filios suos Deus tuetur, destituèdi sunt, vbi lethale aliquod crimen admiserint, vel hoc vnum satis superque ad hoc esse deberet. Attende ergo (obsecro) quisquis aliquod flagitium committere paras, te protinus ab hac ipsa paternæ cura & providentiæ in hanc miserandam solitudinem esse casurum, & potestati tenebrarum turpissimarumque cupiditatum permittendum. Sed iam ad propositam parabolam veniamus.

Hic ergo paterfamilias vineam electam, hoc est, Ecclesiam selectissimam habet: quæ ab Abel iusto vsque ad vltimum qui in fine mundi nasciturus est, quot Sanctos protulit, quasi tot palmites misit. Ad hanc autem vineam excolendam diligens paterfamilias (ne quod tempus cultura vacaret) summo statim diluculo operarios proposita operis mercede conducit.

Rursum-

Rursumque hora tertia forum repetens, vidēsque alios ibidem otiosos, ait: *Ite & vos in vineam meam; & quod iustum fuerit, dabo vobis.* Neque hac sollicitudine contentus, rursum hora sexta, & nona, atque adeo vndecima, sole iam declinante, itaque rediitque forum, alios atque alios vineæ suæ cultores quærens. O bone paterfamilias, quis te tantus amor, quæ te tanta huius vineæ cura sollicitat: quod inde tibi emolumentum captas, qui bonorum nostrorum non egēs? qui, ut infinite potens, ita infinite diues, infinite beatus es? Tuæ namque beatitudinis fons non aliunde quam à te ipso dimanat: ideoque te solo felicissimus & beatissimus es. Quid igitur tibi cū operariis & cultura vineæ, ut nullum tempus, nullamque eius excolendæ occasio ē prætermittas? Nihil mirum si hoc faciant homines, qui ex fructibus vineæ suæ victum, cæteraque ad vsum vitæ necessaria petunt. At tu Domine, qui nulla te indiges, qui tibi solus sufficis, cuius vinea ipsa, siue culta, siue inculta sit, nihil prorsus vel addere, vel adimere potest; quid est, quod tanto studio omnibus diei horis forum repetas, & operarios quæras, & liberalissime omnibus mercedem soluas? O summa bonitas, o immensa charitas, quæ sic nos amas, sic quæ nostra sunt curas, quasi salus tua penderet à nostra, non nostra à tua! Ideoque horis omnibus atque momentis nos ad te vocas, à malo reuocas, ad te excitas, & ad culturam vineæ (hoc est) ad cultum animæ nostræ semper inuitas. Quod enim in terreno paterfamilias facit cupiditas, in te facit charitas: quod in illo amor lucri, in te amor nostri: quod in illo necessitas, in te bonitas: & quia tu longe magis es bonus quam ille cupidus, vehementius tu desideras salutem nostram, ut nobis consulas, quam ille lucra sua, ut sibi prospiciat. Sic autē imple quod ipse per Prophetam pollicitus es: Laude mea infrenabo te, ne intereas: hoc est, non ob vllam meam commoditatem, sed propter solam nominis mei gloriam frenabo te, & à prauis itineribus reuocabo te ne intereas. Cūq; nulla in te subsit ratio cur te à morte excitare debeat, in me tamen est cur in ingratum etiam ac male meritum beneficia conferam. Hac igitur de causa, fratres, cælestis hic paterfamilias toties ad excolendam vineam suam operarios conduxit.

Denique hora vndecima ad forum rediens, inuenit rursus alios, & ait illis: *Quid hic statim tota die otiosi? Responderunt illi: Quia nemo nos conduxit.* Non prorsus à ratione abhorret exculatio hæc. Dicere enim isti potuerunt: Nos quidē hoc in loco parati eramus, si quis operam nostram desideraret. Quod si in otio torum diem exegimus; nihil mirum est, quando nemo nos ad opus vocauit. Hæc illi non prorsus absurdē. Horū tamen exculatio, fratres, grauis accusatio nostra est. Cū enim tota hæc para-

parabola ad animæ cultum referatur; quid expostulanti iudiei respondebimus, qui in spiritualis vineæ cultura adeo desides & negligentes fuimus? Ibi enim qui vel sub torrida zona, vel sub arctico polo cōmorantur (quibus Christi nomen prorsus ignotum est & inauditum) cum ab eis Dominus in extremo iudicii die requiratur totam in otio ætatem perduxerint, non procul absurdè respondere poterunt: *Quia nemo nos conduxit*, hoc est, nemo nos ad cultum virtutis inuitauit, nemo æternam mercedem laborantibus promissit, nemo regnū cælorum euangelizauit, nemo æternæ gehennæ supplicium comminatus est, nemo Dei Filium in hunc nostrum orbem è cælo delapsum, ut peccati regnum euerteret, nunciavit; nemo denique nobis salutaris baptismatis vndam, cæteraque Dei sacramēta (per quæ sanctificaremur) exhibuit, Nihil nobis affulsit aliud, quàm exiguus quidam rationis humanæ radius, isque in crasso corpore peccatis subdito, & in peccatis cōcepto, demersus. Quid igitur à nobis, Domine, requiris, quibus horum nihil tribuisti? Hæc responsio, fratres, non parum hos homines excusabit, non quidem à toto gehennæ supplicio, sed à magna certè parte supplicij, vel ipso Domino testante, qui ignorantem seruum & negligentem paucis vapulaturum esse confirmat. At nos quid in illo districte iudicis examine respondēbimus? quam desidiæ nostræ causam prætexemus, qui cælesti doctrina imbuti sumus? qui supra Apostolorum & Prophetarum fundamentum ædificati sumus? qui non hospites & aduenæ, sed ciues sanctorū, & domesticij Dei decreti sumus? qui iuxta aquarū cælestium fluenta plantati sumus? qui tot sacramentis, tot mysterijs, tot beneficijs, tot bonorum exemplis, tot Ecclesiæ vocibus ad virtutis & religionis studium quotidie inuitamur? ut ipse quoque pater familias per Prophetam dicat: Laboraui rogans. Nos igitur qui sic vocati sumus, quid in illo iudicio respondebimus? Si illos, quibus aded exiguum rationis lumen illuxit, inexcusabiles esse Apostolus ait: quid illi respondere poterunt, qui sub Sole iustitiæ Christo in Euangelicæ lucis meridie vitam perduxerunt? Quid, inquam, hi habent quod pro se dicant? quid in tam mala causa respondere queant? Quid ergo de his conlicere poterimus, nisi quod iam ab ipso Domino Salvatore praiudicatum est? Seruus qui scit voluntatem domini sui, & non facit, vapulabit multis, & illud eiusdē: Cui multum cōmendauerūt, plus exigent ab eo. Hoc enim modo cōmissæ pecuniæ ratio à dominis exigi solet, ut tantum reddas, quārum acceperis. Hac enim de causa Apostolus ait: Vt mihi est, si nō euangelizauero. Quamobrem? Quia gratiam ad euangelizandum & alios à morte seruandos percepi, de qua rationem redditurus sum.

Hier. 15.

Rom. 1.

Lucæ 12.

Ibidem.

Facit

Sicut ergo Paulus ad seruandos alios celestia dona percepit, sic tu ad salutem tuam curandam. Si ergo ille ait: Væ mihi est, si alios non seruauero, id est, si talenta credita in sudario reposuerō: ita væ tibi etiam est, si tot beneficia, tot salutis adiumenta, ad salutem tuam impensa, frustra receperisti. Vnde illud etiam sequitur, quod quemadmodum de Concionatorum multitudo, & celestis doctrinæ abundantia gaudere debetis; ita contrā timendum valde est, ne, si frustra celestem doctrinam audiaris, illud vobis à Domino impropere, quod in simili olim causa ab eo dictum est: Væ tibi Corozaim, væ tibi Bethsaida: quia si in Tyro & Sidone factæ fuissent virtutes quæ factæ sunt in te, iam olim in cinere & cilicio poenitentiam egissent. Veruntamen Tyro & Sidoni remissius erit in die iudicii. Quæ Domini verba, non tam verba quam fulmina mihi esse videntur, quæ fideles improbos deterioris conditionis, quàm exleges & paganos homines esse docent. Quo quid esse formidabilius potest? Sed iam ad operatorum mercedem veniamus.

Cum ergo sero factum esset, dicit dominus vineæ, &c. Sero appellat mercedis reddendæ tempus, quod quidem erit singulis in morte, omnibus in iudicio. His enim duobus temporibus merces omnibus reddenda est. Itaque cum omnia suis temporibus distincta sint (vt Salomon ait) est enim tempus plantandi, & tempus euellendi quod plantatum est; tempus flendi, & tempus ridendi; tempus spargendi lapides, & tempus colligendi: sic est etiam tempus serendi, & tempus metendi; tempus operandi, & tempus percipiendi operis mercedem; tempus fodiendi vineam, & tempus percipiendi fructus eius. Et quidem si de singulis hominibus agatur, vita nostra tempus est operandi, mors verò mercedis percipiendæ. Quod si ita est; qualis, quæso, illorum infamia est, quæ vitam omnem in otio & luxu transigentes, in morte vineam suam colere incipiunt: dum ad mortis tempus poenitentia & emendationis vitæ propositum differunt? Non ab initio quidem ad extremum usque vitæ halitum esse merendi ac demerendi, ac proinde poenitentia tempus: quàm diu enim in hoc corpore sumus, viatores sumus, liberumq; nobis est adspirante Domino aut recta via ingredi, aut ab ea declinare. Sed hora tamen mortis (quod negari non potest) ad hoc impeditissima est: in qua mille animi curæ, milleque corporis dolores à studio poenitentia nos auocant. Quid igitur agis miser? quid hoc tempore ad fodiendam vineam pararis: non tam hoc operandi, quàm recipiendæ mercedis tempus est: non tam acqui-
reendi, quàm acquisitis partisque fruendi: non tam lignonem tractandi vt vineam fodias, quàm manus porrigendi vt mercedem accipias; bona enim mors inculpatæ vitæ fructus est. Sic enim

Eccle. 3.

*Curat hunc
seruatum*

1. 1. 1.

1. 1. 1.

1. 1. 1.

1. 1. 1.

1. 1. 1.

1. 1. 1.

enim in Eccles. legimus: Timenti Dominum bene erit in extremis, & in diebus de functionis suæ benedicetur. Bona ergo mors, timentis Dominum non stertentis ac dormientis merces est. Quid igitur ad vespertum poenitendi & operandi tempus expectas? Iam sero est, iam instat nox, in qua homines non operari, sed ab operibus quiescere solent, vel ipso Domino restate, qui ait: Venit nox, in qua nemo potest operari. In Psalmis quoque scriptum est: Quoniam non est in morte qui memor sit tui. Cuius ergo tunc temporis homo memor est? Memor est planè desolata vxoris, quam viduam relinquit; & filiorum, quos orphanos deserit; & dolorum corporis, quibus undique premitur; quando & febris urit, & sitis estuat, & vigilia debilitat, & lingua riger, & membrorum penè omnium dolor torquet. Quo fit vt tota hominis mens ibi sit, quo eam vis doloris impellit. Ipse autem eger modò in faciem depressus, modò supinus, modò in hoc, modò in illud latus sese versans atque reuersans, nunc quidè medicum accersit, nunc verò hæc aut illa medicamenta nihil profutura deposcit. Harum ergo rerum nos instare morte cura sollicitat. Dei verò memoriam vis dolorum & curarum angor penè totam exstinguit. Quæ igitur infamia est, hoc primum tempore ligonem parare, & adire vineam vt terram fodias, quando viuere vix possis? Quæ autem hos poena maneat, satis aperit Salomon expressit, cum ait: Propter frigus piger arare noluit; mendicabit ergo aestate, & non dabitur ei. Si mendicauerunt satæ illæ virgines, quæ toto vigiliæ tempore dormientes, æstatis, hoc est, mortis hora ad clausas celestis regni fores mendicare ceperunt, dicentes: Domine, Domine, aperi nobis. Quibus restitutum est, Amen dico vobis, nescio vos. Quod perinde est ac si diceret: Scio electos meos, domesticos meos, operarios meos, qui in vinea mea laboris pondus sustinuerunt: hos agnosco, his mercedem debitam reddo, hos intra vitæ ianuam recipio: vos verò non agnoscò, qui me non agnouistis, qui nūquam in vinea mea laborastis: & modò ad me venitis; nō charitate ducti, sed necessitate compulsi; non meam quidem gloriam, sed vestram solum commoditatem captantes. His ergo Dominus responderet, Nescio vos vnde sitis: discedite à me omnes operarii iniquitatis. Sed iam ad mercedis & retributionis modum veniamus.

II.

Cum venissent ergo primi, arbitrati sunt quòd plus essent accepturi: acceperunt autem & ipsi singulos denarios. Itaque in dispari labore par omnibus merces reddita est: quia in aliis plus gratia, in aliis verò plus eluxit diuina iustitia. Hic esse videtur huius parabolæ scopus. Tota enim ea huc potissimum tendit, vt liberalitatem ac li-

Eccles. 2.

Ioan. 9.
Psalm. 6.

Prou. 26.

Matt. 23.
Ibidem.

ac libertatem Domini in donorum suorum distributione demonstrat: qui cum debita laborum mercede neminem fraudet, immo verò in omnes supra condignū etiam liberalissimus sit, in alios tamen pro infinita & immensa bonitate sua largior & magnificentior existit. Quia in re discrimen maximum inter se & naturales causas hoc in loco insinuare voluit. Naturales enim causæ, inter quas præcipue cælum, sol, luna, cæteraque cæli astra & elementa numerantur, liberæ non sunt: atque ita neque possunt non operari, quoties facultas ad illi operandi: neque aliter operari possunt, quam materię sibi subiectæ ratio & virtus causæ efficientis postulat. Ignis enim non potest non vere, si materiam sibi applicitam habeat: & ita vrit, ut illa disposita est: aliter in ligna arida, aliter in humentia agit. At prima illa & summa causa, ut potentissima, ita etiā liberissima est: quippe quæ à nulla alia vim pati potest. Ideoque dona sua aliquando quidem ex iustitia secundum hominum merita, aliquando verò liberalissimè impartitur ex gratia: ac ita in omnes quidem semper liberalis & pia, in multos tamen iuxta beneplacitum voluntatis suæ beneficentissima est. Id quod in omnium bonorum siue corporalium siue spiritualium distributione videre licet. Sunt enim quatuor bonorum genera, videlicet, naturæ, gratiæ, gloriæ, & ea quæ vulgo fortunæ nominantur. Quæ omnia singulis hominibus Dominus pro sanctissimæ voluntatis suæ beneplacito distribuit sicut vult. Nam (ut ab infimis incipiam) & opes, & honores, & salutem, & vitam ipsam variè hominibus largitur. Aliis enim diuitias, aliis pauperiam; aliis firmam valetudinem, aliis infirmam; aliis æternam vitam, aliis brevissimam tribuit: & alios quidem nobiles & gloriosos, alios vero facit inglorios. De eo namque scriptum est: *Diues & pauper obuiaverūt sibi, utriusque operator est Dominus.* Et, *Bona & mala, vita & mors, paupertas & honestas à Deo sunt.* Dominus ergo (ut ait Propheta) mortificat & vivificat, deducit ad inferos & reducit: Dominus pauperem facit & dicit, humiliat & subleuat. Nō negamus hic liberam hominis facultatem, quæ Deo bene omnia fortunanti cooperatur: prima tamen ac summa humanæ salutis & prosperitatis causa Deus est, à quo vno lera omnia & secunda procedūt. Hinc pro eo quod nos in Psal. legim, *Quia nec ab Oriente, nec ab Occidente, & c. alij verterunt, Quia nec ab Oriente, vel ab Occidente, nec à deserto venit exaltatio: quoniam Deus iudex est.* Hunc humiliat, & hic exaltat, & c. Quo in loco tribus præcipuis mundi partibus enumeratis vniuersum orbem complexus est. Quo significare vult, non à solis mundanæ potentie viribus (quæ frequenter spem hominum fallunt) sed à Dei providentiæ & gratiæ, secunda omnia

Quatuor
bonorum
genera.

Prou 12.
Eccl. 11.
1. Reg. 1.

omnia speranda esse. Quocirca frustra sapè quaeritur in terris dignitas & potentia, quarum rerum dispensatio ad Deum relegendanda est: qui æquissimus est iudex, & unicuique vel poenas vel præmia constituit. Ipse enim est (ut sanctus Iob ait) qui baltheum Regum dissolvit, & præcinxit fune renes eorū. Effundit despectionem super principes, & eos qui oppressi sunt, releuat. Quæ cum ira sint, rectè sanctus Propheta: Vanum est, inquit, vobis ante lucem surgere: hoc est, aduerso aut non fauente Deo, huiusmodi bona velle comparare, quæ diuina prouidentia sibi distribuenda reueruauit. Quam rem appositissimo exemplo Ecclesiastes confirmat his verbis: Est homo laborans & festinans, & tanto magis non abundabit. Est homo marcidus, egens recuperatione, plus deficiens virtute, & abundans paupertate: & oculus Dei respexit illum in bono, & erexit eum ab humilitate sua, & mirati sunt in illo multi, & glorificauerunt Deum. Quid verò gratuita bona? an non hæc etiam ab ipso, prout ei libitum est, dispensantur? Nam cum ad se omnes peccatores vocet (ut qui velit omnes homines saluos fieri) alios tamen sufficienti, alios superabundanti auxilio vocat. Cum enim diuina gratia & misericordia omnibus in promptu sit: quibusdam tamen citra alienam iniuriam dona sua copiosius & liberalius impartitur. Vocantur enim omnes, quibus sufficiens hoc auxilium adest, ac præcipuè qui salutari lauacro in Dei filios adoptati sunt: liguntur verò, quibus perseuerantiæ donum diuino munere conceditur. Quod si quis de hac diuinorum donorum distributione & varietate queratur, audiat Dominum dicentem: *Amice, non facio tibi iniuriam: an non licet mihi quod volo facere? an oculus tuus nequam est, quia ego bonus* (hoc est, beneficus & liberalis) *sum?*

Iam verò in ipsis electis quanta superæorum donorum ac diuinorum auxiliorum varietas! Alij enim sustinent pondus diei & ætus, hoc est, summis laboribus & vigiliis diuina munera cōsequuntur, quales omnes ferè sancti exstiterunt: atque ij præsertim qui squalentia eremi loca incolentes, citra omne humanum solatium, vitam inopem atque rerum omnium indigam perduxerunt. Alij verò vix vna diei hora laborantes, magnificis Dei donis subito ditati sunt. Latio vna confessione regnū Dei adeptus est. Magdalena, fusa ad pedes Domini lachrymis, ex peccatrice Apostolorum Apostola resurrectionem Christi nuntiando effecta est. Apostoli verò ipsi, dum in refectibus rebus occuparentur ad summum Apostolatus honorem nec opinantes vocati sunt. Mattheus ex publicano mutatur in Euangelistam: quodque iis omnibus mirabilius est. Paulus, dum spirantinarum & cædis, Christi Ecclesiam vastat, Spiritu sancto repletur,

pletur, in paradysum rapitur: & ex persecutore in vas electio-
nis cōmutatus, abundantius omnibus laboravit. Et ceteri qui-
dē Apostoli fortasse vna hora in vinea Domini laborasse dice-
di sunt, cūm pleitadinem Spiritus acceperūt; iste verō ne vna
quidem hora in ea laboraverat, sed ipsam tanquam ferus aper-
de silua vastare cupiebat, cūm in tertium cælum raptus, audit
arcana verba quæ non licet homini loqui. Quis igitur hic non
mirabundus & attonitus ad tantę bonitatis abyssum obstupel-
cat? Sed hæc tamen omnia in Evangelio & sub gratia. Quid in
lege? An non Moſen Dominus ex humilis pastoris fortuna in
legislatorem, Amos in Prophetam, Davidem in Regem, Eli-
ſæumque ex aratro in hæredem spiritus Elię cooprauit? Ipse
enim David electionis suę beneficiū celebrat his verbis: Ele-
git David seruum suum, & sustulit eum de gregibus ovium, de
post forantes accepit eum, pascere Iacob seruum suum, &c.
Quid iis maius? quid illustrius? quid ad laudem diuinę gratię
magnificentius? ad diuinorum iudiciorum altitudinem mira-
bilis: & ad diuinę potestatis libertatem prædicandam clarius?

Psal. 77.

Quid quod frequēter etiam nō in diuersis personis modis
sed in vna eademque personā huius varietatis velot imaginem
quādam exprimit? Sæpe enim vir pius ieiuniis, vigiliis, & ora-
tionibus, omniq. conatu spiritū deuotionis haurire, & lāquen-
tem animum in diuinę pulchritudinis amorem excitare niti-
tur. Qui tamen, dum hoc facit, adhuc ieiunus & aridus sibi esse
videtur, cūm interim Dominus frequenter sese illi aliud agēti
vel non vocatus ad sit, illumque clarissima luce, in suero ardore,
iucundissima suauitate, & copiosissimo lachrymarū imbri per-
fundat. Quo quidem cælesti munere præuentus & illumina-
tus, miros deinde in virtute & charitate progressus facit. Quæ
cūm ita sint, nemo vtiq. piorum habet cur de cælesti patrefa-
milias (quod quidam ex operariis fecerūt) merito queri possit:
quandoquidē piorum quisq. iustam atque adeo superabundan-
tem operam suorum mercedem percipiet secundum suum la-
borem. Multi tamen habent, cur illum multo magis diligere &
laudare debeāt: quod eos præter gratiam & gloriam, bonis eorū
operibus debita, copiosissimis auxiliis, cælestibusq. donis,
nulla habita meritorum ratione, pro voluntatis suę beneplaci-
to donat, quæ aliis non donat: quibus homines sic à Deo præ-
uenti & instructi, mirifice in spiritali vita, virtutumq. studio
proficiunt, & illis anreferuntur, quibus huiusmodi dona atque
auxilia non dantur. Inde adeo fit, quod cælestis magister at, ve-
fiant primi nouissimi, & nouissimi primi. Sæpe namque Domi-
nus pro immensa & infinita gratia & misericordia sua, vel in-
dignos homines, vel minus perfectos ad maiorem dignitatis &
iustitia

iustitiæ gradum cœchit, quàm alios qui istis erant perfectiores; atque ita demum ex minoribus maiores, & ex nouissimis priores fiunt. Quorum omnium ratio vna est, nempe summa bonitas & liberalitas magnifici patrisfamilias, quâ ipse apertè insinuat, quando cuidam ex operariis submurmuranti ait: *An oculus tuus nequam est, quia ego bonus sum?* Hæc ergo immensa Dei bonitas & libertas, huius dissimilitudinis cauia exiit. Ex quo fit, ut longè plus sit quod diuina bonitas & liberalitas gratuito donare, quàm quod sanctissimi cuiusque viri labor promereri possit: ideoque plura potest interdum homo consequi ex inestimabili dono gratiæ, quàm studio & labore suo promereri ex debito iustitiæ. Hæc ergo de causa fuit nouissimi primi, & primi nouissimi. Subdiſſue tandem Dominus:

Multi enim sunt vocati, pauci verò electi. Quorsum hæc? Non video aliam commodiorem connectendæ huius sententiæ rationem, quàm quæ à Cardinale Caterano assignatur. Ait enim Caict. hoc esse simile appositissimum, quo præcedentem doctrinam Dominus apertissimè declarat atque confirmat. Familiare enim sapientibus viris est, quæ paulo obscuriora sunt, rebus apertissimis elucidare. Cum autem in hac parabola Dominus liberalitatem & libertatem, quæ in donorum suorum distributione virtutis voluerit insinuare: commodissimum huius varietatis exemplum gratiam vocationis adducit, in qua apertissimè hæc diuina libertas & liberalitas apparet. Cum enim omnes ad se vocet, (qui omnes vult saluos fieri) quosdam tamen minoribus, quosdam maioribus auxiliis pro sanctissime voluntatis suæ beneplacito, sine ullis vocandum præcedentibus meritis ad salutem vocat. Quo fit, ut multi sint vocati, qui videlicet minoribus auxiliis vocantur, quibus tamen ipsi vitio suo vti nolunt: pauci verò electi, qui videlicet aut maioribus ad hoc auxiliis iuuantur, aut sufficienti illo (quod nemini negatur) auxilio feliciter vtiuntur. Ad hunc ergo modum quibusdam Dominus post iustificationis gratiam iuxta ipsorum merita, auxilia sua & dona distribuit ex iustitiâ: quibusdâ verò copiosa dona atque auxilia supra merita & supra etiam vota tribuit ex gratiâ, ut in Apostolis, cæterisque quos supra memorauimus, videtur est. Vtrobique ergo Dominus eadem virtutis libertate, & ante primam gratiam, & post eam: & in ipsa vocatione, & post eam vocationem: neminem debita laborum mercede fraudans, & multos ex liberalitate sua supra merita maximis beneficiis cumulans.

III.

Quid igitur ex hac philosophia colligere possumus, frater? Peroratio
Multa planè: sed illud in primis (quo sine principio iungamus)

ut intelligamus, arbitrij nostri libertate integra & illaesa manente, omnem humanę salutis spem à Dei potissimum gratia pendere: qui in xra æquissimum voluntatis suę beneplacitum, cum nemini faciat iniuriã (imò verò de omnibus semper bene mereatur) aliis tamen maiora, aliis minora dona tanquam verus rerum suarum Dominus elargitur. Huius autem philosophię diligens consideratio miro modo animum hominis Deo subicit atque submittit. Cum enim vir pius huius negotij magnitudinem cōsiderat, intelligitque in manu Dei positum esse, æterna illum felicitate donare, aut sibi ipsi relinquere: quid, quæso, aliud faciat, quàm toto sese illi corde subicere? ante illi prosterni illum tota mente colere? ab illo pendere? & se totum illius obsequio tradere? idque vnum curare, ne qua in re illum offendar, in quo vno tota salus & felicitas sua nititur?

Inualuerat in toto orbe fames quo tempore principatum Ioseph in terra Aegypti obtinebat: nullibiq. nisi apud vnum Ioseph frumenta inueniebantur. Quãobrem tota Aegyptus magnitudine famis oppressa, ad illi⁹ pedes prouoluta, supplici oratione ait: Salus nostra in manu tua est, tantummodo respiciat nos dominus noster, & læti seruiemus Regi. Quid igitur hos homines ira demisso atq. humili corde ante pedes Ioseph strauit, nisi quòd intelligebant salutem & vitam suam ab illius voluntate pendere? Ad hunc igitur modum cum sancti viri intelligant, totum genus hominum propter communem illum naturę lapsum ad perpetuam inedia, omniumque spiritualium bonorum inopiam esse damnatum; animaduertantque penes vnum tantum Ioseph, hoc est, penes illum mundi Saluatorem, huius tantę calamitatis esse remediũ: quid, quæso, aliud agant, quàm ad illum supplices cōfugere, illi se submittere, illum studiosissimè colere, qui solus hanc æternam famem sedare, solusque bonis omnibus ditare hominem potest? Hoc enim affectu Propheta ad Dominum ait: In magibus tuis tempora mea, siue sortes meę. Quęnam sortes istę sunt? Scitis, fratres, duas tantum esse sortes valde inter se dissimiles, quę homini contingere possunt: nempe aut æternam salutem, aut damnationem æternam. Ait igitur Propheta: Vtraque hæc fors Domine, quę mihi contingere potest, in manibus tuis est, qui solus vitę & mortis clauēs habes. Itaq. si volueris, potes me seruare: & si volueris, habes etiam potestatem, vbi corpus occideris, animam quoque mittere in gehennam. Quod si ita est, quomodo non totus in te vno suspensus sum? quomodo non tibi plenissimè subiciar? tibi obsequar? tibi adhæream? in quo vno salus mea sita est? Hac eadem mente & affectu Hieremias aiebat: Scio Deus meus quòd non est hominis via eius, neque viri est

Gen. 47.

Eccl. 39.

Matth. 5.

Hiere. 10.

est ut ambulet, & dirigat gressus suos. Quod cum ira sit, quid aliud me facere par est, quam te semper intueri, semper suspicere, qui solus me ab itinere mortis abducere, solus ad salutis viam reuocare potes? Hoc eodem affectu regius Prophetæ (Psal. 68.) ipsam his verbis cohortatur: Nonne Deo subiecta erit anima mea? Quibus verbis non simplici quidem, sed figurata oratione seipsum ad perfectam obedientiam, plenissimamque subiectionem excitare videtur. Sed cur, Vates sancte, ita Deo subijci cupis? Subdit causam: Ab ipso enim salutare meum. Nam & ipse Deus meus, & saluator meus, adiutor meus, non emigrabo. In Deo salutare meum, & gloria mea, Deus auxilij mei, & spes mea in Deo est. Animaduertite, quæso, tot verbis idem pollutibus eandem repeti sententiam: nimirum intelligens, quantam ea res ab homine submissionem, pietatem, timorem, & religionem exigeret. Si enim tota salus mea, si felicitas & beatitudo mea, si opes & spes omnes ab vno illo penderet: quid aliud quæso, mihi faciendum, quam ut illum supra omnia diligam? illum verear? illius me obsequio totum tradam atque committam? Quid, inquam, facere debeam, nisi catellorum more ad misericordiarum eius mensam ad stare, illum oculis, illi pectore, illum toto animo intueri; & micæ, ex mensa eius decedentes, humiliter petere: & supplici animo cum eodem Prophetæ dicere: Ecce sicut oculi seruorum in manibus dominorum suorum, & sicut oculi ancillæ in manibus dominæ suæ: ita oculi nostri ad Dominum Deum nostrum, donec misereatur nostri.

Sunt tamen quidam qui hac ipsa consideratione animo perturbentur potius quam humilientur: dum attendunt hoc salutis suæ negotium non prorsus in suis, sed in alienis, hoc est, in Dei manibus positum esse. Sed, ô stulti & cæci, in cuius, quæso, manibus hæc tanta res tutius collocari potuit, quam in iis quæ propter te cælum & terram, & omnia quæ cæli ambitu continentur, creauerunt? In iis quæ in res omnes à se conditas, ad eos liberales & magnificæ sunt? in iis quæ, ut te soluerent, vinculis ligatæ, & clauis confixæ fuerunt? in iis denique manibus, quæ (ut D. Bernar. ait) affluunt misericordiæ visceribus, nec desunt foramina per quæ fluant? In tutissimo plane loco salutem suam Prophetæ reponebat, quando iis eam manibus committebat, dicens: In manus tuas commendo spiritum meum, redemisti nos Domine Deus veritatis. Si enim tu, ut spiritum meum à morte redimeres, mortem pertulisti: cuius tuus eundem spiritum, quam tibi commendare potero? Intelligebat hoc etiam Apostolus, cum diceret: Scio cui credidi, & cærus sum quia potens est depositum meum seruare in illum diem. Agnoscebat enim summam illam Domini fidem, bonitatem, & pietatem: ideoque

Psal. 68.

Psal. 122.

Psal. 101.

1. Tim. 5.

ideoque nullibi fidentiùs tot laborum meritum q̄ pretiosissimum thesaurum, quàm in eius manibus collocabar: qui plus quàm paterna charitate nos diuigit, & diuina potestate tuerur.

Huius igitur benignitatis consideratio, non quidem mororem ac diffidentiam, sed salutarem magis trepidationem, humilitatem, reuerentiam, & amorem conciliat. Quæ quidem Philip. 1. virtutes nobis cum primis necessariae sunt, vt (sicut idem Apostolus monet) cum timore ac tremore salutem nostram operantes, æternæ vitæ mercedem Christo Domino largiente, ad occasum Solis, hoc est, in fine vitæ, cum cæteris vineæ cultoribus percipere mereamur.

IN EADEM DOMINICA SEPTVAGESIMÆ, CONCIO SECVNDA: IN qua Euangelica lectio explanatur.

THE. *Simile est regnum calorum homini patrifamilias, qui exiit primo mane conducere operarios in vineam suam.* Matth. 20.

Prou. 14.



Salomonis sententia est, risum dolore misceri, & extrema gaudij luctu occupare. Ita enim in hoc medio mudi globo, vel iniquitas nostra promeruit, vel diuina æquitas & providentia instituit, vt neque omnia læta, neque omnia tristia, sed mœstis læta permiscerentur. In suprema quidem illa cœlorum regione omnia læta sunt, nec illorum fines vlla inuadere tristitia potest: in infimo autem reproborum carcere omnia contrā funesta sunt & tristia, & omnis prorsus lætitiæ ignara. In hac autem media inter vtramq̄ regione (vt Salomon ait) risus dolore miscetur, & extrema gaudij luctus occupat. Quæ quidem varietas non in rebus corporeis tantum; sed etiam in spiritualibus cernitur, quod vel præsentis temporis argumento animaduertere licet. Hactenus enim Ecclesia lætissima mysteria nobis ob oculos posuit: nempe, nascentem de Virgine Salvatorem, & cantantes Angelos, lætumque Euangelij nuntium pastoribus nuntiantes, & stellam Dominicæ natiuitatis nuntiam in sublimi fulgentem, & Magos adorantes, & Simeonem quadragesimo à natiuitate Domini die puerum excipientem, Deumque laudantem: modò verò omnia inuersa sunt. Quæ enim hactenus diuinas laudes lætis vocibus personabat, nunc ætaria velat, & Gloriā in excelsis silentio præterit, & festam illā vocem lætitiæ

hæreticè indicem, Alleluia, intercludit: ac deniq. inopinatis & fū-
 nestis his vocibus hodie Missam orditur: Circūdederunt me gemitus mortis, dolores inferni circūdederunt me. Quibus
 verbis quid tristius? quid lamentabilius? Quæretis forsitan
 huius tantæ mutationis causam: causa est, quod hodie in ma-
 turinis precibus Genesis liber incipitur; in quo de creatione
 mundi agitur, deq. maxima illa felicitate in qua homo à Deo
 conditus est: à qua tamen per peccatum miserabiliter corruēs,
 & in hunc nostrum orbem tanquam in exsiliū pulsus, quæ à
 Deo dona receperat, amisit; & in illo naturalis necessitudinis
 iure, nos quoque omnes amisimus. Illo enim homine labēte,
 tota quoque posteritas, id est, vniuersum genus humanum, cum
 illo pariter concidit. Vitiata enim radice, rami quoque omnes, *similes*
 qui ab ea pullularunt, virium sensere radices. Hoc ergo tanto
 fulmine Ecclesia ista, non potest (dū hæc leguntur) huius tan-
 tæ cladis acceptæ non reminisci, & in hæc deinde lamentabiles
 voces & rugitus prorūpere: Circūdederunt me gemitus mor-
 tis, dolores inferni circūdederunt me. His videlicet verbis si-
 gnificans, propter illam protoparentum culpam, omnes homi-
 nes ad mortem, æternoq. cælestis patriæ exsiliū fuisse dā-
 natos: quæ duo mala, à peccato orta, summum inter omnia
 mundi mala locum tenent. Et quamvis tot annorum millia
 post illud iam peccatum transacta sint, quorannis tamen Eccle-
 sia velut recenti plaga sauciata, hanc renouat querimoniam
 quodd videlicet à peccato illo omnia mundi mala quæ sunt, fue-
 runt, aut erunt, originem trahant. Omnia enim peccata quæ
 hætenus admissa sunt, omnes corporū & animorū morbi, om-
 nes clades & mortes, omnia mortalium bella, atq. dissidia, omnes
 generis humani pestes, fames, & exitia, & omnia denique mala
 ab hoc omnium malorum fonte tanquam à radice prodierunt.
 Omnia enim hæc peccati illius pœnæ atq. tributa sunt: iustū
 enim erat, vt omnium malorum mundi causa esset, quod mudi at-
 que rerū omniū cōditor à principe creaturarum omnium ho-
 mine violatus fuerit, & offensus. Itaq. patres quondā nostri po-
 mum illud acerbum comederunt: dentes tamen filiorū in hunc
 vsque diem obstupefcunt. Quo argumēto videre licet, fratres,
 quanta sit lethalis peccati malitia: quæ tantorum malorum se-
 minarium exstitit: quod tamen nos tam faciliè committimus.
 Quid enim apud multos frequē? quā peierare, inuidere, odise,
 alienā vel rem surripuisse, vel vxorē cōcupiuisse? Vnū quod-
 que autē horum, non minūs lethale atq. mortiferum, quā illud
 parentis nostri delictum est: nec minus mūdo nocuisset, si pri-
 mum exstitisset: vt hac ratione intelligaris, quanta sit humanæ
 mentis cæcitas, quæ ne hoc quidem tāto fulmine ista, peccati

Psal. 17.

Causa

Am ista postquam
 renouat memoria
 peccati protoparenti.

Ps.

Ps. 17. mortali
 malitia quæ

malitiam ac deformitatem agnoscit. Hac igitur de causa pul-
lata in medium hodie hac tam lugubri voce procedit Ecclesia;
vt eius nos squalor, habitusque mœstissimus huius nostri exi-
lij, miserandique status conditionem ostendat: quo hoc tam
gravi vulnere sauciati, demus operam, vt, à qua lapsi sumus di-
gnitate per culpam, per voluntariam poenitentiam redeamus.
Quodd si Ecclesia hoc tempore Alleluia, hoc est, spiritualis latri-
cie vocem sustulit, multo magis carnalem vanam, que latriam
à nobis ablegare contendet. Si enim in ipso nunc Deo exultare
verat, quo modo in rebus lœdicis noxiisque latri permitteret?
Vt igitur his Ecclesie vocibus & lachrymis (vti par est) respō-
deamus, celestem opem, sacratissimæ Virginis interuentu, sup-
pliciter imploremus.

AUE MARIA.

Cum multa ac maxima inter Deum & hominem discrimi-
na existant, illud mihi nō in postremis habendum vide-
tur, quodd Deus, quicquid facit, non vlla sua necessitate aut vti-
litate, sed sola bonitate inductus facit: homo autem adeo egēs
& lucri cupidus est, vt vix quicquam molietur, nisi vtilitate pri-
mū aut necessitate ante oculos posita; quæ si desit, iners &
plūbeus ad omnia quæ agenda sunt redditur. Cuius ingenium
infinita illa bonitas & sapientia Patris agnoscens (quæ omnes
homines saluos fieri, & ad veritatis agnitionē venire desiderat)
opulentissima laborantibus præmia proponit, cum ait: Mensu-
ram bonam, & confertam, & coagulatam & superfluentē da-
bunt in sinum vestrum. Et ad Corinth. Apostolus: Itaque, ait,
fratres, stabiles estote, abundatē in omni opere Domini, scie-
tes quoniam labor vester non est inanis in Domino. Quā ten-
tentiam idem Dominus per Prophetam breuiter confirmat,
cum ait: Non dixi semini Iacob, frustra quærite me: Non cer-
tē frustra. Quisquis enim Dominum quæserit, præmia tanta
consequetur, quanta vis nulla orationis explicare vnquam po-
terit: neque enim ad spectu oculorum comprehēdi, neque acribus
percipi, neque vlla cogitatione queunt adumbrari quæ parauit
Deus piē colentibus se. Hinc Vates regius, vbi mandata Domi-
ni dulciora super mel & fauū dixisset, adiecit: Etenim seruus
tuus custodit ea in custodiendis illis retributio multa. Cor. 6.
Vates sancte, custodis ea? Quid ni custodiam? quod aliud mu-
nus obire studiosius debeam? Si enim mandata Domini su-
per mel & fauū dulciora sunt, & custodientibus ea retribu-
tio multa proposita est: quis id sequi detrectet quod & factū
suauissimum est, & præmij retributione magnificum? Sed
hoc in lege: quid igitur modo sub gratia? Ait enim D. Ber-
nardus: In lege graue iugum, & vile præmium; terra enim pro-

Bern. su-
per Cant.

mittitur.

mittitur: at Ecclesiæ iugum suauē, & præmiū sublimē. Sic enim prouocat quod promittit, vt non terreat quod imponit. Si igitur Vates sanctus illo tempore mandata dulcia, & retributionē multā esse dixit: quid hoc tempore dicere licebit, quando & iugum legis extenuatum est, & præmiū non modo auctum, sed etiam in promptu positum est atque paratum? Sic enim de Christo Domino apud Isaiam legimus: Ecce merces eius cum eo, & opus illius coram illo. Hoc est, in promptu habet mercedem operis, quam laborantibus tribuat. Huius ergo mercedis magnitudinem idem Dominus in præsentī lectione appositissima quadam similitudine declarat: in qua cum alia multa, tum præcipue hæc duo insinuantur: alterum, quomodo fidelibus cunctis in vinea Domini laborare necesse sit: alterum, quomodo varia merces laborantibus tribuitur non solum pro mensura laboris, sed etiam pro immensa diuinæ gratiæ largitate: quæ sicut omnium superat vota, ita etiam excedit merita. Parabolam autem primo loco vobis proponam, deinde eius explanationem subiiciam.

Isa. 49.

Simile est (inquit) regnum celorum homini patrifamilias, qui exiit primo mane conducere operarios in vineam suam. Conuentione autem facta cum operariis ex denario diurno, misit eos in vineam suam. Et egressus circa horam tertiam, &c. Quoniam hæc parabola mysteriorum refertissima est, nos pro temporis angustia id solum explicare tentabimus, quod ad mores nostros formandos, & instituendos expedire magis videbitur.

Simile est (inquit) regnū celorū homini patrifamilias, qui exiit, &c. Hic paterfamilias, qui à mane vsque ad vesp̄eram, hoc est, omnibus diei horis, prima, tertia, sexta, nona, & vndecima operarios in vineam suam vocat, Deus est. Dicitur autem paterfamilias, quia quas habet in ditione sua domos atque familias, summa providentia & æquitate gubernat. Sunt autem tres præcipue domus ac familiæ, quibus ipse præest. Est enim domus illa cælestis, quæ mansiones multas ac varias pro varietate electorum habet. Est & alia apud inferos, quæ suis etiam sedibus pro diuersitate reproborum distinguitur: in quibus dignas scelerum suorum pœnas pendunt, & ad infinita secula pendunt. Est rursum media quædam domus in harum confinio constituta, quam pii & impii, electi & reprobi simul incolunt. In prima igitur illa domo nulla est temporum & horarum successio: quia nulla lucis mutatio, nullus solis accessus vel recessus. Domus enim ea (vt Ioannes ait) non eget sole neque luna, vt luceant in ea: quia claritas Dei illuminat eā, & lucerna eius est Agnus. Idem quoque Isaias confirmat his verbis: Nō occidet vlt̄a sol, & luna, quia erit tibi Dominus in lucē sempiternā. In hac autem

Apo. 21.

Isa. 60.

Cant. 1.

Iob 3.

Yuc. 16.

1. Pet. 3.

Matth. 23.

Matth. 23.

lucē dilectissimum Sponsū avidissimē videre Sponsa cupie-
 bar, cum diceret: Indica mihi, quē diligit anima mea, vbi pa-
 scas, vbi cubes in meridie. In hac enim meridiana luce, non per
 speculū aut in enigmatē agnos suos, hoc est, electos suos, Do-
 minus pascit: quos videlicet pulchritudinis suae contemplatio-
 ne ita reficit & sariat, vt nihil aliud perpetuō desiderare queat,
 quā quod habet. In hac igitur prima & felicissima domo ho-
 rarum ac temporum varietas nulla, nulla successio est. In altera
 item quae apud inferos posita est, quamvis dissimili ratione,
 nulla item est horarum temporūque distinctio: quia sicut
 illic nulla tenebra, ita hic lux nulla micat. Vbi autem lux non
 est, nulla vtrique temporum varietas existit. Hęc enim est terra
 illa ac fœnesta domus, de qua in lib. Iob scriptum legimus: Ex-
 spectet lucē, & non videat, nec ortū surgentis aurorae. Et quam-
 vis in eo loco ignis sit, & ignis quidem corporeus, huic nostro
 similis: nihil tamen ille lucis aut splendoris miseris præbet, nisi
 quantum satis sit ad eorum supplicia cummulanda; vt ea scilicet
 videant, quorū adpectu magis torqueantur. Qua de causa di-
 vus ille epulo quinque fratres suos à Lazaro mœneri postulat, ut
 ne nouo eorum supplicio acerbius cruciaretur. Cum enim ignis
 hic diuinæ iustitiæ instrumētum sit, ita superni iudicis vo-
 luntati seruit, vt id solum efficiat quod reorū cruciatus augere,
 non levare possit. Hinc Petrus Apostolus reprobos omnes, fontē
 sine aqua, & nubes tenebrosas appellat: quibus caligo tene-
 brarum reservata sit. Hoc igitur in loco horarū nullę, nulla tēpo-
 rum distinctio est: sed æternum chaos, æternaque nox regnat,
 nullo vnquam lucis splendore illustranda. Caterū in huius
 mundi domo, quae in vtriusque medio posita est, vt corporeae
 lucis varietas, ita etiam æterni luminis diversitas est, quia vi-
 delicet non semper eodem quē modo lucis suae radios Dominus
 mundo communicavit. Huius enim spiritualis lucis atque dei
 velut mane fuit (vt D. Gregor. ait) ab initio mundi vsque ad id
 tempus, quo aquarum inundatione idem mundus absumptus
 est: quo tempore (sicut in aurora fieri solet) dubia adhuc & ob-
 scura lux humanarum mētium oculos vix illuminat. Ex cuius
 defectu tot terra facinorosa in mundo exundarunt, propter quae
 totus ipse mundus aquarum inundatione extinctus atq; sub-
 mersus fuit. Hora verò tertia ab hoc tempore vsque ad Abra-
 ham numeratur, quem vnum ex cunctis mortalibus Deus elegit,
 quem caelesti luce, hoc est, præceptis caelestibus, & circum-
 cisionis sacramento informaret. Hora verò sexta ab hoc vsque
 ad Moysen fuit: quo primum tempore lex diuina hominibus
 lata est: quae mentis humanae tenebras superno lumine pluri-
 mum discussit; dum quid fugiendum, quid sequendum esset,

aper-

apertissima oratione ostendit. Hora verò nona ab hoc tempore
 vsque ad Christum Dominū assignatur: cuius tempore diuina
 lucis & caloris plenitudo in totum mundum pretiosi sanguinis
 eius merito effusa est. Post quem, nouissimam adesse horam
 Ioannes testatur: quæ quo magis à Christo iustitiæ Sole recedens,
 ad occasum mundi appropinquat, eo densiores tenebras
 offundit. Nos enim sumus in quos fines seculorum deueni-
 runt, qui nullum aliud lucis huius incrementum præstolamur,
 imò qui, appropinquante huius diei fine, vicinarū tenebrarum
 nocte circumfundimur. Hinc tanta non modò luci, sed etiam
 caloris imminutio: vbi enim abundauit iniquitas, necessariò
 multorū refrinxit charitas. Hinc tot miseriæ pauperū, tot nudi,
 atque rerum omnium egentes, tot inopes vel potentiorum ty-
 rannide oppressi, vel ditiorum vsuris & rapinis exhausti. Erat
 olim cum homines sibi inuicē succurrerent, & alter alteri abs-
 que sceleris iniuria subueniret: nunc, vbi cambiorum atq. vsu-
 rarum vorago inundauit, pietas & charitas penè sepulta est, &
 auari homines lucrū magis ex pecunia, quàm meritum ex be-
 nignitatis officio aucupari volunt. Denique in ea tempora in-
 cidimus, in quibus modò quoque cum Propheta clamare possi-
 mus: Væ nobis, quia declinauit iam dies, quia longiores factæ
 sunt vmbræ vesperti: quo factum est, vt calore dilectionis penè
 extincto, & errorū tenebris ingruentibus, falsis rerū imagini-
 bus homines delusi, falsæ veris, tēporaria æternis, vmbras luci
 antepōnāt; ac denique per tenebras ad tenebras, hoc est, per in-
 teriores mētis ad exteriores corporis tenebras pergāt. Bonus er-
 go pater familias nunquā dedit omniū his horis operarios
 quærere, quibus Ecclesiæ suæ vineam excolendam cōmitteret.
 Primo enim mane vocauit Patriarchas, qui primi fuerūt huius
 vineæ cultores. Deinde processu tēporis Prophetas accersiuīt.
 Hos sequūtur deinde Apostoli, Martyres, sancti Pontifices, atq.
 Doctores, qui omnes ad hanc vineam verbis & exemplis exco-
 lendam à Dño conducti sunt. Nec in omnibus solū ætatibus
 mundi, sed in omnibus cuiusq. hominis ætatibus vnumquemq.
 posttrūm ad huius vineæ culturam vocare nō cessat; nec in æta-
 tibus modò, sed in omnibus serè negotiis, atque adeò in ipsis
 etiā peccatis hominibus ad est, eosq. à prauè corruptis omni ratio-
 ne auocare cōtendit. Quoties enim prauī homines posito Dei
 timore ad incontinentias voluptates rapiūtur, Deum intra se cla-
 mantem audiunt: Peruersa est via tua, mihiq. contraria. Quod
 perierit est ac si diceret: Vide, quæso, miser, quò pergis falsa vo-
 luptatis imagine deceptus? Pergis ad mortem, pergis ad tene-
 bras, pergis ad gehennā, ad pestem, ad laqueū, vnde resorsitan
 extricare nō possis. Animaduerte miser, te in oculis Dei omnia
 contuen-

Mat. 24

Sermoe
natio.

contuentis delinquere: quem nullum laret flagitium, quamvis patieribus & nocte veletur. Cogita momentaneum esse quod delectat, æternum quod cruciat: vide ergo ne pro momentanea voluptate sempiterno luctu conficiaris. Qui seis miser an sis crastina die victurus? Qui seis an repentina sis morte (quod plerisque accidit) è medio tollendus? Quomodo non perhorrescis me tibi (à quo bona cuncta procedunt) inimicum & insensum esse, & beneuolèntissimum patrem in seuerissimum iudicem commutare? Cur eum non formidas, qui vitæ & necis habet potestatem, quiq; ubi corpus occiderit, animam potest mittere in gehēnam? Has ergo tacitas voces, hos internos clamores intra se frequenter rebelles quoque homines audiunt, etiam cum ad flagitia proficiuntur. Neque his vocibus, sed aliis etiam rationibus homines hic paterfamilias ad vineam suam vocare non desinit. Quid enim aliud tot Conciones quas passim audimus, quid tot beneficia quæ quotidie percipimus, tot flagella quibus incessanter atterimur, tot vicinorū & amicorū funera quæ quotidie cernimus, nisi vocationes Dei sunt; quibus partim verbis, partim exemplis, partim blanditiis, partim terroribus nos ad se reuocare, & ad vineam suam culturam conducere nititur?

I.

Summo igitur diluculo consurgens, conuentione facta cum operariis, mittit illos in vineam suam. Superuacaneū (puto) erit querere ad quæ paterfamilias operarios miserit in vineam. Nimirum nō ad ludum & otium, sed ad sudores ac labores, quibus vinea colitur, subeundos. Ad hoc igitur fratres, vocati sumus, in hoc opus à Deo conducti; hoc munus nostrum, hæc professio nostra est. Quo enim die salutari lauacro tincti sumus, & in familia Domini adscripti, ad hoc opus vocante Domino sub æternæ vitæ mercede sumus conducti. Quibuscunq; enim nom inibus Christianæ vitæ professionem nuncupaueris, semper labores, semper sudores tibi occurrēt. Siue enim militiam, siue stadium, siue cursum, siue negotiationem, siue crucis studium, siue vineæ culturam nuncupaueris, nūquam à laborum perpeffione mentem diuelles. Hinc illa piorum omnium vox: Transiuimus per ignem & aquam, & deduxisti nos in refrigerium. Hinc Apostolus Petrus, ubi proposita immarcescibili æternæ vitæ hereditate nos ad eius amorem allexisset, viam protinus indicauit, qua ad illam perueniretur. Modicum, inquit, nunc si oportet consistari in variis tribulationibus, vt probatio fidei vestre multo pretiosior auro inueniatur. Quam quidem sententiam in Christiana Philosophia natam & adultam secularis quoq; philosophia mirifice cōprobauit. Antiquissimus enim inter poetas

Heliō.

3. Pet. 4.

Hesiodus ac deinde Epicharmus fuerunt: quorum hic, virtutem vendi mortalibus à Deo sudoris pretio ait: ille vero, anre virtutem, Deo statuentem, laborē præcedere dixit. Quibus verbis doctissimi viri duo nobis cognitu maximè necessaria insinuarunt: alterum, virtutem non esse humanam, tantum modo possessionem, sed immortalis Dei munus: alterum verò, ipsum mortalibus illam vendere non auro, aut argento, aut margaritis, sed sudoris ac laboris pretio: sine quibus virtus (quæ circa difficilia opera versatur) costare nullo modo potest. Hinc cum B. Franciscus media hieme seminudus incederet, & frater eius secundum carnem nuditatis & paupertatis eius propositum irritum dixisset, Vende, quaeso, mihi Franciscus vnā sudoris guttam: ille contrā, Ego, inquit, iam pridē illum Domino meo vendidi, & quidem maximo pretio. Quæ quidem vox non vnius Francisci modò, sed sanctorum omnium fuisse putanda est: qui omnes variis sudoribus ac laboribus cæleste regnū mercantur. Quæ cum ita sint: quid de illis sperandum est, qui ducunt in bonis dies suos, qui tenent tympanum & citharam, qui lusum esse putant vitam nostram, qui solius ventris causa se natos esse moribus & vita constituentur: perinde atque nihil nostri penitus à morte superesset, & omnia, quæ Catholica fides prædicat, fabulæ ac terrii amenta puerorum existerent.

Quamuis autem hoc ingenio plerique sint, bonus tamē paterfamilias solita vii benignitate non cessat. Itaque nō contentus hora prima operarios vocasse, pergīt rursū, atq. hora deinde tertia, sexta, nona, atq. ad eodē vndecima vocat: quia videlicet nullū tempus intermittit, quo, quādiu vita superest, non operarios ad hanc vineam conducatur, hoc est, quo non homines ad virtutis cultum & æternæ hæreditatis patrimonium inuiter. Hinc Saluator ait: Pater meus vsq. modò operatur, & ego operor. Hoc est, ab ipsa mundi molitione ad hæc vsque tempora, nunquam Pater meus salutem hominū operari destitit, & omni ratione ad se illos adducere. Vnico enim verbo mundū condidit: sed seculis tamen seculis in hanc præcipuē curam incumbit, vt, quos ad imaginem suam cōdidit, felices tandem ac beatos efficiat. Vnde quemadmodum testante Apostolo omnis creatura ingemiscit & parturit vsque adhuc, & vanitati, hoc est, vicissitudini variisque mutationibus subiecta est: omnia enim siue cælestia siue terrestria corpora vilitati nostræ perpetuò sine vlla intermissione deseruiunt: ita etiam ipse vniuersitatis & naturæ conditor in nostræ salutis studium perpetuò intentus est. Præterea quemadmodum sol iste, quem oculis usurpamus, nunquam illuminandi atque calefaciendi officium intermittit: die namque per se, nocte verò per stellas quas luce sua illustrat

Hesiod.
Epichar.

in sudore vultus mei.

qui vult vniuersum saluare perit.

Ioan. 5.

Simile.
Rom. 2.

Simile.

atque per fundit, mundum illuminat: ita summa illa & infinita bonitas (quæ se in omnia diffundit) nunquā illuminandi aut excitandi hominis officium deserit: modò quidem per se internis motibus pulsans, modò verò per ministros suos (qui sunt velut stellæ in firmamento Ecclesiæ positi) externis vocibus hominem ad pietatem vocans. Quod (ut alia prætermittam) vel hoc vno argumento apertè colligitur, quòd omnibus diei horis tantà curâ & studio operarios conducit in vineam suam.

Idem etiã, ubi hanc vniuersi machinam còdere cœpit, nisi absoluta opere non quieuit. Quod ergo in creatione mundi fecit, idem quoq. in eius instauratione modò facit: v. videlicet nunquam eius opera conquiescat, quousque huic rei extremam manum apponat. Donec igitur hoc opus consummatum fuerit (quod in fine mundi futurum est, cùm electorum numerus fuerit impletus) curam hanc vocandi homines nunquam deponet. Nec hoc munus procuratori demandasse dicitur, cui tamen reddendæ mercedis curam commisit; sed ipse per se munus hoc obire, ipse per se vocare dignatur: quo maior apparet optimi patris familias cura ac diligentia.

Quòd si quis querat, cur tanta sollicitudine urgeat hoc opus, cùm bonorum nostrorum non egeat; hæc mihi præcipua causa esse videtur, quòd is quidem solus huius operis dignitatē & necessitatem plenissimè intelligat. Cùm enim ex eo æterna hominum vitæ, & æterna item mors pendeat, nemo autem duo hæc quælibet finitè comprehendat, nisi ille qui solus æternitatem complectitur: nihil mirum si amator hominum Deus summa cura provideat, ne tantum illud bonum amittamus, nè in tantum illud malum (quod nulla temporis mensura circumscribitur) incidamus. Si iuxta viperam periculi inscium paruulū filium assidere cernerēs, quo impetu accurreres? quibus vocibus & clamoribus compellares, ut ab eo loco fugeret, ne à vipera illi assidente impeteretur? Cùm ergo nos sensibus paruuli simus, & huius tanti negotij pondus & periculum ignoremus: non mirum si Pater ille cælestis, qui plenissimè omnia nouit, tanta cura nos ab hoc tam ingenti periculo reuocare contendat. Nec multum ab hoc studio Apostolus aberat, utpote qui in paradysum raptus, & diuinæ pulchritudinis contemplatione resectus, præmij magnitudinem quo boni afficiendi, & supplicij gravitatem quo mali essent plectendi, siquid fuerat contemplatus. Ideoque vir sanctus tot loca peragrabat, tot pericula adibat, tot plagis vapulabat, tot itinera conficiebat, tot morres obibat, ut animas tanto supplicio ereptas, ad æternā vitā reuocaret. Hinc illæ voces: Quotidie morior propter gloriam vestram. Et, Omnia sustineo propter electos, ut ipsi salutem consequantur. Et

Simile.

3. Cor. ii.

1. Tim. i.

et c.

rursum: Quis infirmatur, & ego non infirmor? quis scanda- 1. Cor. 13
 lizatur, & ego nō vror? Quo putamus illum animo fuisse, quos
 æstus pertulisse, cum, deficientibus à syn. era fidei doctrina Ga-
 latis, illa verba iactaret: Vellem esse apud vos modò, & cōmu- Galat. 4.
 tare vocem meam, quoniam confundor in vobis: siue, vt alij
 viderunt, quoniam inops consilij sum? Quod perinde est ac si
 diceret: Angusta mihi charta est, angusta scriptura omnis, vt
 huic animi mei æstum vobis indicare possim. Quare vellem
 coram vos alloqui, & in omnes me rerum facies commutare,
 nihil intentatum relinquere, nullum non mouere lapidem, si
 fortè his rationibus & lachrymis vos ab hoc tanto malo auoca-
 re possem. Ita enim me transuersum atque sollicitum perditio
 vestra agit, vt quid consilij capiam, quid dicam, quid faciam,
 protus ignorem. Si hæc igitur Apostolus faciebat, quia huius
 tantæ rei magnitudinem probè tenebat: quid ille misericordia-
 rum pater faciet, qui tanto maiore salutis humanæ amore ex-
 æstuat, quanto bonitate & misericordia Paulum superat? Ideo-
 que non mirū si omnibus diei horis, hoc est, omnibus humanæ
 vitæ spatiis, homines ad se vocare non cesset; quod nobis pa-
 rabolæ huius sensus demonstrat.

II.

Cum ergo serò factum esset, dicit dominus vineæ procuratori suo, Vo-
 ca operarios, & redde illis mercedem. Sollicitè admodum hæc verba
 ponderanda sunt. Dominus vineæ, hoc est, Ecclesiæ, Deus est:
 huius verò vineæ procurator, iustos, & mercedis retributor
 Christus est: qui à Deo Patre constitutus est iudex viuorum &
 mortuorum, vt reddat, nique secundum opera sua. Is igitur
 hanc à Patre vocē audit: Voca operarios, & redde illis mercedē
 suā. Felices profectò illi & beati, qui ad hanc mercedem vocan-
 tur. Sed qui sunt qui vocantur? Audite, quæso, fratres, audite.
 Voca, inquit, operarios: hoc est, voca non sterrentes, aut luden-
 tes, aut genio indulgentes, & vitam omnem in otio & volupta-
 tibus transigētes: sed operarios, hoc est, in vinea Domini stren-
 nue laborantes. Hi vocantur ad præmium, hi ad mercedem in-
 uitantur: cæteri tanquam indigni reiciuntur. Et quamuis in
 improbos etiam operarij nomen quadret, ij tamē operarij ini-
 qui ratis, non pietatis existunt: & si quidem laborauerunt, Dia-
 bolo tamen, non Christo operam suam locauerunt.

Quando igitur fideles operarij in vnum conueniant, vt mer-
 cedem labore suo partam accipiant, qua fronte isti iniquitatis
 operarij mercedem cum illis pariter exigent? Merito enim
 cum vnoquoque eorum fidelis procurator ad hunc modum ex-
 postulare poterit: Amice, quid à me exigis quod non merui-
 sti? quid metere vis quod non seminasti? quid cum operariis, Sermoci-
natio.
 qui

qui in vinea mea excolenda defudarunt, mercedem petis, qui tota vita stertisti dormisti, iussisti, & in luxu, otio, atq. sordibus carnis computruisti? Dux te quidem expectavi, spatum pœnitendi dedi, frequētissimē ad laborem vineæ hora prima, tertia, sexta, & nona vocare non destitisti (hoc enim quotidianæ Ecclesiæ mear voces faciunt, quæ omnes ad hoc ætates continentur vocant) tamen obstinato animo sic in scelere peristi, ut ad has semper voces obliuideris. Quid igitur à me requiris, qui mihi nunquam vixisti neque laborasti? Laborasti quidem in via iniquitatis & perditionis, laborasti in operibus luti & laceris in obsequio Pharaonis, hoc est, diaboli, mudi, cupiditatum, quæ ruarum. Hi domini tui, hi dii tui: ad ipsos ergo, nō ad me confuge, ut laborum tuorū tibi mercedem reddant. Sic enim scriptum legis: In tempore tribulationis suæ dicet: Surge, libera nos: ubi sunt dii tui quos fecisti tibi? Surgant, & liberent te in tempore afflictionis tuæ. Dii tui fuerunt venter tuus, caro tua, pecunia tua, voluptas tua, & cætera quæ supra me dilexisti. In quo enim quisque summum bonum constituit, hoc illi deus est. Ad istos ergo deos tuos cōfuge, ut tibi in hac hora præsidio sint. Quid enim magis præposterum, quàm in alterius castris militare, & ab altero, aduersus quem inimicā arma tulisti, stipendium petere? Diabolo & mundo militasti, ab eis ergo stipendium exige. Mihi enim solum operariis dispensatio à Patre meo credita est ut mercedem tribuam: ideoque potestate mea abutar, si uesides & dormientes, imò verò hostes & inimicos, pari mercedis honore cum illis afficiā. Expergiscimini, quæso, fratres, quicumq. animæ vestræ salutē charam habetis, qui hunc cælestis regni denarium concupiscitis, qui ab hac tanta gloria excidere malorū extremum iudicatis: expergiscimini, inquit, & nolite eriare. Deus non irridetur: quæ enim seminauerit homo, hæc & metet. Nam qui seminat in carne sua, de carne metet corruptionem: & qui seminat in spiritu, de spiritu metet vitam æternam. Operarij hoc in loco vocantur, non segnes & inertes. Si ergo mercedem cōcupiscitis, laborem minime recusatis. Si in cæleste regnum ire contenditis, ea via, quæ in cælum ducit, ingredimini. Non enim video quonam modo hæc duo simul cohareant, a) æternam vitam adspirare, & per viā mortis ingredi: mercedem à Deo exigere, & in vinea diaboli operari. Quisquis enim efficaciter operat finem, ea quoque adiumenta, quibus ad illū peruenitur, non detrectat. Qui vult ad Indos pergere, laborem nauigandi non recusat. Qui à morbo graui sanari desiderat, medicamenta nō respuit. Qui fundum emere parat, de pretio statim incipit cogitare. Si tu ergo verē regni cælestis hereditatē optas, de pretio protinus, hoc est, de labore

agere.

gere debes: precium enim eius labor est. Aliter enim quid illi dicerent, qui sustinuerunt pondus diei & æstus, si desides & recordes, & in otio vitam agētes, in mercedis retributione equalisibi animaduertēret? Si enim de patrefamilias cōquesti sunt, quod nouissimi pares illis fecerat (qui, quod potuerunt, faciē prastiterunt) quid iidem facerent, si eos qui vineam nunquam attigerunt, & vocati venire recusarunt, imò diabolo semper & mundo militarunt, pares illis fecisset qui sustinuerunt pondus diei & æstus?

III.

Neque verò est cur tales sibi de fide sola, deque salutari lauacro, ceterisque redemptionis nostræ beneficiis blandiantur, si ipsis beneficiis abusi sunt, & talēta credita in sudario reposuerunt. Hos enim Apostolus vehementer in hodierna epistola deterret, cum Patribus ab Aegypto egressis nihil tam magnificā illa diuinæ pietatis beneficia profuisse commemorat, cum à pietate & legum diuinarum obseruatione descuerunt. Nolo (inquit) vos ignorare, fratres, quod patres nostri omnes sub nubefuerunt, & omnes mare transierunt, & omnes baptizati sunt in nube & in mari, &c. Quæ tamē omnia illis nihil profuerunt, ubi diuina præcepta violarunt. Cuius rei gratia à Deo prostrati in deserto, promissam terram ad quam vocati fuerant, non attigerunt. Quæ omnia propter nos scripta esse Apostolus confirmat, ne illorum exempla sectantes, in eadem supplicia incidamus. Multa enim Dei beneficia & rectē viuendi adiumenta frustra percepisse, non salutem tribuit, sed criminis reatum auget. Quid enim in causa esse possumus, quod summus ille Angelus, ceterique sceleris eius consortes, vnius tantum criminis offensione in æternas tenebras missi sunt, nisi quod hanc tantam pœnam merebantur, qui tam multis & maximis Deidonis ad superbiam abusi sunt? Grauitatem enim criminis perceptorum beneficiorum ingratitudo cumlauit.

Verum is ille immortalis, qui damnatorum semper viscera depascitur, hinc præcipuè lacerandi occasionem sumit, cum videlicet infelices illi diuina beneficia & adiumenta, quæ ad rectē viuendum perceperunt, ad memoriā reuocant. Quale enim possumus illud fore supplicium, cum se miseri videant intolerandi æternisque tormentis cruciari: & ab electorū consortio ac beata Dei visione secludi, ad quam fuere tot vocibus inuitati, tot beneficiis affecti, tot piorum exemplis incitati, ad quam etiam tot sacramentis ac Dei donis adiuuari potuerunt, cum videant miseri se æternam pacem, æternam felicitatem, æternasque delicias in momentanea volupiate commutasse? Quæ inquit oratio, quæ mēs, huius vermis, hoc est, huius inmedicabilis crucia-

cruciatu vim valeat explicare? Conabor tamen utcumque vel
 umbram saltem eius hoc exemplo delineare. Cùm Sedecias
 Reg. vi. Rex (quo regnante Hierosolyma à Chaldeis vastata est) in
 hostium potestatem venisset, & diruta mœnia, exutum tem-
 plum, solo æquatas domos, regni principes interfectos, quodq.
 his grauius est, filios suos ac filias ante oculos suos iugulatos vi-
 disset, ipsosq. deinde oculos, qui ad tantam cladem conspicien-
 dam infelicius seruati essent, effossos doleret, recoleretq.
 rursum, dum in tetro carcere victus asseruaretur, se huius tā-
 tæ calamitatis oratione Hieremiæ toties admonitum fuisse,
 optionemq. illi à Deo oblaram, qua tantam hanc malorū pro-
 cellam effugere potuisset, leuissimāq. de causa tanti Prophetæ
 monita respuisse: cū hæc, inquam, omnia in animo tuo miser-
 rimus volueret, quibus eum cruciatibus cōfectum, quo dolore
 tortum fuisse, quas lachrymas fudisse, quibus diris caput suum
 deuouisse, & miserandam natiuitatis suæ sortem defleuisse pu-
 tandum est? Hoc utcumq. sentiri potest, explicari pro dignitate
 non potest. Quid autem tota hæc miseranda tragedia, si cum
 damnatorum verme & cruciatibus conferatur, nisi somnus &
 umbra erit? Quid enim viginti, aut triginta, aut centum etiam
 annorum cruciatu, ad nunquam finiendam pœnarum atque
 flammaram æternitatem? Cū ergo infelicitissimi isti tam
 acerbis tormentis sine ulla intermissione cōficiantur, atq. huius
 temporis cōportunitatem (nunquam iterum redituram) in
 mentem reuocent (qua & æternam vitam promereri, & æter-
 nos cruciatu effugere potuissent) totiesq. se huius rei admoni-
 tos fuisse recolant, totiesq. à patrifamilias Deo, partim pu-
 blicis, partim secretis clamoribus inuitatos: seq. pro rebus ni-
 hili tantam gratiā ultro oblatam neglexisse: cū hæc, inquam,
 omnia sese illis offerant; quid, quæso, animi gerent? quid agē-
 tū? quō se verent? quo aduersum se furore insanient? quibus vo-
 cibus parētes, amicos, scelerumq. suorum socios execrabun-
 tur? O nos (inquier) miseros, qui tantam salutis cōportunita-
 tem toties contempsimus! Quoties huius periculi admoniti
 fuimus! quoties auribus nostris hæc vox insonuit! quot bene-
 ficiis prouocati! quot promissis inuitati! quot minis perterri-
 ti! quot denique concionatorum vocibus admoniti! ad quæ
 tamen omnia leuissimis de causis obstinato animo restitimus.
 Quid igitur hic superest, nisi vt in perpetuo fremitu & exe-
 cratione viuamus? vt mortem frustra semper inuocemus? vt
 linguas ipsas tot scelerum ministras cōmāducemus? vt mem-
 bra nostra dilaniemus? vt in omnia quæ Deus condidit male-
 dicta iaciamus? vt omnibus nos diris nunquam absumendos
 deuocamus? vt incassum semper lugeamus, quia ad breue
 tempo-

temporis momentum lugere nolimus? Hæc, fratres charissimi, alta mente reponite, hæc semper ante mentis oculos collocate, hæc vna vos vigilantes atq. dormientes cura sollicitet. Lugeate nunc ad tempus, ne in æternum frustra lugeatis. Pœniteat vos hoc tempore, ne vos perpetuò nihil profutura pœnitentia torqueat. Ne, quæso, hæc ipsa, quæ dicimus, ad alios pertinere credatis: ad nos pertinent, nobis dicuntur, nos sumus quibus diuina & ineluctabilis veritas aquam & ignem, vitam & mortem ante oculos ponit, quæ postea non iam eligere, sed subire tenebimur. Quid igitur hic statis tota die otiosi? quid cunctamini? quid tergiuersamini? quid leuissimas causas Sedecia Regis more prætexitis? Expergiscimini iam ab isto lethargico somno, satis carni datum est, satis diabolo militatum, satis alto sopore dormitum. Iam fortasse multis vade decima diei, hoc est, extrema vitæ hora est. Ite in vineam Domini, Deo vocanti parete, qui fortasse vos ex nouissimis primos faciet, patrem cum his qui pondus diei & æstus portauerunt, æternæ vitæ mercedem benigna manu largiturus. quam nobis cælestis pater familias concedere dignetur, cui est honor & gloria in secula seculorum, Amen.

IN EADEM DOMINICA SEPTVAGESIMÆ, CONCIO TERTIA: IN QVA, post breuem Euāgelicæ lectionis explanationem, tres potissimum causæ assignantur, quæ nos ad strenuè in vinea Domini laborandum excitant.

THE. Ite & vos in vineam meam; & quod iustum fuerit, dabo vobis. Matth. 20.



Solent frequenter pii homines, fratres charissimi, cum pium aliquod opus moliri parant, quatum sit eius operis meritum & lucrum, diligenter inquirere. Vnam quæstio hæc non frequenter ex occulta quadam amoris proprii radice nasceretur: quæ ea conditione est, vt in omnibus penè rebus utilitatis suæ potissimum rationem habeat. Sed quoniam operæ præmium est meritorum causas nosse, vt sciamus, quibus potissimum rebus placere & obsequi Deo valeamus: hac de re breuiter (quoniam id præsentis Euangelij parabola requirit) quæ à sanctis Patribus

Patribus tradita sunt, in medium proferam. Cū sit autem plures meritorum causæ, & veluti fontes, prima & summa charitas est: à qua intentionis puritas oritur, quæ id quod agit, ad vniuersi Dei gloriam, quæ super omnia diligit, refert, vni illi facere, vni illi obsequi & gratificari studens. De hac enim intentionis puritate Saluator ait: Si oculus tuus fuerit simplex, totum corpus tuum lucidum erit. Opera quippe nostra, ab hac intentione, hoc est à destinatione ac fine quæ nobis operando proponimus, & nomen, & speciēs, & meritum etiam capiunt. Ab hoc ergo primum fonte nostrorum operum merita ita procedunt, vt quo intentionis puritas, & operantis charitas maior exstiterit, eo sit & lucrum & meritum cumulatiu. Quia in re illud animaduersione dignum est, quod, quo minus homo (dum bonum opus molitur) seipsum quaerit, eo se magis inuenit: hoc est, quo minus lucra sua augere studet, eo maiora lucra percipit: & quo magis quæ sua sunt negligit, hoc diligentius eadem curat: quoniam hac intentionis puritate Deum maxime promeretur.

Sunt & alia à quibus merendi ratio non quidem essentialiter, sed accidentaliter (vt Theologi loquuntur) procedit. Inter quæ primum est ipsius boni operis dignitas & natura. Quo enim virtutis opus ex natura sua fuerit præstantius, eo erit eius meritum maius. Vnde ea virtutum opera, quæ ad Dei cultum & honorem proprie pertinent, vt cæteris præstantiora, ita maioris apud eum meriti sunt: cum ea sint religionis officia, quæ cunctarum virtutum moralium nobilissima est. Inter ea vero quæ hominibus debentur, ea erunt potiora, quæ maiorum obsequio tribuuntur: vt quæ sacerdotibus, principibus, patribus, sanguine coniunctis, benefactoribus, aut simili aliqua necessitudine de iunctis exhibentur. Hæc enim officia, quo magis debita, eo & iustiora, & maioris meriti existunt. Quæ quidē ratio D. Thomæ, ceterosq. eius sectatores impulit, vt amici dilectionem, vt magis debitam, ita maioris meriti esse, quàm inimici, dicerent, si naturam dumtaxat operis spectes. Vt enim indignius est amicum quàm inimicum odisse: ita dignius & iustius est illum quàm istum diligere. Deinde etiam boni operis difficultas meriti rationem auget: difficultas, inquam, non quæ ex praua consuetudine operantis, sed quæ ex operis natura proficiscitur. Hac enim de causa martyrij opus cæteris virtutum actionibus antefertur: quoniam cum extremum omnium terribilium sit mors, nihil difficilius quàm patienter & constanter ferre mortem. Quarto deinde loco conatus voluntatis & charitatis feruor miro modo, boni operis meritum augent: quia cum meriti ratio (vt antè diximus) ex charitate potissimum oriatur, (quandoquidem, vt D. Gregorius ait, nihil viri-

dita-

ditatis habet ramus boni operis, nisi in radice manserit chari-
tatis (ideo quo quisq. maioris charitatis furore, & propensiore
voluntate opus bonum ediderit, eo utique magis apud Deū me-
ritū cumulabit. Hac autē de causā æra minuta duo, quæ anus
illa ex Euangelio in gazophylacium misit, magnis diuitum ob-
lationibus Dominus prætulit: quoniam cum totum illa victum
suum effadisset, non potuit nisi magna animi propensione &
alacritate illud munus offerre. Quæ ex re colligimus, non tā ex
magnitudine aut multitudine operū, quā ex conatu, studio,
& furore charitatis profectum nostrum aut meritum esse pen-
sandum. Hoc est autem (vt alia prætereamus) quod præsens
S. Euangelij lectio proposita quadā similitudine declarat, in qua
iis qui vna hora in vinea Domini laborauerunt, tantundē mer-
cedis, quantum iis qui totius diē pondus portauerunt, tributū
est. Quæ quidem res non ex diuina liberalitate solum (de qua
in superiori concione latius disputauimus) sed ex ipsorum quo-
que operantium studio & voluntate profecta est. Parabola ve-
rō sic habet:

*Simile est regnum celorum homini patri familias, qui exiit primo ma-
ne conducere operarios in vineam suam. Conuentione autem facta cum
operariis ex denario diurno, misit illos in vineam suam, &c. quæ sequun-
tur. Audistis, fratres, parabolā, cuius sensum extrema lectionis
huius verba declarant: quibus Dominus ex primis nouissimos,
& ex nouissimis primos in percipiendā laborum mercede fieri
concluit. Quo autem consilio hanc Dominus parabolam pro-
posuerit, quidque per eam docere potissimum voluerit, antec-
edentia verba declarant. Interrogauerat paulo antē Petrus Apo-
stolus Dominum, quod sibi cæterisque discipulis repositum in
celo præmium esset, quando omnia propter illum reliquissent.
Cui cum Dominus maximam huius operis mercedem expo-
suisset, occasione hinc accepta, qua ratione bonorum operum
merces fidelibus tribuatur, proposita in signi hac parabola de-
clarauit. Quia enim discipuli adhuc rudes existimare poterant
sic à Domino mercedē operantibus tribui, quomodo eam vul-
go solent homines mercenariis tribuere (qui neque gratia com-
mouentur, neque bonæ voluntatis operantium rationem habent,
sed solum operis magnitudinem, diuturnitatem, & utilitatem
attendunt) ne hac ratione Deum piis operariis mercedem re-
pendi putarent, parabolam hanc proposuit; qua diuinæ gratiæ
largitatem commendaret: quæ dona sua non modō iuxta me-
rita, sed etiā supra merita, atque adeo supra operantium vota
rependit: non vt avarus exactor, sed vt liberalissimus bonorum
largitor: non vt pauper ac tenuis homo, sed vt opulentissimus
& magnificentiissimus Deus: non ad mensuram iustitiæ, sed ad
plenitu-*

plenitudinem in finitâ suâ misericordiâ, nec operis diuturnitatem & vilitatem solum, sed propensionem quoque bonæ voluntatis in paruo opere vel tempore considerat: quæ facit vt pro exigui operis aut temporis labore tantundem mercedis impigre operantibus tribuat, quantum longo tempore remissius laborantibus donat. Hic mihi totus parabola huius scopus esse videtur: atque hac ratione ex nouissimis primi, & ex primis nouissimi fiunt: cum Dominus non annos numeret, sed studium, sed animum, sed affectum, sed charitatē, sed feruorem charitatis, & suam quoque ipsius largitatem & gratiam in auxiliis conferendis adspiciat. Quamobrem, fratres, ea prima vobis cura sit, vt non segniter & oscitanter, sed quanto potueritis conatu & ardore seruire Domino studeatis. Hac enim ratione breui tempore ad destinatum brauium & perfectionis culmen peruenire licebit. Sic enim legimus: Egestatem operata est manus remissa, manus autē forum diuitias parat. Rursumque idem Salomon, vbi multis verbis negligentis & pigri hominis damna commemorasset, diligentis & solliciti fructum explicat his verbis: Si verò impiget fueris, veniet vt fons messis tua, & egestas longē fugiet à te. Cuius rei imaginem exhibent duo illi nuntij, qui in libris Regum ad Dauidem à Ioab missi esse perhibentur: quorum qui prior profectus, à posteriore, qui per viam compendij velocius properauit, præuentus est. Præstat enim seruens studium atque deuotio, quàm diuturna ac remissa diligentia.

Quin & illud hoc in loco annotare licet: non tam laboris quàm humilitatis rationem Dominum habere solitum. Hinc Ioannes Clim. duos inter se monachos conferens, alterum studio laboris, alterum humilitatis præstantiorem: è quibus posteriorem hunc ad monumētum Domini prius venisse describit: vt intelligamus gratissimum quidem Domino esse corporis laborem, gratiorem tamen cordis humilitatem, Cuius rei cognitio prudentes nos in bono opere faciet, vt sciamus quibus potissimum tibi Pater ille celestis libentius vescatur, nec est, quibus potissimum virtutum officiis magis oblectetur. Hoc est enim quod Apost. monet, cum ait: Nolite fieri imprudētes, sed intelligentes quæ sit voluntas Dei bona, beneplacens & perfecta. vt videlicet id potissimum sequamur, quod illi maxime gratum intellexerimus. Quæ quidem doctrina cum omnibus in commune sit necessaria, iis tamen qui aut imbecillo, aut senili, aut delicato corpore sunt, maxime grata esse debet: vt si minus corpore valent, animi tamen submissione & humilitate nitantur, & laborem corporis humilitate cordis pensare conxendant. Felicior tamē erit, qui vtraque iuxta re Domino place-

re curat: quem nec laborum tolerantia superbum, nec humilitatis studium desidem facit.

Illud etiam in hoc loco obseruandum est, quod isti qui nouissima hora venerunt, ubi in vineam missi sunt, non amplius in forum redierunt, aut laborem intermiserunt. Quamuis enim incipendi hora dissimilis fuerit, eadem tamen omnibus finiendi existit. Hoc ergo maximè curandum, fratres, in hoc totis viribus incumbendum, ne à labore vnquam retrocedamus. Memento (ait Dominus) vxoris Loth: nemo enim mittens manum suam ad aratrum, & adspiciens retrò, apus est regno Dei. Rectè Diuus Hieronymus: Non laudantur, inquit, in Christianis initia, sed fines. Paulus malè cœpit, sed bene finit: Iudæ laudantur exordia, sed finis proditiōe damnatur. Itaque præclara sine fine initia Iudam, finis verò laudabilis Paulum constituit. Sunt enim quidam Simoni illi Cyrenæo similes, qui crucem portabat post Dominum Iesum: in qua tamen non ipse, sed Dominus crucifixus est. Ita quidam bonæ vitæ crucem portare incipiunt, in qua tamen non extremum vitæ diem claudunt: quia ad finem vsque vitæ in suscepto semel virtutis opere minimè perdurât. Tales autè sunt, qui nonnunquam verbis Dei libenter auditis compunguntur, & nouam vitam inchoare decernunt: à quo tamen opere quauis leui occasione reuocantur. Hi ergo crucem cum Simone baiulant, quam tamen ante mortem deserunt: ideoque salutem minimè consequuntur, quæ solis in finem vsque perseuerantibus promissa est. Hactenus de Euangelica lectione: nunc ad proposita thematis verba redeamus.

Luc. 17.

Luc. 12.

Hier. in

Epist.

Tractatio Thematis. I.

Itē & vos in vineam meam, &c. His verbis nos Dominus ad excolendam vineam suam (proposita cælestis regni mercede) inuitat. Quomodo autem hæc vinea colenda sit, primo loco exponamus. Hanc igitur vineam colimus, fratres, cum diligenter animæ nostræ curam gerimus: cum ab ea noxia vitiorum germina euellimus: cum virtutum in ea plantas conferimus: cum luxuriantes affectuum & variarum cupiditarum palmites abscondimus: cum illam studio poenitentiae fodimus: cum deuotionis & orationis lachrymis rigamus. Ad hanc ergo spiritualem animæ nostræ cultum cælestis hic paterfamilias omnibus dicit, hoc est, omnibus vitæ nostræ hortis vocare non cessat. Quid igitur vocanti homines respondent? Solent enim operari, aut recusare laborem, aut exigua laboris mercedem causari. At nos, fratres, de exigua mercede queri non possumus, cum sciamus eam merita omnia ac vota superare. Quid igitur causa-

*Vinea colimus
in anima
ut sit curatio
animæ.
Paterfamilias
nos, inquit
colere debemus
ut spiritus
s. colamus.*

*quid inquit
fines vocat*

causatur? quid nos ab hoc opere remoratur? Quantum con-
iectura colligere possum, solius tantum laboris pondus recusa-
mus, de hac una re querimus. Ardum quippe est virtutis iter,
arduum cupiditates noxias vincere, affectus cohibere, linguae
silentium impetare, voluptatibus frenum iniicere, carnis lasciviam
& perulantiam comprimere, aliena non appetere, propria lar-
giri, ac denique abdicata propria voluntate, ex divina volunta-
tis beneplacito vitam moderari. Hoc solum causantur homines,
hoc eos ab observatione auocat legum divinarum: in aliis enim
nihil prorsus habent quod querantur. Quid igitur nunc afferre
poterimus, quo hanc unam difficultatis rationem e medio tol-
lere valeamus? Multa plane sunt quae nos ad hoc iuvare pos-
sunt: sed pro temporis ratione tria solum afferre conabor, quae
nobis sacrae huius lectionis series proponit: quae si quis recte
consideret, facile & hos labores, & multo etiam grauiiores, libenti
animo perferre poterit. Ea vero sunt (ut breuissimè dicam) im-
mensa Dei nos vocantis bonitas, temporis in quo nos vocat op-
portunitas, & promissae mercedis magnitudo. De quibus iam
dicere incipiam.

Diuisio.

Bonitas
vianhy

Quisquis igitur virtutis & pietatis laborem detrectas, con-
sidera, quæso, primò infinitam illam Dei bonitatem te ad vitam
vocantis: quam cum ex aliis rebus, tum ex hac tam assidua vo-
catione colligere poteris. Nam qui omnibus diei horis opera-
rios vocasse non contentus, vnde decima quoque hora alios vocat,
& hac hora vocatis tantundem mercedis tribuit, quantum iis
qui tota die laborauerant; is non tam vineæ aut commoditatis
suae, quam operariorum rationem habet. Rectè enim à Philo-
sophis dictum est: Liberalis etiam dandi causas cogitat. Sic igitur
infinita illa bonitas, tanto se & sua communicandi deside-
rio flagrat, ut nullo tempore vocare cesset, quibus dona sua lit-
giatur, & occasiones etiam quærat, quibus ea cumulet & ampli-
ficiet. Quæ enim alia ratione mundum & homines in mundo
condidit, nisi ut essent in quos bonitatis suæ thesauros effunde-
ret? Quid enim cælo, terra, marique egebat rerum conditor, qui
cetera hæc omnia absque ulla temporis initio fuit beatus? Nulla
ergo necessitate, sed sola bonitate mundum condidit, ut non
solum ipse felix esset, sed felicitatis quoque suæ creaturas om-
nes pro cuiusque naturæ conditione consortes faceret. Quod
adeo verum est, ut non desint grauissimi Theologi, qui asserant,
hæc potissimum de causa Deum non ab æterno (quod facere
potuisset) sed in tempore mundum creasse: ut non modò fide,
sed hoc etiam argumento viri sancti intelligerent, ipsum nulla
necessitate aut utilitate inductum, mundum condidisse, sine quo-
tam

am diu, hoc est, ab eterno fuerat; sed sola naturali bonitate, studioque de creaturis suis, ac præcipue de Angelis & hominibus bene merendi.

Quid quod hæc etiam de causa humana carne assumpta venit in mundum, ut (quemadmodum D. Gregor. ait) fugitivi sui vestigia sequeretur? Quia enim è cælo vocantem homo contemplerat, & ad eius voces (quas per Prophetas mandauerat) obfurduerat, ipse per se venire, & fugitivi hominis vestigia persequi dignatus est. Sic enim frequenter boni patres familias faciunt, qui fugientes seruos ipsi per se, ubicunq. delinuerint, studiosissime querunt. Neque modò sub gratia (cùm misericordiae tempus est) sed sub lege etiam, quæ timore magis quam amore nitebatur, eadem pietatis specie prætulit. Locum enim, ac sedem quam sibi inter homines delegit, non quidem tribunal, aut regale palatium, siue thronum regium, sed propitiatorium voluit nuncupari: quod quidem propitiatorium tabula quædam aurea erat, supra arcam fœderis posita, quæ videlicet Dei sedes super cherubim, sedes appellabatur. Quid igitur sedis huius nomine voluit designare, nisi ut tam dulci ac blanda appellatione omnem diffidentiam ac terroris ansam ab animis hominum excuteret, & ad se venire & propitiationis nomine inuiteret? Omni ergo ratione inexhaustus ille bonitatis fons homines ad se trahere, & bonorum suorum participes efficere contendit.

Gregor.

Simili

Exod. 25

Quid quod non modò summis beneficiis, sed amantissimis etiam vocibus iterum ac sæpè repetitis nos ad se vocare non desinit? Quid enim illis veris dulcius? quid suauius? quid amantius? Venite ad me omnes qui laboratis, & onerati estis: & ego reficiam vos? Tollite iugum meum super vos, & discite à me, quia mitis sum, & humilis corde, & inuenietis requiem animabus vestris. Quis igitur adeò ferreus erit, cuius tam dura præcordia, quæ hac tali inuitatione, tali promissione, taliq. Domini sui bonitate non flectantur? Quid verò illa apud Isaiam amoris plenissima inuitatio? Omnes, inquit, sitientes venite ad aquas: & qui non habetis argentum, properate, emite, & comedite: Venite, emite absque argento, & absq. vlla commutatione vinum & lac. Quare appenditis argentum non in panibus, & laborem vestrum non in saturitate? Audite audientes me, & comedite bonum; & delectabitur in crassitudine anima vestra: Inclinate aurem vestram, & venite ad me; audite, & viuet anima vestra: Ingenue fareor infantiam & ruditatem meam, fratres, quod quamuis vtrunque sentire queam, quantum diuine bonitatis, dulcedinis, & pietatis in his verbis contineatur; quod tamen sentio, verbis explicare non valeo. Itaque orationem ad

Vocibus

Matth. 11

Isa. 55

Isa. 55

Isa. 55

Isa. 55

Dominiū vertens, hoc modo cum illo agam: Dic mihi, quæso, misericordiarum pater, quid est quod te tantopere virget, ut tam blandis vocibus, tam multis precibus, tot promissis, tot rationibus nos ad te trahere contendas? Obsecro, Domine, si quod ego sum tu esses, atque ego contrā id quod tu (nempe summum bonum, à quo bona cuncta procedunt) quibus aliis vocibus, quibusve rationibus aut precibus me compellares, meque ad te vocares? Denique si ita vita tua penderet ex mea, ut mea penderet à tua: quid aliud diceres, quid faceres, quam quod modò facis; cum non tu ex me, sed ego totus pendeam ex te, nec sine te viuere possim? Quam, quæso, Domine vtilitatem, quod hinc lucrum captas? quid amittes si tibi ego desim? si tibi non obsequar? si te non diligam? Tu enim es qui es, tu altissima bonorum omnium abyssus, tu cunctarum Oceanus diuitiarum; cur tam sollicitè nos quæris? tanto studio quæ nostra sunt curas? tam multis vteris obsecrationibus ut nos ad te reuocēs? perinde ac vita tua sine nostra constare non possit? O magna misericordia tua, & magna miseria nostra! o magna bonitas tua, & magna malitia mea! Ego enim, Domine, te sequi ac persequi deberem, quamuis à me ipse fugeres: quandoquidem salus & vita mea penderet ex te: quod tamen longè aliter euenit, cum non ego te (sine quo viuere non possum) sed tu me (quo non eges) fugientem tam anxie persequaris: non quòd tibi aliquid accedat ex me, sed quòd ego sine te nullo modo viuere queam. Hæc igitur prima causa est, fratres, nempe infinita Dei bonitas, & maxima in nos charitas, summumque salutis nostræ studium, quæ nos ad huius vineæ culturam, hoc est, ad salutis nostræ curam (ut nihil sit aliud) impellere debet.

II.

*Opportunitas
Temporis*

Rom. 13.

Rom. 6.

Mat. 6.

Huic verò adiungitur etiam temporis, quo ad hoc ipsum vocamur, opportunitas. Multum enim in omnibus rebus opportunitas valet, quæ res natura sua difficiles & inaccessas facillimas frequenter efficit. Huius autem opportunitatis occasione Apostolus nos ad virtutis studium inuitat: quòd videlicet vox præcesserit, dies autem appropinquauerit. Ab hac item cum ait: Peccatum vobis non dominabitur: non enim estis sub lege, sed sub gratia. Lex enim iram (ut ipse ait) operatur; gratia vitam & iustitiam. Ab eadem item Isaias cum ait: Querite Dominum dum inueniri potest, inuocare eum dum propè est. Vterque autem ab opportunitate temporis, in quo gratia regnat, horratur nos ne in vacuum gratiam Dei recipiamus. Hoc enim tempus est annus ille placabilis Domino, hoc est, annus iubilæi, annus remissionis, annus placationis & propitiæ-

pitia-

piationis: in quo Deus Pater pretioso Filij sui cruore placat⁹, non modo commissorum veniam, sed etiam Spiritus sui, celestiumque donorum abundantiam super omnem carnem effundit. Denique eos qui hoc tempore vna non amplius hora laborarunt, pares iis facit qui portauerunt pondus diei & æstus. Quid hoc est? Multæ sunt huius loci atque totius huius parabole explanationes. Sed cum scriptura sacra fecunda sit, in utraque frequenter mysteria exiguo verborum ambitu claudat: apparet sanè Dominum in hac parabola, cum alia multa, tum præcipuè discriminè inter veterem & novam legem, quam ipse ferre veniebat, assignare voluisse. Sicut enim videmus in hac parabola nouissimos minore labore parè cum primis mercedem, qui plus laborauerant, percepisse: ita minori labore homines hoc tempore, & legis onus, & æternæ vitæ mercedem, quam veteres consequuntur: partim: quia onus legis nouæ leuius factum est, tot legalibus præceptis è medio sublatis: partim quia longè plura diuinæ gratiæ adiumenta nouissimis quam primis data sunt. Quo factum est, vt multo minori labore homines hoc tempore & pietatem colant, & æternæ vitæ mercedem consequantur. Quæ enim veteres illi ad virtutem adiumenta, præter egena & vacua sacramentorum clementia & Dei legem habebant? Quæ quidem lex adeo peccatum non exstinguebat, vt etiam illud per occasionem, hoc est, per multarum rerum prohibitionem acueret & irritaret. Verè enim ab ingenioso Poëta dictum est: Quod licet, ingratum est: quod non licet, acrius virget. At nos hoc tempore quam multa habemus sacramenta, non quidem vacua & egena, sed celestis gratiæ fecundissima! quam multa Christi beneficia! quam magna ad Dei amorem incitamenta! quam multa non modo Christi, sed etiam tot Martyrum, Confessorum, & Virginum (qui ab eius disciplina prodierunt) exempla, quibus veteres caruerunt! Quanta item lux in Evangelica, quanta in Apostolica doctrina eminet! quanta in sacris Ecclesiæ Doctoribus, qui ex iis fontibus hausitas diuinæ gratiæ aquas nobis propinant! adeo vt Propheta dicat, repletam esse terram scientia Domini, sicut aqua maris operientis. Quid hinc merita Christi referam, quibus ditamur? quid sanguines quod abluimur? quid preces quas in nomine eius quotidie fundimus? Denique tanto plura & maiora diuini Spiritus adiumenta sub gratia, quam sub lege mortalibus Christi merito data sunt, vt Ioannes dicat: Nondum erat Spiritus datus, quia Iesus nondum erat glorificatus. Post cuius gloriosam passionem vsque adeo celestis Spiritus gratia inuaduit, vt ipse idem Dominus dicat: Qui in me credit, flumina de ventre eius fluent

*Adhuc in
veteri lege eu-
angelio, præcedit*

Isa. 2.

Ioan. 7.

Ibidem.
II. 33.

fluent aquae viuae. Itaque non iam stillae gratiarum, sed ingentia flumina inundare coeperunt. Vnde Itaias Ecclesiam Christi locum fluuiorū, riuos latissimos & parentes appellat. His igitur tam multis adiumentis quis dubitet diuinæ legis onus & spiritalis vineæ cultum fieri multo leuiorem, non tamen veterum meritis inferiorem? Quare non mirū est, si minori labore nouissimis primis pares fiant, quamuis maiores primi labores suscepint; vipote qui minoribus quidem adiumentis, sed paritamen fide & obedientia Domino seruiert. Si enim inæquali cum illis gratia decesserunt, æqualem vtique cum illis mercedem gloriæ percipient.

Sed operæ pretium erit, vt, quæ hæcenus dicta sunt, præsentis Euangelij parabola accommodemus. Hac igitur in re, qui sub gratia degimus; veteribus illis Patribus meliore cōditione sumus: quod illi quidem sub Sole, nos sub vmbra; illi sub meridiano æstu, nos sub repente vespere laboramus. Hoc enim nomine de patre familias priores illi queruntur, dicētes se portauisse pondus diei & æstus; quod nouissimi minimè portauerunt, qui ad uesperascente iam die ad vineam venerunt. Quid igitur hoc est? Sciendum, fratres, præcipuum virtutis colendæ laborem non ex ipsa virtute (quæ ex natura sua suauissima, & rationali creaturæ maximè consentanea est) sed ex appetitus nostri morbo procedere, in quo fomes peccati (qui ab originali peccato manat) sedem sibi constituit. Hic autem fomes est noxius ille calor, pro cuius extinctione quotidie Dominum oramus: Exstingue flammam litium, aufer calorem noxium. Qui quidem calor velut spiritualis quædam febris est, quæ vitalem animæ nostræ humorem atque virtutem vi sua depascitur. Cuius noxij caloris imaginem repræsentabat fornax illa Babylonica, quam satellites Regis Babylonis, hoc est, Demones incendere non cessant: qui satis per se incensum animum, & ad malum procliuem, suggestionibus suis magis ac magis inflāmant. Ab hac autem fornace ardentes prodeunt flammæ ambitionis, avaritiæ, dissidiorum, irarum, ac præcipuè luxuriæ, de qua D. Gregorius ait, quod eius ardor vsque ad cælum ascendar, fector vsque ad inferos descendat. Hinc etiam superbiæ & arrogantiae fumus oritur; quo mentis nostræ oculi exæcantur. His flammis arsit Salomon, cum seminarum amore incensus, alienorum deorum sacra coluit. His etiam huius pater David fuit incensus, quando æstu libidinis in flammatus, adulterij scelus homicidio cruentauit. His denique multi alij robustissimi etiam viri exusti sunt: quod ipse idem Salomon de meretricie loquens testatur his verbis: Multos enim vulneratos deiecit, & fortissimi quique interfecti sunt ab illa.

Hic

Hic igitur noxius & pestilens ardor ante Saluatoris aduentum velut in meridiano aestu feruebat: quia nondum rore gratig, & nube Spiritus obfusa, vim illam suam aliqua ex parte remiserat. Caterum vbi Spiritus de excelsis missus est, vbi salu- Ecclesi. 45.
tis & gratiæ auctor exortus est, vbi verus homo noster simul crucifixus est, vbi refrigeratis aquæ vnda ex latere Christi manauit, vbi denique ros diuinæ gratiæ menti infusus, ardori venienti obuiam processit, illum vtrique miro modo humiliauit ac temperauit. Quo ad teporem redacto, innumereabiles deinde Sanctorum myriades, deuicta carne, & cupiditatum eius ardore restincto, emergere in mundo ceperunt. Hoc est autem quod Isaïas in spiritu futurum vidit, cum ait: Et creabit Isa. 4.
Dominus super omnem locum montis Sion, & vbi inuocatus est, nubem per diem: videlicet ad refrigerandos eos qui sub aestu concupiscentiæ & ardore carnis laborant. Quod quidem refrigerium apertius deinde exponit, cum ait: Et tabernaculum erit in vmbaculo diei ab aestu. Quibus verbis ea dona gratiæ designauit, quæ nos ab aestu illo & ardore cupiditatum tuentur. Quæ quidem dona hanc cælestis vitæ professionem ad eam facilem reddiderunt, ut minori quidem aestu atque labore, qui nunc sub gratia degimus, parem cum antiquis Patribus iustitig mercedem recipiamus.

Sed non deerunt fortasse qui dicant: Ego nunc sub noua lege gratiæ viuo: nec minus tamen me aestus concupiscentiæ, ardoreque cupiditatum, quam veteres illos homines sub lege militantes vident. Quid igitur hoc mirum est, si tu, in ipso gratiæ tempore constitutus, gratiæ remedia & medicamenta non requiris? Quid mirum si istis cupiditatum flammis, quæ intra te sunt, combureris, si ad spirituales aquas, quæ de fontibus Saluatoris manant, accedere negligis? quid mirum si febribus cupiditatum aestuas, qui salutaria cælestis medici medicamenta repellis? Neque repellis modò, sed accusas etiam quoscumque ad te properare vides, cum aduersus eos obloquaris qui hæc diuina remedia frequentant. Quorsum (inquis) toties confiteri, toties ad Eucharistiam accedere? quæ tam multa peccata isti committunt, qui penè quotidie confitentur, cum id Ecclesia semel tantum in anno præceperit? O te cæcum & miserum! an ignoras hæc quotidiana sacramenta non ad veterum modò peccatorum remissionem, sed ad futurorum quoque remedium esse instituta? Hoc enim Confessionis & Eucharistiæ proprium munus est, non modò vetera peccata tollere, sed ad noua etiam vitanda vires & robur addere. Cum ergo in quotidiana infirmitatis assiduorumque tentationum remedium hæc duo sacramenta instituta sint, si variis quotidie tentationibus infestamur,

Cyprian.
in Epist.

August.

Can. 1.

si periculis undique cingimur, si omnis creatura in laqueum & muscipulam inspicitium pedibus facta est, si carnis concupiscentia æstuat, fallax mundi species insidiatur. Dæmones nunquam dormiunt, sed vigilantibus ac dormientibus bellum iungunt: si denique (ut Cypriani verbis utar) tenacibus semper illecebris violentia inuitat, inflat superbia, iracundia in flammam, rapacitas inquietat, crudelitas stimulat, ambitio delectat, libi so præcipitat: si hæc, inquam, omnia quotidie contra me militant, quæ fronte tu mihi quotidiana armorum munimenta subtrahis, cum me quotidie tot acerrimorum hostium agmina circumfedeant? Nimirum quia tu neque hos esse hostes intelligis, nec animæ vulnera sentis, neque lethalis peccati malitiam agnoscis: ideo remedia negligis, quia morbum a deo non agnoscis, ut interdum accersas, & pro voluptate ducas, utpote qui, diabolo excæcante, esse sub sentibus delicias computas. His igitur Sirenarum vocibus vitæ pius oclusas semper aures habere debet, verum esse intelligens quod Diuus Augustinus ait: nempe paucorum esse inter multa illecebrosa & multa fallacia Deum nosse & amare; nisi eorum quibus præceptum Domini lucidum illuminat oculos, ut nec in Dei nec in proximi amore fallatur. Sed ad rem. Videtis ergo, fratres, quantum inter novos & veteres fideles discriminis sit: quod illi, cum nouæ legis beneficiis & singularibus auxiliis non ita iuuaretur, neque eos abundantium aquarum fontes haberent, quibus æstus carnis & fomitis temperarent, dicere poruerunt se portasse pondus diei & æstus: utpote qui non sub vespertis temperie, sed sub meridiano concupiscentiæ ardore laborarint. Nogantem hoc verè dicere non possumus, qui rorem, qui nubem, qui salutarem aquam, qui denique umbram habemus, sub qua laboramus: quam nobis Christus in arbore crucis appellus exhibuit, sub qua læta Sponsa dicebat: Sub umbra eius quem desideraueram sedi, & fructus eius dulcis gutturis meo. Hæc igitur temporis opportunitas, fratres, nos ad laborandum in hac vinea Domini vehementer accendere debet.

III.

Superest tertiū, hoc est, mercedis magnitudo, quæ laborantibus tribuitur, de qua Saluator ait: Mensuram bonam, & confertam, & coagitatam, & supereffluentem dabunt in sinum vestrum. Excute, quæso, omnes mensuræ optimæ circūstantias, easque omnes in hac vna Domini mercede plenissime reperies. Quid enim quamlibet auidissimus emptor desiderare possit, quam ut mensura sit bona, deinde conferta, tum coagitata, ac demum supereffluens? Talis ergo mensura illa est, talisque merces, quæ fidelibus operariis in cælo reposita est. Ideoque non imme-

Mercedis
magis
Eug.

in meritò denarius appellatur, quia in eo omnium bonorum summam continetur. Denarius enim numerorum omnium maximus est. Nulla enim est natio quæ numerum aliquem supra decimum addat, nisi de quo ipsum repetat. Si enim dixeris vñ decim, duodecim, perinde est ac si dicas, vnus & decem, duo & decem, tres & decem. Cùm ergo Dominus cultoribus vineæ suæ denarium promittat, omnium vtique bonorum summam (quæ illo clauduntur numero) promississe intelligendus est. Quidquid enim lingua proferre, quidquid animus cogitare, imaginatio fingere, humana voluntas desiderare potest, hac vna mercede continetur: excedit merita, superat vota, vincit desideria: vbi erit quidquid vles, & non erit quidquid noles. Quisquis enim infinitum illud & summum bonum fuerit adeptus, hac omnia in vno eo simul cōiuncta, atq. adeo infinitis partibus amplificata deprehendet. Hinc ipse Dominus Mosi faciem suam avidissimè cernere cupiēti, id quæ suppliciter & anxie obsecranti, respondit: Ego ostendam tibi omne bonum. Quomodo omne bonum? Quia nimirum in ipso est omnis honestas, omnis utilitas, omnis suauitas, omnis dignitas, omnis gloria, omnis felicitas, omnis honor, omnes deliciae, ac denique omne bonum. Hic ergo denarius laborantibus promittitur, in quo quidem imago principis imprimi solet: vt intelligas summam mercedis huius esse, Regis æterni faciē videre, sicut Isaias Isa. 33. ait: Regem in decore suo videbunt. In decore (inquit) suo, non in toto decore: hoc enim vñ Deo seruatum est, qui reū decus suū solus comprehendit. Reuera tamen eundem ipsum non in creaturis, sicut in hac vira; sed facie ad faciem in se ipso videbimus, atque in illo quæ ab eo sunt condita contemplantur: quæ quidem longè perfectius in eo quàm in se ipsis cognoscemus. Vnde D. August. cognitionē illam, Quia clarior est, August. matutinam; hanc verò, quod minus clara sit, appellat: vespertinā. Qualis ergo erit merces illa, videre Deum sicuti est, hoc est, videre infinitam illam pulchritudinem, incircumscriptū illud lumen, summum illud bonum, pelagus illud omniū diuitiarum, librum illum omnium secretorum, faciem illam omnium gratiarum, cuius pulchritudinem sol & luna mirantur: quam laudant astra matutina, & cuius aspectu filij Dei sine fine pascuntur? Si ergo fidelibus operariis hac merces proposita est; quis tantus labor in colenda Domini vinea esse poterit, quem non spes tanta mercedis leuissimū reddat? Cū à Philosopho quodam quid esset in rebus humanis dulcissimum quereretur: Acquirere, inquit. Dulce enim est, quod vel labores ipsos, cū emolumenū adferat, dulces facit ac lenes. Si hoc igitur spes terreni lucri præstat; quid nō præstabit hac tanta merces, quæ neque tempo-

tempore finitur, nec fastidio minuitur, nec multorum participatione decrefcit, nec vetustate abfumitur, nec alicuius inuidia intercipitur, quam nec morbus infestat, nec mors adimit, nec latro furripit, nec casus eripit, neque vlla vnquam vis vel hominum vel dæmonum auferre potest: quam nobis Christus Dominus clementer impartiri dignetur, cui est gloria & imperium per infinita secula seculorum, Amen.

DOMINICA SEXAGESIMÆ,
CONCIO PRIMA: IN QVA LECTIO
Euangelica explanatur.

THE. Exiit qui seminat, seminare semen suum. Luc. 8.

Exod. 31.



Preceptum olim erat Sacerdotibus in lege, vt & speculis mulierum speculū in templo coram positum haberent, ad quod seipsos cōponerent, quoties ad sacra ministeria exercenda parabantur. Quia verō (vt Apostolus ait) omnia in figura cōtingebant illis, hoc quoq. figuram esse, quæ ad vitæ nostræ institutionē referenda sit, dubitandū non est. Nos enim, fratres, qui Christo nomen dedimus, non secundū litteram (vt hæretici glaterant) sed secundū spiritum sacerdotes sumus. Sicut enim Christus Dominus (qui verus erat Rex) reges nos fecit (qui videlicet cum eo in cælesti patria regnaturi sumus) ita qui Sacerdos erat, nos quoque in sacerdotes consecrauit, vt spirituales hostias offeramus, acceptabiles Deo per ipsum. Sicut ergo illi corporum speculū propositū ante oculos habebant, in quo se conspicerent, ne quid esset in corpore distortū, aut sordidū, aut alio genere vitiosum: ita nos spirituale speculum habere par est, in quo spirituale animæ nostræ faciem videre possimus. Hoc autem speculum doctrina Christi & Sanctorum est: in qua eūm præcipitur nobis quid ad puritatem & decorem vitæ facere debeamus; facile quid nobis desit, & quid sit incompositum, intelligimus. Sapienter enim à Philosophis dictum est, rectum sui mensuram esse pariter & obliqui. Obliquū enim recto comparatum apertè obliquitatem suam detegit. Sic igitur doctrina sacra, dum rectam viuedi viam docet, omnes animæ nostræ (vt ita dixerim) obliquitates, quamlibet occultæ sint, facile declarat. Hinc Apostolus inter diuini verbi laudes hanc etiā commemorat, quodd sit discretor cogitationum & intentionum cordis, & nulla creatura sit inuisibilis in conspectu eius. Hoc ergo diuini verbi

Hebr. 4.

verbis speculum omnia refert, omnia deregit, omnia discernit, si quis ad illud faciem mentis suae explorare velit. Id cum multis exemplis ostendi possit, satis ad hoc praesentis Evangelij doctrina sufficit: ad quam si quis diligenter seipsum examinare velit, in quo anima sua statu sit, & omnes profectus aut defectus sui causas facile deprehendet: ita fiet, ut, sublatis malorum causis, ipsa quoque mala pariter auferantur. Omnia vero haec celestis magister appositissima quadam parabola explicat. Quam ut prius & attentis auribus audiamus, caelestem opem, sacratissimae Virginis interuentu, suppliciter imploremus.

A V E M A R I A

Parabola sic habet: Cum turba plurima conveniret, & de civitatibus properaret ad Iesum, dixit per similitudinem: Exiit quis seminare, seminare semen suum. Et dum seminat, aliud cecidit secus viam, & conculcavit eum est, & volucres caeli comederunt illud: aliud cecidit supra petram, & natum aruit, quia non habebat humorem: & aliud cecidit inter spinas, & simul exorta spina suffocaverunt illud: & aliud cecidit in terram bonam, & ortum fecit fructum centuplum. Haec dicens, clamabat: Qui habet aures audiendi, audiat. Quid hac quadruplici terrarum & seminum differentia significare Dominus voluerit, idem ipse paulo inferius declarat. Nunc ab hac novissima Domini acclamatione sermonem exordiamur. Qui habet (inquit) aures audiendi, audiat. Quid ais, Domine Iesu? An non aures habent omnes isti qui te audiunt? Certè si aures haberent, nequaquam Dominus sigillatim diceret: Qui habet aures audiendi, audiat. Nequaquam etiam Hieremias Propheta quereretur: Cui loquar? aut quem contestabor, ut audiat? Ecce incircumcisae sunt aures eorum, & audire non poterunt. In tanta itaque auditorum multitudine dignum verbi Dei auditorem Vates sanctus non inveniabat: quod omnes incircumcisis auribus essent. Qui sunt autem qui incircumcisae aures habent? Illi nimirum (ut Theodoretus ait) qui sine ullo delectu, quaecunque dicuntur, audiunt: qui, nihil ad se scdum & turpe est, quod ab auditu suo reiiciendum & amputandum curent: qui omnibus nugis, fabulis, mendaciis, detractionibus, obloquutionibus, & turpiloquiis aures semper paratas atque patentes habent; ad divinum vero eloquium tractationem (si quis forte de eis sermonem instituat) prorsus oclusas. Sanam quippe doctrinam non sustinent, sed ad sua desideria coarctant sibi magistros, prurientes auribus. Horum autem auditorum mores & ingenium Plutarchus appositissima similitudine describit his verbis: Si quis de coniugio quopiam loquatur, aut de sacrificio, aut de deductione, indiligenter & oscitanter audit curiosus: aitque sibi pleraque iam audita esse: iubetque narrantem conferre sermonem in pauca, aut praetercurrere.

simil.

simil.

C

simil.

Hiere. p.

simil.

Theodor.
super
Hierem.

simil.

Plutare.
in curios.
s.

Simile.

Simile.

Hebr. 6.

Simile.

Simile.

Chryso.

currere. Quod si quis assidens referre cœperit vitiatam virginem, adulteram uxorem, aut institutam litem, aut disidiū fratrum: hic nec dormitat, nec causat deesse otium. Quemadmodum enim cucurbitulæ quod in carne deterrimum est ad se trahunt: sic curiosorum aures deterrimos quosque sermones attrahunt: & (vt melius dicam) sicuti ciuitates habent portas quasdam nefastas, sinistrique ominis, per quas educunt supplicio capitis destinatos, sordesque atque purgamenta eiciunt, nihil autem purum aut sacrum per eas vel ingreditur vel egreditur: ita per curiosorum aures nihil probum, aut venustum transit; sed sermones de cædibus aditum inueniunt, atque ibi versantur; impuras & impias fabulas secum deferentes. Hastenus ille. Talium igitur hominum aures conuenientissimo nomine Vates sanctus incircuncisas appellat: vt quæ nihil impurum aut scdum à se præscindendum atque reiciendum putent. Quas ad verbum Dei audiendum ineptas esse ait: quoniam hæc rebus oppletæ, aditum diuinis eloquiis præbere non possunt, quæ purgatæ mentis aures desiderant.

Cuius autem periculi sit verba Dei audire, nec proficere, vix vlla oratio satis explicare poterit. Certè inter cætera reprobationis signa, quæ sancti Patres designauerunt, hoc in primis numeratur, auctore Paulo, qui ait: Terra venientem super se, bibens imbrem, proferens autem tribulos & spinas, iis, à quibus colitur, reprobata est, & maledicto proxima: cuius consummatio in combustionem. Quid his verbis vel apertius vel formidabilius? Non protinus de ægri salute desperamus, quamuis grauius ægroter, si adhuc medicamentis aliquo modo iuuatur. At cum morbus indies ingrauescit, & medicamenta nihil conferunt, quæ spes salutis reliqua est? Quis autem dubitat ægri animi medicamentum esse Dei verbum? At hoc frustra ægræ menti adhibitum, imminenti exitij maximum argumentum est. Quam diu opifex aliquis artis suæ instrumenta retinet quibus operari queat, spes est eum & sibi vñtum parare, & creditoris satisfacere posse. Quo fit, vt eum debitores prædia quoque sua distrahere, ad æs alienum persoluendum, teneantur, si aliter soluere non possunt: artis, tamen instrumenta diuendere non tenentur, ne & sibi ipsis & creditoribus desint. Quibus autem aliis instrumentis (vt D. Chrysostomus ait) Christianus homo, quam diuinis verbis & institutis, vitam suam regit & moderatur? Vbi verò his spiritualis vitæ instrumentis auditor nihil omnino proficit (quod iis euenit qui concionibus quotidie audiendis nihilo meliores euadunt) quam de illis spem concipere valeamus? Hinc legimus Paulum, quamuis miti & placido ingenio esset, tanta tamen acrimonia aduersus Elimam

Magum

Magum (quod Dei verbis obfisteret) incanduisse, vt illum & subita cecitate, & his acerbissimis verbis feriret: O plene omni fallacia & nequitia, fili diaboli, nō desinis subuertere vias Domini bonas? Vias autē Domini verbum eius appellauit, quod hoc viam illi muniat, qua ad mentes hominū peruenire queat. At quā multi modō in Ecclesia sunt, qui sibi ipsis Elimas Magus effecti sunt: hoc est, qui diuinis verbis aures prorsus obstru-
 ctas habent! Quā multi in quos illud meritō iactari possit, quod de suis olim ciuibus idem Propheta querebatur: Ecce ver-
 bum Domini versum est illis in opprobrium, & non suscipiunt illud! Quid enim hos tam multis vocibus, totq; repetitis con-
 cionibus profecimus? Quis vestrum prauam iurandi, oblo-
 quendi, male precandi, ambiendi consuetudinem nostris ad-
 monitionibus à se abdicaui? Quis odia in fratres atque diffi-
 dia, quis vindicta cupiditatem, quis impurum amorem dese-
 ruit? quis linguae petulantiam frenauit? quis oculorū lasciuiam
 compressit? quis manus à rapacitate cōtinuit? quis cor ab im-
 puris cogitationibus immune conseruauit? quis denique aliam
 vitam, alios mores induit? Videor mihi non alium nos (cū
 homines admonemus) referre fructum, quā vt Dei aduersus
 eos causam in extremo iudicio tueamur: ne quis ad malorum
 suorum excusationem ignorantiam prætexere queat. Quilibet
 ergo concionator illa quoque Saluatoris Domini apud Isaiam
 verba poterit vsurpare: Ego autem dixi, In vacuum laboraui:
 vanē & sine causa fortitudinem meam consumpsi. Ergo iudi-
 cium meum cum Domino, & opus meum cum Deo meo. Hoc
 est, Cū meo munere in Phangelica doctrina tradenda fun-
 ctus sim, si min⁹ fortē euangelizando profeci, non est cur ab
 euentu iudicādus sim; non est cur vel Dei iudicium pertimes-
 cam, vel laboris mercedem amittam; si docendū & seminandi
 officio parum responderit proventus. Verū hoc, fratres, (vt
 piissimē ac sanctissimē Diuus Bernardus ait) nequaquam stu-
 diōs verbi Dei ministros, & fraternę salutis amātes, satis con-
 solatur. Sicut enim (vt idem ait) pia mater nullā in morte filij
 cōsolationem percipit, quod diligētissimē illius curā gesserit;
 nec quicquam prætermiserit quod modō ad salutem eius per-
 tinere crediderit: ita pius concionator non potest non vehē-
 menter angī, cū tot animarum interitum videat, etiam si is
 officio suo non defuerit, neque vllatē in vicio aut negligentia
 perierit. Hęc à nobis, fratres, paulo fusi⁹ dicta sunt, vt illā Do-
 mini sententiam explicarem⁹: Quib⁹ aures audiendū, audiat.

Hiere. 6.

Isa. 49.

Bernard⁹
Simile.

Hac ergo sententia finito sermone, dimissaq; concione, ac-
 cedentes discipuli grauissimā Dño quaestione proposuerūt:

Quare

Quare, inquit, in parabolis loqueris eis? Parabola hoc in loco idem
 fere est quod ænigma, hoc est, sermo obscurus, & ad intelligen-
 dum difficilis. Sensus ergo quaestionis est: Cur tu, Domine, qui
 à Deo venisti magister, obscuris & implicitis verbis ita doces
 homines, ut nihil intelligant, ieiunioque à conuiuio caelestis tuæ
 doctrinae discendant? Cur parabolis & inuolucris verborum te-
 gis sacramenta caelestia, quasi auditoribus tuis doctrinam salu-
 tatis inuideas? An non tu es ille pastor, qui errabundam ouem
 per tot viarum anfractus diligentissime quaesitam super hume-
 ros tuos ad caulas baiulasti? An non tu ille ipse es, cuius cibus
 vita nostra? cuius potus penitentia nostra? cuius requies salu-
 lus nostra? cuius gloria redemptio nostra? Vbi, quaeso Domine,
 sunt magnifica illa Vatum promissa: Filij Sion, laxamini in
 Domino Deo vestro, qui dedit vobis doctorem iustitiæ? Et il-
 la: Et erunt oculi tui videntes præceptorem tuum, & aures tuæ
 audient vocem post tergum monentis: Hæc est via, ambulate
 in ea, & non declinetis ad dexteram, neque ad sinistram? An
 non in hoc venisse diceris in mundum, ut illuminares eos qui
 in tenebris & in vmbra mortis sedent, ut per te lumen reci-
 peremus, qui ab ipso matris utero cæci in tenebris errabamus?
 Quodque admirationem auget, id facis non sub lege, sed sub
 gratia: quando iuxta Apostolum nox præcesserit, dies autem
 appropinqua verit: quando cessauerunt vmbrae & inuolucra fi-
 gurarum: quando velum templi scissum est: medium, & Sancta
 sanctorum detecta sunt. In hac luce meridiana, atque sub hoc
 splendidiſſimo sole, tenebras & nubila parabolarum obiciis oculo
 nostris: perinde ac in lege & vmbrae more Iudæorum versare-
 mur? Quid ad hoc dicemus, fratres? Hoc enim mysterio vacare
 nullo modo potest.

Ut huic igitur quaestioni respondeamus, illud primò statuen-
 dum est, quod omnis scriptura consona voce prædicat, Deum
 reddere vnicuique suæ præmium, suæ supplicium, pro eo acquisi-
 que se in vita gerit. Deinde etiam illud statuendum est, inter
 præmia quæ iustis proposita sunt, internam quoque lucem, &
 vberiorē diuinarum rerum cognitionem promitti: inter sup-
 plicia verò improborum, tenebras & cæcitatem mentis præci-
 pue numerari. Vnde inter varia dona quæ Isaias piis homini-
 bus Dei nomine pollicetur, hoc quoque ait, Implebit splendori-
 bus animam tuam, & ossa tua liberabit, Quot enim bona ope-
 ra vir pius multiplicat, tot etiam caelestis gratiæ splendoribus à
 Deo illuminatur. Hinc sancta illa Ezechielis animalia, cum cæ-
 tera corporis membra certo ac definito numero haberent, oculo
 tamen ante & retrò plena esse dicuntur: ut hac ratione ip-
 telligeremus quàm ingenti Spiritus lumine Dominus piorum
 hominum

Ioel. 2.

Isa. 30.

Luc. 1.

Rom. 13.

Isa. 53.

Ezech. 1.

hominum mentes circumfundat, utpote qui nihil intra se habeant, quod non sit hoc lumine munitum atque vallatum. Idem quoque Dominus in Psalmo sic piū virū alloquitur: Intellectum tibi dabo, & instruam te in via hac qua gradieris, firmabo super te oculos meos. At contrā improbo cuique inter varia maximāque supplicia hoc quoque minatur: Percuties te Dominus cæcitate & amētia, & palpes in meridie, sicut palpare solet cæcus in tenebris, & nō dirigas vias tuas. Isaiam verō Prophetam his verbis Dominus alloquitur: Exæca cor populi huius, & aures eius aggraua, & oculos eius claude, &c. Imperatiua posuit pro futuris. Sensus enim est: Denuntia huic populo fore ut cæcitatem mentis propter scelera sua incurtat: Et aures eius aggraua, hoc est, velut mole aliqua eius aures obrutādas, & sordibus implendas, ne verbum salutis percipiat, varicinare. Hæc autem mētis cæcitas omnium suppliciorum, quibus Dominus in hac vita improbos plectit, extremum est. Vbi enim huc infelix homo peruenit, vix ullis Ecclesiæ vocibus, ullis aut plagis, aut etiam miraculis à solito improbitatis cursu reuocatur. Quod nō obicere Dominus insinuat, cum de Pharaone ad hūc modum exæcato ad Moysen dixit: Nō audiet vos Pharaō ut multa signa fiant. Hoc enim exæcatorum proprium est, nullis non modō verbis, sed neque verberibus aut etiā signis impietatem deserere. Sic etiam illi quoque obæcari fuisse videtur, de quibus Zachariæ 7. Dominus ait: quod cum Prophetarum vocibus ad iustitiam & pietatem vocarentur, noluerunt attendere: sed auertunt scapulam recedentes, & aures suas aggrauauerunt, & cor suum posuerunt ut adamantum, ne audirent legē. Faxit autem Christus Dominus, ne multi etiam nūc sint inter nos, qui propter inueteratam peccandi consuetudinem hoc idem peccatum adamantinum gestent. Cum enim plerique videamus quotidianis Ecclesiæ vocibus toties repetitis nihilo magis quā illos commoueri, aut ab improbitate cessare: non obscurum indicium est, eos eandem adamantem in corde gestare: quod periculorum omnium extremum est.

His ita constitutis, non erit difficile propositæ quæstioni respondere: cur videlicet magister cælestis parabolæ sensum discipulis quidem exposuit, cæteris autem non exposuerit. Non aliam huius rei causam existisse arbitror, quā quod hoc exemplo ea, quæ hactenus diximus, voluerit explicare. Sicut enim hoc in loco Saluator propositam populo parabolam discipulis quidē apertissima oratione declarauit, adstāti autem turbæ declarare noluit, (illos videlicet doctrinæ explanatione illuminās, hoc verō, pro eo atque eorū improbitas merebatur, in tenebris derelinquens) sic planē superius ille arbiter in internæ lucis

Phil. 26

Deut. 28

1. Cor. 13

*quibus mētis
quidē supplicia*

Exod. 17

Zach. 7

atque doctrinæ suæ dispensatione cum hominibus se gerit. Pro namque homines, quo magis in pietatis studio proficiunt, eo magis internis splendoribus, ac diuinarum rerum cognitione illuminantur: improbos vero, quo magis ab eo recedunt, eo magis diuina luce destituere solet, donec tandem eo pertueniant, ut cæcitatem mentis incurrant. Hinc Salomon ait: Lustrorum femita quasi lux splendescens, procedit & crescit usque ad perfectam diem, hoc est, usque ad æternitatis splendissimum diem, in quo videlicet in lumine Dei videbimus lumen. Hanc autem Salomonis sententiam Apostolus & confirmat & declarat, cum de piis hominibus loquens ait: Nos autem reuelata facie gloriam Domini speculantes, in eandem imaginem transformamur à claritate in claritatem, tãquam à Domini Spiritu. Hoc est, nos diuini luminis splendorem in animabus nostris tãquam in puro speculo recipientes, diuina luce & claritate ita perfundimur, ut quotidie sicut de virtute in virtutem, ita à claritate in maiorem claritatem proficiamus: diuino videlicet Spiritu hoc in nobis operante. Videtis ergo inter piorum hominum præmia hæc diuinæ lucis usuram & continuum eius incrementum numerari? *Contra vero improbi*, quo plura scelera & flagitia viuendo cumulant, eo deusioribus tenebris circumfunduntur. Cuius ea vel præcipua ratio est, quod per peccatum homo ab æterna illa & increata luce recedit: quoque frequentius peccat, eo magis ab ea recedit, propiusque ad principem tenebrarum accedit: cuius rei opera deusioribus tenebris ac cæcitatem perfunditur. Quid enim aliud à principe tenebrarum, nisi tenebræ manare poterunt? Illis ergo diuinum lumen præluceat, ut eis pro virtutum suarum merito parabolarum abscondita reuelentur: his autem, peccatis eorum exigentibus, non perinde lucet. Quam sententiam Dominus apud Matthæum aperitissima oratione confirmat, cum ait: Habenti dabitur, & abundabit: non habenti autem, & quod videtur habere, auferetur ab eo. Scelerati enim homines, diuina gratia propter scelera sua destituti, adeo non proficiunt, ut etiam quotidie deficient, & ea etiam, quæ habere videntur, amittant. Sed dicitis fortitan, Quid istis relinquatur, diuinæ gratiæ luce sublata? Nimirum superest informis ac mortua fides & spes, quas non raro scelerati homines amittunt, dum vel peccatorum mole obruti, de salute sua desperant: vel à diabolo delusi (quemadmodum hæc infeliciſſima tempora testantur) fidem etiam produnt, & ab Ecclesiæ sinu discedunt. Hanc ergo adeo dissimilem piorum & improborum sortem significare, hoc in loco Saluator voluit, cum discipulis parabolæ mysterium explicauit: populo autem (qui improborum hominum typum gerebat) explicare noluit.

II.

Hæc igitur quæstione explicata, incipit Dominus parabolam discipulis explanare. *Semen* (inquit) *est verbum Dei*. Iure quidem verbum Dei semen appellatur: quod quidem quantitate paruum, virtute tamen & fecunditate magnum est. Huius autem verbi sator Filius Dei est, quàm diu huius seculi agricolatio durabit, spirituales hanc culturam nunquam intermittere. Sicut enim dæmon zizaniorum seminator esse dicitur, quia perpetuum munus & officium eius est prauas opiniones & suggestiones in animis hominum seminare: ita contra Christus Dominus bonus sator esse dicitur, quia continuum eius munus est sanctas cogitationes & affectus cordibus nostris immittere. Quod planè eleganter Hieronymus Vidas his carminibus cum Deo loquens expressit:

*Mentibus in nostris semper serm aurea recti
Semina: si quicquam ingredimur te iudice dignum,
Tu nobis das velle prius: dein sufficis aptam
Qua fieri possit vim, nec resubtrahis ultro.*

Hic igitur verbi Dei seminator non modò per se, sed per varios etiam huius agriculturæ operarios verbum hoc seminat, videlicet per Apostolos, per Prophetas, per sanctos Ecclesiæ Pontifices, ac Doctores, perque omnes factorum eloquiorum tractatores: de quorum grege (quamuis indigni & impares tanto muneri) nos quoque sumus.

Domino igitur aut per se aut per nos etiam semen verbi faciente, varium sanè fructus terra germinauit. Quædã enim feminis portio in terra quæ iuxta viam erat, cecidit: quæ quidem partim à viatoribus conculcata, partim à volucribus direpta, nullum rerulit fructum. Expèdamus hoc in loco primum quid sit via: deinde quid terra posita iuxta viam. Per viam infideles rectè accipiuntur. Sicut enim trita via ad omnè prorsus culturam inepta est: ita isti qui fide carèt (sine qua nullus sanctitatis fructus, nulla spiritalis cultura esse potest) ad omnia æternæ vitæ germina inepti sunt. Via etiam ab omnibus prætereuntibus conculcatur, atque ita isti sine vlllo delectu ab omnibus cogitationibus & immundis spiritibus facilè proteruntur. Vbi enim nullus Dei respectus, nulla fides est: nemo est qui huiusmodi spiritibus & suggestionibus mentis ostia claudat. Tali enim anime, fidei præsidio destitute, dæmones illud prophetici dicunt: *Iacuruare, vt transeamus*. Hoc est: *Honorem præsentis nostre exhibe, & da locum nostris pedibus, vt supra te nobis ingredi liceat*. Hæc igitur via dæmonum est, & via quidè lata quæ duci à perditionem. Cæterùm terra quæ non quidem

Ila, 32

Terra ingratia

*Semen frugis
scilicet*

110.3.

Ephes. 4.

Iob 19.

via, sed via finitima est, illi esse meriti censentur, qui infidelibus istis quam simillimi sunt: qui sola tantum in formi fide & spe ab eis distant: qui fidem Christianorum, mores verò & vitam habent Ethnicorum: de quibus Apostolus ait: Confitetur se nosse Deum, factis autem negant: qui videlicet, quod verbis prædicant, moribus impugnat. Vnde quemadmodum de infidelibus ait Apostolus, quod desperantes semetipsum tradiderunt in operationem immunditiæ omnis, in avaritiam: ita isti, quavis fide & spe non destituantur, nihil tamè minus faciunt, quam si his virtutibus destituerentur: quandoquidem se totos libidinibus & cupiditatibus suis more infidelium dederunt, eandemque iurandi, & peierandi, detrahendi, malè precandi, fraudandi, & mentendi consuetudinem obstinatis animis retinent. Illos namque demones simili dominatu oppressos tenet, & ad quæcunque voluerint tetra facinora leui negotio impellunt. Sicut igitur iidem hostes corpus sanctissimi Iob ita inuaserunt, ut merito vir sanctus dicere potuerit, Simul venerunt latrones eius, & fecerunt sibi, viam per me: ita isti quoque infelices animas suas huiusmodi latronibus peruias atque parentes habent, qui innocentiam, & iustitiam, ceteraque ipsorum bona diripiunt. In tali igitur terra iactum verbi Dei semen protinus conculcatur, & à volucribus cæli, hoc est, ab aëreis potestatibus rapitur. Quo fit, ut si aliquando hi, dum hoc celeste semen in cordibus fidelium iacitur, animo concutiantur, & in fletus & lacrymas interim componantur: concione tamen finita, vix domus suæ, imò & templi limina attigerunt, quando iam diabolus aufert verbum de corde eorum, & omnis ille reclusus animi motus ita in ventros diffuit, ut nullum penè sui vestigium relinquat. Hoc itaque semen (ut vidistis) ad frugem minimè peruenit.

III.

*Semen in petra
scilicet*

D. Thom.

Alia verò seminis portio in petrosa loca cecidit, quæ quidem hyemis tempore germinare coepit: sed æstu incallescere, quum radices altas non recesset, calore solis, antequam maturesceret, exaruit. Quid petrarum nomine intelligemus? D. Thomas hoc nomine duos, hoc est, avaros, & nimium sui amantes intelligit: qui videlicet aliorum calamitatibus & miseriis compassionis affectu minimè molliuntur, neque ad misericordiam flectuntur. Sicut enim id molle esse dicitur, quod extra fines suos (ut aqua) diffunditur: ita contrà durum appellamus, quod (quemadmodum lapis) intra fines suos cōstringitur, nec ad alia dilatur. Merito ergo per hos & avaros, & immisericores, & seipsos nimium amantes accipimus, qui ad suam utilitatem & commoditatem omnia referunt, qui omnes curas & cogitationes suas non in Deum, nec ad spiritualia & æterna bona, sed ad se ipsos refe-

referenda putant, seque ipsos omnibus in rebus querunt, honestaque omnia solo utilitatis fructu metiuntur, atque ita sui amore incensum sunt, ut ipsum etiam Deum propter seipsos, non propter illum, diligant. Inde adeo fit, ut si qua in re Deum colant, si aliquod pietatis officium obeant, Indæorū more in temporale aliquod lucrum oculos præcipue concitant: ut delictet aut sospitatem, aut lōgam sibi liberisque suis vitā, aut terrenas opes, aut segetibus pluuias, aut gregibus pabula, & his similia à Deo consequantur. Itaque seipsos velot vltimum finem statuunt: Deum verò cæteraq; omnia ad seipsos tanquam ad finem vltimum referunt. De his igitur quid aliud sperandū est, quā quod ad tempus credant, & in tempore tentationis recedant? Quū enim Dei amore destituti, in vno sui amore cōquiescant (qui eos commoda sua ubiq; captare facit) vbi quid incommodi accidit, hoc est, vbi aut virtus ipsa, aut cōmoditas aliqua periclitari coepit, id curāt quod maximè amant; id negligūt quod minus diligunt. Itaque virtutem sine vilo suo aut incōmodo aut labore querunt: quam, si magno constare debeat, à se protinus excutiunt. Hyemis ergo tempore virent, sed æstate arent: quia dum pax est, in officio manent: dum bella surgunt, ab officio recedunt. Virtutem amplectūtur, cū nullū eis detrimentū adferat: si verò vel honori, vel pecuniæ, vel cupiditatibus suis aliquid detrahat, hoc illā pretio comparate renouunt. Itaque orant quā diu orare illis dulce est: ab oratione desistūt, quoniam oratio illis laboriosa est. Feruent, quum diuinis beneficiis afficiuntur; languent, vbi illis destituuntur. Discubunt quidem in cœna cū Domino, ad passionē verò prodeuntem deferūt. Sunt quidem illi socij mensæ, nō tamen dolorum & laborū comites. Deniq; velut hirundines æstiuo tēpore ad sunt: quum verò aduersantis fortunæ hyemem viderint, deuolant protinus. Neque enim (ut similis Apostolus monet) in charitate radicati & fundati sunt: & ideo quia radices firmas nō habent, sole æstuante, hoc est, tentatione inurgente, vel iactura aliqua iustitię cultum impediēte, protinus arescunt, & ab instituta pietate recedunt. Quocirca nemo vestrum, fratres, propter cōmunia hæc & vilitata virtutum officia, quæ paruo constant, se in via Dei profecisse credat, nisi tribulatione aliqua excoctus ac probatus dicere cum Propheta valeat: Probasti Domine cor meum, & visitaisti nocte: igne me examinasti. & non est inuenta in me iniquitas. Facile enim est virtutem, cū nullū adferat aut laborem aut detrimentū, colere: at cū ea vel opibus, vel honori, vel voluptatibus tuis officiat, persequi, id verò perrarū est atque difficile: sed magnum tamen diuinæ gratiæ mentem hominis corroborantis argumentum est. His igitur prætermisiss, ad alios transeamus.

Tertia enim seminis portio cecidisse dicitur inter spinas: spinarum autem nomine Saluator voluprates, sollicitudines, atque diuitias, hoc est, diuitiarum cupiditatem intelligit: quæ omnia velut spinæ in altum surgentes, verbi Dei, sanctorumq. desideriorum germina pullulare incipientia suffocant. Cuius rei cum multæ sint causæ, hæc vel præcipua est, quod effectus isti, hoc est, voluptatum & diuitiarum cupiditates, æstusq. sollicitudinum & curarum (qui ex his ipsis cupiditatibus oriuntur) cum à carne & natura peccato infecta proficiantur, potentissimi & vehementissimi sunt: ideoque, quod euenire in certamine solet, ut in firmiores à potentioribus superentur, id quoque in hoc affectuum certamine contingit, in quo spirituales affectus (qui infirmiores sunt) à carnalibus superantur, & quodammodo suffocantur: quemadmodum spinæ & tribuli in altum surgentes, latè segetem herbescere incipientem strangulant. Quam rem ut aperitè intelligatis, statuendū illud est quod Aristoteles lib. Ethicorū decimo, de voluptatis natura & efficacia disserens, ait: Qui (inquit) tibiariū cantu maximè delectatur, nō possunt verba quæ interim fiunt, aduertere, si tibia cinem modulantem audiant: cum maiorem voluptatem ex numeris capiant, quàm ex præsentī actione. Voluptas igitur quam parit tibiariū numerus, eam labefactat actionem quæ in oratione versabatur. Quod idem in aliis contingit, cum simul in duas res intendimus. Quæ enim plus habet oblectationis, excludit alteram: eoque magis, quo maior voluptatis præstantia est. Hactenus ille. Ex cuius sententia facile colligi potest, nō in voluptatis solum, sed in quibusvis aliis animi motibus infirmiores affectus à vehementioribus opprimi & obscurari. Quæcirca, si infirmiores valere volumus, potentiores vel sedandi vel repellendi sunt. Constat autem duplices in homine propensiones & affectus inueniri: alios à carne, alios à spiritu: alios à natura, alios à gratia: ac proinde alios velut natura ipsa insitos, alios ut appositiones: ideoque alios profundas in anima radices facientes, alios velut insititios leuiter hærentes. Quamobrè sicut is qui frugiferam arborem agresti atq. sterili inserere parat, ramos omnes steriles abscindit, quo insititij adolecant; alias enim totus radicis succus ad naturales magis ramos (qui sunt velut legitimi filij, quàm ad insititios (qui velut priuigni sunt) permeabit: ita planè quisquis in anima sua spiritualia virtutum germina inserere cupit, omnes corruptæ naturæ immoderatos impetus & cupiditates (quantum potuerit) rescare debet: alioquin motus isti, qui tam altas in animo radices egerūt, totam ad se eunim & curam trahent, spiritualesq. affectus omnes extinguēt &

Aristor.

Simile.

& exhaurient. Cum igitur & voluptates carnis, & sollicitudines terrenarum rerum, & cupiditas diuitiarum a carne nostra corrumpaque natura proficiantur, firmisq. in ea radicibus nitantur: quam diu cupiditates istae velut steriles rami amputatae non fuerint, crescere pios animi motus non sinet, qui aliunde velut appositi celestis magister verbi Dei semen ab huiusmodi spinis, hoc est, ab his corruptae naturae affectibus, suffocari dicit. Adde etiam, quod diuitiarum & voluptatum vehemens studium, virtutis atq. spiritualium rerum studium maxime impedit. Constat enim duabus praecipue rebus mentem hominis perfici, virtute scilicet & scientia. Cum enim praecipuae hominis partes sint intellectus & voluntas: scientia quidem perficit intellectum, virtus autem voluntatem. Quemadmodum ergo qui intellectum magnarum artium disciplinis excolere conatur, ab omnibus aliis curis atq. negotiis abstrahi debet (ne circa alia nimium occupatus, tantum huic studio derahat, quantum aliis impenderit) ita plane quam virtus in excelso & arduo loco sita sit, & circa difficultia opera versetur, multaq. intra nos habeat sibi aduersantia: magnam quoque vim & curam hominis exigit; quae si circa alia distrahat, minus huic vni sufficere poterit. Quare prudentissime à Seneca dictum est: Nemo unquam ad bonam mentem peruenit occupatus. Quod non de necessariis iustisq. occupationibus, sed de immodicis & vanis intelligendum est: quas non usus vitae, sed libido & cupiditas hominum excitant. Haec enim velut tribuli & spinae sunt, quae totam hominis mentem ebibunt, atq. ita diuini verbi semen suffocant. Quid, quod non solum spinae istae totum animum occupant, sed etiam lacerant & inquinant? Inquinant enim voluptates, quae hominem lasciuum, delicatum, mollem, epulonem, carnis mancipium, & virtutis hostem efficiunt: ut merito à Philosophis dictum sit, in regno voluptatis non esse virtuti locum. Sed longe magis inquinat nimis diuitiarum amor, in quo est malorum omnium radix avaritia: de qua scriptum est: Nihil iniquius, quam amare pecuniam. Et rursum: Avaro nihil est scelestius. Quae cum ita sint, quonam modo inter huiusmodi spinas verbi Dei semen adolescere possit, cum contrariarum rerum ea lex sit, ut altera alteram perimatur.

Seneca.

Ecclesi. 10.
Ibidem.

V.

Haecenus quidem frustra sudatum est. Triplex enim seminis portio nobis perit. Superest quarta, quae in terram bonam cecidit, & orta fecit fructum centuplum. Quo tam felici prouentu bonus agricola aliarum partium iacturam patienter tulit. Verè enim si velynam tantum animam multis Concionibus multoque labore Concionator Christo lucrifecerit, felices plane labores

suos existimabit: vnus enim animæ salus instar centuplicis fructus est. Caterum per huiusmodi terram quos accipere debemus? Eos nimirum qui (vt ipse Dominus expoluit) *verbum Dei in corde bono & optimo retinent, & fructum adferunt in patientia.* Per hanc ergo terram eos intelligimus, qui ab omnibus impedimentis, quæ suprà diximus, immunes sunt. Hi autem verbum Dei in corde bono & optimo retinent: in bono quidem retinent, quia ita audiunt, vt cum Propheta dicere possint: In corde meo abscondi eloquia tua, vt non peccem tibi. In optimo autem, quia nequaquam in pectore condidisse contenti, foras illud bene operando proferunt, à timore Domini concipientes, & Spiritum salutis patientes. Hi verò fructum adferunt in patientia. Cur in patientia? Quia multa tolerare necesse est eum, qui pietatis, iustitiæ, & æternæ vitæ fructum capere velit. Non enim frustra Psalmographus ait: Labores manuum tuarum quia māducabis, beatus es, & bene tibi erit. Sunt enim & labor & patientia ad multa virtutum officia (ne dicam omnia) maxime necessaria. Primum enim (vt ab orationis studio exordiamur) qui assiduis precibus Dominum orat, & iis pium deuotionis affectum capere studet, patientia & longanimitate eget: propterea quod frequenter mens nostra orationis initio languet, quæ tamē paulatim (si sapienter in ea perseueremus) miro modo incallescere solet. Quem quidem fructum minimè percipiunt, qui, cum animum suum aridum & languentem experiuntur, ab orandi studio protinus desistunt. Neque enim gallina pullos educit, quæ ubi primum ouis incubare incipit, prorinus deserit. Deinde etiam patientia opus est, vt quæ à Deo ardentè petimus, patienter expectemus. Solet enim Dominus differre petentium vota, partim vt augeat desideria: partim vt homo infirmitatem suam & diuinam gratiam hoc experimento cognoscens, in se quidem humilis, Deo autem deuotus & gratus existat. Iam verò si (vt Salomon ait) necesse est agrum nostrum exercere, & sentibus repurgare, ne exorta spinæ vbi Dei semen suffocent: quanta hic laborum tolerantia opus est, vt hunc cordis nostri agrum repurgemus, quod variarum cupiditatum spinas indefinenter germinat? De corde enim (vt Saluator ait) exeunt cogitationes malæ, homicidia, &c. Quid verò de charitate dicam, in qua totius Christianæ philosophiæ summa consistit? Quanta ad eam integrè retinendam laborum tolerantia opus est? Quis enim iniurias, quis contumelias quis detrimenta, & clades quæ homini ab homine imminet, numerare queat? Rectè enim ab antiquis dictum est: Homo homini lupus. Ego verò multo plura & grauiora mala hominibus ab homine, quàm à feris omnibus inferri arbitror. Neque

solum

Psal. 117.

Psal. 117.

cñ.

Simile.

Ag.

Matt. 23.

Os.

solum ad hæc mala sustinenda, sed etiã ad opem miseris & oppressis ferendam, hoc eodem animi robore & paciẽtia opus est.

Quo nomine D. Chrysost. Basilij Magni charitatem commendat, quod is cum magno suo periculo à perichitante proximo exitum imminens propulsauerit: cumque quidam hoc temeritati magis quàm charitati tribueret; ille, vt erat magno animo, respondit: Quid aliud facerem? Aliter enim amare non didici.

Chrysost.
de sacer.

Si igitur hæc omnia virtutum officia, & multa item alia (quæ recensere longum esset) paciẽtia constât, rectè Dominus nos fructum adferre in paciẽtia dixit. Vnde elegãtissimè Prudentius virtutes omnes sine paciẽtia viduas esse testatur. Hinc

Prudent.

Apostolus immortalitatis gloriam iis esse paratã dicit, qui per paciẽtiam boni operis illam quærunt. Quo in loco dum bonis operibus paciẽtiam coniunxit, omnibus virtutum officiis eam esse necessariam apertè declarauit. Quid verò aliud nobis throni Salomonis fabrica à Spiritu sancto descripta innuit, ad quæ sex gradibus ascẽdebat, in quorum singulis duo leunculi à dextra læuãque positi erant, nisi hanc animi constãtiam atque fortitudinem, quæ ad omnia virtutum opera necessaria est, designet? Constat enim hisce gradibus eas virtutes significari, quibus fidelis anima cò peruenit, vt in ea verus Salomon Christi Dominus tanquam in sede sua requiescat. Singulis autem gradibus bini leunculi assistunt: vt intelligamus virtutes omnes à læua dextraque fortitudine atque constantia muniri esse debere, ne homines earũ studio atque labore deteriri in medio salutis itinere corruant. Quisquis ergo nostrum, fratres, immortalitatis gloriam, & centesimum æternæ vitæ fructum proferre desiderat, hoc sibi persuadeat, hoc alta mente reponat, quod primo homini dictum est: In sudore vultus tui vesceris pane tuo. Verè enim non minori labore panis animæ quàm corporis parandus est.

Rom. 2

Genes. 2

Nunc ad vos, fratres, (vt principio finè iungam) sermonem uerto. Hanc parabolam velut spirituale quoddam speculum esse (in quo itarum animæ suæ quisque videre possit) initio concionis diximus. Cõstat autè nos, quoties hîc diuina eloquia tractamus, toties verbi Dei semen in terra cordis vestri spergere. Quisquis ergo audita concione nihil prorsus nec in affectu, neque proposito vitæ melioris retinet: is planè hoc indicio intelligat, se terram illam esse, quæ iuxta viam posita est, cuius semen volucres celi, hoc est, dæmones comedunt; ipsum postea in gehenna perpetuò comesturi. Qui verò, dum verbum audiunt, ita afficiuntur, vt mores suos & vitam commutare statuant; sic ramen se gerant, vt vbi aliquid molestum occurrerit, quodque aut rebus suis, aut cupiditatibus, aut honori officiat,

in 5

ab hac

ab hac animi destinatione ac proposito retrocedunt, sibi magis hac in re quàm iustitiæ debiro prospiciētes, hi velut saxosa terra sunt, in quibus verbi Dei semē radices altius figere non potest, ac proinde neque in æstu solis, hoc est, tentationis tempore perdurare. *Qui verò paulo ulterius progressi*, percepto verbi Dei semine, ita se virtutis studio addicūt, vt ramen volupratū, sollicitudinū, diuitiarūque suarū studia non deserant, sed Deo simul & Mammonæ pari cura & amore seruire velint; hi sanē terra sunt spinis obsita, quibus cælestē semē suffocatur, ne vitalem succum & cælestē diuini Spiritus auram ad se trahāt. *Qui verò cum omni auiditate verbum Dei audiūt, nec audisse contenti*, vitam suam iuxta illius præscriptum instituire curant, eamq. ad illud tamquam ad purissimū animæ suæ speculum studiosē componunt, adeoq. deuoto & constanti pectore in hanc vnam curam incumbūt, vt vitam sibi prius quàm pietatem & virtutem eripi mālāt; hi planē multiplicem fructum afferunt in patientia: quem in hac quidem vita recipiunt auētā & cumulatā gratia, in futura verò percepta immarcescibilis gloriæ corona.

IN EADEM DOMINICA SEXAGESIMAE, CONCIO SECVNDA; IN QVA lectio Evangelica explanatur.

THEMA. *Semen est verbum Dei.* Luc. 8.

INter multa & varia instrumēta, quibus Deus salutem nostram operatur, nō infimum locum tenet ministerium verbi eius. Verbum enim Dei, Deo simillimū est. Sicut enim Deus omnipotēs est: ita sermo eius potestate plenus est. Verbum enim Dei, quemadmodū Deus ipse, suscitāt mortuos, regenerat viuos, sanat ægros, conseruat sanos, oblectat pios, reuocat impios, illuminat cæcos, accēdit tepidos, consolatur moerentes, desperantesq. confirmat. Hæc igitur de causa multis atq. variis nominibus in literis sanctis appellatur, quia varios atq. multiplices habet effectus. Vocatur enim lumen, panis, vinum, medicamentum, gladius, malleus, ignis; denique hodie in Evangelica lectione appellatur semen. Et quidem lumen appellatur, quia splendore suo lucidissimo mentes illuminat, dum eas præceptis cælestibus informat: panis verò, quoniam eas reficit, & in via virtutis alit atque sustentat: vinum autem, quia corda piorum, diuinorum beneficiorum ac promissio-

missionum commemoratione lætificat: medicamentum verò, quia morbos animę nostrę sanat: gladius, quia vitia nostra, scēdasque libidines & cupiditates refecat: malleus, quia obdurata pectora mollit atque frangit: ignis, quia repentes nos in diuino amore accendit: semen autem ideo appellatur, quia in pectoribus nostris iactum, ibidemque Spiritus sancti calore atque operatione confortum, æternę vitę fructum profert. Cū ergo tam multiplex & fecunda verbi Dei virtus sit, merito quæri potest, cur toties hominibus annūtiatum adeo exiguum refert fructum? Si lumen est, quomodo tam multorum hominum tenebras non discendit? Si panis est, quomodo ieiuni ad huc & famelici perduramus? Si vinum est, quomodo vix vnamquam diuinarum rerum commemoratione rapimur & oblectamur? Si medicamentum est, cur tot vitiorum morbis oppressi iacemus? Si gladius, cur prauas cupiditates & voluptates nostras non abscondit? Si malleus est, cur duritia cordis nostri tot eius ictibus percussa non frangitur? Si ignis est, cur adeo pectora nostra in amore Dei algent? Si denique semen est, cur toties iactum in terra cordis nostri vix vllum pietatis fructum refert? Vnde tanta sterilitas & inopia in tanta huius celestis seminis vbertate & copia? Cur nullum terra fructum producit, quæ omnibus penē Dominicis diebus hoc semen percipit? Hæc planē res admiratione & inquisitione dignissima est.

Vt hunc igitur nodum excuriamus, sciendum est, in omni actione, siue naturali, siue spiritali, duo esse necessaria: alterū quod agat, alterum quod patiatur. Et in agente quidem virtutem esse oportet ad agendum, in patiente autem dispositionem ad suscipiendum. Vt enim terra fruges producat, necesse primum est: vt & agricola semen spargat in terram: deinde vt terra, quæ semen recipit, nouata sit & profecissa, spinisquē & tribulis repurgata. Quod si alterum horum desit, frustra agricola semetētem faciet. Faber ferrarius etiam, vt opus suum perficiat, ferrum prius in fornace mollit & tractabile facit. Nisi enim hoc prius emolliret, frigido ferro contundendo operam luderet. Celebris enim Philosophorum sententia est, actus actiuorum esse in patiente disposito. Quod planē adeo verum est, vt, quo maior fuerit in rebus dispositio, eo & celerior & perfectior actio consequatur. Sic videntur ligna arida igni admota facili inflammari, lucernamque recens exstinctam & adhuc fumantem, propinquam flammam lenissimo attractu ad se trahere: quin & aliquando absque vilius flammæ adminiculo solo flatu accenditur: tantum valet conueniens & apta in eo, quod actionem recipit, preparatio. Nūc ad rem. In primis quidem

Simile.

Simile.

Eccli. 3.

quidem ingenuè fateor, diuinam gratiam & potestatem maxime liberam esse, nullisq. omnino legibus adstrictâ (quæadmodum in ea concione quâ de vinca & mercede operariis reddita habuimus, latius disputauimus) nihilominus tamen eadem gratia naturalium causarum rationem & ordinem frequentissimè imitatur. Ex quo illud planè sequitur, non semper satis esse ut audiendis concionibus proficias, idoneum quidem esse doctorem, nisi sit etiam idoneus auditor; qui videlicet non segniter, non oscitanter, non curiositatis affectu, non ex sola târûm audiendi consuetudine, sed piè & studiosè audiat verbum Dei. Sunt enim quidam qui audiendis concionibus non alium referunt fructum, quàm diligenter explorasse, si quid vel accurate, vel concinnè dictû est: si verbum aliquod ornatiùs, vel acuta aliqua sententia in loco addita, quo curiositatem alant, non quo esurientis animæ famem expleât. Quemadmodum enim terræ aliqua esse perhibetur adeo steriles, vr, si in eis tritici purissimi semen sparseris, non triticum, sed tipham, aut solas paleas referant (quod certè in natura rerum admiratione non vacat, cum omne agens sibi simile generare contendat) ita planè istis contingit, in quorum pectoribus si verbi Dei semen ieceris, non seminis huius fructum (qui in vitæ integritate cõsistit) sed tipham vel paleas solum referant, hoc est, non fructum pietatis, sed vanitatis aut curiositatis paleas proferunt: quia non vitæ integritatem, sed aurium târûm voluptatem atque tinnitum captant. Hoc autem in scelèrem pernam (Deo ita permittente) futurum esse, Propheta non tacuit, cum ait: Quia oblitas Dei tui, & fortis adiutoris tui nã es recordata, propterea plantabis plantationem fidelem, & germen alienum germinabit. Fidelis enim, plantatio verbi Dei semen est: germen autem alienum sunt non solum errores & mendacia hæreticorû (quæ ipsi ex doctrina veritatis perperam colligunt) sed etiam folia verborum, & cætera curiositatis & voluptatis irritamenta, quæ vani homines inde aucupantur. Nemo autem arbitretur, hoc ætatis nostræ solummodo virum esse: in qua non pauci concionatorum populi magis plausum, quàm animarum salutem capere solent. Hæc enim antiqui serpentis antiqua fides & astus est. Grauius quippe Dominus apud Ezechielem (nõ vti que more nostrorû declamantem, sed magno spiritu tonantem ac fulminantem) queritur quòd eius sermo populo in carmen musicû verteretur, quod suauis dulciq. sono canitur. Quid autem indignius, quàm atrocissimas Dei minas nõ ad timorem, sed ad delicias & ad voluptatem audire? Non igitur hoc affectu verbum Dei audiendum est: sed reuerenter, sed humiliter, sed attentè atque deuotè, studioque afficiendû magis mentem, quàm

Simile.

Isaie 27.

Simile.

Ezech. 33.

quàm erudiendi. Sic enim audienti diuina gratia præsto semper est, vel ipso Domino testante, qui ait: Super quem requiescet spiritus meus, nisi super humilem & mansuetum, & tremementem ad sermones meos? Hic ergo animus, hæc in auditore dispositio requiritur, quo vtiliter & fructuosè verbum Dei audiamusque si desit, euenire frequenter potest, vt etiãsi D. Paulus, imò verò etiam si ipse Dominus ac Saluator noster ad populum concionarentur, nullum inde fructum referrent. Quoties enim D. Paulus, quoties Seruator ipse (qui Verbum est & Sapientia Patris) hoc munus obierunt, nullumq. tanta vi atque maiestate dicendi fructum, nisi crucem & mortem, retulerunt? Hanc ego esse causam reor, fratres, cur Christianorum multi tota penè vita concionibus audiendis defatigati, nihilo meliores euadant: quia non eo animo, quo debuerant, ad sacras conciones accedunt. Id adeò verum est, vt dubitare meritiò possis, magisne ad hoc conferat præparatus animus audientis, an facultas egregiè concionantis. Quisquis enim studiosè ad verbum Dei audiendum est paratus, iam ab eius gratia misericorditer præuentus est. Si enim nemo potest dicere Dominus Iesus, nisi in Spiritu sancto; nec cogitare possumus aliquid ex nobis, tantum ex nobis: multo minùs poterimus humiliter, ardentè, atque studiosè audire verbum Dei, nisi ab ipso Deo singulari quodam auxilio præueniamur. Quo fit, vt, cum rarissimum sit eloquentissimum concionatorem inueniri, non minùs rarum sit idoneum inueniri auditorem: quoniam facundissimum concionator esse aliquis forsitan sine Dei gratia poterit: idoneus autem auditor sine ea esse non poterit. Hæc est ergo, fratres, causa, cur diuini verbi semen, cum tam multiplicem habeat virtutem, adeò exiguum referat fructum: quia minùs ad illud audiendum parati accedimus.

Quia verò ad hanc animi præparationem spectat, vt omnia introducendæ formæ impedimenta remoucantur, summo studio curandum est, vt quænam ea sint intelligamus: quò illis è mediò sublati, verbi Dei semen vberem & copiosum in nobis proferat fructum. Quæ autem sint hæc impedimenta, hodierna sancti Euangelij lectio, proposita in signi parabola, adeò luculenter declarat, vt hæc lectio velut præfatio quædã omnium aliarum Concionum & Euangeliorum, quæ toto anno in Ecclesia leguntur, mihi esse videatur. Quam arbitror ea ratione hoc die ab Ecclesia propositã fuisse, vt, quoniã Quadragesimalium Concionũ tẽpus appetit, esset hæc conueniẽtissimum ad omnes alias exordium, quòd auditorum animos ad audiendum præparet: sine qua præparatione minimo cum fructu Conciones audiri hæctenus disseruimus. Parabola verò sic habet:

Cum turba (inquit) plurima conueneret, & de ciuitatibus properaret ad Iesum, dixit per similitudinē. Exiit qui seminat, seminare semē suū: & dum seminat, aliud cecidit secus viam, & conculcatum est, & volueres celi comederunt illud: & aliud cecidit supra petram, & natum aruit quia non habebat humorem: & aliud cecidit inter spinas, & simul exortie spinę suffocauerunt illud: & aliud cecidit in terram bonam, & ortum fecit fructum centuplum. Hęc dicens, clamabat: Qui habet aures audiēdi, audiat. Hac voce non obsecrē Dominus indicauit, non curuissis

gratiae 50. cum Propheta dicere potest: Dominus Deus aperuit mihi aurem: ego autem non contradico, retrorsum non abi. Rursusque: Erigit manē, manē erigit mihi aurem, vt audiam quasi magistrum. Hęc autem gratia fidelibus in baptismo data est, cum sacerdos digitos in aures inferens ait: Epheta, quod est, adaperire. Tunc enim magister hic celestis, quas aures antiquus serpens vocibus suis obstruxerat, per gratiam suam aperit, vt eius vocem audiamus: quas tamen nos postea, peccatis consequentibus, obturauimus. Ideoque suppliciter orare debemus Dominum, quoties ad verbum eius audiendum conuenimus, vt mirat iterum digitos suos in aures nostras: vt, quem nos aditum diuinis vocibus obstruximus, is gratiæ suæ virtute iterum aperite dignetur. Hoc enim vobis persuasum esse debet, fratres, quod quemadmodum non satis est, vt agricola semen in terram iacet, nisi celestis quoque adsit virtus & influxus (sine quo frustra omnis labor infumitur) ita non satis est verbi Dei semen in terram cordis vestri spargere, nisi superni Spiritus virtus adsit, cuius ope semen illud adolescat, & spiritualis vitæ fructum proferat.

simile.

Verum hic insurgit quæstio, cur Dominus, hac vna oratione contentus, parabolam explicare populo noluit, quam tamen postea discipulis explanauit? Hac sanē ratione Dominus industriæ simul & gratiæ necessitatem indicare voluisse apparet: Gratia enim fuit & parabolam proponere, & auditorū attentionem voce illa excitare: industriæ autem humanæ erat, seminum 60. plus à Domino inquirere, quod Apostoli fecerunt: ideoque mysterium eius intelligere meruerunt. Vtrumque igitur ad salutem nostram necessarium est. Vt eam D. Chrysost. ait: Neque gratia sine voluntate, nec voluntas sine gratia satis est: nam & terra non germinat, nisi pluuiam susceperit; nec pluuia fructificat, nisi terra adsit quæ fructum ferat.

Chrysost.

Interrogauerunt ergo eū discipuli eius, quæ esset hæc parabola. Quibus ipse ait: Vobis datum est nosse mysterium regni Dei, ceteris autē in parabolis: vt videntes non videant, & audientes non intelligant. Hanc eandem

eandem sententiam per Isaiam idem Dominus confirmat his
 verbis: Educ foras populum cecum, & habentē oculos; surdum, Isaia 43.
 & aures ei sunt. Quæres autem qua ratione hoc fieri possit, vt
 idem homo & videat & non videat, audiat simul & non au-
 diat? Paucis accipe: Cedo mihi fidelem aliquem, qui, cum fi-
 dem habeat, infidelium tamen more viuat. Hic igitur an non
 & videt, & non videt? audit, & nō audit? Ab hoc enim si quæ-
 ras: Quæso te, frater, credis ne post hanc breuem & mortalem
 vitam aliam supereffe immortalem, in qua bonis infinita &
 inenarrabilia præmia propolita sint: malis verò extrema & in-
 numerata supplicia constituta, quæ omnes martyrum scelerato-
 rumque hominum cruciatus longissimè superant; vbi est ver-
 tis immortalis, vbi fletus & stridor dentium, vbi tenebræ pal-
 pabiles, & flammæ horribiles, vbi fœtor & hortor, vbi serpentes
 & mallei percutientes stultorum corporibus, cæteraque suppli-
 cia, quæ parata sunt periuris, blasphemis, adulteris, rapacibus,
 inuidis, superbis, auaris, cæterisque hominibus flagitiosis? Si,
 inquam, ab eo quæras an hæc ita esse credat, facile responde-
 bit, se non minùs hæc, quàm cætera fidei dogmata firmissimè
 credere. Cur ergo, qui ista sic credis, in istis ipsis criminibus
 tam diu versaris? Si hos cibos lethales esse confiteris, cur eos
 attingis? Si calicem hunc aureum Babylonis mortifero vene-
 no plenum esse confiteris, cur ex eo bibis? Quis enim (inquit Iob 41.
 Iob) poterit gustare, quod gustatum affert mortem? Quid,
 quæso, hoc aliud est, quàm videre, & nō videre? audire, & non
 audire? scire, & non scire? Talem nobis personam ante con-
 uersionem suam Apostolus exhibuit, de quo scriptum est
 quod apertis oculis nihil videbat. Cuius cæcitatem infeli- Act. 9.
 ces isti imitatur, qui apertis fidei oculis ita viuunt, ac si prorsus
 fidei luce destituti essent. Nihil enim minùs delinquant cre-
 dentes, quàm delinquarent non credentes. Contra hos antem
 Iudas Apostolus inclamat: Væ iis qui in viam Balaam abierūt: Iude 24.
 qui inter cætera mala sua, hoc etiam de se ipso testatur, quod
 cadens apertos haberet oculos: videns enim foueam, tamen
 sponte sua ruebat in illam. Talibus autem creditum fidei ta-
 lentum non in locutū, sed in scandalum, eorum vitio cedit. Cum
 enim ex hac vita decesserint, damnationis suæ sententiam (ve-
 lut alter Viras) in ipsa fide, quam profitentur, secum ferent.

Hæc igitur celestis magister de cæcitate cordis præfatus, di-
 scipulis pio religionis studio parabola sensum exigentibus an-
 nuens, Vos, inquit, audite parabolam seminantis. Semen est
 verbum Dei: quod tantæ fecunditatis est, vt frequenter ex
 vniuius seminis grano totius vitæ cōmutatio, & vberima virtu-
 tum omnium atque bonorum operum seges in celesti granario
 condan-

condenda oriatur. Hoc verò semē quamvis ex natura sua fecundissimū sit, pro varia tamen conditione terrarū, hoc est, auditorum, in quibus seminatur, aut nullum fructum, aut certē maximē refert varium. Quorundam enim hominū corda sunt velut terra quæ viæ finitima est, quæ ab omnibus teritur & calcatur, hoc est, quæ omnibus scædis & impuris cogitationibus ac

Seisen
fecus viæ
iactum.

Simile.

Ecclesi.

Simile.

Simile.

Simile.

Ecclesi. 17.

Simile.

Hier. 2.
Hier. 3.

desideriis sine vllō delectu patet. Est enim horū cor velut commune quoddam diuersorium, quod omne genus hominum, siue illi noti, siue ignoti; siue boni, siue mali sint, admittit. Nul- lum enim delectum, nullum discriminē bonarum aut malarum siue cogitationum, siue desideriorum habent: adeo vt illa Salomonis verba vsurpare queant: Omnia quæ desiderauerunt oculi mei, non negaui eis, nec prohibui cor meum, quin omni voluptate frueretur. Est præterea velut cymba quædam vndiq; quassata, quæ per omnes rimulas bibit aquam. Est item sicut vrbs patens, & absque murorum ambitu, quæ facili ab hostibus inuaditur: & tanquam vinea sepe & maceria destituta, cuius fructus depopulantur quicunq; iuxta illam gradiuntur. De hac enim vinea Dominus apud Isaiam dicit: Auferam sepe me eius, & erit in direptionē. Sublata enim cordis custodia (quæ veluti animæ nostræ maceria est) non solum diripitur quidquid ibi pretiosum est, sed anima etiam ipsa conculcatur atq; scædatur. Denique talis anima est veluti domus quædam sine seris & valuis, quæ prætereuntibus in sordidū stabulum & sterquilinum est. Quis enim verbis consequi possit, quanta sit scæditas animæ huiusmodi cogitationibus inquinatæ? Quid (inquit Sapiens) nequius, quàm quod excogitauit caput & sanguis? Caro autem & sanguis anima est diuinæ gratiæ præsidio & ornatu destituta, sibi quæ relicta. Quid autem scædus, quàm quod in talis animæ cogitationibus & affectibus versari frequenter solet? Si enim qui diligenter & studiosè exercet agrum suum, sæpe scædis imaginibus & cupiditatibus infestatur: quid illi patiētur, qui sine vllō discrimine cupiditatibus cunctis, & impuris cogitationibus aditum præbent.

Quale autem hoc dedecus animæ sit, vel hoc vno exemplo colligi potest. Summum enim mulieris dedecus est, eo impudētiæ deuenisse, vt in publico lupanari prostituta, omnibus sui copiam faciat: summa verò animæ nostræ ignominia est, omnes rerum omnium cupiditates & cogitationes sine vllō delectu intra se admittere. Hoc enim est apertè meretricem illam agere, cui Dominus per Hieremiā dicit: Sub omni ligno frondoso tu prosternebaris meretrix. Et rursum: Leua in directum oculos tuos, & vide vbi non prostrata sis? Quasi dicat: Vide cui cupiditati, aut impure cogitationi te turpi seruitio & famulatu

non

non subdideris? Talis igitur anima iure quidem spiritualis meretrix vocatur, in quam illud optimè quadrat quod in Ecclesiastico legimus: Omnis mulier fornicaria, quasi stercus in via, ab omnibus prætereuntibus conculeatur: quia videlicet ab omni imputa cogitatione veluti de lecore & ignominia afficitur. In tali ergo pectore iactum verbi Dei semen, quem poterit referre fructu? Ut enim meretrix, cum mares omnes admittat, nihilominus tamè sterilis & infœcunda manet: sic isti, quamvis verbi Dei semen frequētissimè recipiant, semper tamè in eadè sterilitate & infœcunditate perstāt, nec ullū pietatis fructū germinant. Hæc ergo prima seminis portio, quæ iuxta viā sparsa fuit, nullum protulit attulit fructū. Quæ quidē ex re colligere licet, fratres, quanta cura puritati cordis incumbere, quanto studio fores eius occludere, qua celeritate omnes impuras cogitationes à nobis excutere debeamus, ne huius terræ maledictioni obnoxij simus, in qua diuini verbi semen frustra iacitur.

II.

Altera verò seminis portio super petram cecidit, quæ nata atruit, quia non habebat humorem. Hoc autem petrarum nomine eos Dominus significare voluit, qui cum verbum Dei audierint, afficiuntur illi quidē, & cum gaudio suscipiunt illud, qui tamen nondum in charitate atque timore Dñi radices fecerunt: quo fit, ut, cum tentationis alicuius vehemēior æstus incaluerit, atrescat protinus herba, quæ nullis charitatis radicibus nitebatur. Qui autem hi sunt, paucis indicabo. Sicut inter Christianos non pauci, qui ita Christianæ vitæ mores & instituta sectantur, ut quidam philosophi æ studio amplexantur, qui (ut Cicero ait) dicere solitus erat, philosophandum esse, sed paucis. Nolebat enim se totum Philosophorū studiis degere, sed summis tantum (quod dicitur) labijs philosophiam degustare. Huic ergo similes sunt multi nostrorum, qui non tota mente ac studio, sed leuiter atque oscitanter Christi philosophiam attingunt. Atque ut communi exemplo rem omnem aperiam, quæ mensura aqua benedicta, dum templa ingrediuntur, lustrari volunt, quia exigua guttula contenti, molestè ferunt, si quis eos plurima aqua consperferit; eadem isti disciplinam Christi, & instituta eius sectantur, ut vna aut altera eius particula contenti, cætera fastidiant atque repudiant. Quod si hoc ipsum minus percipitis, exponam id apertius. Sunt in Christi doctrina præcepta quædam, & factu quidem facilia, & faciētibz honorifica. Honor enim est non vulgaris, & Catholicam fidem retinere, & Missam quotidie (quod magni Principes faciūt) audire, & sacris officiis atq. Concionibus interesse, & certas ad Dominum preces statis temporibus fundere, & supplicandarum

Ecclesi.

Similis

Semen
petram
iactum.

Similis

Similis

orationum calculos de manibus nunquam deponere. Constat enim omnia hæc & factu esse facilia, & facientibus honorifica. Honor enim est titulus Christiani nominis & religionis bene apud omnes audire: cum melius sit nomen bonum, quam divitiarum multæ. Sunt autem alia quæ apud imperitum vulgus minus fortasse honoris habeant, & plus tamen in ipso opere difficultatis. Cuiusmodi sunt, illatas iniurias quæ animo ferre, inimicos diligere, de male meritis benemereri, extrata facili cōdonare, veniam ab eo cui feceris iniuriā petere, carnis petulantiā atque lasciviam domare, linguam silentio comprimere, cupiditatibus frenum imponere, si quid alicui debeas (etiam si detrimentum patiaris) reddere: & dexterum etiam oculum (si quando tibi offendiculo fuerit) eruere. Hæc igitur omnia non dubium quin laboris plurimum afferant: iis præsertim qui nondum in virtute solidati sunt. Illi igitur homines de quibus sermonem institui mus, qui magis in amore sui quam Dei radices iecerunt; sic vitam instituunt, ut ex iis, quæ suprà memoravimus, ea solum amplectantur, quæ & factu facilia, & facientibus honorificent, quæ verò difficultatis plusculum, honoris verò minus habent, tanquam ad se minimè pertinentia respiciant. Isti igitur omnes in plano quidem itinere facili gradiuntur, in aspero vero atque præcipiti protinus & offendunt & deficiunt: vel (ut Evangelica similitudine utamur) ubi verum tempus viget, virtutibus iis, quas suprà diximus, virere atque germinare videntur; ubi autem vehementior aliquis tentationis æstus invaluerit, protinus arcescunt, ut qui in virtute atque pietate nondum radices iecerint. Quod si quaras, quanam sint hæc radices; nimirum radices sunt, altissimus quidam divinarum maiestatis timor, fixumque & immotum animi propositum, nunquam eius leges & præscripta violandi: adeo ut si opes, si honores, si vita ipsa, si nominis claritas (quam quidam vita ipsa cariorem habent) amittenda sint, omnia prius perpeti, quam in nocentiam amittere velint. Has autem iecerat in virtute radices propheta, cum diceret: Iuravi & statui custodire iudicia iustitiæ tuæ. Non contentus enim firmiter apud se statuisse, addidit iurandum, quo maiorem animi sui firmitatem & constantiam declararet. Quid verò Apostolus? quam altas in animo suo radices egerat, cum ait: Quis nos separabit à charitate Christi? tribulatio, an angustia? &c. Certus sum quod nec mors, neque vita, nec principatus, &c. Radices etiam firmæ sunt, alia quædam consideratio rerum diuinarum, atque præcipue nostræ fidei dogmatum, hoc est, diuinorum beneficiorum, præmiatorum, & suppliciorum, quæ omnibus in commune proposita sunt. Huiusmodi namque consideratio ita mem-

tem hominis illuminat, ita munit, instruit, & afficit, vt firmissime apud se statuat omnia prius discrimina subire, quam lethale aliquod crimen admittere, contra quod tam multa, tamque horrenda in sacris literis tela torquentur. Qui verò huiusmodi radicibus nituntur, aduersus hunc Solis æstum, hoc est, aduersus omnia tela nequissimi ignea, miro modo muniti & vallati sunt.

Quocirca quisquis has in anima sua radices figere cupit, illud in primis præstare debet, quod in primo Psalmo de viro iusto scriptum est: In lege Domini voluntas eius, & in lege eius meditabitur die ac nocte. Quid autem ex hoc studio & exercitatione sequitur? Nimirum vitalis quidam humor, & succus deuotionis, quo virtutum omnium radices vegetantur & augetur. Quod quidem protinus aptissima similitudine diuinus Vates explicat his verbis: Et erit tanquam lignum quod plantatum est secus decursus aquarum, quod fructum suum dabit in tempore suo, & folium eius non defluet, &c. Vt enim aqua humore suo virali arborem educat & confirmat, illamque latissimorum copia fructuum exornat: ita piorum animus meditatione rerum diuinarum alitur ad æternitatem, vberimosque virtutum fructus, & illos quidem tempestiuos edit, idemque semper virebit, nec villos vnquam æstus formidabit. Hi ergo tam magni proventus ex illo vitalis deuotionis humore prodeunt, qui ex assidua diuinæ legis meditatione procedit, per quam mens hominis vehementer in timore Domini radicatur, atque solidatur. Hæ sunt igitur radices altæ, quibus destitutum semen, quod supra petram cecidit, gestu solis arefactum est.

III.

Alia verò seminis portio cecidisse dicitur in terram spinis obstitam. Vnde id consequutum est, vt simul exortæ spinæ fruges suffocarent. Spinæ autem Dominus appellat vitæ voluptates, solitudines seculi, studiumque diuitiarum. Hæc enim omnia ita quorundam hominum corda occupant & opprimunt, vt celestis verbi semen in eis ad frugem peruenire nequeat.

Cuius rei causam non erit difficile assignare. Constat enim diuitiarum studium ab Apostolo malorum omnium radicem appellari. Quid enim non mortalia pectora cogitant sacra fames? Iam verò voluptatem malorum omnium escam esse veteres rectissime senserunt: quarum cupiditatum vitra sit humano generi nocentior ac pestilentior, nemo satis explicare potest. Certè summus ille Philosophus Architas Tarentinus apud Ciceronem in Catone Maiore, mala omnia tum publica, tum privata ab immodico voluptatum amore proficisci ait. Curarum verò examina mentem ira pungunt &

Seme inter spinas

Cicero

lacerant, ut nihil eā, nisi quod eas abigere possit, cogitare sināt. Ita fit, ut partim sceleribus, partim aculeis curarū mens nostra oppressa, nullum ex verbi Dei semine fructum germinet. His etiam adde humani cordis angustiam, quæ tāta est, ut spiritalibus & terrenis rebus simul sufficere nequeat: quod videlicet illud rerum omnium cōditor sibi vni sedem atque domicilium destinavit. Quare quod vni tantum hospiti excipiendo præparatum fuit, duos simul capere non potest. Sic calceus qui pedibus, sic manica quæ tegēdis manibus, sic gladij vagina quæ vni tantum gladio condendo facta est, nec duos simul pedes, nec duas manus, nec duos intra se gladios capere possunt. Hanc autem esse cordis nostri naturā aptissima similitudine Vates sanctus expressit, cum ait: Coangustatum est stratum, ita ut alter decidat, & pallium breue utrumque operire non potest. Strati autem appellatione cor hominis intellexit, in quo vel Deus vel mundus, hoc est, vel Dei vel mundi amor sedē sibi constituit. Quod idem angustum esse dicitur, quia utrumque simul amorem ex æquo capere non potest. Quo fit, ut qui se totum diuitiarum & voluptatum studio dedit, ad rerum diuinarum studia ineptus omnino reddatur. Quod cum sempiternus ille generis humani hostis intelligat, in hoc vnum nervos omnes intendit, ut variis nos seculi curis & cupiditatibus implicet, quo videlicet a cura & cogitatione rerum celestium abducatur: ut scilicet cura curam, & cogitatione cogitationem, velut clauū clauo pellat. Habet autem ad hoc exactores suos, quorum præcipui (ve D. Bernardus ait) duo sunt, nempe necessitas & cupiditas: quæ miserum hominis pectus perpetuo divergent, stimulant, atque dilacerant, eoque impellunt, ut omni ratione congerendis opibus incumbant; & necessitas quidē naturæ consulere intendit, cupiditas verò luxui; illa indigentia, hæc vanitati; illa paupertati, hæc voluptati prospicere contendit: vtrique autem simili studio & ardore sursum atque deorsum miscet omnia. Ex iis autem duobus humanæ mentis stimulis vter sit vehementior, non facile quisque dixerit, nisi qui definire potuerit vtra sit vehementior sitis, salicane febricitantis, an vera sitientis. Nam & æger ob incensum febris vehementissimē sitit; & sanus, cum necessario ad vitam humore defectus est, simili flagrat siti. Sic ergo & pauper qui necessariis ad vitam rebus eget, & avarus dives qui non eget, vterque vehementer sitit: ille quibus necessitati, iste quibus libidini satis faciat. Hæc ergo ratione spinæ istæ cupiditatum celestis verbi semen suffocare dicuntur.

IIII.

Hactenus ex tribus celestis seminis partibus nihil tulimus; non tamen ideo ab opere cessandum est: adeo enim messis hæc preciosa

pretiosa est, vt si vel vna eius portio ad frugem peruenierit, bene nobiscum actum sit. Ideo namq. Sapiens monet: Mane semina semen tuum, & vespere non cesser manus tua: quia nescis quid magis oriatur, hoc an illud: & si vtrumque simul, melius erit. Superest ergo quarta seminis pars, quæ cecidisse dicitur in terram bonam, ac protulisse fructum centuplum. Huius verò terræ nomine eos intelligi Saluator ait, *qui in corde bono & optimo verbum retinent, & fructum afferunt in patientia.* Bonum autē & optimum cor illud est, quod ab iis, quas suprà diximus, spinis purgatum est: quale à nobis Propheta requirebat, cum diceret: Nouate vobis nouale, & nolite ferere super spinas. Quo in loco certum est non de agrorum, sed de animorum spinis, Evangelico more Prophetam loquuti, quæ radicitus à corde euellendæ sunt, si iactum in eo verbi semen fructum ferre debeat. His autem nouissimis Dñs verbis omni, ferè quæ ad bene operandum adiumenta requiruntur, complexus est. Nam quod ait in corde bono, id quidem (vt D. Bonauentura hoc in loco explicat) ad vim pertinet intelligendi: quæ facit, vt quàm attentissimè Dei verbum, tanquam cælitus missum nuntium audiamus, & plenissimè intelligamus. Nec tamen satis est, vt attentissimè, nisi etiam auidissimè audiamus: ita vt affectus quoque intellectum sequatur, & pro dignitate rerum afficiatur; quod plane optimi cordis est. Multi enim sunt qui in corde bono suscipiunt verbum, ea videlicet intelligentes quæ dicuntur: pauci autem qui optimo, hoc est, qui pro illius dignitate & maiestate afficiuntur. Vt enim vulgò dici solet, prævolat intellectus, & sequitur tardus vel nullus affectus. Neq. hoc contenti, intellectui & voluntati memoriam adiungunt, dum verbum ipsum in corde retinent, vt, quoties opus fuerit, ad vsus & cōmodent necessarios. Quomodo fecisse Dominum ex Euangelio discimus, qui ad tentationes diaboli infringendas, reposita in memoria sanctarum scripturarum tela protulit, cum ait: Scriptum est: Non in solo pane viuit homo. Scriptum est: Non tentabis Dominum Deum tuum. Scriptum est: Dominum Deum tuum adorabis, &c. Quibus animæ viribus vim postremò addit operandi, cum ait: Fructum afferunt in patientia. Quid est, in patientia? Nimirum in variorum perpeffione laborū, quos exantillare necesse est, vt bonorum operum fructum proferre valeamus. Quam ob causam? Ob eam certè maledictionem, quæ in totum genus hominum communis peccati merito effusa est, cum Dominus dixit: Maledicta terra in opere tuo; spinas & tribulos germinabit tibi: in sudore vultus tui vesceris pane tuo. Quæ maledictio vtinam terram hanc solum, quam pedibus calcamus, attigisset, atque non etiam ad interiora vsque mentium

Eccle. 11

Quarta
seminis
portio.

Jerem.

Bonaue.

Matth.

Genes. 3

Supile.

11. 11. 11.

permeasset. Terra enim ante primi hominis lapsum sponte sua fruges fructusque ferebat: quæ tamē propter commune illud peccatum maledictioni obnoxia, spinas quidem spore sua profert, fruges autem non nisi maximo labore subacta: quoniam illarum quidē mater, harum autem veluti nouerca est, ideoque illis germinandis, veluti legitimis filiis aleodis, nunquam defatigatur: quod cōtrā in frugibus euenit, quas nō vt filios mater, sed vt priuigēos nouerca alit. Ad hunc ergo modum humana quidē natura ante peccatū sine vllō labore omnia virtutū germina proferebat, dum caro spore sua ducentem spiritū sequebatur: quæ tamen propter peccatum sui quodāmodo iuris effecta, & aduersus spiritū rebellis, concupiscit aduersus illū, arque recto deducit, nisi magno labore & contentione in officio cōtineatur. Itaque sponte sua malorum cupiditatū & cogitationum spinas germinat, quas euellere semper necesse est: fruges autem bonorum operū non nisi per laborē & sudorem producit. Itaque vt vno verbo dicā, vitiorum quidē modō mater, virtutū veluti nouerca est. Quæ res inter omnia mala nostra maximē mihi non modō deploranda, sed etiā formidanda esse videtur. Quid enim, quæso, aut miserabilius aut formidabilius, quā quod post ruinam illam vitia adeo mihi familiaria, domestica, & in promptu quodammodō parata sint; virtutes verō illæ, quibus æterna vita paratur, aliunde importandæ, aliunde cōuehendæ: quia aliunde nobis applicitæ sunt, cum à diuina gratia, quæ supra naturā est, oriantur? Itaque terra cordis nostri ad tribulos & spinas vitiorum proferendas sponte sua sine cultore fecunda est: ad harum autem virtutum germina adeo sterilis & inepta est, vt sine Dei gratia, & hominis in super industria, nihil salutare atque æternæ vitæ dignū proferre queat. Heu me miserum & infelicem, qui in eam miseriam præcipitatus sum, vt illud Apostoli verē dicere possim: Ego autem carnalis sum, venūdatus sub peccato. Ex hac autē captiuitate & miseria illud etiā sequitur, quod nullum ferē virtutis officium (præsertim cū nondum virtus consuetudine firmata est) sine labore sit. Siue enim orare, siue ieiuniis corpus macerare, siue aliene indigentie vis opibus cōsulare, siue affectus & cupiditates frenare, siue carnē spiritui submittere, siue maioribus obtemperare, siue æqualibus subiaci, siue pacem cum his, qui pacem oderūt, retinere velis, sine dubio laborandum est: sine labore enim nihil quicquam in vitā sit egregium. Quamuis autem nos in hoc studio certantes diuina non deferat gratia, quæ nobiscum cooperatur: nihilominus tamen nos quoque illi collaborare debemus, ne ab ipsa excidamus. Quibus enim maior gratia quā Apostolis data est? Et illis tamē quod cæteris omnibus dicitur,

nempe,

nempe, In patientia vestra possidebitis animas vestras. Quare Luc. 12.
quisquis centuplum eternæ vitæ fructum ferre, quisquis cum
strenuis operariis in eternæ vitæ felicitate gaudere, quisquis
momentaneo labore sempiternam sibi requiem comparare de-
siderat; is planè cum Propheta in lachrymis seminet, vt in
gaudio metat. Hoc enim sibi fidelis operarius persuasum habe-
re debet, non illi sterrendum esse ac dormiendum (odit enim
virtus desides & inertes) sed studiosissimè laborandū, vt in su-
dore vultus sui vescatur pane suo; & nunc quidē p̄diciis & in-
stitiis, postea verò eternæ vitæ fructum afferat in patientia.

DOMINICA QVINQVAGESIMÆ,

CONCIO PRIMA: IN QVA LECTIO

Euangelica explanatur.

THE. Cæcus quidam clamauit dicens: Iesu fili David, mi-
serere mei. Luc. 18.



Odierna sancti Euangelij lectio duas complecti-
tur partes, quatum altera summā Dominicę pas-
sionis; altera miraculū continet, quo Dñs petenti
cæco amisum lumen restituit. Historia sic ha-
bet: Assumpsit Iesus discipulos suos secreto, & ait illis:
Ecce ascendimus Hierosolimam, &c. vsque in finem.

A V E M A R T A.

Optimi Imperatoris officium est (fratres chariss.) milites
suos ante cōgressum armis munire & instruere. Cum verò hæc
ipsa vita, quam degimus, tot casibus & periculis obnoxia sit, vt
ea vel militia, vel tentatio in luteris sanctis appelletur: magna
Christianæ philosophiæ pars est, salutaribus præceptis pectora
nostra armare, quibus ab impendētibz vndiq. malis immunes
esse valeamus. Inter quæ præcepta non postremum illud est
quod Philosophi passim docēt, vt videlicet mala omnia que nos
infectare possunt, multo antè cogitatione præueniamus; & ad-
uersus ea spiritualibus armis accingamur. Hæc ergo de causa
cælestis Imperator discipulos suos malorum omnium, quæ illis
impendebant, frequēter admonere solitus erat. Quæ vbi latius
semel apud Ioannem exposuisset, tandem ait: Hæc locutus sum
vobis vt non scandalizemini: absque synagogis facient vos.
Sed venit hora, vt omnis qui interficit vos, arbitretur se obse-
quium præstare Deo. Et hæc facient vobis, quia non nouerunt
Patrem nec me: sed hæc loquutus sum vobis, vt, cum venerit
hora,

hora, eorū reminiscamini, quia ego dixi vobis. Hac ergo im-
pendentium malorum prædictione, nihil discipulis nec mirū,
nec novum, nec improvisum poterat accidere: ac proinde non
magis eos præsentia quā futura mala terrere debuissent, cum
non magis apud illos certa essent cum aderāt, quā cū exspe-
ctarentur. Hac ergo de causa in præsentī lectione Dominus
passionis suæ labores & certamina illis prædixit, ne ad hoc tan-
tum fulmen rudes & imparati inuenerentur. Itaq; ait: Ecce ad-
scendimus Hierosolimam, & consummabuntur omnia quæ scripta sunt
per Prophetas, &c. Si hæc discipuli intellexissent, & intellecta
animo condidissent, cum ea quæ illis prædicta fuerant impleri
cernerent, nō vtiq; mirari, sed mirari potius debuissent: cum
vel hoc argumento præceptoris sui sapientiam, virtutem, atq;
diuinitatem intelligere potuissent, ad quam solum pertinet
futura præscire.

Hanc nos cælestem philosophiam, fratres, ad mores & vitæ
nostræ stabilimentum traducere studeamus. Quia enim ratio-
ne discipulos suos Dominus ad futura mala toleranter ferenda
præparabat, ea videlicet multo antè prænuntiando; eadem nos
viri debemus, vt ad impendentia vitæ nostræ periculā præmu-
niri & armati incedamus. Quia enim, dum in hoc corpore mi-
litamus, innumera penè nos quotidie mala circumstāt, quæ de
gradu virtutis & constantiæ depellere possunt: hac salutari do-
ctrina muniri demus operam ne quod eorum improvisos nos
& imparatos occupet: sed quidquid accidere potest, multo an-
tè præcognitum & præmeditatum habeamus. ita fiet ne vlla
aduersum nos fortune inconstātia atque licentia sæuire possit.
Quod contrā iis accidit, qui more pæcudum nihil nisi sola præ-
sentia vident: quos repentina mala transuersos agunt, & in
grauissimos tum corporis tum animi languores præcipitāt. Ne
igitur id nobis eveniat, præclarā hanc Senecæ admonitionem
atque philosophiam, multis ab eo in locis repetitam atq; com-
mendatam, nobis semper ante oculos proponamus. Sic enim
ait: Id agendum est, ne quid nobis inopinatum sit, quia omnia
nouitate grauiora sunt. Hac cogitatio assidua præstabit, vt nul-
lis sis malo tyro. Et mox: Nihil miremur eorum ad quæ nati su-
mus. Imperetur æquitas animo, & sine querela mortalitatis tri-
bula pendamus. Hyems frigora adducit, algendum est. Aestas
calores refert, æstuandum est. Intemperies cæli valetudinem
tenet, ægrotandū est. Et fera nobis loco occurret, & homo per-
niciosior feris omnibus. Aliud aqua, aliud ignis eripiet. Hanc
rerum conditionem mutare nō possumus. Id possumus, ma-
gnū sumere animum, & viro bono dignum, quo fortiter for-
tuita pariamur, & naturæ cōsentiamus. Natura autē hoc quod
vides

Seneca in
Epist.

Simile.

vides regnum mutationibus temperat. Nubilo serena succedunt. Turbantur maria cum quieuerunt. Flant inuicem venti. Noctem dies sequitur. Pars cali cōsurgit, pars mergitur. Contrariis rebus æternitas constat. Ad hanc legem animus noster aptandus est, hanc sequatur, huic pareat; & quæcunq; sunt, debuisse fieri putet; nec velit oburgare naturam. Optimum est pati quod emendare non possis: & Deum (quo auctore cuncta proueniunt) sine murmuratione comitari. Malus miles est qui imperatorem gemens sequitur. Hactenus Seneca. Hanc autem commodissimam Gentilis hominis philosophiam vnicō verbo Ecclesiasticus noster complexus est, cum ait: Ante languorem Eccl. 18. adhibe medicinam. Vix autem vlla medicina cōmodior, quàm huius vitæ, quâ degimus, ingenium & instabilitatem multo antè præuidisse, ne cum nouas quotidie rerum facies, nouasq; tempestates excitat, nouos quoque in animo nostro motus & perturbaciones gignat. Iam verò quæ sit huius vitæ conditio velis agnoscere, audi Iacobum Apostolum dicentem: Quæ Iacob. 4. est vita vestra? Vapor est ad modicū parens, & deinceps exterminabitur. Quid vapore leuius? quid instabilius? Talis profectō vita nostra est. Quod planè euidentius adhuc per Prophetā Dominus significauit, cum ait: Clama. Quid clamabo? Omnis caro scœrum, & omnis gloria eius quasi flos agri. Quæ verba ita D. Hieronymus explanat: Re vera si quis fragilitatē carnis adspiciat, & quòd horarū momētis crescimus atq; decrescimus, nec in eodem statu maneamus, ipsumq; quod loquimur, dictamus, & scribimus, de vitæ nostræ parte præteruolat: non dubitabit carnem scœrum dicere, & gloriam eius quasi florem scœni, siue prata camporū. Qui dudum infans, subito puer, repente iuuenis, & vsque ad senectutē per spatia mutatur incerta: & antè se senem intelligit, quàm iuuenem se non esse miretur. Pulchra mulier, quæ post se adolescentulorum trahebat greges, arata fronte cōtrahitur: & quæ prius amoris, postea fastidii est. Hactenus Hieronymus. Quæ cum ita sint; quid miramur, fratres, si quotidie nostrarum rerū status aliam atque aliam subinde faciem commutat? Si enim hoc inter cælestia & terrestria corpora distat, quòd illa ortus & interitus atque transmutationis expertia sunt, hæc autem quotidianis mutationibus cōuolantur: quis, quæso, mirari debeat, si mortalia moriuntur, & mutabilia mutantur? Si nemo quòd terra deorsum, & ignis feratursum, demiratur (quòd tales motus his elementis natura insiti sunt) quid, quæso, tibi aut nouum aut inusitatū accidisse quereris, si, quæ natura mutabilia sunt, suam rerinent sequunturq; naturam? Huius igitur instabilitatis & mortalitatis nostræ cōsideratio, ad calamitates & incōmoda vitæ moderatè ferenda,

magnum adiumentū affert. Hoc ipsum enim D. Augustinum in maximo mœrore consolabatur. cū, vastata à Vandalis tota Africæ provincia, ciuitas quoque Hipponēsi, in qua ipse erat, obsideretur. Vt enim Possidonius in eius vita memorat, cuiusdam se sapientis sententia in tantis malis consolabatur, qui dicere solitus erat: Non magnus erit, magnum esse putans, quod cadunt ligna, & lapides, & moriuntur mortales. Quod quidem perinde est ac si diceret: Sicut non est magnum & inuisitatum, sed naturæ maximè consentaneū, quod ligna & lapides deorsum ferantur: ita nec mirum esse debet quod mortalia moriantur, cū id quoque ab eadem naturæ conditione proficiscatur.

Ecclesi. 11.

Huius igitur admonitionis summa est, vt illud Ecclesiastici cōsiliū ante oculos proponamus, videlicet vt in die bonorum nō immemores impendentium malorum simus, hoc est, vt in secundis rebus, aduersas etiam, quæ superuenire possunt, nō obliuiscamur. A qua tamen admonitione vsque adeo impericium vulgus hominū abhorre solet, vt nō modò hac præparatione animi vti nolit, sed etiā si quis paulo prudentior fortunatis istis hanc philosophiā proponat, eosque hac ratione ad futura mala præmunire velit; cū indignatione & fastidio, tanquā morosus & intempestiuus homo, & veluti sinistrum aliquod omen repellatur. Quam eorum demētiam infauti atque improuisi malorum euentus frequenter coarguunt; cū eos repentina mala imparatos inuadunt, eosque in barathrum desperationis atque mœroris coniciunt. Cū igitur discipulis Dominus omnia passionis suæ probra atque supplicia summatim prædixisset; ipsi tamen (ait Euangelista) nihil horum intellexerunt: & erat verbum istud absconditum ab eis, & non intelligebant quæ dicebantur. Quid est, quod discipuli rem adeo conspicuam non intelligebant? Quibus enim verbis hoc apertius exprimi potuit? Nimirū quia rudes adhuc in schola Christi, nec mysteriū redemptionis nostræ, nec Dominicæ passionis gloriam agnoscebant. Et quia magistrum suum impensè diligebant, mortemque eius molestissimè ferebant; ideo quodd nullo modo esse vdebant, nullo modo intelligebant. Amor enim, & odium, & quicunque alius impotens affectus, rationis iudiciū vehementer excecet, ne verū despiciere valeat. Hinc cæteri Iudei, qui simili erga Dominum amore affecti non erant, facile quidquid hac de re dixisset, quamuis esset obscurius dictum, intelligebant. Cū is enim aliquando dixisset, Oportet exaltari filium hominis (de cruce videlicet supplicio agens) illi apertè rem, de qua agebat, intellexerunt, & ad rem appositè responderunt, dicentes: Nos audiuius ex lege, quia Christus manet in æternum: quomodo tu dicis, Oportet exaltari filium hominis? quis est iste filius hominis?

Ioan. 3.

hominis: Itaque prolatam de morte Domini sententiam, quia nec vitam eius diligebant, nec mortem oderant, facile intelligere potuerunt: quod tamen discipuli affectui non sunt, quoniam longe aliter erga magistri vitam & mortem affecti erant.

Hanc esse reor causam, fratres (ut hoc etiā ad mores nostros traducamus) cur homines tam facile aliorum fragilitatem & mortalitatem intelligant, suam non intelligant: quia cum non perinde alienæ vitæ atque suæ amore capti sint, facile aliorum mortalitatem agnoscunt, suam non agnoscunt, nimio videlicet sui amore mentem eorum excæcante. Quo fit, ut, quod nullo modo esse volunt, nulla ratione tam citò futurum credant. Itaque magnificè de generis humani fragilitate philosophantur, & mortalitatis legem omnibus communem esse prædicant, vitamque nostram velut censum quendam necessariò persolvendum esse definiunt.

Cumque hoc facile de cæteris profiteantur, nec eis aliorum mors aut nona aut immatura esse videatur, de se tamen non eadem sentiunt. Tacita enim quædam persuasio intus latens bono eos animo esse iubet, quæ diuturnam ætatem, nulla satis firma ratione dictante, sed naturali vitæ amore suadente, sibi pollicetur. Hinc Diuus Hieronymus in Epitaph. Nepot. Quo-
tidie, inquit, morimur, quotidie cōmutamur, & tamen æternos nos esse credimus. Hinc videas frequenter sexagenarios homines & amplas domos à fundamētis erigere, & pecuniis congerendis avidissimè inhicere: quod certè non facerent? si mortem illis in foribus adesse crederent. Quid enim dementius, quàm quo minus superest vitæ, hoc plus viatici congerere? Videas rursum alios in hac ipsa ætate, quæ & morti & rationi reddendæ adeo propinqua est, salutis suæ atque reddendæ rationis immemores; qui multos annos in sceleribus suis obdurati perseverent, aut alienum detinentes, aut inueteratas inimicitias fouētes, aut in libidinum suarum cœno iacentes: qui nullis neque clamoribus, nec persuasionibus, nec terroribus, aut diuinis promissis ad pietatem & iustitiam reuocari volunt: sed tam diu more iumentorum in peccatorum suorum stercore computrescunt, donec eos mors inter fugitia sua imparatos deprehendat. Cum hoc igitur ita sit, quæ ratione isti vidēre, aut etiam respirare in tanto salutis suæ discrimine possent, nisi eos falsi hæc opinio fulciret, & in spem vitæ longioris adduceret? Qua spe frētī, & voluptatibus sæculi persfruendis, & eisdem penitentia lachrymis abluendis, tempus & vitæ spatia superesse credunt. At longè aliter sanctus quidam vir affectus erat, qui, ut Guido Bituricensis refert, cum iam senex ab amico in crastinum vocaretur ad cōuiuium: Cur me (inquit) ^{Guido Bituricensis.} vocas

vocas in crastinum, qui à multis iam annis crastinū non habui, sed mortis aduentum in singulos dies expectauit? Sed iam & nos & discipulos Domini missos facientes, ad cæcum, qui à Domino in præsentī lectione illuminatus est, veniamus.

I.

Factum est (ait Euangelista) cū Dominus appropinquaret Hiericho, cæcus quidā sedebat secus viā mendicans. Et cū audiret turbam prætereuntem interrogabat, quid hoc esset. Dixerūt autem ei quod Iesus Nazareus transiret. Et clamauit dicens: Iesu fili David, miserere mei. Et qui præibant, increpabant eum ut taceret: ipse verò multo magis clamabat, Fili David, miserere mei. Habemus hoc in loco, fratres, quid mundus faciat, cū homines, eo relicto, ad Christum conuertuntur: quidque contrā hoc tempore nos ipsi facere debeamus, cū à mundo imperimur. Mundus enim, si ab eo deficiat, si mores eius in se alteris, si amicorum eius contubernia fugias, si eius leges & præscripta cōtemnas, si aliud viuendi genus, quā quod ipse probat, sequaris, in clamat protinus, acculat, persequitur, nouis que atque fœdis nominibus, quæ ipse excogitauit, & seipsum, & quæ facis omnia vituperat. Vetus enim mūdi mos est, cōfictis nominibus & virtutes obscurare, & illustrare vitia: dum vitiiis quidem honorifica, virtutibus autem ignominiosa nomina frequenter imponit. Quid igitur nos hoc tempore facere par est? Nimirum cæci huius constantiam imitari, qui vocibus populi interpellatus, adeo à clamādi & orandi officio non destitit, ut multo etiam magis clamaret: Iesu fili David, miserere mei. Cur enim mundi vocibus fidem adhibere, aut ab instituto pietatis cursu reuocari debeamus? An non eius teteri ima illa vox fuit: Non hunc, sed Barabbam? Hæc enim furentis mundi postulatio fuit, quæ seditiosum Barabbam innocentia fontis & auctori vitæ antetulit. Quomodo ergo ei fidē habeas, quem adeo mendacem expertus es? Has ergo voces omnes velut Sirenarum cantus surda aure transire debemus, quas cōtemnere magis quā timere nos decet. An non videtis generosum canem, cū in via pergentem catelli hinc atque inde oblatrantes & morsu minantes insequuntur, quomodo is contrā nec oblatratur, nec oblatrat, nec se, cū facile posset, aut morsu, aut latratu defendere, nec adspicere eos quidē dignatur: sed fortitudinis suæ, alienæque imbecillitatis cōscius, omnia illa generoso corde contemnens, in itinere suo securus graditur? Quam ergo magnanimitatem irrationale animal præstat, hæc & ratio, & fides, & diuinæ auctoritatis testimonium nō præstabit, quod voces illas dānat, & virtutis atque pietatis institutū adeo commendat? Fungatur mundus officio suo, tu fungere tuo. Illius est bellum piis inferre: tuum est animam tuam strenuè fortiterque

Simile.

verèque tueri. Illius est quod D. Hieronymus in Epist. quadam
ait: Solarium malorum est, bonos carpere, dū peccantium mul-
titudine culpam putant posse minui delictorum: nostrum ve-
rò sit, hostis huius maledictis aures obturare. Deniq. officium
mundi est, eos insectari, qui non probant quod ipse facit: quem-
admodum vinolenti homines facere solent, qui iniuriæ loco
ducunt, si in comportionibus suis à vino abstinere velis. Ma-
los enim (vt D. Cyprianus ait) quisquis nō irritatur, offendit.
Officij verò nostri est, Dei magis quàm stultorum hominum
offensam perimere. Caterum quisquis mundi vocibus ita
deterretur, vt à cēpto virtutis curriculo retrocedat, non minùs
stultè agat, quàm hic cæcus fecisset, si propter importunos ho-
minum clamores à clamoris sui officio destitisset. Vtrumque
enim lumen, & corporis & animæ, quod clamoribus suis im-
petrauit, amisisset.

III.

Cū ergo cæcus repetitis vocibus misericordiam Domini
imploret, iste ipse Saluator dicitur, & ad se illum adduci præ-
cepisse. Cur, quæso, clementissime Domine, tam diu illum cla-
mare permisti? Cur ad primam eius vocem nō statim lucem
reddidisti? vt celeritate donandi doni gratiam cumulares? An
te lateat nihil esse tam carū, quàm quod precibus emittitur? Non
de fuerunt enim qui dicerent: Malo emere, quàm rogare. Sed
certè hac breui mora non solū deuotionem, fidem, atq. perse-
uerantiam cæci Dominus acuebat, sed nobis etiam prospicie-
bat, ne dilatione donorum, quæ ab ipso petimus, spem protinus
abiceremus. Sunt enim qui nisi statim quod postulant asse-
quantur, animum deponunt, & ab orandi officio desistunt; fru-
stra se diuinas aures pulsare arbitantes. Hi planè illius Domi-
nicæ promissionis obliui sunt, qui per Lucam proposito impor-
tuni amici intempesta nocte panem petentis exemplo, tādē
ait: Et ille si perseverauerit pulsans, dico vobis, & si non dabit
illi surgens eo quod amicus eius sit, propter improbitatem ta-
men eius surget, & dabit illi quotquot habet panes necessarios.
Tantū enim orandi perseverantia potest, vt, quod amici nomi-
ne non mereris, perseverantia consequaris. Hinc D. Greg. hoc
in loco ait, Dominum quidē, cū cæcus interpellaret, à cēpto
itinere non ilico destitisse: sed vbi ille magis ac magis orando
perseverauit, tūc demum restituisse; atq. illum ad se adduci præ-
cepisse. Itaque quod simplici petitioni negatum fuerat, perse-
uerantiæ datum est. Sed quid miramur orationem (quæ adeo
potēs est si assidua fuerit) tantū apud misericordiæ parentem
valere? Quid enim blandius aqua? quid durius lapide? Si ergo
gutta aquæ, assiduitate cadēdi, durissimos etiā lapides molit, &

exauat: quid non faciet oratio; quæ velut sagitta quadã est, si assidue paterna illa Dei nostri viscera feriat? Si enim quod durum est molli cedit, dum frequenter impetitur: quid faciet piissimum illud pectus iaculo orationis assidue pulsatum? Orationis ergo perseverantiam, fratres, velut certissimum quandam diuinæ misericordiæ obfidem existimare debemus. Pete ergo, & iterum atque iterum fores diuinæ misericordiæ pulsa, sciens quia omni pulsanti apertitur. Moses quidam iussus à Deo, virga petram percussit: quæ cum primo ictu aquam non fodisset, secundo copiosissimam vndam sitienti populo propinavit. Sic igitur nos assiduis precibus diuinæ miserationis non quidem lapidea, sed tenerrima viscera pulsemus: nõ dubium enim quin suo tempore salutarem nobis miserationis suæ aquam fundat. Hoc est ergo quod Saluator nos hac breui expectationis mora docere voluit.

Num. 20. Quum is ergo cecum aũ se adduci iussisset, illi ipsi, qui prius clamante interpellabant, modò contrà consolantur, ita uentque dicentes: *Anima quior es, ecce vocat te.* Hoc in loco mysticè implectum esse videmus quod D. August. ait: Cum Christianus bene viuere, ac bonis operibus feruere, mundumque contemnere cœperit, in ipsa statim nouitate operum suorum reprehensores patitur, & contradictores. Si autem perseuerauerit, eosque perseverando superauerit, in idipsum iam illi obsequuntur, quod antea prohibebant. Hoc quodidie fieri videmus: ubi enim adulescens filius aut filia à virginitate atque deliciis & vano seculi ornatu ad virtutis studium traducuntur, nullos ferè actores hostes quàm affines atque parentes habent, qui formidare incipiunt, quæ tandem exitum noua illa vitæ institutio habitura sit: vt appareat verè Dominum dixisse, Inimici hominis domestici eius. Vnde quemadmodum discipuli Dñm supra mare ingredientem phantasma esse credebant, ita isti quoque. Christum Dominum in filiis habitantem phantasma esse putat. At ubi eis virtutis perseverantia timorem hunc ademit, ubi eorum oculos virtutis & honestatis splendor illustravit, ubi sanctitatis suauissimus odor oblectauit: tum demum Christum esse intelligunt, quem antea spectrũ esse putauerat, & summo sibi ornamento solatioq. futurum sperant, quod tanquam ingens periculum antea formidabant. Atque ita demum qui ante eos à cœpto itinere renocabant, nunc, more huius turbæ, ad inceptũ virtutis curriculum instigant.

Vbi ergo circũ hanc turbæ vocẽ audit, proiecto vestimento (vt Marcus ait) exiliens venit ad Dñm. Tanto enim lucis desiderio tenebatur, vt omnis ei celeritas in mora esset, & ipsam quoque vestem propter grauem esse putaret. Neque hoc mirum videri debet. Est enim (vt Aristoteles ait) rarus in homine lucis

locis huius videnda amor, vt inter omnes corporis sensus videndi facultas maxime diligatur. Quia cum homines natura scire desiderant; & hic sensus plurimas reru differentias ostendat, maxime ab eis diligitur. Si igitur tanta celeritate cæcus hic ad corporeum lumen accipiendum properabat; quid nos facere par est, vt spirituale mentis lumen à Domino consequamur? Magnus Antonius (vt Palladius refert) cum Didymum oculis captum inuisisset, eumq. de rebus diuinis mirabiliter differentem non sine magna admiratione audiisset, & ab eo quesisset num orbitatem illam moleste ferret; isque tacendo magis quam loquendo animi sui motore indicasset: Cur (ait sanctus vir) grauius fers quod his oculis cares quos formica habent, cum eos tamen habeas qui tibi cum Angelis communes sunt? Non abnuo igitur iucundissimam esse externam lucis huius ysuram: sed quanto preciosius, quanto dignius atq. sublimius internum diuini Spiritus lumen est, quod nobis est commune cum Angelis, quo non Solem, Lunam, cæteraq.ue astra videmus, sed quo summam illam diuinam pulchritudinem speciem contemplamur? Quod si tanta celeritate cæcus iste ad hoc externum lumen percipiendum properabat, vt palliū properanti graue esset: qua nos, queso, auaritate ad internam mentis nostræ lucem percipiendam currere debemus, qua summum bonum agnoscere, diligere, possidere, & miris in eo deliciis frui valeamus, quibus pij homines in hac etiam vita perfruntur? O si nunc, fratres, Spiritus ille celestis hanc tantam piorum felicitatem nobis aperiret, quo ardore, qua auaritate ad illam festinaremus! quamq. stulta nobis illorum oratio videtur, qui hoc negotiū vel ad extremam ætatem, vel ad mortem, aut in aliud tempus vel occasionem differre suadent! Quamcunque enim vel exigua mortem planè longissimam crederemus; dumq. negotium hoc differretur, ipsa intra nos viscera distrumpi putaremus, continuifque Dominum precibus cum Propheta pulsaremus: Domine ad adiutadum me festina. Domine ne moreris, Deus meus ne tardaueris: sed accelera vt eruas me. Mulier illa quæ Heli-
seum hospitio excipere solita erat, vbi vnicum quem habebat filium mortuum vidit, in montem Carmeli ad virum Dei iumentis in fideus, quanta potuit celeritate contredit, puerumque se insequentem urgebat acriter, dicens: Festina, ne mihi mortuam facias in cūdo, & hoc age quod dico. Scilicet charissimo filio mortuo vitam quaerebat; quam fortasse eo facilius, quo celerius, à viro Dei impendi posse mellebri errore arbitrabatur. Si tu ergo ita animæ tuæ mortē, sicut ista filij, deplorares, & quid esset in corpore viuo mortuam gēstare animam cogitares: non dubito quin simili festinatione atq. studio illius vitam & salutem quæreres.

Animus

Palladius

4. Reg. 4.

in 107

in 107

80114

quæres. Sed quoniam hæc te mors omnino later, tor morâ
 causas necdis. Quid (inquis) mundus, quid noti & consanguine
 mei dicent, si hanc nouam viuendi rationem ingrediar? quomo-
 do verò veteres amicos, aut consuetas voluptates, aut diutur-
 nam vitæ consuetudinem, aut etiam lucra, quæ mihi ex hac
 viuendi ratione proueniunt, deserere poterò? O te miserum! &
 infelicem! Si oculos habes quibus lucra mundi videas: cur non
 etiam habes æternæ vitæ lucra pariter & damna conspicias?
 Si tanta cura provides quod crastina die velis nolis amissurus
 es, cur non simili cura provideas quod nunquam finiendū est?
 Si adeo sollicitè attendis quid mundus dicat (qui multorum ca-
 pitum bellua est) cur non attendas etiam quid Deus ipse tibi &
 dicturus & exprobraturus sit? Quid ergo istis ænisi immora-
 ris? cur te res nihili ab hoc tanto negotio remorantur? Sanctus
 ille adolescens Ioseph, cum pudicitiam suam tueri nisi pallio
 relicto non posset; pallio maluit quàm pudicitia carere. Itaque,
 relicta in manibus adulteræ veste, nudus profugit ab ea. Ad
 hunc ergo modum cæcus noster, vt celerius ad Christum prope-
 rareret, pallium in ipso itinere reliquit. Cuius variusque exem-
 plo monemur, vt omnia, quæ salutē nostram vel impedire vel
 remorari aliqua ratione possunt, quàm ocysimè relinquamus;
 ne incomparabilem animæ nostræ thesaurum hac tant leui oc-
 casione amittamus. Si enim propter torius corporis salutem
 (quæ paucorum dierum est) præcipua corporis membra ferro
 & igni crucianda tradimus: cur non vestem cæteraquæ inania
 impedimenta relinquimus propter vitam illam quæ æternam
 duratura est?

Cum ergo cæcus ante Dominum adstitisset, interrogauit il-
 lum Dominus: Quid tibi vis faciam? Cur, quæso, Domine, hoc
 ab illo requiris? An ignoras forsitan quid is velit? Nōne cla-
 mores eius hoc prædicant? Nōne oculi eius vel ipso tacente
 clamant? Quid enim cæcus à fonte lucis, nisi lucem quærat?
 Sed hæc tamen Domini interrogatio cōsilio non vacat. Vult
 enim hac interrogatione nobis insinuare, vt quā fiducia filij ad
 parentes impendente aliqua tēpestate confugiunt, eiusq. cala-
 mitatem suam familiariter aperiunt; eadem ad illius nos plus
 quàm paterna viscera confugiamus, illiq. causam nostram ape-
 riamus, propheticum illud implentes: Reuela Domino viam
 tuam, & spera in eo, & ipse faciet. Et illud item Hieremiæ:
 Con surge in nocte, in principio vigiliarū, & effunde sicut aquā
 cor tuum ante Dominum. Hoc est, quidquid in penetralibus
 animæ tuæ laret, quidquid vrget, ante illum profer, omnemque
 sollicitudinem tuam in illum proice, quoniam ipsi cura est de
 nobis. Sic olim Ezechias Rex fecisse legitur: qui, quas literas

mina-

Gen. 39.

Psal. 36.

Thren. 2.

minarum & blasphemiarum plenas à Sennacherib Rege Assyriorum acceperat, ascendens in templum, expandit coram Domino: perinde enim ac si Dominum coram videret, ita literas ante illum proposuit: vt hac ratione intelligamus, qua fiducia sanctus ille Rex ad Dominum confugerit: qui quasi cum amico familiariter agēs, ita literas ante eum velut ab eodem legendas expandit. Simili consilio huius pater David in omni calamitate ad hoc salutare præsidium se confugeret, solitum testatur cum ait: Effundo in conspectu eius orationem meam, & tribulationem meam ante ipsum pronuncio, in deficiendo ex me spiritum meum. Psal. 141

Neque verò timendum est, ne sic ipsi Domino assiduis clamoribus nostris fastidiū pariamus. Si enim molestæ ei essent preces nostræ, non eas utiq. tanto studio à Sponsa sua exigeret, Cant. 2. cum ait: Ostende mihi faciem tuam, sonet vox tua in auribus meis: vox enim tua dulcis, & facies tua decora. Et alio quoque loco: Quæ habitas (inquit) in hortis, amici auscultant: fac me audire vocē tuam. Inter flores enim fructusq. virtutum, nō in plateis habitans fidelis anima, sanctos Angelos habet eā auscultantes: qui libetè adstant orantibus, & assistunt meditantibus. Cuius deuotissimos clamores Spōsus audire cupiens ait: Quæ habitas in hortis, amici auscultant, &c. Itaque tantum abest vt molesti sint cælesti Sponso voces nostræ, vt eas tanquā gratissimum canticum in auribus suis insonare velit. Sed ais: Cur, si Dominus nobis opē ferre desiderat, à nobis prius orationem exigit? An nō ipse potest vel nō rogatus quidquid opis voluerit ferre? Poterit sanē, id quod non raro efficit: sed quoniam ipse suauiter disponit omnia, ita frequētè munera sua impartitur, vt donationem præcedat oratio: vt prius suppliciter petamus, quæ ab eo misericorditer impetraturi sumus. Volebat olim Dominus Hieremiam Prophetam, in carcere clausum, rerum maximarū prædictione consolari: quē prius tamen ad hoc ipsum perendum excitauit, dicēs: Clama ad me, & exaudiam te, & annuntiabo tibi grādiā & firma quæ nescis. Quid igitur? An non poterat Dominus afflictum moerentemq. Prophetam tantarum rerum significatione exhilarare, nisi hoc ipse prius clamando impetrasset? Poterat planē: sed hac tamen ratione precationis virtutem voluit declarare, qua pleraque eius munera piis hominibus donantur. Ideoque non mirum si ab hoc cæco ipse requiratur: Quid tibi vis faciam? Cui ille respondit, Domine vt videam. Ait illi Iesus: Respice. Quo vno verbo ita eius oculi illuminati sunt, ac si nō oculis captus, sed à somno excitatus videretur. Nec corporis tantum oculi, sed animæ etiam fidei lumine irradiati sunt, quando ei protinus dicitur: Fides tua te sal-

Cant. 8.

Hier. 33.

um fecit. Quæ videlicet antea quidem imperfecta, modo vero noua luce illustrata & aucta est. Nec solum oculi, sed etiam eius apertum est: dum Christum sequitur, magna voce laudes eius prædicans, populumque exemplo suo ad easdem prædicandas inuitans.

Hunc igitur, fratres, cæcum nobis in exemplum orandi proponamus, atque ita simili fide, similiq[ue] aueritate & perseuerantia hoc petamus quod ille petiit: nempe internam animæ nostræ lucem. Cæci enim sumus; quodq[ue] grauius est, ab vtero matris cæci. Hoc est enim quod toties regius Propheta petit, vt cum ait: Illumina oculos meos, ne vnquam obdormiam in morte. Et, Quoniam tu illuminas lucernam meam Domine. Dens meus illumina tenebras meas. Tenebræ verò meæ sunt cupiditates, & affectus mei, qui frequentissimè intellectum meum ita excecant, vt verum videre vix possit. Tenebræ item sunt innumeri mundi huius, in quo versor, errores, & quidem tenebræ horribiles atque palpabiles, quales Aegypti erant, in quibus totus penè mundus iacet. Tenebræ quoque sunt omnia ferè quæ oculis vsurpo, quæ me videlicet pulchritudine & specie sua fallere contendunt: quæ cum aliud sint, aliud loquuntur; aliud in fronte, aliud in recessu promittentes: quando quæ temporaria, fluxa, atque inania sunt, velot firma, stabilia, & pretiosa sese mihi offerunt. Tu ergo fons lucis, & misericordiarum Pater, inter tot tenebras incedentem comitare semper, & clarissimo veritatis tuæ radio eas à me depelle: vt vera rerum pretia æstimare sciam, ne falsa inanum rerum imagine fallar. Ad hoc enim tu lux in mundum venisti, vt eos illuminares, qui in tenebris & vmbra mortis sedent. Hoc enim de te Propheta significauit, cum ait: Quasi diluculum præparatus est aduentus eius. Sicut enim aurora diluculo confurgens splendore suo tenebras fugat, & rerum omnium veras facies, quæ in tenebris latebant, aperit: sic planè lux tua Domine ita mētis nostræ oculos illustrat, vt res omnes non de vulgi errore ac tenebris; sed ex earum natura & conditione metiamur. Sic enim fiet, vt hac celesti luce perfuncti, rerum dignitatem agnoscentes, id diligamus quod diligendum est, id contemnamus quod meritò contemnendum est: vt ita demum ex claritate lucis procedat ordo amoris, in quo ordine virtus omnis posita est. Hanc igitur lucem petamus, fratres, vt ex huius vitæ caliginosa & obscura nocte ad meridianam illam lucem venire mereamur, in qua diuinæ pulchritudinis speciem facie ad faciem cōtemplari valeamus: Præstante Domino Iesu Christo, qui est benedictus in secula seculorum. Amen.

IN EADEM DOMINICA QVIN-

QVAGESIMÆ, CONCIO SECUNDA: QVÆ
priorem lectionis Euangelicæ partem enarrat: in
qua paulo latius explicatur quonam modo sub
externa Dominicæ passionis ignominia (qualem
tunc Apostoli iudicabant) summa diuinitatis glo-
ria delitescat; dum, abscondito ad tempus splen-
dore maiestatis, bonitatis & misericordiæ diuinæ
gloria longè clariùs patefacta est.

THE. Ipsi nihil horum intellexerunt, & erat verbum istud
absconditum ab eis, & non intelligebant quæ dicebantur.

Lucæ 18.



Via tēporis angustia, fratres charissimi, ad totam
Euangelicæ lectionis seriem explanandam spa-
tium non suppeditat: priorem eius partem (quæ
de passionis Dominicæ sacramento agit) in præ-
senti Concione tractare decreui. Sed priusquam
partis huius explanationem aggrediar, lectionis Euangelicæ
historiam summatim percurram. Ait igitur sanctus Euange-
lista: *Assumpsit Iesus duodecim discipulos suos secretò, & ait illis: Ecce
adscendimus Hierosolimam, & consummabuntur omnia quæ scripta sunt
per Prophetas de Filio hominis. Tradetur enim Gentibus, & illudatur; &
cætera quæ sequuntur vsque ad finem.*

A V E M A R I A.

Cū in huius lectionis exordio passionis sue Dñs summam
complexus fuerit, quarendum primo loco esse videtur, quo
consilio Ecclesia hoc tempore (quo in foribus Quadragesimæ
sumus) Dominicæ passionis memoriam (quæ alio tempore ce-
lebranda est) nobis ante oculos ponat. Huius rei ea mihi causa
fuisse videtur, quòd hoc tempore fideles ieiuniis, vigiliis, ora-
tionibus, & lachrymis vacare debent, in quo etiam viris om-
nibus, prauisquæ cupiditatibus valedicere, libellumquæ re-
pudiij dare tenentur. Ad vtrumque porius, quàm Dominicæ
passionis commemoratio. Quid enim aduersus peccatū
odium accendere magis animum potest, quàm mortis Christi
consideratio, quam ille propter peccata hominum diluenda
pertulit

perulit? Quale enim illud malum exstitit, quod tali sacrificio expiandum fuit? Quid verò ad ferendos poenitentiae labores magis incitare debeat, quam laborum eorum consideratio, quos pro sceleribus nostris diluendis sustinuit Dominus maiestatis?

Exod. 15.

Typus

Cum filij Israël in deserto siti conficerentur, nec aquam nisi amarissimam ad bibendum haberent, Moses à Domino sitiens populo aquam postulavit: Dominus verò lignum illi ostendisse dicitur, quod aquis immissum, ex amarissimis dulces reddidit. Quid, quæso, necesse fuit, rerum omnium conditorem hac noua ratione aquas dulcorare? An qui amaras verbo suo fecerat, non potuisset verbo iterum dulces reddere? Qui verò conuenit ligno aquarum naturas immutare? Quis autem adeo stupidus erit, qui non hæc arcanum aliquid adumbrari credat? Quid verò conuenientius hoc in loco, quam vitalis atque salutiferi ligni virtus designatur? Hoc enim lignum est quod amaras laborum atque dolorum aquas in dulcedinem vertit: hoc est, quod virtutis amaritudinem suauem facit: quod asperitatem poenitentiae molliat: quod calamitates & ærumnas huius vite mitigat. Hoc enim sanctorum martyrum, hoc virginum, monachorum, & anachoritarum labores mita modo lenij & temperauit. Verum enim illud est quod quidam ex Patribus ait: Si passio Redemptoris ad memoriam reuocetur, nihil est quod non æquo animo toleretur. Quomodo enim reus pro peccatis suis labores perpeti recuset, qui fonte illum innocentiae, ac Dominum maiestatis videat pro alienis sceleribus tam dira & indigna pertulisse? Opportune ergo hoc sacratissimo ieiuniorum & poenitentiae tempore Dominicae passionis memoriam Ecclesia refrigerauit: vt hoc exemplo nos ad poenitentiae labores inuitaret. Sicut enim elephatibus (vt est in libris Machab.) sanguis vultu mori ostendebatur, quo sanguineo colore inspecto, ad precellum acrius incitarentur: ita plane sanguis Christi oculis nostris exhibitus, ad spiritualia cum antiquo serpente certamina acnere debet: ne erus iterum seruituti subiiciamur, à quo nos ipse per cruorem suum misericorditer liberauit.

Opportune etiam tribus iis ante initium Quadragesimae diebus, quibus multi hominum frena ventris, gula, crapula, omniaque intemperantiae laxare solent, Dominicae passionis acerbitas ante oculos ponitur: vt hoc eodem exemplo sese contineant, nec se feros comestationibus, ebrietatibus, stultaque latitiae decendant. Meminisse enim debemus, aliter sub lege, aliter sub gratia dies festos celebrandos esse. Iudeis enim tanquam in carnali lege viuētibz dicebatur: Epulaberis in omnibus bonis quæ dederit tibi Dominus Deus tuus, tu & filius tuus, & ancilla tua, & Leuitæ qui est intra portas tuas. Modò verò cum nox praecell-

Deut. 26.

Rom. 13.

*Quo tempore in
ianuis habemus
poenitentiam
& ieiunium*

1 Machab. 6.

cesserit, dies autem appropinquauerit, nobis dicitur: Non in comessationibus & ebrietatibus, nō in cubilibus & impudiciis: sed induimini Dominum Iesum Christum, & carnis curam ne feceritis in desideriis. Sed iam ad ipsum Dominicæ passionis mysterium veniamus.

Cū ergo varia passionis suæ probra atq. supplicia breuiter discipulis Saluator proposuisset, subdit protinus Euangelista: *Et ipsi nihil horum intellexerunt, & erat verbum istud absconditum ab eis, & non intelligebant quæ dicebantur.* Multis verbis idem penè significantibus hanc discipulorum ignotatiam Euangelista describit: vt hac videlicet ratione mysterij huius altitudinem declararet, quod splendore suo ita discipulorum mentes perstrangebatur, vt apertissimis etiam verbis propositū minimè assequeretur. Sed mirum profecto est, Christi discipulos, qui triennio iam in eius schola versati fuerant, rem adeo aperte expositam non intellexisse. Quibus enim verbis hoc apertius potuit significari? Hic nullo ænigmate, nulla parabola res obsecratur, sed propriis & significantibus verbis manifestè proponitur. Quæ enim à vobis, o discipuli, sciatis quid nomē Filij hominis significet? Scimus planè. Scitis rursum quid sit flagellari, illudi & conspui? Et hoc quoque nouimus. Iungite igitur vtrumque, hoc est, Filius hominis flagellabitur, illudetur, & conspuetur. Hoc planè, inquit, quid sibi velit, ignoramus. Apparet itaque hoc in loco discipulos, priusquam plenitudinem Spiritus perciperent, puerorum primæ literarum elementa discendum similes existisse. A quorum aliquo si roges quonam modo hoc elementum A appelleretur? respondebit A. Et hoc B? rursum respondebit B. Iunge igitur vtrumque. Frequenter hæret, & nescit quid vtrumq. simul efficiat. Ad hunc modum discipuli huius sententiæ partes sigillatim intelligebant, earum tamen coniunctionem & convenientiam minimè assequébantur. Quomodo enim conuenire crederet, quod Filius hominis (quæ Dei Filius, quem Saluatorem mundi, vtrumque Messiam confitebatur) tot in diuitiis & iniuriis afficiendus esset? Ad latrones enim pertinet flagellari, ad blasphemos conspui, ad stultos illudi, & ad parricidas crucifigi: sed vnigenitum Dei Filium, promissumq. mandatum Regem atq. Saluatorem tot supplicia perferre, totque probris & contumeliis subiici, qui conuenire potest? Hoc planè non intelligimus: huius rei consonantiam atque convenientiam non assequimur: ideoque nō intelligimus: quia quod intelligimus, nullo modo dicere credimus. Hæc igitur ignorantia pro illius temporis ratione discipuli laborabant: ideoque maximam diuinæ bonitatis gloriam sub hac humilitatis specie latèrem minimè videbant. Expositus olim fuerat à matre iuxta fluminis

simile.

Exod. 3

alveum in fiscella scirpea paleis & luto obrita pulcherrimus infans Moyses, quod ubi Pharaonis filia venisset, aperta quae fiscella elegantissimum infansem reperisset, eximio eius pulchritudinis amore capta, adoptavit in filium. Quod igitur illic sese oculis primum offerebat, vilissimum atque deformem erat: quod verò intus conditum latebat, speciosum atque pulcherrimum. Hanc igitur duplicem nobis formam exhibet Christus Dominus: extra quidē crucifixus, plagis lividus, flagellis catus, spinis coronatus, deformem leprosi speciem & imaginem praefers: qui tamē intus erat candor lucis aeternae, speculum sine macula divinae maiestatis, & imago bonitatis illius. Hiscē igitur oculis Christum Dominum contemplari discipuli debuissent, his & nos illū contemplari debemus, ne scandalo crucis offendamur, sed potius impervestigabiles divinae bonitatis & misericordiae divinas, in ea latentes admiremur. Hoc igitur argumentum in reliqua huius Concionis parte tractare constitui, si vos tamen & dicentem precibus iuvetis, & attentiores mihi aures praebere velitis: quandoquidem non ita facile sit intelligere quod Apostoli ipsi tunc temporis assequi non potuerunt.

Prima
propositio.

Principiū illud ante omnia statuendum est, quod cum Deus immentia quaedam & infinita virtutum omnium & perfectionū abyssus sit, nihil tamē in eo iudicio nostro gloriosius & magnificentius eius bonitate & misericordia esse putatur. Quāvis enim omnia in illo paria sint, quia omnia in eo vnum sunt: nos tamē, nostro more iudicantes, nihil eius bonitate & misericordia praestantius esse dicimus. Sicut enim in terreno principe, qui & divitiis, & potentia, & robore, atque pulchritudine corporis, & virtutis praestantia ceteros antecellit, solam virtutem commendamus, qua nemo malē uti potest, cuique vni potissimum debetur honor (ceteris enim & malē & bene uti contingit) ita etiam in Deo nostro cum omnia laudatissima sint, illius tamen sanctitatem & bonitatem supra omnia commendamus. Quin & ipse Dominus, qui omni genere laudis cumulatus est, nulla in re magis quā in bonitate ac sanctitate sua gloriatur. Quo fit, ut super eo illi divinae maiestatis laudatores (qui Propheticum illud adeo probē tenent: Psallite sapienter) hanc vnam vocem perpetuō in caelis repetunt, Sanctus, Sanctus, Sanctus Dominus Deus Sabaoth. Non enim dicunt quod dicere meritō potuissent: Omnipotens, immortalis, aeternus, imensus, immotus, omnia potens, omnia sciens, omnia movens, & mille alia; sed hanc vnam sanctitatis vocem sine intermissione repetunt: ut qui intelligant hanc supra ceteras laudes Conditori omnium esse gratissimam.

Psalm. 46. 6.
Vult. 6.

Si ergo hæc sanctitatis & bonitatis laus Deo gratissima est, consequens etiam est, vt, qui omnia propter nominis sui gloriam operatus est, in signe aliquod opus ederet, quo hanc tantam suam laudem potissimum declararet. Quamuis enim in admiranda huius mundi fabrica, & singulari rerum omnium providentia, non vulgarem bonitatis suæ significationem dederit: adeo tamen ea hominibus ignota erat, vt non defuerint inter Philosophos, qui, diuinæ bonitati terminos præfigentes, cardinalibus eam cæli incluserint; nec illam ad res humanas curandas, hominesque iunãdos, porrigi crederent. Quapropter æquum est, Domine, vt honoris tui rationem habeas, & hæc maximam tuam laudem hominibus clarissime patefacias. Quo quidem desiderio Propheta regius æst uas, diuinæ aures his assiduis vocibus pulsabat: Ostende nobis Domine misericordiam tuam. Misericordia enim sicut & charitas (vt D. Thomas ait) diuinæ bonitatis effluxus & emanationes quædam sunt. Hunc ergo diuinæ bonitatis splendorem videre cupiens Propheta dicebat: Ostende nobis Domine misericordiam tuam. Quod perinde est ac si diceret: Ostendisti iam Domine oculis nostris multas & maximas tuarum virtutum laudes, quas ex magnificentissimis operibus tuis agnoscimus. Maxima enim opera, quæ designasti, testantur potetiam tuam: pulchra, pulchritudinē tuam: fortia, fortitudinem tuam: & recte atque ordine cõstituta, ineffabilem sapientiam tuam. Hisce autem operibus ita mentes nostras affecisti, vt cum Propheta dicere possimus: Mirabilia opera tua, & anima mea cognoscer nimis. Et, Delectasti me Domine in factura tua, & in operibus manuum tuarū exultabo. Si ergo tantopere delectasti oculos nostros in factura tua; quantum, quæso, delectabis ostensa in operibus bonitate & misericordia tua? Ceteræ enim laudes tuæ quidem sunt, & ad te solum pertinet: hæc verò ita tua est, vt nostra quoque sit; quando ea nobis beneficiis conferendis, & communionē bonorum tuorum præcipue declaratur. Ostende ergo nobis hanc misericordiam tuam, vt per eam agnoscamus bonitatem tuam, quæ omnium laudum tuarum præclarissima est.

Videtur, fratres, quantum decebat vt superna illa maiestas bonitatis & misericordię suæ immensitatē aliquo insigni opere declararet? Cum autem multis modis id efficere potuisset, nullos tamen reperiri potuit convenientior, quàm vt excellentissimum aliquod opus ederet, quod & nobis maximā utilitatem, sibi verò maximum pareret laborem. Aliter enim quid quid Dominus donaret, etiam si omnes in nos thesauros suos effunderet, si hoc tamen labore vacaret, nihilo plus facere videretur, quàm si quis in ripa ingentis fluminis consistens,

viceolum aque sitienti porrigeret. Qua enim facilitate hoc aliquis præstaret, eadem ac multo etiam maiori Dñs hæc omnia bona sua impartiret: quod non perinde hominibus gloriosum esse videtur, quia citra vllum laborem aut largientis iacturam donatur. Tres enim præcipui bonitatis & benignitatis gradus numerantur. Primus eorum qui emolumentum aliquod sperantes benefaciunt: quod frequenter magis commercij quam bonitatis nomen promeretur. Secundus eorum qui gratis benefaciunt: quem gradum Cicero exposuit, cum præmia recte factorum dixit esse ipsa recte facta. Tertius verò & summus est, de hominibus bene mereri, nō modò sine vilo emolumento, sed cum maximo etiam benefactoris dedecore vel damno: quod planè principum & magnorum virorum est. Vnde est illa memorabilis sententia: Regium est malè audire, cum benefeceris. Cum ergo Dei bonitas infinita sit, nec minùs hac laude quam cæteris virtutibus suis bonitatem hominū antecellat: dignissimū profectò erat, vt tali opere nobis eam declararet, quòd homini quidem summam afferret vilitatem & gloriam, ipsi autem maximū apud homines pareret laborem & ignominiam. Tantis enim incòmodis & laboribus de hominibus benemereri, totque subire discrimina vt homines felices ac beatos faceret, tantisque dispendijs ipsorum captare compèdia: hoc planè summæ arque infinitæ bonitatis opus & argumentum est.

Quarta
proposi-
tio.

Conclu-
sio inten-
tæ.

Quia verò is natura sua, quæ dolorum atque laborum expers est, pati nihil poterat: convenientissimum profectò fuit, peregrinā sibi vnire naturā, in qua & pro hominibus pati, & æternā eius salutem promereri posset. Quod si ita est, iam nunc planè mirari desinet quisquis Dominum narrantem audit quòd tradendus sit Gentibus, quòd flagellandus, illudendus, conspuendus, & crucifigendus: quando hac potissimum ratione immensam bonitatis & misericordiæ suæ magnitudinem declarabat. Quid enim ad diuinæ bonitatis & misericordiæ laudem gloriosius, quid sublimius, quam cum tā magno labore atque dispendio tam magna in genus hominum beneficia conferre?

[Sed fortè dices, Sit ita sanè: fateor passionis eius acerbitate bonitatis gloriam declarari; verum quod decet gloriam bonitatis, & decet gloriam maiestatis. Bonitas quidem hac ratione detegitur, sed maiestas tamen quodammodo obfuscatur. Demus hoc ita esse: sed non dedecet, imò maxime decet maiestatis gloriam ad tempus delitescere; vt bonitatis decus eximium perpetuò declaretur, & maxime illustria sui documenta constituat. Hoc est, vt id quidem ad horam tegatur, quod nostro more loquendi minus gloriosum est; vt id magis conspicuum fiat, quod est gloriosius & magnificentius. Si imago aliqua miræ pulchri-

pulchritudinis pretioso aliquo velamine ita tegetetur, ut nullo modo ea nisi rupto velamine cerni posset: an esset indignum, velum illud discindi atq. rumpi, quo pictura pulcherrima cerneretur? hoc est, ut rumperetur id quod minus pulchrum est, quo id patere posset quod est longè pulchrius? Ad hunc ergo modum diuinę bonitatis pulchritudo sub maiestatis velamine delitescerebat. Quàm diu enim summa illa maiestas intermerata & integra permanebat; quousque tandē diuinę bonitatis magnitudo pertingeret, mundus ignorabat. Vbi verò maiestatis splendor propter humani generis salutem obscuratus est, ubi sacra illa humanitas à Dei Verbo assumpta, tot plagis atq. vulneribus conscissa est; tunc demum diuinę bonitatis & misericordię viscera patefacta sunt. Quod planè in ipso Domini-
 cę passionis tempore mirabiliter adumbratū fuit, quando moriente Domino velum templi, quo Sancta sanctorum tegebatur, scissum est medium à summo & deorsum. Velum igitur scissum est, atque ita pulchritudo sanctuarij, quę velo tecta latebat, patefacta est. Cum alterius ergo partis iniuria, alterius gloria declaratur. Simile quiddam seculi homines, qui de vestitum ornatu gloriantur, facere quotidie videmus. Vestes enim auro argentoque fulgentes, laneis aut sericis vestibus regunt: sed quo intus latentis metalli fulgor appareat, scissuris arte distinctis serica rumpunt, id nimirum quod minus pretiosum est lacerantes, ut id appareat quod longè pretiosius est. O si quis nunc eos oculos haberet, quibus pendentem in cruce Dominum contemplari dignè posset! quàm pulcher intus appareret is, qui tot confossus scissuris atque vulneribus extrā deformis apparet! Omnia enim illa quę in eius corpore patent vulnera, plagę illę omnes atque liuores, quid aliud, quæso, sunt, quàm scissurę vestis sericę, quę latentem auri speciem pandunt? quid nisi pietatis opera, benignitatis indicia, misericordię argumenta, & veluti vitrę quædam fenestrę, per quas reconditam in sacratissimo illo pectore bonitatem & charitatem cernere datur? Dissimulatio ergo maiestatis, declaratio quædam fuit & manifestatio bonitatis, quę quidem in hac vita commodius alia ratione manifestari non poterat.

II.

Subiiciamus aliud huius rei exemplū. Si Rex aliquis militari arte & robore corporis excellens, hanc suam laudē in publico hastiludiorum certamine vellet ostendere; deberet utiq. dissimulata ad tempus Regis persona & maiestate, ignotus in certamen descendere, ut strenuè fortiterq. rem gerens, quam afficeret gloriam assequeretur. Si enim conspicuus & notus eo veniret, omnes principi suo parcerent, nec tela aduersus illum torquere

torquere audent, atque ita virtus eius, quam cupiebat ostendere, in obscuro lateret. Si tu igitur cælorum Rex, & rerum omnium Domine, ad hoc potissimum in hunc nostrum orbem veniebas, ut magnificis operibus edendis, bonitatis & misericordiae tuae gloriam patefaceres, si conspicua & aperta maiestatis tuae persona venires, quis contra te insurgere, quis aduersum te arma capere tentaret? Dæmones à conspectu tuo fugerent, mors te inuadere non auderet, carnifices à tuo conspectu exanimati resisterent: quin & ipsi etiam clauis, malleiq. (si ita loqui fas est) in ipsos tortores verterentur. Si enim, ut Apostolus ait, cognouissent, nunquam Dominum gloriæ crucifixissent. Hac ergo de causa, Domine, paulisper diuinitatis gloriā dissimula, & in huius mundi certamen ignotus ingredere, ut communis generis humani hostis cum satellitibus suis te audeat impetere: quo, dissimulata paulisper gloria maiestatis, immensæ bonitatis tuae fulgor appareat.

Videtur ergo, fratres, quā mirabili atque stupenda ratione se hominibus Saluator cognoscendum praeberit. Voluit namque ignorari, ut agnosceretur: latere, ut manifestaretur: opprobriis & contumeliis affici, ut verè gloriosus haberetur. Adeoq; feliciter affectus est quod volebat, ut nulla ratione potuerit ab hominibus in hac vita clariùs agnosci, quā illa ipsa qua se maxime occultare visus est. Tūc enim primū mundus & cognoscere & amare cepit, quem antea non amabat, quia non sic agnoscebat. Quod ipse Dñs ita futurum confirmauit, cum dixit: Ego si exaltatus fuero à terra, omnia traham ad meipsum. Hoc est, si homines per Euangelij prædicationem, & Apostolorum miracula firmissima fide me verum Deum, Dei Filium, mundi q. Conditorem agnouerint, animaduertent q. me; qui talis atque tantus sum, ut meæ gloriæ nihil accedere possit, nihilq. decedere; tanto tamen humanæ salutis amore caprum fuissē, ut quo hominum scelera expiarem, eosq. bonis omnibus ditare, æternæ felicitatis participes efficirem, & virtutum exemplis, beneficiorumq. magnitudine mōhi deuincirem, humanam carnem induerim, crucisq. supplicium pertulerim: qui (inquam) hæc & firmissima fide crediderint, & pia meditatione perpenderit, non dubito quin ad hanc bonitatis & charitatis meæ magnitudinem obtupefacti, sese toros & obsequio meo promptissimis atque libentissimis animis addicant, & tanto amoris amoris vicem rependere conentur. Hac ergo ratione Dominus, dum maiestatem dissimulat, tām gloriam consecutus est, ut Isaias hoc potissimum tempore gloriæ eius reuelandam esse prædiceret. Perinde enim quasi carteræ eius laudes, quæ operibus conditis declarare fuerant, exiguae essent:

tunc primum gloriam eius, quæ antè latebat, reuelandam esse denunciat. Et reuelabitur (inquit) gloria Domini, & videbitur ita: 40. omnis caro salutare Dei nostri. Tunc enim potissimum Dei gloria reuelata est, cum maiestas obscurata, & salus hominibus data est.

Hanc ergo theologiam rudes adhuc discipuli ignorabant; ideoque indignum illis videbatur, huiusmodi probris & iniuriis subditi Dominum maiestatis. Vbi verò Spiritus sancti magisterio edocti sunt, nihil his iniuriis gloriosius forabant, nihilque prius ducebant, quàm ut hanc Dñi crucem & stigmata in corpore suo expressa circumferrent. Hac enim de causa A. B. ibant gaudentes à conspectu concilij, quod digni habiti essent pro nomine Iesu contumeliam pati. Quia & ipsum Euangelium, in quo Dominicæ passionis historia, & humanitatis eius opera exponuntur, Euangelium gloriæ Christi appellabant; quod in eo maximè diuinæ bonitatis gloria reuelata sit. Quia & fideiis quoque anima (cuius oculi Spiritus sancti luce perfusi sunt) quando pendentem in cruce Christum Dominum contemplantur, crucem quidem illam non supplicij patibulum, sed regalem thronum, clauos illos ad amantes, liuores illos smaragdos, vulnera illa vernantes ac fragantes rosas, illam denique spinarum coronam, inestimabilis decoris diadema esse iudicat. Quæ omnia dum deuotissimo affectu pij homines cõtemplantur, ineffabilibus delicijs & suauitate pascuntur. Hinc pius quidam vir his carminibus Dominum in cruce pendentem alloquitur: Iesu tuorum vulnerum Cruore sancto pascere Me quæso nunquam desinas. Hoc est amoris poculum Cælestis, omnes sordidos Pellens amores: ebria Hac portione mensui Et omnium sit immemor, Quæcunque mûdos continet: Deumque solum cogitat. Rursumque eundem alloquens Dominum: Vulnera (inquit) acerba corporis tui Tanta affluunt dulcedine, Ut, quisquis illa suserit, Opes, honores, gloriam, Amara iam fastidiat; Solaque Dei gloria Latetur, oblitus sui. Hac igitur sancti amoris ebrietas, hæc mentis oblectatio ex hac inestimabili vulnerum Dñi pulchritudine oritur, dum in illis pia mens diuinæ misericordiæ & charitatis erga se viscera contemplantur. Quando sponsa sponsum videt propter se ab inuasoribus tuendam graniter sauciatus, quo grauioribus ille vulneribus cõscissus & deformatus est, hoc ei polchrior, quoniam & amabilior apparet. His D. Bernardus oculis Christum in cruce contemplansem: Quanto minorem se fecit in humilitate, tanto maiorem se exhibuit in bonitate: & quanto pro me vilior, tanto mihi charior. Idemq. alibi: Quam pulcher (inquit) es Domine in ipsa tua gloria; quàm pulcher in

Bern. super Cant.
serm. 62.

in ipsa tui decoris positione. Vbi enim te exilianiisti, ibi pietas magis emicuit, charitas amplius radiavit. Cōtemnat Herodes: ego tanto magis eum non contemnam, quanto se contempribilem ostendit Herodi. Et mox: Sublimis in regno, suavis in cruce: illa visio sublimis in splendore, ista in pallore. Itaque Domine Iesu vbique animę amanti, & ad te suspiranti, pulcher appares: pulcher in cælo, pulcher in monte Caluario: pulcher inter Angelos regnans, pulcher inter latrones pendens: pulcher ad dexteram Patris sedens, & pulcher pro nobis in cruce moriens. Talis vtrique Sponsa in Cant. cælestis hic Sponsus apparebar, quæ filiabus Hierusalē de ipsius specie & forma quæretibus, vbi mirāda de eius pulchritudine sigillatim commemorasset, in fine tandem totum desiderabilem esse ait. Hoc est: Quantus quantus est, à capite ad calcem vsque totus amabilis atque desiderabilis est. Siue enim caput eius spectes pro nobis spinis coronatum: siue genas sputis illas, & alapis caecas: siue oculos vigiliis exhaustos: siue faciē ipsam deformi cruore fœdatam: siue preciosum collum vinculis crudeliter ligatum: siue humeros graui crucis pōdere cōtritos: siue manus illas, tot miraculorum operatrices, diris in cruce clauis transfixas: siue dorsum & corpus omne flagris & vuneribus deformatū: siue genua in oratione lassata: siue pedes itineribus fatigatos, ac nouissimē clauis in cruce perfoscos: vbique nobis totus amabilis & desiderabilis occurrit: cū animaduertimus hæc omnia ex sincerissimo salutis amore nostri gratia fuisse suscepta.

III.

Quid verò ex hac tam lōga tractatione colligimus, fratres? Multa planē. Huius enim diuini cōsiliij animaduersione & fides in Christum Dominum confirmatur, & feruens in illum charitas, quæ totius diuinę legis summam cōtinet, mirabiliter acceditur. Quis enim, tam mirabilem Domini sui erga se bonitatem, misericordiā, charitatem, ac liberalitatem cōsiderans, in amore illius non exardescat? Quæ enim vehemētiora amoris incitamenta excogitari vnquam potuerunt? Si enim, vt Salomon ait, Cibus & potus inimicis impensus, super capita eorum carbones ignis congerit: quid tā stupenda Conditoris nostri beneficia apud nos efficere par est? Illud etiam hinc colligere licebit, quod quemadmodum Dei nostri erga homines charitas multis etiam ante passionem suam impensis beneficiis nunquam satis hominibus nota fuit, quousq. pro illis acerbissima supplicia pertulit: ita homines, quamlibet multa bona opera propter eum faciunt, nunquam satis suam in illum charitatem declarabūt, quousque res asperas atque difficiles propter illius gloriam constanti animo perferant. Cætera enim bona opera

Provi 25.
Rom. 12.

opera quæ sunt factu facilia, amoris huius infirmiora indicia sunt: incommoda verò grauiā & dedecora propter illius nomen & gloriam patienter & humiliter suscepta, vehementissima sunt veræ charitatis indicia. Itaque, fratres, pium quidem & laudabile opus est eleēmosyna, ieiunium, oratio, confessio, & sacra communio, cæteraque similia pietatis & deuotionis obsequia: his tamen operibus perpetuò insistentes, nunquam opera vestra conquiescat, donec acerbū aliquid, & durum placido & libenti animo propter Christum perferatis. Multos enim quondam videmus hæc ipsa quæ diximus præstantes, qui tamen oblata aliqua vel iactura, vel dedecore, vel quauis re aspera & difficili, virtutem & pacem, quam habere antea videbantur, amittunt: vel ceruē à spiritu pusillanimitatis & diffidentia perturbantur & absorbentur.

Ceterum quisquis aduersa omnia forti & constanti animo pertulerit, is planè magnum virtutis & charitatis suæ specimen & argumentū præbet. Hinc Apostolus ad Romanos gloriatur, primum quidem in Deo: deinde in Christo salutis & libertatis nostræ vindice: tertio verò loco gloriatur in tribulationibus. Quia tribulatio (inquit) patientiam operatur, patientia verò probacionem. Videtis ergo probacionem ab Apostolo tribui potissimum patientiæ, & laborum perpersioni. Quam ob causam merito se post Christum in tribulationibus lætari & gloriari ait: quia ipsis patienter leniterque tolerandis, magnum veræ solidæque virtutis & gratiæ testimonium intra se concipiebat. Quo quidem vsque adeo exultabat, vt lætitia hæc magna ex parte dolorē, quem ex assiduis tribulationibus percipiebat, leniret. Vnde quemadmodum mulier prolis auida, in ipso partus nixu dolet pariter & gaudet. (doler quia grauissimè cruciatur, gaudet autem quia optatissimam prolem in ipso partu editura est) ita viri sancti in mediis tribulationum fluctibus morere simul & gaudere solent: quamuis eos enim calamitatis labor premat, gaudium tamē, quod de virtute & integritate sua hoc experimento capiunt, eos recreat: & ita recreat, vt, si quando tribulationibus destituantur, eas à Domino instanter petant. Hoc autem indicat totus ille Psalmus: Domine probasti me, & cognouisti me. In quo primum Vates sanctus Deum, arcana omnia infinitæ sapientiæ suæ oculis collustrantem, innocentie suæ testem citat, ipsumque ait probè nosse quo is amore & honore seruos & cultores eius, quo item odio improbos & hostes eius prosequatur: nihilominus tamen nequaquam his innocentie & integritatis indicijs sibi placere, donec tribulationibus & calamitatibus exagitatus, virtutis & charitatis suæ periculum faciat, ideoque consequenter orat: Proba me, Dñe, & scito

Rom. 5.

2 Cor. 12.

Ps. 138.

cor

cor meum. Hoc est, igne tribulationis (quemadmodum autem igne explorare solet) examina me, ut hoc indicio aliquanto certius videam an via iniquitatis in me sit: quandoquidem inter omnia verę charitatis & probitatis indicia hoc vel maximum vel primum est. Hęc quidem sanctus David, Coius sententia veritatem sanctissimi quoque Iob exemplo confirmare possumus: qui quamvis ante ingentes illas calamitates innocentissime vixisset, & opes suas promptissima & liberali manu egenis tribuisset, nihilominus tamen calumnia patuit hostis antiqui dicentis: Nunquid frustra Iob timer Deum? Nonne tu vallasti eum, & omnem domum eius, &c. Alioquin extorcede paulisper manum tuam, & ronge cuncta quę possidet, nisi in faciem benedixerit tibi. Habuit igitur in hoc statu calumniator quid dicere posset. Cæterum ubi vir sanctus tot damnis affectus, tot plagis attritus, tot ulceribus laceratus, eandem retinuit innocentiam, sibi nec ipse quidem diabolus, summus calumniæ artifex, habuit quod viro sancto obicere posset: usque adeo virtus patientiæ hominem probatum, & ab omni suspitionis macula liberum reddit.

Iob.

Quod si hæc mea oratio, fratres, laborum vos avidos facit, quo virtutis vestrę periculum faciatis: ecce nunc tempus acceptabile, ecce nunc dies salutis; nempe factarissimum Quadragesimæ tempus, in quo non vulgaris se nobis offert laboris & patientiæ materia: quando ipsa nos temporis conditio monet & carnem affligere, & vigiliis orationibusque insistere, & bellum acre vitiis indicare, & pravas cupiditates refecare, & omnes peccandi occasiones, hoc est, Spectacula, ludos, suspecta contubernia, pravorumque hominum consortia declinare: ut ita demum fructuosam & salutarem agere poenitentiam possitis: hæc enim omnia iis, qui vitiis diu assueti sunt, aspera atque difficilia videntur. Quin etiam ad imitationem Dominicę passionis, quę nobis hodie ob oculos posita est, non vnam tantum, sed tres cruces hoc tempore ad perfectam poenitentiam necessarias arripere debemus: vnam animæ, alteram corpori, tertiam sensibus nostris, qui inter corpus & animam medij quodammodo sunt. In quarum prima (videlicet in anima) cupiditates omnes, pravasque voluntates crucifigere debemus. In altera verò carnem ieiuniis, verberibus, ciliciis mactare oportet: hoc enim tempore & vestis, & lectus, & mensa, cæteraque omnia quæ ad corporis cultum requiruntur, Quadragesimalem poenitentiam redolere ac profiteri debent. In tertia verò sensus nostros oportet crucifigere: ne, si soluti & liberi vagentur, ad illicita & inconcessa nos rapiant. Maxime autem aures, oculi, & lingua, hoc est, tres præcipuę corporis nostri partes, tribus

Dominicę

Dominicæ crucis clavis ligno crucis affigendæ sunt: ne videlicet aures audiant sanguinem, ne oculi diffuant ad vanitatem, ne lingua maledictum, periurium, mendacium, stultiloquium, aut scurrilitatem loquatur. Hisce quoque proximis ante Cinerem diebus ventrem crucifigere oportet: ne, ut plerique faciunt, omnes intemperariæ, crapulæ, & scurrilitati habenas laxemus; sed sobrii, non temulenti, & cruditatem hesternæ crapulæ cruciantes, sacros cineres accipiamus, ut sic tandem per veram pœnitentiam ad æternam mereamur peruenire lætitiâ.

EXPLICIT PRIMVS TOMVS, QVI

Conciones eas continet quæ ab initio Dominicæ

Aduentus vsque ad initium Quadragesimæ habentur.

APPROBATIO.

*Hic primus Concionum de Tempore Tomus
Reuerendi Patris F. Ludonici Grayatensis, do-
ctus est ac pius, dignusq. qui ab omnibus legatur.
Quare imprimendum maximè iudico. Datum
Antuerpiæ, pridie Calendas Maias, anno 1575.*

Siluester Pardo, S. Theolog. Licen-
tarius, & Cathedr. Ecclesiæ
Antwerp. Canonicus.

25. 11. 1912

QVINQVE
CONCIONES
DE POENITENTIA,
HABITÆ IN QVADRA.

G E S I M A:

IN quibus primùm quidem exhortatio ad pœnitentiam continetur: deinde qua ratione vera pœnitentia, & peccatorum confessio agenda sit, traditur.

AVCTORE EODEM R. P. F.

Ludonico Granatensi, monacho Dominicano.



ANTVERPIÆ,
EX OFFICINA PLANTINIANA,
Apud Viduam, & Ioannem Moretum.

M. D. XCII.


CONCIONES
DE PENITENTIA
HABITE IN OVARA

CESSIMA

In quibus continetur quidam exhortatio ad penitentiam
conferentiam, deinde quidam tractatus de peccatis
venialibus & peccatis mortalibus, & deinde de iudicio.

AVCTORE EODEM R. P. F.

Ludovico de Mantua, Religioso Dominiano.



ANTVERPIAE

EX OFFICINA PLANTINIANA

Apud Vilielmum & Iohannem Moretum.

M. D. XCII.

CONCIO PRIMA, QVÆ

EXHORTATIONEM AD PŒNITENTIAM continet : in qua varij ac multiplices modi pœnitentiæ, ac postremò eiusdem necessitas explicatur.

THEM. Convertere ad Dominum, & relinque peccata : precare ante faciem Domini, & minue offendicula. Ecclesiast. 17.



QVAMVIS omni tempore teneamur, fratres charissimi, quicumque ministeriũ hoc verbi Dei suscepimus, salutaria vobis maximeque necessaria documenta, prætermisiss omnibus aliis, quæ curiositatis magis quàm pietatis affectum alere possunt, tradere: tamen hoc sacratissimo ieiunij tempore (quod animabus corporibusque curandis salubriter institutum est) hoc in primis curare debemus, vt cum ratione temporis, doctrinæ quoque nostræ ratio consentiat. Inter ea verò, quæ hoc tempore maximè necessaria sunt, principè locum obtinet pœnitentia : quando hoc ipsum tempus agendæ pœnitentiæ ab Ecclesia destinatum est. Pœnitentia enim est, quæ vitam instaurat, quæ Deum nobis conciliat, quæ aditum ad vitam aperit, quæ peccata condonat, componit mores, perditâ reparat, futura providet, morbos sanat, & à tenebris ad lucem, atq; à mortè ad vitam revocat. De ea igitur hoc tempore sermonem instituere paro. Ne quis verò, cum hoc pœnitentiæ nomen audit, existimet me vos ad mirabilem illam & asperissimam Anachoritarum pœnitentiam & hebdomadatam inediam præcipuè adhortari (& hoc nomine à pœnitendo deterreatur) sciat me ad tres illas pœnitentiæ partes, nempe contritionem, confessionem, & satisfactionem cum primis vos inducere velle: ad quas hæc quæ à me proposita sunt verba magnopere deseruiunt: Convertere ad Dominum, & relinque peccata: precare ante faciem Domini, & minue offendicula. Præcipuè enim veræ pœnitentiæ partes sunt, ad Dominum per veram pœnitentiam converti, & peccata relinquere: quæ duo vt præstare valeas, aliæ duo subnectuntur: nempe precari ante faciem Domini, & minuire offendicula: hoc est, supplici oratione gratiam à Domino postulare, quæ à peccatis abstinerere valeas; & minuire offendicula: hoc est, peccatorum laqueos, & occasiones cautè & diligenter vitare: ita enim

fiet, vt Deo adspirante, & homine adhibente, peccatum ab anima pellatur; quod poenitentiae finis est. De hac igitur poenitentia, simul cum peccatorum confessione, his diebus Dominicis sermonem instituere constitui. Quam rem vt pie & vtiliter praestare valeam, caelestem opem, sacratissimae Virginis interuentu, communibus votis suppliciter imploremus.

A V E M A R I A .

Philosophorum sententia est, fratres charissimi, id in humanis actionibus amorem finis agere, quod in rebus, quae natura vel arte constant, efficientes causae facere solent. Vt enim in his effectus omnis ab efficiente causa pendet, sine qua nihil effici potest: ita in humanis actionibus, quae à voluntate nostra proficiuntur, finis est, qui voluntatem mouet ad operandum: sine quo voluntas ipsa, atque ideo totus homo ad operandum segnis & iners est. Hinc fit, vt, nisi praemium aliquod aut commoditatem homini proposueris, ne loco quidem moueri velis; contrà verò, quo maius illi lucrum aut praemium pollicitus fueris, hoc maiores illi stimulos ad laborem adhibebis. Hinc inter Apophthegmata refertur, Agesilaum, Lacedaemoniorum Regem clarissimum, quo militum suorum animos ad praeliandum acueret, magnifica spolia, quae è subactis hostibus retulerat, ante eorum oculos posuisse, atque dixisse: Haec sunt, o milites, propter quae pugnam capeffimus. Intelligebat enim, quantum roboris atque animi, insignis praedae amor militaturis adderet. Sic etiam 1. Reg. 17. David noster, cum Philistaeo singulari certamen initurus, sollicitè à militibus quaeritabat, quod à Rege praemium sperare posset, quisquis enim hostem superasset. Quin & sanctissimus Abraham, quod esset pietatis & fidei suae praemium percepit, 15. Gen. 15. à Domino quaerit, dicens; Domine Deus, quid dabis mihi? Videtis quam sit familiare omnibus, vel piis etiam hominibus, praemium aliquod inueniri, quo ad agendum incitentur. Hinc 118. Psal. 118. regius Propheta, Inclinaui, ait, cor meum ad faciendas iustificationes tuas in aeternum, propter retributionem.

Quorsum haec? Nimirum quia cum me vos hoc sacro tempore ad poenitentiae laborem adhortaturum esse dixerim, animaduerto nunc vos intra pectus vestrum tacitè cum Abraham quaerere, Domine Deus, quid dabis mihi? Hoc est, iubes me Domine hoc tempore per Ecclesiae tuae voces poenitentiam agere (vix enim aliud hoc tempore templa omnia resonant) quid ergo Domine dabis mihi? hoc est, quae mihi praemia & lucra proponis, si studiosè ac diligenter quod à me exigit praestitero?

Officij

Officij mei est, fratres, huic quæstioni respondere (habeo enim quid pro Deo loquar) quo & cessantes, ad virtutis huius amorem incendam, & currentibus calcar addā, quo alacrius currant. Sed in primis tamen vos admonitos velim, vt dicenti mihi eas aures præbeatis, quas huius argumenti dignitas & necessitas exigit: nec aures modò, sed fidem etiam accommodate. Adeò enim magna & illustria præmia verè pœnitentibus in sanctis literis proposita sunt, vt firmissima fide opus sit, qua illis fidem adhibeatis.

Primus igitur pœnitentiæ fructus, quem omnium aliorum velut caput & fundamentum ponimus, est peccatorum remissio, & totius antea vitæ, quamlibet multis & horrendis sceleribus contaminata fuerit, expiatio. Hoc enim cum aliis, tum præcipuè per Ezechielem Dominus pollicetur cum ait: In quacumque die impius conuersus fuerit ab impietate sua, non recordabor amplius scelerum illius. Nec solum quod attinet ad culpam & mortis æternæ reatum, sed etiam ex temporaria pœna, quæ purgatorio igne expianda est, portio quædam aliquando quidem maior, aliquando verò minor, pro contritionis magnitudine per pœnitentiam demitur. Quæ tanta interdum esse poterit, vt tota purgatorij pœna exsoluatur.

Nec à peccatis solum anima pœnitentiæ beneficio liberatur, sed etiam virtutibus & Spiritus sancti donis exornatur. Hoc enim Catholica fides à Lutherana perfidia distat: quòd hæc iustificationem nihil aliud esse ait, quàm peccatorum remissionem per Christum: Catholica verò fides supra peccatorum remissionem addit etiam animæ ornatum, & gratiam atque iustitiam nobis in hærentem, & nouum robur, & Spiritus sancti dona: quibus & ægra anima sanatur, & infirma roboratur; & quæ antea per peccatum deformis & immunda erat, nouis coloribus atque virtutibus exornatur. Quo fit, vt aliàs anima in Canticis pulchra vt luna, & terribilis vt castrorum acies ordinata esse dicatur. Vtrumque enim diuina gratia præstat, quæ animam Deo dicatam, & pulchram efficit, & virtutibus, quæ ab ea manant, munit & armat: vt, quemadmodum Deo grata, ita demonibus pertimescenda sit. O si oculos haberemus, quibus admirandam hanc animæ pulchritudinem cernere possemus, quando, sacerdote efficaciter absolutionis verba profrente, homo iustificatur, & fit noua creatura! Quemadmodum enim ad vocem Angeli ceciderūt catenæ de manibus Petri; ita hic ad vocem sacerdotis vincula diaboli soluantur, & Deus homini pe-

6
 Etus suum aperit, illumque in filium adoptat, Spiritu sancto
 ungit, virtutibus ornat, & regni sui hæredem instituit. Hoc au-
 tem satis indicat ornatus ille, qui ex patris imperio luxurioso
 filio datus est. Non enim contentus supra collum eius cecidisse,
 & in gratiam recepisse, erratisque prioris vitæ veniam con-
 sulisse, stolam primam & calceos, & annulum afferri iussit: hoc
 est, habitum filij dignitati parem. Stola enim prima, est divina
 gratia, quæ totum interioris hominis corpus tegit & ornat.
 Cætera verò ornamenta quæ pedibus & manibus adhibita sunt,
 virtutes significant, quibus homo ad bene operandum instrui-
 tur. Manuum enim nomine, bona opera; pedum verò, affectus
 atque desideria interioris hominis designantur. Cum ergo bo-
 nus pater manibus ac pedibus ornamenta aptari præcepit, hoc
 aperte significavit, verè pœnitentibus vtrumque præstari, vt &
 pie affici, & rectè operari valeant; atque ita demum vterque ho-
 mo, internus scilicet & externus, suis virtutibus muniat; ne
 iterum in eadem peccata, quorum veniam consecutus est, re-
 labatur. Alioqui, quid ad æternâ salutem proderit, dæmonem
 ab anima expulisse, si illum protinus in deteriora lapsus admi-
 Bernard. seris? Quocirca (vt D. Bernardus ait) necesse est, vt qui dedit vo-
 luntatem pœnitendi, det etiam continendi virtutem, ne homo
 iterum pœnitenda committat.

xxi. Habet item mirandam aliam pœnitentia virtutem: quod
 quemadmodum per eam mortua in peccatis anima surgit ad
 vitam, ita omnia virtutum opera, quæ ante peccati lapsum edi-
 derat, simul cum ea reuiuiscunt. Quod vt apertius intelligatis,
 obseruandum est, tria operû genera à Theologis assignari: quo-
 rum alia mortifera, alia mortua, alia verò non quidem mortua,
 sed mortificata nuncupantur. Mortifera quidem sunt, quæ ani-
 mam interimunt: cuiusmodi sunt lethalia peccata. Peccatum
 enim cum consummatum fuerit, generat mortem. Mortua
 verò sunt, quæ ex natura quidem sua laudabilia opera sunt: vt
 orationes, ieiunia, eleëmofynæ, cæteraque similia virtutum
 officia, quæ quis in peccato existens operatur. Quæ planè mor-
 tua esse dicuntur: quia viua esse non possunt, quâdiu auctor eo-
 rum mortuus est: nec Deo grata, quâm diu ille ipse ingratus eidẽ
 existit. Si enim (inquit Apostolus) distribuero in cibos paupe-
 rum facultates meas, charitatem autem non habuero, nihil mi-
 hi prodest. Rursumq. Dominus, Sicut palmes, inquit, non po-
 test ferre fructum, nisi manserit in vite; sic nec vos, nisi in me
 manseritis. In illo autem per charitatem manemus: quoniam
 qui

qui manet in charitate, in Deo manet, & Deus in eo. Non tamen ideo ab huiusmodi operibus cessandum est, quamvis ad æternæ vitæ meritum nihil conferant: ad multa enim alia plurimum valent: atque ad illud in primis, ne homo desuetudine bene operandi, dediscat pietatem atque iustitiam, & prava consuetudine naturam corrumpat, atque ita demum insanabilis fiat. Postremo sunt etiam opera, quæ mortificata nuncupauimus: ea videlicet, quæ in gratia constituti egimus: quæ quidem tunc & vitæ, & grata Deo fuerunt; peccato tamen postmodum interueniente, vitam atque valorem amiserunt. Peccatum enim velut ignis est deuorans, lethiferumque venenum, omnia quæ ante se inuenit inficiens & absumens. Sic enim Dominus per Ezechielem ait: In quacunque hora iustus peccauerit, omnes iustitiæ eius, quas operatus est, non recordabuntur. Hæc ergo opera non quidem penitus mortua, sed mortificata esse perhibentur: quoniam vitæ propiora sunt: qualia Davidis, atque adeo Apostoli Petri fuerunt, ubi uterque in peccatum lapsus est. Hæc igitur opera vitam quam amiserant, & meritum per poenitentiam recipiunt: alias quidem maius, alias verò minus, pro conditione & magnitudine poenitentiae quam quisque agit. Certè (ut D. Ambrosius ait) fidelior factus est Petrus, postquam fidem se perdidisse desleuit; atque ideo maiorem gratiam reperit, quam amisit. Hinc D. Gregorius ait: Fit plerumque Deo gratior amore ardens post culpam vita, quam securitate torpēs innocentia. Poenitentia igitur non modò hominem de morte ad vitam reuocat, sed omnia etiam mortificata virtutum opera viuificat. Animaduertite, quæ so, quàm multoqum annorum bona quæ extincta erant, vno partu vnoque temporis momento poenitentia ad vitam reuocat. Felix planè hora, quæ multorum temporum labores & merita redemit.

Ezech. 18

Ambros.

Gregor.
in Psal.

Ex his aurem quæ dicta sunt, alius admirabilis poenitentiae fructus consequitur. Quisquis enim, diuinæ gratiæ ope adiutus, præstitit quod in potestate sua positum erat (quando & peccata, quæ derelictatus fuit, rectè confessus est, & firmissimum non peccandi propositum animo concepit, & in hac animi sui detestatione diutius perseuerauit) magnam certè de diuina miseratione & sacramenti virtute fiduciam capit, & interna illa pace & animi tranquillitate fruitor, de qua Apostolus ait: Gloria nostra hæc est, testimonium conscientiæ nostræ. Quod perinde est, ac si diceret: Aliorum quidem gloria est, ingentes opes atque thesauros possidere, & latos populos magnas.

1 Cor. 4

8
 magnasque vrbes ditione tenere, aut ad principum singularem
 gratiam & amicitiam peruenisse. Nobis verò hæc vnica &
 summa gloria est, testimonium conscientia nostra, quæ nobis
 & in præsentī vitā velut iuge quoddam conuiuium est, & in fu-
 Auguſt. tura vitā æternā præſtabit. Quæ de re sic D. Auguſt. ait: Tu
 qui veram requiem (quæ post hæc vitā Christianis promit-
 titur) quæris, etiam hic iam inter amarissimas vitæ huius mo-
 leſtias (uauem gaudabis, si eius, qui eam promiſit, præcepta dile-
 xeris. Cito enim senties dulciores esse fructus iuſtitia, quàm
 iniquitatis; & verius ac iucundius gaudebis de bona conscientia
 inter moleſtias, quàm de mala inter delicias. Hactenus ille.
 Idem. Idemque super Genesi: Etiam in ipſo homine lætitia quæ-
 dam bonæ conscientia paradisuſ est: vnde & Ecclesia in ſan-
 ctis temperanter, & piè, & iuſtè viuentibus paradisuſ rectè
 dicitur, pollens affluentia gratiarum, caſtisque deliciis. Hæc il-
 le. Caſtas autem delicias appoſitiſſimo nomine appellat, quod
 nihil impurum, nihil turpe vel adulterinum habeant: cum non
 carnales, ſed ſpirituales atque diuinæ exiſtant; & quæ non de
 creatura, ſed de creatore concipiuntur. Inter decem verò iuſto-
 rum beatitudines, quas Eccleſiaſticus numerat, cum ait, No-
 uem inſuſpicabilia cordis magnificauī, & decimum dicam in
 lingua hominibus; hanc etiam collocat: Beatus qui non eſt
 lapſus in lingua ſua, & non eſt ſtimulatus in triſtitia delicti.
 Beatus qui non habuit animi ſui triſtitiam, & non excidit à
 ſpe ſua. Pro hac autem beatitudine Regius Propheta ingentes
 pſal. 25. Domino gratias agit, dicens: Quia eripuit animam meam de
 morte, oculos meos à lachrymis, pedes meos à lapſu. Periculo
 Hier. 2. enim ſuo doctus ſciebat, quàm malum & amarum illi fuerit,
 Dominum reliquiſſe, & in peccatum cecidiſſe. Hoc igitur ve-
 ræ poenitentia atque virtuti præmiuſ eſſe propoſitum, Salo-
 mon teſtatur his verbis: Cum dormieris, nō timebis; quieſces,
 P. quer. & ſuaſis erit tibi ſonitus tuus. Quid autem hac animi tran-
 quillitate dulcius atque ſuauius? Quæ enim lætitia vir pius ex-
 ſultat, cum ex teſtimonio conscientia ſua (quantum coniectu-
 ra colligere poteſt) intelligit ſe in eo ſtatu vitæ agere, in quo
 ſi improuiſa mors illū interceperit, paratum ſemper atque in-
 trepidum deprehendat!

Conferre mihi (quæſo) malè ſibi conſciū animum, cum hac
 mente ſibi conſcia recti. Quot in illo æſtus, quot metus arque
 formidines ex prauæ conscientia teſtimonio & murmure ipſū
 lacerant, cum Deum ſibi inſenſum cogitat, cum mors oculis
 eius

eius ingeritur, cum gehennæ mentio fit, cum rationis reddēdæ tempus illi venit in mentem, cum ipsa conscientia illum laniat & accusat! Denique is est malæ conscientia cruciatus, ut voluptatis assertor Epicurus (ut auctor est Seneca) sectatores suos hoc nomine à peccando deterret, quod peccata metum semper atque formidinem peccantibus iniiciant, atque ita voluptatem vel adimant, vel inficiant. Subditque causam: Potest (inquit) peccatori contingere, ut lateat, non tamen ut timere desinat. Hinc illud ex libro Iob: Sonitus terroris semper in auribus eius; & cum pax sit, ille insidias suspicatur.

Seneca in
Epist.

Iob 15.

Quod si fortè quis dicat: Ego quamuis malam conscientiam gesto, nullos tamen intus tortores, nullum cruciarum sentio. O te miserum & infelicem, si, dum ita viuis, nihil sentis! mortuam quippe animam in vivo corpore circumfers. Rectè enim Diuus Bernardus: Quis magis mortuus, quam qui portat ignem in sinu, peccatum in conscientia, & nec sentit, nec excutit, nec expauescit? An vllum certius mortuæ animæ signū esse queat? Sed erit tamen, cum is, qui modò nihil sentit, aliquando gravissimis conscientia aculeis laceretur. Aderit enim nouissima illa hora, diuino iudicio proxima, in qua tanto acerbior sceleratos homines peccatorum recordatio exstimulabit, quanto ea hoc tempore minus vrit. Sic enim de iis in libro Sap. legimus: Venient in cogitationem peccatorum eorum timidi, & traduent eos ex aduerso cogitationes eorum. Tunc enim, cum rationis reddend. tempus instat, omnia præterita vitæ scelera sese menti ingerunt: tunc periuria, mendacia, odia, iniuriæ illaræ, stupra, adulteria, rapinæ, & offendicula aliis exhibita sese velut agminè facto menti offerunt, miserumque hominis pectus variè dilacerant. Aliam quippe modò faciè ostentant, quam antea exhibuerant. Prius enim blandientem voluptatem præstebant, aculeum verò pungentis conscientia celabant: modò, voluptate iam extincta, solus aculeus animam pungens relinquitur. Tale enim est vinum illud, quod mundus aureo Babylonis calice sectatoribus suis propinat. Quod cum initio fallacem quādam dulcedinem præferat, in fine tamen amarissimas faeces bibenti porrigit. Quocirca opportunè Salomon incautos admonet his verbis: Ne intuearis vinū quādo flauescit, cum splenderit in vitro color eius. Ingrederetur blandè, sed in nouissimo mordebit ut coluber, & quasi regulus venena diffundet. Itaque voluptas hæc quàm simillima mihi esse videtur libro illi, quem Angelus Ioanni in Apocalypsi vo-

Bernard.

Sap. 4.

Hiere 50.

Prou. 23.

Simile.

Apoc. 20.

randum tradidit: qui in ore quidem mellis dulcedinem, in ventre autem felis amaritudinem referebat. Præterita enim voluptasabit, nec ullum eius vestigium remanet: sola verò admissi sceleris amaritudo in mente residet. Quæ quidem amaritudo tum maximè percipitur, cum præteritæ voluptatis illecebra mulcere animum desit. Sic videmus nauigantes turbida tempestate iactatos, facillè merces suas quamlibet pretiosas in mare proiicere. Mortis quippe imminentis metus omnem aliū affectum ab animo excutit. Cæterum procellam sedatam, ubi ad portum appulere, nullumque iam mortis periculum instat, tunc deinum mercium suarum iacturam acerbè lamentantur. Ad hunc modum, cum improbi homines libidinum atque voluptatum suarum amore flagrant, conscientia aculeo minus punguntur: ubi verò æstus ille defruiat, & omnis illa voluptas iam dudum extincta atque obliterata est, tunc demum mordentis conscientia stimulis grauissimè punguntur, & lacerantur. Hoc igitur aculeo verè poenitentes non in vita modò, sed etiam in morte carent: cum à cervicibus suis ferreum peccatorum iugum excusserint, operamque dederint, ut cum Deo, poenitentia & sacramentorum beneficio, in gratiam redirent. Hanc enim animi tranquillitatem, quam virtus poenitentia parit, virtus quoque sacramenti miro modo auget. Hac enim de causa (ut cæteras prætermittam) poenitentia sacramentum à Domino fuisse institutum Theologi dicunt: ut eius virtute pacatores poenitentium conscientia redderentur: quæ deo non solum conscientia testimonium, sed etiam absolutionis beneficium earum fiducia atque pacem augent. Credunt enim nihil minus verba illa sacerdotis efficere, cum ait, Ego te absolvo: quam cum Dominus paralytico dixit: Confide fili, remittuntur tibi peccata tua. Nisi enim nos obiecem gratia ponamus, eadem in vrisque verbis virtus & efficientia est.

Matth. 9.

v.

Hæc planè satis esse videbantur, ut animos vestros, fratres, ad poenitentia studium excitarem: sed ex his tamen commoditates aliæ non minus expetendæ cōsequuntur. Sublatis enim è medio peccatis, quæ bellum & inimicitia cum diuina mente gerebant (nihil enim aliud, quam peccatum, Deo infensum & inimicum est) homo rursum cum Deo in gratiam & amicitiam redit: & non modò in eius amicū, sed (quod est multo præstantius) in filium adoptatur. Hoc enim nomine pios omnes cælestis Pater appellare dignatur. Sic enim ait: Exite de medio malo.

2. Cor. 6.

malo.

malorum, & immundum ne tetigeritis: & ego recipiam vos, & ero vobis in patrem, & vos eritis mihi in filios & filias. Vbi igitur de medio malorum egressi fuerimus, hoc est, vbi improborum contubernia & mores deseruerimus, & ab omni immunditia corporis & animi expurgati fuerimus, summā hanc filiorum Dei dignitatem consequemur. Quā quidē dignitatem Evangelista Ioannes amplificat his verbis: Videtis qualem charitatem dedit nobis Deus, vt filij Dei nominemur & simus. Non contentus enim filij titulo & honore, quod summam continet dignitatem (quid enim maius, aut amplius, quā filium Dei nominari) addit etiam affectum, & animum, atque paternam providentiam. Principes quidem terræ, & summi etiam Pontifices, quoniam infirmi & inopes existunt, titulos sæpe sine rebus tribuunt: Deus autem, qui & infinitē diues & potens est, vbi titulum contulit, parem quoque titulo dignitatem & opes elargitur. Quem quidem patris affectum, blandissimis ipse verbis per Ieremiam exprimit dicens: Si filius honorabilis mihi Ephraim, si puer delicatus: quia ex quo locutus sum de eo, adhuc recordabor eius. Idcirco commota sunt viscera mea super eum: miserans miserebor eius. Quid, quæso, his verbis dulcius? quid amantius? Quibus aliis verbis Pater ille celestis suum erga filios affectum & amorem exprimere potuisset? Ex quidem si hæc amoris declaratio ab aliquo homine manasset, nutare forsitan fides nostra, & vacillare potuisset. De diuina autem fide & veritate, quis vnquam dubitauit: cum vel ipsa etiam philosophia dicat, duo esse Deo impossibilia, nempe mori & mentiri? Neutrum enim cadere in illum, potest. Et (quod hunc ipsam paternæ pietatis affectum maximē declarat) non contentus paternum erga nos animum gerere, filiorum quoque affectum erga se nobis indidit. Quod quidem Paulus testatur his verbis: Quis verò, estis filij mihi Deus Spiritum Filij sui in corda nostra clamantem Abba pater: hoc est, vt filiorum affectu, fiducia, & amore, illius opem fidenter imploremus. Ex hac autem dignitate, qua non verbo tenus, sed re ipsa Deus se nobis in patrem exhibet, nos verò in filios adpbat, admiranda alia bona consequuntur.

Atque illud in primis quod Apostolus colligit: Quod si filij, & hæredes: hæredes quidem Dei, coheredes autem Christi. Hoc igitur beneficio celestis patrimonij hæreditatem cernimus, & in cælici ciues adscribimur. Itaque summi illud beneficium, quod Apostolis de potestate sibi à Dño supra dæmones tradita

1. Ioan. 3.

Dissimil.

Ierem. 31.

Plinius.

Galat. 3.

VI.

Rom. 8.

tradita, exsultantibus promisit, verè poenitentibus cõfertur. No-
 luc. 10. lite (inquit) gaudere, quòd spiritus subiciuntur vobis: gaude-
 te autem, quia nomina vestra scripta sunt in cælis. Constat au-
 tem, quoties homo in lethale peccatum labitur, de hoc libro
 vitæ deleri, & in libro mortis & gehennæ secundum præsen-
 Exod. 32. tem iustitiam conscribi; dicente Domino: Qui peccauerit mi-
 hi, delebo eum de libro meo. Quæ quidem summa peccantium
 infelicitas & pœna est. Cæterum ea veræ poenitentia: virtus est,
 vt chirographum peccati deleat, & homines iterum in libro vitæ
 conscribat; vt potè quos Dei filios & hæredes faciat.

VII. Ex hac etiam dignitate illud etiam sequitur, quod est certè
 votis omnibus exoptandum; vt quisquis in Dei filium adopta-
 tus est, sicut ipse iam Deo gratus, ita omnia eius opera grata
 sint, & æternæ vitæ meritum habentia. Itaque vir iustus, siue
 comedat, siue bibat, siue quiduis aliud ad vitæ vsum molietur,
 gratiæ pariter & gloriæ incrementum promeretur: præsertim si
 similit. quò tempore illa facit, deuota mente ad Deum referat. Sic enim
 videmus patres, quicquid filij infantes faciant, gratum habere,
 & risu etiam atque osculo excipere. Ad hunc ergo modum Pa-
 ter ille cælestis, quorum vitam gratam habet, gratum etiam ha-
 bet quidquid illi moliantur.

VIII. Ex hac etiam filiorum dignitate illud quoque necessariò
 consequitur, vt paternam Deus filiorum suorum curam & pro-
 uidentiam gerat. Non enim amat & deserit: nec verbotenus
 (vt antè diximus) sed affectu, dilectione, & prouidentia pater
 est. Quam eius prouidentiam omnes penè diuinorum volu-
 minum paginae testantur. Sed ne longius huius rei testimonia
 requiramus, totus Psalmus, qui hodie in Missa decantatus est,
 quid aliud ab initio ad finem vsque, nisi huius prouidentia
 beneficia persequitur, quam Dominus eum per se, tum per An-
 gelos suos gerit? Angelis (inquit) suis mandauit de te, vt custo-
 Psal. 90. dian te in omnibus viis tuis. Quonam modo? In manibus (in-
 quit) portabunt te, ne fortè offendas ad lapidem pedem tuum.
 non modò enim ab aliquo grauior casu, sed à quauis etiam pe-
 dum offensione te custodient. Vnde illud etiam sequitur quod
 mox subdit: Super aspidem & basiliscum ambulabis, & con-
 culcabis leonem & draconem. Quid hoc est? Nempe omnibus
 periculis & Satanæ machinis superior eris; nullumque tam
 ingens periculum erit, quod diuino præsidio fretus non faci-
 lè prosterneas atque conculces. Neque hac Angelorum prou-
 dentia contentus, ipse quoque per se tam piorum curam gerit,
 vt dicat:

ut dicat: Scapulis suis obumbrabit tibi, & sub pennis eius sperabis. Aiunt qui de animalium natura scribunt, ciconiam inter omnes aues tanto circa pullos suos amore ferri, ut, cum implumes eius fetus ardore solis aestuant, ipsa, protenso alarum tergo, solis radios excipiat, ne illi eius ardore laedantur. Hunc ergo pietatis affectum Propheta Domino tribuit, cum ait: Scapulis suis obumbrabit tibi. Quod certe fecit, cum scapulas suas non modo cruci affixit, sed plagis etiam atque atrocissimis verberibus lacerandas præbuit: ne nos, qui eas plagas commeriti eramus, eisdem vapularemus.

Ex hoc eodem fonte non modo paterna providentia, sed paterna etiam indulgentia sequitur. Solent enim pii parentes filios suos, præsertim paruulos, blandè molliterq; tractare. Quam rem Pater ille cælestis adeo cumulatè erga filios præstat, ut idem ipse per Prophetam verba illa suauitatis & benignitatis plenissima dicat: Ad vbera portabimini, & super genua blandientur vobis. Quomodo si cui mater blandiatur, ita ego consolabor vos. Quid (quæso) his verbis dulcius? quid amantius? Quis non modo poenitentiae labores, sed mille etiam cruces non libenter amplectatur, ut hac Dei indulgentia, his vberibus, his deliciis, & complexu diuino fruatur?

Nemo autem hanc diuinæ suauitatis dulcedinem ad eos solum, qui ad perfectionis apicem peruenerunt, & seruari putat. Esse enim verè poenitentibus suas quoque propositas delicias, apertè Dominus per Ogam, cum anima verè poenitente loquès, Osee 2. declarat his verbis: Ecce ego lactabo eam, & loquar ad cor eius, & dabo eis vallem Achor ad aperiendam spem. Lactat ergo Dominus diuinæ suauitatis lacte piam poenitentis animam, ut, hac cælesti dulcedine prægustata, omnes carnis & mundi delicias fastidiat. Nutrices quidem absinthio vbera intingentes, quos nutiunt infantes à lacte depellunt: contrà verò Dominus, quos ad se trahit, non absinthij amaritudine, sed diuinæ suauitatis dulcedine à terrenis voluptatibus ablactat. Scit enim verum esse quod D. Bernar. ait: Gustata spiritali suauitate, desipit omnis caro. Deinde illam ad spiritalè solitudinem, id est, orationis secretum adducit, ibique ad cor eius loquitur: quod quidem Hebrææ linguæ phrasi, grata & iucunda verba significat, quibus pia mens interno Spiritus sancti magisterio ad mundi contemptum, & peccati odium atque detestationem, mirificè instruitur & illuminatur. Quibus etiam dat vallem Achor, id est, vallem conturbationis, ad aperiendam spem.

Cognita

IX.

Dissimil.

Cognita enim per hoc cælestem magisterium horrenda peccatorum turpitudine ac deformitate (in quibus tam diu homo iacuit) metu, dolore, ac trepidatione concutitur, & perturbatur. Qua quidem perturbatione in spem diuinæ misericordiæ erigitur, quod intelligat verum esse quod Propheta dicit: Sacrificium Deo spiritus contribulatus, cor contritum & humiliatum. *Aug.* Deus non despicies. Hac enim de causa (iuxta D. *Aug.* sententiam) verus poenitens & dolet, & de dolore suo gaudet: & timet, & de salutari hoc timore in spem veniæ assurgit; quæ dolentibus ac timentibus promissa est.

II.

Quæ hactenus à me dicta sunt, fratres, satis superque esse videntur, iis præcipue qui mentem habent vi salutaris poenitentiae propositum amplectantur, quo his poenitentiae fructibus perfruantur. Sed est tamen aliud, quod nos multo magis urgeat: nimirum poenitendi extrema & summa necessitas. Ea enim quæ hactenus diximus, suadent hæc verò, vim etiam & necessitatem hesitantibus adiungit. Constat enim inter omnia expetendorum genera nihil esse homini magis sempiternæ vitæ & felicitate expetendum. Eius autem spem nos quidem omnes habemus, tantique eam facimus, ut nemo nostrum, deliberata ratione, eam totius orbis imperio commutaret. Quid enim proderet homini, si vniuersum mundum lucretur, animam verò suam detrimentum pariat? Quæ enim tanta felicitas aut voluptas in totius etiam mundi imperio esse posset, quam hæc sese menti offerens cogitatio non iaciceret, atque exstingueret: cum videlicet miserrimus ille imperator animaduertet, sese, peracto huius brevis æui curriculo, ad gehennæ ignes perpetuo esse damnum? Nemo igitur tam imprudens mercator esset, qui huius spei iactura totius etiam mundi imperium mercari vellet. Omnes enim cælestem illam beatitudinem expetendorum omnium postremum & summum iudicamus, nec ab hac spe vlla ratione excidere volumus.

Ex hac autem spe ac desiderio illud etiam sequitur, ut omnes poenitentiae propositum ac votum sequi necessario debeamus. Post lapsum quippe lethalis criminis fieri nullo modo potest, ut quis æternam salutem sine poenitentia consequatur. Fixa enim manet illa Domini toties repetita sententia: Nisi poenitentiam egeritis, omnes simul peribitis. Vnde illud mandauit: Aut poenitendum, aut ardens. Quocirca sicut is qui efficaciter salutem desiderat, medicamenta non respuit, sine quibus

*Luc. 13.
simile.*

quibus salutem consequi non potest: & qui ad insulam aliquam peruenire cupit, necesse est vt navigationis laborem non detrectet (cúm ad insulam nemo sine navigationis labore appelleret) ita cum nemo post lapsum criminis sine pœnitentiæ medicamento æternam salutem consequi valeat, necesse est, vt, qui alterum cupit, alterum non refugiat. Ab hac autem sententia neminem vestrum dissentire arbitror.

Qua ergo in re dissentimus? Certè non in ratione debiti, sed in solutionis tempore. Vos enim omnes, quoquo deliquistis, huic debito obnoxios nos esse cognoscitis. Quid igitur hic obstat? Certè (vt modò dixi) nihil aliud nisi solutionis tempus. Sunt enim tria tempora pœnitentiæ destinata: hoc est, vel præsens, vel quod morti proximum est, vel quod inter vtrumque interiacet medium. Et nos quidem ad præsentis temporis pœnitentiam diuina oracula hortari frequentissimè solent. At plerique hominum huic voci aures occludentes, vel ad mortem, vel ad futurum tempus emendationis vitæ propositum differunt. Aduersus eos autem, qui mortis imminenti tempus ad pœnitentiam sperant, nihil in præsentia dicam. Vix enim quisquam adeò stupidus est, qui non videat extremæ esse dementiæ, summum omnium negotiorum ad impeditißimum omnium temporum reservare. Huiusmodi verò pœnitentia Pharaonis pœnitentiæ similis frequenter est: quædam plagis virgeretur, obedientiam pollicebatur: sublati verò plagis, ad solitam continuò perniciam & inobedientiam redibat. Denique, emissio iam è sinibus suis post tot plagas populo, idem ipse ac populus eius pœnitentia ducti dixerunt: Quid volumus facere, vt dimitteremus Israël ne seruiret nobis? Iunxit & egroturum, & omnem populum, &c. Talis igitur eorum pœnitentia apparet, quos non Dei, sed sui amor, & præsentis periculi metus solummodo agit: quos videmus, periculi vel morbi tempore transacto, ad vomitum sæpe redire, & ea ipsa, quæ creditoribus suis restitui mandauerant, reuocare. Sed dicetis: Assentior planè: non differam ad hoc extremum tempus pœnitentiam, sed eam tamen in aliud commodius transferam. Quare non modò? Si enim aliquando, cur non modò? Quia nimirum modò (vt verum fatear) difficile admodum mihi esse videtur inchoare nouam vitam, pristinisque vitiis & moribus renunciare: quod tamè postea facilius leuiusque mihi futurum spero. O summam hominū dementiam, qui vitæ mutationem faciliore consequenti tēpore, quàm præsentī, futuram credunt!

Constat

Constat enim hanc mutandæ vitæ difficultatem ex quatuor potissimum causis oriri. Nempe ex corruptione naturæ, ex deprauata consuetudine, ex eo quod diuina gratia peccator homo destituitur, & dæmonis tyrannide ac potestate premitur. Constat autem impedimenta hæc processu temporis, dilata conuersione, cumulatîsque sceleribus, indies augeri. Hæc enim dilatione, & natura ipsa fit vsu peccandi corruptior, & praua consuetudo viciosa: diuina verò gratia, quo magis peccas, eo à te longius distat: dæmon verò, hoc est, fortis ille armatus, qui, quas animas obsidet, potenter custodit, ad te propius accedit, maioremque in anima misera tyrannidem exercet. Si igitur conuersionis difficultas ex his quatuor causis oritur, quæ frequentatione peccatorum robustiores fiunt; quo pacto, crescentibus difficultatis ac laboris huius causis, conuersio ipsa faciliior erit? Sed inter hæc tamen quis prauæ consuetudinis vim verbis consequi possit? Hæc enim D. Augustinum, diu à peccato surgere conantem, violento quodam imperio misere detinebat: sicut ipse in Confess. suis cum Deo agens testatur his verbis: Rapiebar ad te decere tuo, moxque dirapiebar abs te pondere meo, & ruebam in ista cum gemitu: & pondus consuetudo carnalis erat. Hanc verò consuetudinem idem vir sanctus catenam appellat: quæ trahitur, inquit, & tenetur etiam animus inuitæ: eo merito, quo volens in illam illabitur. Denique de eiusdem consuetudinis & bonæ voluntatis pugna & contentione sic in eodem libro cum Deo loquens ait: Voluntas noua, quæ mihi esse cœperat, vt te gratis colerem, fruique te vellem, Deus, sola certa iucunditas, nondum erat idonea ad superandam priorem vetustate roboratam. Ita duæ voluntates meæ, vna verus, alia noua; illa carnalis, hæc spiritualis, confregant inter se, atque discordando dissipabant animam meam: sed tamen consuetudo aduersus me pugnacior ex me facta erat, quoniam volens quod nollem peruenieram. Et quis iure contradiceret, cum peccantem iusta pœna sequeretur? Hæcenus Augustinus verbis apertè liquet, in quanto salutis suæ discrimine malis artibus assueti versentur (præsertim si desides & negligentes sint) quando August. qui tanto studio surgere à peccato nitrebat, adeo se ad hoc infirmum atque impotentem confiteretur. Quæ omnia satis apertè indicant, quanta sit prauæ consuetudinis vis atque potestas. Quam etiam hoc exemplo (ne quis ignorantia labatur) declarare volo. Passim videre licet, eos, qui ad nos ex India vel Aethiopia adulta iam ætate veniunt, linguam

Cōf. li. 8.

Ibid. li. 7.

Cōf. li. 8.

simile.

linguam nostram multorum annorum spatio vix pronunciare posse: cum tamen qui ex iis regionibus ad nos in tenera ætate veniunt, vnius anni spatio adeo perfectè loquantur, ac si apud nos nati fuissent. Hoc autem quid facit, nisi diuturnæ consuetudinis vis: quæ vix ea potest dediscere, quibus diu assueta est? Liquet igitur ex his, extremæ esse dementia in futurum pœnitentiam conversionemque differre, quod, ~~vix~~ ea facilius futura sit: cum apertissima ratione constet, eam tanto esse difficiliorem, quanto tardio rem.

Sunt tamen alij qui non hac ratione, sed diuinæ misericordiæ spe se ipsos consolantur, etiã si tota vita in scelera suorum cœno volentur. Hinc D. Aug: improbos homines rebus contrariis, nempe stulta spe ac desperatione, frequenter ad eandem improbitatem anam arripere deorât his verbis: Desperâs homo sic interdum ait: Iam damnandus sum, cur non facio quicquid volo? Audi & vocem sperantis: Misericordia Domini magna est; quando me conuertero, dimittet mihi omnia: cur non facio quicquid volo? Desperat ille vt peccet, sperat iste vt peccet. Vtrumque merendum est, vtrumque periculosum. Væ à desperatione, væ à peruersa spe. Non tardes (inquit) conuertere ad Dominum; nec differas de die in diem: subito enim veniet ira illius, & in tempore vindictæ disperdet te. Noli ergo dicere, Cras me conuertam, cras Deo placebo, & omnia hodierna & hesternâ peccata dimittentur mihi. Verum quidem dicis, quia Deus conuersioni tuæ indulgentiam promissit: sed dilationi tuæ diem crastinum non promissit.

Reliquum est igitur, vt quando pœnitentiæ aliquo tempore agenda sit (nec nisi tria ad hoc tempora habeamus, præsens videlicet, futurum, ac mortis proximum) cum duo hæc tempora apertissima ratione à nobis explosa sint; superest, vt protinus ad illam accingi, nec eam vltâ procrastinare debeamus. Ad hoc autem nos Salomon inuitat, cum ait: Quodcunque potest manus tua, instanter operare; quia nec opus, nec ratio, nec sapientia, nec scientia erunt apud inferos, quò tu properas. Hoc est, quoniam transacto huius vitæ spatio (quod ad salutem nobis diuina providentia concessit) nulla procurandæ salutis, aut pœnæ leuandæ ratio superest. Nullus enim apud inferos salutaris pœnitentiæ locus, nulla spes veniæ, nulla misericordia, nulla implorandæ diuinæ gratiæ opportunitas, nulla Sanctorum suffragia, nulla Ecclesiæ Sacramenta, nulla ad superiorem Iudicem provocatio, nulla pœnarum aut remissio, aut imminutio:

Aug. super Psal.
144.

Ecclesi. 9.

Ecclesi. 9.

sed quem tenorem omnis illa dolorum acerbitas initio habuit, eundem in sempiterna secula habitura est. Tempus enim nunc misericordiae est: quia venit tempus, in quo precipuas iustitia partes sibi vendicabit. Hoc autem in causa est, ut tanta celeritate nos sancti Patres ad seculi & peccati fugam adhortentur.

Hieron. Hinc D. Hieron. ad Paulinum, de Eusebio eius fratre loquens: Festina quæso te, inquit, & hærenti in salo nauiculæ fune magis præscinde quam solve. Egressus item ab Aegypto (qui fuga huius imaginem gerit) tanta celeritate adornatus fuit, ut non liquerit filiis Israël panem ad iter illud fermentare, cogenibus Aegyptiis exire, & nullam eis moram facere permittentibus. Quin & ipse paschalis agni esus magna festinatione celebrari præcipitur, nec quicquam eius usque mane relinqui. Ut hac ratione nobis Dominus insinuet, in iis rebus, quæ ad animæ salutem pertinent, non esse cunctandū aut procrastinandū, sed illud ante oculos habendū: Hodie si vocem eius audieritis, nolite obdurare corda vestra. Vehementer autem D. Chrys. indignatur, quod cum perituri corporis morbo tanto studio ac diligentia curemus, immortalis animæ vulnera prorsus negligamus. Si forte, inquit, in corpore parum aliquid morbi pulsauerit, statim & medicos adhibemus, & pecuniam profundimus, & omni obseruantia quæ competunt gerimus, nec prius cessatur, quam quæ molesta sunt mitigentur; anima verò cum quotidie vulneretur, cum per singula lanietur, vratur, præcipitur, & modis omnibus pereat, nec parva quidem pro ea nos cura sollicitat. Hæc ille. Ne nos igitur, fratres, in hanc tantam mentis cæcitatem & sturiditatem incidamus, ad illam Isaie vocem, nos opportunè monentis, aures accommodemus: Quærite Dominum dum inueniri potest, inuocate eum dum propè est. Quando autem propior nobis, quam hoc sacro tempore esse putandus est, quem tot Ecclesiæ voces die nocteque pro peccatoribus interpellant? Nec ad illum modò, sed ad nos quoque hac oratione identidem repetita clamat: Ecce nunc tempus acceptabile, ecce nunc dies salutis, qui communi Ecclesiæ decreto ad penitentiam destinatus est.

Atque ut finem principio iungam, cum vos ad penitentiam hortor, non ad saccum & cinerem, non ad hebdomadarum inediam, non ad longos peregrinantium labores præcipue adhortor: mitius vobiscum agere volo; & (ut verbis utar Apostoli) humanum quiddam postulo propter infirmitatem vestram: nempe quod initio proposui: Convertere ad Dominum, & relinque

Rom. 6.

relinque peccata: precare ante faciem Domini, & minue offendicula. Quòd si dicas, difficile esse assueta relinquere: fateor quidem impœnitenti, non autem verè pœnitenti. An non vobis in mentem venit, quod paulo antè contra hæreticos disputauimus, per pœnitentiam non modò peccata remitti, sed arma etiam, & vires, & nouum spiritus robur, virtutes omnes, & gratiam donari; & pedibus ac manibus luxu & ostentatio filio ornamenta, imò & munimenta aprari, quibus ad omnia virtutum officia instructus & armatus incedit? Hæc autem spiritalia arma atq. munimenta paruulis in Christo, hoc est, verè pœnitentibus tribui, Salomon in Cant. testatur: qui posteaquam de huiusmodi paruulis sub typo fidelis animæ dixisset; Soror nostra paruula est, & vbera non habet: paulo post subdit; Ego murus, & vbera mea quasi turris, ex quo facta sum: oram eo quasi pacem reprens. Quid autem muri atq. turris nomine, nisi nouum spiritus robur, & fortitudo, quæ paruulis in Christo, hoc est, verè pœnitentibus tribuitur, designatur? Hanc autè pacem vera pœnitentia inuenit, quæ nos Deo conciliat, à quo hanc tantà fortitudinem fidelis anima, quæ paruula erat, recipit. Air autem, non pacem, sed quasi pacem: vel quia plena pax in hac vita non datur; vel quia nemo potest certò scire, vtrum odio vel amore dignus sit. Hoc igitur à vobis, fratres, præcipuè exigitur, vt & peccata, & peccatorum causas atq. offendicula è medio tollere, & precari ante faciem Domini studeatis, vt is nos virtutis & gratiæ suæ robore aduersus omnes antiqui hostis laqueos & ignita tela munire & armare dignetur. His nos armis Apostolus instruit, cum omni tempore orare in spiritu, & in eo vigilare iubet. His Dominus discipulos ante passionis suæ certamè armavit, cum vigilare & orare præcepit, ne in tentationem ruerent. Et iterum; Vigilate itaque orantes omni tempore, vt digni habeamini fugere ventura mala, & stare ante Filium hominis. His etià se regius Propheta muniebat, cum diceret: Oculi mei semper ad Dominum: quoniam ipse euellet de laqueo pedes meos. His igitur armis, fratres, mentes nostras muniamus, vt ab omni peccatorum contagio liberi, digni habeamur, qui beatorum mentium consortio & gloria perfrui mereamur.

Cantic. 6.

Ephes. 6.

Luc. 21.

Psal. 44.

AD LECTOREM.

Quoniam plerique hominum perditorum, qui scelera sua deferere nolunt, conuersionem suam vel in tempus futurum,

In histor.
Anglic. c.
14. & 13.

rum, vel ad finem vsque vitæ differre solent (quos ab hac dæmonis fraude in præcedenti Concione liberare conati sumus) visum est duo memorabilia huius rei exempla, quæ venerabilis Beda in Ecclesiastica historia Anglicana integra fide commemorat, hoc in loco attexere: quibus liquidò constare poterit, veram esse communem illam Patrum sententiam, nempe iusto Dei iudicio hæc poena puniri peccatorem, vt moriens obliuiscatur sui, qui, dum viueret, oblitus est Dei. Ne autem hæc prima de poenitentia Concio solitam aliarum longitudinem excederet, hæc ipsa exempla à totius Concionis corpore seunximus: quæ qui vult referre, in eo loco tractabit, in quo aduersus eos qui poenitentiam vel in futurum tempus, vel ad finem vsque vitæ differunt, disputamus. Sic igitur ait:

Fuit quidam in prouinciæ Merciorum, cuius visiones ac verba, nec non & conuersatio plurimis aliis, sed non sibiimet profuit. Fuit autem temporibus Canridi Regis vir in laico habitu atq. officio militari positus: sed quantum pro industria exteriori Regi placens, tantum pro interna sibi in negligentia displicens. Admonebat ergo illum sedulo Rex vt confiteretur, ac relinqueret scelera sua, priusquam subitæ mortis superuentu tempus poenitendi, seque corrigendi, amitteret. Verum ille, frequenter licet admonitus, spernebat verba salutis, seque tēpore sequenti poenitentiam acturum promittebat. Hæc inter, tactus infirmitate, decidit in lectum, atque acri cœpit dolore torqueri. Ad quem ingressus Rex, qui eum diligebat, vehementer hortabatur, vt vel tunc, antequam moreretur, poenitentiam ageret commissorum. At ille respondit, non se tunc velle confiteri peccata sua, sed cum ab infirmitate resurgeret, ne exprobiarent sibi sodales, quòd timore mortis faceret ea, quæ sospes facere volebat: fortiter quidem (vt sibi videbatur) locutus, sed mirabiliter (vt postea patuit) dæmoniaca fraude seductus. Cumque morbo ingrauescente denuo ad eum visitandum ac docendum Rex intraret, clamaui statim miserabili voce: Quid vis modò? quid huc venisti? non enim mihi aliquid utilitatis aut salutis potes vltrà conferre. Ait ille: Noli ita loqui, vide vt sanum sapias. Non, inquit, in sanio, sed pessimam mihi conscientiam certus præ oculis habeo. Et quid, inquit, hoc est? Paulo antè, inquit, intraverunt domum hanc duo pulcherrimi iuvenes, & sederunt iuxta me, alter ad caput, & alter ad pedes; protulique vnus libellum perpulchrum, sed valde modicum, ac mihi legendum dedit: in quo omnia quæ vquam bona feceram,

feceram, intuens, scripta reperi, & hæc erant nimium pauca & modica. Receperunt codicem, neque aliquid mihi dicebāt. Tunc subito superuenit exercitus malignorum & horrendorum spirituum, domumque hanc & exterius obsedit, & intus maxima ex parte residens impleuit. Tunc ille qui & obscuritate tenebrosæ faciei, & primatu sedis maior esse cæteris videbatur, proferens codicem horrendæ visionis, & magnitudinis enormis, & ponderis penè importabilis, iussit vni ex satellitibus suis mihi ad legendum deferre. Quem cum legissem, inueni omnia scelera, non solum quæ opere vel verbo, sed etiam quæ tenuissima cogitatione peccaui, manifestissimè in eo tetricis esse descripta literis. Dicebatque ad illos, qui mihi adfuerant, viros candidis vestibus nitentes: Quid hic sedetis, scientes certissimè, quia noster est iste? Responderunt: Verum dicitis: accipite, & in cumulum damnationis vestræ ducite. Quo dicto, itatim disparuerunt: surgentesque duo nequissimi spiritus, habentes furcas in manibus, percusserunt me, vnus in capite, & alius in pedibus: qui videlicet modò cum magno tormento transfodiunt viscera mea, & interiora corporis mei penetrant, mórque vt ad inuicem peruenient, moriar, & paratis ad rapiendum me dæmonibus, in inferni claustra pertrahar. Sic loquebatur miser desperans; & non multo pòst defunctus, pœnitentiam, quam ad breue tempus cum fructu veniæ facere supersedit, in æternum sine fructu pœnis subditus facit. De quo constat, quia, sicut B. Pater Gregorius de quibusdam scribit, non pro se ista, cui non profuere, sed pro aliis viderit: quæ eius interitum cognoscentes, differre tempus pœnitentiæ, dum vacat, tingeret; ne, improviso mortis articulo præuenti, impœniten-tes perirent. Quod autem codices diuersos per bonos, siue malos spiritus sibi vidit offerri, ob id superna dispensatione factum est, vt meminimus facta & cogitationes nostras non in ventum diffuere, sed ad examen summi Iudicis cuncta seruari, & siue per amicos Angelos in fine nobis ostendenda, siue per hostes nostros.

Hanc verò sequentem historiam, sicut à venerabili Antistite Pectelmo didici, simpliciter ob salutem legentium narrandam esse putavi. Noni autem ipse Fratrem (quem vtinam non nossem; cuius etiam nomen, si hoc aliquid prodesset, dicere possem) positum in monasterio nobili, sed ipsum ignobiliter viuentem. Corripiebatur quidem sedulo à Fratribus, & à maioribus loci ad castigatiorem vitam conuerti admonebatur. Et

quamuis eos audire noluisset, tolerabatur tamen ab eis longanimiter ob necessitatem operum ipsius. Erat enim fabrilis atque singularis. Seruiebat autem multum ebrietati, & cæteris remissionis vitæ illecebris, magisq. in officina sua die noctuq. residere, quam ad psallendum, aut orandum in Ecclesia, audiendumq. cum fratribus verbum vitæ concurrere consueuerat. Unde accidit illi, quod dicere quidam solent: Quia qui non vult Ecclesiæ ianuam sponte humiliatus ingredi, necesse habet ianuam inferni non sponte damnatus intrare. Percussus enim languore, atque ad extrema perductus, vocauit fratres; & multum mœrens, ac damnato similis, cœpit narrare quod vidisset inferos apertos, & Satanam demersum in profundis Tartari, Caiphamq. cū cæteris qui occiderant Dominum, iuxta cum flammis vitricibus traditum. In quorum vicinia, inquit, heu misero mihi locum adspicio æternæ perditionis esse paratum. Audiētes hæc fratres cœperunt diligenter exhortari, vt vel tunc positus adhuc in corpore poenitentiam ageret. Respondebat ille desperans: Non est mihi modò tempus mutandi vitæ, cum ipse viderim iudicium meum iam esse completum. Talia dicens, sine viatico salutis obiit, & corpus eius in vltimis est monasterij locis humanum: neque aliquis pro eo Missas facere, vel Psalmos cātare, vel saltem orare præsumebat. O quam grandi distantia diuisit Dominus lucem à tenebris! Beatus protomartyr Stephanus passurus mortem pro veritate vidit celos apertos, vidit gloriam Dei: & ubi erat futurus ipse post mortem, ibi oculos mentis ante mortem misit. At contra faber iste tenebrarum mentis, imminenti morte, vidit aperta tartara; vidit damnationem diaboli, & sceleratorum eius; vidit etiam suum infelix inter tales carcerem, quod miserabilius ipse desperata salute descenderet, sed viventibus, qui hæc cognouissent, causam salutis sua perditione relinqueret. Factum est hoc nuper in prouincia Berniciorum, ac longe lateque diffusum, multosque ad agendam, & non differendam scelerum suorum poenitentiam prouocauit. Quod vtinam ex hac nostrarum lectione literarum fiat. Hactenus Venerabilis Bedæ verba: quæ maximum ceteris cessantibus, & poenitentiam insequentia tempora differentibus, metum incurrere deberent.

CON.

CONCIO SECVNDA, DE VERA

ET FALSA POENITENTIA: QVÆ AB altera dehortans, ad alteram hortatur. Quo in loco de prima ac præcipua poenitentia parte, nempe contritione, disseritur.

THEM. *Conuertere ad Dominum; & relinque peccata; &c. Ecclesiast. 17.*

IN superiori Concione, fratres charissimi, vos ad poenitentia^{is} studium adhortati sumus: virtutis huius tum mirabilis utilitatem, tum etiam necessitatem vobis ob oculos ponentes. Nunc ratio ipsa exigere videtur, vt, qua ratione poenitentia salubriter agenda sit, exponamus. Rectè enim Plutarchus, eos, qui ad virtutem adhortantur, nec tamen docent qua ratione exercenda sit, similes iis esse ait, qui lampadem quidè emunt, simile, nec tamen oleum infundunt: quo fit, vt accensa lampas protinus exstinguatur. Vt hoc igitur nos oleum poenitentia^{is} lampadi, quo perpetuò luceat, infundere possimus, caelestem opem, sacratissimæ Virginis interuentu, suppliciter imploremus:

AVE MARIA:

CVM Ieremiã Propheta Dominus ad prædicandum populo suo misisset, hoc illi officium præcipuè demandauit, vt primum quidem euelleret atq. destrueret, deinde ædificaret atq. planaret. Quisquis enim populum ad pietatem & iustitiã institueret, parat, primum quidem in hoc incumbere debet, vt prauos & inueteratos eius mores destruat atque euellat: deinde, vt, illis euulsis, salutarium plantarum, hoc est, virtutum semina conserat: quemadmodum ij facere solent, qui inculta & siluestria loca excolere, & in eis frumenti semē iacere volunt. Cum ergo nos hoc sacro tempore Sermones de poenitentia habere proposuerimus, priusquam de vera poenitentia disseramus, falsa prius euellenda atque demolienda est. Quod quidem consiliū Philosophis etiam placet, qui primam virtutem esse dicunt, vitia fugere: quibus è medio sublati, facile est virtutes animis inferere.

Pars prior. I.

Ad hoc igitur sciendum primo est, in omnibus rebus quæ vel natura, vel arte constant, esse alias quidem veras, alias non veras:

BB 4

quæ

quæ tamen veritatis speciem referant. Est enim verum & adulterinum aurum, est item vera & adulterina moneta, sunt etiam veræ & adulterinæ margaritæ atque lapilli. Idem autem in moribus quoque nostris euenit. Est enim vera & falsa iustitia, vera & falsa religio, vera & ficta humilitas, & vera item & ficta charitas: aliqui nunquam Apostolus dixisset, vt dilectionem sine simulatione, & charitatem non fictam retineremus. Sicut ergo in cæteris virtutibus sunt veræ & adulterinæ virtutes, speciem pietatis retinentes, virtutem autem eius abnegantes: ita in poenitentia hoc idem reperire licet, vt alia quidem sit vera, alia ficta & simulata. Vera est illa, quam Dominus per Prophetam a nobis exigit cum ait: Conuerimini ad me in toto corde vestro, in ieiunio, & fletu, & planctu, & scindite corda vestra. Vera item est, quam hæc verba, quæ modò proposui, exprimunt: Conuertere ad Dominum, & relinque peccata, &c. Falsa autem est illa, quam Israëlitis Propheta tribuit, cum ait: Et dilexerunt eum in ore suo, & lingua sua mentiti sunt ei. Cor autem eorum non erat rectum cum eo, nec fideles habiti sunt in testamento eius. Hæc igitur falsa poenitentia erat: quæ cum foris poenitentia imaginem verbis præferret, intus tamen longè à veræ poenitentia ratione abhorrebat. De qua item Dominus per Prophetam conqueritur cum ait: Et non est reuersa ad me in toto corde suo, sed in mendacio. Mendacium autem huiusmodi conuersionem vocat, vel quia poenitentis animi speciem improbus homo præfert, vel certè quia mentitur, cum non implet quod promissit, quando à peccatis, quæ se damnare ac detestari professus est, non recedit. Quod cuius periculi sit, declarat Hugo de S. Victore: qui tria numerat obstinatorum hominum genera. Primum eorum qui ex correctione non proficiunt. Secundum, & quidem grauius, eorum qui ex commotione deteriores fiunt: qui videlicet ex limarubiginem contrahunt. Tertium verò ait eorum esse, qui emendationem promittunt, quam non præstant. Hos enim meritò inter obstinatos numerat, quia de his (quàm diu tales permanent) spes nulla salutis est. Emendationem quippe promittere, nec præstare, id verò est vitium vitio cumulare. Horum autem prauitatem ad tempus Dominus dissimulare videtur, quam tamen suo tempore debitis suppliciis tanto grauius quanto serius puniet, sicut Propheta dicit: Inimici Domini mentiti sunt ei, & erit tempus eorum in secula: siue, vt alij venterunt, in seculo. Quod perinde est, ac si diceret: Modò quidem isti mentiuntur Deo,

Rom. 12.
2. Cor. 6.

Ioel. 2.

Psal. 77.

Hugo de
12. abusio
nibus.

Psal. 80.

Deo, cuius leges violant: sed erit ramen cū mendacij huius
 pœnas pendant, quas in futuro seculo perpetuò daturi sunt. De
 quo tempore rursum ait: Cū accepero tempus, ego iustitias Psal. 74.
 iudicabo. Vt enim incredulis quibusdam Saluator dixit; Tem-
 pus meum nondum aduenit, tempus autem vestrum semper
 est paratum: ita idem modò improbis omnibus dicere potest:
 Hoc præsenti tempore liberum vobis est, me permittere atque
 silentē, impunè facere, quod libitum est: ¹ Deut. 32. ² 1. Reg. 12. ³ 1. Reg. 16. ⁴ 1. Reg. 16.
 paterit tamen tem-
 pus cū diuturnum hoc silentium soluam, & collectam atque
 seruata in pectore meo longa patientia iram supra caput ves-
 strum effundam. Nec longis hoc vindictæ tempus dilatur
 spatii, cū scriptum sit, luxa est dies perditionis, & a desse fe-
 stinant tempora. Cæterum vtriusque poenitentia, veræ scilicet
 ac saluæ, in Dauide & Saule commodissimum videre licet
 exemplum. Vterque enim deliquit, vterque hanc vocem pro-
 tulit, Peccaui: & tamen alter audit, Dominus quoque transu-
 lit peccatum tuum; non morieris: de altero verò, cū pro eo
 Samuel preces funderet, Dominus ait: Vsq̃ue quo tu luges
 Saul, cū ego proiecerim eum? Cur igitur ille veniam conse-
 cutus, hic verò non est consecutus, cū eadē vtriusque vox
 fuerit: nisi quòd Dauid toto corde ad Dominum est reuersus,
 quem tamen animum Saul nō habuit? alioqui, si haberet, ean-
 dem quam alter veniam consequeretur, cū Deus personam
 non accipiat. Talis enim eorum poenitentia esse videtur, qui,
 vbi primum scelera sua poe tempore confessi fuerint, in eadem
 protinus relabuntur: neque de praua consuetudine & licentia
 iurandi, peierandi, mentiendi, detrahendi, maledicendi, male-
 precandi, atque concupiscendi quicquam remittunt, nec vllum
 virtutis ac pietatis officium amplectuntur, sed iidem omnino
 permanent, qui antè fuerant. Quos verisimile est sacramenti
 virtutem & gratiam minimè percepisse. Quod vel hoc vno
 exemplo colligi potest: Si quis graui corporis morbo laborans,
 potionem sibi à medico præscriptam ebibens, nihilo melius
 haberet, sed idem febris ardor illum incenderet, idem est
 fastidium, eadem sitis, eadem corpori debilitas illum preme-
 ret: quis huiusmodi potionem salutarem illi fuisse crederet,
 cū nihil de morbi molestiis immutaret? Cū igitur sacra-
 mentalis confessio velut quædam animorum porio sit, qua no-
 xij & pestilentes peccatorum humores ab anima pelluntur, &
 status eius diuinæ gratiæ ope rectè constituitur: si nihil horum
 efficiat, si idem spiritualium rerum fastidium in ea maneat, ea

dem terrenarū rerum sitis atq. cupido, idē libidinū æstus, idē auaritiæ atq. ambitionis ardor, eadem ad omnia virtutū officia infirmitas atque imbecillitas; quæ, quæso, coniectura vel indicio colligere potero, spiritualementē hanc medicinam tibi profuisse?

Sed fortasse dices: Non continuo certum argumentum colligi potest, confessionem meam inanem extitisse. quod protinus in eadem crimina lapsus fuerim. Hoc enim prauis habitibus & inueteratā consuetudini magis tribuendum esse videtur: cū difficillimum sit assueta relinquere, quæ in naturam quodammodo verſa sunt. Fateor hanc certam fictā confessionis coniecturam & argumentum non esse. Fieri enim potest, vt vera quidem confessio & poenitentia præcellerit, & tamen incautus homo, sibi quæ parum prospiciens, partim praua prioris vitæ consuetudine perurgente, partim diabolo suggerente, in pristina statim vitia corruat. Sed frequentius tamen hoc euenire ex eo puto, quod talium confessio fuerit (vt Theologi loquuntur) informis. Potest enim vera esse confessio, & informis tamen: quæ videlicet quis Sacramentum tantum suscipit, non etiam rem Sacramenti, quæ est Spiritus sancti gratia. Quia deficiente, fragilis homo, prauæque assuetus, occasione oblata in eadem protinus vitia labitur. Vt enim D. Thomas ait, minima etiam gratia omnia lethalia crimina vitare potest, quandoquidem charitas ab ea proficitur: cuius est non verbo tenus, sed re ipsa Deum diligere super omnia, atque peccatum super omnia simili ratione odisse. Verè enim charitas, quæ veræ poenitentia beneficio per Spiritum sanctum effunditur in cordibus nostris, magis Deum diligit, quàm cupiditas millia auri & argenti, atque omnia forius mundi bona. Quo fit, vt, qui hoc modo Deum diligit, nullius temporariæ rei pretio illum commutare velit. Quo nomine Ioannes ait: Qui natus est ex Deo, non peccat: generatio enim Dei conseruat illum. Hoc est, diuina cognatio, quæ homo celestis Spiritus participes effectus est, conseruat illum; & à terrenis rebus abductum ad celestia rapit: cū sit in eius pectore fons aquæ salientis in vitam æternam. Hac igitur de causâ Ioannes ait, qui ex Deo natus sit, non peccare: quoniam vel perpetuò à lethalibus abstinebit peccatis, vel certè rarò & difficulter in ea corruet: & cū in ea fortasse labitur, non sine interno conflictu atque sensu animi labitur; vt pote qui Deum, quæ super omnia charissimum habet, amittere, atque à se ablegare, & infima aliqua re commutare, grauiter & moleste fert. Nunquam enim sine doloris sensu

a. Ioan. 5.

Ioan. 4.

1
2
3

amit-

amittitur, quod cum amore possidetur. Quo sit, vt, qui bibunt
 quasi aquam iniquitatem, hoc est, qui sine vlllo doloris sensu fa-
 cile in peccata ruunt, à diuina gratia & charitate lōge abesse vi-
 deantur. Cum autem fidelium plurimos videamus, peracta con-
 fessione, sine vlllo gemitu, aut interno conflictu præcipientes in
 omnia scelera ferri: quo indicio colligere potero, hos charita-
 tē, & Spiritū Domini, & diuinæ gratiæ lumē percepisse: Lumen
 enim non potest non lucere: charitatis velis ignis non potest
 non ardere. Cum igitur nihil in te splendoris, nihil ardentis vi-
 deam; qua coniectura te cæleste lumē & ignem percepisse cog-
 noscā? Adde etiam, quod quamuis commune sit cuiusmq; gra-
 tiæ omnia lethalia crimina posse vitare, sacramentalis tamē gra-
 tiæ, quæ in confessione datur, singularem quandam vim aduer-
 sus peccatum habet: cum hoc sacramentū in peccati remedium
 sit à Christo Domino institutū. Cum igitur videā, multos post
 hoc sacramentum sine vlla mora eadem crimina repetere; qua
 ratione colligere potero, istos cæleste in hanc vim recepisse, quæ
 nullum à se crimen abdicauit. Hinc D. August. hoc modo pœ-
 nitentem alloquitur: Si pœnitens es, pœniteat tibi pœnitentia te,
 noli facere: si adhuc facis, pœnitens non es. Huiusmodi verò
 pœnitentes D. Bernard. his verbis accusat: Pœnitentia, inquit,
 est de præteritis malis dolere; & sic plangere commissa, vt non
 committat plangenda; irrisor namque & non verè pœnitens est,
 qui achuc agit, quod pœniteat. Idem etiam D. August. testatur
 his verbis: Pœnitentiam agis, genu figis, & rides: subitannas pa-
 tientiam Dei. Itemque rursus in sermone quodam; Qui peccatus,
 inquit, suum tundit, & non corrigit; peccata solidat, non tollit.
 Ex cuius verbis facile colligimus, qui hoc modo pœnitentiam
 agunt, medicamenta illis, aced non proficere, vt remedia in ve-
 nena mutantur: cum sancti Patres allegerant, hoc non esse pœni-
 tere, sed irridere patientiam Dei.

Quam multi verò sunt, fratres, qui quotannis hæc diuina
 sacramenta sine vlla vera peccati detestatione & fuga suscipiunt;
 sicque ad multam ætatem perueniunt, falsa pœnitentiæ ima-
 gine delusi! Horum autem miserandum statum simul & peri-
 culum Oleas Propheta sub nomine Ephraim appositissima
 similitudine describit his verbis: Ephraim factus est lubcineri-
 cius panis, qui non reueratur. Comederunt alieni robur eius,
 & ipse nesciuit: sed & cani effusi sunt in eo, & ipse ignorauit.
 Panis lubcinericius nisi sape veritatur de latere in latus; alterum
 quidem latus adurit, alterum manet incoctum; atque in-
 inutilis

Inutilis profusus ad edendum est. Tales sunt ij qui tota vita in
 sceleribus suis immoti manent : utpote qui nunquam veram
 poenitentiam egerint, neque ab auersione sua ad Dominum
 verè & ex animo conuersi fuerint. Quorum obliuatum ani-
 mum apud Ieremiam Dominus demiratur, dicens : Nunquid
 Ierem. 8. qui auersus est, non reuertetur ? Populus autem hic auersus
 est auersione contentiosa : apprehenderunt mendacium,
 & noluerunt reuerſi. Quorum deinde perditionem & obſti-
 nationem Oſeas inſinuat, cum ſubdit : Comederunt alieni ro-
 bur eius, & ipſe nesciuit. Dæmones quippe, humani generis
 hostes & prædones, omnia eius bona diripuerunt, & plagis im-
 poſitis abierunt ſemiuuio relicto. Per lethalia quippe ſcelera, in
 quæ nos ipſi præcipitant, non modo cælestis gratiæ bona
 amittuntur, ſed bona etiam naturæ ita diſſipantur, ut, quo diu-
 tius homo in eis perfeuerat, eò magis & illa deſtruat, & malo-
 rum ſuerum ſenſum amittat. Hoc eſt enim quod ait : Et ipſe
 nesciuit. Cum verò malum & periculum profuſus ignoratur,
 quod ei remedium adhiberi poterit ? Quod deinde repetit &
 amplificat, cum protinus ſubdit : Sed & canis effuſi ſunt in eo,
 & ipſe ignorauit. Hoc eſt, neque in ipſa arate quæ canis re-
 ſperſa eſt, quæ & carnis affectus deprimit, & prudentiam aug-
 get, conceptam ſemel improbitatem deſerere voluit, ſed quem-
 admodum adoleſcentia & iuuentus, ita etiam ſenectus variis
 ſcelerbz contaminata fuit. Itaque in huiusmodi hominibus
 utatatis, ita etiam peccatorum canities inuenitur. Quæ qui-
 dem re nihil in vita reperiri periculoſius poteſt. De hac enim
 Pſal. 37. peccatorum canities Propheta dicit : Putruerunt & corruptæ
 ſunt cicatrices meæ, à facie inſipientiæ meæ. Hoc eſt, Quo-
 niam ad peruidenda ea mala & pericula, in quibus verſabar, &
 cæcus, & omnis ſenſus expers eram, nunquam de remedio &
 medicina cogitavi : quo factum eſt, ut eadem vulnera com-
 putruerint, & corrupta ſint, meque ob id in ſummum ſalutis
 & vitæ diſcrimen adduxerint. Vetuſta enim & inueterata ma-
 la difficile ad ſanitatem perducuntur. In hoc ergo periculo ver-
 ſantur ij, quorum poenitentia non vera, ſed ficta & falſa eſt.

Sed demus te veram poenitentiam egiſſe, & veniam atque
 gratiam cum ſacramento percepiffe : quem fructum ex ea poe-
 nitentia reſers, cum protinus eadem peccata repetis ? Ut enim
 D. Auguſt. ait : Inanis eſt poenitentia, quam ſequens coinqui-
 nat culpa : nihil profunt lamenta, ſi iterantur peccata : nihil iu-
 uat à malis poenitentiam agere, & mala denuo iterare. Hinc

Idiſorus

Isidorus illam Domini vocem explanans; Lauamini, & mundificestote: sic ait: Lauatur & mundus est, qui & præterita plangit, & futura non admittit: lauatur & non est mundus, qui plangit quod gessit, nec deserit. Huius igitur pœnitentiæ inanitem Ecclesiasticus variis similitudinibus declarat his verbis: Vnus ædificans, & vnus destruens; quid prodest illis nisi labor? Vnus orans, & vnus maledicens, cuius vocem exaudiet Deus? Qui baptizatur à mortuo, & iterum tangit mortuum, quid proficit lauatio eius? In lege olim, quisquis cadaver contigisset, immundus habebatur, oportebatque illum lustrali aqua ab hac legis immunditia expiari. Sensus ergo huius sententiæ est: Qui à mortui contactu expiatus fuit, iterumque mortuum tangit, quid ei prior illa lustratio contulit? Quam quidem sententiam D. Gregor. cæteri que sancti Patres ad traducendam illorum pœnitentiam citant, qui, posteaquam per illam fuerint expiati, protinus expianda committunt. Quem sensum idem Ecclesiasticus insinauit cum protinus subdit: Sic homo qui ieiunat in peccatis, hoc est, qui se propter admissa crimina ieiuniis macerat, qui tamen iterum eadem facit, quid proficiet humiliando se? orationem illius quis exaudiet? Videris ergo, fratres, quam sit huiusmodi pœnitentia inanis? Quam Salomon quoque in Prouerbijs notauit, cum ait: Sicut canis qui reuertitur ad vomitum suum, sic imprudens qui iterat stultitiam suam. Qua similitudine Petrus Apostolus vsus, aliam addit de suis lota, quæ reuertitur ad volutabrum latratis. His argumentis, fratres, colligimus, eorum, quos hoc modo pœnitet, laborem esse superuacaneum: qualis eorum esset, quorum alter ædificaret, alter destrueret. Vtinam verò nihil præterea incommodi huiusmodi pœnitentia haberet, lenius hoc ferendum esset.

I.

Est tamen aliud longè grauius, magisque pertimescendum, nempe quod Apostolus ait: Si, quæ destruxi, iterum hæc ædifico, præuaticatorem me constituo: hoc est, noui criminis reum facio. Post perceptam enim singularis Dei beneficio veniam & gratiam, post sacrificium illud quo se homo ad sacerdotis pedes Deo dicauit, firmiterque apud illum statuit, se nunquam ampliùs Dei leges violaturum, iterum eadem committere, an non hic ingrati animi crimine scelera sua cumulat & auget? Quod quidem scelus D. Gregorius spirituales quandam apostasiam appellat. Sic enim ait: Quemadmodum qui à fide recedit,

cedit, apostata est: ita qui ad peruersum opus, quod deseruerat, redit, ab omnipotente Deo apostata iudicatur; etiam si fidem tenere videatur. Appellat autem vir sanctus crimen hoc apostasiam, non quod verè & propriè apostasia sit: sed quemadmodum

1. Cor. 1. Apostolus eos, qui indignè ad Eucharistiæ sacramentum accedunt, reos esse ait corporis & sanguinis Domini, hoc est, eis similes, qui in sacrum eius corpus deliquerunt, & sanguinem fuderunt; ita qui à iustitia, quam sectabatur, ad improbitatem redit, apostatæ scelus imitatur, qui à fide, quam erat professus, ad perfidiam retrocedit. Maioris enim criminis comparatione, crimen hoc propter similitudinē voluit amplificare. Querit autem D. Thomas, vtrum sit gravius peccatum: id ne quo amittitur innocentia, an quod committitur post poenitentiam, impetrata peccati venia. Ait autē grauissimam quidem esse innocentie iacturā, & grauissimum scelus esse, quo tanta res amittitur: nihilominus tamen gravius esse, post poenitentiam & diuinam gratiā atque veniam perceptam, veniæ largitorem iterum offendere. Quo nomine scelus hoc gravius esse decernit. Cuius gravitatem apud Ieremiam Dominus memorabili quodam exemplo atque narratione declarat: quā non gravabor hoc in loco referre. Cum exercitus Assyriorū Hierosolymam obsideret, & filij Israël, Ieremiæ vocibus admoniti, in tāto se discrimine propter admissa scelera versari intelligerent (ac præcipue propter tyrannidem, quam in seruos Hebræos exercebant, quos elapso septennio contradiuinæ legis præscriptionem captiuos retinebant) irā Domini lenire volentes, in eius templū conuenerunt, ibidemq. communi consensu libertatem seruis prædicarunt: solenni quē sacrificio peracto, vitulum in frusta concidentes atque inter eius partes transeuntes, simile sibi mortem atq. dilacerationē re ipsa imprecati sunt, si quod erat rectè factum reuocarent. Quo tempore cum exercitus Assyriorū propter Aegyptios aduentantes obsidionem soluisset, ubi filij Israël ab imminenti periculo se liberatos viderunt, quod erat rectè factum abrogantes, seruos iterum suos pristinæ seruituti addixerunt. Ad quos hanc Dominus legationem per Ieremiā misit: Vos, inquit, fecistis quod rectum erat in oculis meis, vt prædicaretis libertatem vnusquisque ad amicū suū: & iniistis pactum in conspectu meo, in domo in qua inuocatū est nomen meum super eam. Et reuersi estis, & cōmaculastis nomē meū: & reduxistis vnusquisque seruū suū, & vnusquisq. ancillā suā, quos dimiseratis vt essent liberi & suæ potestatis: & subiugastis eos vt sint

ut sint vobis serui & ancillæ. Propterea hæc dicit Dñs: Vos non addidistis me, vt prædicaretis libertatē vnusquisque fratri suo, & vnusquisq. amico suo; ecce ego prædico vobis libertatē, ait Dominus, ad gladium, ad pestem, & ad famē: & dabo vos in commotionem cunctis regnis terræ. Et dabo viros qui prauaricantur fœdus meū, & non obseruauerunt verba fœderis, quibus assensu sunt in conspectu meo, vitulum quem consciderūt in duas partes, & transierunt inter diuisiones eius, Principes Iuda, & principes Ierusalem, eunuchi, & sacerdotes, & omnis populus terræ, qui transierunt inter diuisiones vituli: & dabo eos in manus inimicorū suorum, & in manus quærentiū animā eorum: & erit morticinū eorū in escā volatilibus cæli, & bestiis terræ. Et Sedeciam Regem Iuda & principes eius dabo in manus inimicorum suorum, & in manus quærentium animas eorum, & in manus exercitū Regis Babylonis, qui recesserūt à vobis. Ecce, ego præcipio, dicit Dñs, & reducam eos in ciuitatem hanc, & præliabuntur aduersus eam, & capient eam, & incendunt igni: & ciuitates Iuda dabo in solitudinem, eo quod non sit habitator. Hactenus verba Ieremiæ: quæ quidem si ad perterrefacienda malè pœnitentium corda non sufficiūt, nescio quid à me formidabilius in hac causa afferri queat. Aduersus illos autem, qui horum impudentiam imitantur, clamat Petrus Apostolus, dicens: 2. Pet. 2. Melius illis fuerat viam veritatis non nosse, quàm post agnitam retrocedere ab eo quod illis traditum est sancto mādato. Vt autem vobis mentem meam hac in re aperiam, asseuerare non dubito, inter omnia mala, quibus nunc mundus premitur, hoc mihi vel omniū maximum, vel vnum inter maxima cōnumerandum videri, quod intelligam, maximam hominum turbam in summo salutis æternæ discrimine versari, dum hoc modo confitentur, & vix peracta confessione in eadem crimina relabuntur. Nemo ergo se decipiat, nemo sola confessione salutem sibi polliceatur, nisi capitale odium illi ac detestationem lethaliū criminum adiungat. Hinc Salomon ait: Pro. 12. Qui abscondit scelera sua, nō dirigitur: qui autem cōfessus fuerit, & reliquerit ea, misericordiam consequetur. Præuidebat enim in spiritu futuros multos, qui, sola scelerum suorum confessione contenti, salutem sibi pollicerentur. A quo illos errore abducit, cū confessioni eorundem fugam copulauit, sine qua confessio ad æternam salutem nihil iuuat. Cæterum quoniam hætenus destruere atque euellere adulterinam pœnitentiam conati sumus; superest vt veram atque germanam plantare studeamus.

SECUNDA PARS, VEL ALIA

Concio de prima poenitentia parte,
nempe contritione.

Veram igitur & integram poenitentiam tribus præcipue partibus, nempe contritione, confessione, & satisfactione contineri, ex ipſius etiam rudimentis Christianæ doctrinæ constat. Ex his autem tribus partibus contritio magis necessaria esse dicitur. Fuit enim ante legem, & in lege, & modò sub gratia ad salutem necessaria: cum tamen sacramentalis confessio nec ante legem, nec sub lege præcepta aut instituta à Deo fuerit. Euenire item potest, vt sola contritio salutem pariat: vbi sacerdotis copia non est, (si confessio tamen fuerit in voto atque proposito) sola autem confessio, sine contritionis aut saltem attritionis ope, salutem dare non potest. Quo nomine verè poenitentes admonendi sunt, vt non modò in exploranda vita sua studiosi ac diligentes sint, sed multo magis in ea desclenda, atque per veræ contritionis affectum deploranda ac deestanda. Quod contrà multi faciunt; qui cum in perscrutandis peccatis suis nullum penè finem faciant, in contritionis tamen studio, hoc est, in desclendis conscientia suæ maculis, negligentissimi sint. Quò fieri plerunq. solet, vt eorum poenitentia, veluti corpus sine anima, informis & mortua sit. Rectè enim

Gregor. D. Gregor. Qui peccata, inquit, confitatur, & nō deslet, perinde est, ac si quis medico vulnera detegeret, & curari nollet. Neque enim hic sanitatem corporis, neque ille mentis consequetur. Quocirca vtraque pars amplectenda est; ea tamen lege, vt, quod maius est, maiori quoque studio conſeſtemur. De hac igitur præcipua poenitentia parte, nempe contritione, tria mihi explicanda esse videntur: hoc est, quid contritio sit, qualis esse debeat, & qua item ratione illam in mentibus nostris alere atque nutrire valeamus.

Diuisio.

Præcipiò igitur contritionem sancti Patres peccati detestationem atque odium esse definiunt supra omne quod odium haberi potest, idque propter Deum super omnia dilectum. Ex qua quidem definitione apparet, peccatorum dolorem non contritionem, sed veræ contritionis effectum & comitem induiduum esse. Ex ea enim summa peccati detestatione atque odio duo necessariò consequuntur: alterum dolor ingens, quòd ea admisimus, quæ summo odio detestamur; alterum fixum im-

motum-

motumque propositum nullo modo committendi quod tam immani odio prosequimur: atque hæc duæ præcipuæ contritionis partes habentur: quarum altera præteritum tempus, altera præsens & futurum respicit. Iam ergo singulas huius definitionis partes, hoc est, veræ contritionis conditiones expendere incipiamus.

Est igitur (ut modò diximus) contritio, summa peccati detestatio, idque propter Deum summè dilectum. Itaque peccatorum detestatio ac dolor non ex ea solum causa manare debet, quod per illud cælestem hæreditatem tanquam rebelles & inobedientes filij amisimus, & gehennæ supplicium commertuimus: sed quia per illud piissimum parentem Deum, cuius beneficio in lucem editi & seruati, atque ab æterna morte pretioso eius sanguine redempti sumus, violauimus atque offendimus. Rectè enim D. August. Qui gehennam metuit, non peccare metuit, sed ardere: ille autem peccare metuit, qui peccatum sicut gehennam metuit. Hoc ergo modo, & hac de causa, peccati virus detestandum est. Hoc enim Deo gratum est, quod eum diligas, & propter illum doleas. Quod verò te ipsum ames, soloque tui amore inductus, vel supplicia tua timeas, vel damna desideas, cum vtrumque ex eadè propriæ amoris radice frequenter proficiatur: non est cur hoc gratum Christus Dominus habere debeat. Est quidem huius timoris affectus (quamuis hæretici reclamant) meritò commendandus, & inter Spiritus sancti etiam dona connumerandus: quandoquidem timor hic, qui seruilis dicitur, filiorum timori aditum præbet, solus tamen per se salutem dare non potest. Cautum erat olim (ut in Esther libro legimus) ne quis Assheri regiam sacco indutus ingredi posset; quod hæc vestis seruilis esset, ideoque aula Regis indigna. Hæc autem seruorum vestis, seruilem timorem designat; quem qui habet, si nihil aliud habeat, cælestis regis palatium ingredi nequaquam potest. Nuptialis ergo vestis assumenda nobis est, ne ligatis manibus & pedibus in tenebras exteriores extrudamur. Quæ quidem vestis charitatem designat, qua Deum super omnia diligentes, de illius offensione propter illū dolemus. Hoc enim à nobis Dominus exigit, cum per Prophetam dicit: Si reuerteris Israël, ad me conuertere. Hoc est, si antea cæ vitæ scelerade restaris, si viâ perditionis, per quam hæcenus ingressus es, deseras, ad me cōuertere, me inuere, me respice, mihi adhære, in me vni oculos cōiice, mihi vni obsequi & placere satage, & in mei gratiam pristina vitia tua, & carnis illecebras deponere.

Eni, fratres, cuius rei gratia auctoritatem vitæ crimina detestari
& plangere debeamus. Ex hoc autem aperte liquet, quantus ef-
fe debeat dolor, qui ex hac ipsa detestatione consequitur. Si
enim Deum super omnia tanquam summum bonum diligere
tenemur: consequens est, ut, quod summo amore diligimus cum
possidemus, summo dolore lugeamus cum amisimus. Sicut
enim pari homines odio mortem odetunt, quo vitam diligunt:
ita cum Deus & peccatum sibi mutuo aduersentur, neque in ea-
dem mente non magis quam mors & vita hæret simul possint:
efficitur plane, ut, quanto quis amore Deum diligit, tanto pecca-
tum odio detestari, tantoque de eius omissione dolore affici de-
beat. Præterea, sicut Deus bonorum omnium summum atq. ma-
ximum est: ita peccatum, quod illi aduersatur, malorum omnium
maximum est: adeo, ut ne ipsa quidem in ignis æterni poena cum
peccati malitia comparanda sit. Plus enim mali in peccato, quam
in gehenna, est: cum illud quidem causa, hoc vero effectus sit:
& ne ipsa quidem æterna gehenna poena sufficiens atque plenum
peccati supplicium sit. Sicut ergo gehennam homines summo
odio detestantur, vitæ etiam ac in ulto adhuc maiori odio pecca-
tum horre debent. Hoc igitur peccati odio, hac commissorum
detestatione ac dolore ad Dominum conuerti veripœnitentes
debent. Quæ res quantum habeat æquitatis & iustitiæ, illa Pro-
phetæ verba declarant, quibus ait: Convertimini, sicut in pro-
fundum recesseratis. Hoc est, quia ante auiditate fugiuius ho-
mores, perituras diuitias, & pecudum voluptates caprabaris, &
quo dolore harum rerum iacturam lugebatis, eadem mente, at-
que affectu ad ecclesiæ atque diuinæ bonæ conuertimini: simili-
que doloris sensu plangite, quod Deum amisistis, quo amissa
huiusmodi bona plangitis. Cum autem dolor hic ex Dei amore oriatur, quo quis magis
hoc amore flagrat, eo vehementius hoc dolore concutitur.
Hinc D. Gregorius: Cum vehemens ipœnitentiæ spiritus men-
tem occupat, omne gaudium percutbat, ut nihil iam nisi flere
libeat, nihil nisi quod terrere possit attendat. Hic autem dolo-
ris affectum Dominus à verè poenitentibus præcipue exigit,
quod etiam in lege olim miræ ratione figurauit. Cum enim in
omni simile sacrificio thus & oleum superessum præcepisset,
cum ea tamen pro peccato offerebatur, neutrum horum adhi-
beri præcepit, quia, inquit, pro peccato est. Quem locum
Origenes explanans, In sacrificiis, inquit, pro peccato, nec
oleum lætitiæ, nec thus suauitatis imponitur. De peccantibus
enim

CONCIO SECUNDA.

enim ait Apostolus: Ut lugeam eos qui ante peccauerunt, & non egerunt poenitentiam, &c. Nec odor in eo suauitatis est. Quia ex persona peccatorum dicitur: Putruerunt & corrupte sunt cicatrices meae: à facie insipientiae meae. Hinc Ioannes Climacus, Sicut, inquit, vidua quae viro suo fuerit orata, si filius sibi vnigenitus sit, illi soli inuitur, eiusque post Dominum solatio potitur: ita & anima, si lapsa fuerit, nullo alio solatio exitus sui tempore ita securè nititur, vt abstinentiae labore atque lachrymis.

Ioan.
Clim.
Grad. 7.
de luctu.

II.

Quaeret autem aliquis, quā ratione hunc tantum dolorem & peccati odium, ex tali praesertim causa (nempe ex Dei dilectione) profectum, habere possit. Ad hoc igitur respondemus: hoc esse Dei donum, & singulare quidem donum, quodque aliorum donorum caput & fundamentum est: sine cuius ope nemo hunc animi affectum habere potest. Cuius rei cum multae sint causae, non infima tamen est daemonis potentia, qui animam peccatis alligatam sub potestate sua (qua nulla in terris maior est) oppressam tenet. Is enim est fortis ille armatus, qui atrium suum, hoc est, mentem quam obsidet, in pace possidet, & vinculis suis sic obstrictam tenet, vt nisi diuinā virtute emergeret inde nullo modo possit. Sic enim in libro Iob legimus: Obsteriscante manu eius, eductus est coluber tortuosus. Deus enim obstetricis officio fugi debet, quo flexuosus ille coluber (qui cubile sibi in misera peccatoris anima delegit, qui que spiritus suis & caudae voluminibus constrictam tenet) foras propudatur: sola autem poenitentia & veteris vitae detestatione foras excluditur, quam nemo sine diuinæ virtutis ope consequi potest.

Iob. 16.
Iob. 26.

Quod cum ita sit, liquet sanè quā potissimum ratione hunc animi motum consequi debeamus: nempe assiduis precibus & clamoribus ab eo petentes, qui solus hanc mentem atque animū donare potest. Hac enim fide & affectu Ieremias propheta, peccatoris personam induens, Dominum orabat: Conuertere me Domine, & conuertar: postquam enim conuertisti me, egi poenitentiam: & postquam ostendisti mihi, percussifemur meum. Femur autem percutere homines solent, cum primum nouum aliquid & insolitum intelligūt, quod antea prius ignorabant. Tunc enim vel femur, vel frontem, etiam non sine quodam stupore & admiratione, percutere solent. Hoc ergo iudicio Propheta significat peccatorem, vbi diuinæ lucis

Ierem. 31.

intra se radium admisit, protinus tenebras suas, periculi sui magnitudinem, serpentis antiqui fraudem, detestabilem peccati faciem, diuinæ erga se bonitatis patientiam, beneficentiâ, maiestatis amplitudinē, iustitiæ seueritatem agnoscit: & partim quidem timore corripitur, partim in spem erigitur, partim amore tantæ pietatis inflamatur, & tenebras suas horrens, cum Augustino clamat: *vr tenebris meis*, in quibus aliquando iacui. Cæcus enim eram, & cæcitatem amabam, & ad tenebras per tenebras ambulabam. Ab his ergo tenebris noui luminis beneficio emerfisse, id demum est femur suum percussisse. Hoc igitur diuinum lumen, hanc cælestem opem David quoque petebat, cum diceret: Cor mundum crea in me Deus, & spiritum rectum innoua in visceribus meis. Ad hoc autē orationis genus Adrianus poenitiæ tempore orationes teneri sentit: hac uidelicet ratione inductus, quod cum per se nemo, nisi diuina ope adiutus, hunc animi affectum atque peccati odium habere possit, quæ ratione ad illud tenetur, eadem etiam ad hanc cælestem opem implorandam teneri ait. Oratio enim eius generis præceptum est, quod nos in necessitatis articulo obligat. Necessitatis autem huius tempus est, ubi ad poenitentiam & salutarem animi compunctionem adstringimur.

Nec hoc tamen contēti esse debemus, nisi nos quoque, quod pro nostra virili possumus, præstandum curemus. Hoc enim ad omnia virtutum officia necessarium est, ut, quæ facere debemus à Domino petamus, & ipsi etiam illud ipsum quod possumus exsequamur. Deus enim quamuis frequenter (quæ eius est pietas) dormientes excitet, semper tamen adiuvat conantes, & ad id quod rectum est adspirantes. Sed ais: Quonam modo hunc animi mœrorem atque mœstitiam consequi poterō? Imitare piū illum & verē poenitentem Regē, qui cum Deo agens saiz 38. dicebat: Recogitabo tibi omnes annos meos in amaritudine animæ meæ. Cuius exemplum diuus Bernardus sectari cupiens aiebat: Dies mei sicut umbra declinauerunt, & sine fructu transierunt: placeat tibi Domine, ut recogitem eos in amaritudine animæ meæ. Hoc autem D. Gregorius ait esse præteritum tempus redimere. Sic enim illa Apostoli verba interpretatur: Redimētes tempus, quoniam dies mali sunt. Tempus, ait, redimimus, quando anteaquam vitam (quam lasciuiendo perdidimus) sciendo reparamus. Tunc enim cum tempus illud, quod malè collocatum & amissum est, luctus & mœroris materiam facimus, ipsum quodammodo recuperamus: quando quod ante

Aug. in
Medit.

Psal. 50.
Adrian.

Bern. 1. ad
Hiebr.

Gregor.
Hiebr. 1.

ante seruierat libidini, modo salutari mœrori seruit ac pœnitentia. Quia igitur ratione hunc in animo meo doloris affectum excitare incipiam? Multa sunt, quæ nos ad hoc commouere possunt; sed illud in primis, si diligenter quid peccato amiseris consideres, & quid merueris. Alius referret, quod ius æternæ hereditatis amiseris, quod æternum gehennæ supplicium promerueris; quæ duo mala sanguineis lachrymis (si id quid fieri posset) lugenda essent: sed ego nihil aliud in præsentia dicam, nisi quod peccando Deum ipsum, hoc est, summum & infinitum bonum, & omnium expetendorum ultimum, amisisti; & ex beneuolentissimo atque beneficentissimo Patre, seuerissimum iudicem atque adeo capitalem hostem effecisti. Quo ergo animi angore hæc tanta iactura defendenda est? Luger vidua dies noctesque, quod virum amisit: tu non lugeas, qui Deum toties amisisti? Quæ ergo pœnitentia, quo animi angore flere debes, quod Deum amiseris, si iacturæ magnitudini aliqua saltem ex parte luctus respondere debeat? Referunt historia Gentium, Alexandrum illum Magnum, cum ebrius esset, Clitum amicum fidissimum occidisse. Cum autem in se reuersus quod fecerat rescuisset, tanto dolore ob amici mortem, & admissum dedecus consternatus fuit, vt sibi manus asferre, & mortem consciscere voluerit. Si ergo extinctus amicus, & facti dedecus sic homines afficit: quo animo esset debet, qui & Deum amisit, & illius maiestatem atque imperium contempsit, & pro nihilo habuit? Est item percelebre Romanæ Lucretiæ exemplum, quæ tam acris animi dolore sauciata fuit, quod à Tarquinio vim passa fuerit, vt pectus suum pugione transodiens, vitam sibi eripuerit. Quem eius dolorem, neque gehennæ metus, neque cælestis hereditatis amissio, neque diuinæ maiestatis violatio; sed solum infamiae & turpitudinis dedecus, & mariti offensio, excitauit. Si ergo sola hæc causa tantum animo dolorem inussit, vt vitam & lucem perosa sibi ipsa manus intulerit: quo, quæso, mœrore affici par est, qui tanto grauius deliquit, quâto maius est in membra Dei maiestatem violasse, contempsisse, & pro nihilo habuisse, & ab eius gratia & cælesti gloria excidisse, quàm hominem offendisse! Quo enim Deus homine maior & beneficentior, hoc grauius est in eum quàm in hominem deliquisse. Hinc Osee Propheta: Noli, ait, lætari Israël, noli exultare sicut populi, quia fornicatus es à Deo tuo. Ceteri namque populi commentitios Deos colunt: à quibus neque iuuari neque lædi possunt. Tu autem cum verum Deum colas, qui tibi Deus, hoc est, omnia bonum

na estis quo te luctu conficere debes, qui hac prauaricatione omnia simul bona amisisti, dum eius leges & imperium contempnisti? Auger autem contemtionis huius indignitatem, contemtionis causa. Cum enim videamus homines pro rebus nihili, hoc est, aut voluptatis, aut exigui lucelli gratia omnes Dei leges & præscripta contemnere, eumque à se abalienare: an non indignissimum est, pro rebus nihili summū illud bonum commutare? an non hoc tantum nefas æterno luctu & lachrymis dignum est? Vnde enim tot illa lachrymarum flumina manant, quas David post admissum scelus effudisse toties commemorat? Alibi enim ait: Lauabo per singulas noctes lectulum meum, lachrymis meis stratum meum rigabo. Et mox: Turbatus est à furore oculus meus. Pro quo D. Hieronymus vertit, Caligauit præ amaritudine oculus meus. Idemque pro eo quod nos legimus, Exitus aquarum rēduxerunt oculi mei; vertit, Riuus aquarum defluebat ab oculis meis. Alibi verò: Miser factus sum, & curuatus sum vsque in finem: tota die contristatus ingrediebar. Et, Cor meum conturbatum est in me, dereliquit me virtus mea, & lumen oculorum meorum, & ipsum non est mecum. Quam perennis ergo lacrymarum fluxus erat, qui lumen oculorum obscurauerat! Hoc igitur modo afficiuntur fratres, qui, caelesti lumine irradiati, hanc de decoris sui maculam agnoscunt. Cum enim Deum super omnia diligant, & peccatum supra omnia mala detestentur; longè grauiter ferunt, se peccatum commisisse, quam in omnia mala corporis incidisse.

III.

Existimo vos, fratres, cum hæc auditis, animo concidere, cum quisque tacita apud se cogitatione dicat, nequaquam se hunc tantum animi mororem atque cruciatum cōsolui posse; atque ita forsitan de venia desperabit, cum nisi poenitentibus venia non detur. Nihil miror, si quæ à nobis dicta sunt, timorem vobis inuentiant. Hoc enim legis proprium est, quæ metum animis iniecit. Quam rem fulgura & tonitrua, fumus & ignis, quæ in monte Sinai viscebantur cum lex ferretur, indicabant. Adest tamen Evangelij virtus, quæ saluare hunc metum nō prorsus adimit, sed moderatur. Legis enim est, timorem incutere; Evangelij verò, amorem excitare. Legis est, morore afficere; Evangelij, consolari. Cur ita? Quia legis est petere; Evangelij, donare. Legis est, imperare tributa; Evangelij est, largiri beneficia.

neſicia, Legis eſt, præcipere quæ ad ſalutem faciã; Euangelij eſt, ſpiritus atque vires donare, quibus id faciã. Ex hac igitur Euangelij virtute tria nunc vobis proponantur, quibus in ſpeim veniæ aſſurgere, & timorem iſtum moderari poſſitis.

Lex igitur (quam modo explicauimus) à verè pœnitentibus poſtulat, vt Deum ſuper omnia diligant; & peccatum ſimilitatione ſuper omnia deteſtentur, ſummumque dolorem ex eius perpetratiõne concipiant, ipſamque deinde ſuper omnia vitare ſtudeant. Quod quidem propoſitum omnium diuinorum mandatorum obedientiã virtute atque animi deſtinatione complectitur. Cùm igitur quatuor hæc diuina lex à verè pœnitentibus exigit, quorum nullum præſtare ægra natura poteſt, metu atque pavore animus ſalutis æternæ avidus concutitur. Occurrit autem Euangelium menti ad hunc modum conſternata, quod tria timidis mentibus ſolatia præbet.

Primum eſt ſumma Dei noſtri bonitas & providentia, qui omnia ad ſalutem neceſſaria cumulatiffimè præbet. Cùm igitur is nobis præcipiat, quæ ſupra naturæ noſtræ facilitatem poſita ſunt, ipſe nobis vires atque animum ad ea exſequenda ita largitur, vt cùm nos ea facimus, ipſe nobiſcum eadem operetur. Hoc autem apertiſſimis Scripturæ testimoniis comprobatur. Exigit à nobis Dominus, vt ſe toto corde, ac tota mente ſupra omnia diligamus. At ipſe nobis ad hoc ſpiritum ſanctum, & charitatis virtutem, qua id præſtare poſſimus, largitur, cùm ait: Circuncider Dominus cor tuum, & cor ſeminiſ tui (hoc eſt, ab immodico rerum labentium amore ſeparabit) vt ita demum diligas Dominum Deum tuum in toto corde tuo, &c. Hoc igitur, quod is à me exigit, ipſe mecum operatur. Idem etiam per Ezechielem ait: Proiicite à vobis omnes prænaricationes veſtras, & facite vobis cor nouum, & ſpiritum nouum. Hoc ipſum autem per eundem Prophetam ſe nobis daturum pollicetur, dicens: Dabo vobis cor nouum, & ſpiritum nouum ponam in viſceribus veſtris: & auferam à vobis cor lapideum, & dabo vobis cor carneum. Ipſe ruruſum à nobis petit, vt ad ſe & cor noſtrum, & viam noſtram dirigamus: & per Prophetam grauiter indignatur, quòd hoc præſtare noluerimus, dicens: Generatio quæ nõ direxit cor ſuum, & non credidit Deo ſpiritus eius. At eius opus & beneficium eſſe cor dirigere, per eundem Prophetam teſtatur, cùm ait: Tu paraſti directiones, &c. Videtis ergo Deum nobiſcum eadẽ ipſa cooperari quæ is exigit à nobis? Cùm enim ea præcipiat, quæ nature

Deut. 10

Deut. 10

Ezech. 18

Idem 36

Eſai. 77

Eſai. 97

Zach. 1.
Ierem. 1.

lapsa facultatem superant, necessario fatendum est, opem ad hoc suam omnibus præstare esse, alioqui impossibilia præciperet: & contra iustitiæ suæ leges ageret, si me ad æternam poenam damnaret, quia non præstiti quod non poteram: quod quidem à diuina bonitate alienissimum est. Hinc inter sanctorum Conciliorum decreta hoc etiam habetur: Si quis dixerit Deum impossibilia præcipisse, anathema sit. Neque enim impossibile appellandum est, quod ego diuina ope fretus (quæ nulli deest) efficere potero, quamuis id per me solum præstare nequeam. Hoc autem diuinum auxilium omnibus esse expositum, idem ipse Dominus prophetica voce testatur, cum ait: Conuertimini ad me, & ego conuertar ad vos. Et iterum: Si conuerteris, conuertam te. hoc est, vos quod vestrum est, efficere curate. Habetis enim non modo liberam arbitrij facultatem, sed fidem etiam, & sufficiens auxilium, quod nemini ad salutem deest. His ergo opibus, quas habetis, in Deum assurgite: atque demum ego, quod mearum partium est, fideliter exhibebo. Fidelis enim sum, neque meipsum cuiquam negare potero. Si enim naturalium causarum influxus, ubi materiam inuenit paratam atque dispositam, adeo constans & certus est: quid de prima & summa omnium causa existimandum est (à qua omnium aliarum causarum ordo & rectitudo manat) cum mentē hominis ad se adspirantem, & eius opem suppliciter implorantem videt? An fieri villo modo poterit, ut homo quod potest exsequatur; Deus autem, quod ad benignitatem & bonitatem suam pertinet, non efficiat? Nullo modo. Quæ quidem res adeo constans & vera est, ut vel hæc una ratio causam Domini in iudicio aduersus improbos præcipue tueatur: quod ipse paratus semper fuerit opem ferre volentibus, & ad eam adspirantibus: vitio autem eorum factum esse, ut, diuina ope nudati, iumentorum more in sceleribus suis computruerint.

Deut. 4.

Ius. 1. m.

Verum hoc in loco illud necessario monendus est poenitens, ut non segnitè & languidè, sed tota animi contentione & ardore exsequi studeat quod suarum partium est. Sic enim legimus: Cum quaesieris Dominum, inuenies eum: si tamen quaesieris eum in toto corde tuo, & tota tribulatione animæ tuæ. Ut enim Ius. 1. m. Euseb. Emiss. ait: Non leui agendum est contritione, ut delicta illa redimantur, quibus mors æterna debetur. Clamandum ergo, & cum Deo piis precibus Cananæa more colluctandum, ut opem ipse suam nobis largiri dignetur: nec ab hoc studio & petitione cessandum, donec homo scintillas aliquot, velut diuinæ mi-

næ mi-

ne miserationis obfides, intra pectus suum sentiat. Hoc igitur primum infirmitatis nostræ solatium sit, ut cum D. Augustino Augu.
dicamus: Domine, da quod iubes, & iube quod vis.

Alterum verò est, ne prorsus animo concidatis, cum summum illum dolorem quem hæcenus exposuimus, consequi posse desperatis. Non enim sensibilem dolorem, sed rationalem præcipue à poenitente requirimus. Quæ res quamvis tardioribus difficilis ad intelligendum sit; conabor tamen rudi aliqua & crassa similitudine utcumque eam explicare. Est domus aliqua bicamerata & tricamerata, qualia erant in arca Noë cornacula varia: est & simplex domus, quæ nihil horum habet. In domo autem bicamerata vix strepitus aliquis in superiori camera effici potest, quod non aliquo modo in inferiori intelligatur: nihilominus tamen potest is strepitus tanto silentio fieri, ut nihil infra sentiat. Hanc porò similitudinem ad animam transferamus. Ea enim velut quædam bicamerata domus est. Est enim in anima nostra duplex portio: altera superior, quæ Angelicæ naturæ propior est, in qua intellectus & voluntas resident: altera verò inferior, quæ nobis cum pecudibus communis est, in qua affectus & motus animorum sunt. Cum autem hæc duæ animæ nostræ portiones, partim quidem naturæ vinculo colligatæ, partim verò officiis distinctæ sint: euenire potest, ut in superiore illa portione motus aliquis insit, qui ad inferiorem animæ partem non pertingat: quandoquidē partes istæ inter se distinctæ sunt. Cæterum si motus ille fuerit vehementior, non in sola superiore parte hæret, sed in inferiorem quoque vim suam exerit, atque ad illam usque porrigitur. Subiciamus huius rei exemplum. Vbi diuinus amor vehementer in parte animæ superiore flagrat, spirituale gaudium parit. Quod gaudium cum ingens est, partem quoque animæ inferiorem, quæ illi coniuncta est, miro modo afficit atque oblectat. Quo fit, ut ipsa etiam caro, cui hæc portio animæ adhæret, eiularem quoque lætitiæ particeps fiat. Vnde est illud Propheticum: Cor meum & caro mea exultauerunt in Deum viuum. Ex hac enim naturarum communione spiritualis quoque lætitiæ communio manat: cum ex alia in aliam partem sibi coniunctam redundat. Verum ubi gaudium illud spiritus non ita magnum est, in sola superiori animæ portione præcipue residet, neque ad inferiorem pertingit. Quod autem de gaudio, idem de dolore dicendum est. Vbi enim peccati detestatio à charitate profecta vehementissima est, dolorem quoque atque displicentiam in partem animæ inferiorem

riorem ita refundit; vt corpus etiam ipsum mœroris huius particeps fiat, & dolorem suum lachrymarum in bre testetur. Sic enim Maria Magdalena, sic David post lapsum, sic post negationem Petrus, amarè fleuisse dicuntur. Quamvis enim illa sceleris sui detestatio atque displicentia in parte animæ superiori hæreret, vim tamen suam ad corpus usque animæ coniunctum porrigebat, & ingenti illud amaritudine atque dolore conficiebat. Cæterum vbi detestatio illa non perinde acris est, minus doloris atque mœroris sui vim in inferiorem animæ partem effundit. Quæ res aperte arguit, tenuem quidem esse illā peccari detestationem quæ in mente est, non tamen nullam esse præsertim cum homo sentit se Deum rebus omnibus anteferre, & peccatum, quod aduersus illum pugnat, tanquā summum malum super omnia detestari; & constanti animi sui destinatione illud deinceps tanquam summum malum cauere proponit. Hoc igitur secundum solatium his propono, qui anxij sunt, quod illud flumen lachrymarum, illamque mœrentis animæ consternationem non assequuntur.

Tertium quoque his addo. Diximus enim mœrorem hunc non ex solo gehennæ metu, sed ex Dei amore potissimum manare debere. Sunt tamen quidam, qui magis suppliciorum metu concuruntur, quàm Dei amore alliciantur. Num igitur istos à spe salutis & consequendæ veniæ excludemus? Nequaquam. Horum enim solatio Tridentina Synodus prouidisse videtur, quæ sic ait: Illam verò contritionem imperfectam quæ attritio dicitur, quoniam vel ex turpitudinis peccati consideratione, vel ex gehennæ & poenarum metu communitur concipitur, si voluntatem peccandi excludat cum spe veniæ; declarat non solum non facere hominem hypocritam, verum etiam donum Dei esse, & Spiritus sancti impulsu, non adhuc quidem inhabitantis, sed tantum mouentis, quo poenitens adiutus viam sibi ad iustitiam parat. Et quamvis sine sacramento Poenitiæ per se ad iustificationem perducere peccatores nequeat, eum tamen ad Dei gratiam in sacramento Poenitiæ impetrandam disponit. Hoc enim timore vili ter concussi Niniuite, ad Ionæ prædicationem, plenam terroribus poenitentiam egerunt, & misericordiam à Domino impetrarunt. Hactenus verba Concilij. Ex quibus virtus sacramenti Confessionis aperte colligitur: quæ ex attrito contritum hominem facit. Diligenter tamen Concilij verba obseruanda sunt, cum ait, attritionem hanc viam esse ad salutem, si excludat

Sess. 14.
cap. 4.

Adriano

cludat

cludat voluntatem peccandi. Hoc enim præcipuum huius attritionis caput est: sine quo nihil huiusmodi attritio proficit ad salutem. Hoc enim nomine Nivitarum pœnitentia commendatur, quod non modò ieiuniis & lachrymis animi sui dolorem testari sunt, sed etiam quod à pristinis sceleribus sese continuerint. Sic enim legimus: Vidit Deus opera eorum, Ionas. quia conuersi sunt de via sua mala. Quocirca non incommode verba à nobis in themate proposita hoc in loco repetimus: nempe, Conuertere ad Dominum, & relinque peccata: precare ante faciem Domini, & minne offendicula. Hi sunt namque præcipui veræ pœnitentiæ comites. Primum enim pristina sceleradeserenda sunt: nec modò scelerata, sed scelerum quoque offendicula, quæ nos in ea præcipitant. Neque enim alterum sine alterius opere constare potest. Quicumque autem utrumque præstare sollicitè ac diligenter studuerint; non dubium, quin de diuina pietate & miseratione in præsentem quidem vitam Dei amicitiam & gratiam, in futura verò sempiternam gloriam consequi mereantur.

CONCIO TERTIA, DE SECVN-

DA POENITENTIÆ PARTE,

Confessione.

THEMA. *Conuertere ad Dominum, & relinque peccata, &c. Ecclesiastici 17.*



In superiori Concione, fratres charissimi, primam ac præcipuam Pœnitentiæ partem absolimus: reliquum est, ut secundam, nempe Confessionem, expediamus. Est autem Confessio vnum è septem Sacramentis, à Christo Domino post passionem & resurrectionem suam institutum, cum Apostolis dixit: Accipite Spiritum sanctum: quorum remiseritis peccata, remittuntur eis, &c. Ioan. 20. Quibus verbis claves regni caelorum, potestasque remittendorum peccatorum Ecclesiæ ministris tradita est. Quod quidem beneficium nec antelegem, nec in lege mundus acceperat: quia nondum fons ille pauperat, vnde fluxit sanguis & aqua, in ablutionem peccatoris & menstruata. Zach. 13. Ante legem verò, sacrificia iusti homines pro

Iob 1.

nes pro expiatione peccatorum litabant. Hoc enim S. Iob singulis diebus pro filiorum delictis faciebat, dicens: Ne forte peccauerint filij mei, &c. Sic etiam in lege sacrificia pro peccatis offerebantur. Quæ tamen sic erant sacrificia, vt non essent Sacramenta, qualia nostra sunt. Nostra enim & continent & causant gratiam: illa verò elementa ieiuna erant, quæ non sua virtute, sed precibus & fide offerentis salutaria erant. At in confessione non deuotio contentis modò, sed etiam sacramentum ipsum poenitentibus suffragatur: quod gratiam & peccatorum veniam Dominicæ passionis virtute largitur. Itaque vbi tu peccata tua lamentabili confessione prodideris, protinus ea deolibro delentur, de quo scriptum

Deut. 32.

Psal. 51.

est: Nonne hæc condita sunt apud me, & signata in thesauris meis? Sic enim legimus: Dixi, confitebor aduersum me iniustitiam meam Domino, & tu remisisti impietatem peccati mei. Cuius rei memorabile exemplum refert Ioannes

Ioan.

Clim.

Climacus in quinto de poenitentia gradu; quamuis confessio, cuius ille mentionem facit, sacramentalis non fuerit. At ergo, ad monasterium latronem quendam venisse, vt ibidem religionis habitu suscepto, præteritæ vitæ maculas poenitentia dilueret. Qui in capitulum præsentæ cœti monachorum adductus, iussusque ab Abbate omnia crimina sua palam prodere: non erubuit ea omnia, quamuis atrocissima & fedissima, lachrymabili confessione in conspectu omnium confiteri. Quod quidem Abbat is consilium idem Climacus vehementer demiratus, quæsiuit ab eo, cur tam nouo & insolito confessionis genere vltus esset. Ad quem ille, Hoc feci, ait, vt reum per præsentem temporalemque confusionem æterna confusionis liberarem, quod factum est. Neque enim ex pauimento surrexit, ô Ioannes, quoad peccatorum omnium remissione potitus est. Neque velim huius rei scrupulo moueari. Nam vnus ex Patribus, qui illic aderant mihi, procerum quendam ac terribilem se vidisse asseuerauit, conscriptam chartam & calamus tenentem: & cum frater ille humi prostratus peccatum confitens pronunciaret, hoc ille calamo deiebat. Hæc ille. Quisquis igitur hoc modo peccata deleri, quisquis à morte ad vitam suscitari optat, non erubescat confiteri vti, quod latro ille omnibus confessus est. Huius autem rei imaginem nobis ad viuum

4. Reg. 5.

repræsentat ille Naaman Syrus, lepræ morbo infectus, cui Heliæ præcepit, vt septies corpus suum in Iordane lauaret, quo à lepræ morbo, quo erat infectus, sanaretur. Quid enim septu-

pla lo.

pla lotio ad miraculum faciebat, nisi mysticum aliquid hæc
 multiplici ablutione nobis Dominus ostendere veller? Quid
 verò aliud septupla ablutio, nisi septem, hoc est, omnium cri-
 minum confessionem designat, quæ à peccati lepra purgatur?
 Quas ergo ei gratias agemus, qui tali compendio aditum nobis
 aperuit ad salutem? Quæ enim facilior medela, quàm ve-
 confessio peccatorum, remedium sit peccatorum? vi, si per os
 foras efferantur, ab ipsa protinus, anima eliciantur: Hæc enim
 facilitas nos ad pœnitentiæ studium invitare maxime debuisset.
 Vnde hæc ratione serui Naaman reluctantem ipsum, & Pro-
 phetæ consilium despicientem, ad eam ablutionem compele-
 runt, dicentes: Pater, & si rem grandem dixisset tibi Prophe-
 ta, certe facere debuisses: quanto magis quia nunc dixit tibi,
 Lavare, & mundaberis: Quæ ratione permotus Naaman, cum
 iam abiter indignans, reuersus lauit septies in Iordane: pro-
 nusque à lepra mundatus, pristina sanitati redditus est. Eadem
 igitur nobiscum Dominus facilitate ac benignitate in hoc sacro
 pœnitentiæ lavacro vtiur. Non enim longinqua peregrina-
 tione, non sumptibus magnis, non longa inedia, non denique
 plagis ac verberibus nos ad hoc adstringit: ipsa enim peccato-
 rum lamentabilis atque humilis confessio, peccatorum abso-
 lutio est. Humilis, inquam; ut verè se homo reum & diuina
 misericordia indignum agnoscat: sine hac enim humili sui cog-
 nitione frustra commissorum veniam petit. Rectè enim Diuus
 Augustinus, Quomodo, inquit, Deus dignabitur agnoscere, si tu
 dedignaris agnoscere? Qui autem crimina sua vel non agno-
 scunt, vel excusationibus tegere & alleuare nituntur, commu-
 nis omnium parentis Adæ exemplum sequuntur, qui & crimen
 suum excusare nixus est: & vbi vocem Domini audiuit, intra
 dens foras se paradisi fructu abscondit. Quibus latebris non id
 assecutus est, ut non illum Deus videret, sed ne ipse Deum vi-
 deret. Ad hunc ergo modum cum homines scelera sua quasi
 scitis coloribus alleuant, non quidem Deum, sed seipso decipi-
 unt, nec iudici Deo hac ratione scelera sua abscondunt (qui
 renes scrutatur & corda) sed sibi ipsis abscondunt, sibi que pe-
 riculose admodum imponunt. Nec minus notanda & accu-
 sanda est illa primæ transgressionis excusatio, qua vit in mu-
 lierem sibi à Deo datam, mulier verò in serpentem à Deo crea-
 tum, inobedientiæ suæ culpam transtulerunt. Cuius excusatio-
 nis rationem si quis diligenter obseruet, hoc planè deprehen-
 det, nempe primis illis generis nostri parentibus adeo diuinæ
 simi-

August.

Gen. 3.

similitudinis desiderium in visceribus infixū fuisse, vt, quoniam Deo in bonorum suorum opulentia similes fieri nequiverunt, hoc conati sint; vt Deum ipsum malorum suorum particeps, hoc est, sibi ipsis similem facerent. Quo quid esse poterat indignius? Cum enim homo culpam suam in mulierem, quam Deus illi dederat, conticit; quid aliud quam culpæ suæ Deum consortem facit, qui talem sibi mulierem in vitæ societate dedit? Cum verò mulier serpentem accusat, Deum quodammodo accusat, quod serpentem creavit, & paradysum introire permiserit, vt se incautam deciperet. Hic igitur hereditarius hominum morbus est, quem ab his parentibus traximus; à quo longè abesse verè poenitens debet, si confiteri ritè velit, quando inter salutis confessionis leges ea vel in primis numeratur, vt scelera sua poenitens, in confessione non excuset, sed accuset; & cum Propheta ad Dominum clamer: Non declines cor meum in verba malitiæ, ad excusandas excusationes in peccatis.

Psalm. 140.

Ceterum ad hanc confessionem ritè faciendam (quemadmodum in superiori Concione diximus) opus est, vt paulisper homo à curis seculi secedens, secretum conscientiae suæ ingrediatur, ibique scruiatur omnia mala sua; & iterum atque iterum verset ac voluat omnia latibula conscientiae suæ: vt, quicquid ibi sordium inuenerit, velut in fasciculū congerat, perque oris confessionem foras eiciat. Est autem admiratione dignissimum animadvertere, quàm apposito & digne ac ratione huius rei imaginem voluerit olim Dominus adumbrare. Populo enim suo urbem Hiericho obsidenti præcepit, vt septem continuis diebus eam urbem cum sacerdotibus & foederis arca in silentio circumirent, septimo vero die post huiusmodi circuitum vociferarent, & sacerdotes tubis (quarum erat usus in anno iubilæi) clangenter ita eam futurum, vt perdidit civitatis muri fuerent. Quod plane ita factum est; & civitas hoc ordine capta & expugnata. Quale, quaeso, hoc pugnandi genus est? Quid sibi vult hæc tam nova & insolita bellandi ratio? Non dubito, quin hæc velut imagine Dominus victoriam mundi, demonis, & peccati voluerit adumbrare. Quisquis ergo peccati regnum inter præcordia sua latens euertere vult, debet is primum omnia animæ suæ latibula tanquam civitatis suæ moenia tacitus explorare, & seipsum gyro omnes corporis sensus animæque potentias collustrare. Quod ubi in quiete & silentio studiosè ac diligenter effecerit, vociferetur protinus in confellione,

Iosue 6.

essione, lamentabili videlicet oratione peccata detegens: ac tunc insonante tuba sacerdotalis vocis (cuius usus est in anno iubilæi, hoc est remissionis) iuri Hiericho funditus corruent: quia omnes dæmonum vires, quæ in peccatis nostris sitæ erant, protinus evellentur.

Hoc igitur exemplo monemur, ut diligenti examine antea actam vitam silenter exploremus, ut sic tandem omnia animæ nostræ vulnera spiritali medico curanda proponamus. Quod contra plerique faciunt, qui sine ullo examine ad pedes currunt confessoris, ab eodem ut peccata requirant exigentes, quod ipsi prius nihil se meminisse dicant. Quo quid esse potest absurdius? quid magis præposterum, quam ut ex tam ingenti malorum æterno, quem in perniciem tuam concessisti, ne manipulum quidem vnum colligere scias, quo te à tanto peccatorum onere levare possis: cumque adeo sis in omnia peccata præceptis, adeo tamen ad eorum medicinam querendam stupidus sis? Vnde autem hic tantus stupor, ut cum omnium vicinorum tuorum mores & crimina perspectissima habeas, & ea frequentius aliis referas, tuâ prorsus ignores? & cum quid in aliena domo fiat exploratum habeas, quid domi tuæ geratur nescias, sisque velut in tua regione peregrinus? Vultis autem huius rei causam intelligere? Causa est, quod multi omnem sensu spiritualem sensum amiserunt, atque ita sine ullo doloris sensu peccant. Si enim pro eo ac deberent, conscientia aculeis, cum delinquant, pungerentur, dolor ipse ignorare atque oblivisci non sineret, quod aculeum animo infixum reliquisset. Sic Petrus Apostolus, qui scelus suum sicut amare, nunquam eius memoriam in vita deposuit. Nemo enim acceptæ gravis iniuriæ aut contumeliæ obliviscitur, Currita? Quia nimirum acris animi dolor oblivisci non sinit, quod dolorem intulit. Si ergo mentem nostram admissa mala cruciarent, utique dolor ipse eorum nobis memoriam reficere non cessaret.

Exponam autem quantum in hac oblivione periculi sit. Si quis ita confitetur, ut peccati alicuius in confessione obliviscatur: hæc oblitio, quæ ex negligenti conscientia examine (ut antea diximus) procedit, non illum excusat, sed accusat potius, ut pote quæ ex damnabili causa proficitur. Quid ergo periculosius, quam ut tu quidem te ritè esse confessum credas, cum tamen in oculis conditoris confessio tua non sit integra? Denique huiusmodi confessio à Doctoribus pro non integra habetur: perinde atque illa, in qua homo sciens & prudens peccatum

Simile.

peccatum aliquod reticuisse. Sicut enim huiusmodi confessio nulla est, ideoque iteranda: ita etiam ea ipsa, de qua nunc agimus, dimidiata esse dicitur, quia eodem tendit, & debita opera peccatum reticere, & adeo se negligenter in hac parte gerere, ut peccatum aliquod necessario sit prætermittendum. Sicut enim ad restitutionem tenetur non solum is qui ex deposito sibi credito aliquid subripuit, sed is etiam qui adeo negligenter seruauit, ut alius facilius subriperet: sic iterandæ confessionis reus est, & qui dedita opera peccata celauit, & qui ex crassa supinaque negligentia non detegit. Quod ego plane maius adhuc periculum iudico. Nam qui prudens & sciens tacuit aliquid, scit utique se non solum peccasse, sed etiam ad iterandam confessionem teneri. Qui vero in hac tanta re vecors & negligens fuit, cum sibi alicuius peccati in confessione prætermissi confesus non sit, securus agit, securè uiuit, & securè moritur: neque de remedio cogitat, qui non putat se egere remedio. Videtis ergo, fratres, quantum hic sit periculi: quod plane quo magis latet, hoc utique magis formidandum est.

Ne igitur in hanc foueam incidamus, demus operam, ut ante confessionem peccata nostra diligenti examine ad mentem renocemus: ut ita demum confessio nostra verè integra sit. Ratio autem ad hoc præstandum commodissima est, per ipsa Dei præcepta decurrere. Quia cum peccatum nihil aliud sit, quam diuinæ legis præuicatio, & cælestium inobedientia præceptorum: necesse est ante oculos primum collocare præcepta, ut præceptorum transgressionem clariùs videamus. Scitis enim contraria iuxta se posita sese mutuo illustrare. Quod plane quæ ratione fieri debeat, iam nunc aperire incipiam. Quod tamen ita faciam, ut una eademque opera non modo rationem consistendi, sed etiam viuendi, præscribam: hoc est, non solum quomodo peccata dererere, sed etiam detestari uideatis; alterum enim ab altero separari non potest.

Sed prius tamen quam rem ipsam aggrediar, illud vos admonitos velim, non satis esse peccatorum species & genera confiteri, nisi peccatorum numerum, quatenus fieri possit explicetis. Nec enim satis est dicere, Peieravi, aut concupiui, furatus sum; nisi numerum delictorum percerneas, ut animi tui morbum plenè medico patefacias. Quod si certus numerus non succurrerit; eo modo quo succurrerit, exponendus est. Eri-

ne hoc

CONCIO TERTIA.

ne hoc quidem potes explicare saltem, an crimen hoc tibi familiare & consuetum sit (qualis esse iurandi & peierandi apud nonnullos consuetudo solet) an aliquando huic malo resistas, & ab ea prava consuetudine sis alienus. Hæc enim ratione ut-
cunque vulnus tuum medico propalabis. Cæterum, si peccatum ex eorum numero est, quæ diutius animo infixæ hærent (qualia sunt inueterata odia, & carnis flagitia) numerum peccatorum ignoras, temporis saltem spatium declara, quo in his sceleribus persististi.

Deinde illud etiam curandum, ut non peccata modò, sed peccatorum quoque circumstantias, quæ illa vehementer aggrauant, explices: ut si filius familias pecuniam, quam à patre furripuit, seruo traderet, ut virginis animum pecunia corrumpere; hoc quidem vnicum peccatum est, quia & vnum opus: quod tamen quatuor habet deformitates, quæ in confessione sunt explicandæ, nempe furum, & stuprum, & duplex scandalum; quo & seruum sceleris ministrum facis, & virginem ad impurum facinus sollicitas. Quæ omnia in confessione patefacienda sunt: sic tamen patefacienda, ut, quantum fieri possit, aliorum, quos in criminis consortium adsciuisti, famæ parcas, & eorum nomina non prodas. Non enim aliorum criminum delator, sed tuorum accusator esse debes. His ita constitutis, reliquum est, ut per ipsa Decalogi præcepta decurrerent, & quid nobis diuina lege præcipiatur, & quorū modis eam transgredi contingat, explanemus.

Constat autem inter maxima Dei nostri beneficia esse numerandum, quòd ipse in montem Sinai descendere, & leges hominibus ferre dignatus sit: quibus & voluntatis suæ arcenum, & normam veræ pietatis atque iustitiæ, & viam ad immortalitatis gloriam patefaceret. Quod quidem beneficium tanti Moyses fecit, ut ad populum diceret: Interroga de diebus antiquis, qui fuerunt ante te, ex die quo creauit Dominus Deus hominem super terram, à summo caelo vsq; ad summum cælum, si facta est aliquando huiusmodi res; aut vnquam cognitum est, ut audiret populus vocem Domini Dei loquentis de medio ignis, sicut tu audisti & vidisti. Hanc porro legem Dominus non solum aperta voce declarare (quam vniuersus populus auribus hausit) sed etiam ad maiorem legis suæ gloriam digito suo exarare dignatus est. Duas autem ad hoc sibi voluit aptari lapideas tabulas: in quarum altera tria præcepta, quæ ad diuinitatis cultum pertinerent; in altera autem septem, quæ ad pa-

cum hominibus retinendam spectarent, conscripsit. In
praesentia ergo Concione prioris tabulae praecepta, in sequenti
autem posterioris explanabimus.

Primum praeceptum.

August.

Primum igitur Decalogi praeceptum exigit, ut Deum colamus. Ut autem D. Augustinus ait: Deus colitur tribus illis virtutibus quae Theologicae dicuntur, nempe fide, spe, & caritate. Haec namque Deum intuentur, eumque debito honore prosequuntur: quando unaquaeque earum divinae maiestatis amplitudini suo modo responderet. Quare a se enim Deus prima & summa veritas est, hoc a nobis exigit, ut plenissimam verbis eius fidem habeamus, & caelum ac terram prius ruitura, quam ut eius veritas concidat, credamus: utque de eius maiestate ea sentiamus, quae de summa aequitate, iustitia, & bonitate credere par est. Quia vero Deus noster infinita bonitate & clementia praeditus est, & continuam earum rerum quas condidit, ac precipue hominum providentiam habet; hoc a nobis exigit, ut non modo aeternam vitam, ad quam ipse nos condidit, ab eius misericordia expectemus; sed etiam ut in omnibus calamitatibus, tentationibus, ac pressuris, quae nos undique circumstant, ad illius opem & patrocinium suppliciter confugiamus, & ab eo maiorum levamen, calamitatum remedium, & periculorum omnium depulsionem fidenter expectemus, & sub umbra alarum eius tutos & securos nos futuros speremus. Hoc autem munus & officium ad spei virtutem pertinere certum est.

Summa vero & infinita Dei bonitas & pulchritudo, & innumera in nos beneficia collata (quod videlicet ipse nos ad imaginem & similitudinem suam condidit, ipse in matris utero omnia corporis nostri membra compegit & colligavit, sensibusque & organis distinxit, ipse in lucem editos & susceptos providentiae suae indulgentia servavit, ipse ab innumeris corporis & animae periculis eripuit: quodque ista omnia longe superat, ipse nos a diaboli, & peccati tyrannide sanguine suo & mortis acerbissimae supplicio redemit.) summo quidem iure haec omnia promerentur, ut, si omnium Angelorum & hominum linguas & vires haberemus, iis omnibus illum laudare, illi gratias agere, & illum diligere deberemus. Quod quidem officium ad charitatem pertinet, quae virtutum omnium praestantissima est. His ergo trium virtutum officiis pie Deum co-

limus

CONCIO TERTIA.

limus, dum, quod illi summo iure debitum est, pro tenuitate nostræ facultate tribuimus.

His ita constitutis, facillè apparet, quâ ratione aduersus primum hoc præceptum homines peccent. Peccant enim primum qui vel à fide (quod Deus auertat) defeuerunt, vel (quod infidelitati proximum est) qui auguriis, veneficiis, sortibus, aut tacitis vel expressis dæmonum inuocationibus, aliisque id genus sacrilegis artibus vsi sunt. His namque modis aduersus fidem delinquitur.

Aduersus spem autem peccant, primum qui variis calamitatibus pressi, non ad clementissimi parentis Dei opem & misericordiam, sed ad humana præsidia confugiunt, & in illis, non in Deo, spem salutis reponunt. Dissimili verò ratione aduersus eandem virtutem delinquant, qui, diuinæ bonitatis & misericordiæ spe freti, licentius peccant: salutem sibi ab ea pollicentes, cum tamen à prauis operibus resiliere nolint.

Aduersus charitatem verò delinquant, qui neque conditorem & auctorem salutis suæ super omnia diligunt, neque illi pro tam multis maximisque beneficiis, cum tenentur, gratias agunt, neque illius recordantur, nisi cum per venerandum illius nomen iurant, aut peierant; sicut ipse per Ieremiam queritur: Recordatur, inquit, mei non in iudicio, iurantes in nomine meo mendaciter. Cum autem à Domino dictum sit, ibi esse cor nostrum, Ierem. 7. ubi thesaurus noster est: quonam modo Deum, suum esse thesaurum atque summum Bonum probant, qui vix vnquam de illo cogitant, quo vno frui, quo vno delectari, in quo requiescere, de quo dies noctesque cogitare deberent? Matth. 6.

Aduersus hoc etiam præceptum grauissimè delinquant, qui furore atque ira perciti, sacrilegum os in cælum ponunt. Quorum scelus, in præcepti illius facinus imitatur, qui Christum Dominum supplicio crucis affecerunt. Sic enim interdum scelerati homines, dæmonum furis exagitati, aduersus Deum insaniunt, vt si tunc eis liceret, dentibus ipsam atque vnguibus quodam modo dilaniarent. Denique tale ac tantum est hoc flagitium, vt propter illud Dominus vna nocte centum octoginta quinque millia hominum in exercitu Sennacherib Regis Assyriorum occiderit: quod is videlicet Dominum ore impio blasphemare ausus fuerit. Quamuis autem crimen hoc ad feros & immanes homines pertineat, nonnullæ tamen inter feminas simile quiddam designare solent. Cum enim eas angustia premunt, velut in summa vascula in igne posita crepant ac

disrumpuntur, & impias in cælum voces iactant, & cum Deo disputare cupiunt: cur eas videlicet ita premat? cur vitam miseram & acerbam donet? cur cæteris infeliciores efficiat? cur mortem non immitrat? & alias his similes temerarias & insanas voces fundunt, quæ Deum accusant, quæ immitem ac crudellem, rerumque humanarum despicientem faciunt. Quo quid exsecrabilius esse potest? Quid enim aliud damnati agunt, cum gehennæ suppliciis torquentur? Quæ ex reliquet, loquæ tam hanc non tam hominum quam dæmonum esse, aut eorum planè qui ad illorum supplicia & contubernium tendunt. Sicut enim loquela patriam & nationem hominum prodiit: ita planè loquela hæc (quæ propria damnatorum est) eos qui ipsa viuunt, gehennæ ciues esse arguit.

simile.

Peccant etiam aduersus hoc præceptum non admodum dissimiliter, qui aut seipsos aut alios dæmoni deuouent. His enim quodammodo dæmones inuocare videntur, vt seipsos, aut alios abripiant. Quod planè impium est, quando dæmoni traditur, quod ad Dei imaginem conditum est. Et quidem aliquando, Deo ita permittente, dæmon inuocatus adest, arripitque interim siue corpora siue animas offerentium. Et quemadmodum Deum blasphemantes frequenter in hac etiam vita violenta & infelici morte occumbunt: ita etiam simili interdum supplicio, qui seipsos aut alios dæmoni deuouent, cruciantur. Gerata relatione didici, quendam agricolam, dum curru insideret, bobus à via paululum declinantibus, iræ furore percitum, currum ac boues, seque ipsum dæmoni deuouisse, ac subito boues ipsos per montes & præcipitia desilisse, & seipsos currumque & aurigam in frustra disiectos præcipitalle. Hoc planè merentur, qui se & sua talibus patronis committunt. Hactenus de primo prioris tabulæ præcepto.

Secundum præceptum.

Secundum deinde sequitur præceptum, quo periuria prohibentur. In cuius explanatione de iurandi ratione quatuor mihi quam breuissimè dicenda esse video. Nempe quid & quonuplex iuramentum sit, quæ ratione hoc præceptum violetur, & cuius grauitatis eius violatio sit. Iurare (vt Theologi definiunt) est rei, quam asserimus, testem Deum facere. Quocirca si verum iuramus, veritatis; si verò falsum, mendacij testem Deum facimus: quod impium & sacrilegum est. Cum autem illa im-

præca-

precatlone, quæ erat Hebræis familiaris, Hæc faciat mihi Deus, & hæc addat; aut alia simili vtitur; iuramentum enim etiam imprecatorium esse dicitur; quod Deum non modo dictorum testem, sed etiam iudicem facimus, vt is eam de peccatis nostris vitiolem exigat, cui nos ipsi iurantes addiximus.

Distinguunt autem Theologi triplex iuramenti genus: aliud quo affirmamus, aliud quo promittimus, aliud quo minamur. Et quidem in primo iurandi genere dupliciter delinquimus, cum videlicet aut falsum pro vero affirmamus, aut quod dubium nobis vel parum exploratum est, constanter asserimus, & iureiurando firmamus. Nemo enim iuramento firmare debet, nisi quod ipsi certa fide compertum & exploratum est.

Cæterum cum aliquid iurando promittimus, tripliciter delinquere possumus. Primum quidem, si falso promittimus; cum videlicet propositum atque animum præstandi quod promissimus, non habemus. Deinde, si animum quidem implendi habentes, postea tamen poenitentia ducti, non implemus quod promissimus. Postremo, si vel quod iniustum est, promittimus, vel quod pium & honestum est, minimè facturos iuramento firmamus: vtrumque enim aduersus iuramenti religionem militat. Huiusmodi verò iuramenta implere non tenemur: cum iuramentum neque vinculum iniquitatis, neque impedimentum debeat esse virtutis. Ideoque qui iuramento promissit proximo aut non commodaturum, aut eum colloquio non dignaturum, aut acceptæ iniuriæ veniam non daturum, peccat quidem cum hoc iurando promittit, nec implere tenetur.

Quod autem de promissionis iuramento diximus, idem de voto leniendum est: cum votum etiam sit promissio Deo facta, quæ quamuis iureiurando firmata non sit, non tamen minori religione, sed multo etiam maiori seruanda est, quo maior ille est cui res promittitur: ideoque toridem modis votum, quo iuramentum promissionis violatur: quæ facillè quisque aduertere poterit.

In iuramento etiam quo minamur, tribus modis delinquere contingit. Primum quidem, quando vt merum famulis aut liberis incuriamus, poenam aliquam sine implendi animo comminamur: quia tunc falso iuramus. Deinde cum non implemus quod comminati sumus, quando id æquum & iustum est. Quamuis si rectius postea nobis visum fuerit clementia vti, licet quidem poenam remittere & veniam dare: quandoquidem iuramentum melioris propositi atque consilij impedimentum

dimentum esse non debet. Postremo, cum vel iniustam poenam nos inflictueros iuramus, vel iis, qui à potestate nostra alieni sunt, poenam aliquam aut vindictam minamur, quā vel auctoritate nostra infligere non possumus, vel cupiditate magis videtur, quam aequitatis studio in hoc decimur.

Contra hoc etiam præceptum delinquimus, cum sine vlla necessitate aut utilitate iuramus. Tres enim iuramenti comites esse debere D. Hieronymus ait, illa Domini per Ieremiam verba citans: Et iurabis, inquit, in nomine meo in veritate, & iustitia, & iudicio. Ad veritatem autem pertinet, ne falsum iuremus; ad iustitiam, ut ne quid turpe aut in honestum iurantes promittamus; ad iudicium verò spectat, ut non temere, hoc est, leuissimis de causis venerandum Dei nomen usurpemus. Quāvis iusta de causa iurare religionis opus sit (quomodo sancti Patriarchæ & Apostoli interdum iurauerunt) iuramentum tamen (ut D. Thomas ait) velut humanæ incredulitatis medicamentum est. Constat autem medicamenta in morbo quidem merito commendari; extra morbum verò tanquā inutilia reicienda. Sic ergo laudatur iuramentum quod vel ad lites dirimendas, vel ad ius suum cuique reddendum, vel ad amicorum animos leniendos (si quid falso de nobis conceperunt) adhibetur. Si quid autem horum desit, non vacat culpa diuinæ maiestatis nomine & auctoritate in rebus superuacaneis aut leuibus abuti. Sed longe tamen iis omnibus grauius delinquant, qui citra delectum atque iudicium iuramenta passim multiplicant, singulis per verbis totidem iuramenta adhibentes. Quisquis autem praua hac consuetudine tenetur, ut passim sine delectu ac discernimine veri aut falsi iuret, is aliquando (ut fieri solet) non aduertens deieret, non ideo à peccato excusatur, quasi id noluerit, iam enim voluit, cui hæc consuetudo non displicet. Cui enim mali causa placet, placet etiam quod ex ea vere sequi solet. Quare oro obsecroque vos fratres, ut hoc in loco, atque hoc ipso tempore quod hæc auditis, hanc ad cō perniciosam consuetudinem detestemini, illamque à vobis ac familia vestra funditus euellere proponatis: ne, si forte aliquando per incuriam deieritis, hoc vobis ad reatum criminis imputetur. Cui enim ipsa iam displicet consuetudo, quidquid etiam ex ea consequitur, displicet: neque hoc vobis virio dabitur. Ut verò propositum hoc & firmiter & salubrius sit, statuite modò, poenam aliquam vobis, quoties sine causa iuratis, infligere; siue breui aliqua oratione fusa, siue elemosyna collata, ut his velut excitamentis & frenis

frenis memorem semper huius propositi animum retineatis, & hac ratione paulatim prauam istam ac detestabilem consuetudinem aboleatis: quæ ut continuata impietate firmata est, ita etiam contraria cura & religione abolebitur; in utramque enim partem consuetudo valet. Ex his ergo, quæ à vobis dicta sunt, facile quisque intellet, quæ ratione se de peccatis aduersus hoc præceptum admissis accusare debeat.

His ita expositis, huius peccati grauitas aperienda est. In quo cum summo periculo errant, qui, quoniâ crimen hoc sit homicidia atque latrocinia legibus puniri non vident, adeo leue existimant, ut nihil eis frequentius in ore sit, ut in sermone quotidiano plura sicut ferè iuramenta, quàm verba. Vix enim sine ingenti more referre quisquam possit, quæ facilitate passim ab omnibus & puellis, & viris, & feminis hoc præceptum violetur. Cuius tamen violatio adeo grauis est, ut secundum veræ theologiæ dogmata, si solam peccati speciem atque obiectum consideres, grauius sit perurij quàm homicidij crimen, quod tanto opere homines exhorrent. Si quidem homicidij peccatum aduersus hominē, perurij vero militat aduersus Deum, quem eo ipso quod peieramus, mendacem facimus, ut antè dictum est. Quod etiam peccatum frequentissimè Dominus non solum in futuro, sed in præsentī etiam seculo punit. Vnde in Ecclesiastico legimus: Vir multum iurans, reprobabitur inquit. Eccli. 33
 Ecce enim non recedet à domo eius plaga. Itaque duabus grauissimis in hoc seculo plectitur poenis: primum quidem ruinâ multorum criminum; deinde ruinâ etiam domus suæ, & plagis, quæ illi continenter à vindice honoris sui Deo inferuntur. Quod quidem noua quadam & mirâ ratione Zachariæ Prophetæ ostensum est. Sic enim ait: Et conuersus sum, & leuavi oculos meos, & vidi & ecce volumen volans. Et dixit ad me: Quid tu vides? Et dixi: Ecce ego video volumen volans; longitudo eius viginti cubitorum, & latitudo eius decem cubitorum. Et dixit ad me: Hæc est maledictio quæ egreditur super faciem omnis terræ: quia omnis fur, sicut ibi scriptū est, iudicabitur, & omnis iurans ex hoc similiter iudicabitur. Edecam illud, dicit Dominus exercituum, & veniet ad domum furis, & ad domum iurantis in nomine meo mendaciter, & commorabitur in medio domus eius, & consumet eam, & ligna eius, & lapides eius. Vide te (quæso) quæ poenarum acerbitate pierâtes homines puniantur: Ideoq; merito nos Sapiēs ab hac praua consuetudine reuocet dicens: Iurationi ne afflueat os tuum: multi enim casus in illa. Eccli. 23

Tertium præceptum.

Tertium deinde sequitur præceptum, quo festos dies sanctificare iubemur. In quo tria à nobis exiguntur: quorum duo in præcepto sunt, tertium verò præcepto proximum est. Exigitur enim primò, vt ab omni opere seruii abstineamus: deinde, vt Missam audiamus: tertio, vt hunc diem, tanquam Deo sacrum, maiori religione ac deuotione traducamus. Per quæ tria patet, quibus modis aduersus hoc præceptum homines delinquant. Sicut enim tria hæc à nobis exiguntur: ita tribus modis aduersus hoc præceptum peccamus. Ad quorum tamen elucidationem, quædam à nobis breuiter attingenda sunt.

Principio enim, quod ad seruiliū operum prohibitionem attinet, non peccat lethaliter, qui ad horam breuiter opus aliud quod seruale facit. Non enim ea superstitione Christiani festa sua sanctificant, quæ Scribarum & Phariseorum stultitia sanciebat: qui lenire luto oculos cæci nati, sabbathi violationem esse putabant. Communis enim sententia est: paruum delictorum materiam capitale crimen non admittit: quod quidem in furto animaduertere licet. Neque enim lethaliter peccat, qui rem exiguam surripit; quamuis furtum ex genere suo lethale peccatum sit.

Illud etiam duertendum, vt cum in templis Missa celebratur, ibidem cum timore & tremore debitaque attentione assistamus. Ibi enim illa eadem hostia, quæ pro mundi salute oblata est, pro nobis tunc immolatur. Atque hinc videre licet, quàm grauitur obiurgandi sint, qui eo tempore solo corpore tremendis his mysteriis assistunt, mente verò foris vagantur, vel negotiantur, aut oculos in loco sacro vel curiosè vel leuiter, vel (quod grauius est) impudicè circumducunt, adspicientes in sacra æde, quod vel in theatris adspicere neas esset: aut etià quæ tempus illud fabulis & colloquiis terunt. Hi enim non toti sacris mysteriis assistunt, quin potiùs maior & melior eorum pars extra sacrum locum est.

Contra hoc etiam præceptum grauitur, quamuis non lethaliter, peccant, qui totum penè diem festum in ludis & vanis rebus insumunt. Sunt enim plurimi, qui hos dies præstolantur, non vt sabbathum sanctificent, sed profanent: non vt peccata priora redimant, sed vt noua cumulent: non vt in iis Deum colant, sed vt mundo magis ac dæmoni seruiant: non vt tunc discant frenare voluptates, sed potiùs vt prauis cupiditatibus habenas

habenas laxent, totumque diem in alea, & chartarum ludo expendant: in quo non raro contentiones, rixæ, periuria, & horrendæ quoque blasphemix intercedunt. Denique nusquam homines perditim magis infaniunt, quam his diebus, quibus peccata sua deslere, Deum colere, & mores componere debuissent.

Hunc festorum dierum cultum Ieremias lamentatur, cum Thren. 6. ait: Viderunt eam hostes, & deriserunt sabbatha eius. Reuera enim derisione, aut magis deplorationis dignum est, videre quoniam modo vulgus, hodie Christianorum festa sanctificet: quæ cum ad hoc à Deo instituta sint, non tam ut homines dies festos sanctificarent, quam ut ipsi in huiusmodi festis sanctificarentur: tantum abest, ut hoc præstent, ut hisce diebus deteriores fiant. Vix autem aliud est, quo ego miserabilem nostri huius seculi statum atque periculum intelligam. Desperata enim ægritudinis extremum signum est, cum medicamenta non modo non iuvant, sed etiam nocent. In quo plane statu mundus hoc tempore agit, quando quod ab Ecclesia in morborum nostrorum remedium institutum est, animæ morbos augere cumulatque.

Peccant etiam, qui cum sint patres familias, non dant operam, ut filij, ut famuli, ut ancillæ, quæ illorum curæ commissæ sunt, rem diuinam sacris diebus audiant. Sicut enim nihil est, quod ita moliat hominum feritatem, ac religio, & diuini numinis timor: ita si hic desit, paulatim fiunt homines feri, barbari, & immanes, qui nihil nisi terrena sapiant, quique ipso vitæ genere testantur omnia cum vita finire, nihilque a tumultu superesse. Atque ad hanc mentem peruenire solent ij, qui neque sacra loca adeunt, neque verbum Dei audiunt, neque sacrificiis diuinis intersunt. Hac enim desuetudine velut rubigine & sicut quodam obducitur eorum fides: vnde cauteriata illa conscientia nascitur, quæ velut callis obducta, omnem penè spirituales sensum amisit. Itaque istis accidit, quod quidam dicere solent: Qui non vult Ecclesiæ ianuam humiliatus ingredi, is planè debet inferni ianuam non spontè damnatus intrare. Quæ circa solerter attendant qui seruos, qui ancillæ & mancipia domi alunt, ut diebus festis saltem primo diluculo sacra loca adire iubeant, ut Ecclesiæ præcepto satisfaciant, & sic tandem ad solita dominorum obsequia reuertantur. Alioquin timeant ne huius præcepti violatio in eorum caput recidat, Deusque de manu illorum, seruorum sanguinem requirat. Ex his ergo, quæ hactenus dicta sunt, facile quisque animaduertere poterit, quod mo-

dis hoc præceptum violauerit, vt ita demum se accusare ipse confusione discat.

Hactenus de prioris tabulæ præceptis ea, quæ pro ratione temporis & argumendi dici breuiter potuerunt, attigimus. Itaque sequenti verò Concione, posterioris tabulæ præcepta, quæ ad proximi dilectionem pertinent, persequemur. Nunc verò, fratres, hæc quæ diximus cogitare, hæc assidue volunt, hæc alia mente reponere, vt his documentis eruditij & vitam instituere, & rite confiteri, atque ita peccatorum veniam & gratiam, ac tandem æternam salutem & gloriam largiente Domino percipere mereamini.

CONCIO QUARTA, DE SECUNDA POENITENTIE PARTE, CONFESSIO- ne: in qua secunda tabulæ præcepta explicantur.

THEMA. *Conuertere ad Dominum, & relinque peccata, &c. Ecclesiastici 17.*



Vm in superiori Concione, fratres dilectissimi, dictum à nobis sit, Decalogi præcepta in duabus à Domino tabulis fuisse descripta, & prioris tabulæ præcepta à nobis fuerint explicata: reliquum est, vt in præsentī Concione ea, quæ secunda tabula continentur, hoc ordine excutiamus, vt prior loco, quid nobis Dominus præcipiat, expēdamus: deinde, quæ ratione eius à nobis præcepta violantur, exponamus. Facile enim cuique erit, quid in hac parte deliquerit, intelligere, si prius quid facere teneatur, agnouerit. Primum igitur hæc tabula præceptum (quod in aliorum ordine quartum est) parentum honorem li-beris commendat. Ex quo quidem præcepto triplex obligatio, & ea quidem reciproca, colligitur. Prima est filiorum erga parentes, rursusque parentum erga filios. Secunda seruorum erga dominos, ac dominorum erga seruos. Tertia vxoris erga maritum, & mariti erga vxorem. De hac igitur triplici obligatione breuiter pro ratione temporis suo ordine dicemus.

De officio igitur filiorum erga parentes (quod hoc præcepto disertis verbis à Domino commendatur) illud primo loco aduertendum est, præceptum hoc duplici velut muro fuisse à legi-
gillatore

ri
ho
dolo
locus
Quo
la imp
lestis se
tite qu
ni Ad h
hoc diu
diuturna
que graui
fant. Qu
na diuin
aydeat? C
ditionem
verbis ad m
quasi do
sermone
piat tibi l
maneat. H
sros omni
honore & r
postremo
rū vel obiu
vel errata c

le
his
ncis
obe-
obe-
ophe-
ratum
tur pa-
te. Sic
erreni,
n, obse-
uæ fragi-
ous refer-

, nec mi-
nim pa-
quodam-
imam cu-
videlicet
nora, hoc
non solum
are. Quod
facile lese
n enim ob-
giant atque
dhuc velut
ne formare
debet

debet, ut boni mores cum ipsa simul ætate adolescant. Diuus
autem Hieronymus infantulæ cuiusdam educationem in Epi- ^{Hier in}
stol. describens: Quemadmodum, inquit, aqua in areola digi- ^{Epist.}
tum sequitur præcedentem; sic ætas mollis & tenera in vitram
que partem flexibilis est, & quò duxeris, trahitur. Hoc idè per- ^{Plutarch}
uulgata & appositissima similitudine Plutarchus docet his ver-
bis: Nouella ætas ad figendum facilis & tenera est, & puerorum
animis, dum molles adhuc exstant, disciplina melius instillan- ^{simile.}
tur. Difficilius autem quæ dura sunt molliuntur. Quemadmo- ^{Voloppy}
dum enim figilla mollibus imprimuntur ceris: ita & doctrina ^{et namq.}
pueribus animis facile insculpitur. Hac enim ratione fit, ut
mores rectè ab initio instituti, in naturam quodam modo trans-
eant: atque ita eum fiet quod Spartanus ille rogatus quid
commodi pueris recta institutio conferret, respondit: Honestam
facit ut illis sint iucunda. Hactenus Plutarchus. ^{Bize}

Quanta sit autem in vitramque partem huius educationis
vis; Lycurgus, qui Lacædæmoniis leges tulit, exquisitissimo &
appositissimo exemplo declarauit. Cum enim conaretur ciues
suos à moribus præsentibus ad temperatiorem viuendi ratio-
nem traducere, eosq; virtutis & honesti studiosos reddere (erant
enim corrupti deliciis) duos educauit carulos, eodem patre ca-
demq; matre progenitos: quorum alterum passus est domi-
lautionibus, vsei cibis: alterum eductum venationibus exer-
cuit. Deinde cum ambos produxisset in forum apud multitu-
dinè, posuit illic spinas simul & escas aliquas deliciores: mox
emisit leporem: cum vterque raperetur ad assucta, & alter ad
escas, alter leporem inuaderet; An non videtis, inquit, ciues,
duos carulos, cum eiusdem sint generis, tamè ob diuersam edu-
cationem admodum inter sese dissimiles euasisse, pñsusque ad
officium honestam valere educationem, quàm naturam? Pro-
inde nihil nobis, o ciues, nobilitas quam miratur vulgus homi-
num, ductumque ab Hercule genus profuerit, nisi ea gesserim-
us per quæ ille mortaliū omnium clarissimus ac generosiss-
simus exstitit, ac per omnem vitam quæ honesta sunt & disci-
amus, & exerceamus. Reperit vir ingeniosus viam qua multitu-
dini philosophicis rationibus non satis idoneæ, virtutis ima-
ginem ob oculos poneret. Res quidè efficax est natura, sed po-
tentior est institutio, quæ malam naturam corrigit, ac vertit in
bonam. Quales nascantur liberi, in manu nostra non est: at ut
recta institutione euadant boni, nostræ potestatis est.

Erit hic fortasse studiosus aliquis pater, qui scire velit quid
sibi

sibi factio opus sit, vt rectè & honestè filios educare possit. Huic ego respondeo, illum ante omnia vitam suam honestè instituere debere, vt eam tanquam bene viuendi regulam filius spectandam proponat. Sic enim fabri lignarii qui lignea regula cetera opera sua dimetiuntur, prius quidem regulam ipsam quam rectissimam facere student, deinde per illam cetera metiuntur. Pater ergo qui bonis moribus filios imbueri cupit, prius se ipsum talem faciat, quales filios habere desiderat. Non audiant illum aut iurantem, aut dira famulis imprecantem, aut ira effervescentem, aut alea ludentem, aut inhonesta verba iactantem: non prius ab eo ista arripiant, quam vitia esse sciant.

Simile.

Tob 1.

Nec hoc solo contentus, sanctum illum Tobiam imitari studeat, qui, quem habebat filium, ab ipsa infantia timere Deum docuit, & abstinere ab omni peccato. Quamuis autem peccata omnia detestanda sint, mendacium tamen, furtum, ingluuies, & iners otium (ad quæ ætas illa propensa est) illis maxime fugienda sunt. Cum autem otium vitiis omnibus aditum præbeat, tum vel maxime pueros otio & ludis continuis assuetos, ad omnia deinde laborum atque virtutum studia inertes reddit. Qui ergo humili fortuna sunt, filios suos manuariis artibus erudire studeant. Est enim (vt rectè veteres dixerunt) potius pauperis ars: qui verò ingenui sunt, si verè diuites esse volunt, liberalibus artibus instituendos curent. Præclare enim Apollonius: Quis inquit ditissimus? Sapiens. Quis pauperissimus? Stultus. Vnde merito insignis quidam Philosophus, Mallem, inquit, micam cerebri, quam fortunæ dolium. Alexander ille magnus magis se Aristoteli quam patri debere fatebatur: quod ab hoc viuere, ab illo rectè viuere percepisset.

Prou. 22.

Deinde illud etiam videndum, ne liberis impune peccare liceat. Scriptum est enim: Stultitia colligata est in corde pueri: sed virga disciplinæ fugabiream. Cum enim diuina & naturalis lege filiorum institutio & castigatio parentibus commissæ sit; qui filiorum delicta non castigat, facit sua: neque minus de illis quam de suis rationem superno iudici redditurus est. Cuius autem periculi sit hoc negligere, satis aperte declarat formidabile illud sacerdotis Heli exemplum, qui quoniam paulo fuit in obiurgandis filiorum vitiis negligentior, grauissimas tum ipse, tum eius familia, & populus illi commissus poenas dedit. Historia nota est, quæ 1. Reg. 2. 3. & 4. capit. narratur; quam Ecclesiastes hoc in loco referre poterit. Quod si tam graues poenas dedit, qui minus seuerè peccantes filios castigauit: quid

quid illi exspectare debet, qui grauiter etiam delinquentes impunitos relinquunt? Vltimo loco illud addendum est, ne molli-
ter & blandè pueri nutrantur. Delicie namque homines ad om-
nem prorsus laborem & ad omnia virtutis studia ineptos red-
dunt. Quare sic Fabius ait: Mollis illa nutritio, quam indul-
gentiam vocamus, neruos omnes & mentis & corporis frangit.
Quid non adultus concupiscet, qui in purpuris repit? Nondum
prima verba exprimit, iam coecum intelligit, iam conchylium
poscit. Atque palatum eorum, quam os, instruimus. In lecticis
crescunt; si terram attigerint, è manibus utrinque sustinentium
pendent. Gaudemus si quid licentius dixerint. Verba, ne Ale-
xandrinis permittenda delicijs, risu & osculo excipimus. Nec
mirum; nos docuimus, ex nobis audierunt: omne conuiuium
obscenis canticis strepit, pudenda dictu spectantur. Fit ex his
consuetudo, inde natura: discunt hæc miseri antequam sciunt
vitia esse. Inde soluti ac fluentes, non accipiunt è scholis mala,
ista, sed in scholas afferunt. Hactenus Fabius. Hæc de parentu &
filiorum officijs diximus: nunc ad seruos & dominos veniamus.

Est igitur primum seruorum erga dominos officium, vt soli-
cita eis cura deserviant: non ad oculum seruientes, quasi homi-
nibus placentes, sed vt Christo, quemadmodum monet Apo-
stolus, Contra verò, dominorum præcipua cura esse debet, pri-
mo quidem illis necessaria, ne furari cogantur, præbere: deinde
in ægritudine constitutos, tanquam filios sollicitè curare, & vt
Sacramentis eis opportunè ministrentur providere. Tria verò
sunt quæ potissimum circa illos curare debent. Primum, vt ab
omni eos lethali crimine, præsertim fornicationis, atceant: qui
enim hoc vitio tenentur, diaboli mancipia fiunt: atque ita hoc
vinculo illaqueati, tota penè vita in statu damnationis perseue-
rant, in quo etiam mors eos miserabiliter intercipit: quod ex-
tremum ac summum periculum esse constat. Secundum est, vt
eos diebus festis atque Dominicis Missam audire faciât: à quo
quidem Ecclesiæ præcepto neminem seruitus excusat. Quod
quanto aliter fiat, videtis omnes; quâvis hanc communem cala-
mitatem, sicut & præcedentem, nemo sentiat, nemo deplorat.
Tertium est, diligenter curare vt fidei rudimenta, hoc est,
Symbolum, fidei præcepta Decalogi, Dominicam orationem
& Virginis salutationem propè teneant. Quisquis enim fidem
professus est, hæc omnia, ac maxime fidei articulos, distin-
ctè scire tenetur. Cætera enim mysteria fidei, quæ recondito-
ra sunt, satis est in fide Ecclesiæ credidisse. Hæc tamè quæ Chri-
stianæ

stianæ fidei elementa sunt, atque ea in primis quæ ad beatissimam Trinitatis, & Dominicæ incarnationis mysteria pertinent, explicatè credenda sunt.

Non possum autem hoc in loco non deplorare miseram eorum seruiorum sortem, qui ad nos ex Aethiopia huc aduehantur, quorum plurimi non quidem simplici, sed (quod est multo grauius) triplici nomine in statu damnationis tota penè vita perseuerant: quâdè nihil horum trium, quæ modò perstrinximus, aut ipsi, aut eorum etiam domini circa eos curant. Nam nequæ fidei Christianæ rudimenta callent, nec sacris diebus diuino sacrificio assistunt, nec à fornicationis vitio sese continent. Ab hoc quippe impuro crimine homines aut timor Domini, aut dedecoris & ignominie metus liberat. Vtroque autem hoc feno plerique horum mancipiorum carent, quia nulla illis aut timoris Domini, aut humani pudoris & verecundie, aut etiam honoris cura est, ideoque effrenata mente in hoc vitium tanquam equus & mulus præcipites ruunt. Quod si vnumquodque horum criminum ad sempiternam damnationem satis est; quæ spes salutis eorum reliqua erit, qui hoc triplici damnationis funiculo sunt colligati? Nec minus timendum est, ne hoc tantum periculum dominos quoque suos inuoluat, damnationisque suæ participes efficiat, nisi pro virili sua curent, vt ab hoc tanto discrimine serui eorum curæ commissi, studio atque operâ sua liberentur. Tonat enim Apostolus: Si quis suorum, & maxime domesticorum curam non habet, fidem negauit, & est infideli deterior. Hæc sunt igitur quæ circa huiusmodi seruos maxime seruari debent.

Alia est etiam obligatio vxoris ad virum, & viri ad vxorem. Ad illam maxime pertinet diligenter gubernare familiam, intendere operi ac labori, diligere & reuereri virum suum, illius voluntatem prudenter exploratam exsequi, omnes ei anas aut odij aut iræ præripere, & super omnia zelotypiæ spiritu nec se ipsam nec virum vexare.

^{1.}
Galat. 3. Ad virum porro spectat illud Apostoli, Viri diligite vxores vestras, & nolite amari esse ad illas. Sunt enim quidam adeo vilis ac degeneri animo, qui in hoc videantur vxores duxisse, vt habeant in quas impunè seuire possint, & totas furori suo habenas laxare. A quo illos furore Ecclesiast. auocat, dicens: Noli esse quasi leo in domo tua, euertens domesticos tuos. Quod si non decet in domesticos furere, multo minus in vxorem, quæ in vitæ & dignitatis consortium data est. Habenda quoque ratio est fe-

Ecclesi. 4.

est femineæ teneritudinis ac fragilitatis, quam Petrus Apostolus haberi voluit, cum viros his verbis admonuit: Viri similiter, 1. Pet. 3. cohabitantes secundum scientiâ, quasi infirmiori vasculo muliebri impartientes honorem, tanquam & coheredibus gratiæ vitæ, vt non impediatur orationes vestræ. Significanter autem mulieris animum, infirmum vasculum appellauit: quo innuere voluit, vt quemadmodum aliter argentea vasa, aliter vitrea tractamus; illa negligentius, quoniam solida & firma sunt; hæc vero cautiùs contingere & circumferre solemus, quod sint fragilia, & iniuriæ obnoxia: ita molles vxorum animos blandè ac leniter tractare oportet; ne, si duriter & præfractè illas alloquamur, & illis & nobis ipsis irarum & perturbationis materiâ præbeamus: quod quidem magnum orationis impedimentum est, quæ pacatam & tranquillam mentem requirit, vt sine vllis irarum aut curarum remoris & aculeis in Deum tota feratur.

Quintum præceptum.

Sequitur deinceps quintum præceptum, Non occides: quod quidem præcepto non externum modo, sed internum etiam homicidium prohibetur. Dicit enim aliquis: Neminè occidi. Vt ita sit, si tamen mortem alicuius verè & ex animo desiderasti, aut vindictam de eo expetisti, iam in oculis Dei occidisti: sicut qui mulierem vidit ad concupiscendum eam, iam meretratus est in corde suo.

Rursum etiam, si odio habueris fratrem tuum, iam illum coram Deo trucidasti. Sic enim legis: Qui odit fratrem suum, 1. Ioan. 3. homicida est. Et scitis quoniam omnis homicida non habet hereditatem in regno Christi & Dei. Et quidem hoc peccatum præterquam quod grauissimum est (quia contra charitatem, in qua diuinæ legis lumen constituta est, militat) non est ex eo genere peccatorum, quæ simul & fiunt, & transcunt (qualis blasphemia est, cuius ferè hominè pœnitet, vbi hoc modo insanauit) sed quod diu hærere in anima solet, qualis hæresis aut impudicus amor est, qui non protinus cessat, sed vel diu, vel perpetuò manet. Crimen igitur hoc instar vulneris est, quod infixum in animo ferrum relinquit, quod semper noxium putridumque humorem generat. Ex hoc enim fonte innumera quotidie peccata, hoc est, innumera nocendi desideria manant. Hoc autem intelligo, cum odium capitale est, quo quis vindictæ desiderio flagrat, & perniciem aut quæuis incommoda grauiapro-

ximo ex animo imprecatur, aut desiderat. Cæterum, vbi sola
 quædam cordis amaritudo aduersus illū in animo relidet, quæ
 nihil tale desiderat, ea planè neq; perfecti odij, neq; lethalis pec-
 cati rationem habet: sed aliquando veniale dilectum, aliquan-
 do fortasse nullum erit. Si quis ergo cum Deo in gratiam redire
 vult, is primum cum proximo suo in gratiam redeat. Adeo
 enim amicitia Dei cum hominis amicitia coniuncta est, vt alte-
 ra citra alteram constare nullo modo possit.

Sed redeo, inquis, in gratiam, depono odium, & vindictæ cu-
 piditatem: nū aliquid amplius facere teneor? Cautè huic qua-
 sitioi respondendum est. Aut enim tu iniuria proximum affe-
 cisti, aut ille te, aut neuter alterum: sed affectui suo quisq; plus-
 quam par est indulgens, capitali odio dissident. Si ergo tu illum
 læsisti, satisfacere teneris, aut re, aut verbis, aut utroq; simul, si
 res ita exigat. Id enim postulat ordo iustitiæ, vt, quem læsisti,
 placare, illique satisfacere studeas.

Non semper autem laudo eos qui subito læsum proximum
 adoriuntur, vt ab eo suppliciter veniam petant. Cum enim læ-
 se imparatos deprehendant, & recentis iniuriæ memoria exa-
 gitatos, aditu atque congressu ita nonnumquam offenduntur
 atque perturbantur, vt hinc frequenter maiores tragædiæ con-
 citentur. Expedièr ergo, prius negotium hoc communium
 amicorum op. a tractare, in inimicorumque animos ante cōgres-
 sum lenire: quemadmodum tossores facere solent, qui oleo ve-
 nam molliunt, priusquam ferro scindant, barbaniq; prius te-
 penti aqua madefaciunt, quam notacula radant.

Simile.

Cæterum si odij, fratres, in animo latuit, neque aliquo ex-
 teriori signo declaratum est: non opus est vt à fratre veniam pe-
 tas (vt quidam rudes, & imperiti faciunt) ne dormientē proxi-
 mum, & nihil minus cogitantem exeres, & animi in te stoma-
 chum hac ratione commoueas.

Si vero realius iniuria affecti, & supplex commissi veniam
 peti teneris, utique (in foro saltem conscientia) crimen ad-
 missum condonare: ne videlicet ei scandalo sis, & illius aduer-
 sum te odium concites, dum adhuc te in odio perseuerare de-
 claras, qui supplicem & veniam petentem a te abigis & spernis.

Hoc autem in loco admonendum est, non satis esse, cum ali-
 qui capitali inter se odio dissident, odium ex animo deponere,
 sed oportet etiam quem odifas alloqui, & communianli bene-
 uolentiæ signa, quæ aliis in eo genere præstantur, non negare.

Quæ illi præstare exhibenda sunt, qui vel etiam (vt ante dixi-
 mus)

mos) veniam petit, vel te officiose salutat: Aliter enim si illi ac-
 que veniam in foro animæ concedas, neque salutantem resalu-
 tes, tu tibi & illi odij materiam acqueficientia ministras. Nam
 & ipse hac externa malevolentia significatione in eadem con-
 firmaris, & illi quoque aperta odij argumenta & indicia exhibe-
 bes, quibus & illius animum irritas, & ad reciprocum odium in-
 cēdis. Quomodo enim credes se à te ita diligi, ut pro illo, cum
 necessitas postulauerit, vitam morti offeras, quem ne eo quidem
 colloquio dignaris, quod nemini negas? Quin & aliis scandali
 materiam subministras, qui odio inter se dissidere illos credunt,
 qui communia benevolentia opera omnibus debita sibi neg-
 gant. Nec satis esse videtur (ut quidam aiunt) ad hanc offensio-
 nis materiam submovendam, quod te istis temporibus consi-
 teri, & sacram Eucharistiam sumere videant: cum magis hoc ar-
 gumento offendantur, & utrumque simul, poenitentem scilicet
 & confessorium, reos faciat. Cum hoc igitur ita sit, evenire ta-
 men aliquando potest, ut hac communia benevolentia signa
 negari iuste possint: ut cum pater delinquentem filium huius-
 modi severitate castigare vult, aut etiam eum ex hoc colloquio
 & congressu (quod fieri aliquando potest) vel pudicitia, vel ali-
 cui alteri vitio periculum imminet. Quo tempore æquū erit,
 ut, si qui hac ex re offenduntur, illis honesta aliqua ratione hanc
 offensionis causam adimamus, nosque omni æterno odio va-
 care profiteamur. Interdum etiam poenitentis & confessorij bo-
 num nomen, & præclara vitæ opinio ad hanc offensionis mate-
 riam remouendam satis esse poterit.

Est aliud spirituale homicidium tanto gravior, quanto ani-
 ma corpore præstantior est: Corpus enim occidere, est animam
 à corpore diuellere: animam verò occidere, est Deum ab ipsa
 anima separare: quod quidem tanto gravior est, quanto vita
 animæ vita corporis dignior est. Hoc autem homicidij genere
 peccat, quisquis proximum scandalizat: hoc est, qui illum ad
 malum sollicitat: quo opere tanquam à cælesti hereditate de-
 pulsum, in barathrum deicit, atque ex Dei filio, Satanæ man-
 cipium, ex Dei templo, specum efficit diaboli. Nam qui per-
 suationibus crebris, qui largitionibus, qui literis & promissis
 tandem eripit virgini pudicitiam pariter & famam (quo fit, ut
 amissio pudore & hominum metu, in alia deinde atque alia
 scelera prolaboratur) an non hic spiritualis homicida est, qui
 innocentis animam crudeli parricidio iugulauit? Quomo-
 do verò pro tanto hoc scelere Deo poterit satisfacere? In quo

etiam crimine & periculo illi quoque versantur, qui partim adulationibus, partim prauis consiliis ad sumendam de inimicis vindictam alios adhortantur. Hi namque eiusdem criminis participes fiunt, cuius auctores & consiliarii fuerunt, nec minus quam illi ipsi ad illarum offensionis & iniuriarum damna refarcienda tenentur.

Denique hoc modo peccant omnes quicunque alios ad peccatum inducunt: ut domini qui in ludo taxillorum, & arum, atque cartarum, penè vitam ducunt; quorum famuli exempla sequentes, in hoc ipso dies noctesque insumunt: Item etiam patres marisque, quorum os maledictione, iuramentis, & amarulentia plenum est; cuius officij hæredes exemplo suo relinquunt filios ac nepotes. Quam quidem impietatis hereditatem à parentibus acceptam, posteris tradunt: qui tot animarum rationem Deo reddent, quot exemplo suo perdididerunt.

Sextum præceptum.

Proximum erat, ut de sexto diuinæ legis præcepto, & de eius violatione, & peccati gravitate diceremus. Reuera enim peccatum hoc ignis est vsque ad consummationem deuorans, & omnia eradicans genimina: & macula ite ac labes sordidissima est, totam carnalis hominis vitam, & omnes eius gestus, actus, & cogitationes inquinās. Verum hanc tantam fecditatem satius esse duco non attingere, quam prauis explicare, & pudicas aures eius tractatione offendere. Ideoque de sola huius criminis confitendi ratione pauca subiiciam. In ea namque præter numerum peccatorum (quem vbique explicare necesse est) duæ sunt aliæ circumstantiæ necessario indicandæ. Altera est personæ, cum qua scelus admissum est, conditio (ut si mulier nupta erat, siue virgo, siue consanguinea, siue Deo dicata) vnaquæque enim harum circumstantiarum peccati speciem & gravitatem variat: altera verò est, scandali circumstantia; hoc est, si tu promissis & malis artibus reluctantem, aut innocentem virginem ad indignum facinus induxisti: tunc enim alieni quoque peccati & extinctæ animæ (ut paulo antè diximus) reus es. Quæ quidem circumstantia grauior interdum quam peccatum ipsum existit: quando hoc & proximi animam interficit, & adiutum plerumque ad multa alia flagitia aperit. Quamobrem hæc adiuncta, crimini deformitas, suppresso personæ nomine, in confessione detegenda est.

Postre.

Postremò illud etiam annotandum, non raro in hoc crimine obligationem intercedere restituendi. Quisquis enim vehementer virginem sollicitauit, atque ita pudicitiam illi aut famam eripuit; eam vel uxorem ducere, vel, si dispari admodum fortuna sit, ad arbitrium boni viri dotare tenetur: quando quæ causam damno dedit, damnum dedisse iudicandus est. Quod tamen plerique præstare negligunt: quo fit, vt tales semper in statu damnationis permancant, quàm diu ab hoc se iustitiæ debito non absoluunt.

Septimum præceptum.

Septimum deinde præceptum sequitur, quod furtum prohibet. Quo præcepto non modò alienum rapere, sed etiam inuito domino retinere prohibemur. Hoc autè præceptum violare, lethale peccatum est, & ex eo quidem genere peccatorum quæ non transeunt vbi admissa sunt (vt periurium atque blasphemia) sed manet, ac diu animo infixum hæret; vt inueterata odia, de quibus antè locuti sumus: quàm diu enim alienum inuito domino detines, tam diu in statu peccati perseveras. Quod si ira est, quid, quæso, dementius (vt non dicam sceleratius) quàm alienum aut rapere, aut detinere: quando toto eo tempore, quo illud retines, in statu damnationis degas; & illud tandem restituere vel in morte debeas, nisi in æternum perire malis? Scitum enim illud est, quod passim auditis, nullo modo dimitti peccatum, nisi reddatur quod ablatum est. Quæ ergo maior insania, quàm tota vita manere in peccato, & confiteri, ac sacram Eucharistiam sumere in peccato, accubare, dormire, edere, ac bibere in peccato, nulloque bono opere quicquã apud Deum mereri, cum sis in peccato? Quæ insania est, cum tanto animæ tuæ detrimento, ac sine vilo temporali emolumento alienum rapere ac detinere?

Hoc in loco illud annotandum est, multa esse personarum genera, quæ ad restitutionem teneantur. Præter eum chim qui rapuit, aut damnum intulit, omnes etiam alij eiusdem criminis confortes ad restitutionem tenentur: vt is qui vel consilium dedit, vel auxilium, vel qui furtum, siue furem celauit: & prætor etiam ciuitatis, qui damna publica arcere ex officio tenetur, nec arcet; & testis etiam qui eum læsæ partis damno reticet in iudicio veritatem: ac tandem omnes qui causam damni dederunt. Omnes igitur hi illatum damnum læsæ parti in solidum

restituere tenentur: ceteri vero ei qui plenè satisfecit. Quod quidam parum attendunt.

In quo etiam ordine eos collocamus, qui ex seruis, aut filiis familias, aut aliis, quos verisimile est aliena vendere, aliquid emunt, aut cum filiis familias ludentes, quæ nondum sui iuris, sed parentum propria sunt, luctantur.

Advocati etiam qui iniustis litibus patrocinium præbent, vel diu sententiam iudicis iniquis artibus differunt, ac magis magis qui huiusmodi lites intendunt, ad damna omnia quæ innocentibus inferunt, resarcienda obligantur.

Vsurarios etiam ad restitutionem teneri, nemo est qui nesciat. Vsurarii autè sunt, qui in contractu societatis saluo capitali negotiabilis. Et mercatores item, qui propter dilatam aut anticipatam solutionem, iustum pretium minuunt, vel augent. Quæ res maxime locum habet, cum hoc venditionis genere mercatores rem suam agunt, sibi que consulunt: quia emptores pecuniam illis protinus numerantes non inveniunt. Hoc enim est tempus ipsum pretio vendere. In hoc tamen casu ex tribus pretiis iustis, quæ Theologi in vnaquaq; re constituunt, summum poterunt exigere, iustum tamen: alias usura rei erunt.

Illud etiam propter rudiores annotandum: non sat esse si quis animum habet, vel postea, vel in testamento restituendi, si id protinus sine maximo suo damno præstare possit: præsertim si creditor inopia cõstringatur. Tunc enim etiam cum detrimento suo debitor restituere tenetur: dummodo extrema inopia non laboret, aut artis suæ instrumenta hac de causa diuendere compellatur. Si verò in summa inopia sit, ab hoc vinculo liberatur (donec ad pinguiorem venerit fortunam) quia (ut vulgò dicitur) ad impossibile nemo tenetur.

Octauum præceptum.

Octauum deinde sequitur præceptum: Non falsum testimonium dices. Apud sanè supra positis legibus hæc adiuncta sunt. Quatuor enim sunt externa hominis bona: nempe vita, & vitæ comes individua vxor, & opes item, ac fama siue honor. Ad singula autem horum supernus ille generis humani custos, ac legislator sua disposuit præsidia, ut in tuto suas quisque res habere posset. Vitam enim munivit, cum ait: Non occides. Vxorem verò, cum dixit, Non mœchaberis. Opes autem, cum præcepit, Non furaberis. Famam quoq; & honorem, cum post hæc

hæc subiecit, Non falsum testimonium dices. In quo summam Dei nostri erga nos bonitatem ac providentiamcernere licet: dum & ea præcipit, quæ nobis maximè salutaria sunt (quæ quæ pius pater amantissimis filiis & optare, & præcipere paterno affectu potuisset) & pro iis ipsis, quæ nobis adeo salutaria sunt, sempiternæ felicitatis præmium pollicetur. Quid enim dulcius, & benignius ab illius immensæ bonitatis pelago sperari poterat? Sic igitur ait: Non loqueris aduersus proximum tuum falsum testimonium. Dicetis forsitan, Ab hoc tanto scelere immunis sum. Sit ita sanè: sed sunt tamen aliæ rationes, quibus famam proximi etiam vera dicentes lacerare possumus. Nam si delictum proximi lateret, & res in obscuro est: si abdita prodire in lucem, vnde fama proximi denigratur, & qui hactenus bene audiebat, per te malè audire incipit (ex qua re non parua sapientia consequuntur) nonne præceptum hoc violasti, quod tuendæ famæ proximi destinatum erat?

Addo & aliud non infrequens inter uxores vitium. Hæc namque cum zelotypiæ spiritu velut erynni quadam exagitantur, leui aliqua coniectura ductæ, certam aliquam personam suspecti criminis ream credunt: nec modò credunt, sed vi etiam doloris stimulante, temerè effundunt, quod temerè crediderunt. An non igitur ista plus aliquid quàm falsum testimonium dicunt? Nam & lethale vitium est, temerè iudicare quod nescias: & multo adhuc lethalius in perniciem alterius, temerè effutire quod iudicas.

Simili etiam modo peccant, cum quis forsitan aliquid è domo earum surripuerit: vi enim doloris commotæ, leui etiam indicio impelluntur, ut seruum, aut vicinum eius furti auctorem credant, nec modò credant, sed etiam prodant: cum tamè huiusmodi coniecturæ non raro iudiciū fallant. In quo casu, sicut in præcedenti, & malè iudicant, & peius produnt quod iudicauerunt.

Nec minùs grauius delinquant, qui dictis suis seminant inter fratres discordias: dum ad aures aliorum deferunt, quæ iram & inimicitias excitare possunt. Vnde non modò inueterata odia, sed et cædes etiam atque homicidia frequenter oriuntur, quorum malorum peruersa detrahentis lingua causa exsistit. Sic enim Ecclesiasticus ait: Sufurto, & bilinguis, maledictus: multos enim turbauit pacem habentes. Lingua tertia (hoc est, duplex) multos commouit (id est, exagitaui) & disperxit illos de gente in gentem, ciuitates muratas destruxit. & cetera quæ in hac sententia multa & præclara capite 28. continentur.

Proph. 6. Ex quibus planè verbis, huius criminis grauitas faciliè colligitur. Quod quantopere Dominus detestetur, declarant illa Salomonis verba: Sex sunt quæ odit Dominus, & septimum detestatur anima eius. Sex autem his enumeratis, septimum, quod Dominus detestatur, subiecit, nempe eum qui seminat inter fratres discordias. O quanta ex hoc crimine mala deriuantur! O quantum hinc periculi omnibus, ac maximè mulieribus imminet! Ex namque, quod manibus nequeunt, lingua perficiuntur: cuius sæpè vulnera telis omnibus nocentiora sunt. Sit enim in *Eccli. 2.* Ecclesiastico legimus: Flagelli plaga liuorem facit, plaga autem linguæ comminuit ossa.

Postremò ad huius præcepti violationem reuocatur secretorum reuelatio, quæ alicuius fidei sub sigillo secreti credita sunt. Hæc autem reuelare, ex genere suo lethale peccatum est, nisi exiguitate materiæ excusationem admisserit.

Vltimo loco admonendum est, in hoc etiam crimine restituendi obligationem intercedere, si quis aut secretum scelus in publicum prodidit, aut ipse malignè commentus est. Ex si quidem commentus est, iurare potest, imò & aliquando debet, se illud falsò dixisse: si tamè verum dixit, neque iurare, neque mentiri potest; sed alia ratione læsa proximi fama refarcienda est, personam videlicet commendando, & humanæ linguæ procacitatem, & facilem hominum credulitatem accusando: quandoquidem omnibus, & quidquid collibuerit effutire & credere in promptu est, &c.

In quo tamen officio vtilitatem huius rei examinandâ prius esse Theologi docent. Si enim nulla ex hoc sequi apparet vtilitas, sed id forsitan erit excitare dormientem; dum aut res obligationi tradita renouatur; aut qui audit, magis forsitan in ea opinione, quam antè conceperat, confirmatur; consultius erit in eo casu nihil omnino tentare.

Ex iis autem, quæ hactenus à nobis dicta sunt, faciliè colligitur, in his quatuor suprà positis præceptis, quæ ad proximorum bona seruanda instituta sunt, locum esse restitutioni. In primo enim inuenitur restitutio iniuriæ: in secundo, creptæ pudicitiae: in tertio, alienarum rerum: in quarto, famæ denigratæ. Explore igitur diligenter verus poenitens animæ suæ latibula: videatque quibus modis contra hoc præceptum deliquerit, & ad quid etiam teneatur.

CONCIO QUARTA.

Nonum ac Decimum praeceptum.

Sequuntur deinde alia duo praecepta : Non concupisces uxorem, nec res proximi tui. Quae quamuis latis apertè sexto & septimo praecepto cauebantur, non tamen sine magno consilio hic addita sunt: ut hac ratione rudiores intelligerent, legem Dei non modò manum, sed etiam animum prohibere: nec corporis tantum, sed cordis etiam puritatem exigere, quam lex humana non exigit, quia nec illam aut videre, aut diiudicare potest. Deinde etiam haec duo praecepta ad firmiorem aliorum custodiam adiecta sunt. Sicut enim oppida munitissima non modò munis- simile, sed etiam antemuralibus septa sunt: ita Dominus adeò illas intasque res hominum seruari voluit, ut hoc eas duplici munimèto voluerit sepiri. Murus enim est, Non furaberis: antemurale verò, Non concupisces res proximi tui. Perinde enim est, ac si diceret, Adeò longè abesse volo te ab alienis rebus violandis, ut nec concupiscere quidem tibi liceat. Quisquis enim timet concupiscere, multo etiam magis timebit rapere & violare. Aditum ergo & iter ad malum sapientissimus legislator occupauit, quando etiam concupiscere vetuit.

Vbi non legniter praetereundum est, quòd legislator in hoc nono praecepto non ait, Non concupisces alienum virum; sed, Non concupisces uxorem proximi tui: cum utrumque pariter eodem praecepto caueatur. Voluit enim Dominus hoc genere loquendi, & feminarum honori consulere, & hominum intemperantiam designare. Reuera enim ij sunt, qui malis artibus, hoc est, qui literis, qui promissis, qui integritatibus non raro alienarum pudicitiarum insidiantur: ideoque prudentissimus legislator ibi potissimum prohibitionis apposuit medicinam, vbi maxime vigere morbum intelligebat.

His etiam praeceptis admonemur, non verba solùm & opera, sed cogitationes etiam prauas confiteri debere: idque non in his tantum praeceptis, sed in omnibus etiam aliis, ac praecipue in quinto praecepto: quo non modò homicidium, sed omnis etiam nocendi cupiditas & odium interdicitur. Prava autem cogitatio, quam confiteri tenemur, ea est, qua vel consensum prauae cupiditati praebemus; etiam si opere non exsequamur: vel in ipsa cogitatione turpiter delectamur; quod peccati genus Theologi morosam delectationem appellant; qua non in opere, sed in ipsa turpi cogitatione, aut vindictae cupiditate, &c. oblectamur. Utrumque iuxta lethale peccatum est: illud quidem cla-

zios, hoc autē obscurius: vtrumq; tamen confessioni obnoxium.

Hactenus de decem præceptis pro ratione temporis breuiter diximus. Non enim omnia dicere, sed viam pœnitentibus ad confessionem aperire voluimus. His adiiciuntur septem peccata capitalia, quæ simili quoque ratione excutienda sunt: vt horum quoque ad monitu memoria nostra iuuetur, ne quicquam in confessione prætermittamus. Hæc nunc, fratres, cum animo vestro etiam atque etiam cogitate, hæc vt animalia munda intra pectus vestrum sedulo ruminare, hæc alta mente recondite, vt & qua ratione vitam vestram ad diuinæ legis normam dirigere debeatis, his eruditi præceptis intelligatis: & quo ordine ac ratione peccata vestra in confessione acculare possitis, in promptu habeatis. Superest tertia pœnitentiæ pars, quæ satisfactione constat, quam in sequenti concione absoluemus. Eam verò si cæteris partibus adiuxeritis, plenam atque perfectam pœnitentiam omnibus numeris absolutam perageris, quæ vobis Domini misericordiam, peccatorum veniam, spirituales vitam, amissam gratiam, ac tandem facilitatis æternæ gloriam, hoc est, hæreditatem incorruptam, incontaminatam, & immarcescibilem, conseruatam in cælis, feliciter impetrabit: in qua absterget Deus omnem lachrymam ab oculis Sanctorum, & iam non erit amplius neque luctus, neque clamor, neque ullus dolor: quæ prima transferunt. Quam nobis concedere dignetur Christus Dei Filius, qui cum Patre & Spiritu sancto viuit & regnat in secula seculorum, Amen.

CONCIO QVINTA, DE TERTIA

PŒNITENTIÆ PARTE, SATISFACTIO-
ne: de quæ variis aduersus peccatum remediis, ne in
pristina scelera relabamur.

T H E M A. *Conuertere ad Dominum, & relinque peccata, &c. Ecclesiastici 17.*



IX I M V S, fratres in prima de pœnitentia Concione, tribus partibus plenam pœnitentiam contineri. Cum autem duas priores exposuerimus, reliquum est (ne quid instituto nostro desit) vt postremam, nempe satisfactionem, breuiter expediamus. Sed quoniam veræ pœnitentiæ fructus atque finis
in pu.

In puritate & integritate vitæ (quam eiusdem pœnitentiæ virtute consequimur) positus est; ratio exigit, vt, quoniam modo integritatem hanc virtutis Sacramenti partem retinere valeamus, explicemus. Parum enim proderit mentis puritatem ascultos fuisse, si eandem protinus novis sceleribus sordidamus. Tunc enim meritò in nos Propheticum illud iactari poterit: Qui congregavit merces, misit eas in sacum pertusum. Hæc Aggæi. 1. igitur duo præcipua veræ pœnitentiæ capita in præsentî Coniunctione absoluerè conabimur. Quam rem vt commodè præstare possimus, celestem opem sacratissimæ Virginis interuentu, suppliciter imploremus. *Aue Maria.*

Pars prior. I.

Quoniam de satisfactione primo loco dicturi sumus, eius causam & originem necesse est vt ante omnia aperiamus. Dicit enim fortasse aliquis: Si pœnitentiæ Sacramentum omnia verè pœnitentis peccata delet; quid necesse est, dimissa culpa, voluntariam assumere pœnam, qua diuinæ iustitiæ pro sceleribus admissis satisfaciatur: cum præsertim Sacramentum baptismi ita omnia peccata deleat, vt nulla satisfactione egeat, qui baptismum suscepit? Vt huic igitur questionî respondamus, baptismatis & confessionis differentia explicanda est. Aliter enim baptismus, aliter pœnitentiæ Sacramentum peccata remittit. Baptismus enim regeneratio quædam & natiuitas interni hominis est: pœnitentia verò est languentis animæ medicina. Videmus autem in rerum ortu atque natiuitate nouam creaturam sic oriri, vt nihil in eâ veteris formæ resideat. Cum enim ex ovo pullus nascitur, nihil in pullo ex ovo vnde formatus est, remanet. At in morborum curatione aliquando quidem æger sic à morbo sanatur, vt nihil in eo veteris morbi aut imbecillitatis appareat: aliquando verò reliquæ nonnullæ siue pristini morbi, siue infirmitatis & imbecillitatis in eo, manent. Cum ergo baptizinus (vt antè diximus) regeneratio & natiuitas interni hominis existat, necesse est, vt nihil in eo qui baptismum suscepit, veteris hominis resideat, sed noua creatura consurgat. Cum autem vetus homo criminibus & criminum pœnis obstrictus sit, vitumque noua natiuitas abolat, atque ita demum noua creatura omnis culpæ atque pœnæ expertus in Christo renascitur. At in Sacramento pœnitentiæ, quod languentis animæ curationem esse diximus, aliquando quidem

quidem tam acris animi dolor & poenitentia est, ut (quemadmodum in baptisate) omnis culpa simul & poena deleantur. Aliquando, verò minor quam pro scelerum magnitudine est: atque hoc tempore culpa quidem, & æterna poena culpæ debita remittitur, & pristinae gratiæ atque Dei amicitia homo redditur, & de temporaria etiā poena portio aliqua remittitur. Quod si tota non relaxatur, non tam hoc Sacramento, quam negligentia nostræ tribuendum est: qui minus parati ad illud accedimus, dum scelerum magnitudinem contritionis atque doloris magnitudine non æquamus. Quæ quidem contritionis infirmitas satisfactionis labore refarcienda est. Hoc autem facimus, cum præscriptam à sacerdote poenā amplectimur, & ipsi quoque nobis eam indicimus, quo diuinæ iustitiæ legibus & æquitati satisfaciamus: atque ita nos ipsi & accusatoris, & iudicis, & carnificis officio fungimur, cum & crimina nostra accusamus, & poenam nobis pro illis infligimus, & voluntariè indictam amplectimur. Quod cum facimus, illud Apostoli implemus: Si nosmetipsos iudicaremus, non utique iudicæmur. Quisquis autem hoc agere renuit, sciat negligentiam hanc igne purgatorio luendam esse.

Quod si à me quæritis, quibus potissimum poenis diuinæ iustitiæ satisfacere, & poenas nobis debitas redimere valeamus: ad hoc respondemus, omnia virtutum opera, atque illa præcipue quæ molestiam corpori exhibent, satisfaciendi vim habere. Constat enim contraria contrariis curari, & admissa crimina ita poenis legitimis puniri, ut quæ voluptate deliquimus, amaritudine expiemus. Hinc D. Gregor. Deus, inquit, cruciatibus nostris non pascitur, sed delictorum morbo medicamentis contrariis medetur: ut, qui voluptatibus delectati ab eo discessimus, fletibus amaricati redeamus; & qui per illicita defluendo cecidimus, etiā à licitis nosmetipsos restringendo surgamus. Unde sancti Patres docent, tria esse præcipua virtutum opera, quibus hæc satisfactio peragitur: nempe oratione, ieiunia, atque eleemosynas. Quæ tria Raphaël Angelus Tobiaë insinuat Tob. 12. his verbis: Bona est oratio cum ieiunio & eleemosyna, magis quam thesauros auri recondere: quoniam eleemosyna à morte liberat, & ipsa est quæ purgat peccata, & facit inuenire vitam æternam. Eius verò tanta apud misericordiarum parentem potentia est, ut idem Iudex noster dicat: Dare eleemosynam, & ecce omnia munda sunt vobis. Hinc Iacobus Apostolus ait: Iacob. 2. Super exaltat autem misericordia iudicium: hoc est, gloriatur misc-

miseriordia aduersus iudicium, vel superior est misericordia iudicio: atque ita superior in ea causa euadit, in qua misericordis viri patrocinium aduersus iudicium sumit.

Inter omnes autem eleemosynas primū ac summum locum iniuriæ remissio & condonatio tenet, cui Dominica veritatis testimonio peccatorum venia promissa est. Sic enim ait: Si dimiseritis hominibus peccata eorum, dimittet & vobis Pater vester caelestis delicta vestra. Ideoque opportunè Saluator in oratione Dominica hanc orationem subiecit: Dimitte nobis debita nostra, sicut & nos dimittimus debitoribus nostris. Quia quidem particula interiecta, admirandam nobis facultatem contulit, qua Deum compellare, & virtutis nostræ imitatione illum ad misericordiam flectere possimus. Quam rem D. Gregorius Nissenus, hunc locum explanans, his verbis amplificat: Quæ de hoc animum meum subit cogitatio, temerarium quidem est vel mente concipere, temerarium item vel oratione cogitationem & mentis conceptum patefacere. Quemadmodum enim Deus bene ac rectè agentibus ad imitandum propositus est (sicut dixit Apostolus: Imitatores mei estote, sicut & ego Christi) ita vice versatam affectionem Deo ad bonum pro exemplo esse vult. Atque ordo quodammodo inuenitur, ut audeamus quemadmodum bonum in nobis imitatione diuini nominis perficitur, ita sperare futurum, ut Deus nostra facta imitetur, cum aliquid boni confecerimus: ut tū idem ad Deum dicas: Quod ego feci, fac; imitare seruum tuum tu Domine pauperem & egenum, qui regnum vniuersarum rerum obtinens remisi debita, ne tu quidem exigas: supplicem repellere veritus sum; ne tu quidem supplicantem sum moueas atque repellas: latum & alacrem dimisi meum debitorem, talis item tuus fiat; ne tuum debitorem meo debitore tristiore reddas: ambo pariter & æqualiter exigentibus gratias agant: par ab ambo remissio decernatur, tuo simul & meo debitori; ille meus est debitor, tuus autem ego: quo animo ego fui aduersus hunc, quamque de eo sententiam secutus sum, hæc item apud te obtineat: solui, solve: dimisi, dimitte magnam ego proximo exhibui misericordiam, imitare tu Domine serui tui humanitatem. At grauiora sunt mea in te peccata, quam quæ hic aduersum me commisit. Id ego non nego: atque hoc reputa, quantum excellas in omni bono: æquum est enim, ut virum tuarum excellentiæ conuenientem misericordiam nobis peccantibus tribuas: exigam humanitatem ego exhibui: non enim

Gregor.
Nisse. in
Orat. Do-
minica.

enim amplius capiebat natura mea: tua verò munificentia exiguitate potentia non prohibetur, quin, quantum velis, tantum largiaris. Hactenus Gregorius.

Et quidem elemosyna hac ratione veniam apud misericordiarum parentem promeretur, quòd misericordiam homo homini exhibeat. Ieiunium verò alia ratione illum placat, quòd carnem molestia afficit, ut doloris amaritudine perceptam ex peccato voluptatem praeferat: eamque in poenitentia affligit, quae se peccando turpiter oblectauit. Nec hoc solum praestat ieiunium; sed carnem etiam extenuando, cupiditatis vim & robur elidit & frangit: atque hac ratione non solum pro peccatis facit, sed etiam peccata cohibet.

Verum dicit aliquis, Ego neutrum istorum, quae hactenus dixisti, praestare possum. Nec ego solum, sed multi quoque alij sunt cum morbo pariter & inopia constictantes, qui neque corpus imbecillum inedia macerare, neque opes habent, quibus aliorum inopiam subleuare possint. Superest ergo remedium, nempe, oratio (de qua mox dicemus), quae neque corporis imbecillitate, neque inopia occasione ab officio suo impeditur, quandoquidem nec externis opibus, nec corporis valetudine, sed sola mente & voluntate eget.

Adde his etiam alia satisfactionis opera, quae nec corporis robore, nec opibus indigent. Inter quae principem locum obtinet charitas, quae (ut Iacobus Apostolus ait) operit multitudinem peccatorum. Et Saluator item de peccatrice loquens, Dimissa sunt, inquit, ei peccata multa, quoniam dilexit, multum. Quem locum enarrans D. Gregor. charitatem igni comparat. Quemadmodum enim, inquit, ignis ferri rubiginem purgat, ita charitatis ignis peccati rubiginem ab anima pellit.

Tribulatio quoque non solum igni, sed lima etiam comparatur. Ut enim lima idem ferrum a rubigine expurgat, & argenti eius speciem atque nitorem reddit: ita calamitatum & tribulationum lima (si quis eas propter Deum leniter & moderate ferat) peccati sordes atque rubiginem consumit. Unde sancta illa femina cum Deo loquens aiebat: Benedictum nomen tuum Deus patrum nostrorum: quia cum iratus fueris, misericordiam facies, & in tempore tribulationis peccata dimittis his qui innocent se.

Est & alia ieiunii species multo gratior Deo, & ad satisfaciendum potentior: cum rebelles animi motus & cupiditates ieiunare facimus, quando rebus, quas immoderate appetunt, illis in-

Gregor.

*simi.
Iako pita
colari
dndyhan
to crym*

lis interdiciamus, & à concupitis rebus abstinere facimus. Corporali namque ieiunio à cibis tantum corporis abstinemus: at hoc ieiunium latius patet, cum ea omnia complectatur, quæ cupiditas nostra ardentè exquirat. Hoc est autem se abnegare, summu[m] in quæ Deo sacrificium immolare, cum se ipsum hominè propriamque voluntatem in obsequium Dei mactat. Hæc item est salutaris illa myrrha, quam toties in Cant. Sponsa prædicat: quæ, quo est carni amarior, eo est ad expurgandam animam efficacior atque potentior.

His etiam Ecclesiasticus summum aliud sacrificij & satisfactionis genus addit cum ait: Sacrificium salutare est, attendere mandatis, & discedere ab omni iniquitate, & propitiationem litare sacrificiis super iniustitias; & deprecatio pro peccatis, recedere ab iniustitia. Si enim ea præcipue opera, quæ carni molestæ sunt, ad dissoluenda peccatorum debita maxime conducunt, nemo toto mentis affectu atque studio ab iniustitia recedit, & melioris vitæ propositu[m] arripit, quin variis sæpe carnem suam laboribus (si modò rectè valet) afficiat. Sic enim scriptum est: Vigilia hostatis tabefacit carnes, & cogitatus illius aufert somnum. Hæc sunt igitur, fratres, opera, quibus verè poenitentes peccata redimunt: & diuinæ iustitiæ ita satisfaciunt, ut cum ex hac vita migraverint, nihil habeant quod purgatorio igne sit expiandum. Quo fiet, ut ubi primum anima ex corporis vinculis emerit, in supernam illam civitatem euolet, quæ tota est ærum mundum, simile vitreo mundo: in quam nihil intra t inquinatum & immundum. Quam igitur grata, quamque expetenda virtus illa esse debet, quæ tantam homini felicitatem tribuit, ut in ipsa mori, quæ omnibus timorem incutit, eius anima Angelicis manibus (quod mendico Lazaro contigit) in cælum delata, & beatissimæ Trinitatis conspectui præsentata, felicitatem adipiscatur sempiternam! Itaque quod sacro baptismatis fontis tribuitur (ut, si quis post illud animam protinus efflauerit, ad cælestia regna sine vlla cunctatione deferatur) plenæ quoque satisfactioni concedimus. Quis porius, quod martyrij proprium est, ut martyris anima recta cælum petat, hoc etiam satisfactioni perfectæ convenit. Quid ergo maius aut amplius in huius virtutis commendationem dici potest, quam quod eam non baptismati modo, sed etiam martyrio in retributionis celeritate comparamus? Hæc de satisfactione, quæ breuiter pro temporis ratione dici poterant, exposuimus. Reliquum est ut de huius Sacramenti fructu,

fructu, atque fine, ad quem tres istæ partes eius ordinantur, differamus.

Secunda Pars. II.

Neminem vestrum ignorare arbitror, fratres, rationem eorum, quæ ad finem aliquem ordinantur, ex fine esse perendam, & frustra esse, quæ finem suum minimè consequantur. Frustra enim navigavit, qui portum aliquem petens, vi tempestatis iastatus ad portum appellere non potuit. Frustra item vax medicamentis usus est, qui salutem, quam quærebat, non est assecutus. Quis autem poenitentiae finis est? Imò verò quis Sacramentorum omnium à Christo Domino institutorum finis est, nisi quem Isaias breviter exposuit, cum ait: Hic omnis fructus, ut auferatur iniquitas? Peccati igitur abolitio, detestatio, & honesta vitæ constitutio, nihil pristini vetustatis retinens, huius Sacramenti fructus & finis est. Qui si non sequatur, frustra omnis poenitentiae labor insumitur: imò verò (ut in prima Concione differuimus, cum de falsa poenitentia loqueremur) in maximam hominis perniciem cedit, post perceptam remissionis gratiam novis iterum criminibus divinam maiestatem lacerare. Hoc enim illa Domini verba insinuant, quæ paralytico dixit: Ecce sanus factus es, iam amplius noli peccare, ne deterius tibi aliquid contingat. Quid autem deterius homini in peccati morte degenti, nisi vel æterna damnatio, vel obstinatio in malis evenire queat? Cum enim malorum omnium summum constet esse peccatum; quid hoc tanto malo gravius, nisi ultimum supplicium esse potest? Denique sublato poenitentiae remedio, quæ nobis reliqua spes salutis manet? Ad hoc enim Quadragesimalis poenitentia instituta est, ut malis nostris finem imponeremus, pristinaeque licetiae nostræ terminum præfigeremus. Cum verò hoc longè secus accideret, ipsaque nobis medela in venenum vertatur, quid nobis spei reliquum est? Quocirca opportunè admodum Ioannes Baptista ad eos, qui poenitentia ducti ad eum veniebant, dictabat: Facite fructus dignos poenitentiae. Hoc est, si veram poenitentiam agere in animum induxistis, facite dignos eius fructus. Qui sunt autem isti fructus, nisi ab iniquitate recedere, & iustitiam colere? Sicut enim cum nobis Apostolus præcipit, ut ambulemus dignè Deo, hoc erigit, ut, quantum fieri possit, parem divinæ bonitati & maiestati pietatem & cultum exhibeamus: ita cum Ioannes dignos poenitentiae fructus exigit, id quod veræ poenitentiae ratio

ratio atque natura postulat, a nobis requirit. Cum autem poenitentia velut medicina quædam aduersus peccatum sit, quæ illud ab anima pellit, tunc dignos poenitentia fructus facimus, cum peccatum è moribus nostris eliminamus. Hæc enim ratione salus & æterna vita paratur. Si quis enim à me, quæ in re totius Christianæ philosophiæ summa constituta sit, quærat, nichilo illi verbo repondebo; nempe, vt fixum immotumque in animo propositum retineat, omnia priùs perpeti, quàm lethali peccato succumbere. Hoc enim animi propositum omnium diuinorum mandatorum obedientiam complectitur: in qua totius salutis & felicitatis nostræ lumina posita est.

Qualis autem huius propositi firmitas esse debeat, illa Apostoli nunquam satis laudata verba declarant: Quis nos separabit à charitate Christi? Tribulatio, an angustia, an fames, an nuditas, an periculum, an gladius: &c. Atque vt ad singularia exempla veniamus, huius propositi firmitatem miro modo sancta illa Susanna retinuit: quæ à duobus senibus in has angustias coniecta, vt vel peccato turpique facinori succumberet, vel in famæ dedecus, & lapidationis sententiam subiret; maluit duobus hæc mala (quæ omnium grauissima in vita putantur) perpeti, quàm in lethale peccatum incidere, & legem Domini violare. Quanto aliter fecit tot vocibus laudata illa Lucretia; quæ in eadem angustias redacta, ne pudicitia famam amitteret, pudicitiam amittere maluit! Quæ in re duplici nomine deliquit, & quod corpus suum turpiter prostituit, & quod sibi postea necem intulit. Quæ res declarat, illam non tam pudicitia, quàm famæ & honoris studiosam fuisse; cuius insano amore deuicta, vitrumque scelus commisit. Tales erant terè Gentilium virtutes, quæ non Deum, sed homines intuebantur: neque tam iustitiam, quàm famam & gloriam aucupabantur. Quas quidem virtutes ne ipse quidem Gẽtilis Aristoteles hoc nomine dignas esse putat. Vnde nec Achilli, nec Hecctori fortitudinis virtutem tribuit; quod vterque non virtutis amore, aut patriæ charitate, sed vel dedecoris metu, vel gloriæ cupiditate, vel alia simili ratione in certamen descenderent. Quæ Susanna nostra pudicitia famam neglexit, vt pudicitiam illibatam conseruaret. Cuius autem probitatis argumentum hoc sit, prudenter Seneca docet his verbis: Nemo plus videtur æstimare virtutem, nemo magis illideuotus, quàm qui boni viri famam perdidit, ne conscientia perderet. Quid (quæso) fratres, ab Ethnico hominæ dici sanctius potuit? Possem hoc in loco clarissimum septem Ma-

NOTA

Seneca
in Epist.

chabzorū, & matris eorū exemplum commemorare: quæ ne Dei legem violaret, septem filios ante oculos suos discerpi, dilaniari, exca. nificari, & mille modis cruciari passa est, ne vicium diuinę legis præceptum, perurgente Antiocho Rege, violaret. Satius tamen duco exemplum hoc silentio præterire, quàm breui atque humili oratione rem, quæ omnem superat admirationem, dicendo extingui. Sed aliud tamen præterire non possum, quod etsi non maius, nouitate tamen ipsa omni. Græcorum & Latinorum exempla superare videtur. Habuit enim illa sancta mater alias, quæ eius fidem & constantiam imitarentur. Sancta enim Felicitas & Symphorosa septem quoque filiorum matres exstiterunt, quos ante oculos suos variis tormentorum generibus mactari passæ sunt, ne simili ratione delinquerent. Hoc tamen, quod modò referam, exemplum singulare est, neque hæcenus, quod sciam, imitatore habuit. Et ne quis fabulosum existimet, Diuum Hieronymum, in vita Pauli primi Eremitæ, auctorem citabo. Sic enim ait: Initio nascentis Ecclesię, hostis antiquus, tarda ad mortem supplicia cõquirens, animas volebat iugulare, non corpora: idcirco nouam hanc rationem excogitauit, quare pugnantem martyrem in peccatum præcipitaret. Adolescentem quendam iuuenili etate florentem, Decius imperator in hortulos præcepit abduci: ibique inter lilia candentia, & labentes rosas, cum leni iuxta murmuris aquarum serperet riuulus, & molli sibilo arborum folia ventus perfringeret, super exstructum plumis lecto, in resupinari, & ne inde se posset excutere, blandis nexibus irretitum relinqui. Quo cum recedentibus cunctis meretrix speciosa venisset, cepit delicatis stringere colla complexibus, & quod dictu quoque scelus est, manibus attricare virilia, vt corpore in libidinem incitato, se victrix impudica superiaceret. Quid ageret, miles Christi, quò se venteret? Fugeret ne? At victus & compeditus erat. Abigeret manibus impudicā lenam? At hæc vinculis cõstricta erant. Quid igitur faceret? Quem tormenta non vicerant, superabat voluptas. Tandem cælitus inspiratus, præcisam morsu linguam in osculantis se faciem exspuit: ac sic libidinis sentum succedens doloris magnitudo superauit. Quid hic prius miter? quid prius dicam? an fidei constantiam, an fortitudinis laudem, an consilij nouitatem, quæ in re desperata tam nouam atque insolitam euadendi rationem excogitauit? Et quidem non ignorabat martyr inuictus, quod Lucia virgo Tyranno simile dederat minanti respondit: Si inuitam me feceris violare, castitas mihi dupli-

Hieron.

duplicabitur ad coronam. Itaque dedecus illud non tam peccatum, quàm peccati umbra & imago quædam existisset. Sed tantum probus adolescens odium in animo aduersus peccatum conceperat, vt hanc nouam ratione excogitauerit, quo vel ipsam peccati umbram & imaginem à se depelleret. Simile ergo propositum, fratres, habent, qui oculos habent, quibus immensam diuinæ bonitatis speciem contuentur, eamq. de ipso amore prosequuntur: & de prius extrema omnia perpeti, quàm ab eius charitate & gratia excidere malunt. Hoc igitur primum est, quod verus penitens apud se constituere atque decernere debet.

Cum igitur (vt antè diximus) totius Christianæ disciplinæ summa in hac lethalis peccati fuga atque detestatione posita sit, danda nobis opera est, vt diligenter ea persequi curemus, quæ nos ad hoc præstandum iuuare possint. Cæterum ad peccati fugam vix quicquam magis adiuvat, quàm peccandi occasiones fugere: alioquin (vt Sapiens ait) Qui amat periculum, peribit in illo. Si quis infirmum ac debilem hominem, baculo innitentem, & vix ossibus hærentem, apprehensam vestis lacinia violentè impelleret, an non facile eum deiceret atque prosterneret? Cùm igitur humana natura post communis peccati lapsum adeo ægra, infirma, & ad malum prona relicta sit, totquæ malorum semina intra se contineat, quid futurum speramus, si foris etiam peccandi opportunitas & occasio aut oculus posita sit? Quis enim dubitare poterit illam ruitoram, cùm frequenter etiam ipsa per se, ne uine impellente, ad malum præceps feratur? Quàm multi sunt à maleficio quidem abhorrentes, quos oblata opportunitas aut facultas in maleficiū impulsit? Hoc est igitur quod nos proposita in initio verba admonent, cùm offendicula, hoc est, peccatorum occasiones amouere suadent. Hinc Saluator in Euangelio tam acri oratione huiusmodi periculā vitare monet, cùm ait: Si manus tua, vel pes tuus scandalizat te, abscinde eum, & proiice abs te, &c. Et si oculus tuus scandalizat te, &c. Vix potuit hoc acrioribus verbis cælestis magister commendare: vtpote qui humanæ naturæ infirmitatem adeo perspectam & exploratam haberet.

Quod si quæras, cuiusmodi occasiones diligentius à nobis vitandæ sint, prima est prauorum hominum societas. Sic enim legimus: Qui tangit picem, inquinabitur ab ea: & qui comunicat superbo, induet superbiam. Talis enim quisq. efficitur, quales illi sunt, quorum contubernio & amicitia delectatur. Vnde est illud: Qui cū sapientibus graditur, sapiens erit; amicus stultorum similis

simile. efficietur. Si ferrum in ignem conieceris, fit ignis: si diu vel in
 terra, vel in aceruo salis esse pariaris, in terram & salem dura il-
 la & intractabilis natura conuertitur. Quid quòd fera etiam
 ipsa & truces leones, si ad homines assueverint, naturali ferita-
 te deposita mansuescunt: tantum societas eorum, quibuscum
 1. Cor. 5. versamur, valet. Hinc Apostolus ait: Scripsi vobis in episto-
 la, non commiscei, si is qui frater nominatur inter vos, est for-
 nicator, aut auarus, aut maledicus, cum huiusmodi &c. ci-
 bum sumere. Videte quàm longè ab improborum hominum
 societate nos abesse Apostolus voluit, quando ne cibum qui-
 dem cum illis capere sinir. Meminerat enim se dixisse: Cor-
 rumpunt bonos mores colloquia praua. Et, Modicum ferment-
 um totam massam corrumpit.
 2. Cor. 1.
 1. Cor. 5
 Sed longè tamen periculosior est virorum & feminarum
 (quando aetas cõsentit ad vitium) cohabitatio atq. communio,
 August. vel frequens etiam conspectus & consuetudo. Hinc D. August.
 Sine vlla dubitatione dico: qui familiaritatem non vult vitare
 mulierum, citò labitur in ruinam. Et hac occasione ait, vidisse
 se insignes meritis & pietate viros miserabiliter corruisse: de
 quorum casu non magis dubitabat, quàm Ambrosij aut Hiero-
 nymi. Verissimè enim ab eodem Hieronymo dictum est: Ferreas
 mentes libido domat. Hinc S. Isidorus, iuxta serpẽtem, inquit,
 Hieron. in epist.
 Isidor. positus, non eris & illaesus: & iuxta ignem consistens, ferreus
 licet sis, comburẽs. Quid verò illud Salomonis: Inveni, in-
 1. Eccl. 7. quirit, amariorem mortem mulierem, quàm laqueus venatorum est,
 & sagena eor. eius: vincula sunt manus illius. Animaduerte,
 quæ lo, quot similitudinibus mulieris potentiam ad capiẽdas &
 allaqueandas animas amplificauerit. Cuius rei cum innumera
 penè sint exempla, nullum neque mirabilius, neque formida-
 bilius, quàm eiused Salomonis afferri potest: qui cum omnium
 sapientum, quos mundus agnouit, sapientissimus voce Domini
 pronuntiatus esset, ad malorum omnium summum peruenit,
 idolo coluit, quia se ab alienigenarum feminarum con-
 sortio (quo ei Dominus propter eius periculi magnitudinẽ in-
 terdixerat) abdicare noluit. Quo crimine non seipsum modò,
 sed omnes penè filios Israël perdidit, qui propter hoc imma-
 ne scelus (Domino in eius vltionem permittente) a domo Da-
 uid, & sacri templi cultu & religione separati, idolorum sese
 cultui dederunt. Atque hoc tantum malum (quod nulla ora-
 tione explicari potest) ex eo ortum habuisse constat, quòd huius
 periculi occasionem Salomon vitare noluerit.

Nec consuetudo feminarum aut virorum, sed conspectus etiam viriulq. vitandi sunt. Sic enim legimus: Nec circumspicias in vicis ciuitatis, nec oberraueris in plateis illius. Per speciem enim mulieris multi corruerunt, & ex hoc concupiscentia quasi ignis exardescit. Hinc autem Hierosolyma excidium ortum habuisse, insinuat Hieremias Propheta, cum miseram vrbs calamitatem deplorans ait: Oculi mei depradatus est animam meam in cunctis filiabus populi mei. Cuius sceleris nequaquam in lamentationibus suis meminisset, nisi hoc etiam cum aliis interitum & vastationem miseræ vrbi attulisset. Quis autem verbis consequi possit, quàm multa homines flagitia hac oculorum licentia committant? Quo nomine Ecclesiasticus ait: Nequius oculo quid creatum est? Aiuunt qui de anatomes scientia scripserunt, oculorum fabricam & opificium inter omnia corporis humani membra maximè esse mirabile. Vt enim sensus hic inter omnes (vel ipso Aristotele teste) principem locum tenet, eius quoque fabrica omnem superat admirationem. Eatamen hominum peruersitas & ingratitude est, vt hoc summo Dei opere & beneficio (pro quo immortales opifici suo gratias agere perpetuò deberent) ad eius dedecus & offensionem maximè abutantur. Cum enim constet verum esse quod Saluator ait; Si quis viderit mulierem ad concupiscendum eam, iam mœchatus est in corde suo: quàm multi erunt, in quos illud Apostoli Iudæ iactari meritò possit; Oculos habentes plenos adult. & incessabilis delicti! Qua de causa Sapiens ille dicere non dubitauit: Nequius oculo quid creatum est? Nihil igitur in humano corpore (si fabricam Dei spectes) oculo (vt antè diximus) mirabilius: nihil verò oculo (si hominis lasciuiam consideres) nequius & execrabilius. Quocirca quisquis animæ suæ puritatem conseruare cupit, hanc in primis oculorum licentiam frenare contendat: hac enim ratione multorum laborum, curarum, dolorum, ac tentationum materiam vno ictu amputabit.

Aristot.

Abul.

Quarto deinde loco ludi sequuntur: qui (vt cætera eorum mala & incommoda, ac præcipuè iacturam temporis omittam) periuriis & rixis, atq; contentionibus, & interdum etiam blasphemis occasionem præbent. Quos etiam vitare curabit quisquis ab his malis immunis esse cupit. Hoc est igitur, fratres, alterum ex duobus peccatorum remediis, quo peccandi offendicula minuere in propositis verbis monemur, hoc est, omnes peccandi occasiones & pericula studiose vitare.

Supereſt al- rum, nempe precari ante faciem Domini. Hæc enim ratione diſcipulos ſuos Dominus aduerſus diaboli congreſſum armare volebat, cum ait: Vigilate & orate, ne intretis in temptationem. Orationis autem nomine, mentis elevationem ad Deum intelligimus: ſive cum opem & auxilium ab eo poſtulamus, ſive cum diuina mente volumus & cogitamus. Quæ quidem cogitatio contra eoſdem antiqui ſerpentis dolos nullo modo adiuuat. Vnde eſt iſta Prophetæ vox: Niſi quod lex tua meditatio mea eſt, tunc fortè periſſem in humilitate, hoc eſt, in afflictione mea. Vt autem hæc pia diuinarum rerum meditatio à peccato ſeruat, ita contrà eius neglectus atque prætermiſſio in mala omnia præcipitat. Sic enim de improbo legimus: Non eſt Deus in conſpectu eius: ſive (vt alij verterunt) in vllis cogitationibus eius. Vnde illud ſequitur quod mox ſubdit: Iniquitates ſunt viæ illius in omni tempore. Quis veſtrum, fratres, rationem mihi reddere poterit, quid ſibi Dominus voluerit, cum ad mirandam illam atq. inſuperabilem Samſonis fortitudinem in capillis ſitam eſſe voluerit? Quid capitis cæſaries ad fortitudinem, cum ſatis eſſet brachiis, reliquiſque corporis membris eam vim & robur præbere? Hoc planè myſterio vacare nullo modo poteſt. Quid igitur capillorum nomine myſticè intelligimus? Hoc planè D. Hier. explicuit, qui locum illum Iſaiæ explanans, Erat pro criſpanti crine caluitiu: criuium nomine, piarum precum & ſanctarum cogitationu ſtudia intelligit: quibus improbi homines, Deo ita permittente, deſtituuntur. Ve enim capilli ab externi hominis vertice deriuantur: ita piarum precum & ſanctarum cogitationu excitamēta ab interni hominis extrema & ſumma parte, hoc eſt, mente, fluunt: in quibus euſdē hominis fortitudo aduerſus omnes diaboli vires & machinas ſita eſt: cum per eas nobis diuinæ virtutis auxiliū præſto ſit: cuius fortitudo (vt ille aiebat) ſimilis eſt rhinocerotis. Quocirca, ſiquis eſt qui verè atque ex animo ab omni ſe lethali peccato deinceps cōtinere cupiat, illud pro comperro habeat, nunquam ſibi cæleſtem opem atque fortitudinem deſuturam (qua periculis omnibus atq. temptationibus diaboli ſuperior ſit) quam diu huiusmodi capillis, hoc eſt, ſanctis cogitationibus & precibus, mens eius ornata fuerit atque inſtructa. Si verò his crinibus homo deſtituatur, vehemētè formidare debet, ne (quod Samſoni abſciſſis capillis obigit) infirmus relinquetur, vt ceteri ho-

minum. Hoc enim nobis aperte insinuat Samsonis infirmitas, quæ capillorū abscissione consequuta est. Vnde protinus ab hostibus captus, exæcatus, atq. ab omnibus ludibrijs & iniurijs expositus fuit. O cui tanta dicendi vis atq. facultas inesset, vt huius veritate vobis persuadere, & oculis subicere posset! quanta videlicet eius animæ fortitudo ad omnia diaboli tela repellenda sit, quæ his crinibus ornata est: & quanta rursus eius mentis infirmitas & imbecillitas, quæ his crinibus destituitur! Quocirca inter omnia, quæ nos à peccatorum contagio immunes cōseruare possunt, principem locum tenet quod in propositis verbis audistis: Precare ante faciem Domini. Quo verbo assiduitas & studium orationis cōmendatur. Neq. enim satis est, semel aut iterum orare, aut verba multa sine intellectu voluere: assidua enim, ardenti, & quotidiana oratione opus est. Quam rem aperte Eccl. 1. 5. ecclesi. 1. 5. ecclesiasticus docuit, cū ait: Qui cōseruat legē, multiplicat orationem. Quia enim antiquus hostis nos semper à legis obseruatione retrahere tentat, nos quoq. aduersus illum diuinam opem semper implorare debemus. Quam rem vnico verbo Apostolus expressit, cū aduersus insidias diaboli orare omni tempore in spiritu docuit. Quibus verbis & orationis assiduitatem, & eiusdem feruore atq. deuotionem commendauit. Quicumq. autem huius virtutis studiosi sunt, & quantum roboris ea sectatoribus suis adiungat, nō legendo, sed experiēdo didicerunt, vix credunt posse aliquem diu in charitate & iustitia perseuerare, si virtutis huius auxilio prorsus destituatur. Quis enim (vt cæteras virtutum pugnas & labores præteream) illibatā pudicitiam sine orationis præsidio diu cōseruare poterit: cui tot laquei, tot pericula, tot insidiæ vbique locorum intenduntur, quæq. non solum corporis pollutione, sed sola potest cogitatione violari? Quis ergo (ait Hieronymus) gloriabitur castum se habere cor? Ephes. 6.

Si enim periculi huius meru non vacant, qui cælestem opem assiduis precibus implorant: in quo periculo versabuntur, qui huius virtutis prorsus expertes sunt? Quid enim de his sperari possit, nisi quod abscillis piarum precum capillis, infirmi seu ceteri hominum relinquantur, & Samsonis more ludibrio pateant inimicorum suorum? Hæc sunt, fratres, duo præcipua aduersus peccatum remedia, quæ vobis in propositis à me verbis traduntur: nempe peccatorum offendicula vitare, & precari ante faciem Domini. Quæ duo vobis, fratres charissimi, quàm commendatissima esse cupio. Micron.

Præter hæc autem remedia, sunt & alia, quæ plurimū ad hoc

ipsum conducunt: quæ propter temporis angustiam enumerare magis quam explicare possumus. Eorum primum atque summum est, Sacramentorum frequentior usus quandoquidem (ut ante diximus) sacramentalis gratia præcipuam quondam vim & robur aduersus peccata confert.

Deinde illud etiam maxime iuuat, prauis cogitationibus, cum primum ad cordis nostri ianuam pulsant, in ipso statim limine occurrere, atque hostem, dum parvus est, interficere: neque sinere, ut arcem mentis occupet, vel radices in anima faciat. Quod quidem facimus, cum ad Christi vulnera quanta possumus celeritate confugimus. His etiam adde quotidianam conscientie discussionem, atque examen, quo homo secum intrat in iudicium, & quâ ratione die expenderit, diligenter explorat: sequens ante iudicem Deum accusat, & lapsus suos vitare proponit. Ut autem Christianus homo libentius hoc nostrum siue consilium, siue peccati remedium amplectatur, duo gentilium Philosophorum exempla in medium afferam, qui hoc ipsum diligenter faciunt. Intrat alterum Sextij Stoici philosophi; alterum Senecæ. Vtrumque autem idem Seneca describit his verbis: Sextius, consummato iam die, cum se ad nocturnam quietem recepisset, interrogabat animum suum, Quod hodie malum tuum sanasti? cui vitio obstitisti? qua parte melior es? Desinet ira, & erit moderatior, quæ sciet sibi quoridie iudicem esse veniendum. Quid ergo pulchrius hac consuetudine excutiendi totum diem? Qualis ille somnus post recognitionem sui sequitur! quam tranquillius, altius, ac liber: cum aut laudatus est animus, aut admonitus: & speculator sui, censorque secretus cognoscit de moribus suis! Deinde de se quoque idem Seneca subdit: Vxor ego hac potestate, & quotidie apud me causam dico. Cum sublatum est conspectu lumen est, & cõiecit vxor, moris iam mei conscia; totum diem mecum scrutor, facta ac dicta mea rememor; nihil mihi ipse abscondo, nihil transeo: quare enim quidquam ex erroribus meis timeam, cum possim dicere; Vide ne istud amplius facias, puoc tibi ignosco. in illâ disputatione pugnacius locutus es: noli postea congradi cum imperitis. Nolumus discere, qui nunquam didicerunt: illum liberius admonuisti, quam debeas: itaque non emendasti, sed offendisti. De cætero vide non tantum an verum sit quod dicis, sed an ille, cui dicitur, veri patiens sit. Hactenus Seneca. Hoc ergo nobis exemplo sit, fratres, ut pudeat patriæ cælestis amore non facere, quod isti solo virtutis amore (quam vltimum expectandum esse putabant) facere soluerant.

Ut autem

CONCIO QVINTA.

Ut autem sub noctem præsentis diei à nobis rationem exigimus, ita cum primum lucelcit, quo ordine atq. ratione diè traducere, & à quibus porissimū vitijs cauere, & quibus studijs exerceri debeamus, prouidendum atq. statuendum est, atq; à Domino auxilium implorandum, quo ea, quæ apud nos decernimus & statuimus, implere valeamus. Postremo turpe otium fugiendum est: quod cum ad omnia mala aditum præbeat, ad lapsum tamen carnis faces etiam atq. incendia subministrat. Verissimè enim à Philosophis dictum est, impudicum amorem esse otiosorum hominum negotium. Vnde à Poëta dictum est: Finè qui quærit amori, Cedit amor rebus: resage, tutuseris. Hoc idem ego vobis, fratres, consilium quàm commendatissimū esse volo. Quod si vitæ vestræ conditio nullū occupationis genus admittit, lectio saltem piorum librorum, & orationis studio, à vobis otium non sine magno fructu abdicare licebit.

His autem omnibus extremū appono remedium: quòd cum toto affectu peccata omnia detestanda, atq. formidanda sint, primum tamen peccatum, quòd à Dei gratia & amicitia excidimur, & nudi atq. inermes inter hostium tela relinquimur, super omnia formidandum atq. vitandum est, propterea quòd primū hoc ceteris aditum præbeat. Videmus enim quòd cum primum homo nouam vestem induit, diligenter curat, ne vlla macula sordidetur: at vbi per incuriam sordes contrahere cœpit, protinus cura illa remittitur, & negligentius homo se in hac parte gerit. Quod quidem exemplum multo magis in veteris vitæ renouatione locum habet: quā si quis nouo peccato inquinauerit, non modo illam sordidat, sed etiam cælestis gratiæ robore & virtute nudat; atque ita inermem nudamq. inimicorum omnium telis exponit. Cuius rei insigne exemplum vobis ante oculos ponam. Illa Samælis imago, quæ Sauli Regi futurā postero die cladem exposuit, huius tantæ calamitatis causam etiam denunciavit: nempe quòd is non fecerit iram Domini cōtra Amalech, quam facere à Domino iussus erat. Mira profectò res, quòd cum Saul incredibili furore exagitatus septuaginta sacerdotes Domini vestitos Ephod interemerit, & Nobē ciuitatem sacerdotū nihil commeritam incenderit, ouem quæ & bouem, camelum & asinum gladio peremerit (quod crudelissimus omnium mortalium Nero nusquam fecisse memoratur: sola enim hominum morte contentus, in bruta animantia atq. iumenta nunquam ejus furor & immanitas defæuit) tamen hoc tantum nefas sileatur, & sola indiscreta illa pietas proferatur: propter quā cæ-

1. Reg. 15.

lestis aduersus eum vindicta parabatur. Quare hoc nimirum quia propter primum illud inobedientiæ crimen à Deo derelictus fuit, atq. eius Spiritu & gratia nudatus. Quæ res omnium aliorum criminum fons & origo existit. Quod si forte aliquando (diabolo suggerente) in crimen aliquod lapsi fuerimus, danda protinus opera est, vt, quam ocyssimè fieri poterit, ab eo resiliamus, & confessionis atq. poenitiæ remedio pristinam gratiam recuperare studeamus: ne, si hac cælesti ope nudati fuerimus, in alia atq. alia flagitia corruamus. Quemadmodum enim quæ domus suæ tectum integrum atq. incorruptum seruare studet, vbi primum stillicidiū aliquod in eo deprehēderit, remedium protinus adhibet; ne, si paruum illā rimulam neglexerit, finitima ligna putrescant, ac ita paulatim tota domus contignatio solvatur: ita quisquis conscientie suæ domum puram integramque seruare studet, si forte alicubi lapsus fuerit, salutaris poenitiæ remedium protinus adhibeat; ne lapsus lapsum, & culpa culpam pariat, atque ita ad extremum malorum homo perueniat. Hinc D. Chrysost. Quemcumq; (inquit) plaga vna inflicta nō mordet, hæc attrifat, is certe facile & alteram excipit; itemq. & hac accepta, tertiam. Neq. enim intermitit ad extremum vsq. spiritum feriens nefarius ille, quorisc inuenit animam supinam, prioresque plagas contemnentem.

simile.

Chry. lib.
s. de Sa-
cardorio.

Gregor.

Hæc omnia, fratres, breuiter, vt vidistis, percurrimus magis, quam explicuimus. partim tēporis angustia coacti, partim quod hæc ipsa salutis & vitæ nostræ remedia quotidie auribus vestris inculcanda & vberius tractanda seruamus. Oportet enim (vt D. Gregor. ait) sæpe reminisci, quod mundus cogit obliuisci. Si cui multa videor exigere, ponat sibi ante oculos diuina beneficia, Christi mortem atq. passionē, cælestem gloriā, quæ piis proposita est, & æterna supplicia atq. vltices flammæ, quæ improbis paratæ sunt. Cogitet etiam, multo maiora atq. acerosiora homines propter res fluxas & celeriter interituras aggredi & perire. Quam multi enim sunt, qui exiguæ mercedis gratia maria omnia lustrant, & peregrinas atque barbaras nationes adeunt! Quam multi, qui inter gladios & ignes vitam in bello præsentissimis periculis obiciunt! At quanto minus est, quod nos hic à vobis exigimus, vt vitam, salutē, gratiam Dei, amicitia, iustitiam, pacem, & conscientie tranquillitatē, filiorum Dei adoptionē, simul & cælestis patrimonij hereditatē assequamini! Quam nobis Christus Dominus concedere dignetur, qui cum Patre & Spiritu sancto viuit & regnat in sæcula seculorum, Amen.

A D

AD LECTOREM.

QUEMADMODVM in prima de Pœnitentia Con-
 cione duo illa exempla commemorauimus, quæ nos ad
 veram pœnitentiam opportuno tempore agendam
 inuitant: ita modo post extremam hanc, quæ de satisfac-
 tionis virtute habita est, aliud multo illustrius
 exemplum ex eodem auctore commemorare operæ pretium duxi:
 quod non modo ad satisfactionem, sed ad totam pœnitentia ratio-
 nem atq. ad eam omnem pietatem & iustitiam vehemēter homines
 (nisi ferrei sint) inducere poteris. Constat enim huiusmodi exem-
 pla, quæ a viris illustribus, & omni mendacij suspitione carenti-
 bus referuntur, ad omne genus homines, ac ad eos præcipuè qui pau-
 lo sunt tardiores permouendos, esse efficacissima. Quocirca non sunt
 ab his concionatoribus negligenda, qui non tam auram popularem
 captare, quàm auditoribus prodesse sitienter appetunt. Res igitur
 gesta, Beda referente, sic habet:



HIC temporibus miraculum memorabile & anti-
 quorum simile in Britannia factum est. Namq. ad
 excitationem viuientium, quidā aliquandiu mor-
 tuus ad vitā resurrexit corporis, & multa memo-
 ratu digna, quæ viderat, narrauit. E quibus hîc ali-
 qua breuiter perstringenda, esse putau.

Historia
 Eccles.
 Anglica.
 n. cap. 13.

Erat quidam pater familias in regione Nordamhimbrorum,
 religiosam cum domo sua gerēs vitam: qui infirmitate corpo-
 ris tactus, & hac indies crescente, ad extrema perductus, primo
 noctis tempore defunctus est: sed diluculo reuiuiscens, ac re-
 pentē residens, omnes qui corpori stantes aderant, timore im-
 menso perculsos, in fugam cōuertit. Vxor tamen, quæ eum am-
 pliùs diligebat, quamuis, multum tremēs & pauida, ibidē mau-
 sit. Quam ille consolatus, Noli, inquit, timere; quia iam verē
 surrexi à morte qua tenebar, & apud homines sum iterū vicere
 permissus. Non tamen ea mihi, quæ antè consueueram cōuer-
 satione, sed valde dissimili ex hoc tēpore viuendum est. Statimq.
 surgēs, abiit ad villulæ oratorium, & vsq. ad claram diem in ora-
 tione persistens, mox omnem quam possederat substantiam in
 tres diuisit portiones, e quibus vnā coniugi, alteram filiis tra-
 didit, tertiam sibi ipsi retentam, statim pauperibus distribuit.
 Nec multo post seculi curis absolutus, ad monasteriū Nailros,
 quod

quod Tuidi fluminis circumflexu magna ex parte clauditur, peruenit: acceptaq; contera, locum secretæ mansionis, quam præuiderat Abbas, intrauit, & ibi vsq; ad diem mortis in tanta mentis & corporis contritione durauit, vt multa illum, quæ alios lacerent, vel horrenda vel desideranda uidisse, etiam si lingua si feret, vita loqueretur. Narrabat autem hoc modo quod videbat: Lucidus, inquit, aspectu & clarus erat indumento qui me ducebat. Incedebantus autem tacentes, vt videbatur regi, contra ortu Solis solstitialē. Cumq; ambularem, deuenimus ad valem multæ latitudinis ac profunditatis, infinitæ autē longitudinis: quæ ad læuam nobis sita, vnum latus flammis feruentibus nimium terribile, alterum furenti grandine ac frigore nimium omnia perflante atq; vrente, non minus intolerabile præferebat. Vtrumq; autem erat animabus hominum plenum, quæ vicissim hinc inde videbantur quasi tempestatis impetu iactari. Cum enim vim feruoris in mensi tolerare nō possent, proflieabant miseræ in medium frigoris infesti. Et cum neq; ibi quicquam requiei inuenirēt, resiliabant rursus vrendæ in medium flammarum inextinguibilem. Cumq; hac infelici vicissitudine longē lateq; prout adspicere poterā, sine vlla quietis intercapidine innumerabilis spirituum deformium multitudo torqueretur; cogitare corpi, quod hic fortasse esset infernus, de cuius tormētis intolerabilibus narrare sæpius audiui. Respondit cogitationi meæ ductor, qui me præcedebat: Non hoc, inquit, suspiteris: non enim hic infernus. Ille, quem putas. At cum me hoc spectaculo tam horrendo perterritum paulatim in vltiora produceret, vidi subito ante nos obscurari incipere loca, & tenebris omnia compleri. Quas cum intrauimus, vsq; adeo paulatim condensatæ sunt, vt nihil præter ipsas adspicerem, excepta diuitiarum specie & veste eius qui me ducebat. Et cum progredieremur sola sub nocte per vmbas, ecce subito apparēt ante nos crebri flammarū tetrarū globi, ascendētes quasi de puteo magno, rursusque decedentes in eundem. Quō cum perductus essem, repente ductor meus disparuit, ac me solū reliquit in medio tenebrarum, & horrendæ visionis. At cum globi ignium sine intermissione modō alta peterent, modō baratri profunda repeterēt, cerno omnia que adscēdebant fastigia flammarum, plena esse spiritibus hominum, qui instar fauillarū cum fumo adscendentiū, nunc ad sublimiora procederent, nunc, retractis igniū vaporibus, relaberentur in profundum. Sed & factor incomparabilis cum eiusdem vaporibus ebulliens, amnia ista

tene-

Quid licet
Virtus circa

Seneca. ⁱⁿ ~~virtutibus~~ in
Imperio
morta

A: 1





Conc. Lat.
D. 11. 2.